

Matu

JEPTA 1

- [1] Bok in epepen Jijej Kūraij, nejin Devid, nejin Ebrean.
- [2] Ebrean e ar keotak Aisak; im Aisak e ar keotak Jekōb; im Jekōb e ar keotak Juda im ro jein im jaten;
- [3] Im Juda e ar keotak Pirez im Zira jān Temar; im Pirez e ar keotak Hezrōn; im Hezrōn e ar keotak Ram;
- [4] Im Ram e ar keotak Amminedab; im Amminedab e ar keotak Nashon; im Nashon e ar keotak Salmon;
- [5] Im Salmon e ar keotak Boaz jān Reab; im Boaz e ar keotak Obed jān Rut; im Obed e ar keotak Jesse;
- [6] Im Jesse e ar keotak Devid kiñ. Im Devid e ar keotak Solomōn jān lio kar pāleen Uraia;
- [7] Im Solomōn e ar keotak Rioboam; im Rioboam e ar keotak Abaija; im Abaija e ar keotak Esa;
- [8] Im Esa e ar keotak Jiosepat; im Jiosepat e ar keotak Joram; im Joram e ar keotak Uzzaia;
- [9] Im Uzzaia e ar keotak Jotam; im Jotam e ar keotak Eaz; im Eaz e ar keotak Hezekaia
- [10] Im Hezekaia e ar keotak Menassa; im Menassa e ar keotak Amōn; im Amōn e ar keotak Josaia;
- [11] Im Josaia e ar keotak Jekonaia im ro jein im jaten ṃaan, iien bōkļok ñan Babulōn.
- [12] Im ālikin iien bōkļok ñan Babulōn, Jekonaia e ar keotak Sialtiel; im Sialtiel e ar keotak Zirubbabel;
- [13] Im Zirubbabel e ar keotak Abaiud; im Abaiud e ar keotak Ilaiekim; im Ilaiekim e ar keotak Ezor;
- [14] Im Ezor e ar keotak Sedōk; im Sedōk e ar keotak Ekim; im Ekim e ar keotak Ilaiud;
- [15] Im Ilaiud e ar keotak Eliezar; im Eliezar e ar keotak Mattan; im Mattan e ar keotak Jekōb;
- [16] Im Jekōb e ar keotak Josep pāleen Meri, eo e ar keotak Jijej eo ṃaetan Kūraij.
- [17] Innām epepen otemjej jān Ebrean ñan Devid joñoul im emān epepen; im jān Devid ñan iien bōkļok ñan Babulōn joñoul im emān epepen; im jān iien bōkļok ñan Babulōn ñan iien Ri Kūraij joñoul im emān epepen.
- [18] Im wāween Jijej Kūraij ļotak āinwōt iṃ: Ke Meri jinen im Josep rejro karōk doon, ṃokta jān airro pālele, ar lo an bōrōro kōn Jetōb Kwōjarjar.
- [19] Innām Josep pāleen, bwe emṃan ṃwilin, im e jab kōṃaan kajook e iṃaan mejan armej, ej ļōmṃak bwe en ṃooj an joļok e.
- [20] A ke ej ļōmṃak kōn men kein, lo, enjel in Irooj ej weaak tok ñan e ilo tōṃak, im ba, Josep, nejin Devid, kwōn jab mijak in bōk pālioṃ Meri: bwe an bōrōro kōn Jetōb Kwōjarjar.

[21] Im e naaj keotak nejin maan, im kwō naaj likūt etan Jijej; bwe E naaj lomōoren ro doon jān jerōwiwi ko aer.

[22] Im emōj kōmman aolepen men in bwe en kaṃool naan Irooj e ar kōnono kōn ri kanaan eo, im ba,

[23] Lo, bōjin e naaj bōrōro, im e naaj keotak nejin maan, im re naaj ṇaetan Immanuel, ukōtōn naan in, Anij ipped wōj.

[24] Im Josep; ke emōj an ruj, ej kōmman āinwōt enje] in Irooj e ar jiroñ e, im bōk pāleen;

[25] Im e ar jaje e ñan tōr eo emōj an keotak nejin maan: im ej likūt etan Jijej.

JEPTA 2

[Ma 2.1] Im ke Jijej e ar lotak i Betleem in Judia ilo raan ko an Herod kiñ, lo, jet ri kanpil raar itok jān reear ñan Jerusalem,

[2] Im ba, Ewi Eo ej lotak kiñ an ri Ju ro? Bwe kōm ar lo iju eo An i reear, im iten kabuñ ñan E.

[3] Ke Herod kiñ e ar roñjake, ej kūmkūm, im ri Jerusalem otemjej ippān.

[4] Im ke e ar kokweiloklok pris re]ap im skraib otemjej an arnej ran ej kajjitōk ippaer ewi ijo Ri Kūraij e naaj lotak ie.

[5] Im re ba ñan e, Ilo Betleem in Judia: āindein ri kanaan e ar je,

[6] Im kwe Betleem, ilo bukwōn an Juda, kwō jab ediktata ippān Irooj ro in Juda; bwe juon Irooj e naaj itok jān eok , Eo e naaj seperd ro doō Israel.

[7] Innām Herod, ke e ar ṇooj an āiñintok ri kanpil, e]ap an kajjitōk ippaer, iien rot eo iju e ar wa]ok.

[8] Im ej jilkin]ok er ñan Betleem, im ba, Koṃwin ilen kanooj pukot niñniñ eo; im ñe komij lo E, koṃwin bōktok naan ñan eō, bwe in barāinwōt ilem kabuñ ñan E.

[9] Ke emōj aer roñjake kiñ eo, rej ilok; im lo, iju eo raar loe i reear, ej kāl]ok iṃaer]ok, ñan ioon kajjien ijo niñniñ ej pād ie.

[10] Ke rej lo iju eo, re mōṇōṇō im e kanooj]ap aer lañlōñ.

[11] Im rej de]oñ ilowan im, im lo niñniñ eo ippān jinen Meri; im rej buñpedo im kabuñ ñan E; im ke emōj aer er]oke ṃweiuk ko ṃweiieir, rej kaṃṃweiukiuki E; koo], im ijur, im mōrr.

[12] Im kōn an Anij kauwe er ilo tōṇak bwe ren jab jep]aak ñan ippān Herod, rej ilok ñan āne eo āneir ilo bar juon ial.

[13] Im ke remoot]ok, lo, enje] in Irooj ej weaaktok ñan Josep ilo tōṇak, im ba, Kwōn jerkak im bōk niñniñ im jinen, im ko ñan I]ipt, im kwōn pād ie ñan iien eo I naaj ba ñan eok: bwe Herod e naaj pukot niñniñ ne bwe en ṃan E.

[14] Im ej jerkak, im bōk niñniñ im jinen ilo boñ, im ilok ñan I]ipt;

[15] Im ej pād ie ñan tōr eo Herod emej: bwe en kaṃool naan Irooj e ar kōnono kōn ri kanaan, im ba, I ar kūr]tok Nejiō maan jān I]ipt.

[16] Innām Herod, ke e jeļā bwe ri kanpil raar kajekdoḡon e, eļap an illu, im ej jilkinļok im ḡan ļadik ro otemjej rej pād ilo Betleem im āne otemjej iturin, rūttaer ruo iio im redik jān er, āinwōt tōr eo e ar kanooj jeļā kake jān ri kanpil ro.

[17] Innām ar kaḡool naan ri kanaan Jeremaia e ar kōnono, im ba,

[18] Ar roñ ainikien i Rema, limō, im jañ, im liaajļoļ, Rejel e jañōt ro nejn; im bwe re jako, e jab kōḡaan bwe armej ren kaaenōḡḡan būruen.

[19] A ke Herod emej, lo, enjeļ in Irooj ej weaaktok ilo tōḡak ḡan Josep i Ijijt,

[20] Im ba, kwōn jerkak im bōk ļadik im jinen, im ilok ḡan āne in Israel: bwe re mej ro raar kōḡaan ḡan ļadik ņe.

[21] Im ej jerkak, im bōk ļadik im jinen, im itok ḡan āne in Israel.

[22] A ke ej roñ bwe Arkileōs ej Irooj ioon Judia, im pinej jenkwān Herod jemen, e lōļḡoñ in ilok ḡan āne eo: a Anij ej kauwe e ilo tōḡak bwe en ilok ḡan jet āne ḡōttan Galili;

[23] Im ej itok im jokwe ilo jikin

kwelok etan Nazeret: bwe en kaḡool naan ri kanaan raar ba, Re naaj likūt etan Ri Nazeret.

JEPTA 3

[Ma 3.1] Ilo raan ko Jon, ri peptaij, e ar itok, im kwaļok ilo āne jeḡaden in Judia,

[2] Im ba, Koḡwin ukeļok ippemi, bwe aelōñ in lañ epaak.

[3] Bwe e in eo ri kanaan Aiseia e ar kōnono kake, im ba, Ainikien juon ej laḡōj i āne jeḡaden, Koḡwin kapoj ial an Irooj, im kajinwe ial ko An.

[4] Im Jon in ej balle kōn nuknuk kooļan kamel, im kōpooļ ipin kōn kañūr kilin kidu; im kijen lokōs ko im ōne awiia.

[5] Innām ri Jerusalem, im ri Judia otemjej, im ri āne otemjej iturin Jordan rej ilok ḡan ippān;

[6] Im ej peptaij er ilo Jordan, im rej kwaļok jerowiwī ko aer.

[7] A ke ej lo elōñ Parisi im Saddusi rej itok ḡan an peptaij, e ba ḡan er, O bwijin vaiper ko, wōn e ar kauwe kom bwe koḡwin ko jān illu e naaj itok?

[8] Innām koḡwin jebar im lle ekkar ḡan ami ukeļok:

[9] Im koḡwin jab ļōḡḡak ilo būruemi, im ba, Ebreā e jememwōj: bwe ij ba ḡan kom, Anij ej maroñ in kejerkak ro nejn Ebreā jān dekā kein.

[10] Im kiiō eḡōj likūt ūlūl i okran wōjke ko... innām wōjke otemjej re jab jebar im eḡḡan leir, rej jeki im julok ilo kijeek.

[11] Ņa ij peptaij kom kōn dān ilo ukeļok ippemi: a Eo ej itok ālikū eļap an kajoor jān eō, ballin neen I patkake in bōki: E naaj peptaij kom kōn Jetōb Kwōjarjar im kijeek:

[12] An deel ej ilo pein, im E naaj kanooj karreoik jikin noe wit; im aintok wit eo An ḡa ilowan iḡōn wit; a E naaj tile kilin wit ilo kijeek re ban kune.

[13] Iien eo Jijej ej itok jān Galili ḡan Jordan, ḡan ippān Jon, bwe en peptaij E.

[14] A Jon ej bōbrae E, im ba, Eḡḡan Kwōn peptaij eō, im Kwōj itok ḡan ippa ke?

[15] Im Jijej e uwaak im ba ḡan e, Kwōn jab bōbrae Eō kiiō: bwe ekkar āindein arro kaḡool eḡḡan otemjej. Innām e jab bōbrae E.

- [16] Im ke emōj an Jijej peptaij, emōkaj An ato jān dān: im lo, e mejaļ ļok lañ ñan E, im Ej lo Jetōb ōn Anij ej kālaļtak āinwōt muļe, im jok ioon;
- [17] Im lo, ainikien jān lañ ej ba, E in Nejiō jitōnbōro ippa, Ij mōñōñō kake.

JEPTA 4

- [Ma 4.1] Iien eo Jetōb ej āñinļok Jijej ñan āne jemaden bwe tepiļ en kapo E.
- [2] Im ke Ej jitlok eñoul raan im eñoul boñ, tokālik E kwōle.
- [3] Im ri kapo ej itok ñan ippān im ba, Eļañne Nejin Anij kwe, Kwōn jiroñ dekā kein bwe ren erom bred.
- [4] A E uwaak im ba, Ar jeje, Armej e jāmin mour kōn bred wōt, a kōn naan otemjej rej waļoktok jān loñin Anij.
- [5] Innām tepiļ ej āñinlōñļok E ñan ilowan jikin kwelok ekwōjarjar; im kajijet E ņa ioon kijmen tempel eo,
- [6] Im ba ñan E, Eļañne Nejin Anij kwe, Kwōn kālaļļok: bwe ar je, E naaj jiroñ enjeļ ro An kōn Eok; im re naaj bōur Eok ioon peir bwe Kwōn jab itaak niom ilo dekā.
- [7] Jijej ej ba ñan e, Ar bar je, Kwōn jab kapo Irooj am Anij.
- [8] Tepiļ ej bar āñinlōñļok E ñan juon toļ e kanooj utiej, im kaalwōj E kōn aelōñ in laļ otemjej; im aer aiboojoj;
- [9] Im e ba ñan E, Men kein otemjej I naaj lewōj ñan Eok, eļañne Kwō naaj pedo im kabuñ ñan eō.
- [10] Im Jijej ej ba ñan e, Kwōn ilok, Setan: bwe ar je, Kwōn kabuñ ñan Irooj am Anij, im kwōn jermal ñan E wōt.
- [11] Innām tepiļ ej ilok jān E, im lo, enjeļ ro rej item jipañ E.
- [12] Im ke Jijej ej roñ bwe Jon ej pād ilowan prisōn, Ej ilok ñan Galili;
- [13] Im ke Ej ilok jān Nazeret, Ej item jokwe i Kaperneum epaak ñan lomaļo, i tōrerein āne ko Zebulōn im Naptelai:
- [14] Bwe en kaṃool naan Aiseia ri kanaan e ar kōnono, im ba.
- [15] Āne in Zebulōn im āne in Naptelai ijo iturin lomaļo, i eañin Jordan, Galili an ri aelōñ ko,
- [16] Armej ro raar pād ilo marok rej lo eļap meram; im ro raar pād i āne im jikin annañinmej, meram ej waļoklōñ ñan er.
- [17] Jān tōr eo Jijej ej jino An kwaļok, im ba, Koṃwin ukeļok ippemi; bwe aelōñ in lañ epaak.
- [18] Im ke Jijej ej etetal iturin lomaļo in Galili, Ej lo ruo jemjein jemjatin, Saimōn etan Piter, im Andru jaten, rej door ok i lojet; bwe ri eñōd erro.
- [19] Im Ej ba ñan er, Koṃwin ļoor Eō, im I naaj likūt koṃro ri eñōd armej.
- [20] Im emōkaj aer ilok jān ok ko aer im ļoor E.
- [21] Im ke Ej ilok jān ijo, Ej lo bar ruo jemjein jemjatin, Jemes nejin Zebedi im Jon jaten, ilo wa ippān jemeir Zebedi, rej kanwōdi ok ko aer; im Ej kūrtoke erro.
- [22] Im emōkaj aer to im ilok jān wa eo im jemeir im ļoor E.
- [23] Im Jijej ej etetal ilo aolepen Galili im katakin ilo imōn kwelok ko aer, im kwaļok gospel an aelōñ in lañ, im kemour nañinmej otemjej im mōjņo otemjej ippān armej raņ.

[24] Im E buñbuñlok ilo aolepen Siria; im rej bōktok ñan E ri nañinmej otemjej, ro dāpij er kōn jabdewōt nañinmej im eñtaan ko, im ro timoṇ raar moḵ ṇa ānbwinneir, im ro romōjoliñir, im ro raar akā; im Ej kemour er.

[25] Im eḷap jar an armej rej ḷoor E jān Galili, im jān Dekapolis, im jān Jerusalem, im jān Judia, im jān reeaar in Jordan.

JEPTA 5

[Ma 5.1] Im ke Ej lo jar ko, Ej wanlōñlok ñan toḷ: im ke Ej jijet, ri kaḷooran rej itok ñan ippān;

[2] Im Ej waḷaṇi loñin, im katakin er, im ba,

[3] Eṃōṇōṇō ro rej jeraṃōl ilo būrueir, bwe aer aelōñ in lañ.

[4] Eṃōṇōṇō ro rej būromōj: bwe naaj kaaenōṃṃan er.

[5] Eṃōṇōṇō ro ettā būrueir; bwe re naaj jolōt laḷ.

[6] Eṃōṇōṇō ro rej kwōle im maro kōn Kwōjarjar; bwe re naaj mat.

[7] Eṃōṇōṇō ro rej tūriaṃo; bwe naaj tūriaṃokake er.

[8] Eṃōṇōṇō ro erreō būrueir; bwe re naaj lo Anij.

[9] Eṃōṇōṇō ro ri kōllaajrak; bwe naaj ṇaetaer ro nejin Anij.

[10] Eṃōṇōṇō ro eṃōj matōrtōr er kōn aer Kwōjarjar; bwe aer aelōñ in lañ.

[11] Eṃōṇōṇō kom ñe armej re naaj kajjirere kake kom, im matōrtōr kom, im naaj ba naan ko renana otemjej ṇae kom, riab wōt, kōn Ña.

[12] Komwin lañlōñ, im kanooj buñbūruemi: bwe eḷap jinōkjeej ñan kom i lañ: bwe āindein aer matōrtōr ri kanaan ro moḵta jān kom.

[13] Kom joḷ in laḷ: a eḷaññe joḷ ejako nemān, naaj kejatōk e kōn ta? Innām enana, im rej joḷok e, im armej rej juuri.

[14] Kom meram in laḷ. Jikin kwelōk eo ej pād ioon toḷ, re ban ṇooje.

[15] Armej re jab tile ḷaam im likūt e iuṃwin jāpe, a ioon jikin ḷaam; im ej kamramḷok ro otemjej ilowan im.

[16] Āindein en romaak ami meram iṃaan mejan armej, bwe ren lo ami jermal ko reṃṃan, im nōbar Jememi i lañ.

[17] Komwin jab ḷōmṃak bwe I ar iten koḵkure kien, ak an ri kanaan ro katak: I ar jab iten koḵkure a kajejjeti.

[18] Bwe eṃool ij ba ñan kom, Ñan tōr eo lañ im laḷ re jako, juon kakōḷle edik ak juon jabōn edik e jāmin jako jān kien, ñan tōr eo naaj kajejjet men ko otemjeḷok.

[19] Innām jabdewōt eo e naaj koḵkure juon iaan kien ko redik, im naaj katakin armej āinwōt, naaj likūt e ediktata ilo aelōñ in lañ; a jabdewōt eo e naaj pokake im katakini, naaj likūt e in ḷap ilo aelōñ in lañ.

[20] Bwe Ij ba ñan kom, Eḷaññe ami kwōjarjar e jāmin ḷap jān eo an skraib ro im Parisi ro, kom jāmin deḷoñ in lañ.

[21] Kom ar roñ bwe ar ba ñan rūtto ro, Kwōn jab uror; im jabdewōt eo e naaj uror e naaj uwōta kōn ekajet eo;

[22] A Ij ba ñan kom, Jabdewõt eo ej illu ñan jein im jaten e naaj uwõta kõn ekajet eo: im jabdewõt eo e naaj ba ñan jein im jaten, Reka, e naaj uwõta kõn ri pepe: a jabdewõt eo e naaj ba, Kwõ bwebwe, e naaj uwõta kõn kijeek i Geena.

[23] Innām eļañne kwõj katok kõn aṃ joortak i lokatok, im ijo kwõj keememej bwe ewor aṃ nana ñan jiom im jatiõṃ,

[24] Kwõn likūt aṃ joortak ṅa imaan lokatok, im ilok; kwõn kaaenõṃṃan jiom im jatiõṃ ṃokta, innām item katok.

[25] Kwõn jarõbṃõkaj im medek ri kõjdate eok ñe kwõj pād ippān ilo ial; eļañne jab āinwõt, juon iien bõlen ri kõjdat e naaj ketak eok ñan Irooj in ekajet, im Irooj in ekajet e naaj ketak eok ñan ri kabõjrak, im joļok eok ṅa ilowan prisõn.

[26] Eṃool Ij ba ñan eok, Eļap aṃ ban itok jān ijo ñan tõr eo kwõj kõļļā ṃAn otemjej jeļok.

[27] Kom ar roñ bwe ar ba, Kwõn jab ļõñ;

[28] A Ij ba ñan kom, Jabdewõt eo ej kallimjek kõrā im mejkaiie eṃõj an ļõñ ippān ilo būruen.

[29] Im eļañne mejõṃ anbwijmaroñ ej kejerõwiwi eok, kwõn itūki im joļoke jān eok; bwe eṃṃan ñan eok, ñe ejako juon iaan raam, im en jab joļok aolepen ānbwinniõṃ ilo Geena.

[30] Im eļañne anbwijmaroñõṃ ej kejerõwiwi eok, bukwe im joļoke jān eok: bwe eṃṃan ñan eok ñe ejako juon iaan raam, im en jab joļok aolepen ānbwinniõṃ ilo Geena.

[31] Im ar barāinwõt ba, Jabdewõt eo e naaj joļok lio pāleen, en leļok ñan e jeje in kötļok;

[32] A Ij ba ñan kom, Jabdewõt eo e naaj joļok lio pāleen, eļañne jab kõn ļõñ, ej kaļõñ e bwe en ļõñ: im jabdewõt eo e naaj pāleek lio ar joļoke ej ļõñ.

[33] Bar juon, kom ar roñ bwe ar ba ñan rūtto ro, Kwõn jab kanejneṃ kõn naan in riab, a kwõn kaṃool ñan Irooj men ko kwõj kanejneṃ kaki:

[34] A Ij ba ñan kom, Komwin jab kanejneṃ; jab kõn lañ, bwe an Anij tūroon:

[35] Jab kõn la, bwe eran neen: jab kõn Jerusalem bwe jikin kwelok an Kiñ ļapļap.

[36] Im kwõn jab kanejneṃ kõn bõram, bwe kwõ jab maroñ kõṃṃan juon kooļ bwe en mouj ak kilmeej.

[37] A en ami naan Aet, aet; Jab, jab: bwe jabdewõt eo ewor jān naan kein ej itok jān eo enana.

[38] Kom ar roñ bwe ar ba, Mej en ṅaoṅān mej, im ñi en ṅaoṅān ñi:

[39] A Ij ba ñan kom, Komwin jab jojobe eo ej nana; a jabdewõt eo e naaj ubrare anbwijmaroñ in jepaṃ, kwõn bar oktak ñan jimattan.

[40] Im eļañne juon armej e kõṅnaan kwaļok eok ñan ekajet, im bõkļok aṃ kopā, kwõn bar āinwõt leļok ñan e aṃ koṃj.

[41] Im jabdewõt eo e naaj kamakokoik eok, bwe kwõn ilok ippānļok ilo juon ṃamil, en ruo alen aṃ ilok ippānļok.

[42] Kwõn leļok ñan eo ej kajjitõk ippaṃ, im eo e kõṅnaan karoñ eok kake, kwõn jab oktak jān e.

[43] Kom ar roñ bwe ar ba, Kwõn yokwe ri turõṃ, im kūtõtõkake ri kõjdate eok.

[44] A Ij ba ñan kom, Komwin yokwe ro ri kõjdate kom, im jar kõn ro rej matõrtõr kom;

- [45] Bwe komwin ro nejin Jememwōj i lañ: bwe Ej kotak aļ ioon ro renana im ioon ro remman, im kowōt ioon ro rewānōk im ioon ro re jab wānōk.
- [46] Bwe eļañne komij yokwe ro rej yokwe kom, ta jinōkjeej ñan kom? ri tōl owōj re jab kōmman āinwōt ke?
- [47] Im eļañne komij yokyokwe ro jeōmi im jatōmi wōt, ewi eļap ami kōmman jān ro jet? ri aelōñ ko re jab kōmman āinwōt ke?
- [48] Innām kom naaj weepñān āinwōt Jememwōj i lañ E weepñān.

JEPTA 6

- [Ma 6.1] Kōjparok bwe komwin jab kōmanman ami kwōjarjar imaan mejan armej bwe ren lo kom; eļañne jab āinwōt, ejjeļok oņeami ippān Jememwōj i lañ.
- [2] Innām ñe kōmman aņ mweiiēn tūriamo, kwōn jab jilel imaan, āinwōt an ro ri jeļā moņ kōmanman ilowan imōn kwelok ko, im ilo ial ko, bwe armej ren nōbar er. Eņool Ij ba ñan kom, Eņōj aer bōk oņāer.
- [3] A ñe kwōj kōmman am mweiiēn tūriamo, anmiiñōm en jab jeļā men eo an anbwijmaroñōm kōmman;
- [4] Bwe en ettino aņ mweiiēn tūriamo: im Jemaņ eo Ej lo ilo ettino, E naaj ñaoneaņ.
- [5] Im ñe komij jar, komwin jab āinwōt ro ri jeļā moņ: bwe re kōñaan jutak im jar ilowan imōn kwelok ko im i kāboņ in ial ko, bwe armej ren lo er. Eņool Ij ba ñan kom eņōj aer bōk oņāer
- [6] A kwe, ñe kwōj jar, kwōn deļoņ ilowan jikōm ettino im ñe eņōj kiil aņ aor, kwōn jar ñan Jemaņ ej pād ijo ettino; im Jemaņ ej lo ijo ettino, E naaj ñaoneaņ.
- [7] Im ñe komij jar, komwin jab ālij pata āinwōt ro ri pegan: bwe rej ļōmņak naaj roņjake er kōn an lōñ aer kōnono.
- [8] Innām komwin jab kajjioņe er; bwe Jememwōj e jeļā men ko komij aikuj moкта jān ami kajjitōk ippān.
- [9] Innām en wāween deiņ ami jar. Jememwōj i lañ, En Kwōjarjar Etaņ.
- [10] En itok Aņ aelōñ. Ren kōmanman ankil Aņ āinwōt i lañ, barāinwōt ioon laļ.
- [11] Rainin kwōn letok ñan kōm kijem rainin.
- [12] Im joļok amwōj muri ippaņ, āinwōt kōm ar joļok an armej muri ippem:
- [13] Im jab kadeļoņ kōm ilo kapo, a loņoņren kōm jān eo enana. Bwe Am aelōñ, im kajoor, im aibooj in deeo. Amen.
- [14] Bwe eļañne komij jeorļok bōd ko an armej, barāinwōt Jememwōj i lañ E naaj jeorļok bōd ko ami.
- [15] A eļañne kom jab jeorļok bōd ko an armej, barāinwōt Jememwōj e jāmin jeorļok bōd ko ami.
- [16] Bar juon, ñe komij jitlok, komwin jab kōmmeñ āinwōt ro ri jeļā moņ: bwe rej kananaik turin mejeir, bwe armej ren lo aer jitlok. Eņool Ij ba ñan kom, Eņōj aer bōk oņāer.
- [17] A kwe ñe kwōj jitlok, kwōn kapit bōraņ, im kwaļe turin mejōm;

- [18] Bwe am jitolok en jab walok ñan armej, a ñan Jemañ ej lo ijo ettino: im Jemañ ej lo ijo ettino E naaj ñaoneam.
- [19] Komwin jab koorlok mweiuk ñan kom ioon la], ijo dile im jo rej kañi, im ijo ro ri koqot rej rupe im koqote:
- [20] A komwin koorlok mweiuk ñan kom i lañ, ijo dile im jo re jab kañi, im ijo ro ri koqot re jab rupe im koqote:
- [21] Bwe ijo mweiom ej pad, barainwot buruom e naaj pad ie.
- [22] Jaam in anbwini mej: innam elañne emman mejom, aolepen anbwinniom e naaj obrak kon meram.
- [23] A elañne enana mejom, aolepen anbwinniom e naaj obrak kon marok. Innam elañne meram ilowañ emarok, e kanooj lap an marok.
- [24] Ejjelok armej e maroñ pokake ruo Irooj; bwe e naaj kojdate juon im yokwe eo juon; ak e naaj dapij juon im kajekdoon eo juon. Kom ban ri korijeran Anij im mweiuk.
- [25] Innam Ij ba ñan kom, Komwin jab inepata buruemi kon ami mour, ta eo kom naaj moñña, ak ta eo kom naaj idaa; im barainwot kon anbwinnemi, ta kom naaj balle. Mour e jab lap jan ekkak ke, im anbwini e jab aorok jan balle ke?
- [26] Komwin kallimjeke bao ko i mejatoto, bwe re jab jeor ak madmod ak aini ña ilowan imon ekkak, im Jememwoj i lañ Ej naajdik er. Kom jab aorok jan er ke?
- [27] Won iaami kon inepata buruen e maroñ in kaitoklok an mour ilo juon mokwoj in pa?
- [28] Im etke ami inepata boro kon balle? Komwin lomnak kon kieb ko ilo jikin kallib, ekojkan aer eddek;re jab jermal im re jab irap;
- [29] Im Ij ba ñan kom, Bwe an Solomon woj otemjej ilo an lotlot e jab ainwot juon iaan men kein.
- [30] Im elañne aindein an Anij kalotlot mar ko ilo jikin kallib, rej rainin im ilju jolok ilo um, e jab laplok An naballimi ke? O komeo, edik ami tomak!
- [31] Innam komwin jab inepata buruemi in ba, Ta je naaj moñña? Ak ta je naaj idaa? Ak e naaj kojkan ad balle?
- [32] Bwe ro ri aelon ko rej pukot men kein otemjej; bwe Jememwoj i lañ E jela ami aikuj men kein otemjej.
- [33] A komwin pukot mokta aelon in Anij, im Kwodarjar eo An; im naaj koorlok men kein otemjej ñan kom
- [34] Innam komwin jab inepata buruemi kon ilju; bwe ilju e naaj inepata kon men ko an. Nana ilo raan ej bwe ñan raan eo.

JEPTA 7

[Ma 7.1] Komwin jab ekajet bwe en jab ekajet kom.

[2] Bwe ilo ekajet eo komij ekajet kake, naaj ekajet kom: im ilo joñak eo komij joñak kake, naaj bar joñak ñan kom.

[3] Im etke kwoj kallimjek pelok edik ilowan mejan jiom im jatiom a jab lomnak kon wojke ilowan mejom?

- [4] A ekōjkan aṃ ba ñan jiom im jatiōm, In joḷok pelok edik jān mejōm; im lo, wōjke ej pād ilowan mejōm?
- [5] Kwe ri jeḷā moṃ, kwōn joḷok wōjke eo jān mejōm moṃta; innām kwō naaj loḷokjeṃ im joḷok pelok edik jān mejan jiom im jatiōm.
- [6] Koṃwin jab leḷok men eo ekwōjarjar ñan kidu rorrer ko, im jab julok bōōr ko ami iṃaan piik ko, ñe re ab juuri kōn loḷpiden neir, im oktak im koḷkure kom.
- [7] Kajjitōk im naaj lewōj ñan kom; kapukōt im kom naaj lo; kaḷḷaḷḷa, im naaj kapelḷok ñan kom:
- [8] Bwe eo ej kajjitōk ej bōk, im eo ej kapukōt ej lo, im eo ej kaḷḷaḷḷa naaj kapelḷok ñan e.
- [9] Ak wōn armej iaami, eḷañne nejin eṃṃaan ej kajjitōk bred, e naaj leḷok ñan e deka?
- [10] Ak eḷañne ej kajjitōk ek, e naaj leḷok ñan e jedpānit ke?
- [11] Innām eḷañne kom, ri nana, kom jeḷā leḷok men ko reṃṃan ñan ro nejimi, ekōjkan e jab ḷaḷok an Jememwōj i lañ leḷok men ko reṃṃan ñan ro rej kajjitōk ippān ke?
- [12] Innām men otemjej jabdewōt komij kōṃaan bwe armej ren kōṃanṃan ñan kom, en āindein ami kōṃanṃan ñan er: bwe men in kien im ri kanaan ro.
- [13] Koṃwin deḷoñ ilowan kōjām e rāniñ; bwe e depakpak kōjām, im e dilep ial eo ej tōl ḷok ñan mej, im elōñ ro rej deḷoñ ie;
- [14] Bwe e rāniñ kōjām, im e aidik ial eo ej tōl ḷok ñan mour, im e iiet ro rej loe.
- [15] Koṃwin kōjparok kom jān ri kanaan riab, ro rej itok ñan ippemi kōn wāween jiiip, a ilo būrueir āinwōt oḷip ko re lāj.
- [16] Kom naaj jeḷā kajjieir kōn leir. Armej rej ḷotḷot grep jān kālōklōk ko, ak fig jān mar kuj ke?
- [17] Āindein wōjke eṃṃan otemjej rej jebar im eṃṃan leir; a wōjke enana e jebar im enana leen.
- [18] Wōjke eṃṃan e ban jebar im enana leen; barāinwōt wōjke enana e ban jebar im eṃṃan leen.
- [19] Wōjke otemjej re jab jebar im eṃṃan leir, jeki im julok ilo kijeek.
- [20] Innām kom naaj jeḷā kajjieir kōn leir.
- [21] Jab otemjej rej ba ñan Eō, Irooj, Irooj, re naaj deḷoñtok ilo aelōñ in lañ; a eo ej kōṃanṃan ankilaan Jema ej pād i lañ.
- [22] Elōñ re naaj ba ñan Eō ilo raan eo, Irooj, Irooj, kōm ar jab rūkaanij kōn Etaṃ ke? im kōṃanṃan elōñ men in bwilōñ kōn Etaṃ ke?
- [23] Innām I naaj ba ñan er, I ar jaje kom: koṃwin ilok jān Eō, kom rej kōṃṃan nana.
- [24] Innām jabdewōt eo ej roñjake naan kein Aō, im kōṃanṃAn, naaj kajjioñe er āinwōt armej eo e jeḷāḷokjeṃ, im ej kalōk ṃweo iṃōn ioon bar:
- [25] Im e buñ wōt, im ibwijeplep, im ḷap kōto, im iuun iṃweo; im e jab buñ; bwe eṃōj kalōke ioon bar.
- [26] Im er otemjej rej roñjake naan kein Aō im jab kōṃanṃan, naaj kajjioñe er āinwōt armej eo e jajeḷokjeṃ, im ej kalōk ṃweo iṃōn ioon bok:
- [27] Im e buñ wōt, im ibwijeplep, im ḷap kōto, im iuun iṃweo; im ej buñ: im eḷap an buñ.

[28] Im ke Jijej ej kajemlɔk naan kein, jar ko rej bwilõñ kõn An katak;

[29] Bwe E ar katakin er ainwõt Irooj, im jab ainwõt skraib ro aer.

JEPTA 8

[Ma 8.1] Im ke emõj An wanlaɔtak jãn toɔ eo, eɔap jar ko rej ɔoor E.

[2] Im lo, juon lõba ej itok im kabuñ ñan E, im ba, Irooj, eɔaññe kwõ kõñaan, kwõj maroñ karreo eõ.

[3] Im Jijej ej erɔke pein, im uññür e, im ba, I kõñaan, kwõn erre. Im emõkaj an nañinmej in lõba jako im ej erre.

[4] Im Jijej ej ba ñan e, Lale bwe kwõn jab kõnnaanõk jabdewõt armej; a kwõn ilok im kwaɔok eok ñan pris eo, im leɔok joortak eo Moses e ar jiroñ, kõn men in kõnnaan ñan er.

[5] Im ke Jijej e ar deɔõñ ilo Kaperneum, juon senturiõn ej itok ñan ippãn im akweɔap ñan E,

[6] Im ba Irooj, ri korijera ej babu ilowan im e nañinmej kõn akã im eɔap an eñtaan.

[7] Im Jijej e ba ñan e, I naaj ilem kemour e.

[8] Senturiõn ej uwaak im ba, Irooj Ij patkake kõn am itok iumwin aõ kejenwan; a Kwõn ba naan wõt, im ri korijera e naaj mour.

[9] Bwe ña juon armej ettã jãn irooj, im ewor ri tariñae rej ettã jãn eõ; im ij ba ñan juon, Kwõn ilok im ej ilok: im ñan bar juon, Kwõn itok, im ej itok; im ñan ri korijera, Kwõn kõmmanmen in, im ej kõmmane.

[10] Ke Jijej ej roñ E bwilõñ im ba ñan ro rej ɔoor E, Emool Ij ba ñan kom, I ar jab lo tõmak eɔap im ainwõt ilo Israel.

[11] Im Ij ba ñan kom, Bwe elõñ re naaj itok jãn reear im jãn kapilõñ, im re naaj jibadek ippãn Ebrean, im Aisak, im Jekõb ilo aelõñ in lañ.

[12] A ro nejin aelõñ eo naaj joɔok er ña ilo kapin marok; ijo naaj jañ im ñi ɔaɔaɔ.

[13] Im Jijej ej ba ñan senturiõn eo, Kwõn ilok; im ainwõt am tõmak, en aindein kõmman ñan eok. Im ri korijeran ej mour ilo awa eo wõt.

[14] Im ke emõj an Jijej deɔõñ ilowan imõn Piter, Ej lo jilben Piter ej babu, im e nañinmej kõn bwil.

[15] Im Ej uññür pein, im nañinmej in bwil ej ilok jãn e; im ej jerkak im jermal ñan E.

[16] Ke ejota, rej bõktok ñan E elõñ ro timon raar mok ña anbwinnair: in Ej kajutakɔok jetõb ro kõn juon naan im kemour ro otemjej re nañinmej;

[17] Bwe en kamool an Aiseia ar kõnono, im ba, E make wõt bõk mõjñõ ko ar, im bõkɔok nañinmej ko ad.

[18] A ke Jijej ej lo eɔap jar ko rej kõpool E, ej jiroñ bwe ren ilok ñan lomalo jabuweo.

[19] Im juon skraib ej itok, im ba ñan E, Ri Kaki, I naaj ɔoor eok ijo jabdewõt Kwõj ilok ie ɔok.

[20] Im Jijej ej ba ñan e, Kidu jãkol ewor roñ aer, im bao in mejatoto ewor eleir; a Nejin armej ejjelok jikin An kababu bõran.

[21] Im bar juon iaan ro ri kaɔooran ej ba ñan E, Irooj, Kwõn kõtɔok eõ bwe in ilok mokta im kalbwinn jema.

[22] A Jijej ej ba ñan e, kwõn ɔoor Eõ; im liküt ro re mej bwe ren kalbwinn aer ri mej.

- [23] Im ke emōj An uwe ioon wa, ro ri kalooran rej loor E.
- [24] Im lo, lañ eļap ej buñ ioon loṃaļo, āinwōt bwe ɲo ko rej kalbubu wa eo: a Ej kiki.
- [25] Im ri kalooran rej itok ñan E, im kɔruj E, im ba, Irooj, kwōn loṃoɔɔ, kōmij jako.
- [26] Im Ej ba ñan er, Etke komij lōļñoñ, O kom edik ami tōmak? Innām Ej jerkak, im kauwe kōto ko im loṃaļo; im e kanooj lur.
- [27] A armej re bwilōñ im ba, Ie āin ļeiō: bwe kōto ko im loṃaļo rej pokake?
- [28] Im ke emōj An itok ñan loṃaļo jabuweo ilo ānen ri Gadara, Ej ioon ruo armej tiṃoṃ raar moḳ ɲa ānbwinneir, rej itok jān wūliej ko, im re kanooj ļāj bwe enjeļļok armej ej maroñ in itoitak ilo ial eo.
- [29] Im lo, rej lamōj im ba, Ta eo ippem im ippam, Kwe Nejin Anij? Kwōj iten kaeñtaan kōm moḳta jān iien ke?
- [30] Im etoļok jān er bwijin piik eļap rej mōñā.
- [31] Im tiṃoṃ ro rej akweļap ñan E, im ba, Eļaññe Kwōj kajutakļok kōm, Kwōn jilkinļok kōm ñan lowaan bwijin piik.
- [32] Im Ej ba ñan er, Iļok. Im rej jutakļok im deļoñ ilowan bwijin piik: im lo, bwijin piik otemjej re kanooj ettōrlaļ ļok ijo e ɲwilalaļ ñan lojet, im mej ilo dān.
- [33] Im ro raar naajdik er rej ko im ilok ñan jikin kwelok, im kōnnaan kōn men otemjej, im kōn ro tiṃoṃ raar moḳ ɲa ānbwinneir.
- [34] Im lo, ri jikin kwelok eo otemjej rej iten ioon Jijej: im ke rej lo E, rej akweļap ñan E bwe En ilok jān āne ko āneir.

JEPTA 9

- [Ma 9.1] Im Ej uwe ioon wa, im tōl ļok, im tōkeak ļok ilo jikin kwelok eo An.
- [2] Im lo, rej bōktok ñan E juon armej e nañinmej kōn akā, ej babu ioon kinien; im ke Jijej ej lo aer tōmak, Ej ba ñan ļeo e nañinmej kōn akā, Nejiō, kwōn peran; emōj jeorļok jerowiwu ko am.
- [3] Im lo, jet iaan skraib ro re ba ilo būrueir, Armej in ej blaspim.
- [4] Im Jijej e jeļā aer ļōmṃak im ba, Etke komij ļōmṃak nana ilo būruemi?
- [5] Bwe ewi iaer e mōrā in ba, Emōj jeorļok jerowiwu ko am; ak, Kwōn jerkak im etal?
- [6] A bwe koṃwin jeļā Nejin armej e maroñ ioon laļ bwe En jeorļok jerowiwu, (innām Ej ba ñan eo e nañinmej kōn akā) Kwōn jerkak im bōk kiniōm, im ilok ñan ɲweo imōm.
- [7] Im ej jutak, im etal ñan ɲweo imōn.
- [8] Im ke jar ko rej loe, re lōļñoñ, im nōbar Anij, eo e ar leļok maroñ āinwōt in ñan armej.
- [9] Im ke Jijej ej etal jān ijo, Ej lo juon armej, etan Matu, ej jijet ilo jikin owōj: im E ba ñan e, Kwōn loor Eō. Im e jutak im loor E.
- [10] Im ke Ej jibadek im mōñā ilowan im, lo, elōñ ri tōl owōj im ri jerowiwu rej itok im jibadek ippān im kab ro ri kalooran.
- [11] Im ke Parisi ro rej loe, re ba ñan ro ri kalooran, Etke ami Ri Kaki ej mōñā ippān ri tōl owōj im ri jerowiwu raṃ?
- [12] A ke Ej roñjake, E ba, Ri ājmour re jab aikuj rū uno, a ro re nañinmej wōt.

[13] A komwin ilen katak rāpeļtan men iņ, I kōņaan tūriamo im jab katok: bwe I ar jab iten kūrtoke ro remman, a ro ri jerowiwī.

[14] Iien eo ri kaļooran Jon rej itok ñan ippān, im ba, Etke kōm, im ro ri kaļooran Parisi raņ, kōmij jitolok makij, a ri kaļooram re jab jitolok?

[15] Im Jijej ej ba ñan er, Ro jeran ļeo pālele, rej maroņ būromōj ilo iien eo ļeo ej pād ippaer ke? a raan ko re naaj itok ñe naaj bōkļok ļeo jān er, im iien eo re naaj jitolok.

[16] Ejjeļok armej ej karpen mōttan nuknuk e jaņin jān ñan nuknuk emor; bwe mōttan eo e jaņin jān ej kekeel nuknuk eo, im eļapļok an potak.

[17] Im armej re jab etteiņ wain ekāal ilo bōkā ko remor; im eļañne āinwōt, bōkā ko rej rup, im wain etoņor ļok, im bōkā ko re jako: a rej etteiņ wain ekāal ilo bōkā ko rekāal im rejro pād.

[18] Ke Ej kōnono men kein ñan er, lo, juon Irooj ej itok, im kabuņ ñan E, im ba, Nejiō ledik e mej kiiō; a Kwōn itok im likūt peim ioon, im e naaj mour.

[19] Im Jijej e jutak im ļoor e, kab ro ri kaļooran.

[20] Im lo, juon kōrā, e ar naņinmej kōn toņor ļok bōtōktōk iumwin joņoul im ruo iiō, ej itok ilikin, im uņņūr tōrerein nuknuk eo an;

[21] Bwe e ar ba ilo būruen, Eļañne ij uņņūr wōt an nuknuk, I naaj mour.

[22] A Jijej ej oktaklik, im ke Ej lo e, E ba, Nejiō kwōn peran; am tōmak e ar kemour eok. Im kōrā eo ej mour jān awa eo.

[23] Im ke Jijej ej itok ilowan imōn irooj eo, im lo ro ri kōjaņjaņ im armej ro rej limō,

[24] E ba ñan er, Komwin diwōjļok bwe jiroņ e jab mej, a ej kiki. Im rej kajjirere kake.

[25] A ke emōj kadiwōjļok armej, Ej deļoņ ilowan, im kabwijere pein, im jiroņ eo ej jerkak.

[26] Im e buņbuņļok men iņ ilo aolepen āneo.

[27] Im ke Jijej ej ilok jān ijo, ruo armej re pilo rej ļoor E, im lamōj, im ba, Kwe Nejin Devid, kwōn tūriamokake kōmro.

[28] Im ke emōj an itok ilowan mweo, ro re pilo rej itok ñan ippān; im Jijej ej ba ñan er, Komro tōmak bwe Ij maroņ kōmanman men iņ ke? Re ba ñan E, Aet, Irooj.

[29] Innām Ej uņņūr mejeir, im ba, Āinwōt ami tōmak, en āindein ñan kom.

[30] Im mejeir re loļokjeņ: im eļap an Jijej kauwe er, im ba. Lale bwe komwin jab kōnnaanōk jabdewōt armej.

[31] A erro, ke raar ilok, rej kabuņbuņļok E ilo aolepen āne eo.

[32] Im ke rej diwōj ļok, lo, ar āņintok ñan E juon armej e ban kōnono, im timoņ e ar moķ ña ānbwinnen.

[33] Im ke emōj an kajutakļok timoņ, eo e ban kōnono ej kōnono; im jar ko re bwilōņ, im ba, ar jab lo āinwōt, moķta ilo Israel.

[34] A Parisi ro re ba, Ej kajutakļok timoņ ro kōn irooj in timoņ ro.

[35] Im Jijej ej etetal ilo jikin kwelok ko otemjej reļap im redik, Ej katakin ilowan imōn kwelok ko aer, im kwaļok gospel an aelōņ in laņ, im kemour ro re naņinmej otemjej, im mōjņo otemjej ippān armej raņ.

[36] A ke Ej lo jar ko, Ej tūriamokake er, bwe rej parōk, im jeplōklōk āinwōt jiiip ko ejjeļok aer seperd.

- [37] Innām Ej ba ñan ro ri kalooran, Eļap jonikōn, a e iiet ri jermal;
[38] Innām koṃwin jar ñan Irooj in maḍmōd, bwe En jilkinlok ro ri jermal ilo jonikōn eo An.

JEPTA 10

- [Ma 10.1] Im Ej kūrtoḱ joñoul im ruo ri kalooran ñan ippān im lelok ñan er kajoor ioon jetōb ettoon ro bwe ren kajutaklok er, im bwe ren kemour nañinmej otemjej im mōjṅo otemjej.
- [2] Im joñoul im ruo ri jelōk etaer kein; Eo mokta Saimōn āt eo juon Piter, im Andru jaten, Jemes nejin Zebedi im Jon jaten,
- [3] Pilip im Bartolomu, Tomas im Matu ri tōl owōj, Jemes nejin Alpiōs im Tadiōs,
- [4] Saimōn ri Kena, im Judas Iskariōt eo e ar ketak E.
- [5] Rein joñoul im ruo Jijej e ar jilkinlok im jiroñ er im ba. Koṃwin jab ilok ilo ial an ri aelōñ ko, im jab deļoñ ilo jabdewōt jikin kwelok an ri Sameria;
- [6] A eṃṃan koṃwin ilok ñan jiiip ko re jebwābwe, nukwin Israel.
- [7] Im ñe komij ilok, koṃwin kwaļok, im ba, Aelōñ in lañ epaak.
- [8] Kemour ro re nañinmej, kajerkakpeje ro raar mej, karreoik lōba ro, kajutaklok timoṅ ro: kom ar bōk im ejej oṅān, en āindein ami lelok.
- [9] Koṃwin jab eāt kooļ, im silver, im jinibḡor ṅa ilowan kañūr ko ami;
- [10] Enjellok bōjḡ in ami etal, jab ruo kopā, jab ballin neimi, jab jokoṅ; bwe ri jermal ej tōllōkōn kijen.
- [11] Im ilo jabdewōt jikin kwelok eļap ak edik kom naaj deļoñ ie, koṃwin kajjitōk wōn eo eṃṃan ilowan; im ijo koṃwin pād ie ñan tōr eo komij diwōjlok.
- [12] Im ñe komij deļoñ ilowan jabdewōt im koṃwin yokyokwe e.
- [13] Im eļaññe eṃṃan ṃweo, ami aenōṃṃan en pād ioon: a eļaññe e jab eṃṃan ṃweo, en bar jepļaaktok ami aenōṃṃan ñan kom.
- [14] Im jabdewōt eo e jāmin bōk kom, im jab roñ naan ko ami, ñe komij ilok jān ṃweo ak jikin kwelok eo, koṃwin joken būñalñal jān neimi.
- [15] Eṃool Ij ba ñan kom, Āne Sodōm im Gomorra re naaj eṃṃan jān jikin kwelok eo ilo raan eo raan in ekajet.
- [16] Lo, Ij jilkinlok kom āinwōt jiiip ko ilo bwijin kidu oļip ko: innām koṃwin mālōtlōt āinwōt jedpānit ko im jouj āinwōt ṃuļe ko.
- [17] A koṃwin kōjparok kom jān armej: bwe re naaj ketak kom ñan ro ri pepe, im re naaj deñloke kom ilo iṃōn kwelok ko aer;
- [18] Im re naaj āñinlok kom ñan irooj ro im kiñ ro kōn ña, kōn men in kōnnaan ñan er im ri aelōñ ko.
- [19] A ñe rej ketak kom, koṃwin jab inepata būruemi ekōjkan ak ta kom naaj kōnono; bwe naaj lewōj ñan kom ilo awa eo men eo kom naaj ba.
- [20] Bwe e jab komeo komij kōnono, a Jetōb an Jememi ej kōnono ilo kom.
- [21] Im jein im jaten ṃaan e naaj ketak jein im jaten ṃaan ñan mej, im jemen e naaj ketak nejin; im nejir re naaj jutak juṃae jemeir im jineir im jarōklok bwe ren mej.
- [22] Im armej otemjej re naaj kōjdate kom kōn Eta: a eo ej kijenmej ñan jemlokōn naaj loṃḡoren e.

- [23] A ñe rej matörtöre kom ilo juon jikin kwelok, komwin ko ñan bar juon: bwe emool Ij ba ñan kom, E jāmin mōj ami etetal ilo jikin kwelok ko an Israel mokta jān iien Nejin armej itok.
- [24] Ri katak e jab utiej jān an Ri kaki, im ri korijeran e jab utiej jān Irooj eo an.
- [25] Ej bwe ñan ri katak eļañne ej āinwōt ri kaki eo an, im ri korijeran āinwōt irooj eo an. Eļañne raar ñaetan Irooj in im Beelzebub, e naaj ļapļok aer ñaetan ro doon im āinwōt!
- [26] Innām komwin jab mijak er; bwe ejjeļok men eo e libubu im e jāmin eleklok; im ņooje im e jāmin waļok.
- [27] Men eo Ij ba ñan kom ilo marok, komwin kōnono kake ilo meram: im men eo komij roñ ilo ļojilñemi, komwin kwaļok ioon kejenwan ko.
- [28] Im komwin jab mijak ro rej man ānbwin, a jab maroñ man an: a emman komwin mijak Eo ej maroñ man an im ānbwin na ilo Geena.
- [29] Re jab wia ruo bao sparro kōn juon penni ke? im juon iaer e jāmin wōtļok ioon bwidej im Jememi e jab lale.
- [30] A emōj bwini kooļan bōrōmi otemjeļok.
- [31] Innām komwin jab mijak, eļap ami aorōk jān elōñ sparro.
- [32] Innām ro otemje re naaj kwaļok Eō imaan mejan armej, I naaj barāinwōt kwaļok er imaan mejan Jema ej pād i lañ.
- [33] A jabdewōt eo e naaj kaarmejjet Eō imaan mejan armej, I naaj bar āinwōt kaarmejjete imaan mejan Jema ej pād i lañ.
- [34] Komwin jab ļomņak bwe Ij itok bwe In jilkinļok aenōmman ioon laļ: I ar jab itok bwe In jilkinļok aenōmman, a jāje.
- [35] Bwe Ij itok bwe In kiojaljaļ armej ñan jemen, im nejin kōrā ñan jinen, im bar nejin kōrā ñan bar jinen.
- [36] Im ro an armej ri kōjdat re naaj ro nukwin.
- [37] Eo eļap an yokwe jemen ak jinen jān Eō, e patkake Eō; im eo eļap an yokwe nejin man ak kōrā jān Eō e patkake Eō.
- [38] Im eo e jab bōk an debwāal im ļoor Eō e patkake Eō.
- [39] Eo ej lo an mour, eñin e naaj jako jān e; im eo ej joļok an mour kōn Ña, e naaj lo e.
- [40] Eo ej bōk kom ej bōk Eō, im eo ej bōk Eō, ej bōk Eo e ar jilkintok Eō
- [41] Eo ej bōk ri kanaan ilo etan ri kanaan, e naaj bōk jinōkjeej an ri kanaan; im eo ej bōk armej ewānōk ilo etan armej ewānōk, e naaj bōk jinōkjeej an armej ewānōk.
- [42] Im jabdewōt eo e naaj leļok kein idaak dān emōļo limen ñan juon iaan rein redik, ilo etan ri kaļoor wōt, emool Ij ba ñan kom, e jāmin jako jinōkjeej eo an.

JEPTA 11

[Ma 11.1] Im ke emōj an Jijej jiroñ joñoul im ruo ri kaļooran, Ej ilok jān ijo bwe En katakin im kwaļok ñan armej ilo jikin kwelok ko aer.

- [2] A ke Jon e ar roñ ilo prisōn jermal ko an Ri Kūraij, ej jilkinļok ro ri kaļooran,
- [3] Im ba ñan E, Kwe Eo ej itok ke, ak kōmij pukot bar juon?
- [4] Jijej e uwaak im ba ñan er, Komwin ilem kōnnaanōk Jon men ko komij roñjake im loi;
- [5] Ro re pilo rej loļokjeņ im ro re kūrro rej etetal, karreoik lōba ro, im ro re jaroñroñ rej roñļokjeņ, ro re mej rej jerkakpeje, im kwaļok gospel ñan ro ri jeramōl.

- [6] Im emōḡōḡō jabdewōt eo e jāmin tipñōl kōn Ña.
- [7] Im ke rej ilōk, Jijej e jino an ba ñan jar ko kōn Jon, Ta eo kom ar ilen alwōj ilo āne jemaden? Juon koba kōto ej idik ke?
- [8] A ta eo kom ar ilen alwōj? Armej ej kōḡak nuknuk emeoeo ke? Lo, ro rej kōḡak nuknuk meoeo rej ilowan mo ko imōn kiñ ro.
- [9] A etke kom ar ilōk? bwe koḡwin lo ri kanaan ke? Aet, Ij ba ñan kom, im eḡap jān ri kanaan.
- [10] Bwe e iḡ eo emōj jeje kōn e, Lo, Ij jilkinḡok ri jelōka imaan mejōm, eo e naaj kapoj am ial imaan.
- [11] Emool Ij ba ñan kom, Ejjeḡok juon e ar waḡok iaan ro rej ḡotak jān kōrā, eḡap jān Jon ri peptaj: a eo ej edik wōt i aelōñ in lañ ej eḡap jān e.
- [12] Im jān raan ko an Jon ri peptaj ñan iien in, rej kaiur er ñan aelōñ in lañ, im ro ri kaiur rej kate er, im tōpar e.
- [13] Bwe ri kanaan otemjej im kien raar rūkaanij ñan iien Jon.
- [14] Im eḡaññe kom kōḡaan bōk e, e in Elaija eo ej itok.
- [15] Eo ewor ḡjilñin bwe en roñ, en roñḡokjeḡ.
- [16] A I naaj kajjioñe āinwōt ta epepen in? Ej āinwōt ajri ro rej jijet ilo jikin wia, im kūrtook doon,
- [17] Im ba, Kōm ar kōjañjañ ñan kom im kom ar jab eb; kōm ar limō ñan kom im kom ar jab jañ.
- [18] Bwe Jon e ar itok im jab mōñā im jab idaak, im rej ba, Tiḡoḡ ippan.
- [19] Nejin armej e ar itok im mōñā im idaak, im rej ba, Armej e mattia, im ej idaak wain, jeran ri tōl owōj im ro ri jerowiwī. Im kowānōk jeḡḡḡokjeḡ kōn jermal ko an.
- [20] Iien eo E jino An eḡok jikin kwelōk ko ijo E ar kōḡanḡan elōñ men in bwilōñ An, bwe raar jab ukeḡok ippaer:
- [21] Wo ñan kwe, Korezin! Wo ñan kwe, Betseida! bwe eḡaññe I ar kōḡanḡan men in bwilōñ ko ilo Tair im Saidon, āinwōt I ar kōḡanḡan ilo koḡro, re naaj kar ukeḡok ippaer wōt eto ilo nuknuk ekilep iden im bwidej in upaaj.
- [22] A Ij ba ñan kom, Tair im Saidon re naaj emḡan jān koḡro ilo raan in ekajet.
- [23] Im kwe Kaperneum, naaj koutiej eok ñan lañ ke? Kwō naaj wanlaḡ ḡok ñan Hedis: bwe eḡaññe men in bwilōñ ko I ar kōḡanḡan ilo eok, ar kōḡanḡan ilo Sodōm e naaj kar pād ñan rainin.
- [24] A Ij ba ñan kom, Ilo raan in ekajet, āne Sodōm e naaj emḡan jān kwe.
- [25] Ilo iien eo Jijej e uwaak im ba, Ij kaḡmoolol Eok O Jema, Irooj in lañ im laḡ, bwe Kwaar ḡooj men kein jān ro ri mālōtlōt im ri jeḡḡḡokjeḡ, im Kwaar kwaḡoki ñan niñniñ raḡ.
- [26] Aet, Jema: bwe emḡan āindein imaan mejōm.
- [27] Jema e ar letok men otemjej ñan Eō: im ejjeḡok en e jeḡā Nejin, a Jema wōt, im ejjeḡok en e jeḡā Jema, a Nejin wōt, im jabdewōt eo Nejin e kōḡaan kwaḡok E ñan e.
- [28] Koḡwin itok ñan ippa, kom otemjej rej jermal im ban, im I naaj kakkijeik kom.
- [29] Koḡwin bōk Aō ine im likūte i aerami, im katak ippa; bwe Ij ineemḡan im ettā būruō: im kom naaj lo an ami kakkije.
- [30] Bwe Aō ine ej emḡan, im men eo Ij inek e e mōrā.

JEPTA 12

[Ma 12.1] Ilo iien eo Jijej e ar etal iumwin raan in Jabõt ilo jikin kallib korn ko; im ri kalooran rej kwõle, im jino lotte leen korn im mõñã.

[2] Im Parisi ro, ke rej loe, re ba ñan E, Lo, ri kalooran rej kõmman men eo emõ aer kõmman ilo Jabõt.

[3] A Ej ba ñan er, Kom ar jab kõnono ilo bok ke, men eo Devid e ar kõmman ke e ar kwõle, im ro ippãn;

[4] Ekõjkan an deļõn ilowan imõn Anij, im mõñã bred in kaalikkar eo, emõ an mõñã kab ro ippãn, a e jab mõ an pris ro wõt?

[5] Ak kom ar jab kõnono ilo kien kõjkan ilo raan in Jabõt pris ro ilo tempel rej kõkkure Jabõt im ejjeļok rueir ke?

[6] A Ij ba ñan kom, Juon ej pãd ijin eļap jãn tempel.

[7] A eļañne kom ar jeļã meļeļein naan in, I kõñaan tũriamõ, im jab katok, kom jãmin kar liaakļok ri jeļok ruõn.

[8] Bwe Nejin armej Ej Irooj in Jabõt.

[9] Im Ej ilok jãn ijo im deļõn ilowan imõn kwelok eo aer:

[10] Im lo, juon armej emõrã pein. Im rej kajjitõt ippãn, im ba, Emãlim kemour ilo raan in Jabõt ke? bwe ren kinaakļok E.

[11] Im Ej ba ñan er, Ewi juon iaami, im e naaj an juon jiiip, eļañne e naaj wõtlok ilo roñ ilo Jabõt, e jãmin kabwijere im kotake?

[12] E nañin lap an armej aorõk jãn jiiip! Innãm emãlim kõmman emman ilo raan in Jabõt.

[13] Im Ej ba ñan leo, Kwõn erļoke peim. Im ej erļoke; im emour ãinwõt pein eo juon.

[14] A Parisi ro rej ilok im pepe ñae E, e naaj kõjkan aer man E.

[15] Im ke Jijej e jeļã, Ej ilok jãn ijo: im eļap jar ko rej ļoor E, im Ej kemour er otemje:

[16] Im Ej kauwe er bwe ren jab kõnnaan kõn E:

[17] Bwe en kamool naan Aiseia ri kanaan e ar kõnono, im ba,

[18] Lo, Nejiõ eo I ar kããlõte; Eo e jitõnbõro ippa, im eļap Aõ lañlõñ kake: I naaj likõt Aõ Jetõb ioon, im E naaj kwaļok ekajet ñan ro ri aelõn ko.

[19] E jãmin akwããl, im jab lamõj: im ejjeļok armej e naaj roñjake ainikien ilo ial ko.

[20] Koba eobõp E jãmin ruje, flax e baatat E jãmin kune ñan tõr eo E naaj jilkinļok ekajet ñan anjo.

[21] Im ri aelõn ko re naaj kõjatdikdik er ilo Etan.

[22] Iien eo rej bõktok ñan ippãn juon armej timõn e ar mõk ña ãnbwinnen, epilo im e ban kõnono: im Ej kemour e, ãinwõt bwe eo, e ban kõnono, ej kõnono im loļokjen.

[23] Im armej otemjeļok rej bwilõn, im ba, Le in E nejin Devid ke?

[24] A ke Parisi ro rej roñjake, re ba, Armej i e jab kajutakļok timõn ro, a kõn Beelzebub Irooj in timõn ro.

[25] Im Jijej e jeļã aer ļõmņak, im ba ñan er, Jabdewõt aelõn in kiñ im emõj kõjepel e jimattan jumae jimattan e naaj jako; im jikin kwelok ak im eļañne e jepel jimattan jumae jimattan e naaj jako,

- [26] Im eļañņe Setan ej kajutakļok Setan, e karuoik an pepe; innām e naaj kōjkan an aelōñ pād?
- [27] Im eļañņe Ña kōn Beelzebub Ij kajutakļok timoņ ro, kōn wōn eo ro nejimi rej kajutakļok er? kōn men iņ re naaj ekajet kom.
- [28] A eļañņe Ña Ij kajutakļok timoņ ro kōn Jetōb an Anij, innām aelōñ in Anij ej itok iomi.
- [29] A ekōjkan an juon maroņ in deļoņ ilowan iņmōn ļeo ekajoor, im rakimi men ko mweiiien, eļañņe e jab lukwōj ļeo ekajoor mokta? innām e naaj rakimi mweo iņmōn.
- [30] Eo e jab ippa, e Aō ri kōjdat; im eo e jab aintok ippa, ej kajeplōklōk.
- [31] Kōn men iņ Ij ba ñan kom; naaj jeorļok an armej jerowiwī im blaspim otemjej: a jāmin jeorļok balspim ñae Jetōb Kwōjarjar.
- [32] Im jabdewōt eo e naaj kōnono naan enana ñae Nejin armej, naaj jeorļok e; a jabdewōt e naaj kōnono ñae Jetōb Kwōjarjar, jāmin jeorļok men iņ, jab ilo laļ iņ, jab ilo eo e naaj itok.
- [33] Komwin kōmman wōjke bwe en emman, im emman leen; ak kōmman wōjke bwe en nana, im enana leen: bwe rej kile wōjke kōn leen.
- [34] O nejīn vaiper ko! bwe kom ri nana, ekōjkan ami maroņ kōnono emman? bwe kōn bōro eobrak ej kōnono i loņin.
- [35] Armej emman jān mweiuik emman ej bōktok men ko remman; im armej enana jān mweiuik enana ej bōktok men ko renana.
- [36] A Ij ba ñoņ kom, bwe naan waan otemjej armej re naaj kōnono, re naaj kwaļok kaki ilo raan in ekajet:
- [37] Bwe kōn naan ko am naaj kowānōk eok, im kōn naan ko am naaj liaakļok eok.
- [38] Iien eo jet iaan skraib ro im Parisi ro rej uwaak E, im ba, Ri Kaki, kōm kōņaan lo juon kakōļle jān Eok.
- [39] A Ej uwaak im ba ñan er, Epepen enana im ļoņ rej pukot kakōļle; im jāmin leļok kakōļle ñan er, a kakōļle an ri kanaan Jona wōt;
- [40] Bwe āinwōt Jona e ar pād ilo lojien ek iumwin jilu raan im jilu boņ, āindein Nejin armej E naaj pād ilowan laļ iumwin jilu raan im jilu boņ.
- [41] Armej in Nineve re naaj jutak ilo raan in ekajet ippān epepen iņ, im re naaj liaakļok er: bwe raar ukeļok ippaer kōn an Jona kwaļok; im lo, juon ijin eļap jān Jona.
- [42] Lerooj in rōk e naaj jutak ilo raan in ekajet ippān epepen iņ, im naaj liaakļok er; bwe e ar itok jān ijo ko rettoļok i laļ bwe en roņjake mālōtlōt an Solomōn; im lo, juon ijin eļap jān Solomōn.
- [43] A Jetōb ettoon, ke ej jutakļok jān armej, ej etetal ilo jikin ko re mōrā, im pukot kakkije, im e jab lo e.
- [44] Innām ej ba, I naaj jepļaak ilowan mweo iņmō I ar diwōjtok jān e; im ke ej itok ej lo ejjeļok kobban, pooke im aiboojoj.
- [45] Innām ej ilok im bōk ñan ippān bar jiljilimjuon Jetōb renana jān e, im rej deļoņ ilowan, im pād ie: im ālikin armej iņ, enana jān eo mokta. Āindein e naaj barāinwōt ñan epepen iņ enana.
- [46] Im kiiō ke Ej kōnono ñan jar ko, lo, jinen im ro jaten rej jutak i nabōj im pukot bwe ren kōnono ñan E.
- [47] Im juon ej ba ñan E, Lo, jinōm im ro jatiōm rej jutak i nabōj, im rej pukot bwe ren kōnono ñan Eok.

- [48] A E uwaak im ba ñan eo ej kōnono, Wōn e jinō? im wōn ro jatiō?
[49] Im Ej erlōke pein ñan ro ri kalooran, im ba, Lo jinō im ro jatiō!
[50] Bwe jabdewōt eo e naaj kōmanman ankilaan Jema ej pād i lañ, e in ej jatiō maan, im jatiō kōrā, im jinō.

JEPTA 13

[Ma 13.1] Ilo raan eo Jijej e ar ilok jān im, im jijet iturin lojet.

[2] Im Ej uwe ioon wa, im jijet bwe eļap jar ko rej kweilōktok ñan ippān; im aolepen jar eo rej jutak i parijet.

[3] Im Ej kōnono elōñ men ko ñan er ilo būrabōļ ko, im ba, Lo, ri jeor ej ilen jeor;

[4] Im ke ej jeor jet ine re buñut na iturin ial, im bao ko rej kātem kañi.

[5] Jet re buñut ijo ko re dekāke, ijo edik bwidej ie: im eṃōkaj aer eddek; bwe e pejpej bwidej:

[6] Im ke e loliñ aļ, e kōjeje; im rej aemedļok, bwe ejjeļok okrair.

[7] Im jet re buñut ilo kālōklōk ko; im kālōklōk rej eddek, im koutaṃweiki.

[8] Im jet re buñut na ioon bwidej eṃman, im jebar leir, jet jibukwi kōn juon, jet jiljinoñoul kōn juon, jet jilñuul kōn juon.

[9] Eo ewor lojilñin en roñjake.

[10] Im ri kalooran rej itok im ba ñan E, Etke Kwōj kōnono ñan er ilo būrabōļ ko?

[11] Im E uwaak im ba ñan er, Bwe lewōj ñan kom bwe koṃwin jeļā men ko rettino an aelōñ in lañ, a jab leļok ñan er.

[12] Bwe jabdewōt eo ewor ippān, naaj leļok ñan e im naaj elōñ ippān; a jabdewōt eo ejjeļok ippān, naaj bōkļok jān e men ko an.

[13] Kōn men in Ij kōnono ñan er ilo būrabōļ ko; bwe ro rej lo, re jab lo; im ro rej roñ, re jab roñjake, im re jaje kake.

[14] Im ñan er ejejjet naan eo Aiseia e ar rūkaanij, im ba, Ilo ami roñjake, kom naaj roñ, im jaje kake; im ilo ami lo, kom naaj lo im jaje kajjien:

[15] Bwe būruen armej rein re penawiia, im lojilñier rej roñ jaṃōn, im mejeir re kilōk; eļaññe jab ainwōt, jet iien re naaj lo kōn mejeir, im roñjake kōn lojilñier, im naaj jeļā kōn būrueir, im naaj otkak, im I naaj kemour er.

[16] A eṃōṃōṃō mejemi, bwe rej lo; im lojilñemi, bwe rej roñ.

[17] Bwe eṃool Ij ba ñan kom, Elōñ ri kanaan im ri ṃan raar kōṃaan lo men kein komij loi, im raar jab loi: im roñ men kein komij roñjake, im raar jab roñjake.

[18] Innām koṃwin roñjake būrabōļ eo kōn ri jeor.

[19] Ke jabdewōt ej roñjake naan in aelōñ eo, im e jaje kake, ej itok eo ri nana, im bōkļok men eo ar jeor na ilo būruen. E in eo eṃōj jeor e na iturin ial.

[20] A eo ar jeor e ijo ko re dekāke, e in eo ej roñ naan, im eṃōkaj an bōke kōn an buñbūruen;

[21] Im ejjeļok okran ilowan, a ej pād ñan jidik iien; im ke eñtaan ak matōrtōr ej waļok kōn naan eo, eṃōkaj an buñ.

[22] A eo ar jeor e ilo kālōklōk ko, e in eo ej roñjake naan; im ļōmṃak ko kōn laļ in, im ṃoṃ kōn ṃweuiuk ko rej koutaṃweik naan, im e jab jebar im le.

- [23] A eo ar jeor e ɲa ilo bwidej eɲɲan, e iɲ eo ej roɲjake, im jeɲã kake: im ej jebar im le, jet jibukwi kɔn juon, jet jiljinoɲoul kɔn juon, jet jilɲuul kɔn juon.
- [24] Bar juon bũrabɔɭ E ar kwaɭok ñan er im ba, Aelɔñ in lañ ej aɲnwɔt juon armej, eo e ar jeor ine eɲɲan ɲa ilo jikin kallib eo an:
- [25] A ke armej raar kiki, an ri kɔjdate ej item jeor tãɔ ko ɲa ilo bwiljin wit, im ilok.
- [26] A ke bɔlɔk eddek, im jebar leen, iien eo tãɔ rej barãinwɔt waɭok.
- [27] Innã ro ri korijeran ãtɔk rej item ba ñan e, Irooj, kwaar jab jeor ine eɲɲan ilo aɲ jikin kallib ke? innã tãɔ ko raar itok jãn ia?
- [28] Ej ba ñan er, Ri kɔjdat eo, e ar kɔɲɲan men iɲ. Ro ri korijeran re ba ñan e, Innã kwɔj kɔɲaan bwe jãn ilem aini er ke?
- [29] A ej ba, Jab: eɲãñe aɲnwɔt ñe komij aini tãɔ ko, kom naaj totaki wit ɲa ippaer.
- [30] Ren jimor eddek ñan iien jonikɔn: im ilo iien jonikɔn I naaj ba ñan ro ri ɲadɲɔd, ɲokta komwin aini tãɔ ko, im kori im tile: a komwin ainitok wit ɲa ilo aɔ iɲɔn wit.
- [31] Bar juon bũrabɔɭ E ar kwaɭok ñan er, im ba, Aelɔñ in lañ ej aɲnwɔt ine in mustad, eo armej e ar bɔke im jeor ɲa ilo jikin kallib eo an:
- [32] Eo edik jãn ine otemjej; a ke ej eddek ej ɭapɭok jãn mar otemjej, im aɲnwɔt wɔjke, innã bao in mejatoto rej kãtem babu i ra ko raan.
- [33] Bar juon bũrabɔɭ E ar kɔnono ñan er; Aelɔñ in lañ ej aɲnwɔt leven, me juon kɔrã e ar bɔke, im ɲooje ilo jilu joñan pilawã, ñan tɔr eo ej leven aolepen.
- [34] Men kein otemjej Jijej e ar kɔnono ñan jar eo ilo bũrabɔɭ ko: im ejej bũrabɔɭ E jab kɔnono ñan er:
- [35] Bwe En kaɲool men eo ri kanaan e ar kɔnono, im ba, I naaj waɲãni ɭɔñiɔ ilo bũrabɔɭ ko; I naaj kwaɭok men ko ar ɲooji jãn jinojn laɭ.
- [36] Iien eo Ej ilok jãn jar eo im deɭɔñ ilowan im: im ro ri kaɭooran rej itok ñan ippãn, im ba, Kwɔn kameɭeɭeik ñan kɔm bũrabɔɭ eo kɔn tãɔ ko ilo jikin kallib.
- [37] Ej uwaak im ba ñan er, Eo ej jeor ine eɲɲan E Nejin armej;
- [38] Laɭ e jikin kallib: ine eɲɲan ro nejin aelɔñ in lañ: a tãɔ ko ro nejin eo ri nana:
- [39] Ri kɔjdat eo e ar jeor er, e tepil; iien ɲadɲɔd ɭokɔn laɭ: im ro ri ɲadɲɔd rej enjeɭ raɲ.
- [40] Innã aɲnwɔt rej aini tãɔ ko im tile ilo kijeek; e naaj aindein i ɭokɔn laɭ in.
- [41] Nejin armej e naaj jilkinɭok enjeɭ ro An, im re naaj ainiɭok jãn aelɔñ eo An men otemjej men in ɭatipɲɔl, im ro rej kɔɲanɲan nana;
- [42] Im naaj joɭok er ɲa ilo jikin kijeek; ijo re naaj jañ im ñi ɭaɭlaɭ.
- [43] Iien eo ro reɲɲan re naaj rabɔlbɔl im aɲnwɔt aɭ ilo aelɔñ in Jemeir. Eo ewor ɭojilɲin, en roɲɭokjeɲ.
- [44] Aelɔñ in lañ ej aɲnwɔt ɲweiuk ɲooji ilo jikin kallib, eo armej e ar loe im ɲooji, im kɔn an lañlɔñ kake ej ilok im wiaik jikin kallib eo.
- [45] Bar juon, aelɔñ in lañ ej aɲnwɔt rũ wia, ej kapukɔt bɔɔr ko reɲɲan;
- [46] Ke e ar lo juon bɔɔr im eɭap oɲãn, ej ilok im wiakaki men ko otemjej an im wiaik e.
- [47] Bar juon: aelɔñ in lañ ej aɲnwɔt juon ok, raar door ɭok ilo ɭojet, im e boɭ ek otemjej:
- [48] Eo ke ej lɔñ, rej ipped ãne, im jijet, in ãti ko reɲɲan ɲa ilo eɲɲar ko, im julok ko renana.
- [49] E naaj aindein i ɭokɔn laɭ: enjeɭ raɲ re naaj ilok im kããlɔt ro renana jãn rũ wãnɔk,

- [50] Im naaj joʎok er ɳa ilo jikin kijeek: ijo re naaj jañ im ñi ʎalla].
- [51] Kom ar mejeje men kein otemjej ke? Re ba ñan E, Aet.
- [52] Im Ej ba ñan er, kōn men in, skraib otemjej rej katak kōn aelōñ in lañ, rej ãinwōt armej, eo ãtōk, im ej bōktok men ko rekāāl im reṃor jān jikin ṃweiiien.
- [53] Im ke Jijej e ar kaṃōj]ʎok būrabō] kein Ej ilok jān ijo.
- [54] Im ke Ej itok ñan āne eo ānean, Ej katakin er ilowan iṃōn kwelok eo aer, ãinwōt bwe rej bwilōñ, im ba, Jān ia māłōtlōt iṃ an armej iṃ, im jermal kein reṣap?
- [55] E jab nejin karpenter ke? jinen e jab etan Meri ke? im ro jaten ṃaan, Jemes, im Josep im Saimōn im Judas ke?
- [56] Im ro jaten kōrā, er otemjej re jab pād ippedwōj ke? Innām jān ia men kein otemjej an armej iṃ?
- [57] Im rej tipñōl kōn E. A Jijej e ba ñan er, Ewor an ri kanaan buñbuñ, eṣaññe e jab pād i āne eo an, im ilowan ṃweo iṃōn.
- [58] Im E ar jab kōṃanṃan elōñ jermal ko reṣap ijo kōn aer jab tōmak.

JEPTA 14

- [Ma 14.1] Ilo iien eo Herod titrak ej roñ an Jijej buñbuñ,
- [2] Im e ba ñan ro ri korijeran, E iṃ Jon ri peptaij; e ar jerkakpeje jān ro re mej; im kōn men iṃ jermal ko reṣap rej waʎok jān e.
- [3] Bwe Herod e kar jibwe Jon, im liāpe, im likūt e ɳa ilowan prisōn kōn Herodias, ilo pāleen Pilip jaten.
- [4] Bwe Jon e ar ba ñan e, E jab mālim ñan eok bwe en pād ippaṃ.
- [5] Im ke ej kōṃaan ṃan e, em'jōk jar eo, bwe raar ʎōṃṃak e ri kanaan.
- [6] Im ke ej itok raan eo Herod e kar ʎotak, nejin Herodias kōrā ej eb iṃaan mejeir, im kabuñbūruen Herod.
- [7] Innām ej ba kōn an kanejnej, bwe e naaj leʎok ñan e jabdewōt men eo ej kajjitōk kake.
- [8] Im lio, jinen ej rōjañ e, ej ba, Kwōn letok bōran Jon ri peptaij ilo jāpe ñan eō ijin.
- [9] Im Irooj eo ej tūriaṃo: a kōn an kanejnej, im kōn ro rej jibadek im ṃōñā ippān, ej jiroñ bwe ren leʎok ñan e.
- [10] Im ej jilkin]ok im jebbare Jon ɳa ilo prisōn.
- [11] Im rej bōktok bōran ilo jāpe, im leʎok ñan jiroñ eo: im ej bōk]ok ñan jinen.
- [12] Im ro ri kaʎooran rej itok im bōk ānbwinnen im kalbwin e, im ilem kōnnaanōk Jijej.
- [13] Ke Jijej ej roñjake, Ej make ʎok jān ijo kōn wa ñan āne jeṃaden: im ke armej rej roñjake, rej ʎoor E im etal jān jikin kwelok ko.
- [14] Im Ej itok im lo eṣap jar eo, im Ej tūriaṃokake er, im Ej kemour ro re nañinmej ro ippaer.
- [15] Im ke ejota, ri kaʎooran rej itok ñan ippān, im ba, Ijin āne jeṃaden, im iien eo e moot]ok: Kwōn jilkin]ok jar ko bwe ren ilok ñan jikin kwelok ko redik im wiaik kijeir.
- [16] A Jijej ej ba ñan er, E jab eṃṃan bwe ren ilok; koṃwin leʎok ñan er bwe ren ṃōñā.
- [17] Im re ba ñan E, ʎalem wōt ioon bred im ruo ek ippemiōñ ijin.
- [18] E ba, Koṃwin bōktok ñan Eō.
- [19] Im Ej jiroñ jar ko bwe ren jijet ioon wūjooj: im Ej bōk ʎalem ioon im ruo ek, im jer]ok ñan lañ im jar, im ruji im leʎok ioon ko ñan ro ri kaʎooran, im ri kaʎooran ñan jar ko.

- [20] Im er otemjej rej mōñā im mat; im rej āti men ko matiir elōñ joñoul im ruo iep.
- [21] Im ro raar mōñā, nañin limādep maan, jab bwini kōrā im ajri.
- [22] Im kiiōkiiō Ej jiroñ ro ri kaḷooran bwe ren uwe ioon wa, im ilok mokta jān E ñan lomaḷo jabuweo, ke Ej jilkinḷok jar ko.
- [23] Im ke eḷōj An jilkinḷok jar ko, Ej make lōñḷok ñan toḷ bwe En jar: im ke e boñ, Ej pād ijo im make wōt iaan.
- [24] A kiiō wa eo ej ilukwōn lomaḷo, im jeplōklōk in ḷo ko: bwe kōto ej itok imaan.
- [25] Im ilo mmej kein ka emān ilo boñ, Jijej ej itok ñan ippaer, im etal ioon lojet.
- [26] Im ke ri kaḷooran rej lo An etal ioon lojet, rej abwinmake, im ba. E Jetōb! im rej lamōj bwe re mijak.
- [27] A eḷōkaj an Jijej kōnono ñan er, im ba, Komwin peran; Ña E; komwin jab abwinmake.
- [28] Im Piter e uwaak E, im ba, Irooj, eḷaññe Kwe ḷe, Kwōn jiroñ eō bwe in iwōj ñan ippam ioon lojet.
- [29] Im Ej ba, Kwōn itok. Im ke Piter ej to jān wa eo, ej etal ioon lojet, bwe en ilok ñan Jijej.
- [30] A ke ej lo kōto, e mijak: im ej jino an tulok im e lamōj im ba, Irooj, Kwōn lomḷoren eō.
- [31] Im eḷōkaj an Jijej erḷoke pein, im dāpij e im ba ñan e, O kwe edik am tōmak, etke kwaar pere?
- [32] Im ke eḷōj airro uwe ioon wa, kōto e lur.
- [33] Innām ro rej ilo wa eo rej itok im kabuñ ñan E, im ba Eḷool Kwe Nejin Anij.
- [34] Im ke raar tōl ḷok, rej itok ñan āne Genesaret.
- [35] Im ke armej in āne eo rej kile E, rej jelōkḷok ñan āne ko otemjej rej kōpoolē, im bōktok ñan ippān ro re nañinmej otemjej:
- [36] Im rej akweḷap ñan E bwe ren uññūr wōt tōrerein nuknuk eo An: im ro otemjej rej uññūre re mour.

JEPTA 15

- [Ma 15.1] Ilo iien eo skraib ro im Parisi ro rej itok jān Jerusalem ñan ippān Jijej im ba,
- [2] Etke ri kaḷooram rej koḷkure bwebwenato an elder ro? Bwe re jab amwin peir ke rej mōñā.
- [3] A E uwaak im ba ñan er, Etke kom barāinwōt koḷkure kien Anij kōn ami bwebwenato?
- [4] Bwe Anij e ar ba, kwōn koutiej Jemaḷ im jinōm: im eo ej kōnono nana kōn jemen ak jinen en mej.
- [5] A komij ba, Jabdewōt eo e naaj ba ñan jemen ak jinen, Men in joortak, men eo aō in jipañ eok kake;
- [6] En jab koutiej jemen ak jinen. Im kom ar kajekdoḷon kien Anij kōn ami bwebwenato.
- [7] Kom ri jeḷā moḷ, eḷool Aiseia e ar rūkaanij kōn kom, im ba,
- [8] armej rein rej kabuñ ñan Eō kōn tieir; a būrueir etoḷok jān Eō.
- [9] A ejeḷok tokjān aer kabuñ ñan Eō, ñe rej katakin, kōn naan in katak, kien ko an armej.
- [10] Im Ej añiñintok jar eo, im ba ñan er, Komwin roñjake im jeḷā kake;
- [11] Jab men eo ej deḷoñ ilo loñin ej kananaik armej: a men eo ej waḷok jān loñin, ej kananaik armej.

- [12] Innām ri kaḷooran rej itok im ba ñan E, Kwō jeḷā ke, Parisi ro raar tipñōl ālikin aer roñ naan iñ?
- [13] A E uwaak im ba, Ine otemjej Jema i lañ E ar jab kalbwini, naaj totaki.
- [14] Ren pād wōt: er ri tōl im re pilo. Im eḷaññe eo epilo ej tōl eo epilo, erro re naaj buñ ilo roñ.
- [15] Innām Piter e uwaak im ba ñan E, Kwōn kameḷeḷeik ñan kōm būrabōl iñ.
- [16] Im Jijej e ba, Kom barāinwōt jaje kake ñan iien iñ ke?
- [17] Kom jab jeḷā ke, bwe jabdewōt men eo ej deḷoñ ilo loñin ej ilok ñan lojien, im joḷok e ilo jikin mijlok?
- [18] A men ko rej waḷok jān loñin rej itok jān būruen, im rej kananaik armej.
- [19] Bwe ḷōmḡak ko renana, uror ko, ḷōñ ko, aplep ko, koḡot ko, riab ko, kōnono ḡae ko, rej itok jān bōro:
- [20] Men kein rej kananaik armej, a mōñā kōn pā ar jab aḡwini, e jab kananaik armej.
- [21] Im Jijej ej ilok jān ijo, im ilok ñan āne ko an Tair im Saidon.
- [22] Im lo, juon kōrā ri Kenan ej itok jān āne kan, im lamōj im ba, Kwōn tūriamokake eō, O Irooj, Nejin Devid: nejiō jiroñ juon timoḡ e kanooj koḡkure e.
- [23] A E jab uwaak e ñan jidik. Im ri kaḷooran rej item akweḷap ñan E, im ba, Kwōn jilkinḷok e; bwe ej lamōjtok iloked.
- [24] A E uwaak im ba, ar jilkintok Eō ñan jiip rej jebwābwe an nukwin Israel wōt.
- [25] Innām lio ej itok im kabuñ ñan E, im ba, Irooj, Kwōn jipañ eō.
- [26] A e uwaak im ba, E jab ekkar bwe In bōk bred kijen ajri raḡ im joḷok e ñan kidu ko redik.
- [27] Im lio e ba, Aet, Irooj; a kidu ko redik rej attūkoko men ko re wōtḷok jān tebōl eo an aer Irooj.
- [28] Innām Jijej e uwaak im ba ñan e, O kōrā, eḷap am tōmak: āinwōt am kōḡaan, en āindein ñan eok. Im nejin jiroñ eo ej mour jān awa iñ wōt.
- [29] Im Jijej ej ilok jān ijo, im itok epaak ñan lomaḷo in Galili: im Ej wanlōñḷok ñan toḷ im jijet ijo.
- [30] Im eḷap jar ko rej itok ñan ippān, im ippaer ro re ajjukub, ro re pilo, ro re ban kōnono, ro re jipikpik, im bar elōñ, im rej door er ḡa iturin neen; im Ej kemour er:
- [31] Āinwōt bwe jar ko rej bwilōñ, ke rej lo ro re ban kōnono rej kōnono, ro re jipikpik re iio, ro re ajjukub ejimwe aer etetal, im ro re pilo rej loḷokjeḡ; im rej kaiboojoj Anij in Israel.
- [32] Innām Jijej ej kūrtoḷ ro ri kaḷooran, im ba, Ij tūriamokake jar eo, bwe kiiō rej pād ippa iumwin jilu raan, im ejjeḷok kijeir: im I jab kōḡaan jilkinḷok er ilo aer jitḷok, eḷaññe āindein re naaj parōk ilo ial.
- [33] Im ri kaḷooran rej ba ñan E, Jān ia bred ippem i āne jeḡaden, bwe ren mat jar iñ eḷap?
- [34] Im Jijej e ba ñan er, Jete ioon bred ippemi? Im re ba, jiljilimjuon, im e iiet ek redik.
- [35] Im Ej jiroñ jar ko bwe ren jijet ioon meḷaaj.
- [36] Im Ej bōk jiljilimjuon ioon bred im ek ko, im jar, im ruji, im leḷok ñan ro ri kaḷooran, im ro ri kaḷooran ñan jar ko.
- [37] Im er otemjej rej mōñā, im mat: im rej āti mōttan ko matiir jiljilimjuon iep relōñ.
- [38] Im ro rej mōñā earap ḡaan, im ewor kōrā im ajri.
- [39] Im ej jilkinḷok jar ko, im uwe ioon wa eo, im tartok ñan āne ko in Magedan.

JEPTA 16

[Ma 16.1] Im Parisi ro im Saddusi ro raar itok im kōṇaan kapo E, im rej kajjitōk ippān bwe En kwaḷok ñan er kakōlle jān lañ.

[2] E uwaak im ba ñan er, Ke ejota, kom ba, e naaj eṃṃan lañ: bwe ekilmir kōḍo.

[3] Im ke e jibboñ, Enaaj nana lañ rainin; bwe e kilmir kōḍo im tab. Kom jeḷā katujo i lañ; a kom jab maroñ jeḷā kakōlle ko ilo iien ko.

[4] Epepen e jerowwiwi im ḷoñ ej pukot kakōlle; im naaj leḷok ñan e ejjeḷok kakōlle a kakōllen ri kanaan Jona wōt. Im Ej likūt er im ilok.

[5] Im ri kaḷooran rej itok ñan lomaḷo jabuweo, im rej meḷokḷok in ektak bred.

[6] Im Jijej ej ba ñan er, Koṃwin lale, im kōjparok kom jān leven an Parisi ro im Saddusi ro.

[7] Im rej kōnono ippān doon, im ba, Naan in bwe kōm ar jab ektaktok bred.

[8] Im Jijej e jeḷā, im ba ñan er, O komeo edik ami tōmak! etke kom kōnono ñan doon bwe ejjeḷok bred ippemi?

[9] Kom jañin jeḷā kake im jab keememej ke kōn ḷalem ioon bred ñan limādep, im jete iep kom ar āti?

[10] Ak jiljilimjuon ioon bred ñan earap ke, im jete iep kom ar āti?

[11] Etke komij jaje kake, bwe I ar jab ba ñan kom kōn bred? A koṃwin kōjparok kom jān leven an Parisi ro im Saddusi ro.

[12] Innām re jeḷā, bwe E ar jab ba kōn kōjparok er jān leven in bred, a jān naan in katak an Parisi ro im Saddusi ro.

[13] Ke Jijej ej itok ñan āne ko an Seseria Pilippai, Ej kajjitōk ippān ro ri kaḷooran, im ba, Wōn Nejin armej, ilo an armej ba?

[14] Im rej ba, Jet re ba, Jon ri peptaij; jet, Elaija; im bar jet, Jeremaia ak juon iaan ri kanaan ro.

[15] Ej ba ñan er, Wōn Ña ilo ami ba?

[16] Im Saimōn Piter e uwaak im ba, Kwe Ri Kūrai, Nejin Anij emour.

[17] A Jijej e uwaak im ba ñan e, Kwōj ṃōṃōṃō Saimōn, nejin Jona; bwe kanniōk im bōtōktōk raar jab katakin eok kake, a Jema ej pād i lañ.

[18] Im barāinwōt Ij ba ñan eok, Bwe kwe Piter, im ioon ejṃaan iṃ I naaj kalōk aō eklejia: im aor ko an Hedis re jāmin anjo ioon.

[19] Im I naaj lewōj ñan eok ki ko ki in aelōñ in lañ: im jabdewōt men eo kwō naaj liāpe ioon laḷ, naaj liāpe i lañ; im jabdewōt men eo kwō naaj kōtḷok ioon laḷ, naaj kōtḷoke i lañ.

[20] Innām Ej kauwe ro ri kaḷooran, bwe ren jab kōnnaanōk jabdewōt armej bwe E Ri Kūrai.

[21] Jān iien eo Jijej e jino An kwaḷok ñan ro ri kaḷooran, e naaj kōjkan An ilok ñan Jerusalem, im eñtaan kōn men ko relōñ jān elder ro im pris reḷap im skraib ro, im re naaj ṃan E, im E naaj jerkakpeje ilo raan eo kein ka jilu.

[22] Innām Piter ej kabwijere, im jino an kauwe E im ba, En etoḷok jān Kwe, Irooj; men in e jāmin pād ippaṃ.

[23] A Ej oktak, im ba ñan Piter, kwōn ilok ilikiō, Setan: kwōj iten ḷatipñōl Eō: bwe kwō jab ḷōmṃak kōn men ko an Anij, a kōn men ko an armej raṃ.

[24] Iien eo Jijej e ba ñan ro ri kaḷooran, Eḷaññe jabdewōt armej e kōṇaan ḷoor Eō, en make kaarmejjete, im bōk debwāäl eo an, im ḷoor Eō.

- [25] Bwe jabdewōt eo e kōṇaan lōmṣoren mour eo an, mour e naaj jako jān e: im jabdewōt eo mour e naaj jako jān e kōn Ña, e naaj lo e.
- [26] Bwe ekōjkan kakajooror armej, eḷaññe ej jibadek aolepen laḷ im e jako an? ak ta eo armej e naaj lelōm wiaik an?
- [27] Bwe Nejin armej e naaj itok ilo wōj in Jemen ippān enjeḷ ro An, innām E naaj leḷok jinōkjeej ṇan armej raṇ im āinwōt aer kōmānman.
- [28] Eṃool Ij ba ṇan kom, Jet iaan ro rej jutak ijin, re jāmin edjoñ mej, ṇan iien eo re naaj lo Nejin armej ej itok ilo An aelōñ.

JEPTA 17

- [Ma 17.1] Im ilōkōn jiljino raan Jijej ej āñintok Piter im Jemes im Jon jaten, im āñinlōñḷok er ṇan toḷ eutieḷ rej make wōt.
- [2] Im Ej kōjakkōlkōl iṃaan mejeir, im turin mejan erabōlbōl āinwōt aḷ, im balle ko An remouj im āinwōt meram.
- [3] Im lo, Moses im Elaija rejro weaaktok ṇan er, im kōnono ippān.
- [4] Innām Piter e uwaak, im ba ṇan Jijej, Irooj, eṃman ad pād ijin: eḷaññe Kwō kōṇaan, I naaj kalōk ijin jilu iṃōn kōppād; juon ṇan Eok, im juon ṇan Moses, im juon ṇan Elaija.
- [5] Im ke ej kōnono, lo, juon kōdḡ emouj ej kallor er; im lo, ainikien jān kōdḡ eo, e ba, E iṇ Nejiō jitōnbōro ippa, I buñbūruō kake; komwin eḡroñ E.
- [6] Im ke ri kaḷooran rej roñjake, rej buñpedo, im kanooj lōḷñōñ.
- [7] Im Jijej ej item uññūr er im ba, Komwin jerkak, im jab lōḷñōñ.
- [8] Im ke rej reilōñ mejeir, rej lo ejjeḷok armej, a Jijej wōt.
- [9] Im ke rej wanlaḷ jān toḷ eo, Jijej ej kauwe er im ba, Komwin jab kōnnaanōk armej kōn men in kom ar loe, ṇan iien eo Nejin armej e naaj jerkakpeje jān ro re mej.
- [10] Im ri kaḷooran rej kajjitōk ippān im ba, Innām etke skraib ro rej ba, Elaija en itok ṃokta?
- [11] Im E uwaak im ba ṇan er, Eṃool Elaija ej itok ṃokta, im naaj karbōb men otemjeḷ.
- [12] A Ij ba ṇan kom, Eṃōj an Elaija itok, im raar jaje kake, a raar kōmman ṇan e jabdewōt men ko re kōṇaan. Im āindein re naaj barāinwōt kaeñtaan Nejin armej.
- [13] Innām ri kaḷooran re jeḷā bwe Ej kōnono ṇan er kōn Jon ri peptaij.
- [14] Im ke rej itok ṇan jar eo, juon eṃmaan ej itok ṇan ippān, im bukwelōlō ṇan E im ba,
- [15] Irooj, kwōn tūriamokake nejiō ṃaan; bwe e ṃōjoliñōr im kanooj eñtaan: bwe elōñ alen an buñ ilo kijeek, im elōñ alen ilo dān.
- [16] Im I ar bōktok e ṇan ro ri kaḷooram, im raar ban kemour e.
- [17] Innām Jijej e uwaak im ba, O epepen e jab tōmak im bōt, ie toñ Aō naaj pād ippemi? ie toñ Aō naaj meanwōd kōn kom? bōktok e ṇan Eō.
- [18] Im Jijej ej kauwe tiṃoṇ, im e jutakḷok jān e; im ḷadik eo ej mour jān awa eo wōt.
- [19] Innām ri kaḷooran rej make itok ṇan ippān Jijej, im ba, Etke kōm ar jab maroñ in kajutakḷok e?
- [20] Im Jijej e ba ṇan er, Kōn edik ami tōmak; bwe eṃool Ij ba ṇan kom, Eḷaññe ewor ami tōmak āinwōt juon ine in mustad, kom naaj ba ṇan toḷ iṇ, Kwōn ruwaakḷok ṇan ijjuweo, im e naaj ilok: im ejjeḷok men ko kom naaj bane.
- [22] Im ke raar pād i Galili, Jijej e ba ṇan er, Naaj ketak Nejin armej ilo pein armej raṇ;

[23] Im re naaj man E, im ilo raan eo kein ka jilu E naaj jerkakpeje. Im rej kanooj būromōj.

[24] Im ke rej itok ñan Kaperneum, ro rej bōk hap sekel eo rej itok ñan ippān Piter im ba, Am Ri Kaki e jab kōllā hap sekel ke?

[25] Ej ba, Aet. Im ke emōj An deļoñ ilowan im, Jijej ej kōnono ñan e mokta, Ta am ļōmņak Saimōn? kiñ ro an laļ rej bōk owōj ak oñān jān wōn? jān ro nejir ke, ak jān ro ruwamāejet?

[26] Piter ej ba ñan E, jān ro ruwamāejet. Jijej e ba ñan e, Innām ro nejir rej anemkwōjaer.

[27] A bwe jān jab ļatipñōl er, kwōn ilok ñan lojet, im door ļok kāāj, im bōk ek eo kwōj tōbwe; im ñe kwōj kalōñ loñin, kwō naaj lo juon sekel; kwōn bōke, im leļok ñan er kōn Ņa im kwe.

JEPTA 18

[Ma 18.1] Ilo awa eo ri kaļooran raar itok ñan ippān Jijej im ba, Innām wōn eo eļaptata ilo aelōñ in lañ?

[2] Im Jijej ej kūrtoke juon ajri edik ñan ippān, im kajutak e eoļōpeir,

[3] Im ba, Eņool Ij ba ñan kom, eļañne kom jab oktak im erom āinwōt ajri redik, kom jāmin deļoñ ilo aelōñ in lañ.

[4] Innām jabdewōt eo ej make kōttāik e āinwōt ajri in edik, e in eļaptata ilo aelōñ in lañ.

[5] Im jabdewōt eo e naaj bōk juon ajri āinwōt in ilo eta, ej bōk Eō.

[6] A jabdewōt eo e naaj ļōkatipe juon iaan rein redik rej lōke Ņa, emņan ñan e ñe rej lukwōj dekā irir eļap na i kōnwān im kōtaleke ijo e mwilal i lojet.

[7] Wo ñan laļ kōn ļōkatip ko! bwe emool ļōkatip ko ren itok; a wo ñan eo rej itok kōn e.

[8] Im eļañne piom ak niom rej ļōkatipe eok, kwōn bukwe im joļok jān eok: emņan ñan kwe bwe kwōn deļoñ ilo mour kūrro ak jipikipik, jān ruo piom ak ruo niom, im joļok eok na ilo kijeek e jāmin kun indeeo.

[9] Im eļañne mejōm ej ļōkatipe eok, kwōn itūki im joļok jān eok: emņan ñan eok bwe kwōn deļoñ ilo mour im juon wōt mejōm, jān an ruo mejōm im joļok eok na ilo kijeek ilo Geena.

[10] Komwin kōjparok bwe komwin jab kajekdoon juon iaan rein redik; bwe Ij ba ñan kom, Iien otemjej i lañ enjeļ ro aer rej lo wōt turin mejan Jema ej pād i lañ.

[11]

[12] Ta ami ļōmņak? eļañne jibukwi jiip an armej, im juon iaer ej jebwābwe, e jab likūt ko ruwatimjuonñoul im ruwatimjuon, im ilok ñan toļ ko, im pukot eo ej jebwābwe ke?

[13] Im eļañne ej lo e, emool Ij ba ñan kom, eļap an lañlōñ kōn jiip in jān ruwatimjuonñoul im ruwatimjuon ko raar jab jebwābwe.

[14] Āindein Jememwōj ej pād i lañ E jab kōņaan bwe juon iaan rein redik en jako.

[15] Im eļañne jiom ak jatiōm e naaj kōmanman nana ñan eok, kwōn ilem kōnnaanōk e, komro wōt: eļañne e naaj eoroñ eok, kwaar jibadek jiom ak jatiōm.

[16] A eļañne e jāmin eoroñ eok, kwōn āninļok juon ak ruo na ippam, bwe kōn loñin ruo ak jilu ri kōnnaan, naan otemjej ren pen.

[17] Im eļañne ej abwin eoroñ er kwōn kōnnaanōk eklejia: im eļañne ej abwin eoroñ eklejia, kwōn likūt e āinwōt ri pegan im ri tōl owōj.

[18] Eņool Ij ba ñan kom, Jabdewōt men eo kom naaj liāpe ioon laļ, naaj liāpe i lañ: im jabdewōt men eo kom naaj kōtļok e ioon laļ, naaj kōtļok e i lañ.

- [19] Bar juon, Ij ba ñan kom, Eļañņe ruo iaami ioon laļ bŭrueir wŏt juon kŏn jabdewŏt men eo rej kajjitŏk kake, Jema ej pād i lañ E naaj kŏmman ñan er.
- [20] Bwe ijo ruo ak jilu rej kweilŏklŏk ilo eta, Ij pād eoļŏpeir.
- [21] Innām Piter ej itok ñan ippān im ba, Irooj, jete alen an jeiŏ ak jatiŏ kŏmanman nana ñan eŏ im ij jeorŏk nana eo? ñan jiljilimjuon ke?
- [22] Jijej e ba ñan e, I jab ba ñan eok ñan jiljilimjuon alen, a ñan jiljilimjuonñoul alen jiljilimjuon.
- [23] Kŏn men in, aelŏñ in lañ ej āinwŏt juon kiñ, eo e kŏņaan watŏk mweiiēn ippān ro ri korijeran.
- [24] Im ke ej jino an watŏk, rej āñintok juon ñan ippān, eo e ar mŭri ilo joñoul tŭujin talent:
- [25] A bwe ejjeļŏk mweiiēn bwe en kŏļļā, an Irooj ej jiroñ bwe ren wiakake e, im lio pāleen, im ro nejin, im men ko otemjej an, im kŏļļā.
- [26] Innām ri korijeran eo ej badikdik im kabuñ ñan e im ba, Irooj, Kwŏn mijmijelaļŏm kŏn ña, im I naaj kŏļļā men otemjej.
- [27] Innām Irooj eo an ej tŭriamŏkake ri korijeran, im kŏtļŏk e, im jeorŏk an mŭri.
- [28] A ri korijer eo ej ilŏk im lo juon iaan ro ri korijer ippān, eo e ar mŭri ippān ilo jibukwi silliñ; im ej jibwe e, im dāpij bŭruen, im ba, Kwŏn kŏļļā men ko kwaar mŭri ñan eŏ.
- [29] Im eo, ri korijer ippān, ej badikdik iturin neen, im akweļap ñan e im ba, Kwŏn jab kijer jidik kŏn ña, im I naaj kŏļļā men otemjej.
- [30] Im e jab kŏņaan: a ej ilŏk im joļŏk e ņa ilo prisŏn ñan iien eo e naaj kŏļļā.
- [31] Im ke ro ri korijer ippān rej lo men eo e ar kŏmmane, re kanooj tŭriamŏ, im rej itok im kŏnnaanŏk aer Irooj men otemjej ar kŏmman.
- [32] Innām an Irooj e ar kŭrtok e, im ba ñan e, O kwe ri nana; I ar kŏtļŏk eok jān mŭri eo otemjej, bwe kwaar akweļap ñan eŏ.
- [33] E jab emman bwe kwŏ naaj kar barāinwŏt tŭriamŏkake ri korijer ippam āinwŏt I ar tŭriamŏkake eok ke?
- [34] Im an Irooj e ar illu im ketak e ñan ippān ro ri kaeñtaan ñan iien eo e naaj kŏļļā men otemjej e kar mŭri ñan e.
- [35] Im āindein Jema i lañ E naaj kŏmanman ñan kom, eļañņe kom otemjej jab jeorŏk nana ko an ro jeŏmi im ro jatŏmi jān bŭruemi.

JEPTA 19

[Ma 19.1] Im ke Jijej e ar kamŏjļŏk naan kein, Ej ilŏk jān Galili, im tŏkeaktok ñan āne ko ikijjien Judia i reear in Jordan;

[2] Im eļap jar ko rej ļoor E; im Ej kemour er ijo.

[3] Im Parisi ro rej itok ñan ippān, im kapo E im ba, E mālim ke bwe armej en joļŏk lio pāleen kŏn nana ko jabdewŏt?

[4] Im E uwaak im ba, Kom ar jab kŏnono ilo bok, Eo e ar kŏmman er ke ejino, E ar kŏmman er maan im kŏrā,

[5] Im ba, Kŏn men in maan e naaj likūt jemen im jinen, im e naaj pād ippān lio pāleen: im erro re naaj juon wŏt kanniŏk ke?

- [6] Kōn men eo erro re jab ruo, a juon wōt kanniōk. Innām men eo Anij e ar kobaik, armej en jab kōjepeli.
- [7] Re ba ñan E, Innām etke Moses e ar jiroñ bwe ren leļok jeje in kōtļok, im joļok e?
- [8] E ba ñan er, Kōn an pen būruemi, Moses e ar likūt kom bwe koṃwin joļok lio pāleemi: a e kar jab āinwōt jān jinoin.
- [9] Im Ij ba ñan kom, Jabdewōt eo e naaj joļok lio pāleen, eļaññe e jab kōn ļōñ, im e naaj pāleek bar juon, ej ļōñ: im eo ej pāleik lio ar joļok e ej ļōñ.
- [10] Ri kaļooran rej ba ñan E, Eļaññe āindein ṃaan ñan lio pāleen, e jab eṃṃan pālele.
- [11] A E ba ñan er, Armej otemjej re jab maroñ bōk naan iṃ, a ro wōt leļok ñan er.
- [12] Bwe jet eunōk im āindein aer ļotak jān lojien jineir; im jet eunōk armej raar kōṃṃan er eunōk: im jet eunōk rej make kōṃṃan er eunōk kōn aelōñ in lañ. Eo ej maroñ in bōke en bōke.
- [13] Iien eo rej bōktok ñan E ajri redik, bwe En likūt pein ioer, im jar: im ri kaļooran rej bōbrae er.
- [14] A Jijej ej ba, Koṃwin kōtļok ajri redik, im jab bōbrae er, bwe ren itok ñan ippa: bwe ro āierwōt aer aelōñ in lañ.
- [15] Im Ej likūt pein ioer, im ilok jān ijo.
- [16] Im lo, juon e ar itok im ba ñan E, Ri Kaki, ewi men eo eṃṃan I naaj kōṃṃane, bwe en aō mour indeeo?
- [17] Im E ba ñan e, Etke kwōj kajjitōk kōn men eo eṃṃan? Juon Eo eṃṃan: a eļaññe kwō kōṃṃan deļoñ ilowan mour, kwōn pokake kien ko.
- [18] E ba ñan E, Kien oṭ ko? Jijej e ba, Kwōn jab uror, Kwōn jab ļōñ, Kwōn jab koṃt, Kwōn jab riab ṃae,
- [19] Kwōn koutiej jemaṃ im jinōṃ; im, Kwōn yokwe ri turōṃ im āinwōt kwe.
- [20] Likao eo e ba ñan E, Naan kein otemjej I ar pokake: ewi men eo I jañin tōpare?
- [21] Jijej e ba ñan e, eļaññe kwō kōṃṃan bwe kwōn weepṃān, kwōn ilok im wiakaki men ko aṃ, im leļok ñan ro rejeraṃōl, im e naaj wor ṃweiōṃ i lañ: im kwōn itok im ļoor Eō.
- [22] A ke likao ej roñ naan eo, ej būromōj im ilok; bwe eļap an ṃweiie.
- [23] Im Jijej ej ba ñan ro ri kaļooran, Eṃool Ij ba ñan kom, armej e ṃweiie e kanooj pen in deļoñ ilo aelōñ in lañ.
- [24] Im Ij bar ba ñan kom, E pidodo an kidu kamel deļoñ ļok ilo dāilil in iie, jān an armej e ṃweiie deļoñ ilo aelōñ in Anij.
- [25] Ke ri kaļooran raar roñjake, re kanooj bwilōñ im ba, Innām wōn e naaj maroñ mour?
- [26] A Jijej ej reiļok im ba ñan er, Armej re bane men iṃ, a Anij e naaj maroñe men otemjej.
- [27] Innām Piter e uwaak im ba ñan E, Lo, kōm ar ilok jān men otemjej, im ļoor Eok: kōn men iṃ, ta eo e naaj am?
- [28] Im Jijej ej ba ñan er, Eṃool Ij ba ñan kom, bwe komeo kom ar ļoor Eō, ilo iien Aō aelōñ ñe Nejin armej e naaj jijet ioon tūroon in wōj eo An, kom naaj barāinwōt jijet ioon joñoul im ruo tūroon, im ekajet joñoul im ruo bwijin Israel.
- [29] Im er otemjej raar ilok jān ṃoko, ak jeir im jateir ṃaan ak kōrā, ak jemeir, ak jineir, ak ro nejeir, ak āne ko, kōn eta, re naaj bōk jibukwi alen, im re naaj jolōt mour indeeo.
- [30] A elōñ ro rej ṃokta re naaj āliktata, im ro rej āliktata re naaj ṃokta.

JEPTA 20

[Ma 20.1] Bwe aelōñ in lañ ej ãinwōt juon ãtōk, eo e ar ilōk ke ejibboñ, bwe en kejerbal jet ri jermal ilo jikin vain eo an.

[2] Im ke emōj an pepe ippān ri jermal ro kōn juon sillin ilo juon raan, ej jilkinlok er ña ilo jikin vain eo an.

[3] Im ke e nañin ruwatimjuon awa ej bar ilōk, im lo bar jet rej jutak ilo jikin wia, im re jab jermal.

[4] Im e ba ñan er, Komwin barãinwōt ilōk ilo jikin vain, im jabdewōt eo ejimwe, I naaj lewōj ñan kom. Im rej ilōk.

[5] Im e bar ilōk ke e nañin joñouol im ruo, im jilu awa, im kōmman ãinwōt mokta.

[6] Im ke e nañin ðalem awa ej ilōk, im lo bar jet rej jutak, im ej ba ñan er, Etke komij jutak ijin raan iio im jab jermal?

[7] Re ba ñan e, Bwe ejjelok armej e ar kejerbal kōm. E ba ñan er, Komwin barãinwōt ilōk ilo jikin vain.

[8] Im ke ejota, Irooj in jikin vain ej ba ñan ri kōmñe eo an, Kwōn kūrtoke ri jermal rañ im lelok oñær ñan er, jino jãn ro ãliktata ñan ro mokta.

[9] Im ke rej itok ro e ar kejerbal er ke enañin ðalem awa, ej kajju lok wōt aer otemjej juon sillin.

[10] A ke ro mokta rej itok, rej ðomnak e naaj wor ko rej bōk jãn er: im barãinwōt rej kajju wōt aer juon sillin.

[11] Im ke rej bōke, rej wanōketak ñan ãtōk eo,

[12] Im ba, Rein ãliktata raar jermal juon wōt awa, im ãin am ñaonãn ñan er wōt kōm, ro raar niknik in jermal iumwin det ilo raan.

[13] A e uwaak ñan juon iaer im ba, Jera, I ar jab kōmanman nana ñan eok: kwaar jab pepe ñan eō kōn juon sillin ke?

[14] Kwōn bōk ñe am, im ilok: I kōnaan lelok ñan eo ãliktata ãinwōt ñan kwe.

[15] E jab mālīm ke ñan eō, bwe in kōmanman jabdewōt men eo I kōnaan kōmman kōn men ko aō? Mejōm elur bwe ña I maan ke?

[16] Æindein ro ãliktata re naaj mokta, im ro mokta re naaj ãliktata.

[17] Im ke Jijej ej wanlōñlok ñan Jerusalem, Ej kamakelok iaer joñoul im ruo ri kalooran ilo ial, im E ba ñan er,

[18] Lo jej wanlōñlok ñan Jerusalem; im naaj ketak Nejin armej ñan pris ro relap im ñan skraib ro, im re naaj liaaklok E ñan mej,

[19] Im naaj ketak E ñan ri aelōñ ko bwe ren kajjirere, im deñlok, im debwãal E: im ilo raan eo kein ka jilu E naaj jerkakpeje.

[20] Ien eo jinen ro nejin Zebedi kab ro nejin rej itok ñan ippān, im kabuñ ñan E, im kajjitōk ippān kōn juon men eo.

[21] Im E ba ñan lio, Kwō kōñake ta? E ba ñan E, Kwōn jiroñ bwe rein ruo nejiō ren jijet, juon i anbwijmaroñom, im eo juon i anmiiñom ilo Am aelōñ.

[22] A Jijej e uwaak im ba, Kom jaje ta eo komij kajjitōk. Kom maroñ in idaak kab eo I naaj idaak ke? Re ba ñan E, Kōmro maroñ.

[23] Im E ba ñan er, Aet, kom naaj idaak Aō kab, a kōn amiro jijet i anbwijmaroñiō, im i anmiñiō, e jab Aō bwe In lewōj, a Jema e naaj leļok ñan ro E ar kapojak ñan er.

[24] Im ke joñoul rej roñjake, rej illu ñan ruo jemjein jemjaten ro.

[25] A Jijej ej kūrtoke er im ba, Kom jeļā bwe Irooj ro an ri aelōñ ko, rej Irooj wōt ioer, im ro relap rej Irooj wōt ñan er.

[26] A en jab āinwōt ippemi: a jabdewōt eo iaami e kōñaan bwe en utiej, en ami ri jipañ,

[27] Im jabdewōt eo e kōñaan bwe en moкта iaami, en ri korijerami:

[28] Im āinwōt Nejin armej e ar jab itok bwe armej ren jermal ñan E, a bwe En jermal ñan er, im leļok An mour bwe En pinmuur ñan ro relōñ.

[29] Im ke ej ilok jān Jeriko, eļap jar eo rej ļoor E.

[30] Im lo, ruo maan re pilo, rej jijet iturin ial eo, ke rej roñjake bwe Jijej ej kijoon er, rej lamōj im ba, O Irooj, nejin Devid, Kwōn tūriamokake kōmro.

[31] Im jar eo rej kauwe er bwe ren ikōñ: a rej kaļapļok aer lamōj im ba, O Irooj, nejin Devid, Kwōn tūriamokake kōmro.

[32] Im Jijej e bōjrak, im kūrtoke er im ba, Ta eo komro kōñaan bwe In kōmman ñan kom?

[33] Re ba ñan E, Irooj bwe mejem ren peļļok.

[34] Im Jijej ej tūriamokake er, im uññūr mejeir: im emōkaj an mejeir loļokjeñ, im rej ļoor E.

JEPTA 21

[Ma 21.1] Im ke rej item kepaak ñan Jerusalem, im itok ñan Betpeje ñan toļ Olivet, Jijej ej jilkinļok ruo ri kaļooran,

[2] Im ba ñan erro, Komwin ilok ñan jikin kwelok edik ikijjami, im emōkaj am naaj lo juon kidu ass ej lokjak, im koon ippān: komwin jeļate, im āñintok er ñan Eō.

[3] Im eļañne jabdewōt armej ej kōnono ñan komro, kom naaj ba, Irooj eo Ej aikuj er; im e naaj moќaj an jilkintok er.

[4] Raar kōmman men in, bwe ren kamool naan eo ri kanaan e ar kōnono im ba,

[5] Komwin kōnnaanōk kōrā eo nejin Zaiōn, Lo, am kiñ ej itok ñan eok E ineemman im jijet ioon kidu ass, im koon nejin ass.

[6] Im ri kaļooran rejro ilok, im kōmanman āinwōt ke Jijej e ar jiroñ er,

[7] Im āñintok kidu ass im koon, im likūt aer nuknuk ioer im Ej jijet ioon.

[8] Im elōñ iaan jar eo rej erļoki nuknuk ko aer ilo ial; bar jet rej jeki raan wōjke ko im eri ilo ial.

[9] Im jar ko rej ilok imaan ļok, im ro rej ļoor ļok, rej lamōj im ba, Hosana ñan nejin Devid: E moñōñō Eo ej itok ilo etan Irooj: Hosana ilo utiejtata.

[10] Im ke emōj An deļoñ ilo Jerusalem, aolepen jikin kwelok rej jourur im ba, Wōn e?

[11] Im jar ko rej ba, E in Jijej ri kanaan eo jān Nazeret ilo Galili.

[12] Im Jijej ej deļoñ ilowan tempel in Anij, im kadiwōjļok er otemjej ro rej wiakake im wiaik ilowan tempel, im ukōji tebōļ ko an ro rej wia kōn maAn, im kein jijet ko an ro rej wiakaki muļe ko;

[13] Im E ba ñan er, Ar jeje, Naaj likūt etan moweo imō imōn jar: a komij kōmmane roñan ro ri kowadoñ.

[14] Im ro re pilo im kūrro rej itok ñan ippān ilowan tempel; im Ej kemour er.

- [15] A ke pris ro reĵap im skraib ro rej lo men in bwilõñ ko E ar kōmman, im ajri rej lamōj ilowan tempel im ba, Hosana ñan nejin Devid; eĵap aer illu,
- [16] Im re ba ñan E, Kwōj roñ ke men ko re ba? Im Jijej e ar ba ñan er, Aet; kom ar jab kōnono ilo bok ke, Kwaar koweppān nōbar jān loñin niñniñ ro im ro rej ninnin?
- [17] Im Ej ilok jān er, im diwōjlok jān jikin kwelok eo ñan Betani; im Ej pād ijo ilo boñ.
- [18] Im ñe ejibboñ ke Ej jepĵaak ñan jikin kwelok, E kwōle.
- [19] Im ke Ej lo juon wōjke fig iturin ial, Ej itok ñan e, im lo ejjeĵok leen i raan, a bōlōk wōt: im E ba ñan e, Enjeĵok leen i rañ indeeo. Im eṃōkaj an wōjke fig mōrāĵok.
- [20] Im ke ri kaĵooran rej loe, rej bwilõñ im ba, E nañin mōkaj an wōjke fig mōrāĵok!
- [21] Im Jijej e uwaak im ba ñan er, Eṃool Ij ba ñan kom, eĵaññe ewor ami tōmak, im jab pere, kom naaj kōmanman jab men iñ an wōjke fig wōt, a eĵaññe kom naaj ba ñan toĵ iñ, Kwōn teep im jokōk i lojet, e naaj āindein.
- [22] Im jabdewōt men ko otemjej kom naaj kajjitōk ilo ami jar, im tōmak, kom naaj bōki.
- [23] Im ke eṃōj An deĵoñ ilowan tempel, pris ro reĵap im elder ro an armej rañ rej itok ñan ippān, ke Ej katakin, im ba, Kōn naan ot Kwōj kōmman men kein? im wōn e ar lewōj naan iñ ñan Eok?
- [24] Im Jijej e uwaak im ba ñan er, I naaj barāinwōt kajjitōk ippemi kōn juon naan; eĵaññe kom naaj kōnnaanōk Eō kōn naan eo, I naaj barāinwōt kōnnaanōk kom kōn naan ot Ij kōmman men kein.
- [25] Peptaij eo an Jon, e jān ia? jān lañ ke? ak jān armej ro ke? Im rej kōnono ippān doon, im ba, Eĵaññe je naaj ba, Jān lañ; E naaj ba ñan kōj, Innām etke kom ar jab tōmak e?
- [26] A eĵaññe je naaj ba, Jān armej ro, je mijak armej rañ, bwe er otemjej rej ĵōmṃak bwe Jon e ri kanaan.
- [27] Im rej uwaak Jijej im ba, Kōm jaje. Im Ej ba ñan er, I jāmin kōnnaanōk kom kōn naan ot Ij kōmman men kein.
- [28] A ta ami ĵōmṃak? Juon maan nejin ruo, ĵadik: im e ar itok ñan eo mōkta im ba, Nejiō, kwōn ilem jermal rainin ilo jikin vain eo.
- [29] E uwaak im ba, I jab kōṃaan: a tokālik ej ukeĵok ippān im ilok.
- [30] Im ej itok ñan eo juon, im āindein an ba. Im e uwaak im ba, Aet jema; im e jab ilok.
- [31] Wōn iaerro e ar kōmman ankilaan jemen? Re ba, eo mōkta. Jijej e ba ñan er, Eṃool Ij ba ñan kom, Ro ri tōl owōj im kōrā rekijoñ rej deĵoñ ilo aelōñ in Anij mōkta jān kom.
- [32] Bwe Jon e ar itok ñan kom ilo ial in kwōjarjar, im kom ar jab tōmak e: a ro ri tōl owōj im kōrā rekijoñ raar tōmak e: a kom, ke kom ar lo men iñ, kom ar jab ukeĵok tokālik, bwe komwin tōmak e.
- [33] Komwin roñjake bar juon waan joñak: Juon armej ātōk, e ar kallib ilo jikin vain, im kōmanman wōrwōr im kōpool e, im kūbwij kein joniak wain ilowan, im kalōk iṃōn ebar, im kōlaik e ñan ro ri kallib, im ej ilok ñan bar juon aelōñ:
- [34] Im ñe epaak iien leen ekalo, ej jilkinĵok ro ri korijeran ñan ippān ro ri kallib, bwe ren bōk leen eo an.
- [35] Im ri kallib rej jibwe ro ri korijer im deñĵoke juon, im mañ juon im kade bar juon kōn deka.
- [36] Im ej bar jilkinĵok bar jet ri korijeran elōñ jān mōkta: im āindein aer kōmman ñan er.

- [37] A tokālik, e ar jilkinl̥ok nejin maan ñan ippaer im ba, Re naaj kabuñ ñan nejiō.
- [38] A ke ri kallib rej lo nejin, re ba ñan doon, E in ri jolōt: itok bwe jān maan e, im jān bōk jolōt eo an.
- [39] Im rej jibwe im jol̥ok e jān jikin vain eo im mane.
- [40] Innām ñe Irooj in jikin vain eo e naaj itok, ta eo e naaj kōmanman ñan ro ri kallib?
- [41] Re ba ñan E, e naaj lap an nana an maan ro ri nana, im e naaj kōlaik jikin vain eo ñan bar jet ri kallib, ro re naaj bōk leen ñan e ilo iien ko iien kalo.
- [42] Jijej ej ba ñan er, Kom ar jab kōnono ke ilo Jeje ko, Ejmaan eo ro ri kal raar jol̥oke, E in ej demōn jabōn im: men in an Irooj kōmmane, im men in bwilōñ ilo mejed?
- [43] Kōn men in, Ij ba ñan kom, naaj bōk aelōñ in Anij jān kom, im lel̥ok ñan ri aelōñ rej kōmman leen kaki.
- [44] Im jabdewōt eo e naaj buñ ioon ejmaan in e naaj rup; a jabdewōt eo ejmaan e naaj buñ ioon, e naaj kajep̥lōklōk e ainwōt būñalñal.
- [45] Im ke pris ro relap im Parisi ro rej roñjake būrabōl̥ ko An, re jeļã bwe E ar kōnono kōn er.
- [46] Im ke rej pukot bwe ren jibwe, re mijak kōn jar ko, bwe armej rej jōmñak E ri kanaan.

JEPTA 22

- [Ma 22.1] Im Jijej e uwaak im bar ba ñan er ilo waan joñak ko, im ba,
- [2] Aelōñ in lañ ej ainwōt juon kiñ eo e ar kōmman kwōjkwōj in pālele ñan nejin maan,
- [3] Im e ar jilkinl̥ok ro ri korijeran, bwe ren pukot tok ro ar jiroñ er kōn kwōjkwōj in pālele eo: im re jab kōnaan itok.
- [4] Ej bar jilkinl̥ok bar jet ri korijeran im ba, Komwin ba ñan ro ar jiroñ er, Lo, emōj aō kapojak kwōjkwōj: kau kōmaan ko aō im kidu rematōk emōj aer maan, im men otemjej re dedel̥ok: komwin itok ñan kwōjkwōj in pālele.
- [5] A rej kajekdoon e im il̥ok juon ñan jikin kallib eo an, im juon ñan mweiuk ko mweiien:
- [6] Im ro jet rej jibwe ro ri korijeran, im kōkkure er, im maan er.
- [7] A ke kiñ eo e ar roñjake, ej illu: im ej jilkinl̥ok jar ko an jar in tariñae, im maan ro ri uror, im tile jikin kwel̥ok eo aer.
- [8] Im ej ba ñan ro ri korijeran, Kwōjkwōj in pālele e dedel̥ok, a ro ar jiroñ er rej patkake.
- [9] Innām komwin il̥ok ilo kāboñ in ial ko, im ro otemjej kom naaj lo er, komwin kūrtoek er ñan kwōjkwōj in pālele.
- [10] Im ro ri korijeran rej il̥ok ilo ial ko, im añintok ro otemjej rej lo er, ro renana im ro remman: im elōñ rej maat tok ñan kwōjkwōj in pālele eo.
- [11] Im ke kiñ eo ej del̥oñ bwe en lale ro raar itok, ej lo juon armej ijo e kar jab kōñak kopā in pālele:
- [12] Im ej ba ñan e, Jera, ekōjkan am̥ itok ijin, im jab kōñak kopā in pālele? Im ej ikōñ.
- [13] Innām kiñ ej ba ñan ro ri korijeran, Komwin liāpe pein im nein, im bōkl̥ok e, im jol̥ok e ilo kapin marok: ijo re naaj jañ im ñi laļla.
- [14] Bwe kūr elōñ, e iiet ro kāl̥ōt er.
- [15] Iien eo Parisi ro rej il̥ok, im pepe ekōjkan aer naaj pukwōj An in naan.

- [16] Im rej jilkinlɔk ñan E ro ri kałoorair kab ro doon Herod, im ba, Ri Kaki, kɔm jełã Kwɔ mool im katakin ial in Anij ilo mool, im Kwɔ jab bɔk ñan armej; im Kwɔ jab lɔmɲak kɔn wãween armej.
- [17] Innã Kwɔn kɔnnaanɔk kɔm, Ta aɲ lɔmɲak? Emãlim owɔj lɔk ñan Sizar ke jab ke?
- [18] A Jijej ej kile aer nana im ba, Etke komij kapo Eɔ, kom ri jełã moɲ?
- [19] Komwin kwałɔk ñan Eɔ mAn in owɔj. Im rej bɔktok ñan E juon deneriɔs.
- [20] Im E ba ñan er, An wɔn men in kajjioñ im jeje iɲ?
- [21] Re ba ñan E, An Sizar. Im E ba ñan er, Innã komwin lełɔk ñan Sizar men ko an Sizar, im ñan Anij men ko an Anij.
- [22] Ke emɔj aer roñjake, re bwilɔñ im ilɔk jãn E im etal.
- [23] Ilo raan eo jet Saddusi rej itok ñan ippãn, ro rej ba ejjełɔk jerkakpeje, im rej kajjitɔk ippãn,
- [24] Im ba, Ri kaki, Moses e ar ba, Ełãñe juon armej e mej, im ejjełɔk nejin, jaten e naaj pãleik lio kar pãleen, im en wor nejin ñan jein.
- [25] Im jiljilimjuon jemjein jemjaten raar pãd ippem: im eo mokta, ke e ar pãleik lio, e mej im ejjełɔk nejin, ej likũt pãleen ñan jaten:
- [26] Im barãinwɔt jaten eo kein ka ruo, im kein ka jilu, ñan eo kein ka jiljilimjuon.
- [27] Im ãlik er otemjej lio e mej.
- [28] Innã ilo jerkakpeje, pãleen wɔn lio iaan ro jiljilimjuon? Bwe er otemjej raar pãleik e.
- [29] Jijej e uwaak im ba ñan er, Komij bɔd kɔn ami jaje Jeje ko, im an Anij kajoor.
- [30] Bwe ilo jerkakpeje re jab pãlele, im jab lełɔk bwe ren pãlele, a er ãinwɔt enjeł ro i lañ.
- [31] A kɔn jerkakpeje an ro re mej, kom ar jab kɔnono ilo bɔk naan ko Anij e ar ba ñan kom, im ba,
- [32] Ña Anij an Ebrean, im Anij an Aisak, im Anij an Jekɔb ke? Anij e jab Anij an ro re mej, a an ro re mour.
- [33] Im ke jar ko raar roñjake, re bwilɔñ kɔn An naan in katak.
- [34] A ke Parisi ro raar roñ bwe E ar kiili loñin Saddusi ro, rej kweilɔktok ñan ijo.
- [35] Im juon iaer, eo ri kien, ej mãlejjoñ E im kajjitɔk ippãn, im ba,
- [36] Ri Kaki, ewi kien eo ełap ilo kien ko?
- [37] Jijej e ba ñan e, Kwɔn yokwe Irooj am Anij kɔn aolepen bũruɔm im kɔn aolepen aɲ, im kɔn aɲ lɔmɲak otemjej.
- [38] Eñin kien eo ełap im mokta.
- [39] Im eo kein ka ruo ãinwɔt iɲ, Kwɔn yokwe ri turɔm im ãinwɔt kwe.
- [40] Kien otemjej im ri kanaan rej kejil ilo kien kein ruo.
- [41] Ilo iien eo ke Parisi ro rej kweilɔklɔk, Jijej ej kajjitɔk ippaer,
- [42] Im ba, Komij lɔmɲak ta kɔn Ri Kũrai? E nejin wɔn? Re ba ñan E, Nejin Devid.
- [43] E ba ñan er, Innã ekɔjkan Devid ilo Jetɔb e ar likũt etan Irooj, im ba,
- [44] Irooj e ar ba ñan aɔ Irooj, Kwɔn jijet i anbwijmaroñiɔ, ñan tɔr eo I naaj likũt ro ri kɔjdate Eok iumwin niom.
- [45] Innã ełãñe Devid ej ñaetan Irooj, ekɔjkan E nejin?
- [46] Im ejjełɔk armej e maroñ uwaak E kɔn juon naan: im ãlikin raan eo ejjełɔk armej ej peran bwe en kajjitɔk ippãn kɔn juon naan.

JEPTA 23

[Ma 23.1] Iien eo Jijej ej kōnono ñan jar ko, im ñan ro ri kaļooran,

[2] Im ba, Skraib ro im Parisi ro rej jijet ioon kein jijet an Moses;

[3] Innām men otemjej jabdewōt raar jiroñ kom, koṃwin kōjparoki im kōṃanṃAn; a koṃwin jab kōṃṃan āinwōt aer jerbal; bwe rej ba im jab kōṃanṃan.

[4] Bwe rej lukwōj ineeeki reddo, im eñtaan kōn an bōki, im likūti ṇa i aerān armej: a er make re jab kōṇaan kōṃṃakūti kōn juon addir.

[5] A rej kōṃṃan aer jerbal otemjej bwe armej ren loi: rej kōṃṃan aer pailaktiri dilip, im rej kadilip tōrerein nuknuk ko aer,

[6] Im re kōṇaan kein jibadek ko reṃṃan ļok ilo kwōjkwōj ko, im kein jijet reṃṃan ļok ilo iṃōn kwelok ko,

[7] Im yokyokwe ko ilo jikin wia ko, im bwe armej ren likūt etaer, Rabbai.

[8] A koṃwin jab bōk etami Rabbai: bwe juon ami Ri Kaki: im kom otemjej jemjein jemjaten.

[9] Im jab ṇaetan jabdewōt armej jememi i laļ: bwe juon Jememi, eo ej pād i lañ.

[10] Im ren jab ṇaetami ri kaki: bwe juon ami Ri Kaki, Ri Kūraij.

[11] A eo eļaptata iaami, e naaj ri korijerami.

[12] Im jabdewōt eo e naaj make koutiej e, naaj kōttāik e; im eo e naaj make kōttāik e, naaj koutiej e.

[13] A wo ñan kom skraib im Parisi ro, ri jeļā ṃoṇ! bwe komij kiili aelōñ in lañ jān armej: bwe kom jab deļoñ ilowan, a ro rej deļoñ ļok ilowan, komij bōbrae aer deļoñ.

[15] Wo ñan kom skraib im Parisi ro ri jeļā ṃoṇ! bwe komij kōpool lometo im āne bwe koṃwin kaltok juon ri kaļoorami: im ñe e po, komij kōṃṃan e bwe en ruo alen nejin Geena jān kom.

[16] Wo ñan kom ri tōl pilo, komij ba, Jabdewōt eo e naaj kanejnej kōn tempel, jekdoṇ; a jabdewōt eo e naaj kanejnej kōn kool in tempel, men in ej dāpij e.

[17] Kom bwebwe, im pilo! bwe ewi iaer eļap, kool, ak tempel eo ej kokwōjarjar kool?

[18] Im, Jabdewōt eo e naaj kanejnej kōn lokatok, jekdoṇ; a jabdewōt eo e naaj kanejnej kōn men in joortak ioon, men in ej dāpij e.

[19] Kom bwebwe im pilo! bwe ewi iaer eļap, men in joortak, ak lokatok eo ej kokwōjarjar men in joortak?

[20] Innām jabdewōt eo e naaj kanejnej kōn lokatok, ej kanejnej kake, im kōn men otemjeļok ṇa ioon.

[21] Im jabdewōt eo e naaj kanejnej kōn tempel, ej kanejnej kake, im kōn Eo ej pād ilowan.

[22] Im eo e naaj kanejnej kōn lañ, ej kanejnej kōn tūroon an Anij, im kōn Eo ej jijet ioon.

[23] Wo ñan kom, skraib im Parisi ro, ri jeļā ṃoṇ! bwe komij owōj kōn kein ka joñoul an mint, im anis, im kōṃmin, im kom ar joļok men ko reļap an kien, ekajet im tūriaṃo, im tōmak: eṃṃan bwe koṃwin kar kōṃṃan men kein im jab joļok kan jet.

[24] Kom ri tōl pilo! ro rej liklik lijeljelṃak, im wōrañļok kamel.

[25] Wo ñan kom skraib im Parisi ro ri jeļā ṃoṇ! bwe komij karreo ālikin kab im jāpe, a ilowan re lōñ kōn men in kowadoñ im nana.

- [26] Kwe Parisi e pilo! kwōn karreo mokta men eo ilowan kab im jāpe, bwe ālikin en barāinwōt erre.
- [27] Wo ñan kom, skraib im Parisi, ro ri jeļā moņ! bwe kom āinwōt wūliej ko remouj, ko reṃṃan potata ilikir, a ilowan re lōñ kōn di in armej, im nana otemjej.
- [28] Im āindein komij barāinwōt ilikimi iṃaan armej raņ āinwōt ro reṃṃan, a ilowami komij obrak kōn moņ im nana.
- [29] Wo ñan kom, skraib im Parisi, ro ri jeļā moņ! bwe komij kalōk iṃōn wūliej ko an ri kanaan, im kaiboojoj wūliej ko an ri ṃan,
- [30] Im ba, Eļāñne kōm ar pād ilo raan ko an jīṃṃam, kōm jāmin kar ri bōk ṃōttan ippaer kōn katōorļok bōtōktōk an ri kanaan ro.
- [31] Kōn men iņ komij make bakajjiemi, bwe kom nejin ro raar ṃan ro ri kanaan.
- [32] Innām koṃwin kanne kein joņak an ro jememi.
- [33] Kom jedpānit ko, kom nejin vaiper ko! e naaj kōjkan ami ko jān liaakļok ñan Geena?
- [34] Innām, lo, Ij jilkinwōj ñan kom ro ri kanaan, im ro ri mālōtlōt, im skraib ro: im jet iaer kom naaj ṃan er, im debwāāl er: im jet iaer kom naaj deñļoke ilo iṃōn kwelok ko ami, im matōrtōr er jān jikin kwelok ñan jikin kwelok;
- [35] Bwe en itok iomi bōtōktōk otemjej ewānōk ar lutōk ioon laļ, jān bōtōktōk in Ebel ewānōk ñan bōtōktōk in Zakeraias nejin Barekaia, eo kom ar ṃan eoļōpin tempel im lokatok.
- [36] Eṃool Ij ba ñan kom, Men kein otemjej re naaj itok ioon epepen iņ.
- [37] O Jerusalem, Jerusalem, eo ej ṃan ro ri kanaan, im kade kōn dekā ro jilkinļok ñan e! O enaņin lōñ alen I ar kōṃaan kokweiloktok ro nejōṃ, im āinwōt loļo ej kokweiloktok nejin jojo iuṃwin pein, im kom ar jab kōṃake!
- [38] Lo ṃweo iṃwemi likūt e ñan kom im jeepeļok.
- [39] Bwe Ij ba ñan kom, Kom jāmin lo Eō jān iien iņ, ñan tōr eo kom naaj ba, Eṃōṃōṃō Eo ej itok ilo etan Irooj.

JEPTA 24

- [Ma 24.1] Im Jijej ej diwōjļok jān tempel im etal, im ro ri kaļooran rej itok ñan ippān bwe ren kaalwōj E kōn moko im kal in tempel.
- [2] Im Ej uwaak im ba ñan er, Komij jab lo men kein otemjej ke? Eṃool Ij ba ñan kom, Ejjeļok juon ejṃaan e naaj pād ioon doon ijin im jāmin ebjak.
- [3] Im ke Ej jijet ioon toļ Olivet, ri kaļooran rej maketok ñan ippān, im ba, Kwōn kōnnaanōk kōm ñāāt men kein re naaj waļok? im ta eo kakōļļan Aṃ naaj itok im loķōn laļ?
- [4] Im Jijej e uwaak im ba ñan er, Koṃwin kōjparok kom bwe enjeļļok armej ej kejebwābweik kom.
- [5] Bwe elōñ re naaj itok ilo eta, im ba, ña Ri Kūraij: im re naaj kejebwābweik elōñ.
- [6] Im kom naaj roņjake tariṃae ko, im naan kōn tariṃae ko: lale bwe koṃwin jab lōļñōñ; bwe men kein otemjej re naaj jejjet, a e jaņin jeṃļokōn.
- [7] Bwe ri aelōñ re naaj jutak ṃae ri aelōñ, aelōñ in kiņ ṃae aelōñ in kiņ; im e naaj wor ñūta, im ṃakūt kūt laļ ilo jet āne.
- [8] Men kein otemjej rej jinoin eñtaan ko.

- [9] Iien eo re naaj ketak kom ñan eñtaan, im re naaj man kom: im ri aelõñ otemjeļok re naaj kōjdate kom kōn eta.
- [10] Im elõñ re naaj ļōkatip, im re naaj ketake doon, im kōjdate doon.
- [11] Im elõñ ri kanaan waan re naaj waļok, im re naaj kejebwābweik elõñ.
- [12] Im kōn an nana lōñ ļok, yokwe an elõñ e naaj mōļo ļok.
- [13] A eo e naaj kijenmej ñan jemļokōn, e iņ e naaj mour.
- [14] Im naaj kwaļok gospel iņ an aelõñ in lañ i aolepen laļ kōn men in kōnnaan ñan aelõñ otemjeļok: ilo iien eo e naaj itok jemļokōn.
- [15] Innām ñe kom naaj lo men eo e kanooj nana im eļap an koķkure jutak ilowan jikin Kwōjarjar, eo Daniel ri kanaan e ar kōnono kake, (eo ej kōnono ilo bok en meļeļe)
- [16] Innām ro rej pād ilo Judia ren ko ñan toļ ko:
- [17] Eo ej pād ioon kejenwan en jab to laļ bwe en bōk jabdewōt jān mweo imōn:
- [18] Im eo ej pād ilo jikin kallib en jab jepļaak bwe en bōk kopā eo an.
- [19] Im wo ñan ro rej bōrōro, im ñan ro rej kaninnin ilo raan ko!
- [20] Im koṃwin jar bwe koṃwin jab ko ilo iien eo e piō, im jab ilo Jabōt.
- [21] Bwe ilo iien eo e naaj eļap eñtaan, eo e jañin āinwōt jān jinoin laļ ñan iien iņ, aet, e jāmin āinwōt tokālik.
- [22] Im eļañņe ar jab kāiet ļok raan ko, ejjeļok kanniōk e naaj kar mour: a kōn ro ri kāālōt naaj kāiet ļok raan ko.
- [23] Iien eo eļañņe jabdewōt armej e naaj ba ñan kom, Lo ijin Ri Kūraij ak ijjiien; koṃwin jab tōmak e.
- [24] Bwe Kūraij waan re naaj waļok, im ro ri kanaan waan, im re naaj kōmman kakōļle ko reļap im men in bwilõñ ko; bwe, eļañņe re maroñ, ren kejebwābweik ro ri kāālōt.
- [25] Lo, eṃōj Aō kōnnaanōk kom mokta.
- [26] Innām eļañņe re naaj ba ñan kom, Lo, ej pād ilo āne jemaden; koṃwin jab ilok: lo, ej pād ilowan jikin tilekek ko; koṃwin jab tōmak e.
- [27] Bwe āinwōt jarōm ej itok jān reear, im romaak ñan kapilõñ: e naaj āindein an Nejin armej itok.
- [28] Ijo jabdewōt ub ej pād, igōl ko re naaj kwelok ie.
- [29] A kiiōkiiō, ālikin eñtaan ilo raan ko, naaj kamarok aļ, im allõñ e jāmin letok an meram, im iju re naaj wōtļok jān lañ, im kajoor ko in lañ re naaj makūtkūt,
- [30] Im ilo iien eo kakōļlan Nejin armej e naaj weaak i lañ; im ilo iien eo bwij otemjej i laļ re naaj būromōj, im re naaj lo Nejin armej ej itok ilo kōdō ko i lañ, kōn kajoor im aiboojoj eļap.
- [31] Im E naaj jilkinļok enjeļ ro An kōn jilel im eļap ainikien; im re naaj kokweiloktok ro ar kāālōt er jān emān kōto, je turin lañ ñan ijeņ im ijeņ.
- [32] Kiiō koṃwin katak jān wōjke fig būrabōļ eo an: Ñe ej ub raan, im eddek bōlōk, kom jeļā bwe epaak iien māññāņ;
- [33] Āindein kom barāinwōt, ñe komij lo men kein otemjej, koṃwin jeļā bwe ej epaak, aet ilo kōjām ko.
- [34] Eṃool Ij ba ñan kom, epepen iņ e jāmin jako ñan tōr eo naaj jejjet men kein otemjej.
- [35] Lañ im laļ re naaj jako, a naan ko Aō re jāmin jako.
- [36] A raan eo im awa eo ejjeļok juon e jeļā kake, im jab enjeļ ro i lañ, jab Nejin, a Jema wōt.

- [37] Im äinwõt raan ko an Noa, e naaj äindein an Nejin armej itok.
- [38] Bwe äinwõt ilo raan ko mokta jän ibwijlelep eo, raar mõñã im idaak, raar pälele im leļok bwe ren pälele, ñan raan eo Noa e ar deļoñ ilowan wa eo,
- [39] Im re jaje ñan tör eo ibwijlelep ej itok, im bōkļok er otemjej; e naaj äindein an Nejin armej itok.
- [40] Iien eo ruo armej re naaj pād ilo jikin kallib; naaj bōk juon, im likūt juon.
- [41] Ruo kōrã re naaj irir kōn kein irir; naaj bōk juon, im likūt juon.
- [42] Innām koṃwin ekil; bwe kom jaje ilo raan ot Irooj e naaj itok.
- [43] A koṃwin jeļã men in, eļaññe ätōk in mweo e ar jeļã ilo mmej ot ri koṃt ej itok, e naaj kar ekil, im jāmin kar kōtļok bwe en rupe imōn.
- [44] Kōn men in koṃwin baräinwõt pojak: bwe ilo awa komij jab ļomņak, nejin armej ej itok.
- [45] Innām wōn eo ri korijer e tiljek im mālōtlōt, eo an Irooj e ar likūt e bwe en ri kōmñe ioon ro doon, bwe en naajdik er ilo iien eṃman?
- [46] Eṃoṃoṃo ri korijeran eo, an Irooj e naaj itok im lo an kōmanman äindein.
- [47] Eṃool Ij ba ñan kom, e naaj kairooj e ioon men ko otemjeļok an.
- [48] A eļaññe ri korijeran eo enana e naaj ba ilo būruen, Aō Irooj ej kattar an itok;
- [49] Im e naaj jino an deñļoke ro ri korijer ippān, im naaj mõñã im idaak ippān ro ri kadek:
- [50] Irooj an ri korijeran eo e naaj itok ilo raan eo ñe e jab katmāne, im ilo awa eo e jaje kake,
- [51] Im e naaj bukwe, im naaj likūt jikin ippān ro ri jeļã moṃ: ijo e naaj jañ im ñi ļaļļa.

JEPTA 25

[Ma 25.1] Ilo iien eo aelōñ in lañ e naaj äinwõt joñoul bōjin, rej bōk ļaam ko aer, im ilok bwe ren wōnmae ļeo pälele.

- [2] Lalem iaer re bwebwe, im ļalem re mālōtlōt.
- [3] Bwe ro re bwebwe ke rej bōk ļaam ko aer re jab bōk oil ṅa ippaer.
- [4] A ro re mālōtlōt rej bōk oil ilo aer kein ettein ṅa ippān ļaam ko aer.
- [5] Ke ļeo pälele e ruṃwij tok, er otemjej rej mejki im kiki.
- [6] Im ñe lukkuun boñ, juon lamōj, Lo, ļeo pälele! koṃwin iten wōnmae e.
- [7] Innām bōjin ro otemjej rej jerkak, im kōmman ļaam ko aer.
- [8] Im ro re bwebwe re ba ñan ro re mālōtlōt, Koṃwin letok ñan kōm jän ami oil; bwe ļaam ko am re nañin kun.
- [9] A ro re mālōtlōt re uwaak im ba; Bōlen je jāmin bwe kake; a koṃwin ilok ñan ippān ro rej wia im wiaik ami.
- [10] Im ke raar ilen wiaik, ļeo pälele ej itok: im ro rej dedeļok rej deļoñ ippān ñan kwōjkwōj in pälele: im e kiil aor.
- [11] Tokālik bōjin ro jet rej baräinwõt itok, im ba, Irooj, Irooj, kwōn kapelļok ñan kōm.
- [12] A e uwaak im ba, Eṃool Ij ba ñan kom, I jaje kom.
- [13] Innām koṃwin ekil, bwe kom jaje raan eo ak awa eo.
- [14] Bwe ej äinwõt ke juon armej ej ilok ñan bar juon aelōñ, e ar añiñintok ro ri korijeran, im leļok ñan er mweiuk ko an.
- [15] Im e ar leļok ļalem talent ñan juon, im ruo ñan juon, im juon ñan bar juon; ñan kajju iaer äinwõt aer maroñ, im ej etal ļok.

- [16] Eo e ar bōk ʎalem talent, e jab ruṃwɨj an ilem wia kōn men ko, im kōṃanṃan bar ʎalem talent.
- [17] Im barāinwōt eo e ar bōk ruo, ej koorʎok bar ruo.
- [18] A eo e ar bōk juon, ej ilok im kūbwɨj bwɨdej im ŋooj ṃAn eo an irooj eo an.
- [19] Ālikin iien eto, irooj eo an ro ri korijeran ej item watōk ippaer.
- [20] Im eo e ar bōk ʎalem talent, ej bōktok bar ʎalem talent, im ba, Irooj, kwaar letok ṃan eō ʎalem talent; lo I ar koorʎok bar ʎalem talent ṃa ippaer.
- [21] An irooj ej ba ṃan e, Eṃṃan am kōṃṃan kwō korijera eṃṃan im tiljek; kwaar tiljek kōn men kaṃ re iiet, I naaj kairooj eok ioon men ko re lōñ: kwōn deʎoñ ilo lañlōñ an aṃ irooj.
- [22] Barāinwōt eo e ar bōk ruo talent, ej itok im ba, Irooj, kwaar letok ṃan eō ruo talent: lo, I ar koorʎok bar ruo talent ṃa ippaer.
- [23] An irooj ej ba ṃan e, Eṃṃan am kōṃṃan kwō korijera eṃṃan im tiljek: kwaar tiljek kōn men kaṃ re iiet, I naaj kairooj eok ioon men ko re lōñ: kwōn deʎoñ ilo lañlōñ an aṃ irooj.
- [24] Innām eo e ar bōk juon talent, ej itok im ba, Irooj I ar jeʎā kajjiem, kwe armej e pen, kwōj ṃadṃōd ijo kwaar jab jeor ṃa ie, im kwōj ae jān ijo kwaar jab illik ṃa ie:
- [25] Im I ar lōñṃoñ, im ilok im ŋooje am talent ilo bwɨdej; lo ṃAn aṃ ippaṃ.
- [26] An irooj e uwaak im ba ṃan e, Kwe kwō korijera enana im jowan, kwaar jeʎā ij ṃadṃōd ijo I ar jab jeor ṃa ie, im ae jān ijo I ar jab illik ṃa ie:
- [27] Innām eṃṃan kwaar leʎok aō ṃAn, ṃan ippān ro ri wia kōn ṃAn, im ñe ij itok I naaj kar bōk aō ṃAn im jimmaer.
- [28] Innām koṃwin bōkʎok talent eo jān e, im leʎok ṃan eo joñoul talent ippān.
- [29] Bwe naaj leʎok ṃan jabdewōt eo ewor ippān, im e naaj lōñʎok; a jān eo ejjeʎok ippān, naaj bōk ʎok men ko an.
- [30] Im koṃwin joʎok ri korijer e jatokjān ṃan kapin marok; ijo re naaj jañ im ñi ʎaʎaʎ.
- [31] A ñe Nejin armej e naaj itok ilo wōj eo An, im enjeʎ ro otemjej ippān, iien eo E naaj jijet ioon tūroon in wōj eo An:
- [32] Im naaj kokweiloktok ri aelōñ otemjej iṃaan mejan; im E naaj kōjepel er jān doon, āinwōt seperd ej kōjepel jiiip ko jān goat ko:
- [33] Im e naaj kajutak jiiip ko i anbwijmaroñan, a goat ko i anmiñin.
- [34] Innām Kiñ eo e naaj ba ṃan ro i anbwijmaroñan, Koṃwin itok kom ri ṃōṃōṃō an Jema, koṃwin jolōt aelōñ eo e ar pojak ṃan kom jān jinoin laʎ:
- [35] Bwe I ar kwōle, im kom ar naajdik Eō: I ar maro, im kom ar kaidaak Eō: I ar ruwamāejet, im kom ar kadeʎoñ Eō:
- [36] Ejjeʎok aō nuknuk, im kom ar ṃaballiō: I ar nañin mej, im kom ar item lale Eō: I ar pād ilo prisōn, im kom ar itok ṃan ippa.
- [37] Innām ro reṃṃan re naaj uwaak E im ba, Irooj, ñāāt kōm ar lo Aṃ kwōle, im naajdik Eok? ak maro im kaidaak Eok?
- [38] Ñāāt kōm ar lo Aṃ ruwamāejet, im kadeʎoñtok Eok? ak ejjeʎok Aṃ nuknuk, im kanuknuk Eok?
- [39] Ak ñāāt kōm ar lo Aṃ nañinmej, ak ilowan prisōn im ar iwōj ṃan ippaṃ?
- [40] Im Kiñ eo e naaj uwaak im ba ṃan er, Eṃool Ij ba ṃan kom, Ilo ami kōṃanṃan jabdewōt ṃan juon iaan rein ro jatiō ediktata, kom ar kōṃanṃane ṃan Eō.

- [41] Innām barāinwōt E naaj ba ñan ro i anmiñin, Komwin ilok jān Eō, kom ri nana, ñan ilowan kijeek e jāmin kun indeeo, eo e ar pojak ñan tepiļ eo im enjeļ ro an.
- [42] Bwe I ar kwōle, im kom ar jab naajdik Eō: I ar maro, im kom ar jab kaidaak Eō:
- [43] I ar ruwamāejet, im kom ar jab kadeļoñ Eō: ejjeļok Aō nuknuk, im kom ar jab ñaballiō: I ar nañinmej im ilowan prisōn, im kom ar jab item lale Eō.
- [44] Innām re naaj uwaak E im ba, Irooj, ñāāt kōm ar lo Aṃ kwōle, ak maro, ak ruwamāejet, ak ejjeļok Aṃ nuknuk, ak nañinmej, ak ilowan prisōn, im kōm ar jab iwōj im lale Eok?
- [45] Innām E naaj uwaak er im ba, Eṃool Ij ba ñan kom, bwe ilo ami jab kōṃanṃane ñan juon iaan rein ediktata, kom ar jab kōṃanṃane ñan Eō.
- [46] Im rein re naaj ilok ñan eñtaan indeeo: a ro reṃṃan ñan mour indeeo.

JEPTA 26

- [Ma 26.1] Im ke Jijej e ar kaṃōj]ok naan kein otemjej, E ba ñan ro ri kaļooran,
- [2] Kom jeļā bwe ilokōn ruo raan, ej itok kwōjkwōj in kijoone, im naaj ketak Nejin armej bwe ren debwāil E.
- [3] Innām pris ro reļap, im elder ro an armej raṃ rej kweiloklok ñan imōn pris eo eļapļap, etan Kaiepas.
- [4] Im pepe bwe ren jibwe Jijej kōn ṃoṃ, im ṃan E.
- [5] A re ba, En jab ilo iien kwōjkwōj, bwe armej ren jab iruj.
- [6] Im ke Jijej ej pād i Betani ilowan imōn Saimōn ri lōba,
- [7] Juon kōrā ej itok ñan ippān, im juon nien alebaster ippān nien dān in kapit e kanooj aorōk, im ej lutōk e ṃa ioon bōran ke e jibadek im ṃōñā.
- [8] A ke ri kaļooran rej loe, rej illu im ba, Ewi tokjān jerwaane iṃ?
- [9] Bwe jej maroñ kar wiakake men iṃ kōn eļap oñān, im leļok ñan ro re jeramōl.
- [10] A Jijej e jeļā im ba ñan er, Etke komij añōte kōrā iṃ? bwe eṃṃan an kōṃṃan ñan Eō.
- [11] Bwe ro rej jeramōl rej pād ippemi iien otemjej, a Ña I jab pād ippemi iien otemjej.
- [12] Bwe kōn an lutōk dān in kapit iṃ ṃa ioon ānbwinniō, e ar kōṃṃane ṃae tōr eo re naaj kalbwin Eō.
- [13] Eṃool Ij ba ñan kom Ijo jabdewōt re naaj kwaļok gospel iṃ i aolepen laļ otemjej, barāinwōt men eo kōrā iṃ e ar kōṃṃane, re naaj kōnono kake bwe ren keememej e.
- [14] Iien eo juon iaan joñoul im ruo, etan Judas Iskariōt, ej ilok ñan ippān pris ro reļap,
- [15] Im ba ñan er, Ta kom kōṃaan letok ñan eō, im I naaj ketak E ñan kom. Im rej joñak ļok ñan e jilñuul ṃōttan silver.
- [16] Im jān iien eo ej pukot iien eṃṃan bwe en ketak E.
- [17] Ilo raan eo ṃokta ilo kwōjkwōj in bred e jab leven, ri kaļooran rej itok ñan ippān Jijej, im ba, Ewi ijo kwō kōṃaan kōmin kapojak bwe kwōn ṃōñā men in kijoone?
- [18] Im E ba, Komwin ilok ñan jikin kwelok eo ñan ippān juon armej, im ba ñan e, Ri Kaki ej ba, Aō iien epaak: Ij lale kwōjkwōj in kijoone ilowan imōṃ, ippān ro ri kaļoorā.
- [19] Im ri kaļooran rej kōṃanṃan āinwōt Jijej e ar jiroñ er; im rej kapoj men in kijoone.
- [20] Im ke ejota Ej jibadek im ṃōñā ippān joñoul im ruo.
- [21] Im ke rej ṃōñā, E ba, Eṃool Ij ba ñan kom, juon iaami e naaj ketak Eō.
- [22] Im re kanooj būromōj, im kajju iaer, rej jino aer ba ñan E, Irooj, ña ke?

- [23] Im Ej uwaak im ba, Eo ej kattu ļok pein ippa ilowan jāpe e wōt e naaj ketak Eō.
- [24] Nejin armej ej ilok, āinwōt ar jeje kōn E; a wo ñan eo ej ketak Nejin armej! e naaj kar emman ñan armej eo, eļañņe e ar jab ļotak.
- [25] Im Judas, eo ej ketak E, e uwaak im ba, Rabbai, ña ke? E ba ñan e, kwōj ba wōt.
- [26] Im ke rej mōñā, Jijej ej bōk bred, im jar, im ruje, im leļok ñan ro ri kaļooran, im ba, Komwin bōke im mōñā: eñin ānbwinniō.
- [27] Im Ej bōk kab, im jar, im leļok ñan er, im ba, Komwin otemjej idaaκ jān e.
- [28] Bwe men in daō da in kallimur, eo e toor ļok kōn elōñ ñan juurļok jerowiwī ko.
- [29] A Ij ba ñan kom, I jāmin idaaκ dān in leen vain, ñan raan eo ñe Ij idaaκ e im ekāāl ippemi ilo aelōñ in Jema.
- [30] Im ke emōj aer al, rej diwōj im ilok ñan toļ Olivet.
- [31] Iien eo Jijej ej ba ñan er, Boñin iņ kom otemjej naaj ļokatip kōn Ņa: bwe ar jeje, I naaj man seperd im jiiip in bwijin re naaj jeplōklōk.
- [32] A ālikin Aō jerkakpeje, I naaj mōkaj ļok jān kom ñan Galili.
- [33] A Piter e uwaak im ba ñan E, Eļañņe er otemjej re naaj ļokatip kōn Kwe, I jāmin ļokatip indeeo.
- [34] Jijej e ba ñan e, Emool Ij ba ñan eok, boñin i mōkta jān an kako ikkūr, e naaj alen am kaarmejjete Eō jilu.
- [35] Piter e ba ñan E, Eļañņe I meje Eok I jāmin kaarmejjete Eok. Im āindein an ri kaļooran otemjej ba.
- [36] Innām Jijej ej itok ippaer tok ñan jikin eo etan Getsemani, im Ej ba ñan ro ri kaļooran, Komwin jijet ijin ñe Ij ilen jar ijjiien.
- [37] Im Ej āñinļok Piter, im ruo nejin Zebedi ippān ļok, im jino An būromōj im eļap An douj būruen.
- [38] Im E ba ñan erjel, Aō e kanooj būromōj āinwōt ñan mej: komwin pād ijin im ekil ippa.
- [39] Im Ej ilok jidik, im pedowane, im jar, im ba, O Jema, eļañņe e maroņe en ilok kab iņ jān Eō: a en jab ankil Aō, a ankil Aṃ.
- [40] Im Ej itok ñan ippān ro ri kaļooran, im lo aer kiki, im ba ñan Piter, Ta, kom jab maroñ in ekil ippa iumwin juon awa ke?
- [41] Komwin ekil im jar, bwe komwin jab deļoñ ilo kapo: an e kōņaan, a kanniōk emōjņo.
- [42] Alen kein ka ruo E bar ilok im jar, im ba, O Jema eļañņe kab iņ e ban ilok jān Eō eļañņe I jab idaaκ ie, en ankil Aṃ.
- [43] im Ej bar iten lo aer kiki: bwe eddo mejeir.
- [44] Im Ej bar likūt er, im ilok, im jar alen kein ka jilu im bar ba naan ko āinwōt mōkta.
- [45] Innām Ej itok ñan ro ri kaļooran im ba ñan er, Komwin kiki kiiō, im kakkijeik kom; lo, awa ej itok wōt, im ketak Nejin armej ilo pein ro ri jerowiwī.
- [46] Komwin jerkak; jān etal: lo ej epaak eo ej ketak Eō.
- [47] Im ke Ej kōnono, lo, Judas, juon iaan joñoul im ruo, ej itok, im eļap jar eo ippān, ewor jāje im doon ippaer, jān ippān pris ro reļap im elder ro an armej raņ.
- [48] Im eo ej ketak E, ear leļok ñan er juon kakōļle, im ba, Eo I naaj mejenmaik E, E eo: komwin jibwe.
- [49] Im emōkaj an itok ñan ippān Jijej, im ba, Yokwe Eok, Rabbai; im e mejenmaik E.

- [50] Im Jijej e ba ñan e, Jera, kwōn kōmman men eo kwaar itok kake. Innām rej item likūt peir ioon Jijej, im jibwe E.
- [51] Im lo, juon iaan ro ippān Jijej ej erloke pein, im nuri an jāje, im jepak juon ri korijeran pris eļap, im bukwe lojilñin.
- [52] Innām Jijej e ba ñan e, Kwōn bar likūt am jāje ña ilo nien: bwe ro otemjej rej bōk jāje, re naaj mej kōn jāje.
- [53] Kwōj ļōmņak bwe I jab maroñ in kajjitōk ippān Jema, im E naaj jilkintok ñan ippa kiiō elōñ jān joñoul im ruo lijion enjeļ ke?
- [54] Eļaññe āinwōt, ekōjkan an kaṃool Jeje ko, bwe ren kōmmanman āindein?
- [55] Ilo awa eo Jijej e ba ñan jar ko, Komij itok āinwōt ṃae ri kowadoñ, ewor jāje im doon ippemi, bwe koṃwin jibwe Eō ke? I ar jijet ippemi raan otemjej im katakin ilowan tempel eo im kom ar jab jibwe Eō.
- [56] A men kein otemjej rej waļok, bwe en kaṃool jeje ko an ri kanaan ro. Innām ri kaļooran otemjej rej ilok jān E im ko.
- [57] Im ro rej jibwe Jijej rej āñinļok E ñan ippān Kaiepas, pris eo eļap, ijo skraib ro im elder ro raar kwelok ie.
- [58] A Piter ej ļoor E im etoane, ñan imōn pris eo eļap, im deļoñ im jijet ippān ro ri kabōjrak, bwe en lo jemļokōn
- [59] Kiiō pris ro reļap im ri pepe ro reļap otemjej, raar pukot kōnnaan riab ṃae Jijej, bwe ren ṃan e.
- [60] Im re jab loe, meñe elōñ ri kōnnaan riab raar itok. Tokālik ruo rej itok,
- [61] Im ba, Armej in e ar ba, I maroñ in kōkkure tempel in Anij im bar kalōk e iuṃwin jilu raan.
- [62] Im pris eo eļap ej jutak im ba ñan E, Kwō jab uwaak ñan jidik ke? Ta eo rein rej kōnnaan ṃae Eok kake?
- [63] A Jijej ej ikōñ. Im pris eo eļap ej ba ñan E, I kanejnej ñan Eok kōn Anij emour, bwe Kwōn kōnnaanōk kōm, Kwe Ri Kūraij, Nejin Anij ke, jab ke?
- [64] Jijej e ba ñan e, Kwōj ba wōt, a Ij ba ñan kom, Tokālik kom naaj lo Nejin armej Ej jijet i anbwijmaroñan kajoor, im itok ilo kōdḡ ko in lañ.
- [65] Innām pris eo eļap ej kekeel nuknuk ko an, im ba, Ej blaspim. Etke jej kōṃaan bar jet ri kōnnaan? Lo, kiiō kom ar roñjake An blaspim.
- [66] Ta eo komij ļōmņak? Rej uwaak im ba, Ewor ruōn bwe En mej.
- [67] Iien eo re iyeloki mejan, im jekanunok E; im bar jet re ubrare E,
- [68] Im ba, Kwe Kūraij, kwōn rūkaanij ñan kōm, Wōn eo ej ubrare Eok?
- [69] A Piter ej jijet ikōtaan im, im juon jiroñ ej itok ñan ippān im ba, Kwe kwaar barāinwōt ippān Jijej ri Galili.
- [70] A e kaarmejjete imaan mejeir otemjej, im ba, I jaje ta eo kwōj ba.
- [71] Im ke ej diwōj ilo tōñnaak in kōjām, bar juon jiroñ ej loe, im ba ñan ro rej pād ie, Aet, armej in e ar barāinwōt ippān Jijej ri Nazeret.
- [72] Im e bar kaarmejjete kōn an kanejnej; I jaje kajjien armej eo.
- [73] Im tokālik jidik ro rej jutak ijo rej itok ñan ippān, im ba ñan Piter, Eṃool kwe juon iaer; bwe ainikiōṃ ej ba kajjiōṃ.
- [74] Innām ej jino an matōrtōr im kanejnej, I jaje kajjien armej eo. Im eṃokaj an kako ikkūr.

[75] Im Piter ej keememej naan eo Jijej e ar ba ñan e, E naaj alen jilu aṃ kaarmejjet Eō mokta jān an kako ikkūr. Im ej diwōj]lok, im eḷap an jañ.

JEPTA 27

[Ma 27.1] Im ke ejibboñ, pris ro reḷap otemjej im elder ro an armej raṃ, rej pepe kōn Jijej bwe ren ṃan E.

[2] Im rej liāp E im āñin]lok E im ketak E ñan irooj eo Pailat.

[3] Iien eo Judas, eo e ar ketak E, ke ej lo eṃōj aer liaak]lok E bwe En mej, ej uke]lok ippān, im bōktok jilñuul ṃōttan silver ko ñan pris ro reḷap im elder ro,

[4] im ba, I ar jerōwiwi bwe I ar ketak bōtōktōk eo ejje]lok ruōn. Im re ba, Me kōmin et? aṃ wōt pepe.

[5] Im ej julok ṃōttan silver ko ṇa ilowan tempel, im diwōj im ilok im e make lukwōj kōnwan im toto.

[6] Im pris ro reḷap rej bōk ṃōttan silver ko, im ba, E mo ar āti ṇa ilowan tōptōp in ṃAn bwe re oñān bōtōktōk.

[7] Im rej pepe, im wiaik wāto an ri potter kōn men ko, bwe ren kalbwīn ro ruwamāejet ijo.

[8] Kōn men eo rej likūt etan wāto eo, wāto in bōtōktōk ñan raan iṃ.

[9] Iien eo ar kaṃool naan eo ri kanaan Jeremaia e ar kōnono im ba, Im rej bōk ṃōttan silver ko jilñuul, men eo oñān ḷeo, raar wiaik e, ro iaan ro nejīn Israel;

[10] Im rej le]lok kōn wāto an ri potter, āinwōt Irooj e ar jiroñ eō.

[11] Im Jijej ej jutak iṃaan mejan irooj eo, im irooj ej kajjitōk ippān, im ba, Kwe kiñ an ri Ju ro ke? Im Jijej e ba ñan e, Kwōj ba wōt.

[12] Im ke pris ro reḷap im elder ro rej kinaak]lok E, E jab uwaak.

[13] Im Pailat e ba ñan E, Kwō jab roñ ke men ko relōñ re ba ṇae Eok kaki?

[14] Im E jab uwaak e ñan jidik: innām irooj eo e kanooj bwilōñ kake.

[15] Im ilo kwōjkwōj ṃanit an irooj, ej kōt]lok ñan armej raṃ juon ri prisōn eo re kōṇaan.

[16] Im kiiō juon ri prisōn ebuñbuñ ippaer, etan Barabbas.

[17] Innām ke rej kweilok]lok, Pailat e ba ñan er, Wōn iaer kom kōṇaan bwe in kōt]lok ñan kom? Barabbas ke? ak Jijej ṇaetan Kūraj?

[18] Bwe e je]ā bwe raar ketak E kōn juunṃaad.

[19] Ke ej jijet ijo jikin ekajet, lio pāleen e jelōk]lok ñan e, im ba, Kwōn jab abjōk armej iṃ ewānōk; bwe eḷap an eñtaan būruō rainin kōn aō tōṇak kōn E.

[20] A pris ro reḷap im elder ro rej kareel būruen jar eo bwe ren kajjitōk Barabbas im ṃan Jijej.

[21] Irooj eo e uwaak im ba ñan er, Wōn iaerro kom kōṇaan bwe in kōt]lok ñan kom? Re ba Barabbas.

[22] Pailat e ba ñan er, Innām in et ñan Jijej, ṇaetan Kūraj? Er otemjej rej ba, Debwāāl E.

[23] Im Irooj ej ba, Bōta, ta eo enana E ar kōṃanṃane? A eḷap]lok aer laṃōj im ba, Debwāāl E.

[24] Ke Pailat ej lo bwe e ban anjo kōn jabdewōt, e rej bar kaḷap]lok aer keroro, ej bōk dān, im aṃwīn peīn iṃaan jar eo, im ba, ejje]lok ruō kōn daan armej iṃ ewānōk: ami wōt pepe.

[25] Innām armej otemjej re uwaak e im ba, daan en buñut kōmwōj im ro nejim.

[26] Innām ej kōt]lok Barabbas ñan er; a ej deñ]oke Jijej, im ketak E bwe ren debwāāl E.

- [27] Innām ro ri tariṅae an Irooj eo rej ānin]ok Jijej ṅan ilowan imōn Irooj, im kokweiloktok jar an tariṅae otemjej ṅan ippān.
- [28] Im re jojen ballin im kaliboror E kōn kopā ekilmir.
- [29] Im ke emōj aer pirōk pāllin kālōklōk, rej likūt e ṅa ioon bōran, im koba i pein anbwijmaroṅan: im rej bukwelōlō imaan mejan, im kajjirere kake im ba, Yokwe Eok! Kiṅ an ri Ju ro.
- [30] Im re iyelok E, im bōk koba, im deñ]oke bōran.
- [31] Im ke emōj aer kajjirere kake, rej bōk kopā jān E, im bar kanuknuk E kōn nuknuk ko An, im ānin]ok E bwe ren debwāāl E.
- [32] Im ke rej diwōj]ok rej lo juon emṅaan, ri Sairine, etan Saimōn: rej kaṅakokoik e bwe en inek An debwāāl.
- [33] Im ke rej itok ṅan juon jikin etan Golgota, āinwōt ṅe rej ba, Jikin]āt in bar,
- [34] Rej le]ok ṅan E dān e meñ ekāre kōn dān in āt bwe En idaak: im ke emōj An edjoñ E ṅakoko in idaak.
- [35] Im ke emōj aer debwāāl E, rej ajej nuknuk ko An kōn juon aer kakō]je.
- [36] Im rej jijet ijo im baar E:
- [37] Im rej likūt ṅa ilōṅin bōran naan in kinaak]ok im je, E Iṅ JIJ EJ KIṅ AN RI JU RO.
- [38] Ilo iien eo rej debwāāl ruo ri kowadoñ ṅa ippān: juon i anbwijmaroṅan, im juon i anmiṅin.
- [39] Im ro rej kijoon E rej kajjirere kake, im jeboulul bōraer,
- [40] Im ba, Kwe ṅe kwōj koṅkure tempel, im bar kalōk e iuṅwin jilu raan, kwōn make loṅoṅōm. E]aṅṅe kwe Nejin Anij, kwōn to la] jān debwāāl ṅe.
- [41] Barāinwōt pris ro re]ap rej kajjirere kake, kab skraib ro im elder ro, im ba,
- [42] E ar loṅoṅoren armej ro jet, E ban make loṅoṅoren E. Kiṅ in Israel E; kiiō En to jān debwāāl eo, im kōm naaj tōmak E.
- [43] Ej lōke Anij; e]aṅṅe E kōṅaan E, kiiō En kōt]ok e; bwe E ar ba, ṅa Nejin Anij.
- [44] Im barāinwōt ri kowadoñ ro, ar debwāāl erro ṅa ippān āindein aer kajjirere kake E.
- [45] Kiiō jān joṅoul im ruo awa ṅan jilu awa, e marok ioon aolepen āne eo.
- [46] Im ke e naṅin jilu awa Jijej ej laṅōj im e]ap ainikien, im ba, Eli, Eli, lama sabaktani! Āinwōt ba, Aō Anij, Aō Anij, etke Kwaar ilok jān Eō?
- [47] Jet iaan ro rej jutak ijo, ke rej roṅjake, re ba, Armej iṅ ej kūr Elaija.
- [48] Im emōkaj an juon iaer ettōr, im bōk matmat, im kattu]ok e ilo dān e meñ, im likūt e ṅa imaan koba, im le]ok ṅan e bwe En idaak.
- [49] Ro jet re ba, En pād wōt, jān lo e]aṅṅe Elaija e naaj iten loṅoṅoren ke, jab ke.
- [50] Im Jijej ej bar laṅōj, im e]ap ainikien im E mej.
- [51] Im lo, rōñel nuknuk in tempel eo e potak im ruo ṅōttan, jān lōñ ṅan la]: im la] e ṅakūt]ūt, im ejṅaan ko re rup:
- [52] Im lōb ko re pe]ok; im elōñ ubōn ro remṅan raar kiki rej jerkakpeje,
- [53] Im wa]oktok jān lōb ko ālikin An jerkakpeje im rej ilok ṅan jikin kwelok eo ekwōjarjar, im weaaktok ṅan elōñ armej.
- [54] Im ke senturiōn, im ro rej pād ippān im baare Jijej, rej lo an la] ṅakūt]ūt, im men ko emōj kōmṅAn, e]ap aer lō]ṅōñ, im rej ba, Emool E iṅ Nejin Anij.

- [55] Im elõñ kōrã rej pād ijo etoļok im loe, ro raar ļoor Jijej jãn Galili, im jermal ñan E.
- [56] Jet iaan liṃaro, Meri Magdalini, im Meri jinen Jemes im Joses, im jinen ro nejin Zebedi.
- [57] Ke ejota, ej itok juon armej ri Arimatia, e ri ṃweiie, etan Josep im e ri kaļooran Jijej:
- [58] Ej itok ñan ippãn Pailat im kajjitōk ubõn Jijej. Innãm Pailat ej jiroñ bwe ren leļok.
- [59] Im Josep ej bōk ubõn im kūtimi ṅa ilo nuknuk linen im erre,
- [60] Im likūt e ṅa ilo lōb eo lippon im ekāāl, me e kar jekjek ilo dekā: im ej kadāpiļok juon ejṃaan eļap ṅa ilo aor in lippon im ilok.
- [61] Im Meri Magdalini ej pād ijo, im Meri eo juon, im rejro jijet ikijjien lōb eo.
- [62] Im raan eo ilju, raan ilokõn raan in kapojak, pris ro reļap im Parisi ro rej kweiloklok ñan ippãn Pailat,
- [63] Im ba, Irooj, kōm keememej an ļeo ri ṃon eo ba, ke E ar mour, Ilokõn jilu raan I naaj jerkakpeje.
- [64] Innãm kwõn jiroñ bwe ren kanooj kapen lōb eo ṃae ilokõn jilu raan, ñe re ab ri kaļooran itok im koṅot E, im ba ñan armej ro, E jerkakpeje jãn ro re mej: im ṃon āliktata e naaj nana jãn eo mokta.
- [65] Pailat e ba ñan er, Ewor ri baar ippemi: koṃwin ilok im kapen e, āinwõt ami maroñ.
- [66] Innãm rej ilok, im kapen lōb eo, im sil ejṃaan eo, im ro ri baar rej ippaer.

JEPTA 28

- [Ma 28.1] Ke ejemļok Jabõt, im ej jino raantak ilo raan mokta ilo wiik, Meri Magdalini im Meri eo juon rejro itok bwe ren lo lōb eo.
- [2] Im lo, eļap an laļ ṃakūtkūt; bwe enjeļ in Irooj ej wanlaļtak jãn lañ, im itok im kadāpiļok ejṃaan eo im jijet ioon.
- [3] Mejan āinwõt jarom, im balle eo an emouj āinwõt jiṅo;
- [4] Im ro ri baar rej wūdiddid im āinwõt ro re mej, bwe re mijak e.
- [5] Im enjeļ ej uwaak im ba ñan kōrã ro, Koṃwin jab lōļṅoñ: bwe I jeļā komij pukot Jijej, eo ar debwāāl E.
- [6] E jako ijin; bwe E ar jerkakpeje, im āinwõt An ba. Koṃwin item lale ije jikin an Irooj ar babu.
- [7] Im koṃwin jarōbļok, im kōnnaanōk ro ri kaļooran, Eṃōj An jerkakpeje jãn ro re mej; im lo E ṃōkaj ļok jãn kom ñan Galili; ijo kom naaj lo E. Lo, eṃōj aō kōnnaanōk kom.
- [8] Im eṃōkaj aer ilok jãn lōb eo kōn lōļṅoñ im lañlōñ eļap, im rej ettōr bwe ren kōnnaanōk ro ri kaļooran.
- [9] Im lo, Jijej ej ioon er, im ba, Yokwe kom. Im rej iten dāpij neen, im kabuñ ñan E.
- [10] Innãm Jijej ej ba ñan er, Koṃwin ilem kōnnaanōk ro jatiō, bwe ren ilok ñan Galili, im ijo re naaj lo Eō.
- [11] Im ke rej ilok, lo, jet iaan ro ri baar rej itok ñan jikin kwelok, im kōnnaanōk pris ro reļap men ko otemjej kōṃanṃAn.
- [12] Im ke rej kweiloklok ippãn elder ro, im eṃōj aer pepe, rej leļok elõñ ṃAn ñan ro ri tariṅae,
- [13] Im ba, Koṃwin ba, Ro ri kaļooran raar itok ilo boñ, im koṅot E ke kōm ar kiki.
- [14] Im eļañne irooj eo e naaj roñjake, kōm naaj kareel e, im lomṃoremi.

- [15] Im rej bōk mAn eo, im kōmanman āinwōt ar katakin er: im e buñbuñ ļok naan in ippān ri Ju ro ñan rainin.
- [16] A joñoul im juon ri kaļooran rej ilok ñan Galili, ñan toļ eo ijo Jijej e ar ba ñan er.
- [17] Im ke rej lo E, rej kabuñ ñan E; a jet re pere.
- [18] Im Jijej ej item kōnono ñan er, im ba, Eṃōj letok ñan Eō kajoor otemjej i lañ im i laļ.
- [19] Innām koṃwin ilok, im kōmman ri aelōñ ko otemjej bwe ren ri kaļoora, im peptaij er ilo etan Jema im Nejin im Jetōb Kwōjarjar;
- [20] Im katakin er bwe ren pokake naan ko otemjej I ar jiroñ kom: im lo, Ij pād ippemi iien otemjej ñan jemļokōn laļ.

MARK

JEPTA 1

[Mk 1.1] Jinoin gospel an Jijej Kūraj Nejin Anij.

- [2] Āinwōt ri kanaan Aiseia e ar je, Lo, Ij jilkinlok ri jelōka imaan mejōm, eo e naaj kapojak aṃ ial;
- [3] Ainikien juon ej lamōj i āne jemaden im ba, Komwin kapojak ial an Irooj, komwin kajimwe ial ko An:
- [4] Jon e ar itok im peptaj i āne jemaden, im kwaļok peptaj eo an ukeļok kōn julok jerowwi ko.
- [5] Im aolepen āne Judia raar ilok ñan ippān, im ri Jerusalem otemjej, im ej peptaj erwōj ilo reba Jordan, im rej kwaļok jerowwi ko aer.
- [6] Im Jon ej balle kōn nuknuk koolan kamel, im kōpool ipin kōn kañūr kilin kidu; im ej mōñā lokōs ko im ōne awiia.
- [7] Im ej kwaļok im ba, Eo e kajoor jān eō ej battok jān ña, kworōn ballin neen I patkake in badikdik im jēlate.
- [8] I ar peptaj kom ilo dān; a E naaj peptaj kom ilo Jetōb Kwōjarjar.
- [9] Im ilo raan ko, Jijej e ar itok jān Nazeret i Galili, im Jon e ar peptaj E ilo Jordan.
- [10] Im kiiōkiiō Ej ato jān dān im lo lañ emjallok, im Jetōb āinwōt muļe Ej kālaļtak ioon:
- [11] Im ainikien ej itok jān lañ, im ba, Kwe Nejiō jitōnbōro ippa, Ij mōñōñō kake Eok.
- [12] Im e jab ruṃwij an Jetōb jilkinlok E ñan āne jemaden.
- [13] Im Ej pād i āne jemaden iumwin eñoul raan im Setan ej kapo E; im Ej pād ippān kidu ko rawia: im enjeļ ro rej jermal ñan E.
- [14] Im ālikin ketak Jon, Jijej ej itok ilo Galili, im kwaļok gospel an aelōñ in Anij,
- [15] Im ba, Ejejjet iien, im epaak aelōñ in Anij: komwin ukeļok ippemi, im tōmak ilo gospel.
- [16] Im ke ej etetal iturin lomaļo in Galili, Ej lo Saimōn im Andru jaten Saimōn rej door ok i lojet; bwe ri eñōd erro.
- [17] Im Jijej e ba ñan er, Komwin iten ļoor Eō, im I naaj likūt kom ri eñōd armej.
- [18] Im eṃōkaj aer ilok jān ok ko aer, im ļoor E.
- [19] Im ke eṃōj An ilok jidik jān ijo Ej lo Jemes nejin Zebedi, im Jon jaten, rej barāinwōt ilo wa im kanwōdi ok ko.
- [20] Im eṃōkaj An kūrtoke erro: im rej likūt jemeir Zebedi ilo wa eo ippān ro ri jermal, im rejro ilem ļoor E.
- [21] Im rej deļoñ ilowan Kaperneum, im e mōkaj ilo raan Jabōt Ej deļoñ ilowan imōn kwelok eo, im katakin.
- [22] Im re bwilōñ kōn An naan in katak; bwe Ej katakin er āinwōt Irooj, im jab āinwōt skraib ro.
- [23] Im juon eṃṃaan ej pād ilowan imōn kwelok eo aer, im jetōb ettoon ej mok ṃa ānbwinnen; im ej lamōj,
- [24] Im ba, Ta eo ippem im ippaṃ, kwe Jijej ri Nazeret? Kwōj iten kōkkure kōm ke? Ij kile Eok, Ri Kwōjarjar an Anij.
- [25] Im Jijej ej kauwe e, im ba, Kwōn ikōñ, im ilok jān e.

- [26] Im ke emōj an jetōb ettoon kekeel e, im lamōj im eļap ainikien, ej jutakļok jān e.
- [27] Im er otemjej re bwilōñ, bwe rej kajjitōk ippān doon, im ba, Ta men iņ? Naan in katak ekāāl! bwe kōn an Irooj Ej jiroñ jetōb ettoon ro, im rej pokake E.
- [28] Im e mōkaj An buñbuñļok ijo ko otemjej i aolepen āne Galili iturin.
- [29] Im kiiōkiiō, ke emōj aer diwōjļok jān iņmōn kwelok eo, rej deļoņ ilowan iņmōn Saimōn im Andru, ippān Jemes im Jon.
- [30] A jilben Saimōn ej babu e nañinmej kōn bwil; im e mōkaj aer ba ñan E kōn e.
- [31] Im Ej itok im kabwijere pein, im kajerkak e; im nañinmej in bwil ej ilok jān e, im lio ej jermal ñan er.
- [32] Im e jota, ke e tulok aļ, rej bōktok ñan E ro otemjej re nañinmej im ro tiņoņ raar mōk ņa ānbwinneir.
- [33] Im ri jikin kwelok otemjej raar mattok ñan iturin kōjām.
- [34] Im Ej kemour elōñ ro re nañinmej kōn jabdewōt nañinmej, im kajutakļok elōñ tiņoņ; im Ej bōbrae an tiņoņ ro kōnono, bwe re kiil E.
- [35] Im ke ilju Ej jerkak etTo jān raantak, im diwōj im ilok ñan āne jemaden, im Ej jar ie.
- [36] Im Saimōn im ro ippān rej ilok i lōkōn ļok.
- [37] Im ke emōj aer lo E, re ba ñan E, Er otemjej rej kapukōt Eok.
- [38] Im E ba ñan er, Jān ilok ñan jikin kwelok kōn repaak, bwe In barāinwōt kwaļok ijo ko; bwe kōn men iņ I ar itok.
- [39] Im Ej deļoņ ilowan iņmōn kwelok ko aer i aolepen Galili, im kwaļok im kajutakļok tiņoņ raņ.
- [40] Im ej itok juon lōba ñan ippān im akweļap ñan E, im bukwelōlō ñan E, im ba ñan E, Eļañne Kwō kōņaan, Kwōj maroņ in karreo eō.
- [41] Im kōn An tūriaņo, Ej erļoke pein, im uññūre, im ba ñan e, I kōņaan: kwōn erreō.
- [42] Im e jab ruņwij an nañinmej in lōba eo ilok jān e, im ej erreō.
- [43] Im eļap An kauwe e, im emōkaj An jilkinļok e,
- [44] Im E ba ñan e, Lale bwe kwōn jab kōnnaanōk jabdewōt armej: a kwōn ilok, kwōn make kwaļok eok ñan pris eo, im leļok men ko Moses e ar jiroñ kōn karreo eok, kōn kōnnaan ñan er.
- [45] A e diwōjļok, im jino eļap an kōnnaan, im kabuñbuñļok men eo: kōn men iņ Jijej e ban deļoņ alikkar ilowan jikin kwelok, a Ej pād i āne jemaden ko, im armej rej itok ñan E jān ijo ko otemjej.

JEPTA 2

- [Mk 2.1] Im ālikin jet raan Ej bar deļoņ ilowan Kaperneum, im e buñbuñ bwe Ej pād ilowan im.
- [2] Im elōñ emōkaj aer kweilokļok, in ejjeļok jikier ijo ak iturin kōjām: in Ej ba ñan er naan eo.
- [3] Im rej itok ñan E, im bōktok juon armej e akā emān ro rej bōktok.
- [4] Im ke re ban kepaak E kōn eļap jar eo rej kapellok mōttan kejenwaan ikijjien ijo Ej pād ie: im ke emōj aer rupe, rej katolaļtak kinien ļeo e akā ej babu ioon.
- [5] Ke Jijej ej lo aer tōmak, E ba ñan ļeo e akā, Nejiō, ejako jerowiwī ko am.
- [6] A jet iaan skraib ro rej jijet ijo, rej ļōmņak ilo būrueir,

- [7] Etke armej in ej ba äindein ? Ej blasphem: wön ej maroñ in jeorlok jerowiwi ko, a Anij wöt?
- [8] Im emökaj, ke Jijej e jelã ilo an bwe äindein aer lõmñak ilowaer, E ba ñan er, Etke komij lõmñak men kein ilo büruemi?
- [9] Ewi iaerro e mõrã in ba ñan leo e akã, Ejako jerowiwi ko am; ak Kwön jerkak im bök kiniõm im etal?
- [10] A bwe komwin jelã bwe Nejin armej e maroñ in jeorlok jerowiwi ko ioon la], (E ba ñan leo e akã,)
- [11] Ij ba ñan eok, Kwön jerkak, im bök kiniõm, im ilok ñan mweo imõm.
- [12] Im emökaj an jerkak, im bök kinien, im diwõjlok imaan mejeir otemjej: innãm er otemjej re bwilõñ im wõtjake Anij, im ba, Kõm ar jab loe im äinwõt in mokta.
- [13] Im Ej bar etal ñan iturin lojet: im aolepen jar eo rej kweiloklok ñan ippãn, im Ej katakin er.
- [14] Im ke Ej kijoone, Ej lo Livai nejin Alpiõs ej jijet ilo jikin tõl owõj, im E ba ñan e, Kwön loor Eõ. Im e jutak im loor E.
- [15] Im ke Jijej ej jibadek im mõñã ilowan mweo imõn, elõñ ri tõl owõj im ri jerowiwi rej jimor jibadek ippãn Jijej im ro ri kalooran; bwe relõñ, im rej loor E.
- [16] Im ke skraib ro im Parisi ro rej lo An mõñã ippãn ro ri tõl owõj im ri jerowiwi, re ba ñan ro ri kalooran, Ej mõñã im idaa ippãn ri tõl owõj im ri jerowiwi rañ.
- [17] Im ke Jijej ej roñjake, E ba ñan er, Ro re jab nañinmej re jab aikuj rü uno, a ro re nañinmej wõt. I ar jab iten kūr tok ro remman, a ro renana.
- [18] Im ro ri kalooran Jon im Parisi ro raar jitolok: im rej item ba ñan E; Etke ro ri kalooran Jon im ro ri kalooran Parisi rañ re jitolok, a ro ri kalooram re jab jitolok?
- [19] Im Jijej e ba ñan er, Ro jeran eo ej pälele rej jitolok ke leo ej päd ippaer ke? toñ wõt ke leo ej päd ippaer re ban jitolok.
- [20] A raan ko re naaj itok ñe naaj bõklok leo jãn ippaer, innãm re naaj jitolok ilo raan eo.
- [21] Im ejjelok armej ej keke nuknuk e jañin jãn ña ilo nuknuk emor; ejañne äinwõt, mõttan nuknuk eo ekãäl, im ar karpen kake, ej kekeel nuknuk eo emor, im e nana lok an potak.
- [22] Im ejjelok armej ej ettein wain ekãäl ña ilo bõkã kilin kidu remor; ejañne äinwõt wain eo ekãäl ej rupe bõkã ko, im ejako wain kab bõkã ko: a rej ettein wain ekãäl ña ilo bõkã rekãäl.
- [23] Im Ej etal ilo jikin kallib korn ko ilo raan Jabõt; im ri kalooran ke rej etal, re jino aer lote leen korn.
- [24] Im Parisi ro re ba ñan E, Lo, etke rej kõmman men eo emõ ilo raan Jabõt?
- [25] Im E ba ñan er, Kom ar jab kõnono ilo bok ke ta eo Devid e ar kõmman ke ej aikuj im kwõle, e im ro raar päd ippãn?
- [26] Ekõjkan an deļõñ ilowan imõn Anij ke Abaietar ej pris laplap, im e ar mõñã bred in kaalikkar emõ bwe en mõñã, a pris ro wõt, im e ar lelok ñan ro rej päd ippãn?
- [27] Im E ba ñan er, Jabõt ar kõmmane ñan armej rañ, im jab armej ñan Jabõt:
- [28] Innãm Nejin armej Ej Irooj in Jabõt.

- [Mk 3.1] Im Ej bar deļoņ ilowan iṃōn kwelok; im juon eṃṃaan ej pād ie, e ṃōrā pein.
- [2] Im rej kōjjaad E, eļañņe E naaj kemour e ilo raan Jabōt; bwe ren kinaakļok E.
- [3] Im E ba ṅan armej e ṃōrā pein, Kwōn jutak ilo bwilij.
- [4] Im E ba ṅan er, Emālim ke kōṃanṃan eṃṃan ilo Jabōt ko, ak kōṃanṃan nana? kemour ke, ak ṃan? A rej ikōñ.
- [5] Im ke Ej reiļok ṅan er kōn illu, bwe Ej būromōj kōn an pen būrueir, Ej ba ṅan armej eo, Kwōn erļoke piom. Im ej erļoke; im pein emour im āinwōt pein eo juon.
- [6] Im Parisi ro rej diwōjļok, im eṃōkaj aer pepe ippān ro doon Herod kōn E, e naaj kōjkan aer ṃan E.
- [7] Im Jijej kab ro ri kaļooran ej ilok ṅan iturin loṃaļo: im eļap jar eo rej ļoor E jān Galili: im jān Judia,
- [8] Im jān Jerusalem, im jān Aidumia, im jān reear in Jordan, im jān iturin Tair im Saidōn, jar eo e kanooj ļap, ke eṃōj aer roņjake men ko reļap E ar kōṃṃAn, rej itok ṅan ippān.
- [9] Im E ba ṅan ro ri kaļooran, bwe en juon wa edik ippān, kōn an ļap jar eo, bwe ren jab kōbaj E.
- [10] Bwe E ar kemour elōñ; kōn men eo jabdewōt ro re nañinmej rej idedeļok ṅan E bwe ren uññūr E.
- [11] Im jetōb ettoon ro, ke rej lo E, re buñ iṃaan mejan, im lamōj, im ba, Kwe Nejin Anij.
- [12] Im eļap An kauwe er bwe ren jab kōjjeļaik armej kōn E.
- [13] Im Ej wanlōñļok ioon toļ eo, im Ej kūrtok ro E kōṅaan; im rej itok ṅan ippān.
- [14] Im Ej likūt joñoul im ruo bwe ren pād ippān, im bwe En jilkinļok er bwe ren kwaļok,
- [15] Im bwe ren maroñ in kajutakļok tiṃoņ ro.
- [16] Im Ej ṅaetan Saimōn ātkālen Piter;
- [17] Im Jemes nejin Zebedi im Jon jaten Jemes; im Ej ṅaetaerro ātkālen Boanerjis, āinwōt ro nejin jourur:
- [18] Im Andru, im Pilip, im Bartolomu, im Matu, im Tomas, im Jemes, nejin Alpiōs, im Tadiōs, im Saimōn ri Kena,
- [19] Im Judas Iskariōt, eo ej ketak E: im rej deļoņ ilowan juon im.
- [20] Im jar eo rej bar kweilokļok; innām re jab maroñ in ṃōñā bred.
- [21] Im ke ro nukwin rej roņjake, re diwōjļok bwe ren jibwe E; bwe re ba Ej wūdeakeak.
- [22] Im skraib ro raar wanlaļtak jān Jerusalem, re ba, Beelzebub ej pād ippān, im Ej kajutakļok tiṃoņ ro kōn Irooj in tiṃoņ ro.
- [23] Im Ej kūrtok er, im ba ṅan er ilo būrabōļ ko, Ekōjkan an Setan maroñ in kajutakļok Setan?
- [24] Im eļañņe aelōñ e jepel jimattan juṃae jimattan, aelōñ eo e jāmin pād wōt.
- [25] Im eļañņe im ej jepel jimattan juṃae jimattan, ṃweo e ban pād wōt.
- [26] Im eļañņe Setan ej make jutak juṃae e im e jepel, e ban pād im jutak, a e naaj jako.
- [27] Ejjeļok armej e maroñ deļoņ ilowan ṃweo iṃōn eo e kajoor, im rakimi men ko ṃweiiien, eļañņe e jab lukwōj ļeo e kajoor ṃokta; innām e naaj rakimi ṃweo iṃōn.
- [28] Eṃool Ij ba ṅan kom, Jerowiwī otemjej naaj jeorļok jān ro nejin armej raņ, im jabdewōt blaspim ko re naaj blaspim kake;

- [29] A jabdewõt eo e naaj blaspim ñae Jetõb Kwõjarjar, E jãmin jeorļok an jerõwiwi , a ewor ruõn indeeo.
- [30] Bwe raar ba, jetõb ettoon ej pãd ippãn.
- [31] Innãm ro jaten im jinen rej itok, im ke rej jutak i nabõj, rej jelõkļok ñan E, im kūr E.
- [32] Im jar eo rej jijet iturin, im re ba ñan E, Lo jinõm im ro jatiõm rej i nabõj im kapukõt Eok.
- [33] Im E uwaak er, im ba, Wõn jinõ, ak jatiõ maan ran?
- [34] Im Ej reiļok ñan ro rej laajrak iturin, im ba, Lo, jinõ im ro jatiõ maan.
- [35] Bwe eo ej kõmanman ankilaan Anij, e in jatiõ maan im kõrã, im jinõ.

JEPTA 4

- [Mk 4.1] Im Ej bar jino An katakin iturin lojet. Im eļap jar eo rej kweilõkļok ñan ippãn, innãm Ej uwe ioon wa, im jijet ilo lojet; im aolepen jar eo rej pãd iturin lojet ioon ãne.
- [2] Im Ej katakin er men ko relõn ilo bũrabõļ ko, im e ba ñan er ilo An katakin,
- [3] Komwin roñjake: lo, ri jeor e ar ilen jeor.
- [4] Im ke ej jeor, jet ine rej buñut iturin ial im bao in mejatoto rej kãtem kañi.
- [5] Im jet re buñut ijo e dekãke, ijo edik bwidej ie; im emõkaj an eddek, bwe e pejpej bwidej;
- [6] Ak ke ej loliñ aļ e kõjeeke; im bwe ejjeļok okran ej aemedļok.
- [7] Im jet re buñut ilo bwiljin kãlõklõk ko, im kãlõklõk ko rej eddek, im koutamweiki, im e jab jebar leen.
- [8] Im bar jet re buñut ioon bwidej emman, im jebar leen ej eddek im ļapļok, im jebar jilñuul kõn juon, im jiljinoñoul kõn juon, im jibukwi kõn juon.
- [9] Im E ba ñan er, Eo ewor lojilñin bwe en roñjake en roñļokjeņ.
- [10] Im ke Ej make iaan, ro rej pãd iturin kab joñoul im ruo, rej kajjitõk ippãn kõn bũrabõļ ko.
- [11] Im E ba ñan er, emõj lewõj ñan kom bwe komwin jeļã men eo ettino an aelõn in Anij; a ñan ro ãlikin, kõmanman men ko otemjej ilo bũrabõļ ko.
- [12] Bwe ñe rej loe, ren loe im jaje kake; im ñe rej roñ ren roñjake, im jab meļeļe; ñe re ab ukõt bũrueir, im naaj jako jerõwiwi ko aer.
- [13] Im E ba ñan er, Kom jab jeļã bũrabõļ in ke? e naaj kõjkan ami jeļã waan joñak otemjej?
- [14] Ri jeor eo ej jeor naan.
- [15] Im rein ro rej pãd iturin ial, ijo jeor naan ie; im ke raar roñjake, emõkaj an Setan itok im bõkļok naan eo ar jeor an ilo bũrueir.
- [16] Im ãindein rein ro ar jeor ijo e dekãke; ke raar roñjake naan, emõkaj aer bõke, im e buñbũrueir;
- [17] Im ejjeļok okrair ilo er, a jidik wõt iien aer niknik; innãm ñe jorrããn ak matõrtõr ej waļok kõn naan, emõkaj aer tipñõl.
- [18] Im bar jet ro jeor ilo kãlõklõk ko; rein ro raar roñjake naan;
- [19] Im inepata ko an laļ in, im moņ an mweiuk ko, im mõmkake men ko jet, rej deļõn im koutamweik naan, im e jab jebar leen.
- [20] Im ro ar jeor ioon bwidej emman; ro rej roñ naan, im bõke, im jebar leir, juon jilñuul, juon jiljinoñoul, im juon jibukwi.

- [21] Im E ba ñan er, Rej bōktok ļaam, bwe re likūt e iumwin jāpe, ak iumwin peet, im jab likūt e ioon jikin ļaam ke?
- [22] Bwe ejjeļok men in nojak, eļañņe jab bwe en alikkar; ak ejjeļok men in kalbubu a bwe en waļokļok.
- [23] Im eļañņe jabdewōt armej ewor lojilņin bwe en roņjake, en roņļokjen.
- [24] Im E ba ñan er, Komwin lale ta eo komij roņjake. Joņak eo komij joņak kake, naaj bar joņak ñan kom; im naaj koorļok lewōj ñan kom.
- [25] Bwe eo ewor ippān, naaj leļok ñan e; im eo ejjeļok ippān, naaj bōk men eo an jān e.
- [26] Im E ba, Āin aelōñ in Anij dein, āinwōt eļañņe armej ej kallib ine ilo bwidej;
- [27] Im ej kiki im jerkak boņ im raan, im ine ej eddek im ļapļok, e jaje kōjkan.
- [28] Bwe laļ ej kalle make iaan, moкта bōlōk, innām leen, tokālik leen ekalo.
- [29] A ñe leen ekalo emōkaj an bukwe kōn sikel, bwe iien madmōd emōj an itok.
- [30] Im E ba, E naaj kōjkan am kajjioņe aelōñ in Anij? ak kōm naaj kaalikkar e kōn būrabōļ ot?
- [31] Ej āinwōt ine in mustad, eo, ñe jeor ilo bwidej meņe edik jān ine otemjej ioon laļ;
- [32] A ñe emōj jeor ej eddek, im ļapļok jān mar otemjej, im ej eddek ra im eļap; innām bao in mejatoto rej babu ilo lorin.
- [33] Im kōn elōñ būrabōļ im āinwōt Ej ba naan eo ñan er, āinwōt aer maroņ in roņjake.
- [34] A ñe ejjeļok būrabōļ E jab kōnono ñan er; ñe rej make ļok iaer Ej kameļeļeik men otemjej ñan ro ri kaļooran.
- [35] Im ilo raan eo, ke ejota, Ej ba ñan er, Jān ilok ñan lomaļo jab uweo.
- [36] Im rej ilok jān jar eo, im ektak E wōt ke Ej pād i wa. Im bar jet wa ippān.
- [37] Im e buņ ñat, im no ko rej juur ioon wa eo, innām elōñ.
- [38] Im Ej pād i lokōn wa eo, im kiki ioon pitōn; im rej koņuj E, im ba ñan E, Ri Kaki, kwō jab ļomņak kōn am jako ke?
- [39] Im Ej jerkak im kauwe kōto, im ba ñan lomaļo, Kwōn jab maķūtķūt, kwōn lur. Im kōto e jako, im eļap lur.
- [40] Im E ba ñan er, Etke komij lōļņoņ im āinwōt? Kom jaņin tōmak ke?
- [41] Im eļap aer mijak im ba ñan doon, Wōn armej in bwe kōto im lojet rej pokake E?

JEPTA 5

[Mk 5.1] Im rej itok ñan lomaļo jab uweo ñan āne eo an ri Gerasa.

- [2] Im ke Ej to jān wa eo, emōkaj an juon armej ioon E jān wūliej ko, im jetōb ettoon moķ na ānbwinnen;
- [3] Ej jokwe ilo wūliej ko, im ejjeļok armej e maroņ in liāpe jab kōn tomede;
- [4] Bwe elōñ alen aer liāpe kōn feter ko im tomede ko, im tomede ko e ar mwiķkōki, im feter ko e ar rup: im ejjeļok armej e maroņ bwe en kawieek e.
- [5] Im iien otemjej, boņ im raan, ioon toļ ko im ilo wūliej ko, ej lamōj im make bukwe kōn dekā ko.
- [6] A ke ej lo Jijej etoļok ej ettōr im kabuņ ñan E;
- [7] Im ej lamōj kōn eļap ainikien, im ba, Ta ippam im ippa, Kwe Jijej Nejin Anij eutiejtata? Ij kaneņnej ñan Eok kōn Anij, Kwōn jab kaeņtaan eō.

- [8] Bwe E ar ba ñan e, Kwõn jutaklok jãn armej ñe, kwe jetõb ettoon.
- [9] Im Ej kajjitõk ippãn, Etañ? Im e uwaak im ba, Eta Lijiõn; bwe kõm lõn.
- [10] Im eļap an akweļap ñan E, bwe En jab jilkinlok er jãn ãne eo.
- [11] Im ijo ioon toļ eo, bwijin piik eļap rej mõñã.
- [12] Im timõn ro otemjej rej akweļap ñan E, Kwõn jilkinlok kõm ñan ilowan piik ko, bwe kõmin deļõn ilo er.
- [13] Im Ej kötlok er. Im jetõb ettoon ro rej jutaklok, im deļõn ilowan piik ko; im bwijin piik ko rej kanooj ettõrlaļ lok ijo ejirũmle ñan lojet, oraer enañin ruo toujin, im rej maļõn i lojet.
- [14] Im ro rej naajdik piik ko re ko, im kõnnaanõk ro rej pãd ilo jikin kwelok eo, im ilujen ãne eo. Im rej ilok bwe ren lo men eo emõj kõmanmane.
- [15] Im rej itok ñan ippãn Jijej, im lo eo timõn e kar møk ña ãnbwinnen, im lijiõn e kar ippãn, im ej jijet, im ewor nuknuk ko an, im ejako an wũdeakeak: im rej lõñõñ.
- [16] Im ro raar loe rej kõnnaanõk er, kõjkan Jeo timõn e kar møk ña ãnbwinnen, im kõn piik ko.
- [17] Im rej jino aer akweļap ñan E, bwe En ilok jãn ãne eo ãneir.
- [18] Im ke Ej uwe ioon wa, eo timõn e kar møk ña ãnbwinnen, ej akweļap ñan E bwe en pãd ippãn.
- [19] Im Jijej ej bõbrae e, im E ba ñan e, Kwõn ilok ñan mweo imõm ippãn ro nukwuñ, im kõnnaanõk er men ko reļap an Irooj kõmmAn ñan eok, im kõjkan An tũriamokake eok.
- [20] Im ej ilok im kabuñbuñlok i Dekapolis men ko reļap Jijej e ar kõmmAn ñan e; im er otemjej re bwilõn.
- [21] Im ke emõj an Jijej bar eļã ñan lomalo jab uweo kõn wa eo elõn armej rej kweiloklok ñan ippãn: im Ej epaak ñan lojet.
- [22] Im lo, juon iaan ri lale imõn kwelok ej itok ñan ippãn, etan Jairõs; ke ej loe, ej buñ ña iturin neen,
- [23] Im eļap an jar im akweļap ñan E, im ba, Nejiõ ledik ej nañinmej wõt jidik; Kwõn item likũt piom ña ioon, bwe en jako an nañinmej, im en mour.
- [24] Im Jijej ej ilok ippãnlok: im elõn armej rej loor E, im kõbaj E.
- [25] Im juon kõrã, bõtõktõkin etõor lok iumwin joñoul im ruo iio,
- [26] Im eļap an eñtaan kõn elõn rũ uno, im e ar aji mweiiem otemjej, im e jab mour lok, a ej doorlaļlok,
- [27] Ke e ar roñ kõn Jijej, ej itok ilo bwiljin jar eo ilokõn, im uññũr kopã eo An.
- [28] Bwe e ba, Eļañne I naaj uññũr wõt jidik nuknuk ko An, I naaj mour.
- [29] Im emõkaj an mõrã unin bõtõktõkin; im ej eñjake ilo ãnbwinnen bwe ej mour jãn nañinmej eo an.
- [30] Im Jijej, emõkaj An jeļã ilowan, bwe kajoor e ar ilok jãn E, ej oktak ilo bwiljin armej, im ba, Wõn e ar uññũr nuknuk ko Aõ?
- [31] Im ri kaļooran re ba ñan E, Kwõj lo elõn armej rej kõbaj Eok, im Kwõj ba ke, Wõn e ar uññũr Eõ?
- [32] Im Ej reilok bwe En lo lio e ar kõmman men in.

- [33] A kōrā eo ej lōlñoñ im wūdiddid, bwe e jeļā ta eo eṃōj kōmmane ilowan, ej itok im buñ iṃaan mejan, im ba ñan E aolepen ṃool.
- [34] Im E ba ñan e, Nejiō, aṃ tōmak e ar kemour eok; kwōn ilok im aenōmman, im mour jān aṃ nañinmej.
- [35] Im ke Ej kōnono, rej itok jān iṃōn ri lale iṃōn kwelok, im ba, E mej ledik eo nejōm; etke kwōj kaṃōk wōt Ri Kaki ṃe?
- [36] A Jijej ej kābon naan eo rej ba, im E ba ñan ri lale iṃōn kwelok, Kwōn jab lōlñoñ, kwōn tōmak wōt.
- [37] Im E jab kōtlok bwe armej ren ļoor E, a erjel wōt, Piter im Jemes im Jon, jaten Jemes.
- [38] Im ej itok ñan iṃōn ri lale iṃōn kwelok, im Ej lo aer iruj, im ro rej jañ im limō eļap.
- [39] Im ke Ej deļoñ, E ba ñan er, etke komij iruj im jañ? ledik ṃe e jab mej, a ej kiki.
- [40] Im rej kajjirere kake. A ke eṃōj An kadiwōjlok er otemjej, Ej āñin jemen im jinen ledik eo, im ro rej pād ippān, im deļoñ ñan ijo ledik ej babu ie.
- [41] Im ej kabwijere ledik eo kōn pein, im ba ñan e, Talita kumi; ukōtōn naan iṃ, Ledik, Ij ba ñan eok, kwōn jerkak.
- [42] Im eṃōkaj an ledik jerkak, im etal; bwe e rūttōn joñoul im ruo iiō. Im rej bwilōñ kōn eļap bwilōñ.
- [43] Im eļap An jiroñ er bwe ejjeļok armej en jeļā men iṃ; im Ej ba bwe ren leļok ñan e bwe en ṃōñā.

JEPTA 6

- [Mk 6.1] Im Ej ilok jān ijo, im itok ñan āne eo An: im ri kaļooran rej ļoor E.
- [2] Im ke Jabōt ej itok, Ej jino an katakin ilowan iṃōn kwelok; im elōñ ro rej roñjake re bwilōñ, im ba, jān ia men kein an armej iṃ? im ta mālōtlōt iṃ ar leļok ñan E, im ekōjkan An kōmmanmen in bwilōñ kein kōn pein?
- [3] Le iṃ e jab karpenter, nejin Meri, jein Jemes im Joses im Judas im Saimōn ke? im ro jaten kōrā re jab pād ipped ke? Im re tipñōl kōn E.
- [4] A Jijej e ba ñan er, Rej nōbar ri kanaan, eļaññe e jab pād i āne eo an, ippān ro nukwin, im ilowan ṃweo iṃōn.
- [5] Im ijo E ban kōmman jabdewōt jermal ekajoor, a Ej likūt pein ioon re iiet ro re nañinmej, im kemour er.
- [6] Im Ej bwilōñ kōn aer jab tōmak. Im Ej itoitak ilo jikin kwelok ko redik, im katakin.
- [7] Im Ej añiñintok joñoul im ruo, im jino An jilkinlok er ruo iaan im ruo iaan, im Ej leļok ñan er kajoor ioon jetōb ettoon ro;
- [8] Im jiroñ er bwe enjeļok men en rej bōk ippaer kōn aer etal, a jokon wōt; enjeļok bōjo, enjeļok bred, enjeļok ṃAn ilo aer kañūr;
- [9] A ren kōṃak ballin neir, im jab kōṃak ruo kopā.
- [10] Im e ba ñan er, Ijo jabdewōt komij deļoñ ilowan im, koṃwin pād ijo ñan tōr eo komij ilok jān e.
- [11] Im jabdewōt eo e jāmin bōk kom, im jab roñjake kom, ñe komij ilok jān ijo, koṃwin jojen būñalñal iuṃwin neimi bwe en men in kōnnaan ñan er.
- [12] Im rej ilok, im kwaļok bwe armej ren ukeļok ippaer.

- [13] Im rej kajutakļok elōñ timon, im kapit kōn oil elōñ ro re nañinmej, im kemour er.
- [14] Im kiñ Herod ej roñ kōn e; bwe e buñbuñ ļok etan: im e ba, Jon ri peptaij e ar jerkakpeje jān ro re mej, im kōn men iņ kajoor kein rej jermal ilo E.
- [15] Bar jet re ba, e Elaija. Im bar jet re ba, E juon ri kanaan, im āinwōt juon iaan ri kanaan ro.
- [16] A Herod, ke ej roñjake, e ba, E Jon eo I ar jebbare: ej jerkakpeje jān ro re mej.
- [17] Bwe Herod e make ar jelōkļok im jibwe Jon, im liāpe ņa ilowan prisōn kōn Herodia, pāleen Pilip jein: bwe e ar pālele ippān.
- [18] Bwe Jon e ar ba ñan Herod, E jab mālim bwe kwōn bōk lio pāleen jiom.
- [19] Im Herodias e pāle, im kōṇaan ṁan e; ak e ban:
- [20] Bwe Herod ej mijak Jon, bwe e jeļā e armej ewānōk im kwōjarjar, im ej kōjparok e. Im ke ej roñjake ebiuk an ļōmṁak; im e buñbūruen ke ej roñjake.
- [21] Im ke ej itok raan eṁṁan, bwe ilo raan eo Herod e ar ļotak ie, ej kōṁanṁan juon kwōjkwōj ñan an irooj jidik, im ro kapen ļapļap, im ro irooj in Galili;
- [22] Im ke nejin Herodias, nejin kōrā ej deļoñ, im eb, im kabuñbūruen Herod im ro rej jibadek im ṁōñā ippān, kiñ eo e ba ñan jiroñ eo, Kwōn kajjitōk ippa jabdewōt men eo kwō kōṇake, im I naaj lewōj ñan eok.
- [23] Im ej kanejnej ñan e, Jabdewōt eo kwōj kajjitōk ippa, I naaj lewōj ñan eok, eļañne jibwilkwōn aelōñ eo aō.
- [24] Im lio ej ilok, im kajjitōk ippān jinen, Ta eo in kajjitōk? Im e ba, Bōran Jon ri peptaij.
- [25] Im kiiōkiiō ej ṁōkajtok im deļoñ ñan ippān kiñ eo, im kajjitōk, im ba I kōṇaan bwe kwōn letok ñan eō kiiō ļok ilowan jāpe, bōran Jon ri peptaij.
- [26] Im kiñ e kanooj būromōj kake; a kōn an kanejnej, im kōn ro rej jibadek im ṁōñā, e jab kōṇaan ba ñan lio, Jab.
- [27] Im eṁōkaj an kiñ jilkinļok juon ri ire, im jiroñ bwe en bōktok bōran: im ej ilok im jebbare ņa ilowan prisōn,
- [28] Im bōktok bōran ilo jāpe, im leļok ñan jiroñ eo; im jiroñ eo ej leļok ñan jinen.
- [29] Im ke ri kaļooran rej roñjake, rej item bōk ubōn, im likūt e ilowan lōb.
- [30] Im ri kaļooran rej kweilokļok ñan ippān Jijej, im kōnnaanōk E men otemjej men ko raar kōṁṁAn, im men ko raar katakin.
- [31] Im e ba ñan er, Komwin make wōt im itok ñan āne jemaden, im kakkije jidik iien: bwe elōñ ro rej itok im ilok, im ejjeļok iien aer ṁōñā.
- [32] Im rej ilok ñan āne jemaden kōn wa, im make ļok iaer.
- [33] Im armej raṅ rej lo aer ilok, im elōñ rej kile er, im rej ettōr ñan ijo jān jikin kwelok otemjej, im ṁōkajļok jān er.
- [34] Im ej itok im lo jar eļap, im ej tūriamokake er, bwe er āinwōt jiiip ko ñe ejjeļok aer seperd: im ej jino An katakin er men ko relōñ.
- [35] Im ke e nañin jemļok raan, ri kaļooran rej itok ñan ippān, im ba, Ijin āne jemaden, im kiiō e nañin boñ;
- [36] Kwōn jilkinļok er, bwe ren ilok ñan āne im jikin kwelok ko redik iturin, bwe ren wiaik kijeir.

- [37] A Ej uwaak im ba ñan er, Komwin leļok ñan er bwe ren mōñā. Im re ba ñan E, Kōmin ilok ke, im wiaik bred kōn rūbukwi sillin, im leļok ñan er bwe ren mōñā?
- [38] E ba ñan er, Jete ioon bred ippemi? komwin ilem loe. Im ke re jelā, re ba, ļalem, im ruo ek.
- [39] Im Ej jiroñ er, bwe ren kajjet im kōllaajrak er ioon wūjooj emaroro.
- [40] Im rej jijet ilo jar ko jibukwi, im ilo jar ko lemñoul.
- [41] Im Ej bōk ļalem ioon bred im ruo ek, im ejed ñan lañ, im jar, im ruji ioon bred ko, im leļok ñan ro ri kaļooran bwe ren likūt iṃaer; im ruo ek Ej ajej ñan er otemjej.
- [42] Im er otem jeļok rej mōñā im mat.
- [43] Im rej āti joñoul im ruo iep relōñ kōn mātiir im ek ko.
- [44] Im ro rej mōñā ioon bred ko, limādep ṃaan.
- [45] Im eṃōkaj An jiroñ ro ri kaļooran bwe ren uwe ioon wa, im ilok mokta ñan lomaļo jab uweo, ñan Betseida, ke Ej jilkinļok jar eo.
- [46] Im ke eṃōj An jilkinļok er, Ej ilok ñan juon toļ bwe en jar.
- [47] Im ke ejota wa eo ej pād ilukwōn lomaļo, im e make iaan ioon āne.
- [48] Im Ej lo aer eñtaan im aōnōn, bwe kōto ej itok iṃaan: im ke enañin emān mmej ilo boñ, Ej itok ñan ippaer, im etal ioon lojet; im E kōṃaan kijoon er.
- [49] A ke rej lo An etal ioon lojet, rej ļōmṃak e Jetōb, im rej laṃōj:
- [50] Bwe er otemjej rej lo E, im re abwinmake. Im eṃōkaj An kōnono ippaer, im ba ñan er, Komwin aenōṃṃan: Ņa E; komwin jab abwinmake.
- [51] Im ej uwelōñļok ñan ippaer ioon wa; im kōto ejako; im e kanooj ļap aer bwilōñ ilo er;
- [52] Bwe re jab jelā kōn ioon bred ko, bwe būrueir re penawiia.
- [53] Im ke eṃōj aer eļļā, rej tōkeak āne Genesaret, im kōṃṃan wa.
- [54] Im ke rej to jān wa, eṃōkaj aer kiil E,
- [55] Im ettōr ñan aolepen āne eo, im jino aer bōktok ro re nañinmej ioon peet ko, ñan ijo rej roñ Ej pād ie.
- [56] Im ijo jabdewōt Ej deļoñ ie, ilo jikin kwelok ko redik, ak reļap, ak ilujen āne, rej likūt ro re nañinmej ilo jikin wia ko, im akweļap ñan e, bwe ren uññūr tōrerein wōt nuknuk ko An; im jabdewōt ro rej uññūre rej mour.

JEPTA 7

- [Mk 7.1] Im Parisi ro, im jet iaan skraib ro, raar itok jān Jerusalem, rej kweilokļok ñan ippān.
- [2] Im raar lo jet iaan ro ri kaļooran rej mōñā bred kōn peir re jab erreo, āinwōt raar jab aṃwini.
- [3] Bwe Parisi ro, im ri Ju ro otemjej, eļaññe raar jab kanooj aṃwini peir, re jab mōñā, kōn aer dāpij an elder ro bwebwenato.
- [4] Im ke rej itok jān jikin wia, eļaññe re jab tutu, re jab mōñā. Im bar elōñ men ko ippaer, men ko rej bōki im dāpij, āinwōt kwaļe kab ko, im pot ko, im jāpe jiniboṃor ko.
- [5] Im Parisi ro im skraib ro rej kajjitōk ippān, Etke ri kaļooram re jab etal ilo an elder ro bwebwenato, a rej mōñā bred kōn peir re jab erreo?
- [6] E uwaak im ba ñan er, Eṃool an Aiseia rūkaanij kōn kom ri etao, āinwōt ar je, Armej rein rej kabuñ ñan Eō, kōn tieir, a būrueir rettoļok jān Eō.

- [7] A ejjeļok tokjān aer kabuñ ñan Eō, kōn aer katakin, kōn aer naan in katak, kein ko an armej.
- [8] Komij likūt kien Anij, im dāpij bwebwenato an armej raņ.
- [9] Im e ba ñan er, Eṃool komij joļok kien Anij, bwe koṃwin dāpij ami bwebwenato.
- [10] Bwe Moses e ba, Koṃwin koutiej jemaņ im jinōṃ; im, jabdewōt eo ej kōnono nana kōn jemen ak jinen, en mej otem mej.
- [11] A kom ba, Eļañņe armej ej ba ñan jemen ak jinen, Men eo jabdewōt aō bwe in jipaņ eok, ej korban, āinwōt ba, men in joortak;
- [12] Komij kōtļok e bwe en jab kōṃṃan eṃṃan ñan jidik ñan jemen ak jinen;
- [13] Im komij kōṃṃan naan in Anij jekdoņon kōn ami bwebwenato, men eo kom ar leļok: im elōñ men rot kein komij kōṃṃan.
- [14] Im ke eṃōj an aņiņintok armej otemjej ñan ippān, E ba ñan er, Koṃwin otemjej karoņjak Eō, im jeļā kake.
- [15] Ejjeļok men eo ilikin armej, men eo ej deļoņ ilowan, ej maroņ in kananaik e; a men ko rej waļoktok jān ilowan, men kein rej kananaik e.
- [17] Im ke eṃōj An deļoņ ilowan im jān jar eo, ri kaļooran rej kajjitōk ippān kōn būrabōļ eo.
- [18] Im E ba ñan er, Kom barāinwōt jaje kake ke? Kom jab lo ke, bwe men eo jabdewōt ilikin ej deļoņ ilowan armej, e ban kananaik e?
- [19] Bwe e jab deļoņ ilowan būruen, a ilowan lojien im ej diwōjļok ijo jikin mijlok. Ej ba men iņ im likūt ekkan otemjej erreō.
- [20] Im E ba, men eo ej waļoktok jān ilowan armej, ej kananaik armej eo.
- [21] Bwe jān ilowan, jān būruen armej ej itok ļōṃṃak ko renana, ļōñ ko an ro ewor pāleir, ļōñ ko an ro ejjeļok pāleir, uror ko,
- [22] Koņot ko, arōk ṃweiuk ko, jerōwiwi ko, mone, kijoņ, mejnana, kōnono nana, juwa, bwebwe;
- [23] Men kein otemjej renana rej itok jān ilowan im kananaik armej.
- [24] Im Ej jutak jān ijo, im ilok ñan turin Tair im Saidon, im deļoņ ilowan im, im E jab kōṃnaan bwe armej ren jeļā: im E ban tilekek.
- [25] A eṃōkaj an juon kōrā, ledik eo nejin jetōb ettoon moķ ṅa ānbwinnen, roñ kōn e im ej itok im buñ iturin neen.
- [26] Kōrā eo e ri Grik, ri Siropenia; im ej akweļap ñan E bwe En kajutakļok tiṃoņ jān ilowan ledik eo nejin.
- [27] A Jijej e ba ñan e, Ajri ro ren mat moķta; bwe e jab eṃṃan bōk kijen ajri bred, im joļok e ñan kidu rorrō ko redik.
- [28] Im ej uwaak im ba ñan E, Aet, Irooj: a kidu ko redik iuṃwin tebōļ rej attūkoko tipdikdikin ajri raņ.
- [29] Im E ba ñan e, kōn naan iņ kwōn ilok: eṃōj an tiṃoņ jutakļok jān ilowan ledik eo nejōṃ.
- [30] Im ej ilok ñan ṃweo iṃōn, im lo ledik eo ej babu ioon kinien, im eṃōj an tiṃoņ jutakļok.
- [31] Im ke Ej ilok jān āne ko iturin Tair Ej deblōk Saidon im āne ko i tōrerein Dekapolis im bar itok ñan loṃaļo in Galili.
- [32] Im rej āñintok ñan E juon e jaroņroñ, im e allo; im rej akweļap ñan E bwe En likūt pein ioon.

- [33] Im ej añin]ok e jãn jar eo make iaan, im likūt addiin ilo lojilñin, im Ej iyelok, im uññur loen;
- [34] Im ej jer]ok ñan lañ, im jabjen menowan, im ba ñan e, Eppata, ãinwõt, En pe]ok.
- [35] Im emõkaj lojilñin rej roñ]okjeñ, im to an loen e meja], im e alikkar an kõnono.
- [36] Im Ej jiroñ er bwe ren jab kõnnaanõk armej: a ñe Ej ka]ap]ok An jiroñ er, rej ka]ap]ok aer kabuñbuñ]ok e.
- [37] Im e kanooj]ap aer bwilõñ, im rej ba, E ar kõmman men otemjej im remman; Ej kõmman bwe ro rej jaroñroñ ren roñ]okjeñ, im ro re jaje kõnono ren kõnono.

JEPTA 8

- [Mk 8.1] Ilo raan ko ke e kanooj]ap jar eo, im ejje]ok kijeir, Jijej ej añiñintok ro ri ka]ooran, im ba ñan er,
- [2] Ij tũriamokake jar eo, bwe raar pãd ippa iumwin jilu raan, im ejje]ok kijeir.
- [3] Im e]añne Ij jilkin]ok er ilo aer jit]ok ñan moko imweir, re naaj parõk ilo ial; im jet iaer raar itok jãn ijo eto]ok.
- [4] Im ri ka]ooran re uwaak E, Jãn ia an armej maroñ in kõmat er kõn bred ije i ãne jemaden?
- [5] Im Ej kajjitõk ippaer, Jete ion bred ippemi? Im re ba, Jiljilimjuon.
- [6] Im Ej jiroñ jar eo bwe ren jijet ion me]aaj. Im Ej bõk jiljilimjuon ion bred ko, im jar, im ruji, im le]ok ñan ri ka]ooran bwe ren likūti im̄aer; im rej likūti im̄aan armej rañ.
- [7] Im e iiet ek ko redik ippaer; im Ej jar, im jiroñ bwe ren barãinwõt likūti im̄aer.
- [8] Im rej mõñã, im mat; im rej ãti mõttan ko matiir jiljilimjuon iep.
- [9] Im ro raar mõñã enañin earap; im Ej jilkin]ok er.
- [10] Im emõkaj An uwe ion wa ippãn ro ri ka]ooran, im tartok ñan ijo ko mõttan Dalmenuta.
- [11] Im Parisi ro rej itok, im jino aer kajjitõk ippãn, im pukot jãn E kakõ]je jãn lañ, bwe ren kapo E.
- [12] Im E kanooj jabjen menowan ilo An, im ba, Etke epepen in rej kapukõt kakõ]je? Emool Ij ba ñan kom, jãmin le]ok kakõ]je ñan epepen in.
- [13] Im Ej likūt er, im bar uwe ion wa, im ilok ñan lomalo jab uweo.
- [14] Im raar me]ok]ok in ektak, a juon wõt ion bred ippaer ion wa.
- [15] Im Ej kauwe er, im ba, Komwin lale, im kõjparok kom jãn leven an Parisi ro, im jãn leven an Herod.
- [16] Im rej kõnono ñan doon im ba, Ejje]ok bred ipped.
- [17] Im Jijej e je]ã im ba ñan er, Etke komij kõnono bwe ejje]ok bred ippemi? Kom ar jaje ñan kiiõ ke? a kom jab me]e]e ke? bũruemi re pen wõt ke?
- [18] Ewor mejemi, kom jab lo ke? im ewor lojilñemi, kom jab roñ ke? im kom jab keememej ke?
- [19] Ke I ar ruji]alem ion bred ñan limãdep, jete iep ko relõñ kõn mõttan ko matiir komij ãti? Re ba ñan E, Joñoul im ruo.
- [20] Im ke jiljilimjuon ñan earap, jete iep ko relõñ kõn mõttan ko matiir komij ãti? Im re ba, Jiljilimjuon.
- [21] Im Ej ba ñan er, Kom jañin me]e]e ke?

- [22] Im rej itok ñan Betseida; im rej ãñintok ñan e juon armej epilo, im rej akweļap ñan e bwe En uññüre.
- [23] Im Ej kabwijere pein ļeo epilo, im ãñinļok e jãn jikin kwelok; im ke emōj An iyeloke mejan, im likūt pein ioon, ej kajjitōk ippãn, Ewor ta en kwōj loe?
- [24] Im ej bōk mejan im ba, Ij lo armej; bwe ij lo er ãinwōt wōjke im rej etetal.
- [25] Tokālik ej bar likūt pein ña ioon mejan, im ej kallimjeke; im ej mour, im e alikkar an lo men otemjej.
- [26] Im Ej jilkinļok e ñan mweo imōn im ba, Kwōn jab deļoñ ilowan jikin kwelok eo.
- [27] Im Jijej ej ilok, kab ro ri kaļooran, ñan jikin kwelok ko redik i Seseria Pilippai; im ilo ial Ej kajjitōk ippãn ro ri kaļooran, im ba ñan er, Wōn Ña, ilo an armej kōnono?
- [28] Im re uwaak, Jon ri peptaj; a jet re ba Elaija; im bar jet, Juon iaan ri kanaan ro.
- [29] Im Ej kajjitōk ippaer, A wōn Ña, ilo ami kōnono? Im Piter e uwaak im ba ñan E, Kwe ri Kūrai.
- [30] Im Ej kauwe er, bwe ren jab kōnnaanōk jabdewōt armej kōn E.
- [31] Im Ej jino An katakin er, bwe Nejin armej e naaj eñtaan kōn men ko relōñ; elder ro, im pris ro reļap, im skraib ro re naaj joļok E, im m̄an E, im ilokōn jilu raan e naaj jerkakpeje.
- [32] Im naan eo ej kōnono alikkar. Im Piter ej ãñinļok E, im jino an kauwe e.
- [33] Im ke emōj An oktak im reiļok ñan ro ri kaļooran, ej kauwe Piter, im ba, Kwōn ilok ālik Eō, Kwe setan; bwe kwō jab ļomņak kōn men ko an Anij, a kōn men ko an armej.
- [34] Im Ej añiñintok jar eo ñan ippãn kab ro ri kaļooran, im ba ñan er, Jabdewōt eo e kōņaan ļoor Eō, en make kaarmejjete, im inek debwāāl eo an, im ļoor Eō.
- [35] Bwe jabdewōt eo e kōņaan ļomņor an mour, e naaj jako an mour; a jabdewōt eo ej joļok an mour kōn Ña im kōn gospel, e naaj ļomņoren.
- [36] Bwe ewi em̄man ñan armej, eļaññe ej jibadek aolepen laļ, im kowōtlok an mour?
- [37] Ak ta eo em̄man an armej leļok bwe en kōrrā an?
- [38] Bwe jabdewōt eo e naaj jook kake Eō im naan ko Aō, ilo epepen iņ ej ļoñ im jerowiwī, Nejin armej e naaj jook kake e, iien eo Ej itok ilo aiboojoj an Jemen ippãn enjeļ re kwōjarjar.

JEPTA 9

- [Mk 9.1] Im e ba ñan er, Emool Ij ba ñan kom, jet iaan ro rej jutak ijin re jāmin edjoñ mej, ñan tōr eo re naaj lo an aelōñ in Anij itok ilo kajoor.
- [2] Im ilokōn jiljino raan, Jijej ej ãñin Piter im Jemes im Jon, im ãñinlōñļok er ioon juon toļeutiej make iaer; im kōjakkōlkōl E iṃaan mejeir.
- [3] Im ballin e jatōltōl e kanooj mouj; im ejjeļok ri karreo nuknuk i laļ ej maroñ kemouj ãinwōt.
- [4] Im e weaaktok ñan ippaer Elaija im Moses, im rej kōnono ippãn Jijej.
- [5] Im Piter e uwaak im ba ñan Jijej, Rabbai, em̄man ar pād ijin; im jãn kalōk jilu imōn kōppād; juon ñan Eok, juon ñan Moses, im juon ñan Elaija.
- [6] Bwe e jaje ta men eo en uwaak; bwe re kanooj lōļñoñ.
- [7] Im kōdo ej kallor er; im ainikien ej itok jãn kōdo eo im ba, E iņ Nejiō e jitōnbōro; komwin karoñjake.

- [8] Im emōkaj, ke emōj aer rei bajjek, rej lo ejjelok armej, a Jijej wōt ippaer.
- [9] Im ke rej to laj jān toj eo, Ej kauwe er bwe ren kōnnaanōk ejjelok armej men ko raar loi, ñan tōr eo Nejin armej e naaj jerkakpeje jān ro re mej.
- [10] Im rej dāpij naan eo ippaer, im kajjitōk ippān doon, ewi rāpełtan naan in, jerkakpeje jān ro re mej?
- [11] Im rej kajjitōk ippān im ba, Etke skraib ro re ba, Elaija e naaj itok mokta?
- [12] Im E uwaak im kōnnaanōk er, Emool Elaija ej itok mokta, im kajimwe men otemjej; im ekōjkan ar jeje kōn Nejin armej, bwe e naaj eñtaan kōn men ko relōñ, im re naaj kajekdoon E?
- [13] A Ij ba ñan kom, emōj an Elaija itok, im raar kōmman ñan e jabdewōt men eo re kōñaan, āinwōt jeje kōn e.
- [14] Im ke Ej itok ñan ippān ro ri kałooran, ej lo ełap jar eo ej kōpool er, im skraib ro rej kajjitōk ippaer.
- [15] Im emōkaj an lap armej otemjej bwilōñ, ke rej lo E, im rej ettōr ñan ippān im yokyokwe E.
- [16] Im ej kajjitōk ippān skraib ro, Ta eo komij kajjitōk ippaer?
- [17] Im juon iaan jar eo e uwaak im ba, Ri Kaki, I ar āñintok ñan ippam nejiō maan, eo jetōb e ban kōnono ej mok ña ānbwinnen.
- [18] Im ijo jabdewōt ej āñinlok e, ej kōkkure; im ej mōrmōr, im ołoł ñiin, im ej bōjlok: im I ar ba ñan ro ri kałooram bwe ren kajutaklok e, a re bane.
- [19] Im Ej uwaak er im ba, O epepen e jab tōmak, ietoōn Aō naaj pād ippemi? ietoōn Aō naaj kijenmej kake kom? komwin āñintok e ñan Eō.
- [20] Im rej āñintok e ñan ippān: im ke ej loe, emōkaj an jetōb kekeel e, im ej buñ ioon laj, im dāpilpil im mōrmōr.
- [21] Im ej kajjitōk ippān jemen, Ietoōn an men in pād ippān? Im e ba, jān ke ej niñniñ.
- [22] Im elōñ alen e ar jołok e ña ilo kijeek, im ilo dān bwe en man e; a ełañne Kwōj maroñ jabdewōt, Kwōn tūriamo kake kōm, im jipañ kōm.
- [23] Jijej e ba ñan e, Ełañne kwōj maroñ! Eo ej tōmak ej maroñe men otemjej.
- [24] Im emōkaj an jemen ajri eo lamōj, im ba, Ij tōmak; Kwōn jipañ eō kōn aō jab tōmak.
- [25] Ke Jijej ej lo armej ro rej tōrtok, Ej kauwe jetōb ettoon, im ba ñan e, Kwe, jetōb e jaje kōnono im jaroñroñ, Ij jiroñ eok, kwōn jutaklok jān e, im jāmin bar dełoñ ilo e.
- [26] Im ke emōj an lamōj, im kanooj kekeel e, ej jutaklok jān e: im leo āinwōt juon emej; innām elōñ re ba, E mej.
- [27] A Jijej ej kabwijere pein, im kotak e; im ej jutak.
- [28] Im ke Ej dełoñ ilowan im, ri kałooran rej make wōt im kajjitōk ippān, Etke kōm ar jab maroñ in kajutaklok e?
- [29] Im E ba ñan er, Ejjelok en e maroñ in kajutaklok men rot kein, a kōn jar wōt.
- [30] Im rej ilok jān ijo, im deblok Galili; im E jab kōñaan bwe jabdewōt armej en jełā men in.
- [31] Bwe Ej katakin ro ri kałooran, im ba ñan er, Rej ketak Nejin armej ñan pein armej ro, im re naaj man E; im ālikin aer man E, E naaj jerkakpeje ilo raan eo kein ka jilu.
- [32] A re jab mejele naan eo, im re mijak in kajjitōk ippān kake.

- [33] Im rej itok ñan Kaperneum, im ke Ej pãd ilowan im, Ej kajjitök ippaer, Ta eo kom ar akwããle doon kake ilo ial?
- [34] A rej ikõñ: bwe ilo ial raar akwããle doon, kõn wõn iaer eļaptata.
- [35] Im Ej jijet, im añañintok, joñoul im ruo, im ba ñan er, Eļañañe jabdewõt armej e kõñaan bwe en mokta, e naaj ãliktata im korijerair otemjej.
- [36] Im Ej kabwijere juon ajri edik, im kajutak e ioļapeir: im ke emõj An jiburlep e, E ba ñan er,
- [37] Jabdewõt eo e naaj bõk juon iaan ajri rein ilo eta, ej bõk Ña; im jabdewõt eo ej bõk Ña, e jab bõk Ña, a Eo e ar jilkintok Eõ.
- [38] Im Jon e uwaak E im ba, Ri Kaki, kõm ar lo juon ej kajutakļok timoņ ro ilo etam: im kõm ar bõbrae e, bwe e ar jab ļoor kõj.
- [39] A Jijej e ba, Komwin jab bõbrae e; bwe ejjeļok armej ej maroñ kõmman men in bwilõñ ilo eta, im emõkaj an maroñ kõnono nana kõn Eõ.
- [40] Bwe eo e jab kajju an pepe jãn kõj ej ippedwõj.
- [41] Bwe jabdewõt eo e naaj lewõj ñan kom juon kab in dãn im kaidaak kom, bwe kom doon Kũraj, emool Ij ba ñan kom, oņãn e jãmin jako.
- [42] Im jabdewõt eo e naaj katipñõl juon iaan rein redik rej tõmak Ña, e naaj kar emmanļok ñan e bwe ren lukwõj dekã irir eļap i kõnwan, im joļok e ilo lojet.
- [43] Im eļañañe piom ej katipñõl eok, kwõn bukwe: emman ñan eok bwe kwõn deļoņ ilowan mour im jipikpik, jãn ruo piom, im kwõj ilok ñan jikin nana, ilowan kijeek e jãmin kun indeeo.
- [44]
- [45] Im eļañañe niom ej katipñõl eok, kwõn bukwe: emman ñan eok bwe kwõn deļoņ ilowan mour im jipikpik, jãn ruo niom im joļok eok ilo jikin nana.
- [46] [e jako ilo kajin Majõl kõnke e jako ilo elõñ copy in kajin Grik]
- [47] Im eļañañe mejõm ej katipñõl eok, kwõn itũki: bwe emman ñan eok bwe kwõn deļoņ ilowan aelõñ in Anij im juon wõt mejõm, jãn ruo mejõm, im joļok eok ña ilowan jikin nana.
- [48] Ijo e jab mej aer likaakrak, im kijeek e jab kun.
- [49] Bwe naaj kejatök ro otemjej kõn kijeek.
- [50] Emman joļ; a eļañañe ejako nemãn joļ, kom naaj kejatök e kõn ta? En wor joļ ilo kom, im komwin aenõmman ñan doon.

JEPTA 10

- [Mk 10.1] Im E jutak jãn ijo, im itok ñan mojen Judia i tõrerein, im i reear in Jordan; im armej rej bar kweilokļok ñan ippãn, im Ej bar katakin er, ãinwõt An kõmman mokta.
- [2] Im Parisi ro rej itok ñan E, im kajjitök ippãn, E mãlim ke an armej joļok lio pãleen? bwe ren kapo E.
- [3] Im E uwaak im ba ñan er, Ta eo Moses e ar jiroñ kom?
- [4] Im re ba, Moses e ar likõt bwe kõmin jeje naan in kõtļok, im joļok e.
- [5] Im Jijej e uwaak im ba ñan er, Kõn an pen bũruemi e ar je naan in.
- [6] A jãn jinoin kõmanman laļ, Anij e ar kõmman er maan im kõrã.

- [7] Kōn men in armej e naaj ilok jān jemen im jinen, im e naaj eddāp ñan lio pāleen;
- [8] Im erro re naaj juon wōt kanniōk: kōn men in re jab bar ruo, a juon wōt kanniōk.
- [9] Innām men eo Anij e ar kobaike, armej ren jab kōjepel e.
- [10] Im ilowan im ri kalooran rej bar kajjitōk ippān kōn men in.
- [11] Im e ba ñan er, Jabdewōt eo ej joļok lio pāleen, im pāleek bar juon, ej ļōñ ñae lio.
- [12] Im eļaññe kōrā ej joļok ļeo pāleen, im pāleek bar juon, ej ļōñ.
- [13] Im rej āñintok ñan ippān ajri redik, bwe en uññūr er; im ri kalooran rej kauwe ro raar āñintok er.
- [14] A ke Jijej ej loe, eļap an illu, im e ba ñan er, Komwin likūt ajri raņ bwe ren itok ñan ippa; komwin jab bōbrae er; bwe ro āierwōt, aer aelōñ in Anij.
- [15] Eṃool Ij ba ñan kom, Jabdewōt eo e jab bōk aelōñ in Anij im āinwōt ajri edik, e jāmin deļoñ ilowan.
- [16] Im Ej jiburlep er, im likūt pein ioer, im jar kōn er.
- [17] Im ke Ej ilok ñan ial, juon ej tōrtok; im bukwelōlō ñan E, im kajjitōk ippān, Ri Kaki eṃṃan, ta eo in kōṃṃan bwe en aō jolōt mour indeeo?
- [18] Im Jijej e ba ñan e, Etke kwōj ba Ña I ṃan? Ejjeļok en eṃṃan, a juon wōt, Anij.
- [19] Kwō jeļā kien ko, Kwōn jab uror, Kwōn jab ļōñ, Kwōn jab koṃot, Kwōn jab riab ñae, Kwōn jab ṃan, Kwōn koutiej jemaṃ im jinōṃ.
- [20] Im e uwaak im ba ñan E, Ri Kaki, men kein otemjej I ar kōjparoki jān iien aō ajri.
- [21] Im Jijej ej lale e im yokwe e, im E ba ñan e, Juon men eo kwōj aikuj; kwōn ilok im wiakaki men ko otemjej aṃ, im leļok ñan ro ri jeraṃōl, im e naaj wor ṃweiōṃ i lañ; im itok, im ļoor Eō.
- [22] A e kōmmeñ mejan kōn naan eo, im ej ilok im būromōj; bwe elōñ ṃweien.
- [23] Im Jijej ej rei bajjek, im ba ñan ro ri kalooran, Ro ri ṃweie re nañin ban deļoñ ilowan aelōñ in Anij:
- [24] Im ri kalooran re bwilōñ kōn naan ko An. A Jijej e bar uwaak im ba ñan er, Ajri raņ, ro rej lōke ṃweiuk re nañin ban deļoñ ilowan aelōñ in Anij!
- [25] E pidodo an kamel deļoñ ilo dāilil in iie, jān ri ṃweie deļoñ i ilowan aelōñ in Anij!
- [26] Im re kanooj bwilōñ, im ba ñan doon, Innām wōn e maroñ bwe en mour?
- [27] Jijej ej reiļok ñan er, im ba, Armej re bane, a e jab āinwōt ippān Anij; bwe Anij ej maroñ kōn men otemjej.
- [28] Innām Piter ej jino an ba ñan E, Lo, kōm ar likūt men otemjej, im ļoor Eok.
- [29] Im Jijej e uwaak im ba, Eṃool Ij ba ñan kom, Ejjeļok armej eo e ar likūt im, ak jein im jaten ṃaan im kōrā raņ, ak jemen, ak jinen, ak ro nejin, ak āne ko ānen, kōn Ña im kōn gospel,
- [30] A e naaj bōk jibukwi kōn juon ilo iien in, ṃo ko, im jein im jaten ṃaan im kōrā raņ, im ro jinen, im ro nejin, im āne ko ānen, kab matōrtōr ko; im ilo laļ enaaj itok, mour indeeo.
- [31] A elōñ ro ṃokta re naaj āliktata; im ro āliktata re naaj ṃokta.
- [32] Im rej ilo ial ke rej wanlōñļok ñan Jerusalem; im Jijej ej ilok iṃaerļok: im rej bwilōñ; im ro rej ļoore re mijak. Im E bar āñin joñoul im ruo, im jino an kōnnaanōk er men ko re naaj buñut E, im ba,

- [33] Lo, jej wanlōñ]ok ñan Jerusalem: im naaj ketak Nejin armej ñan pris re]ap, im ñan skraib ro; im re naaj liaak]ok E ñan mej, im re naaj ketak E ñan ro ri aelōñ ko;
- [34] Im re naaj kajjirere kake, im naaj iyelok e, im naaj deñ]ok E, im naaj man E; im ilo raan eo kein ka jilu E naaj jerkakpeje.
- [35] Im Jemes im Jon, ro nejin Zebedi, rej itok ñan ippān, im ba, Ri Kaki, kōmro kōṇaan bwe Kwōn kōmman ñan kōm men eo jabdewōt kōm naaj kajjitōk kake.
- [36] Im E ba ñan erro, Ta eo kom kōṇaan bwe In kōmman ñan kom?
- [37] Re ba ñan e, Kwōn letok ñan kōmro bwe kōmin jijet, juon i anbwijmaroñōm, im juon i anmiñōm, ilo Am aiboojoj.
- [38] A Jijej e ba ñan er, Komij jaje ta eo kom kajjitōk. Komij maroñ in idaa kab eo Ij idaa ke? im peptaij ilo peptaij eo Ij peptaij ke?
- [39] Im re ba ñan E, Kōmro maroñ. Im Jijej e ba ñan er, Aet, kom naaj idaa kab eo Ij idaa; im kom naaj peptaij ilo peptaij eo Ij peptaij;
- [40] A kōn jijet i anbwijmaroñiō im i anmiñiō, e jab Aō bwe In lewōj: a an ro ar kapojak e ñan er.
- [41] Im ke joñoul rej roñjake, re jino an]ap aer illu ñan Jemes im Jon.
- [42] A Jijej ej aññintok er ñan E, im ba ñan er, Kom je]ā ro rej]ōmṇak bwe rej Irooj ñan ri aelōñ ko, rej irooj ioer; im ro re]ap iaer rej irooj ioer.
- [43] A e jab āindein ippemi; a jabdewōt eo e kōṇaan bwe en e]ap ippemi, e naaj ri jermal ñan kom.
- [44] Im jabdewōt eo iaami e kōṇaan bwe en e]aptata, e naaj ri korijerami otemjej.
- [45] Bwe barāinwōt Nejin armej e ar jab itok bwe ren korijer ñan E, a bwe En ri korijer, im bwe En le]ok An mour kōn oñān elōñ armej.
- [46] Im rej itok ñan Jeriko: im ke Ej ilok jān Jeriko ippān ro ri ka]ooran im elōñ armej, nejin Timiōs, Bartimiōs, ri owar epilo, ej jijet iturin ial.
- [47] Im ke ej roñ bwe E Jijej ri Nazeret, ej jino an lamōj, im ba, Jijej, Nejin Devid, kwōn tūriamokake eō.
- [48] Im elōñ rej kauwe e bwe en ikōñ: a e kanooj ka]ap]ok an lamōj, O Nejin Devid, kwōn tūriamokake eō.
- [49] Im Jijej ej bōjrak, im ba, Komwin kūrtoke e. Im rej kūrtoke eo epilo, im ba ñan e, Kwōn aenōmman, im jutak: Ej kūr eok.
- [50] Im ej jo]ok kopā eo an, im jutak, im itok ñan Jijej.
- [51] Im Jijej e uwaak im ba ñan e, Ta eo kwōj kōṇaan bwe In kōmman ñan eok? Eo epilo e ba ñan E, Rabbonai, bwe in lo]okjeṇ.
- [52] Im Jijej e ba ñan e, Kwōn ilok, am tōmak ej kemour eok. Im eṇōkaj an lo]okjeṇ, im]oor Jijej ilo ial.

JEPTA 11

[Mk 11.1] Im ke rej kepaak ñan Jerusalem, ñan Betpeje im Betani, ilo to] Olivet, Ej jilkin]ok ruo ri ka]ooran,

- [2] Im ba ñan er, Komwin ilok ñan jikin kwelok edik ikijjiemi: im ñe kom deļoñ ilowan, e naaj mōkaj amiro lo juon koon elokjak, ejjelok armej e ar jijet ioon; komwin jeļate, im ãñintok e.
- [3] Im eļaññe jabdewōt armej ej ba ñan komro, Etke komij kōmman men in? komwin ba, Bwe Irooj eo ej aikuj e: im e naaj mōkaj an jilkintok e.
- [4] Im rejro ilok, im lo koon elokjak ilikin turin kōjām ilo ial, im rej jeļate.
- [5] Im jet iaan ro rej jutak ijo re ba ñan erro, Komij et jeļate koon ñe?
- [6] Im rejro ba ñan er ãinwōt Jijej e ar jiroñ er; im rej kōtlok erro.
- [7] Im rejro ãñintok koon eo ñan Jijej, im ere kōn kopā ko aer ioon, im Ej jijet ioon.
- [8] Im elōñ rej ere ial kōn kopā ko aer: im barjet rej jekjek raan wōjke ko, im ere ial eo kaki.
- [9] Im ro rej ilok imaan lok, im ro rej ļoortok, rej lamōj im ba, Hosana; Emōñōñō eo ej itok ilo etan Irooj:
- [10] Emōñōñō aelōñ eo ej itok, aelōñ an jemed Devid: Hosana ñan ijo eutiejtata.
- [11] Im Ej deļoñ ilo Jerusalem, im ilowan tempel: im ke E ar rei bajjek ñan men otemjej, im kiiō ejota, Ej diwōj im ilok ñan Betani ippān joñoul im ruo.
- [12] Im raan eo ilju, ke raar itok jān Betani E kwōle,
- [13] Im Ej lo wōjke fig etolok ewor bwilikōn, im ej itok, bwe En kappok leen i raan: im ke Ej itok ñan e, E jab lolo, a bōlōk wōt; bwe e jab iien jebar fig ko.
- [14] Im Jijej e uwaak im ba ñan e, Enjellok armej ej mōñā liom jān kiiō ñan indeeo. Im ri kaļooran rej roñjake.
- [15] Im rej itok ñan Jerusalem; im Jijej ej deļoñ ilowan tempel, im jino An kadiwōjlok ro rej wia ilowan tempel, im ukōji tebōl ko an ro rej wia kōn mAn, im kein jijet ko an ro rej wiakaki muļe ko;
- [16] Im E jab kōtlok bwe jabdewōt armej en bōklok jāpe ilowan tempel.
- [17] Im Ej katakin im ba ñan er, Ar jab jeje ke, Ri aelōñ otemjej re naaj likūt mweo imō imōn jar? a kom ar likūt e bwe en roñan ro ri kowadoñ.
- [18] Im skraib ro im pris ro reļap rej roñjake, im pukot ekōjkan aer man E: bwe re mijak E, bwe armej otemjej re bwilōñ kōn An katakin.
- [19] Im ke ejota jabdewōt, Ej ilok jān jikin kwelok eo.
- [20] Im ke ejibboñ, ke rej eļļā, rej lo wōjke fig eo e mōrālok jān okran.
- [21] Im Piter ej keememej im ba ñan E, Rabbai, lo wōjke fig eo kwaar koole, e mōrālok.
- [22] Jijej e uwaak im ba ñan er, Komwin tōmak Anij.
- [23] Bwe emool Ij ba ñan kom, Jabdewōt eo e naaj ba ñan toļ in, Kwōn teep, im jako ņa ilo lojet; im e jab pere ilo būruen, a ej tōmak bwe men eo ej ba e naaj waļok, e naaj an.
- [24] Kōn men eo Ij ba ñan kom, men ko jabdewōt komij kajjitōk ilo ami jar, komwin tōmak bwe komij bōki, im re naaj ami.
- [25] Im ñe komij jutak im jar, eļaññe jabdewōt armej ewor ruōn ippemi, komwin jeorlok e, bwe barāinwōt Jememi i lañ en jeorlok jerowiwu ko ami.
- [27] Im rej bar itok ñan Jerusalem: im ke Ej etetal ilowan tempel, pris ro reļap, im skraib ro, im elder in armej ro, rej itok ñan ippān,
- [28] Im ba ñan E, kōn naan ot Kwōj kōmman men kein? im wōn e ar lewōj ñan Eok naan in, bwe Kwōn kōmman men kein?

- [29] Im Jijej e uwaak im ba ñan er, I naaj kajjitōk ippemi kōn juon naan, im koṃwin uwaak Eō, im I naaj kōnnaanōk kom naan eo Ij kōṃṃan men kein kake.
- [30] Peptaij eo an Jon, e jān lañ ke, ak jān armej? koṃwin uwaak Eō.
- [31] Im rej kōnono ñan doon im ba, Eļaññe je ba, Jān lañ, E naaj ba, Innām etke kom ar jab tōmak e.
- [32] A eļaññe jej ba, Jān armej, re mijak jar eo, bwe armej otemjej rej ļōmṃak, Jon e ri kanaan eṃool.
- [33] Im re uwaak im ba ñan Jijej, Kōm jaje, Im Jijej e ba ñan er, I jāmin kōnnaanōk kom naan eo Ij kōṃṃan men kein kake.

JEPTA 12

- [Mk 12.1] Im Ej jino An ba ñan er ilo būrabōļ ko. Juon armej ej kallib i jikin grep, im ej kōṃanṃan wōrwōr in kōpooļe, im kūbwij jikin kein joniak wain, im kalōk iṃōn ebar, im ej kōlaik e ñan ro ri kallib, im ej ilōk ñan bar juon aelōñ.
- [2] Im ke iien leen ekalo, ej jilkinļok ri korijeran ñan ro ri kallib, bwe en bōk leen grep jān ro ri kallib.
- [3] Im rej jibwe, im deñļoke, im jilkinļok e im ejjeļok leen ippān.
- [4] Im e bar jilkinļok ñan ippaer bar juon ri korijeran: im rej kade, im kinejneje bōran, im jilkinļok e, im enana aer kōṃṃan ñan e.
- [5] Im ej jilkinļok bar juon; im rej ṃan e, im bar elōñ; rej deñļoke jet, im rej ṃan jet.
- [6] A juon nejin ippān e jitōnbōro, im ej jilkinļok e āliktata ñan ippaer, im ba, Re naaj kabuñ ñan nejiō.
- [7] A ri kallib rej ba ñan doon, ƭe iṃ ri jolōt; itok, jān ṃan e, im jolōt eo e naaj ad.
- [8] Im rej jibwe, im ṃan e, im joļok e jān jikin kallib grep eo.
- [9] Innām ta eo Irooj in jikin kallib grep e naaj kōṃṃan? E naaj itok im ṃan ro ri kallib, im leļok jikin kallib eo ñan bar jet.
- [10] Kom ar jab kōnono ke naan in ilo Jeje ko? Ejṃaan eo ro ri kal raar joļok e, eṃōj kōṃṃan e iṃ deṃōn jabōn im.
- [11] Men iṃ jān Irooj, im men in bwilōñ ilo mejed.
- [12] Im rej pukot bwe ren jibwe E, a re mijak armej raṃ; bwe re jeļā E ar ba būrabōļ iṃ ṃae er, im rej likūt E im ilōk.
- [13] Im rej jilkinļok ñan E jet iaan Parisi ro im iaan ro doon Herod, bwe ren jibwe E kōn An in naan.
- [14] Im ke rej itok re ba ñan E, Ri Kaki, kōm jeļā Kwō ṃool, im ejjeļok armej Kwōj wōjake; bwe Kwō jab kakilen ālikin armej, a Kwōj katakin ial in Anij im eṃool: Emālim ke owōj ļok ñan Sizar ak jab?
- [15] Kōmin leļok ke, ak kōmin jab leļok? A E jeļā aer etao, im ba ñan er, Etke komij kapo Eō? bōktok ñan Eō juon deneriōs bwe In lo e.
- [16] Im rej bōktok. Im Ej ba ñan er, Men in e im jeje iṃ an wōn? Im re ba ñan E, An Sizar.
- [17] Im Jijej e uwaak im ba ñan er, Koṃwin leļok ñan Sizar men ko an Sizar, im ñan Anij men ko an Anij. Im re kanooj bwilōñ kōn E.
- [18] Innām Saddusi ro rej itok ñan E, ro re ba ejjeļok jerkakpeje, im rej kajjitōk ippān, im ba,

- [19] Ri Kaki, Moses e ar je ñan kōm, Eļaññe jein armej e mej, im lio pāleen ej pād, im ejjeļok nejin; jaten en bōk lio pāleen im en wor ajri ñan jein.
- [20] E kar jiljilimjuon jemjein jemjatin: im eo maanje ej bōk lio pāleen, im e mej im ejjeļok nejin.
- [21] Im jaten kein ka ruo ej bōk lio, im e mej, im ejjeļok nejin; im barāinwōt eo kein ka jilu.
- [22] Im iriōñ jiljilimjuon raar pāleek e, im ejjeļok nejir; im ālikiir otemjej kōrā eo e mej.
- [23] Ilo jerkakpeje, ñe re naaj jerkakpeje, pāleen wōn lio iaer? bwe iriōñ jiljilimjuon raar pāleek e.
- [24] Jijej e ba ñan er, Kom jab bōd e kōn men in, bwe kom jaje Jeje ko, im an Anij maroñ ke?
- [25] Bwe ñe re naaj jerkakpeje jān ro re mej, re jab pālele, im jab leļok bwe ren pālele; a rej āinwōt enjeļ ro i lañ.
- [26] A kōn ro re mej, bwe rej jerkakpeje, kom ar jab kōnono ilo bok in Moses ke, ekōjkan ilo juļ Anij e ar kōnono ñan e, im ba Ña Anij an Ebrean, im Anij an Aisak, im Anij an Jekōb?
- [27] E Jab Anij an ro re mej, a an ro remour: eļap ami bōd.
- [28] Im juon iaan skraib ro ej itok, im ke eņōj roñjake aer kajjitōk ippān doon, im jeļā eņman An uwaak er, ej kajjitōk ippān, Ewi kien eo eļap iaer otemjej?
- [29] Jijej e uwaak e, Kien eļaptata, Komwin roñjake, O Israel, Irooj ad Anij, Irooj ej juon wōt:
- [30] Im kwōn yokwe Irooj aņ Anij kōn aolepen būruōm, im kōn aolepen aņ, im kōn aolepen aņ ļoļātāt, im kōn aolepen aņ kajoor.
- [31] Im e in kein ka ruo, Kwōn yokwe ri turōņ im āinwōt kwe. Ejjeļok bar juon kien eļap jān kein.
- [32] Im skraib eo e ba ñan E, Eņman, Ri Kaki, eņool Aņ ba; bwe E juon wōt; im ejjeļok bar juon, E make wōt,
- [33] Im eļaññe armej ej yokwe E kōn aolepen būruen, im kōn aolepen ļoļātāt, im kōn aolepen an, im aolepen an kajoor, im eļaññe ej yokwe ri turin im āinwōt e, men in eļap jān men ko re iio otemjej ej katok kaki im tile, im men in joortak ko.
- [34] Im ke Jijej ej lo bwe ejiņwe an uwaak, E ba ñan e, Kwō jab toane aelōñ in Anij. Im tokālik ejjeļok armej e peran in kajjitōk ippān kōn jabdewōt.
- [35] Im Jijej e uwaak im ba ke Ej katakin ilowan tempel, Ekōjkan an skraib ro ba Ri Kūraj e nejin Devid?
- [36] Bwe Devid e make ba ilo Jetōb Kwōjarjar, Irooj e ba ñan aō Irooj, Kwōn jijet i anbwijmaroñiō, ñan tōr eo Ij likūt Aņ ri kōjdat bwe ren eran niom.
- [37] Devid ej naetan Irooj; im ekōjkan e nejin? Im armej waan ebuñbūreir ke rej roñjake.
- [38] Im Ej ba ñan er ilo An katakin, Komwin kōjparok kom jān skraib ro, re kōņaan kaitok nuknuk ko aer ke rej etetal, im kōņaan bwe armej ren yokyokwe er ilo jikin wia ko,
- [39] Im kein jijet ko remman ilo imōn kwelok ko, im ijo ko remman ilo kwōjkwōj ko:
- [40] Rej kañi imōn kōrā ro ejako pāleir, im kimje armej kōn an aitok aer jar; rein re naaj bōk liaakļok eļap.
- [41] Im Jijej ej jijet ikijjien nien maņ, im lale kōjkan an armej āti maņ na ilowan nien mani; im elōñ ri mweie rej āti elōñ.

- [42] Im juon kōrā, e jeraṃōl im ejako pāleen, ej itok im āti ruo ṃAn reniñ, rej āinwōt juon farthiñ.
- [43] Im Ej aṇiñintok ro ri kaḷooran ñan ippān, im ba ñan er, Eṃool Ij ba ñan kom, kōrā iṇ e jeraṃōl im e jako pāleen e ar āti eḷap jān er otemjej raar āti ṇa ilowan nien ṃAn:
- [44] Bwe er otemjej raar āti wōt jet jān elōñ ṃweieir; a lio kōn an jeraṃōl e ar āti men ko an otemjej, aet aolepen men in mour an.

JEPTA 13

- [Mk 13.1] Im ke Ej diwōj]ok jān tempel, juon iaan ro ri kaḷooran ej ba ñan E, Ri Kaki, Kwōn lale ṃōk ie wāween ejṃaan kein im ṃōkein!
- [2] Im Jijej e uwaak im ba ñan e, Kwōj lo ṃōkein reḷap ke? ejjeḷok juon dekā e naaj pād ioon doon im jab ebjak.
- [3] Im ke Ej jijet ioon toḷ Olivet ikijjien tempel, Piter im Jemes, im Jon im Andru rej make wōt im kajjitōk ippān,
- [4] Kwōn kōnnaanōk kōm, men kein re naaj itok Ñāāt? im ta kakō]le ñe men kein otemjej re nañin jejjet?
- [5] Im Jijej ej jino an ba ñan er, Koṃwin lale bwe ejjeḷok armej en ṃoṇe kom.
- [6] Bwe elōñ re naaj itok ilo eta, im ba, Ña Kūrai, im re naaj kejebwābweik elōñ.
- [7] Im ñe komij roñjake tariṇae im naan in tariṇae ko, kōmin jab lō]ñōñ; bwe eṃool men kein re naaj itok, a jeṃḷokōn e jañin itok.
- [8] Bwe ri aelōñ re naaj jutak ṃae ri aelōñ, im aelōñ an kiñ ṃae aelōñ an kiñ, im ilo jet āne e naaj ṃakūtkūt laḷ, im e naaj wor ñūta; men kein jinoin eñtaan.
- [9] A koṃwin kōjparok kom; bwe re naaj ketak kom ñan jar an ri pepe ko; im re naaj deñ]oke kom ilowan iṃōn kwelok ko; im kom naaj jutak iṃaan mejan irooj redik im ro reḷap kōn Ña, kōn men in kōnnaan ñan er.
- [10] Im naaj kwaḷok gospel ñan ri aelōñ ko otemjej ṃokta.
- [11] Im ñe rej āñin]ok im ketak kom, koṃwin jab inepata ṃokta ta eo kom naaj ba: a jabdewōt men eo naaj lewōj ñan kom ilo awa eo, men in koṃwin kōnono kake: bwe e jab komeo komij kōnono, a Jetōb Kwōjarjar.
- [12] Im jein im jaten e naaj ketak jein im jaten bwe en mej, im jemen nejin; im ajri ro re naaj jutak ṇae jemeir im jineir, im kōṇaan bwe ren mej.
- [13] Im armej otemjej re naaj matōrtōre kom kōn eta; a eo e naaj niknik ñan jeṃḷokōn, e iṇ e naaj mour.
- [14] A ñe kom naaj lo men eo men in jōjōik im eḷap an koḷkure, im e jutak ijo eṃo an pād ie, (eo ej kōnono ilo bok en jeḷā kake) innām ro rej pād i Judia ren ko ñan toḷ ko.
- [15] Im eo ej pād ioon im en jab to laḷ ilowan im, en jab deḷoñ bwe en bōk men eo jabdewōt jān ṃweo iṃōn.
- [16] Im eo ej pād ilo jikin kallib en jab jep]aak bwe en bōk kopā eo an.
- [17] A wo ñan ro rej bōrōro, im ro rej kaninnin ilo raan ko!
- [18] Im koṃwin jar bwe en jab ilo iien e piō.
- [19] Bwe ilo raan ko e naaj wor eñtaan, eo e ar jab āinwōt jān jinoin kōṃanṃan laḷ eo Anij e ar kōṃṃane ñan iien iṇ, im e jāmin bar āinwōt.

- [20] Im eļañņe Irooj e ar jab kāiet ļok raan ko, ejjeļok kanniōk e naaj kar mour: a kōn An ri kāālōt, ro E ar kāālōt er, E ar kāiet ļok raan ko.
- [21] Im iien eo eļañņe jabdewōt armej e naaj ba ñan kom, Lo ri Kūraij ije, ak ijjuweo; koṃwin jab tōmak e.
- [22] Bwe e naaj jutak ro ri Kūraij waan, im ro ri kanaan waan, im re naaj kwaļok kakōļle ko im men in bwilōñ ko, bwe, eļañņe re maroñ, ren kejebwābweik ro ar kāālōt er.
- [23] A koṃwin kōjparok kom; lo, I ar kōnnaanōk kom ṃokta men otemjej.
- [24] A ilo raan ko, ilokōn eñtaan eo, aļ e naaj marok im allōñ e jāmin romaak,
- [25] Im iju i lañ re naaj wōtļok, im men ko rekajoor i lañ re naaj ṃakūtkūt.
- [26] Im iien eo re naaj lo Nejin armej ej itok ilo kōdo ko, kōn eļap kajoor im wōj.
- [27] Im iien eo E naaj jilkinļok enjeļ ro An, im E naaj kokweiloktok ro ar kāālōt er jān emān kōto, jān ṃōttan laļ etoļok tata ñan ṃōttan lañ etoļok tata.
- [28] Koṃwin katak būrabōļ jān wōjke fig: ñe ej ub raan, im ej eoñ bōlōk, kom jeļā epaak iien māāņāņ.
- [29] Barāinwōt kom, Ñe komij lo men kein rej waļoktok, koṃwin jeļā, Ej epaak, aet iturin kōjām ko.
- [30] Eṃool Ij ba ñan kom, epepen iņ e jāmin jako ṃokta jān men kein otemjej naaj itok.
- [31] Lañ im laļ re naaj jako: a naan ko Aō re jāmin jako.
- [32] A raan eo im awa eo ejjeļok en e jeļā kake, jab enjeļ ro rej pād i lañ, jab Nejin, a Jema wōt.
- [33] Koṃwin kōjparok kom, koṃwin ekil im jar: bwe kom jaje ñāāt iien eo.
- [34] Ej āinwōt ke juon armej ej ilok ñan āne etoļok, ej likūt ṃweo iṃōn, im ej leļok naan in kallimur ñan ro ri korijeran, im ñan armej otemjej aer jermal, im barāinwōt jiroñ ri bar kōjām bwe en ekil.
- [35] Innām koṃwin ekil; bwe kom jaje ñāāt Irooj in ṃweo ej itok, ke ejota, ak ilukwōn boñ, ak ñe kako ej ikkūr, ak ñe ejibboñ;
- [36] Ñe ab naaj ṃōkaj an itok im lo ami kiki.
- [37] Im naan eo Ij ba ñan kom, Ij ba ñan otemjeļok, Koṃwin ekil.

JEPTA 14

- [Mk 14.1] Ilokōn ruo raan kwōjkwōj in kijoone, im bred e jab uwe; im pris ro reļap im skraib ro rej pepe, e naaj kōjkan aer jibwe E ilo ṃoņ im ṃan E:
- [2] Bwe rej ba, En jab iuṃwin kwōjkwōj, ñe ab iruj armej.
- [3] Im ke Ej pād i Betani ilowan iṃōn Saimōn, ri lōba, ke Ej jibadek im ṃōñā, juon kōrā ej itok alebaster nien dān in kapit nard ippān, eļap oņān; im ej rupe nien, im lutōk ioon bōran.
- [4] Im jet rej illu, im ba, Etke ej jerwaane dān in kapit iņ?
- [5] Bwe raar maroñ in wiakake men eo im bōk oņān eļap jān jibukwi silliñ, im leļok ñan ro re jeraṃōl. Im rej lotaan e.
- [6] Im Jijej ej ba, Koṃwin likūt e: etke komij aņōte e? e ar jermal ñan Eō jermal eṃṃan.
- [7] Bwe ri jeraṃōl rej pād ippemi iien otemjej, im iien eo kom kōņaan kom maroñ jipañ er; a Ña I jab pād ippemi iien otemjej.

- [8] Lio e ar kōmman āinwōt an maroñe: e ar kapit ānbwinniō mokta ñan kalbwin Eō.
- [9] Eṃool Ij ba ñan kom, Ijo jabdewōt re naaj kwaļok gospel in i aolepen laļ, men in lio e ar kōmmane re naaj kōnono kake bwe ren keememej e.
- [10] Im Judas Iskariōt, juon iaan joñoul im ruo, ej ilok ñan ippān pris ro reļap, bwe en ketak E ñan er.
- [11] Im ke rej roñjake e buñbūrueir, im rej muri bwe ren leļok ñan e ṃAn. Im ej pukot iien eṃman bwe en ketak E ñan er.
- [12] Im raan mokta iaan raan ko raan in bred e jab uwe, ke rej katok kōn men in kijoone, ri kaļooran rej ba ñan E, Ewi ijo Kwō kōṇaan kōmin ilen kapojak, bwe Kwōn ṃōñā men in kijoone?
- [13] Im Ej jilkinļok ruo iaan ro ri kaļooran, im ba ñan erro, Komwin ilok ñan lowaan jikin kwelok eo, im juon armej e naaj ioon komro ej bōktok kein itōk: komwin ļoor e.
- [14] Im ijo jabdewōt ej deļoñ ie, komwin ba ñan irooj in ṃweo, Ri Kaki ej ba, Ewi ṃōjabuweo ijo I naaj ṃōñā men in kijoone ippān ro ri kaļoorā?
- [15] Im e naaj ba kajjien ñan komro po jabeo eļap eṃōj kōkōmmanṃōn im kapoje: ijo komwin kapoj ṃae kōj ie.
- [16] Im ri kaļooran rejro ilok, im deļoñ ñan lowaan jikin kwelok eo, im lo āinwōt E ar ba ñan er: im rej kapojak men in kijoone.
- [17] Im ke ejota Ej itok im joñoul im ruo ippān.
- [18] Im ke rej jibadek im ṃōñā, Jijej e ba, Juon iaami e naaj ketak Eō, aet eo ej ṃōñā ippa.
- [19] Im rej jino in būromōj, im kajju aer ba ñan E, Ña ke?
- [20] Im E ba ñan er, E juon iaan joñoul im ruo, eo ej kattu ļok ippa ilowan jāpe.
- [21] Nejin armej ej ilok, im āinwōt jeje kōn E; a wo ñan armej eo ej ketak Nejin armej! e naaj kar eṃman eļañne armej eo e ar jab ļotak.
- [22] Im ke rej ṃōñā, Jijej ej bōk bred, im jar im ruje, im leļok ñan er im ba, Komwin bōk e; men in ānbwinniō.
- [23] Im Ej bōk kab, im ke eṃōj An jar, Ej leļok ñan er; im er otemjej rej ilimi.
- [24] Im E ba ñan er, Men in daō in kallimur, eo katōorļok e ñan elōñ.
- [25] Eṃool Ij ba ñan kom, I jāmin bar ilimi leen vain ñan raan eo Ij ilimi im ekāāl ilo aelōñ in Anij.
- [26] Im ke eṃōj aer al, rej diwōj im ilok ñan toļ Olivet.
- [27] Im Jijej ej ba ñan er, Kom otemjej naaj tipñōl: bwe ar jeje, I naaj ṃan seperd, im jiiip ko re naaj jeplōklōk.
- [28] A ālikin Aō jerkakpeje, I naaj ṃōkaj ļok jān kom ñan Galili.
- [29] A Piter e ba ñan E, Eļañne er otemjej re naaj tipñōl, a ña jab.
- [30] Im Jijej e ba ñan e, Eṃool Ij ba ñan eok, rainin, aet ilo boñin in, mokta jān an kako ikkūr alen ruo, kwō naaj kaarmejjet Eō alen jilu.
- [31] A ej kaļapļok an ba, Eļañne Ij meje Eok, I jāmin kaarmejjete Eok ñan jidik. Āindein barāinwōt er otemjej re ba.
- [32] Im rej itok ñan ijo jikin etan Getsemani: im E ba ñan ro ri kaļooran, Komwin jijet ijin ilo iien Aō jar.

- [33] Im Ej ãnin Piter im Jemes im Jon ippãn, im jino An kanooj bwilõn, im eļap An eddo būruen;
- [34] Im E ba ñan erjel, Aõ e kanooj būromõj ãinwõt ñan mej: koṃwin pãd ijin, im ekil.
- [35] Im Ej ilok jidik, im buñ ioon laļ, im jar, bwe eļañne e maroñ, awa in en ilok jãn E.
- [36] Im E ba, Abba, Jema, Kwõ maroñe men otemjej; Kwõn bõkļok kab in jãn Eõ: a en jab ankil Aõ, a ankil Aṃ.
- [37] Im Ej itok im lo aer kiki, im Ej ba ñan Piter, Saimõn, kwõj kiki ke? kwõ jab maroñ in ekil iuṃwin juon awa ke?
- [38] Koṃwin ekil im jar, bwe koṃwin jab deļoñ ilowan kapo. An e kõṇaan, a kanniõk eṃõjṇo.
- [39] Im Ej ar ilok, im jar, im bar ba naan ko.
- [40] Im ke Ej jepļaak, Ej lo aer bar kiki, bwe eddo mejeir, im re jaje ta eo ren uwaak E.
- [41] Im Ej itok alen kein ka jilu, im ba ñan er, Koṃwin kiki wõt kiiõ, im kakkijeik kom: eṃõj; awa e moottok; lo, ketake Nejin armej ñan lowaan pein ro ri jerõwiwi.
- [42] Koṃwin jerkak, jãn etal; lo eo ej ketak Eõ epaak.
- [43] Im eṃõkaj, ke Ej kõnono, Judas, juon iaan joñoul im ruo, ej itok, im elõñ armej ippãn, ewor jãje im doon ippaer, jãn ippãn pris ro reļap, im skraib ro, im elder ro an armej raṇ.
- [44] Im eo ej ketak E, e kar leļok ñan er kakõļlen, im ba Eo I naaj mejenmaike, E eo: koṃwin jibwe E im ãninļok im dāpij E.
- [45] Im ke ej itok, eṃõkaj an ilok ñan ippãn im ba Rabbai, im ej mejenmaik E.
- [46] Im re kõtelleļok peir im jibwe.
- [47] Im juon iaan ro rej jutak ijo, ej nuri jãje eo an, im jepak ri korijeran pris eo eļap, im bukwe lojilñin.
- [48] Im Jijej e uwaak im ba ñan er, Komij itok ãinwõt ñae ri kowadoñ ke, kõn jãje ko im doon ko bwe koṃwin jibwe Eõ?
- [49] Raan otemjej I ar pãd ippemi ilowan tempel, im katakin, im kom ar jab jibwe Eõ: a eñin bwe en kaṃool naan in Jeje ko.
- [50] Im er otemjej rej ilok jãn E, im ko.
- [51] Im juon likao ej ļoor e, nuknuk linen ej kõpool ãnbwinnen e keelwaan: im rej jibwe;
- [52] A ej likūt nuknuk linen eo, im keelwaan e ko jãn er.
- [53] Im rej ãninļok Jijej ñan ippãn pris ļapļap; im pris otemjej re ļap, im elder ro, im skraib ro raar kweilokļok ñan ippãn.
- [54] Im Piter e kar ļoor E, im etoane, ñan lowaan ṃweo iṃõn pris ļapļap; im ej jijet ippãn ro ri kabõjrak, im ej rañrañ ilo kijeek.
- [55] Im pris ro reļap im ri pepe otemjej rej kappok kõnnaan ñae Jijej, bwe ren ṃan E, im ejjeļok aer loe.
- [56] Bwe elõñ rej riab ñae E, a e jab ãinwõt juon aer in naan.
- [57] Im jet re jutak, im riab ñae E, im ba,
- [58] Kõm ar roñ An ba, I naaj rupe tempel in kõṃmane kõn pã ko, im iuṃwin jilu raan I naaj kalõk bar juon, im jab kõṃmane kõn pã ko.
- [59] A e jab ãinwõt juon aer in naan.

- [60] Im pris ļapļap ej jutak ioļap, im kajjitōk ippān Jijej im ba, Kwō jab uwaak ñan jidik ke? Ta eo rein rej kōnnaan ņae Eok?
- [61] A Ej kejekļokjeņ, im jab uwaak. Pris ļapļap eo ej bar kajjitōk ippān, im ba ñan E, Kwe ri Kūraj ke, Nejin Eo Eṃōṃōṃō?
- [62] Im Jijej e ba, E: im kwō naaj lo Nejin armej Ej jijet i anbwijmaroņan kajoor, im itok ilo kōdḡ ko i lañ.
- [63] Innām pris ļapļap eo ej kekeel nuknuk ko an, im ba, Etke jej aikuj bar jet ri kōnnaan?
- [64] Kom ar roņjake balspim eo. Ta ami ļōmņak? Im er otemjej rej liaakļok E, bwe ewor ruōn bwe En mej.
- [65] Im jet rej jino aer iyelok E, im pinej mejan, im jekanunok E, im ba ñan E, Kwōn rūkaanij: im ri kabōjrak rej ubrare kōn loḡiden peir.
- [66] Im ke Piter ej pād i laļ ilowan im, juon jiroņ, ri korijeran pris ļapļap ej itok:
- [67] Im ke ej lo Piter e raņraņ, ej kallimjeke, im ba, Im kwaar pād ippān Jijej ri Nazeret.
- [68] A ej kaarmejjete im ba, I jaje im jab mejeļe men eo kwōj ba. Im ej diwōjļok ñan tōñaak; im kako ikkūr.
- [69] Im jiroņ ej lo e, im jino an bar ba ñan ro rej jutak ijo, E iņ juon iaer.
- [70] Im ej bar kaarmejjete. Im tokālik jidik, ro rej jutak ijo rej bar ba ñan Piter, Eṃool kwe juon iaer; bwe kwe ri Galili.
- [71] A e jino an kaṃool im kanejnej, im ba I jaje armej iņ komij kōnono kake.
- [72] Im e ṃōkaj alen kein ka ruo an kako ikkūr. Im Piter ej keememej naan eo Jijej e ar ba ñan e, ṃokta jān kako ikkūr alen ruo, kwō naaj kaarmejjete Eō alen jilu. Im ke ej ļōmņak kake, ej jañ.

MARK 15

- [Mk 15.1] Im e ṃōkaj ke e jibboņ pris ro re ļap rej pepe ippān elder ro, im skraib ro, im ri pepe otemjej, im rej liāpe Jijej, im āñinļok im ketak E ñan Pailat.
- [2] Im Pailat ej kajjitōk ippān, Kwe kiñ an ri Ju ro ke? Im E uwaak im ba ñan e, Kwōj ba.
- [3] Im pris ro reļap rej kinaakļok e kōn men ko re lōñ.
- [4] Im Pailat ej bar kajjitōk ippān im ba, Ejjeļok Aṃ uwaak ke? Lo enaņin lōñ men ko rej jarōkļok Eok kaki.
- [5] A Jijej e jab bar uwaak ñan jidik; kōn men iņ Pailat e bwilōñ.
- [6] A ilo kwōjkwōj eo ej kōtļok ñan er juon ri prisōn, jabdewōt eo re kōņaan.
- [7] Im juon etan Barabbas, eṃōj liāpe ippān ro raar kapata, er armej raar uror ilo aer kapata.
- [8] Im jar eo ej wanlōñļok im jino aer kajjitōk ippān, bwe en kōmņan ñan er āinwōt ej kōmņan iien otemjej.
- [9] A Pailat ej uwaak er, im ba, Kom kōņaan bwe In kōtļok ñan kom kiñ an ri Ju ro ke?
- [10] Bwe ej kile pris ro reļap, raar ketak E kōn aer juunṃaade.
- [11] A pris ro reļap rej kareel būruen armej raņ, bwe en kōtļok Barabbas ñan er.
- [12] Im Pailat e bar uwaak im ba ñan er, Innām ta eo komij kōņaan bwe in kōmņan ñan Eo kom ba, E kiñ an ri Ju ro?
- [13] Im rej bar laṃōj, Kwōn debwāāl E.

- [14] Innām Pailat ej ba ñan er, Bōta? ta eo enana E ar kōmmane? Im rej kanooj kaḷapḷok aer lamōj, Debwāāl E.
- [15] Innām Pailat, kōn an kōṇaan kaenōmmane jar eo, ej kōtḷok Barabbas ñan er, im ketak Jijej, ke eṃōj an deñḷok E, bwe ren debwāāl E.
- [16] Im ri tariṇae rej āñinḷok e ñan lowaan jikin eo etan Pritoriōm, im rej kokweiloktok jar an tariṇae otemjej.
- [17] Im rej kanuknuk E kōn balle ekilmir, im pirōk pāllin kālōklōk, im likūt e ioon bōran;
- [18] Im jino aer yokyokwe, Yokwe Eok, kiñ an ri Ju ro!
- [19] Im rej deñḷok bōran kōn koba, im iyelok E, im rej bukweḷōlō im kabuñ ñan E.
- [20] Im ke eṃōj aer kajjirere, rej utūk nuknuk ko ekilmir jān E, im kanuknuk E kōn nuknuk ko An, im āñinḷok E bwe re debwāāl E.
- [21] Im juon etan Saimōn, ri Sairine, jemen Alexander im Rufōs, ke ej itok jān ilujen āne, im nañin kijoone, rej kaṃakokoik e bwe en inek An debwāāl.
- [22] Im rej āñinḷok e ñan jikin Golgota, ukōtōn naan in, Jikin ḷāt in bar.
- [23] Im rej leḷok ñan E wain e kāre kōn mōrr bwe En idaak; a E jab bōk e.
- [24] Im rej debwāāl E, im ajej nuknuk ko An ilo juon kakōḷje ioer, bwe ren jeḷā ewi men ko aer.
- [25] Im awa kein ka ruwatimjuon, im rej debwāāl E.
- [26] Im naan in kinaakḷok kake eṃōj jeje ilōñin, KIÑ AN RI JU RO.
- [27] Im rej debwāāl ruo ri kowadoñ ṇa ippān, juon i anbwijmaroñan, im juon i anmiñin.
- [29] Im ro rej eḷḷā ḷok rej kajjirere kake, im jeboulul bōraer, im ba, Kweo, Kwōj koḷkure tempel, im kalōk e iumwin jilu raan,
- [30] Kwōn ḷomḷoren Eok, im to laḷ jān debwāāl ṇe.
- [31] Barāinwōt pris ro reḷap rej kajjirere im ba ñan doon kab skraib ro, E ar ḷomḷoren ro jet; E jab maroñ make ḷomḷoren E.
- [32] Ri Kūraj, kiñ in Israel, En to jān debwāāl eo, bwe jān lo im tōmak. Im ro ar debwāāl er ṇa ippān rej kajjirere kake.
- [33] Im ke ej itok joñoul im ruo awa, emarok ioon aolepen āne im ñan jilu awa.
- [34] Im ke jilu awa, Jijej ej lamōj im eḷap ainikien, im ba, Eloī, Eloī, lama sabaktani; ukōtōn naan in, Aō Anij, Aō Anij, etke Kwaar ilok jān Eō?
- [35] Im jet iaan ro rej jutak ijo, ke rej roñjake, re ba, Lo, Ej kūr Elaija.
- [36] Im juon ettōr im kattu ḷok matmat ilo vinegar, im likūt e iṃaan koba, im leḷok ñan E bwe En idaak, im ba, Jab kijer; jān lo Elaija e naaj iten door laḷ, ak jab.
- [37] Im Jijej ej lamōj im eḷap ainikien, im kōtḷok An.
- [38] Im rōñel in tempel e potak im ruo mōttan, jān lañ ñan laḷ.
- [39] Im senturiōn, eo ej jutak ikijjien, ke ej lo bwe āindein An mej, e ba, Eṃool armej in e Nejin Anij.
- [40] Im jet kōrā rej alwōj im toane: jet iaer Meri Magdalini, im Selome, im Meri jinen Jemes edik im Joses;
- [41] Im iriōñ ke E ar pād i Galili, raar ḷoor e, im jermal ñan E: im bar elōñ kōrā ro raar wanlōñtok ippāntok ñan Jerusalem.
- [42] Im kiiō ke ejota, bwe iien kapojak, eñin raan iṃaan Jabōt,

- [43] Josep ri Arimatia, e ri pepe im emman, im ej kattar aelõñ in Anij, ej itok, im e peran in delõñ ñan ippån Pailat, im kajjitõk ubõn Jijej.
- [44] Im Pailat e bwilõñ eļaññe E mej wõt; im ej añiñintok senturiõn eo, im kajjitõk ippån, ietoõn An emej.
- [45] Im ke e jeļã jån senturiõn, ej leļok ubõn ñan Josep.
- [46] Im ej wiaik nuknuk linen, im doorlaļ, im kütimi kõn nuknuk, linen eo, im kababu e ilo lõb eo.
- [47] Im Meri Magdalini, im Meri jinen Joses, rej lo ijo raar liküt e ie.

MARK 16

- [Mk 16.1] Im ke e jemļok Jabõt, Meri Magdalini, im Meri jinen Jemes, im Selome, raar wiaik men ko re ñaj, bwe ren item kapit E.
- [2] Im ke ej jimmarok, raan eo mokta ilo wiik, rej itok ñan lõb eo ke ej tak aļ.
- [3] Im re ba ñan doon, Wõn e naaj kadāpiļok ñan kõj ejmaan jån aor in lõben?
- [4] Im ke rej lale, rej lo ejmaan eo e dāpiļok; bwe e kanooj ļap..
- [5] Im ke rej delõñ ilowan lõb eo, rej lo juon likao ej jijet i anbijmarõn, ej balle kõn kopā emouj; im re kumļok.
- [6] Im e ba ñan er, Koṃwin jab kumļok: komij pukot Jijej ri Nazeret, eo ar debwāāl E: E ar jerkakpeje; E jako ijin; koṃwin lale ijo raar kababu E.
- [7] A koṃwin ilok, kõnnaanõk ro ri kaļooran im Piter, Ej mōkaj ļok jån kom ñan Galili, ijo kom naaj lo E, āinwõt E ar ba ñan kom.
- [8] Im rej diwõjļok, im emōkaj aer ko jån lõb eo: bwe rej wūdiddid im bwilõñ: im ejjeļok aer ba ñan jabdewõt armej, bwe re mijak.
- [9] {Im ke Jijej ej jerkakpeje ke e jimmarok ilo raan mokta ilo wiik, Ej weaaktok mokta ñan Meri Magdalini, eo E ar kajutakļok jiljilimjuon timoņ jån ippån.
- [10] Im ej ilem kõnnaanõk ro re kar pād ippån, ke rej būromōj im jañūti.
- [11] Im er, ke emōj aer roņjake bwe Ej mour, im lio e ar lo E, re jab tōmak.
- [12] Ālikin men kein, Ej weaaktok ilo bar juon wāween ñan ruo iaer, ke rej ilok ñan lujen āne.
- [13] Im rej ilem kõnnaanõk ro jet: im re jab tōmak er.
- [14] Tokālik Ej weaaktok ñan joñoul im juon ke rej jibadek im mōñā, im Ej kauwe er kõn aer jab tōmak im pen būrueir, bwe raar jab tōmak ro raar lo E ālikin An jerkakpeje.
- [15] Im E ba ñan er, Koṃwin ilok ñan aolepen laļ, im kwaļok gospel ñan armej otemjeļok.
- [16] Eo ej tōmak im peptaij, e naaj mour; eo e jab tōmak, naaj liaakļok e.
- [17] Im kakõļle kein re naaj ippån ro rej tōmak: ilo eta re naaj kajutakļok timoņ ro; im re naaj kõnono kõn lo ko rekāāl;
- [18] Re naaj kotake jedpānit ko: im eļaññe rej ilimi uno kõn mej ejjeļok nana ippaer; re naaj liküt peir ioon ro renañinmij, im re naaj mour.
- [19] Innām ñe emōj an Irooj kõnono ñan er, ar bōk lõñļok E ñan lõñ, im E jijet i anbwijmaroñan Anij.
- [20] Im rej ilok, im kwaļok ijo ko otemjej, im Irooj ej jermal ippaer, im Ej kapen naan eo kõn men in bwilõñ ko, raar kōmanman. Amen. }

LUK

JEPTA 1

- [Lk 1.1] Bwe elõñ raar kajjioñ bwe ren kajimweļok bwebwenato kōn men ko rejjet iolaper,
- [2] Āinwõt raar letok ñan kōj, ro ri lale kōn mejeir im ri jermal ilo naan jān jinoin;
- [3] Aō ļomņak bar āinwõt emman ippa, kōn aō kanooj jeļā men otemjej jān jinoin, bwe in jeje jimwewõt ñan kwe, Tiopilōs emman potata,
- [4] Bwe kwōn jeļā remool naan ko ar katakin eok kaki.
- [5] Ilo raan ko raan in Herod, kiñ in Judia, Juon pris etan Zakeraias, ilo jar an Abaija; im lio pāleen juon iaan ro nejin Arōn, im etan Elisabet.
- [6] Im erro emman mwilir imaan mejan Anij, im rej etetal ilo kien ko otemjej, im kabuņjar ko an Irooj, im ejjeļok notaer.
- [7] Im ejjeļok nejir, bwe Elisabet ewar, im erro re rūtto wõt.
- [8] Im ke ej kōmman jermal eo an pris imaan mejan Anij ilo raan ko an,
- [9] Āinwõt manit an pris, kuņaan bwe en deļoñ ilowan tempel in Irooj, im kōkaijurjur.
- [10] Im bwijin armej otemjej raar jar i nabōj ilo awa in kōkaijurjur.
- [11] Im enjeļ in Irooj ej weaaktok ñan e im e jutak i anbwijmaroñan lokatok in kokaijurjur.
- [12] Im ke Zakeraias ej loe, e abwinmake, im mijak e buñ ioon.
- [13] A enjeļ e ba ñan e, Zakeraias, kwōn jab mijak: bwe emōj roņjake am jar; im Elisabet, lio pāliom, e naaj kemour nejin maan ñan kwe, im kwō naaj likūt etan Jon.
- [14] Im kwō naaj lañlōñ im buñbūruōm; im elõñ re naaj lañlōñ kōn an ļotak.
- [15] Bwe e naaj ļap imaan mejan Irooj, im e jāmin idaak wain ak dān ekajoor: im e naaj obrak kōn Jetōb Kwōjarjar jān ļojien jinen.
- [16] Im elõñ ro nejin Israel e naaj ukōt er ñan Irooj aer Anij.
- [17] Im e naaj ilok imaan ļok ilo Jetōb im kajoor an Elaija, bwe en ukōt būruen jemeir ñan ro nejir, im ro re jab pokake ñan mālōtłōt an ro rū wānōk; bwe en kapojak ñan Irooj armej ro dedeļok ñan E.
- [18] Im Zakeraias ej ba ñan enjeļ eo, e naaj kōjkan aō jeļā men in? bwe ña ļallap, im lio pāleō lōļap.
- [19] Im enjeļ ej uwaak im ba ñan e, Ņa Gabriel eo ej jutak imaan mejan Anij; im ar jilkinwōj eō bwe in kōnono ñan eok, im kwaļok ñan kwe naan kein remman.
- [20] Im lo, kwō naaj kōjakļokjeņ, im jab maroñ in kōnono maē raan eo men kein re naaj waļok, bwe kwaar jab tōmak naan ko aō, re naaj jejjet ilo iien eo aer.
- [21] Im armej rej kattari Zakeraias, im bwilōñ bwe eto an pād ilowan tempel.
- [22] Im ke ej diwōj, e ban kōnono ñan er: im rej kile bwe e ar lo visiōn ilowan tempel: im ej jītōñ er, im ej kōjakļokjeņ.
- [23] Im ke raan ko raan in jermal eo an remootļok, ej ilok ñan mweo imōn.
- [24] Im ālikin raan ko, lio pāleen, Elisabet, ej bōrōro, im ej tilekek iumwin ļalem allōñ, im ba,
- [25] Āindein an Irooj kōmman ñan eō ilo raan ko ke E ar lale eō, bwe En bōkļok aō jook ippān armej.
- [26] Im ilo allōñ kein ka jiljino, ar jilkinļok enjeļ Gabriel jān Anij ñan juon jikin kwelok i Galili, etan Nazeret,

- [27] Ñan juon bōjin mokta jān an pāleek juon emmaan etan Jesep, ilo nukwin Devid; im etan bōjin eo Meri.
- [28] Im enjeļ ej deļoñ ñan ippān, im ba Yokwe eok, kwe eļap aṃ jeraamman, Irooj ej pād ippaṃ.
- [29] A ej ļokjanaan kōn an in naan, im ej kōļmānļokjeṃ ie āin Yokyokwe iṃ.
- [30] Im enjeļ ej ba ñan e, Meri, kwōn jab mijak: bwe kwaar lo jouj jān Anij.
- [31] Im lo, kwō naaj bōrōro, im kemour nejōm maan, im kwō naaj likūt etan Jijej.
- [32] E naaj ļapļap, im naaj ṅaetan Nejin Eo Eutiejtata: im Irooj Anij e naaj leļok ñan E tūroon eo an Devid jemen:
- [33] Im E naaj Irooj ioon iṃōn Jekōb indeeo: im aelōñ eo An e jāmin jemļok indeeo.
- [34] Innām Meri ej ba ñan enjeļ eo, E naaj kōjkan men iṃ, bwe I jab jeļā maan?
- [35] Im enjeļ ej uwaak im ba ñan e. Jetōb Kwōjarjar e naaj itok iom, im kajoor an Eo Eutiejtata e naaj kallor eok; im kōn men iṃ Eo Kwōjarjar e naaj ļotak naaj likūt etan Nejin Anij.
- [36] Im lo, jioṃ, Elisabet, ej bar āinwōt bōrōro kōn nejin maan ilo iien an lōļlap: im iien iṃ allōñ kein ka jiljino ippān eo raar ba, Ewar.
- [37] Bwe ejjeļok naan jān Anij e naaj ṃōjṃo.
- [38] Im Meri ej ba, Lo ña ri korijeran Irooj: en pād ippa āinwōt aṃ in naan. Im enjeļ ej ilok jān e.
- [39] Im Meri ej jutak ilo raan ko, im e ṃōkaj an ilok ñan āne eo eutiej, ilo juon jikin kwelok i Juda;
- [40] Im ej deļoñ ilowan iṃōn Zakeraias, im yokyokwe Elisabet.
- [41] Im ke Elisabet ej roñ yokyokwe an Meri niñniñ ej lienen ilo lojien; im Elisabet ej obrak kōn Jetōb Kwōjarjar:
- [42] Im ej kōnono im eļap ainikien, im ba, Kwe kwō ṃōṃōṃō iaan kōrā raṃ, im emōṃōṃō ineen lojiōṃ.
- [43] Im e jān ia men iṃ ippa, bwe jinen aō Irooj ej itok ñan ippa?
- [44] Bwe lo, emōkaj ke aṃ yokyokwe ej deļoñtok lojilniō, niñniñ ej lienen i lojiō kōn lañlōñ.
- [45] Im emōṃōṃō eo e ar tōmak: bwe e naaj jejjet men ko Irooj e an kōnono ñan e.
- [46] Im Meri ej ba, Aō ej nōbar Irooj,
- [47] Im aō jetōb e ar lañlōñ ilo Anij aō Ri Lomṃor;
- [48] Bwe e ar lale an ettā ri korijeran; bwe lo, jān iien iṃ epepen otemjej re naaj ba ij ṃōṃōṃō.
- [49] Bwe Eo ekajoor E ar kōṃanman men ko reļap ñan eō: im Etan ekwōjarjar.
- [50] Im Ej tūriamokake ro rej mijak E jān epepen ñan epepen.
- [51] E ar kwaļok kajoor kōn pein: im E ar kajeplōklōk ro ri juwa ilo ļōṃṃak an būrueir.
- [52] E ar kōttāik irooj raṃ jān aer kein jijet, im E ar koutliej ro rej ettā.
- [53] E ar kamat ro rej kwōle kōn men ko reṃman; im ro ri ṃweie Ej jilkinļok im ejjeļok ippaer.
- [54] E ar jipañ Israel, ri korijeran, bwe En keememej An tūriamo,
- [55] Ñan Ebreāim im ineen, indeeo, āinwōt E ar kōnono ñan ro jimṃad.
- [56] Im Meri ej pād ippān iuṃwin jilu allōñ, im ej jepļak ñan ṃweo iṃōn.
- [57] Kiiō ejjet iien an Elisabet keotak: im ej kemour nejin maan.

- [58] Im ro ri turin kab ro nukwin rej roñjake kōjkan Irooj e ar kaḷapḷok An tūriamo ñan e: im rej lañlōñ ippān.
- [59] Im ilo raan eo kein ka ruwalitōk, rej itok bwe ren ṁwijiṁwiji niñniñ: im rej ṅaetan Zakeraias, etan jemen.
- [60] Im jinen ej uwaak im ba, Jab, a etan Jon.
- [61] Im rej ba ñan e, Ejjeḷok juon iaan ro nukwuṁ re kar likūt āt iṅ.
- [62] Im rej romeje jemen, āt ōt eo e kōṅnaan bwe ren likūt etan.
- [63] Im ej kajjitōk kōn kein jeje. Im ej jeje, im ba, Etan Jon. Im er otemjej re bwilōñ.
- [64] Im eṁōkaj ḷōñin epeḷḷok, im loen e mejaḷ, im ej kōnono, im nōbar Anij.
- [65] Im mijak ej itok ioer otemjej rej jokwe iturir: im naan kein otemjej re buñbuñḷok i āne utiej otemjej i Judia.
- [66] Im er otemjej rej roñjake, rej likūti ilo būrueir im ba, Innām e naaj kōjkan ajri iṅ? Bwe pein Irooj e ar pād ippān.
- [67] Im Zakeraias jemen, ej obrak kōn Jetōb Kwōjarjar, im ej rūkaanij im ba,
- [68] Ren nōbar Irooj eo Anij in Israel, bwe E ar itok im ḷomḷoren ro doon,
- [69] Im E ar kajutak doon in ḷomḷor ñan kōj ilo nukwin Devid, ri korijeran;
- [70] Āinwōt E ar kōnono kōn ḷōñin ri kanaan kwōjarjar ro An jān eto:
- [71] ḷomḷor jān ad ri kōjdat, im jān pein ro otemjej rej kūtōtōkakaē kōj;
- [72] Bwe En kōṁanṁan tūriamo ñan ro jīmṁad, im keememej An kallimur ekwōjarjar,
- [73] Kanejneje eo E ar kanejneje ñan Ebreame, jīmṁad,
- [74] Bwe En letok ñan kōj, bwe jān mejaḷ jān pein ri kōjdat ro ad, im bwe jān jermal ñan E im ejjeḷok mijak,
- [75] Ilo kwōjarjar im wānōk iṁaan mejan iuṁwin raan otemjej ad.
- [76] Aet, im kwe, O ajri, naaj likūt etaṁ Ri kanaan an Eo Eutiejtata bwe kwō naaj ilok iṁaan mejan Irooj, bwe kwōn kapojak ial ko An;
- [77] Bwe kwōn leḷok jeḷā mour ñan armeje ro An, kōn jeorḷok jerōwiwi ko aer,
- [78] Kōn eḷap tūriamo an ad Anij: ilo men ko raantak jān lañ e naaj waḷok ñan kōj,
- [79] Bwe en kamramḷok ro rej jijet ilo marok im ilo lorin mej, bwe en kajimwe neeir ilo ial in aenōṁṁan.
- [80] Im ajri eo ej eddek im kajoor ḷok ilo an, im ej pād ilo āne jemaden ko ṁae raan eo ej make waḷok ñan Israel.

JEPTA 2

- [Lk 2.1] Im ilo raan ko, juon kien ej ilok jān Sizar Augōstōs bwe ren je ri laḷ otemjej.
- [2] Im raar kōṁṁan jeje iṅ ṁokta ke Sairiniōs e irooj in Siria.
- [3] Im er otemjej rej ilok bwe ren jeje er, jabdewōt iaer ñan jikin kwelok eo an.
- [4] Im barāinwōt Josep e ar wanlōñḷok jān Galili, jān jikin kwelok Nazaret, ñan Judia, ñan jikin kwelok an Devid, ṅaetan Betleem, bwe e ilo bwijin im nukwin Devid;
- [5] Bwe ren je e, ippān Meri ṁokta jān airro pālele, im e bōrōro.
- [6] Im ke rej pād ijo, ejejjet raan ko ej keotak.
- [7] Im ej keotak ṁaanjeen, im kirboke, im kababu e ilo menjer; bwe ejjeḷok jikier ilo iṁōn ruwamāejet.

- [8] Im ilo āne eo ewor seperd rej pād ilo jikin wūjooj, im lale bwijin jiiip ko aer ilo boñ.
- [9] Im lo enjeļ in Irooj ej jutak iturir, im wōj an Irooj ej romaak ioer: im eļap aer lōļñoñ.
- [10] Im enjeļ ej ba ñan er, Komwin jab lōļñoñ: bwe lo, ij bōkwōj ñan kom naan ko remman, naan in lañlōñ eļap, im e naaj ñan armej otemjeļok.
- [11] Bwe rainin e ļotak ñan kom ilo jikin kwelok an Devid, Ri Lomoor, E Kūraij Irooj.
- [12] Im men in kakōļle ñan kom; kom naaj lo niñniñ eo emōj kirboke im ej babu ilo menjer.
- [13] Im emōkaj weaaktok ippān enjeļ tok elōñ iaan ro ri lañ, im rej nōbar Anij, im ba,
- [14] Aiboojoj ñan Anij ilo utiejtata, im aenōmman ioon laļ ippān armej raņ E buñbūruen kōn er.
- [15] Im ke enjeļ ro remootļok jān er ñan lañ, seperd ro rej kōnono ñan doon, im ba, Kiiō jān ilok ñan Betleem, im lo men in ej waļok, eo Irooj e ar kwaļok ñan kōj.
- [16] Im rej jarōbtok im lo Meri, im Josep, im niñniñ eo ej babu ilo menjer.
- [17] Im ke emōj aer loe, rej kabuñbuñļok naan eo e ar waļok ñan er kōn niñniñ eo.
- [18] Im ro otemjej rej roñjake re bwilōñ kōn men ko seperd raņ raar kōnono ñan er.
- [19] A Meri ej dāpij men kein otemjej, im kōļmānļokjeņ kaki ilo būruen.
- [20] Im seperd ro rej jepļaak, im wūjtak im nōbar Anij kōn men ko otemjej raar roñjake im loi, āinwōt kōnono ñan er.
- [21] Im ke e jemļok ruwalitōk raan kōn mwijmwij ajri eo, rej ņaetan Jijej, āinwōt enjeļ e ar ba mokta jān an pād i lojien jinen.
- [22] Im ke e jemļok raan ko raan in karreo er ekar ñan kien Moses, rej bōkļok E ñan Jerusalem bwe ren leļok E ñan Irooj:
- [23] Āinwōt ar je ilo kien Irooj, Niñniñ maan otemjej re maanje, naaj likūt er Kwōjarjar ñan Irooj;
- [24] Im bwe ren leļok joortak āinwōt ar ba ilo kien Irooj, Ruo tōrtōl dōv, ak ruo muļe redik.
- [25] Im lo, juon armej ilo Jerusalem etan Simeōn, im armej in ewānōk im emman mwilin, im ej kattar aenōmman an Israel, im Jetōb Kwōjarjar ej pād ioon.
- [26] Im Jetōb Kwōjarjar e ar kwaļok ñan e, bwe e jāmin lo mej mokta jān an lo ri Kūraij an Irooj.
- [27] Im ej itok kōn Jetōb ilowan tempel: im ke jemen im jinen rej bōktok niñniñ Jijej bwe ren kōmman kōn E ekar ñan mantin kien,
- [28] Innām ej jepak E kōn pein, im nōbar Anij, im ba,
- [29] Kiiō Irooj kwōn kōtļok eō ri korijeram ilo aenōmman āinwōt Am in naan:
- [30] Bwe meja raar lo Am lomoor,
- [31] Eo Kwaar kapojak imaan mejan armej otemjej:
- [32] Meram bwe en rome ro ri aelōñ ko, im wōj an ro doom Israel.
- [33] Im jemen im jinen rejro bwilōñ kōn men ko kōnono kōn E.
- [34] Im Simeōn ej jar kōn er, im ba ñan Meri jinen, Lo, ajri in Ej ñan buñ im jerkak an elōñ ilo Israel, im ñan juon kakōļle rej kōnono ņae e;
- [35] Aet im jāje e naaj wie im peļok am; bwe ļōmņak ko jān elōñ bōro ren waļok.
- [36] Im juon ri kanaan kōrā etan Anna, nejin Panuel, jān bwijin Aser; e lōļlap im e kar pād ippān ļeo pāleen iumwin jiljilimjuon iio jān iien an bōjin;

- [37] Im ke ejako pāleen ñan ruwalitōkñoul im emān iiō, e jab ilok jān tempel, a ej kabuñ ñan Anij ilo jitlok im jar ko boñ im raan.
- [38] Im ilo awa in ej deļoñ im kammoool Anij, im kōnono kōn E ñan er otemjej rej kattar lomoor ilo Jerusalem.
- [39] Im ke emōj aer kōmman men otemjej ekkar ñan kien Irooj, rej jepļaak ñan Galili, ñan Nazeret jikin kwelok eo aer.
- [40] Im niñniñ Ej eddek im kajoorlok, im eobrak kōn mālōtlōt; im jouj in Anij ej pād ioon.
- [41] Im jemen im jinen rej wanlōñlok ñan Jerusalem ilo iiō otemjej ñan kwōjkwōj in kijoone.
- [42] Im ke joñoul im ruo iiō An rūtto, rej wanlōñlok ilo mantin kwōjkwōj eo.
- [43] Im ke ejejjet raan ko, ke rej jepļaak, ajri Jijej ej pād wōt i Jerusalem: im jeman im jinen re jaje kake.
- [44] A kōn aer lōmņak Ej pād ilo bwiljin jar eo, rej ilok ilo ial iumwin juon raan; im rej pukot E eoļōpin ro nukwir im ro jeraer.
- [45] Im ke re jab lo E, rej bar jepļaak lok ñan Jerusalem, im kapukōt E.
- [46] Im ilokōn jilu raan rej lo e ilowan tempel, Ej jijet eoļōpin ro ri kaki, Ej roñjake er, im kajjitōk ippaer.
- [47] Im er otemjej rej roñjake re bwilōñ kōn An mālōtlōt im naan in uwaak.
- [48] Im ke rejro lo E, re lokjenaer: im jinen e ba ñan E, Nejiō, etke āindein Am kōmman ñan kōm? Kōmro Jema ar kapukōt Eok im būromōj.
- [49] Im E ba ñan er, Etke kom ar pukot Eō? kom ar jaje ke bwe emman In pād ilo imōn Jema?
- [50] Im re jaje kake naan eo E ar kōnono ñan er.
- [51] Im Ej wanla lok ippaer, im itok ñan Nazeret, im Ej pokake er. A jinen ej likūt naan kein otemjej ilo būruen.
- [52] Im Jijej ej laplok ilo An mālōtlōt im rūtto, im ilo jouj ippān armej im Anij.

JEPTA 3

- [Lk 3.1] Kiiō ilo iiō kein ka joñoul im ļalem ilo an Taibiriōs Sizar kiñ, ke Pontiōs Pailat ej irooj in Judia, im Herod ej titrak in Galili, im Pilip jein im jaten ej titrak in āne ko an Ituria im Trakonitis, im Laisensas ej titrak in Abilini,
- [2] Ke Annas im Kaiepas rejro pris reļap, naan in Anij ej itok ñan Jon nejin Zakeraias ilo āne jemaden.
- [3] Im ej itok ilo āne otemjej iturin Jordan, im kwaļok peptaij in ukeļok ñan jeorlok jerowiwiko:
- [4] Āinwōt jeje ilo bok in naan ko an Aiseia ri kanaan, Ainikien juon ej lamōj i āne jemaden, Komwin kapoj ial an Irooj, im kajimwe ial ko An.
- [5] Komla otemjej re naaj jeñak, im toļ otemjej reļap im redik re naaj ettā lok, im men ko re ankeke re naaj jimwe, im ial ko re pedakilkil re naaj eoair wōt juon:
- [6] Im kanniōk otemjej re naaj lo lomoor jān Anij.
- [7] Innām ej ba ñan jar ko raar itok bwe en peptaij er, O kom, nejin vaiper ko, wōn e ar kauwe kom bwe komwin ko jān illu e naaj itok.

- [8] Innām komwin jebar leen ekkar ñan ukeļok; im jab jino ami ba ilo būruemi, Ebream e jemedwōj: bwe ij ba ñan kom, Anij ej maroñ in kejerkak ro nejin Ebream jān dekā kein.
- [9] Im kiið emōj likūt ūlūl i okran wōjke ko; innām wōjke otemjej re jab jebar im emman leir, juoki im julok ilo kijeek.
- [10] Im armej raņ rej kajjitōk ippān im ba, Innām ta eo kōmin kōmmane?
- [11] E uwaak im ba ñan er, Eo ruo an kopā, en leļok ñan eo ejjeļok an: im eo ewor kijen, en kōmanman āinwōt.
- [12] Innām barāinwōt ri tōl owōj rej itok bwe ren peptaij, im re ba ñan e, Ri kaki, ta eo kōmin kōmmane?
- [13] Im e ba ñan er, Komwin jab bōk ewor jān emōj ba ñan kom.
- [14] Im bar āinwōt ri tariņae rej kajjitōk ippān im ba, Im ta eo kōmin kōmmane? Im e ba ñan er, Komwin jab kōkkure armej, im jab riab ñae er; im komwin jokwane kōn oņān ami jermal.
- [15] Im ke armej rej killkake, im er otemjej rej kōlmānļokjeņ ilowan būrueir kōn Jon, e ri Kūraiņ ke jab ke;
- [16] Jon e uwaak, im ba ñan er otemjej, Aet ña ij peptaij kom kōn dān; a ej itok Eo ekajoor jān eō, korōn ballin neen I patkake bwe in jeļate: E naaj peptaij kom ilo Jetōb Kwōjarjar im kijeek:
- [17] An deel ilo pein bwe En kanooj karreo jikin noe wit eo An, im bwe En ainitok wit ilowan imōn wit: a kilin wit E naaj tile ilo kijeek e jāmin kun.
- [18] Im kōn bar elōñ naan in kauwe e ar kwaļok ñan armej raņ.
- [19] A bwe e kar eņouk Herod titrak eo kōn Herodias, lio pāleen jein im jaten, im kōn men ko otemjej renana Herod e ar kōmman,
- [20] E ar koorļok men otemjej kōn men iņ, bwe e ar kiil Jon ilowan prisōn.
- [21] A ke armej otemjej raar peptaij, barāinwōt Jijej ej peptaij, im ke Ej jar, lañ emjaļļok,
- [22] Im Jetōb Kwōjarjar, ilo wāween muļe, Ej kālaļtak ioon; im ainikien ej itok jān lañ, im ba, Kwe Nejið, jitōnbōro ippa, Ij mōņōņō kake Eok.
- [23] Im Jijej ke E jino An jermal, e nañin jilñuul iið An rūtto, (āin aer ļōmņak) E nejin Josep, eo nejin Hilai,
- [24] Eo nejin Mattat, eo nejin Livai, eo nejin Melkai, eo nejin Janneai, eo nejin Josep,
- [25] Eo nejin Mattetaias, eo nejin Emōs, eo nejin Nehōm, eo nejin Eslai, eo nejin Naggeai,
- [26] Eo Nejin Meat, eo nejin Mattetaias, eo nejin Semein, eo nejin Josek, eo nejin Joda,
- [27] Eo nejin Joenan, eo nejin Risa, eo nejin Zirubbabel, eo nejin Sialtiel, eo nejin Nirai,
- [28] Eo nejin Melkai, eo nejin Addai, eo nejin Kosam, eo nejin Elmedam, eo nejin Er,
- [29] Eo nejin Jijej, eo nejin Elaiizer, eo nejin Jorim, eo nejin Mattat, eo nejin Elaiekim
- [30] Eo nejin Simeōn, eo nejin Judas, eo nejin Josep, eo nejin Jonam, eo nejin Elaiekim,
- [31] Eo nejin Melia, eo nejin Menna, eo nejin Matteta, eo nejin Neta, eo nejin Devid,
- [32] Eo nejin Jesse, eo nejin Obed, eo nejin Boaz, eo nejin Salmōn, eo nejin Nashon,
- [33] Eo nejin Amminedab, eo nejin Arnai, eo nejin Hezrōn, eo nejin Pirez, eo nejin Juda,
- [34] Eo nejin Jekōb, eo nejin Aisak, eo nejin Ebream, eo nejin Tira, eo nejin Neјor,
- [35] Eo nejin Sirug, eo nejin Reu, eo nejin Pileg, eo nejin Eber, eo nejin Sila,
- [36] Eo nejin Keinan, eo nejin Arpaxad, eo nejin Sem, eo nejin Noa, eo nejin Lemek,

- [37] Eo nejin Metusila, eo nejin Inōk, eo nejin Jered, eo nejin Mehelaliel, eo nejin Keinan,
[38] Eo nejin Inōs, eo nejin Set, eo nejin Adam, eo nejin Anij.

JEPTA 4

- [Lk 4.1] Im Jijej, eobrak kōn Jetōb Kwōjarjar, Ej jepļaaκ jān Jordan, im Jetōb ej āñinļok E ilo āne jemaden,
[2] Iumwin eñoul raan, im tepiļ ej kapo E. Im ilo raan ko ejjelok An mōñā; im ke re jemļok, E kwōle.
[3] Im tepiļ e ba ñan E, Eļāñne Kwe Nejin Anij, Kwōn ba ñan dekā in bwe en erom bred.
[4] Im Jijej e uwaak e, im ba, Ar je, Armej re jāmin mour kōn bred wōt.
[5] Im ej āñinlōñļok E, im kaalwōj E aelōñ in laļ otemjej ilo jidik wōt iien.
[6] Im tepiļ ej ba ñan E, Kajoor kein otemjej im aer aibooj I naaj lewōj ñan Eok; bwe emōj litok ñan eō: im ij leļok ñan jabdewōt eo I kōņaan.
[7] Innām eļāñne Kwō naaj kabuñ ñan eō, e naaj An men kein otemjej.
[8] Im Jijej e uwaak im ba ñan e, Ar je, Kwōn kabuñ ñan Irooj am Anij, im jermal ñan E wōt.
[9] Im ej āñinļok E ñan Jerusalem, im kajutak E ioon kijmen tempel, im ba ñan E, Eļāñne Kwe Nejin Anij, Kwōn kālallok jān ijin:
[10] Bwe ar je, E naaj jiroñ enjeļ ro An kōn Eok, bwe ren kanooj lale Eok:
[11] Im ioon peir re naaj bōur Eok, bwe kwōn jab itaak niom ilo dekā.
[12] Im Jijej e uwaak im ba ñan e, Ar ba, Kwōn jab kapo Irooj am Anij.
[13] Im ke tepiļ e ar kamōjlok kapo otemjej, ej ilok jān E mae bar juon iien.
[14] Im Jijej ej jepļaaκ ilo kajoor an Jetōb ñan Galili: im An buñbuñ ej ilok ñan āne otemjej iturin.
[15] Im Ej katakin ilo imōn kwelok ko aer, Im er otemjej rej wūjtak E.
[16] Im Ej itok ñan Nazeret, ijo E ar rūttoļok im pād ie: im āinwōt An kōmman iien otemjej, Ej deļoñ ilowan imōn kwelok ilo Jabōt, im jutak bwe En kōnono ilo bok.
[17] Im raar leļok ñan E bok in Aiseia, ri kanaan. Im ke emōj An erļoke bok, Ej lo ijo ar je.
[18] Jetōb ōn Irooj ej Ioō, bwe E ar kapit eō bwe In kwaļok gospel ñan ro ri jerañol; E ar jilkintok Eō bwe In kwaļok kōtļok ñan mōttan iri, im loļokjeñ ñan ro re pilo, bwe In kōtļok ro ar kōkkure er,
[19] Bwe In kwaļok iiō eo emman an Irooj.
[20] Im Ej lim bok eo, im bar leļok ñan ri jipañ eo, im jijet. Im mejaer otemjej ilowan imōn kwelok rej kallimjek E.
[21] Im E jino an ba ñan er, Rainin naan ilo Jeje in ejejjet ilo lojilñemi.
[22] Im er otemjej rej nōbar E, im bwilōñ kōn naan in jouj rej waļok jān loñin. Im re ba, E in e jab nejin Josep ke?
[23] Im E ba ñan er, Emool kom naaj ba ñan Eō būrabōļ in, Rū uno, kwōn make kemour eok: men ko jabdewōt kōm ar roñ ar kōmman ilo Kaperneum, Kwōn kōmman barāinwōt ijin ilo enin Am.
[24] Im E ba, Emool Ij ba ñan kom, Re jab buñbūreir kōn jabdewōt ri kanaan ilo āne eo an.
[25] Emool Ij ba ñan kom, Elōñ kōrā ejako pāleir raar pād i Israel ilo raan ko raan in Elaija, ke e kilōk lañ iumwin jilu iiō im jiljino allōñ, ke eļap ñūta ioon aolepen āne eo:

- [26] A ar jab jilkin]ok Elaija ñan juon iaer, a ñan Zarepat wõt i Saidon, ñan juon kōrã ejako pāleen.
- [27] Im elõñ ri lõba raar pād i Israel ilo iien eo an Elaisa ri kanaan: a ar jab karreoik juon iaer, a Neeman wõt ri Siria.
- [28] Im er otemjej ro rej ilo imõn kwelok, ke rej roñjake men kein, rej obrak kōn illu,
- [29] Im rej jutak, im kadiwõj]ok E jån jikin kwelok, im ãñin]ok E ñan ijo ejirũmle, ijo kar kōmanman aer jikin kwelok, bwe ren kalõr kōn tubaran.
- [30] A Ej etal eo]õpeir; im ilok.
- [31] Im Ej wanlal]ok ñan Kaperneum, juon jikin kwelok i Galili, im katakin er ilo raan Jabõt.
- [32] Im re bwilõñ kōn An naan in katak; bwe An in naan ekajoor.
- [33] Im ilo imõn kwelok juon armej, eo jetõb õn timoñ ettoon ej pād ippån, im ej lamõj im e]ap ainikien,
- [34] Im ba, Ta eo ippem im ippam, Kwe Jijej ri Nazeret? Kwõj iten kockure kōm ke? Ij kile Eok wõn Kwe, Kwõ Ri Kwõjarjar an Anij.
- [35] Im Jijej ej kauwe e, im ba, Kwõn ikõñ, im itok jån e. Im ke emõj an timoñ battõk e ña eo]õpeir, e jutak]ok jån e, im ar jab kockure e.
- [36] Im er otemjej rej bwilõñ, im rej kōnono ippån doon, im ba, Naan õt in! bwe kōn An Irooj im kajoor ej jiroñ jetõb ettoon ro, im rej jutak]ok.
- [37] Im buñbuñ kōn E ej ilok ilo jikin otemjej i ãne ko iturin.
- [38] Im Ej jutak im ilok jån imõn kwelok, im de]õñ ilowan imõn Saimõn. Im jilben Saimõn e]ap an eñtaan kōn nañinmej in bwil; im rej akwe]ap ñan E kōn e.
- [39] Im Ej jutak ioon, im kauwe nañinmej in bwil; im ejako jån e: im emõkaj an jutak im jermal ñan er.
- [40] Im ke a] e tulok, er otemjej ro ewor ri nañinmej ippaer kōn jabdewõt nañinmej, rej bõktok er ñan E; im Ej liküt pein ioer otemjej, im kemour er.
- [41] Im barainwõt timoñ ro rej jutak]ok jån elõñ, im rej lamõj, im ba Kwe Nejin Anij. Im Ej kauwe er im bõbrae aer kōnono; bwe re je]ã E ri Kũraj.
- [42] Im ke e raantak, Ej diwõj]ok im etal ñan ãne jemaden; im jar ko rej pukot E, im itok ñan E, im rej kōnaan dāpij E, bwe En jab ilok jån er.
- [43] Im Ej ba ñan er, Aet, In kwa]ok naan emman an aelõñ in Anij ñan jikin kwelok ko jet; bwe ar jilkintok Eõ kōn men in.
- [44] Im Ej kwa]ok ilo imõn kwelok ko in Galili.

JEPTA 5

- [Lk 5.1] Im ke armej rej kōbaj E bwe ren roñ naan in Anij, Ej jutak iturin loma]o in Genesaret,
- [2] Im Ej lo ruo wa jidik rej pād iturin loma]o: a ri eoñõd raar to jån wa ko, im rej kwa]e ok ko aer.
- [3] Im Ej uwe ioon juon iaan wa ko, eo waan Saimõn, im kajjitõk ippån bwe en ilok jidik jån ãne. Im E jijet im katakin armej jån wa eo.
- [4] Im ke emõj An kōnono, E ba ñan Saimõn, Kwõn wanmeto]ok im door la] ok ko im eoñõd.

- [5] Im Saimōn ej uwaak im ba ñan E, Ri kaki, kōm ar eqñōd aolepen boñ, im ejjeļok kuṇaam: a kōn Aṃ in naan I naaj door laļ ok ko.
- [6] Im ke eṃōj aer kōmman men in rej kōpooļi elōñ ek: im aer ok re nañin rup.
- [7] Im rej jeeaaļe ro rājetaer ioon wa eo juon, bwe ren itok im jipañ er, rej itok im kalōñ wa ko ruo, innām re jino douj.
- [8] Ke Saimōn Piter ej loe, ej buñ ṇa i bukwien Jijej, im ba Kwōn ilok jān eō; bwe ña armej enana, O Irooj.
- [9] Bwe e bwilōñ im er otemjej ippān, kōn ek ko raar douki;
- [10] Im āindein barāinwōt ippān Jemes im Jon, ro nejin Zebedi, ro rājetan Saimōn. Im Jijej ej ba ñan Saimōn, Kwōn jab mijak; jān iien in kwō naaj douk armej.
- [11] Im ke eṃōj aer tartok wa ko ñan āne, rej likūt men otemjej in ļoor E.
- [12] Im ke Ej pād ilo juon jikin kwelok, lo juon armej eobrak kōn nañinmej in lōba: im ke ej lo Jijej, ej buñpedo, im akweļap ñan E im ba, Irooj, eļañne Kwō kōṇaan Kwōj maroñ in karreoik eō.
- [13] Im Ej erļoke pein, im uññūre, im ba, I kōṇaan, kwōn erreo. Im eṃōkaj an nañinmej in lōba jako jān e.
- [14] Im Ej jiroñ e bwe en jab kōnnaanōk jabdewōt armej: a kwōn ilok, im kwaļok eok ñan pris, im katok kōn aṃ erreo, āinwōt Moses e ar jiroñ, kōn men in kōnnaan ñan er.
- [15] A eļapļok An buñbuñļok kake: im eļap jar ko rej kweilokļok bwe ren roñjake, im mour jān ṃōjṇo ko aer.
- [16] A Ej make iaanļok ñan āne jemaden im jar.
- [17] Im ilo juon iaan raan ko, ke Ej katakin, Parisi ro im ro ri kaki an kien rej jijet, raar itok jān jikin kwelok otemjej i Galili, im Judia, im Jerusalem: im kajoor an Irooj ippān bwe En kemour.
- [18] Im lo, armej rej bōktok ioon kinien juon armej e nañinmej kōn akā: im rej pukot bwe ren kadeļoñ e, im likūt e iṃaan mejan.
- [19] Im kōn jar eo re jab lo ijo ren kadeļoñ e, im rej wanlōñļok ioon ṃweo, im door e laļ ilo juon tal ioon kinien eoļōp iṃaan mejan Jijej.
- [20] Im ke Ej lo aer tōmak, E ba ñan e, Armej, ejako jerowiwu ko aṃ.
- [21] Im skraib ro im Parisi ro re jino aer kōļmāñļokjeṇ im ba, Wōn in ej kōnono blaspim ko? Wōn ej maroñ in julok jerowiwu ko, a Anij wōt?
- [22] A Jijej e jeļā aer ļōmṇak, im Ej uwaak im ba ñan er, Ta eo komij kōļmāñļokjeṇ kake ilo būruemi?
- [23] Ewi iaerro E pidodo in ba, Ejako jerowiwu ko aṃ; ak in ba, kwōn jerkak im etal?
- [24] A bwe komwin jeļā bwe Nejin armej Ej maroñ in julok jerowiwu ko ioon laļ, (E ba ñan eo e ar nañinmej kōn akā,) Ij ba ñan eok, Kwōn jerkak, im bōk kiniōṃ, im etal ñan ṃweo iṃōṃ.
- [25] Im eṃōkaj an jerkak iṃaan mejeir, im kotake men eo e kar babu ioon, im ilok ñan ṃweo iṃōn im wūjtake Anij.
- [26] Im er otemjej rej bwilōñ, im rej wūjtake Anij, im re obrak kōn mijak im ba, Jaar lo men in bwilōñ ko rainin.

- [27] Im ālikin men kein, Ej ilok, im lo juon ri tōl owōj etan Livai, e jijet i jikin owōj: im E ba ñan e, Kwōn ļoor Eō.
- [28] Im e ar likūt men otemjej im jutak, im ļoor E.
- [29] Im Livai e ar kōmanman kwōjkwōj eļap ilowan mweo imōn: im eļap jar ro ri tōl owōj im ro jet rej jibadek im mōñā ippaer.
- [30] A Parisi ro im skraib ro rej lotaan ro ri kaļooran, im ba, Etke komij mōñā im idaak ippān ro ri tōl owōj im ri jerowiwī raņ?
- [31] Im Jijej e uwaak im ba ñan er, Ro re ājmour re jab aikuj rū uno; a ro re nañinmej.
- [32] I ar jab itok bwe In kūr ro rewānōk, a ro ri jerowiwī ñan ukeļok ippaer.
- [33] Im re ba ñan E, Ro ri kaļooran Jon emōkaj aer jitlok, im kōmanman jar ko, im barāinwōt ro ri kaļooran Parisi raņ; a Aņ rej mōñā im idaak.
- [34] Im Jijej e ba ñan er, Komij maroņ in kōmman ro jeran ļeo pālele bwe ren jitlok, iien eo ļeo ej pād ippaer ke?
- [35] A raan ko re naaj itok; im ñe naaj bōkļok ļeo pālele jān er, re naaj jitlok ilo raan ko.
- [36] Im barāinwōt Ej kōnono būrabōļ ñan er: Ejjeļok armej ej kekeel mōttan jān nuknuk ekāāl im karpen nuknuk ko reņor kake: eļañņe āinwōt ej kekeel eo ekāāl, im barāinwōt mōttan jān eo ekāāl e jakkar ñan eo eņor.
- [37] Im ejjeļok armej ej likūt wain ekāāl ilo bato ko reņor: eļañņe āinwōt, wain ekāāl e naaj rupe bato ko, im etoņor ļok, im bato ko re naaj jako.
- [38] A eņman likūt wain ekāāl ilo bato ko rekāāl.
- [39] Im ejjeļok armej ke emōj an idaak wain eto an pād, e kōņaan eo ekāāl: bwe e ba, Eņman eo eto an pād.

JEPTA 6

- [Lk 6.1] Im ilo juon Jabōt, Ej etal ilukwōn jikin kallib korn ko: im ri kaļooran rej ļote leen korn ko, im mōñā, itiawi kōn peir.
- [2] Im jet iaan Parisi ro rej ba, Etke komij kōmman men eo e jab mālim kōmmane ilo raan Jabōt?
- [3] Im Jijej e uwaak er im ba, Kom ar jab kōnono ilo bōk men iņ ke, men eo Devid e ar kōmmane ke e kwōle im ro ippān;
- [4] Ekōjkan an deļoņ ilowan imōn Anij, im e ar bōk im mōñā bred in kaalikkar, im barāinwōt leļok ñan ro ippān; eo e jab mālim en mōñā, a pris ro wōt?
- [5] Im E ba ñan er, Nejin armej E irooj in Jabōt.
- [6] Im ilo bar juon Jabōt E ar deļoņ ilowan imōn kwelok im katakin; im juon armej ijo e mōrā pein anbwijmaroņan.
- [7] Im skraib ro im Parisi ro rej kōjjaad E, E naaj kemour ilo raan Jabōt ke jab ke, bwe ren lo ekōjkan aer kinaakļok E.
- [8] A E jeļā aer ļōmņak, im ba ñan armej eo e mōrā pein, Kwōn jerkak im jutak eoļoņ. Im ej jerkak im jutak,
- [9] Innām Jijej e ba ñan er, Ij kajjitōk ippemi, Emālim ke ilo raan in Jabōt bwe jān kōmanman eņman, ak kōmanman nana? ļomņoren armej ak kōkkure?

- [10] Im ke Ej reiļok ñan er otemjej, E ba ñan armej eo, Kwõn erļoke piom. Im ej kõmman ãindein: im pein emour ãinwõt eo juon.
- [11] Im rej obrak kõn illu; im pepe ippãn doon ta eo re naaj kõmmane ñan Jijej.
- [12] Im ilo raan ko, E ar ilok ilo toļ bwe En jar, im pãd aolepen boñ ilo jar ñan Anij.
- [13] Im ke e raantak Ej aņiņintok ro ri kaļooran: im Ej kããlõt joņoul im ruo ļok iaer, im Ej likūt etaer ri jelok;
- [14] Saimõn Ej likūt etan eo juon Piter, im Andru jaten, Jemes im Jon, im Pilip, im Bartolomu,
- [15] Im Matu, im Tomas, Jemes nejin Alpiõs, im Saimõn ñaetan Zelotis,
- [16] Im Judas nejin Jemes, im Judas Iskariõt eo barãinwõt ri ketak E.
- [17] Im Ej wanlaļtak ippaer, im jutak ioon ãne pikin wõt juon, im jar an ri kaļooran im eļap jar an armej jãn aolepen Judia im Jerusalem, im jãn mojen kappe in Tair im Saidon, rej itok bwe ren roņjake E, im bwe ren mour jãn naņinmej ko aer;
- [18] Im ro rej abnõnõ kõn jetõb ettoon ro, rej mour.
- [19] Im jar eo otemjej rej pukot bwe ren uņņūr E: bwe kajoor ej ilok jãn E, im kemour er otemjej.
- [20] Im Ej reiļok ñan ro ri kaļooran, im ba, Eņõņõņõ kom ri jeramõl: bwe ami aelõn in Anij.
- [21] Eņõņõņõ komeo komij kwõle kiiõ: bwe kom naaj mat. Eņõņõņõ komeo komij jaņ kiiõ: bwe kom naaj tõn.
- [22] Eņõņõņõ kom, ñe armej re naaj kõjdate kom, im ñe re naaj kõjepel kom jãn er, im naaj kajjirere kake kom, im joļok etami ãt nana kõn Nejin armej.
- [23] Komwin laņlõn ilo raan eo, im kãke kõn laņlõn: bwe, lo, eļap ami jinõkjeej ilo laņ: bwe ãindein an ro jimmaer kõmman ñan ro ri kanaan.
- [24] A wo ñan kom ro ri mweie! bwe kom ar bõk ami aenõmman.
- [25] Wo ñan komeo komij mat! bwe kom naaj kwõle. Wo ñan komeo komij tõn kiiõ! bwe kom naaj būromõj im jaņ.
- [26] Wo ñan kom ke armej otemjej re naaj nõbar kom! bwe ãindein an ro jimmaer kõmman ñan ro ri kanaan riab.
- [27] A Ij ba ñan kom rej roņjake, Komwin yokwe ami ri kõjdat, kõmanman emman ñan ro rej kõjdate kom,
- [28] Jar kõn ro rej kōmatõre kom im ro rej kõmanman nana ñan kom.
- [29] Ñan eo ej ubrare jepam kwõn barãinwõt oktak ñan jimattan; im eo ej bõk am liboror, barãinwõt kwõn jab dāpij jãn am kopã.
- [30] Kwõn leļok ñan ro otemjej rej kajjitok ippam; im eo ej bõkļok mweiuk ko mweiõm kwõn jab bar kajjitok ippãn kaki.
- [31] Im ãinwõt kom kōņaan bwe armej ren kõmman ñan kom, en ãindein ami kõmanman barãinwõt ñan er.
- [32] Bwe eļañne komij yokwe ro rej yokwe kom, ewi ami mool? bwe ri nana rej barãinwõt yokwe ro rej yokwe er.
- [33] Im eļañne komij kõmanman emman ñan ro rej kõmanman emman ñan kom, ewi ami mool? bwe ãin dein an ri jerowiwī kõmanman.

- [34] Im eļañņe komij leļok ñan ro komij katmāne bwe kom naaj bōk jān er, ewi ami mool? bwe ro ri jerowiwī rej barāinwōt leļok ñan ro ri jerowiwī, bwe ren bar bōk āinwōt juon.
- [35] A komwin yokwe ami ri kōjdat, im kōmanman emman ñan er im leļok, im jāmin ebbeer: im e naaj ļap ami jinōkjeej, im kom naaj ro nejin Eo eutiejtata; bwe Ej jouj ñan ro re jab mool im ñan ro renana.
- [36] Komwin tūriamokake im āinwōt Jememwōj ej tūriamokake.
- [37] Komwin jab ekajet, im jāmin ekajete kom: komwin jab liaakļok, im jāmin liaakļok kom: komwin kōtļok im naaj kōtļok kom:
- [38] Komwin leļok, im naaj lewōj ñan kom; joņak emman, jooni, kōmṁmakūtikitī, im jiōbļok naaj lewōj ņa ilo ubōmi. Bwe kōn joņak eo komij joņak kake, naaj bar joņak ñan kom.
- [39] Im Ej kōnono būrabōļ ñan er; Ri pilo ej maroņ in tōļ ri pilo ke? rejro jāmin buņ ilo roņ ke?
- [40] Ri katak e jab utiej jān an ri kaki; a ro otemjej ñe re weepñan re naaj āinwōt aer ri kaki.
- [41] Im etke kwōj lale pelok ilo mejan jiom im jatiōm, a kwō jab jeļā kajien wōjke ilo mejōm?
- [42] Ak ekōjkan am maroņ ba ñan jiom im jatiōm, Jeiō im jatiō, emman in joļok pelok ņe ilo mejōm, ñe kwe kwō jab lo wōjke ilo mejōm? Kwe ri jeļā moņ, mokta kwōn joļok wōjke ņe jān mejōm, innām kwō naaj lo alikkar in joļok pelok jān mejan jiom im jatiōm.
- [43] Bwe ejjeļok wōjke emman ej jebar im enana leen; barāinwōt ejjeļok wōjke enana ej jebar im emman leen.
- [44] Bwe re jeļā wōjke otemjej kōn leir. Bwe armej re jab ļotļot fig ko jān kālōklōk ko, ak grep ko jān juļ in kālōklōk.
- [45] Armej emman jān mweiuk emman ilo būruen ej kwaļok men eo emman; im armej enana jān mweiuk enana ilo būruen ej kwaļok men eo enana: bwe jān e obrak bōro, loņin ej kōnono.
- [46] Im etke komij likūt eta, Irooj, Irooj, im jab kōmanman men ko Ij ba kaki?
- [47] Jabdewōt eo ej itok ñan Eō, im roņjake naan ko Aō, im kōmanman, Ij kwaļok ñan kom ej āinwōt wōn:
- [48] Ej āinwōt armej eo ej kalōk im, im ej kūbwij e mwilal, im likūt foundesōn ioon pedped: im ñe laņ ej itok, im reba ej toņre mweo e jab maroņ in kōmṁmakūtī: bwe emman ar kalōk e.
- [49] A eo ej roņjake, im jab kōmanman, ej āinwōt armej eo ej kalōk mweo ioon bōk im ejjeļok foundesōn: im eļap an reba toņre, im emōkaj an buņ; im eļap an mweo buņ.

JEPTA 7

- [Lk 7.1] Ke E ar kaṁōjļok naan ko An otemjej ilo an armej roņjake, Ej deļoņ ilowan Kaperneum.
- [2] Im ri korijeran juon senturiōn, eo mijļokōn, e naņinmej, im naņin jako wōt jidik.
- [3] Im ke ej roņ kōn Jijej, ej jilkinļok ñan E elder ro an ri Ju ro, im kajjitōk ippān bwe En itok im kemour ri korijeran eo.
- [4] Im ke rej itok ñan Jijej, eļap aer akweļap ñan E, im ba, E jab petkake bwe Kwōn kōmman men in ñan e:
- [5] Bwe ej yokwe ro ri aelōņ ad, im e ar kalōk imōn kwelok ñan kōj.

- [6] Im Jijej ej etal ippaer. Im ke Ej epaake mweo, senturiõn ej jilkinlok ro jeran ñan E, im ba ñan E, Irooj, kwõn jab mad: bwe ij petkake kõn Am itok ilo kejenwan mweo imõ:
- [7] Kõn men in I ar lõmñak ij petkake bwe in iwõj ñan Eok: a Kwõn ba naan wõt im ri korijera e naaj mour.
- [8] Bwe ña barainwõt juon armej ettã jãn Irooj, im ewor ri tariñae ettã jãn eõ, im ij ba ñan juon, Kwõn ilok, im ej ilok; im ñan bar juon Kwõn itok, im ej itok; im ñan ri korijera, Kwõn kõmman men in, im ej kõmmane.
- [9] Ke Jijej ej roñ men kein, Ej bwilõn kõn e, im Ej make oktak, im ba ñan jar eo rej loor E, Ij ba ñan kom, I ar jab lo tõmak elap ainwõt in ilo Israel.
- [10] Im ke ro ri jelok rej jeplaak ñan mweo, rej lo ri korijeran eo im ajmour.
- [11] Im jab eto tokalik, E ar ilok ñan jikin kwelok etan Nein; im ro ri kalooran rej etal ippãn, im jar elap.
- [12] Im ke Ej kepaak kõjãm in jikin kwelok eo, lo, rej bõktok juon emej, ej make wõt nejin jinen maan, im lio ejako pãleen: im elõn armej jãn jikin kwelok ippãn.
- [13] Im ke Irooj ej lo e, Ej tũriamokake, im ba ñan e, Kwõn jab jañ.
- [14] Im Ej kepaake im uññũr kũtim: im ro rej bõke, re bõjrak. Im E ba, Likao, Ij ba ñan eok, Kwõn jerkak.
- [15] Im eo e kar mej ej jijet, im jinõ an kõnono. Im Ej lelok e ñan jinen.
- [16] Im lõñõñ ej itok ioer otemjej: im rej wũjtake Anij, im ba, Ri kanaan elap ej walok eolõped, im Anij e ar lotok ro doon.
- [17] Im men in kõn E ej buñbuñlok ilo aolepen Judia, im i ãne otemjej iturin.
- [18] Im ri kalooran Jon rej kõnnaanõk e men kein otemjej.
- [19] Im Jon ej kũrtok ruo ri kalooran im jilkinlok er ñan Irooj im ba, Kwe ñe eo ej itok ke? ak kõmin pukot bar juon?
- [20] Ke armej ro rej itok ñan E, re ba, Jon, ri peptaij, e ar jilkintok kõmro ñan Eok, im ba, Kwe ñe eo ej itok ke? ak kõmin pukot bar juon?
- [21] Im ilo awa eo Ej kemour elõn kõn aer nañinmej im eñtaan ko, im kõn Jetõb ro renana; im ñan elõn ro re pilo Ej kõmman bwe ren lolokjen.
- [22] Innãm E uwaak im ba ñan erro, Komwin ilok, im kõnnaanõk Jon men ko kom ar loi im roñjake; ro re pilo rej lolokjen, kũrro ro rej etetal, lõba ro karreoik er, ro jaroñroñ rej roñlokjen, ro re mej rej jerkakpeje, im kwalok gospel ñan ro ri jeramõl.
- [23] Im emõõõõõ jabdewõt eo e jãmin lo men in jatipñõl ilo Eõ.
- [24] Im ke e mootlok ri jelokan, Jon, E jino An kõnono ñan armej rañ kõn Jon, Kom ar ilen alwõj ta ilo ãne jemaden? Koba kõto ej idike ke?
- [25] A kom ar ilen alwõj ta? Juon armej ej kõñake nuknuk emeo eo ke? Lo ro rej kõñak nuknuk e kanooj aiboojoj, im kanooj emman kijeir, rej pãd ilo mo ko an irooj.
- [26] A kom ar ilen alwõj ta? Juon ri kanaan ke? Aet, Ij ba ñan kom, im elap jãn ri kanaan.
- [27] E in eo ar je kõn e, Lo, Ij jilkinlok Aõ ri jelok imaan mejõm, eo e naaj kapoj ial eo Am mokta jãn Eok.
- [28] Ij ba ñan kom, Ian ro raar lotak jãn kõrã ejjelok juon ri kanaan elap jãn Jon ri peptaij: a eo ej edik ilo aelõn in Anij elap jãn e.

- [29] Im armej otemjej ro raar roñjake, im ro ri töl owōj, raar kowānōk Anij, emōj peptaij er ilo peptaij an Jon.
- [30] A Parisi ro im ro ri kien raar joļok jān er pepe an Anij, re kar jab peptaij ippān.
- [31] Innām I naaj kajjioñ āinwōt ta armej raņ an epepen iņ? im rej āinwōt wōn?
- [32] Rej āinwōt ajri ro rej jijet ilo jikin wia, im kūr ñan doon, im ba, Kōm ar kōjañjañ ñan kom, im kom ar jab eb; kōm ar liaajļoļ ñan kom, im kom ar jab jañ.
- [33] Bwe Jon ri peptaij, ej itok im e jab mōñā bred, im e jab idaak wain; im kom ba Timon ippān.
- [34] Nejin armej ej itok im mōñā im idaak; im kom ba, Lo, juon emmaan e mattia, im ej idaak wain, jeran ro ri töl owōj im ro ri jerowiwī!
- [35] Im ro otemjej nejin Jeļāļokjeņ rej kowānōk E.
- [36] Im juon iaan Parisi ro ej jiroñ E bwe En mōñā ippān. Im Ej deļoņ ilowan imōn Parisi eo, im jibadek bwe En mōñā.
- [37] Im lo, juon kōrā ilo jikin kwelok e ri jerowiwī, ke e jeļā bwe Jijej ej jibadek im mōñā ilowan imōn Parisi eo, ej bōktok nien alebaster men in kapit,
- [38] Im e jutak i wōn neen im jañ, im jino an katutu neen kōn dānnin kōmjaaļā, im ej kōmōrāiki kōn kooļan bōran, im mejenmaik neen, kapiti kōn men in kapit eo.
- [39] Ke Parisi eo e ar jiroñ E ej lo e, ej kōnono ilo būruen, im ba, Armej iņ, eļañņe E ri kanaan, E naaj kar jeļā wōn im kōjkan kōrā in ej uññūr E: bwe e ri jerowiwī.
- [40] Im Jijej e uwaak im ba ñan e, Saimōn ewor ippa I kōņaan ba ñan eok. Im e ba, Ri Kaki, Kwōn ba mōk.
- [41] Ruo ri mūri an juon ri kaņuri: juon ej mūri kōn limabukwi silliņ, im eo juon kōn lemñoul.
- [42] Ke ejjeļok ippaerro bwe ren kōrrā, e ar jeorļok airro mūri. Kōn men iņ, kwōn ba ñan Eō, wōn iaerro eļap an yokwe e?
- [43] Saimōn e uwaak im ba, Aō ļōmņak, eo eļap an jeorļok an mūri. Im E ba ñan e, Emool aņ ekajet.
- [44] Im Ej oktaklik ñan kōrā eo, im ba ñan Saimōn, Kwōj lo kōrā iņ ke? I ar deļoņ ilowan mwiin imōm, kwaar jab letok ñan eō dān kōn neiō: a e ar katutu neiō kōn dānnin kōmjaaļā, im kōmōrāiki kōn kooļan bōran.
- [45] Kwaar jab mejenmaik Eō; a kōrā iņ, jān iien eo I ar itok, e ar jab kaņōjļok an mejenmaik neiō.
- [46] Kwaar jab kapit bōra kōn oil: a kōrā iņ e ar kapit neiō kōn men in kapit.
- [47] Kōn men iņ Ij ba ñan eok, Jerowiwī ko an, relōñ, emōj julok; bwe eļap an yokwe: a ñan eo edik an jako, edik an yokwe.
- [48] Im E ba ñan lio, Jerowiwī ko aņ re jako.
- [49] A ro rej jibadek im mōñā ippān, re jino aer ba ilo būrueir, Wōn E ej julok jerowiwī ko?
- [50] Im Ej ba ñan kōrā eo, Aņ tōmak e ar kemour eok: kwōn ilok im aenōmman.

JEPTA 8

[Lk 8.1] Im jab eto tokālik, Ej ilok ilo jikin kwelok otemjej reļap im redik, im Ej kwaļok im kōnono gospel an aelōñ in Anij: im joñoul im ruo ippān,

- [2] Im jet kōrā, ro raar mour jān jetōb ro renana im mōjṅo ko, Meri āt eo juon Magdalini, jiljilimjuon timoṅ raar jutaklōk jān e,
- [3] Im Joanna lio pāleen Kuzas ri kōmñe an Herod, im Susanna, im bar elōñ, ro rej jербal ñan er kōn mweiier.
- [4] Im ke jar elap rej kweilōklōk, im emōj aer itok ñan ippān jān jikin kwelōk otemjej, Ej kōnono ilo būrabōl.
- [5] Ri jeor ej ilōk bwe en jeor ine: im ke ej jeor, jet re buñut iturin ial; im juuri, im bao in mejatoto rej kañi.
- [6] Im jet re buñ ioon dekā, im ke ej eddek, emōkaj an aemedlōk, bwe ejjelōk mōlawi.
- [7] Im jet re buñut eoļopen kālōklōk ko: im kālōklōk rej eddek ippaer, im koutamweiki.
- [8] Im jet re buñut ioon bwidej emman, im eddek, im jebar leen jibukwi kōn juon. Im ke emōj An ba men kein, Ej lamōj, Eo ewor lojilñin bwe en roñlōkjen, en roñjake.
- [9] Im ri kaļooran raar kajjitōk ippān, āinwōt ta būrabōl iṅ?
- [10] Im E ba, Ar lewōj ñan kom bwe komwin jelā men ko rettino an aelōñ in Anij; a ñan ro jet ilo būrabōl ko: bwe ro rej lo ren jab loe, im ro rej roñ ren jajelōkjen.
- [11] Eñin būrabōl eo; Ine e naan in Anij.
- [12] Im ro iturin ial, er rej roñjake, innām tepiļ ej itok im bōklōk naan jān būrueir, bwe ren jab tōmak im mour.
- [13] Im ro ioon dekā, er ke rej roñjake, rej bōk naan kōn lañlōñ; im ejjelōk okrair, jidik iien rej tōmak, im ilo iien kapo re buñ.
- [14] Im eo ej buñut ilo kālōklōk ko, rein ro raar roñjake, im rej ilōk, im ļōmṅak ko, im mweiuk ko, im mōṅṅō ko an mour iṅ rej koutamweik er, im re jab jebar leen emman.
- [15] A eo ioon bwidej emman, rein ro emool im emman būrueir, im ke emōj aer roñjake naan , rej dāpije, im kijenmej ilo aer jebar leen.
- [16] Im ejjelōk armej, ke emōj an tile ļaam, ej kalbubu e kōn jāpe, ak likūt e iumwin peet; a ej likūt e ioon jikin ļaam, bwe ro rej deļoñ ren lo meram eo.
- [17] Bwe ejjelōk men eo ettino jāmin kaalikkar e; im ejjelōk men eo rej kalbubu e jāmin jelā kake im kwaļok.
- [18] Innām komwin lale kōjkan ami roñjake: bwe jabdewōt eo ewor ippān, naaj leļok ñan e ; im jabdewōt eo ejjelōk ippān, naaj bōk jān e men eo ej ļōmṅak an.
- [19] Im jinen im ro jaten rej itok ñan E, im re ban kepaak E kōn jar eo.
- [20] Im rej kōnnaanōk E im ba, Jinōm im ro jatiōm rej jutak i nabōj, im kōṅaan lo Eok.
- [21] Im E uwaak im ba ñan er, Jinō im ro jatiō, ro rej roñjake naan in Anij, im kōmanmane.
- [22] Im ilo juon iaan raan ko, Ej uwe ioon juon wa ippān ro ri kaļooran: im E ba ñan er, Jān ilōk ñan loṃaļo jab uweo. Im rej wanmetoļok.
- [23] A ke rej jerak, Ej kiki: im juon mowi ej buñ ioon loṃaļo: im ej douj kōn dān, im nañin jako.
- [24] Im rej itok ñan E, im kōruj E, im ba, Ri Kaki, Ri Kaki, je jako. E ruj im kauwe kōto im an ļap ṅo ko: im re jako, im e lur.
- [25] Im E ba ñan er, Ewi ami tōmak? Im ilo aer mijak re bwilōñ, im ba ñan doon, Armej ot iṅ? bwe Ej jiroñ kōto ko im lojet, im rej pokake.
- [26] Im rej po i āne an ri Gerasa, eo ikijjien Galili.

- [27] Im ke emōj An to ñan ãne juon armej jãn jikin kwelok ej ioon E, timon ro eto aer mok na ãnbwinnen, im e jab kōnak nuknuk ko, im e jab pãd ilowan jabdewot im, a ilo wuliej ko.
- [28] Im ke ej lo Jijej, ej lamōj, im buñ imaan mejan, im kōn elap ainikien e ba, Ta eo ippam im ippa, Jijej Kwe Nejin Anij eutiejtata? Ij akwelap ñan Eok, Kwōn jab kaeñtaan eō.
- [29] Bwe e ar jiroñ jetōb ettoon bwe en jutaklok jãn armej eo. Bwe e mōkaj an jibwe; im ar lukwōj e kōn tomede ko im fetter ko: im ej rupe men in lukwōje, im timon ej ubaakekok e ñan ãne jemaden ko.
- [30] Im Jijej ej kajjitok ippãn im ba, Etam? Im e ba, Lijiōn: bwe elōñ timon rej mok na ãnbwinnen.
- [31] Im rej akwelap ñan E bwe En jab jiroñ er bwe ren ilok ñan lowaan abys eo.
- [32] A ijo juon bwijin piik elap rej mōñã ioon toj: im rej kanooj kajjitok ippãn bwe En kōtlok er bwe ren deļoñ ilo er. Im Ej kōtlok er.
- [33] Innãm timon ro rej jutaklok jãn armej eo, im deļoñ ilowan piik ko: im bwijin re kanooj tōrlalok ilo loᵃalo, im maļoñ.
- [34] Ke ro rej naajdik er rej lo men eo kōmmane, rej ko im kōnnaan men eo ilo jikin kwelok im ilo ãne eo.
- [35] Im rej diwōj bwe ren lo ta eo emōj kōmmane, im rej itok ñan Jijej, im lo armej eo, timon ro raar jutaklok jãn e, e jijet iturin neen Jijej, kōnake nuknuk ko, im e jeļalokjen; im rej mijak.
- [36] Im ro raar lo men eo rej kōnnaanok er, kōjkan eo timon e kar mok na ãnbwinnen ej mour.
- [37] Innãm jar otemjej jãn ãne eo an ri Gerasa iturin, rej akwelap ñan E bwe En ilok jãn er; bwe elap aer mijak: im ej uwe ioon wa im jeplaaklok.
- [38] A armej eo, timon raar jutaklok jãn e, ej akwelap ñan E bwe en pãd ippãn: a Ej jilkinlok e, im ba,
- [39] Kwōn jeplaak ñan mweo imōm, im kwaok men ko reļap an Anij kōmman ñan eok. Im ej ilok im kwaok ilo aolepen jikin kwelok, men ko reļap Jijej e ar kōmman ñan e.
- [40] Im ke Jijej e ar jeplaak, armej rej bōk E; bwe er otemjej rej kattar E.
- [41] Im lo, juon armej ej itok etan Jairōs, im e irooj in imōn kwelok; im e buñ iturin neen Jijej, im akwelap ñan E bwe En itok ñan mweo imōn:
- [42] Bwe juon wōt nejin kōrã, e nañin rūtoun ilo joñoul im ruo iiō, im e nañinmej wōt jidik. A ke Ej ilok jar ko rej kōbaj E.
- [43] Im juon kōrã, ar tōr lok bōtōktōkin iumwin joñoul im ruo iiō, remat men in mour ko an kōn rũ uno rañ, im ejjelok juon ej maroñ in kemour e,
- [44] Ej itok ilikin, im uññūr tōrerein nuknuk ko An: im emōkaj an jako an bōtōktōk tōr lok.
- [45] Im Jijej e ba, Wōn ej uññūr Eō? Ke er otemjej rej kaarmejjete, Piter im ro ippãn re ba, Ri Kaki, elōñ armej rej iuun Eok im kōbaj Eok.
- [46] A Jijej e ba, Juon en e ar uññūr Eō: bwe I ar jeļã kōn an kajoor ilok jãn Eō.
- [47] Im ke kōrã eo ej lo e jab tilekek, ej itok im wūdiddid, im buñ imaan, im kwaok imaan mejan armej otemjej, kōn men ot e ar uññūr E, im kōjkan emōkaj an mour.
- [48] Im E ba ñan e, Nejiō, am tōmak e ar kemour eok; kwōn ilok ilo aenōmman.
- [49] Ke Ej kōnono, juon ej itok jãn imōn Irooj in imōn kwelok, im ba ñan e, Ledik eo nejōm e mej; kwōn jab kōmade Ri Kaki ñe.

- [50] A ke Jijej ej roñjake, E uwaak e, Kwõn jab mijak: kwõn tõmak wõt, im e naaj mour.
- [51] Im ke Ej deļoñ ilowan m̄weo, ej bõbrae armej otemjej deļoñ ippān, a Piter, im Jemes im Jon im jemen im jinen ledik eo.
- [52] Im er otemjej rej jañ, im limõ kõn e: a e ba, Koṃwin jab jañ; bwe e jab mej, a ej kiki.
- [53] Im rej kajjirere kake, kõn aer jeļã bwe e mej.
- [54] A ej kabwijere pein, im kūr, im ba, Jiroñ, kwõn jerkak.
- [55] Im an ej bar itok, im eṃõkaj an jerkak: im Ej jiroñ bwe ren naajdik e.
- [56] Im jemen im jinen re bwilõñ: a ej kauwe er bwe ren jab kõnnaanõk jabdewõt armej men in.

JEPTA 9

- [Lk 9.1] Im Ej aņiņintok joñoul im ruo, im leļok ñan er maroñ im kajoor ioon timoņ ro otemjej, im bwe ren kemour jãn nañinmej ko.
- [2] Im ej jilkinļok er bwe ren kwaļok aelõñ in Anij, im kemour ro re nañinmej.
- [3] Im E ba ñan er, Koṃwin jab bõk men eo jabdewõt ñe komij etal, jab jokoņ, jab bõjo, jab bred, jab m̄An; jab kalen ruo ami kopã.
- [4] Im ilo jabdewõt im komij deļoñ ie, koṃwin pãd ijo, im ilok jãn ijo.
- [5] Im ro jabdewõt re jab bõk kom, ñe komij ilok jãn jikin kwelok eo, koṃwin joļok bũñalñal jãn neimi kõn men in kõnnaan ñae er.
- [6] Im rej ilok, im etal ilo jikin kwelok ko, im kwaļok gospel, im kemour ijo ko otemjej.
- [7] A Herod titrak ej roñ kõn men otemjej kõṃmanm̄An: im e pok, bwe jet re ba, Jon e ar jerkakpeje jãn ro re mej:
- [8] Im jet, Elaija e ar waļok; im bar jet, Juon iaan ri kanaan ro mokta e ar jerkakpeje.
- [9] Im Herod e ba, Jon I ar jebbare; a wõn in kõn Eo ij roñ men rot kein? Im ej pukot bwe en lo E.
- [10] Im ro ri jelok, ke rej jepļaaktok, rej kõnnaanõk E men otemjej raar kõṃm̄An. Im Ej aņiņinļok er, im make ļok iaer ilo jikin kwelok etan Betseida.
- [11] Im jar ko, ke re jeļã, rej ļoor E: im Ej bõk er, im kõnono ñan er kõn aelõñ in Anij, im kemour ro ewor aikuj ippaer kake.
- [12] Im e nañin jemļok raan; im joñoul im ruo rej itok, im ba ñan E, Kwõn jilkinļok jar eo, bwe ren ilok ilo jikin kwelok ko im ãne ko iturin, im pãd im pukot kijeir: bwe jej pãd ijin i ãne jemaden.
- [13] A e ba ñan er, Koṃwin naajdik er. Im re ba, ļalem ioon bred im ruo wõt ek ippem; eļaññe kõm jab ilem wiaik ñan armej rein otemjej kijeir.
- [14] Bwe e nañin ļalem tujin maan. Im E ba ñan ro ri kaļooran, Koṃwin kajijet er kalemñoul ļok wõt.
- [15] Im rej kõṃman aņiwõt im kajijet er otemjej.
- [16] Innãm Ej bõk ļalem ioon bred im ruo ek ko, im jer ñan lañ, im jar kõn er, im ruji, im leļok ñan ro ri kaļooran, bwe ren likūt imaan jar eo.
- [17] Im rej m̄õñã, im er otemjej re mat: im rej ãti m̄õttan ko m̄atiir joñoul im ruo iep.
- [18] Im ke Ej make im jar, ri kaļooran rej pãd ippān: im Ej kajjitok ippaer, im ba Wõn Ña ilo an jar ko kõnono?

- [19] Rej uwaak im ba, Jon ri peptaij; a jet re ba, Elaija; im bar jet re ba, Juon iaan ri kanaan ro mokta e jerkakpeje.
- [20] E ba ñan er, A wõn Ña ilo ami kõnono? Piter e uwaak im ba, Kwe ri Kūraij an Anij.
- [21] Im eļap An kauwe er, im jiroñ bwe ren jab kõnnaanõk jabdewõt armej men iņ;
- [22] Im E ba, Nejin armej e naaj eñtaan kõn men ko relõñ, im elder ro im pris ro reļap im skraib ro, re naaj joļok E, im man e, im E naaj jerkakpeje ilo raan eo kein ka jilu.
- [23] Im E ba ñan er otemjej, Eļañne jabdewõt armej e kõņaan itokiļokatok, en make kaarmejjete, im kotak an debwāāl raan otemjej, im ļoor Eõ.
- [24] Bwe jabdewõt eo e kõņaan dāpij mour, e naaj jako: a jabdewõt eo mour eo an e naaj jako kõn Ña, e iņ e naaj ļomõoren.
- [25] Bwe ekõjkan an kakajooror armej, eļañne e naaj jibadek aolepen laļ, im e make jako?
- [26] Bwe jabdewõt eo ej jook kõn Ña im kõn naan ko Aõ, Nejin armej e naaj jook kõn e, ñe Ej itok ilo wõj eo An, im an Jemen, im an enjeļ ro kwõjarjar.
- [27] A Ij ba ñan kom, im emool, jet iaan ro rej jutak ijin, re jāmin edjoñ mej ñan tõr eo rej lo aelõñ in Anij.
- [28] Im enañin ruwalitõk raan ālikin naan kein, Ej āñintok Piter im Jon im Jemes, im wanlõñļok ilo toļ bwe en jar.
- [29] Im ke ej jar, wāween turin mejan juon im nuknuk ko An emouj im jatõltõl.
- [30] Im lo, ruo armej rej kõnono ippān, erro Moses im Elaija:
- [31] Rej weaaktok ilo wõj, im kõnono kõn An mej eo E naaj mej kake i Jerusalem.
- [32] A Piter im ro ippān eļap aer mejki: im ke rej ruj wõt, rej lo An wõj, im ruo armej rej jutak ippān.
- [33] Im ke rejro ilok jān E, Piter e ba ñan Jijej, Ri Kaki emman ad pād ijin: im kōmin kalõk jilu i mõn kõppād; juon Am, im juon ñan Moses, im juon ñan Elaija: e jaje ta eo je ba.
- [34] Ke ej kõnono men kein, juon kōdo ej itok, im kallor er: im rej lõļņõñ ke rej deļõñ ilo kōdo eo.
- [35] Im ainikien ej itok jān kōdo eo, im ba, E iņ nejiõ, Eo Ij kālõt E: Komwin karoņjake.
- [36] Im ke ainikien e jako, rej lo an Jijej make. Im rej nooje, im jab kõnnaanõk armej ilo raan ko men ko jabdewõt raar loi.
- [37] Im ilo raan eo ilju, ke emõj wanlaļ jān toļ, jar eļap rej ioon E.
- [38] Im lo, juon armej iaan jar eo ej lamõj, im ba, Ri Kaki, ij akweļap ñan Eok, Kwõn lale nejiõ man; bwe ej make wõt nejiõ.
- [39] Im lo, juon Jetõb ej dāpij e, im emõkaj an lamõj; im ej rakutak e bwe en mõrmõr, im e kanooj kakinejneje e, im e pen in ilok jān e.
- [40] Im I ar akweļap ñan ro ri kaļooram bwe ren kajutakļok e; im re bane.
- [41] Im Jijej e uwaak im ba, O epepen e jab tōmak im bõt, ietoõn Aõ naaj pād ippemi, im meanwõd ñan kom? Kwõn āñintok nejiõm.
- [42] Im ke ej itok wõt, timõņ ej jipeļļok e, im kōkkure. A Jijej ej kauwe jetõb ettoon, im kemour ajri eo, im bar leļok ñan jemen.
- [43] Im er otemjej re bwilõñ kõn an ļap an Anij kajoor. A ke er otemjeļok re ļokjenaer kõn men ko otemjej E ar kōmman, E ba ñan ro ri kaļooran,

- [44] Emman naan kein ren deļoņ ilowan lojilņemi: bwe naaj ketak Nejin armej ņa ilo pein armej raņ.
- [45] A re jaje naan iņ, im e ņojak jān er, bwe ren jab jeļā kake: im rej mijak in kajjitōk ippān kōn naan iņ.
- [46] Im naan in kajjitōk ippān doon ej waļok ņan er, kōn wōn iaer e naaj ļaptata.
- [47] A ke Jijej ej lo naan in kajjitōk ilo būrueir, Ej bōk juon ajri, im kajijet e iturin,
- [48] Im ba ņan er, Jabdewōt eo e naaj bōk ajri iņ ilo eta ej bōk Ņa: im jabdewōt eo e naaj bōk Ņa, ej bōk Eo e ar jilkintok Eō: bwe eo ej ediktata ippemi otemjej, e iņ eļap.
- [49] Im Jon e uwaak im ba, Ri Kaki kōm ar lo juon ej kajutakļok timoņ ro ilo Etam; im kōm ar bōbrae bwe e jab ļoor kōj.
- [50] Im Jijej e ba ņan e, Kwōn jab bōbrae: bwe eo e jab kajju an pepe jān kom, ej pād ippemi.
- [51] Im ke enaņin jejjet raan ko ke naaj bōk lōņļok E, e pen An mejan mejke bwe en ilok ņan Jerusalem,
- [52] Im E jilkinļok ro ri jelōk iņaan mejan: im rej ilok, im deļoņ ilo jikin kwelok edik an ri Sameria, bwe ren kapojak maē E.
- [53] Im raar jab bōk E, bwe mejan āinwōt Ej ilok ņan Jerusalem,
- [54] A ke ri kaļooran, Jemes im Jon, rejro lo men iņ, re ba, Irooj, kwō kōņaan bwe kōmin jiroņ bwe kijeek en itok jān laņ im tile er ke?
- [55] A Ej oktaklik, im kauwe er.
- [56] Im rej ilok ņan bar juon jikin kwelok edik.
- [57] Im ke rej ilok ilo ial, juon armej e ba ņan E, I naaj ļoor Eok ijo jabdewōt Kwōj ilok ie ļok.
- [58] Im Jijej e ba ņan e, Kidu jakol ko ewor roņ aer, im bao in mejatoto ewor eleir: a Nejin armej ejjeļok jikin An kababu bōran.
- [59] Im E ba ņan bar juon, Kwōn ļoor Eō. A e ba, Irooj, kwōn kōtļok eō mokta bwe in ilok im kalbwin jema.
- [60] A E ba ņan e, Kwōn likūt ro re mej bwe ren kalbwin aer re mej: a kwōn ilok im kwaļok aelōņ in Anij.
- [61] Im bar juon e ba, Irooj I naaj ļoor Eok: a kōtļok eō mokta bwe in ilen yokyokwe ro rej pād ilowan mweo iņō.
- [62] Im Jijej e ba ņan e, Ejjeļok armej ekar ņan aelōņ in Anij, eļañņe ej likūt pein ioon plau, im oktaklik.

JEPTA 10

- [Lk 10.1] Ālikin men kein Irooj ej likūt bar jiljilimjuonņoul, im jilkinļok er karuoļok iņaan mejan ilo jikin kwelok im āne otemjej, ijo E naaj ilok ie ļok.
- [2] Im E ba ņan er, eļap jonikōn, a reiet ri mađmōd: innām koņwin jar im kajjitōk ippān Irooj an jonikōn, bwe En jilkinļok ro ri mađmōd ilo an jonikōn.
- [3] Koņwin ilok, lo Ij jilkinļok kom āinwōt ļaam ko eoļōpin kidu oļip ko.
- [4] Koņwin jab bōk nien mAn, jab bōjō, jab juuj ko; im jab yokyokwe armej ilo ial.
- [5] Im ilo jabdewōt im komij deļoņ ie, mokta koņwin ba, Aenōmman ņan mwiin.
- [6] Im eļañņe nejin aenōmman ej pād ijo, ami aenōmman e naaj pād ioon: eļañņe jab, e naaj bar jepļaaak ņan kom.

- [7] Im komwin pād ilowan mweo, im mōñā im idaaq men ko rej lewōj: bwe ri jermal ej tōllōkōn oñān. Komwin jab ilōk jān im ñan im.
- [8] Im ilo jabdewōt jikin kwelōk komij deļoñ ie, im rej bōk kom, komwin mōñā jabdewōt men ko likūt iṃaami;
- [9] Im kemour ro re nañinmej ie, im ba ñan er, Aelōñ in Anij ej epaake kom.
- [10] A ilo jabdewōt jikin kwelōk komij deļoñ ie, im re jab bōk kom, komwin ilōk ilo ial ko an im ba,
- [11] Aet, būñalñal iñ jān ami jikin kwelōk ej eddāp ñan neem kōmij jeorļok ṃae kom: a komwin kanooj jeļā, bwe aelōñ in Anij ej epaak.
- [12] A Ij ba ñan kom, bwe ilo raan eo e naaj eṃṃan ñan Sodōm jān jikin kwelōk eo.
- [13] Wo ñan eok, Korezin! Wo ñan eok Betseida! bwe eļaññe jermal ko reļap ar kōṃṃAn ilo Tair im Saidon āinwōt ar kōṃṃAn ilo komro, erro re naaj kar ukeļok ippaer ṃoktata, im jijet ilo nuknuk ekilep iden im bwidej in upaaj.
- [14] A e naaj eṃṃan ñan Tair im Saidon ilo ekajet jān komro.
- [15] Im kwe, Kaperneum, kwōj utiej ñan lañ, naaj jolaļļok eok ñan Hedis.
- [16] Eo ej roñjake kom ej roñjake Ña; im eo ej kajekdoṃn kom ej kajekdoṃn Eō: im eo ej kajekdoṃn Eō ej kajekdoṃn Eo e ar jilkintok Eō.
- [17] Im ro jiljilimjuonñoul rej bar jepļaak ilo lañlōñ, im ba, Irooj, im timoñ ro rej pokake kōm ilo Etaṃ.
- [18] Im E ba ñan er, I ar lo Setan eṃōj an buñ jān lañ āinwōt jarom.
- [19] Lo, I ar lewōj ñan kom kajoor bwe komwin juur ioon jedpānit ko im mādepep ko, im ioon kajoor otemjej an eo ri kōjdat; im ejjeļok men eo e naaj kōkkure kom.
- [20] A komwin jab lañlōñ kōn men iñ, bwe jetōb rañ rej pokake kom; a komwin lañlōñ bwe eṃōj jeje etami ilo lañ.
- [21] Ilo awa eo Jijej ej lañlōñ ilo Jetōb Kwōjarjar, im ba, Kom ṃool, O Jema, Irooj in lañ im laļ, bwe Kwaar ṃooj men kein jān ri māļōtļōt im ri jeļāļokjeñ, im Kwaar kwaļoki ñan niñniñ ro: aet, O Jema, bwe eṃṃan āindein iṃaan mejōṃ.
- [22] Jema e ar letok men otemjej ñan Eō: im ejjeļok juon e jeļā wōn eo Nejin, a Jema wōt; im wōn eo Jema, A Nejin wōt, im eo Nejin e kōṃaan kwaļok E ñan e.
- [23] Im Ej oktaklik ñan ro ri kaļooran, im ba ñan er make, Eṃōñōñō mej ko rej lo men ko komij loi:
- [24] Bwe Ij ba ñan kom, elōñ ri kanaan im kiñ raar kōṃaan lo men ko komij loi, im raar jab loi; im roñjake men ko komij roñjake, im raar jab roñ.
- [25] Im lo, juon ri kien e jutak, im turbūruen im ba, Ri Kaki, ta men eo I naaj kōṃṃane, bwe in bōk aō jolōt mour indeeo?
- [26] E ba ñan E, Ta men eo jeje ilo kien? ekōjkan aṃ kōnono kake?
- [27] Im e uwaak im ba, Kwōn yokwe Irooj aṃ Anij kōn aolepen būruōṃ, im kōn aolepen aṃ, im kōn aolepen aṃ kajoor, im kōn aṃ ļōṃṃak otemjej; im ri turōṃ āinwōt kwe.
- [28] Im E ba ñan e, Ejimwe aṃ uwaak; kwōn kōṃṃan men iñ, im kwō naaj mour.
- [29] A e kōṃaan make kowānōk e, im e ba ñan Jijej, Im wōn eo ri turu?
- [30] Im Jijej e uwaak im ba, Juon armej ej wanlaļ ļok jān Jerusalem ñan Jediko, im e pool kōn ri rakimi ro, rej utūk nuknuk ko an, im kakinejneje, im ilōk, im likūt e kōptata an mej.

- [31] Ej etal jero juon pris, ek ej wanlaḷ loḷ ilo ial eo; im ke ej lo e, ej kijoone im jer jān e.
- [32] Im barāinwōt juon ri Livai, ke ej itok im lo e, ej kijoone im jer jān e.
- [33] A juon ri Sameria, ke ej etal, ej itok ijo ej pād ie: im ke ej lo e, ej tūriamokake,
- [34] Im ej itok ñan ippān, im kūtimi kinej ko kōnjan, im lutōk ioer oil im wain, im kajijet e ioon kidu eo an, im bōktok e ñan imōn ruwamāejet, im lale e.
- [35] Im raan eo ilju ke ej ilōk ej bōk ruo silliñ im leḷok ñan ri lale ṁweo, im ba ñan e, Kwōn lale e; im jabdewōt eo kwōj koorloḷ, ñe ij bar itok, I naaj ṁaṁṁeṁ.
- [36] Wōn iaerjil, kwōj ḷōmṁak, ej ri turin eo e ar pool ippān ri rakimi ro?
- [37] Im e ba, eo e ar kōmṁan jouj ñan e. Im Jijej e ba ñan e, Kwōn ilōk im kōmṁan ṁainwōt.
- [38] Im ilo aer etal, Ej deḷoñ ilo juon jikin kwelōk edik: im juon kōrā etan Marta ej kadeḷoñ E ilowan ṁweo imōn.
- [39] Im jaten kōrā etan Meri, ej jijet iturin neen Jijej, im roñ An in naan.
- [40] A Marta ej ailparo kōn elōñ jermal, im ej itok ñan ippān, im ba, Irooj, men in jekdoṁon ippam ke, bwe jatiō kōrā e ar likūt eō bwe in make jermal? Innām Kwōn ba ñan e bwe en jipañ eō.
- [41] A Jijej ej uwaak im ba ñan e, Marta, Marta, kwōj inepata im bolikōm kōn elōñ men ko:
- [42] A juon wōt men in aikuj, im Meri e ar kãälōt ājinkōj eo emṁan, im jāmin bōkloḷ e jān e.

JEPTA 11

- [Lk 11.1] Im Ej jar ilo juon jikin, im ke emōj, juon iaan ro ri kaḷooran e ba ñan E, Irooj, kwōn katakin kōm kōn jar, ṁainwōt Jon e ar barāinwōt katakin ro ri kaḷooran.
- [2] Im E ba ñan er, Ñe kom jar, komwin ba, Jememwōj, En Kwōjarjar Etam. En itok Am aelōñ.
- [3] Letok ñan kōm ilo jabdewōt raan kijem ekkar ñan raan eo.
- [4] Im jeorloḷ amwōj jerowiw; bwe kōmwōj barāinwōt jeorloḷ an arnej otemjej ṁuri ippem. Im jab kadeḷoñ kōm ilo kapo.
- [5] Im E ba ñan er, Wōn iaami e juon jeran, im e naaj ilōk ñan ippān ilukwōn boñ, im ba ñan e, Jera, kwōn letok ñan eō jilu ion bred;
- [6] Bwe juon jera ilo an etal ej itok ñan eō, im ejjeḷok ippa bwe in likūte imaan;
- [7] Im eo jān ilowan e naaj uwaak im ba, Kwōn jab kōmṁakūt eō; kiiō e kilōk aor, im ro nejiō rej pād ippa ioon kein babu, I ban jerkak im lewōj ñan eok?
- [8] Ij ba ñan kom, Meñe e jāmin jerkak im leḷok ñan e bwe e jeran, a kōn a ālijinmen e naaj jerkak im leḷok ñan e jabdewōt eo ej aikuj.
- [9] Im Ij ba ñan kom, Kajjitōk, im naaj lewōj ñan kom; kapukōt, im kom naaj loe; kallalḷal, im e naaj peḷloḷ ñan kom.
- [10] Bwe ro otemjej rej kajjitōk rej bōk; im eo ej pukot, ej loe; im eo ej kallalḷal e naaj peḷloḷ ñan e.
- [11] Eḷaññe juon neje maan ej kajjitōk bred ippān jabdewōt iaami e jemen, e naaj leḷok deka ñan e ke?
- [12] Im eḷaññe e naaj kajjitōk juon lep, e naaj leḷok ñan e juon mādepep ke?

- [13] Innām eļañņe komeo ri nana, kom jeļā kōjkan leļok men ko reṃṃan ñan ro nejemi; ta, e jāmin ļap an Jememwōj i lañ leļok Jetōb Kwōjarjar ñan ro otemjej rej kajjitōk ippān ke?
- [14] Im Ej kajutakļok timoņ, im e jajeļokjeņ. Im ke timoņ e jutakļok, eo e jajeļokjeņ ej kōnono; im armej re bwilōñ.
- [15] A jet iaer re ba, Ej kajutakļok timoņ ro kōn Beelzebub irooj in timoņ raņ.
- [16] Im bar jet, ilo aer kapo E, rej kajjitōk ippān juon kakōļle jān lañ.
- [17] A E jeļā aer ļōmņak, im E ba ñan er, Aelōñ otemjej re jepel, jimattan juṃae jimattan, re jako; im juon im ej jepel jimattan juṃae jimattan, ebuñ.
- [18] Im eļañņe Setan barāinwōt ej jepel jimattan juṃae jimattan, e naaj kōjkan an aelōñ pād wōt? bwe komij ba, Ij kajutakļok timoņ ro kōn Beelzebub.
- [19] Im eļañņe Ña kōn Beelzebub Ij kajutakļok timoņ ro, kōn wōn ro nejemi ṃaan rej kajutakļok er? kōn men iņ re naaj ami irooj in ekajet.
- [20] A eļañņe Ña kōn addiin Anij Ij kajutakļok timoņ raņ, innām aelōñ in Anij ej itok ñan kom.
- [21] Ke ļeo ekajoor, e pojak kein tariņae ko an, ej bar ṃweo iṃōn, ṃweiuk ko an rej pād ilo aenōṃṃan:
- [22] A ñe eo e kajoor jān e e naaj itok ñan e, im battōk e, ej bōk jān e kein tariņae ko an otemjej, men ko ej lōke wōt, im ajej men in rakimi ko an.
- [23] Eo e jab ippa ej juṃae Eō; im eo e jab ainitok ippa, ej kajeplōklōk.
- [24] Ke jetōb ettoon ej jutakļok jān armej, ej etetal ilo jikin ko re ṃōrā, im pukot kakkije; im e jab loe, im e ba, I naaj jeplaak ñan ṃweo iṃō ijo I ar ilok jān e.
- [25] Im ke ej itok ej loe, pooke im aiboojoj.
- [26] Innām ej ilok, im bōk ñan ippān bar jiljilimjuon jetōb ro re nana jān e: im rej deļoñ ilowan, im jokwe ijo: im an armej iņ pād tokālik enana jān ṃokta.
- [27] Im ke Ej kōnono men kein, juon kōrā iaan jar eo, ej koutiej ainikien, im ba ñan E, Eṃōņōņō ļojien eo e ar keotak Eok, im tit ko kwaar ninnini.
- [28] A E ba, Aet, eļapļok an ṃōņōņō ro rej eṃroñ naan in Anij, im kōjparok e.
- [29] Im ke jar ko rej kweilokļok ñan E, E jino An ba ñan er, Epepen iņ epepen enana; rej pukot kakōļle; im naaj leļok ejjeļok kakōļle ñan er, a kakōļle eo an Jona.
- [30] Bwe āinwōt Jona e ar kakōļle ñan ro ri Nineve, āindein nejin armej barāinwōt E naaj kakōļle ñan epepen iņ.
- [31] Lerooj in rōk e naaj jutak ilo ekajet ippān armej an epepen iņ, im liaakļok er: bwe e ar itok jān ijo etoļoktata i laļ bwe en roņjake mālōtlōt an Solomōn; im lo, juon ijin eļap jān Solomōn.
- [32] Armej in Nineve re naaj jutak ilo ekajet ippān epepen iņ, im liaakļok e: bwe raar ukōt būrueir kōn an Jona kwaļok; im lo, juon ijin eļap jān Jona.
- [33] Im ejjeļok armej, ñe eṃōj an tile ļaam, ej likūt e ijo ettino, ak iuṃwin jāpe, a ioon jikin ļaam, bwe ro rej deļoñ ren lo meram eo.
- [34] Ļaam in ānbwinniōṃ, mejōṃ: ke mejōṃ eṃṃan aolepen ānbwinniōṃ e obrak kōn meram: a ke enana mejōṃ ānbwinniōṃ barāinwōt ej obrak kōn marok.
- [35] Innām kwōn lale bwe meram eo ilowaṃ en jab marok.

- [36] Innām eļāñņe ānbwinniōm e obrak kōn meram, im ejjeļok mōttan e marok, aolepen otemjej e naaj obrak kōn meram, āinwōt ke ļaam kōn eļap an romaak ej kamramļok eok.
- [37] Im ke Ej kōnono, juon Parisi ej jiroñ E bwe En mōñā IPPĀN: im Ej deļoñ im jibadek in mōñā.
- [38] Im ke Parisi ej lo e, e bwilōñ bwe E ar jab aṃwini mōkta jān mōñā.
- [39] Im Irooj e ba ñan e, Kiiō kom ri Parisi, komij karreo ālikin kab im jāpe; a ilowami eobrak kōn kowadoñ im jerōwiwi.
- [40] Kom ri bwebwe, Eo e ar kōmṃan men eo ilikin, E ar jab kōmṃan men eo ilowan barāinwōt ke?
- [41] A komwin leļok men in tūriaṃo ko jān men ko ilowan; im lo, men otemjej rej erreō ñan kom.
- [42] A wo ñan kom Parisi ro! bwe komij kōmṃan kein ka joñoul kōn mint im ru im mar otemjej, im kijoone ekajet im yokwe Anij: eṃṃan ami kōmṃan men ko, im jab likūt men kā.
- [43] Wo ñan kom Parisi ro! bwe komij yokwe jikin jijet ko routiej ilo iṃōn kwelok, im yokyokwe ko ilo jikin wia ko.
- [44] Wo ñan kom! bwe komij āinwōt lōb ko re jab alikkar, im armej rej etetal ioer, im re jaje kake.
- [45] Innām juon iaan ro ri kien ej uwaak im ba ñan E, Ri Kaki, kōn Aṃ ba men kein Kwōj bar āinwōt kajjirere kake kōm.
- [46] Im E ba, Wo ñan kom barāinwōt ro ri kien! bwe kom juon armej kōn men ko eddo kōn aer bōki, im kom, komij jab uññūr men ko kōn juon iaan addimi.
- [47] Wo ñan kom! bwe komij kalōk iṃōn lōb ko an ri kanaan ro, im jimṃami raar ṃan er.
- [48] Innām āindein kom ro ri kōnnaan im bōk būruemi ñan jimṃami kōn aer jermal: bwe eṃool raar ṃan er, im komij kalōk iṃōn lōb ko aer.
- [49] Im kōn men iṃ mālōtlōt an Anij ej ba, I naaj jilkinļok ñan er ro ri kanaan im ro ri jelok, im jet iaer, re naaj ṃan er im matōrtōr er:
- [50] Bwe bōtōktōk an ri kanaan otemjej, eo ar lutok jān jino in laļ, en kajjitok IPPĀN epepen iṃ kake;
- [51] Jān bōtōktōk an Ebel ñan bōtōktōkin Zakeraias eo e ar mej ikōtaan lokatok im tempel: eṃool Ij ba ñan kom, naaj kajjitok e IPPĀN epepen iṃ.
- [52] Wo ñan kom ri kien! bwe kom ar bōkļok ki an jeļāļokjeṃ: kom jab make deļoñ, im ro raar nañin deļoñ kom ar bōbrae er.
- [53] Im ke eṃōj An diwōjļok jān ijo, skraib ro im Parisi ro re jino aer kanooj kamatōrtōre, im kakūtōtōik E bwe En kōnono kōn elōñ men ko:
- [54] Im kōjjaad E bwe ren bōk jabdewōt jān loñin.

JEPTA 12

- [Lk 12.1] Ilo iien eo, ke e kanooj lōñ armej rej kweilokļok, āinwōt bwe rej juuri doon, E jino An ba ñan ro ri kaļooran mōkta, Komwin kōjparok kom jān leven an Parisi ro, eo men in ṃoṃ.
- [2] A ejjeļok men in kalbubu im e jāmin elōkļok; im e ṃojak im jāmin jeļā kake.

- [3] Kōn men in jabdewōt men eo kom ar kōnono ilo marok naaj roñjake ilo meram: im men eo kom ar kōnono i lojiliñ ijo ettino naaj kwaļok e ioon bōrwaj in mo ko.
- [4] Im Ij ba ñan kom ro jera, Komwin jab mijak ro rej man ānbwin, im tokālik ejjeļok aer maroñ in kōmman.
- [5] A Ij kwaļok ñan kom mokta Eo kom naaj mijak e; Komwin mijak E, eo ālikin an man Ej maroñ in joļok na ilo Geena; Aet, Ij ba ñan kom, E in komwin mijak e.
- [6] Re jab wiakaki ļalem sparro kōn ruo penni ke? im ejjeļok juon iaer meļokļoke imaan mejan Anij.
- [7] A eņōj bwini kooļan bōrōmi otemjeļok. Komwin jab mijak: eļap ami eņman jān elōñ sparro.
- [8] Im Ij ba ñan kom, Jabdewōt eo e naaj kwaļok Eō imaan mejan armej raņ, Nejin armej e naaj barāinwōt kwaļok e imaan mejan enjeļ ro an Anij:
- [9] A eo e naaj kaarmejjet Eō imaan mejan armej, naaj kaarmejjet e imaan mejan enjeļ ro an Anij.
- [10] Im jabdewōt eo e naaj kōnono juon naan nae Nejin armej, naaj joļok ruōn kake: a ñan eo ej blaspim Jetōb Kwōjarjar e jāmin jako ruōn.
- [11] Im ñe rej āñintok kom imaan ro ilo imōn kwelok ko, imaan mejan irooj raņ, komwin jab inepata būruemi kōjkan ak ta eo kom naaj uwaak, ak ta eo kom naaj kōnono:
- [12] Bwe Jetōb Kwōjarjar e naaj katakin kom ilo awa eo ta eņman ami ba.
- [13] Im juon iaan jar eo ej ba ñan E, Ri Kaki, kwōn karoñ jeiō im jatiō, bwe en ajej jolōt ippa.
- [14] Im E ba ñan e, Armej, wōn e ar likūt Eō irooj in ekajet ak ri ajej iomi?
- [15] Im E ba ñan er, Komwin lale, im kōjparok kom jān jabdewōt arōk mweiuk: bwe an armej mour e jab kōn an lōñ men ko an.
- [16] Im Ej kōnono būrabōļ ñan er, im ba, Jikin kallib ko an juon armej eņweie elōñ aer jebar leen:
- [17] Im ej pepe ilo būruen im ba, Ta eo I naaj kōmmane, bwe ejjeļok jikin ijo Ij aini leen ko aō?
- [18] Im e ba, I naaj kōmman men in; I naaj jeļate mo ko imōn ekkan eo aō, im kalōk ko jet reļapļok; im ilo er I naaj aini aō korn im mweiō otemjej.
- [19] Im I naaj ba ñan aō, Aō, elōñ mweiuk ko mweiōm eņōj pojak ñan elōn iiō; kwōn kakkije, mōñā, idaak im lañlōñ.
- [20] A Anij e ba ñan e, Kwō bwebwe, boñin in naaj kajjitōk ippam kōn am; innām e naaj an wōn men ko kwaar kapoji?
- [21] Āindein eo ej likūt mweiuk ko mweien ñan e wōt, im e jab mweie ñan Anij.
- [22] Im E ba ñan ro ri kaļooran, Kōn men eo Ij ba ñan kom, Komwin jab inepata būruemi kōn mour, ta eo kom naaj mōñā; ak kōn ānbwinnemi ta eo kom naaj balle.
- [23] Mour eļap jān ekkan, im ānbwin jān nuknuk ko.
- [24] Komwin kōļmānļokjeņ kōn bao reven ko: bwe re jab jeor, im jab mađmōd; ejjeļok imōn mweieir ak imōn kijeir; im Anij ej naajdik er: kōjkan eļap ami eņman jān bao ko ke?
- [25] Im wōn iaami kōn an inepata ej maroñ in kaitokļok an mour kōn juon mokwōj in pā?
- [26] Kōn men in eļañe komij jab maroñ in kōmman men eo ediktata, etke komij iien pata kōn men ko jet?

- [27] Komwin kōlmān]okjeŋ kōn kieb ko ekōjkan aer eddek: re jab jermal, re jab irap; a Ij ba ñan kom, bwe Solomōn ilo an aiboojoj otemjej e ar jab lōtlōt āinwōt juon iaer.
- [28] A e]aññe āindein an Anij kalōtlōt mar eo ej pād ilo jikin kallib rainin, im ilju julok ilo um; e jab]ap]ok An naballimi ke, O komeo edik ami tōmak?
- [29] Im komwin jab pukot ta eo kom naaj mōñā, im ta eo kom naaj idaak, im komwin jab pere.
- [30] Bwe ri aelōñ ko i la] rej pukot men kein otemjej: a Jememwōj e je]ā bwe ewor ami aikuj men kein.
- [31] A komwin pukot aelōñ eo An; im naaj koor]ok ñan kom men kein otemjej.
- [32] Bwij edik, komwin jab mijak; bwe ebuñbūruen Jememwōj kōn An lewōj aelōñ eo ñan kom.
- [33] Komwin wiakaki men ko ami, im le]ok men in tūriamō ko: komwin kōmman ñan kom bōjō ko re jāmin mōr]ok, mweiuk i lañ ko eo e jāmin jako, ijo ejje]ok ri ko]ot ej kepaak e, im ejje]ok dile ej kōkkure.
- [34] Bwe ijo mweiemi ej pād ie, barāinwōt ijo būruemi e naaj pād ie.
- [35] Komwin lukwōj ami kañūr, im kourur wōt]aam ko ami;
- [36] Im komwin āinwōt armej ro rej kattar aer Irooj, mae iien eo e naaj jep]aak jān kwōjkwōj in pālele: bwe ñe ej itok im kall]al]al en mōkaj aer kape]ok ñan e.
- [37] E]ōñōñō ri korijeran ro, ñe Irooj ej itok e naaj lo aer kiil e: e]ool Ij ba ñan kom, bwe e naaj lukwōj an kañūr, im kajibadek er bwe ren mōñā, im e naaj itok im jermal ñan er.
- [38] Im e]aññe e naaj itok ilo mmej kein ka ruo, ak ilo mmej kein ka jilu, im lo er āinwōt, ro ri korijeran rej mōñōñō.
- [39] A komwin je]ā men i]n, bwe e]aññe irooj in mweo e ar je]ā awa ōt ri kowadoñ e naaj itok, e naaj kar ekil, im jab likūt bwe en rup mweo i]mōn.
- [40] Komwin pojak barāinwōt: bwe Nejin armej E naaj itok ilo awa eo ñe kom jab]ōm]ak kake.
- [41] Innām Piter e ba ñan E, Irooj kwōj kōnono būrabō] i]n ñan kōm ke, ak ñan otemjej?
- [42] Im Irooj e ba, Innām wōn ri kōmñe eo etiljek im mālōtlōt, eo irooj eo an e naaj kairooj e ioon ro ri korijeran, bwe en le]ok kijeir ñan er iien e]ejjet?
- [43] E]ōñōñō ri korijeran eo, ñe irooj eo an ej itok e naaj lo an kōmman āindein.
- [44] E]ool Ij ba ñan kom, e naaj kairooj e ioon men otemjej men ko an.
- [45] A e]aññe ri korijeran eo ej ba ilo būruen, Aō irooj ej karumwij an itok: im e naaj jino an deñ]ok ro ri korijer maan im kōrā, im mōñā im idaak, im e kadek:
- [46] Irooj an korijeran eo e naaj itok ilo raan eo ke e jab kōljake, im ilo awa eo ke e jaje kake, im e naaj bukwe, im naaj likūt ājinkōj eo an ippān ro re jab tiljek.
- [47] Im ri korijeran eo, e ar je]ā ankilaan irooj eo an, im jab kapojak, im jab kōmman ankilaan, naaj elōñ alen an deñ]oke:
- [48] A eo e ar jaje, im e ar kōmman men ko ekkar ñan deñ]oke, naaj e iiet alen an deñ]oke. Im jabdewōt eo e]ōj le]ok elōñ ñan e, naaj pukot elōñ jān e: im ñan eo raar likūt elōñ ippān, re naaj koor]ok aer kajjitōk ippān.
- [49] Ij itok bwe In jo]ok kijeek ioon la]; im ta eo I kōnaan e]aññe e]ōj kōjō?

- [50] A juon peptaij ippa bwe In peptaij kake; im e nañin ļap kaiur Eō ñan iien eo eṃōj kōmṃmane!
- [51] Komij ļōmṃnak bwe Ij iten leļok aenōmṃman ioon laļ ke? Ij ba ñan kom, Jab; a jepel:
- [52] Bwe jān iien iņ ļalem ilowan juon im re naaj jepel jān doon, jilu juṃae ruo, im ruo juṃae jilu.
- [53] Re naaj jepel jān doon, jemen juṃae nejīn ṃaan, im nejīn ṃaan juṃae jemen; jinen juṃae nejīn kōrā, im nejīn kōrā juṃae jinen; jilben kōrā juṃae jilben nejīn kōrā, im jilben nejīn kōrā juṃae jilben kōrā.
- [54] Im Ej barāinwōt ba ñan jar ko, Ñe komij lo kōḍo ej tak jān kapilōñ, eṃōkaj ami ba, E naaj wōt; im ej āinwōt.
- [55] Im ñe komij lo kōḍo jān rōk, komij ba, E naaj bwil; im āindein ej waļok.
- [56] Kom, ri jeļā ṃoṃ, komij jeļā mejan lañ im laļ: a etke kom jab jeļā kajjien iien iņ?
- [57] Aet, im etke kom jab ekajet men eo ejiṃwe ilo ami?
- [58] Bwe ñe kwōj etal ippān aṃ ri kōjdat ñan irooj eo, ñe ilo ial, kwōn kanooj lale bwe en kōtļok eok jān e: eļaññe jab āinwōt, e naaj kekaake eok ñan irooj in ekajet, im Irooj in ekajet e naaj ketak eok ñan ri kabōjrak, im ri kabōjrak e naaj joļok eok ṃa ilo prisōn.
- [59] Ij ba ñan eok, kwō jāmin ilok jān ijo, ñan tōr eo kwō naaj kōļļāik ṃAn eo eniñtata.

JEPTA 13

[Lk 13.1] Ilo iien eo jet ippān rej kōnnaanōk E kōn ro ri Galili, daer Pailat e ar kāreiki ippān joortak ko aer.

- [2] Im Jijej e uwaak im ba ñan er, Komij ļōmṃnak bwe ri Galili rein rej jerowīwi jān ri Galili otemjej, bwe raar eñtaan kōn men kein ke?
- [3] Ij ba ñan kom, Jab: a eļaññe kom jab ukeļok, kom otemjej naaj jako āierwōt.
- [4] Ak ro joñoul im ruwalitōk, ioer iṃōn bar ilo Siloam e ar buñ, im ṃan er, komij ļōmṃnak bwe er ri jerowīwi eļap jān armej otemjej ro rej jokwe ilo Jerusalem ke?
- [5] Ij ba ñan kom, Jab: a eļaññe kom jab ukeļok, kom otemjej naaj jako āierwōt.
- [6] Im Ej kōnono būrabōļ iņ. Ippān juon armej wōjke fig eṃōj kallib ilo jikin vain eo an; im ej itok im pukot leen ioon, im e jab loe.
- [7] Innām ej ba ñan ri lale jikin vain eo an, Lo, jilu iiō kein, ij itok im pukot leen ioon wōjke fig iņ, im I jab lo e: kwōn juoke; etke ej barāinwōt kamenokṃok āne?
- [8] Im e uwaak im ba ñan e, Irooj, kwōn likūt e iuṃwin iiō iņ barāinwōt, ñan iien eo ij kūbwij iturin, im kanne:
- [9] Im eļaññe ej jebar im lle jān iien eo, eṃṃan; a eļaññe jab, kwō naaj juoke.
- [10] Im Ej katakin ilo juon iaan iṃōn kwelok ko ilo Jabōt.
- [11] Im lo, juon kōrā, jetōb eṃōjṃṃo ippān iuṃwin joñoul im ruwalitōk iiō, im ej kumliklik, im eļap an ban mōōbōb.
- [12] Im ke Jijej ej lo e, Ej kūrtok e, im ba ñan e, Kōrā, eṃōj kōtļok aṃ ṃōjṃo jān eok.
- [13] Im Ej likūt pein ioon: im eṃōkaj an jiṃwe, im ej wūjtake Anij.
- [14] Im irooj in iṃōn kwelok eo ej uwaak kōn illu, bwe Jijej e ar kemour ilo Jabōt, im e ba ñan armej ro, Iuṃwin jiljino raan eṃṃan bwe armej ren jermal; innām ilo er koṃwin itok im bōk ami mour, im jab ilo raan in Jabōt.

- [15] A Irooj e uwaak e im ba, Kom ri jeļã moņ, jabdewõt iaami e jab kõtļok ilo Jabõt an kau ak ass jãn imõn, im tõl ļok e im kaidaak e ke?
- [16] Im kõrã in, e nejin Ebream, eo setan e ar liãpe, lo, iumwin joñoul im ruwalitõk iiõ, e jab mãlim kõtļok e jãn liãpe in ilo raan in Jabõt ke?
- [17] Im ke emõj An kõnono men kein, An ri kõjdat otemjej re jook: im jar ko otemjej rej lañlõn kõn men in bwilõn ko otemjej E ar kõmman.
- [18] Innãm E ba, aelõn in Anij ãinwõt ta? im kõn ta I naaj kajjioņe?
- [19] Ej ãinwõt ine in mōstad, eo armej ej bõk, im joļok ña ilo jikin kallib eo an; im ej eddek, im ļapļok ãinwõt wõjke eļap; im bao in mejatoto rej jokwe i raan.
- [20] Im E bar ba, I naaj kajjioņe aelõn in Anij kõn ta?
- [21] Ej ãinwõt leven, eo juon kõrã ej bõk im ñooje ilo jilu joñan pilawã ñan tõr eo ej leven aolep.
- [22] Im Ej ilok ilo jikin kwelok ko reļap im ko redik, ej katakin, im etal ļok ñan Jerusalem.
- [23] Innãm juon e ba ñan E, Irooj, re iiet naaj lomõõrer ke? im E ba ñan er,
- [24] Komwin kate kom bwe komwin deļoņ ilo kõjãm eo e aidik: bwe Ij ba ñan kom, elõn re naaj pukot bwe ren deļoņ, im re jãmin maroņ kake.
- [25] Ñe emõj an Irooj in im jutak, im kiil aor, im kom jino ami jutak i nabõj im kaļļaļ aor eo, im ba, Irooj, kwõn kapelļok ñan kõm; im e naaj uwaak im ba ñan kom, I jab jeļã kom, komij jãn ia;
- [26] Ilo iien eo, kom naaj jino ami ba, Kom ar mõñã im idaak imaan mejõm, im kwaar katakin ilo ial ko am.
- [27] Im E naaj ba, Ij kõnnaanõk kom, I jab jeļã kom, kom jãn ia; komwin ilok jãn Eõ, kom otemjej komij kõmman jerowiw.
- [28] E naaj wor jañ im ñi ļalļaļ ñe kom naaj lo Ebream, im Aisak, im Jekõb, im ri kanaan otemjej, ilo aelõn in Anij, im kom jako jãn e.
- [29] Im re naaj itok jãn reear, im jãn kapilõn, im jãn eañ, im jãn rõk, im re naaj jibadek ilo aelõn in Anij.
- [30] Im lo, jet rej ãliktata re naaj mõktata, im jet rej mõktata re naaj ãliktata.
- [31] Ilo awa eo jet iaan Parisi ro rej itok im ba ñan E, Kwõn ilok im etal jãn ijin: bwe Herod e kõñaan man Eok.
- [32] Im E ba ñan er, Komwin ilok, im kõnnaanõk jãkol eo, Lo, Ij kajutakļok timoņ ro, im Ij kemour rainin im ilju, im raan eo kein ak jilu I naaj kamõjļok.
- [33] A emman In etetal rainin, im ilju, im jeļaj: bwe ri kanaan e ban mej ilikin Jerusalem.
- [34] O Jerusalem, Jerusalem, kwe kwaar man ro ri kanaan, im kade ro jilkinwõj er ñan eok; elõn alen I ar kõñaan kokweiloktok ro nejõm, ãinwõt loļo ej kokweiloklok ro nejin jojo iumwin pein, im kom ar jab kõñaan.
- [35] Lo, emõj likūt mweo imwemi ña ippemi im jeepeļok: im emool Ij ba ñan kom, Kom jãmin lo Eõ ñan iien eo kom naaj ba, Emõõõõõ eo Ej itok ilo etan Irooj.

JEPTA 14

[Lk 14.1] Im ke Ej deļoņ ilowan imõn juon iaan irooj ro an Parisi raņ ilo Jabõt bwe en mõñã bred, rej kõjjaad E.

- [2] Im lo, juon armej iṃaan e nañinmej kōn jeje.
- [3] Im Jijej e uwaak im kōnono ñan ro ri kien im Parisi ro, im ba, E mālim ke kemour ilo Jabōt ak jab?
- [4] Im rej ikōñ. Im Ej bōk e, im kemour e, im kōtļok e;
- [5] Im Ej uwaak er im ba, Wōn iaami juon an ass ak kau koṃaan ej buñ ilo roñ, im e jab ṃōkaj an kotake ilo raan in Jabōt?
- [6] Im re ban uwaak E kōn men kein.
- [7] Im ej kōnono būrabōļ ñan ro jiroñ er, ke Ej lo ekōjkan aer kāālōt kein jijet ko reṃman, im ba ñan er.
- [8] Ñe juon armej ej jiroñ eok ñan kwōjkwōj in pālele, kwōn jab jijet ioon kein jijet eo eutiejtata; ñe ab jiroñ juon eutiejtata jān kwe;
- [9] Im eo e ar jiroñ eok im e, ej itok im ba ñan eok, kwōn leļok jikōṃ ñan armej iṃ; im kwōj jino kōn jook aṃ bōk jikōṃ eo ettā tata.
- [10] A ñe jiroñ eok, kwōn ilem jijet ioon kein jijet ettā tata; bwe ñe eo e ar jiroñ eok ej itok, en ba ñan eok, Jera, kwōn ilok ijo eutiejtata: innām kwō naaj bōk kabuñ iṃaan mejeir otemjej rej jijet ippaṃ.
- [11] Bwe jabdewōt eo ej make koutiej e, naaj kōttāik e; im eo ej make kōttāik e, naaj koutiej e.
- [12] Innām E ba barāinwōt ñan eo e ar jiroñ E, Ñe kwōj kapojak ṃōñā in raelep ak kejota, kwōn jab jiroñ ro jerōṃ, jab ro jeiōṃ im jatōṃ, jab ro nukwuṃ, jab ri ṃweie ro ri turuṃ; eļañe jab āinwōt re naaj bar jiroñ eok, im ṃa ṃaṃeṃ.
- [13] A ñe kwōj kōṃṃan kwōjkwōj, kwōn jiroñ ro ri jeraṃōļ, ro re jipikpik, ro re ajjukub, ro re pilo:
- [14] Im kwō naaj ṃōṃōṃ; bwe re ban ṃa ṃeṃ: bwe e naaj aṃ oñān ilo jerkakpeje an ro reṃman.
- [15] Im ke juon iaan ro rej jibadek im ṃōñā, ippān ej roñ men kein, e ba ñan E, Eṃōṃōṃ eo ej ṃōñā bred ilo aelōñ in Anij.
- [16] Innām E ba ñan e, Juon armej e ar kōṃṃan kejota eļap, im jiroñ elōñ.
- [17] Im ej jilkinļok ri korijeran ke awa in kejota, bwe en ba ñan ro ar jiroñ er, Koṃwin itok bwe ededeļok men otemjej.
- [18] Im er otemjej, būrueir wōt juon, rej jino aer jekpen. Eo ṃokta e ba ñan e, I ar wiaik juon ṃōttan āne, im eṃṃan bwe in ilok im lo e: ij kajjitōk ippaṃ bwe kwōn kōtļok eō.
- [19] Im bar juon e ba, I ar wiaik ļalem alen ruo kau koṃaan, im ij ilen mālejoñ er: ij kajjitōk ippaṃ kwōn kōtļok eō.
- [20] Im bar juon e ba, I ar pāleek kōrā, im kōn men iṃ I jab maroñ in itok.
- [21] Im ri korijeran eo ej itok im kōnnaanōk irooj eo an men kein. Innām irooj in ṃweo, kōn an illu, ej ba ñan ri krojeran, Kwōn jab ruṃwij in ilok ilo ial ko reļap im redik ilo jikin kwelok, im āñintok ñan ijin ro re jeraṃōļ, im ro re jipikpik, im ro re ajjukub, im ro re pilo.
- [22] Im ri korjeran e ba, Irooj, eṃōj kōṃṃan āinwōt kwaar jiroñ, im bar jet jikin.
- [23] Im irooj e ba ñan ri korijeran, Kwōn ilok ilo ial ko im wōrwōr wōjke ko, im akweļap ñan er bwe ren itok, bwe ṃweo iṃō en obrak.

- [24] Bwe ij ba ñan kom, Ejjeļok juon iaan ro I ar jiroñ er, naaj edjoñ aō kejota.
- [25] Im eļap jar ko rej etal ippān; im Ej oktaklik, im ba ñan er,
- [26] Eļañne jabdewōt armej ej itok ñan ippa, im e jab kūtōtōkake jemen, im jinen, im lio pāleen, im ro nejin, im ro jein im jaten maan im kōrā, aet, im an mour barāinwōt, ej ban ri kaļoorā.
- [27] Im jabdewōt eo e jab bōk an debwāāl, im ļoor Eō, e ban ri kaļoorā.
- [28] Bwe wōn iaami, e kōņaan kalōk juon imōn bar, e jab jijet mokta, im pepe kōn oņān, e naaj maroñ in kaṃōjļok ke, jab ke?
- [29] Ñe ab, ālikin an kōṃman foundesōn, im e jab maroñ kaṃōjļok, ro otemjej rej alwōje, re jino aer kajjirere kake,
- [30] Im ba, Armej iņ e jino an kalōk, im e jab maroñ in kaṃōjļok.
- [31] Ak irooj ōt, ke ej ilok bwe en tariņaeik bar juon irooj, e jab jijet mokta im pepe ej maroñ ke jab ke, kōn joñoul tujin ilok im jumae eo ej itok ñan ippān kōn roñoul tujin?
- [32] Ak eļañne jab āinwōt, ke eo juon ej etoļok jān e, ej jilkinļok ri kōllaajrak, im kajjitōk kōn men in aenōṃman ko.
- [33] Im barāinwōt jabdewōt eo iaami e jab ilok jān men otemjej an, e jāmin ri kaļoorā.
- [34] Innām eṃman joļ: a eļañne e jako nemān joļ, naaj kejatōk e kōn ta?
- [35] E jab eṃman kōn āne, e jab eṃman kōn ejouj in kan; a rej joļok e. Eo ewor lojilñin bwe en roñļokjeņ en roñjake.

JEPTA 15

- [Lk 15.1] Innām ri tōl owōj, im ri jerowiwī otemjej, rej kepaak E bwe ren roñjake.
- [2] Im Parisi ro im skraib ro rej lotaan, im ba, Armej iņ ej bōk ri jerowiwī im mōñā ippaer.
- [3] Im Ej kōnono būrabōļ ñan er, im ba,
- [4] Armej ōt iaami jibukwi jii ippān, eļañne juon iaer ejako, e jab likūt ruwatimjuonñoul im ruwatimjuon ilo āne jemaden, im ilok ilokōnļok eo ejako, ñan tōr eo e naaj lo e?
- [5] Im ñe ej lo e, ej likūt e ioon aerān, im lañlōñ.
- [6] Im ke ej itok ñan mweo imōn, ej kūrtoke ro jeran im ro ri turin, im ba ñan er. Komwin lañlōñ ippa; bwe I ar lo jii eo aō e kar jako.
- [7] Ij ba ñan kom, bwe āindein e naaj wor lañlōñ i lañ kōn juon ri jerowiwī eo ej ukeļok ippān, eļap jān kōn ruwatimjuonñoul im ruwatimjuon ro rū wānōk, im ejjeļok aer aikuj in ukeļok.
- [8] Ak kōrā ōt, joñoul mōttan silver ippān, eļañne ejako juon mōttan, e jab tile ļaam, im pooke mweo, im eļap an pukote ñan iien eo ej lo e?
- [9] Im ke ej lo e, ej kūrtoke kōrā ro jeran im ri turin, im ba, Komwin lañlōñ ippa; bwe I ar lo mōttan eo e kar jako.
- [10] Āindein, Ij ba ñan kom, ewor lañlōñ imaan mejan enjeļ ro an Anij kōn juon ri jerowiwī eo ej ukeļok ippān.
- [11] Im E ba, Juon armej ruo nejin maan:
- [12] Im eo edik iaerro e ba ñan jemen, Jema, kwōn letok mōttan mweiuk ko mweiōm e naaj aō jolōt. Im ej ajej ñan er an men in mour.

- [13] Im jab elõñ raan tokālik, nejin eo edik ej aini men otemjej, im ilok ñan āne etoļok, im ijo ej jerwaani mweiuk ko an kōn an tūbļotak e make.
- [14] Im ke ejako men otemjej, eļap ñūta ej waļok i āne eo; im e jino an aikuļ.
- [15] Im ej ilok im koba ippān juon ri āne eo: im ej jilkinļok e ilo jikin kallib ko an bwe en naajdik piik ko.
- [16] Im e kōṅaan kobrak lojien kōn mōttan kijen piik: im ejjeļok armej ej leļok ñan e.
- [17] Im ke ej iañaktok an, e ba, E nañin lōñ ri jermal an jema ewor mōttir bred ippaer, im ña ij jako ijin kōn kwōle!
- [18] I naaj jutak im ilok ñan jema, im I naaj ba ñan e, Jema, I ar kōmānman nana ṅae lañ im iṅaan mejōm,
- [19] Ij patkake bwe ren likūt eta nejōm: kwōn kōmānman ñan eō āinwōt juon iaan ro aṅ ri jermal.
- [20] Im e jutak, im itok ñan jeman. A ke ej etoļok wōt, jeman ej kile e, im tūriamokake, im ettōr, im buñ ioon kōnwan, im mejenmaik e.
- [21] Im nejin e ba ñan e, Jema, I ar kōmānman nana ṅae lañ, im iṅaan mejōm, ij patkake bwe ren likūt eta nejōm.
- [22] A jemen ej ba ñan ro ri korijeran, Koṅwin jab ruṅwij im bōktok liboror eo eṅmantata, im kanuknuk e kake: im likūt luko ioon pein, im juuj i neen:
- [23] Im bōktok koon in kau ematōk, im ṅan e; im jān mōñā im lañlōñ:
- [24] Bwe e iṅ nejiō e kar mej im ej bar mour; e kar jako, im ej waļok. Im re jino aer lañlōñ.
- [25] A nejin e rūtto ej ilo jikin kallib: im ke ej itok im kepaak mweo, ej roñ al im eb.
- [26] Im ej kūrtoṅ juon iaan ro ri korijeran, im kajjitōk ta je kein.
- [27] Im e ba ñan e, Jatiōm e moottok: im jemōm e ar ṅan koon in kau ematōk, bwe e ar bōk e im ej mour.
- [28] Im ej illu, im jab kōṅaan deļoñ ilowan: a jeman ej diwōjļok, im akweļap ñan e.
- [29] Im ej uwaak im ba ñan jeman, Lo, elõñ iiō kein I ar jermal ñan eok, im ejjeļok juon iien I ar kōkkure kōm: im ejjeļok juon iien kwaar letok ñan eō juon koon in goat, bwe in lañlōñ ippān ro jera:
- [30] A kiiōkiiō ke e iṅ nejōm ej itok, eo e ar kañi aṅ mour ippān kōrā rekijoñ, kwaar ṅan ñan e koon in kau ematōk.
- [31] Im e ba ñan e, Nejiō, iien otemjej kwōj pād ippa, im men otemjej aō aṅ.
- [32] A eṅman bwe jān lañlōñ im lioeo kake: bwe e iṅ jatiōm e kar mej, im ej bar mour; e kar jako, im ej waļok.

JEPTA 16

- [Lk 16.1] Im barāinwōt Ej ba ñan ro ri kaļooran, Juon armej e mweiie, im juon an ri kōmñe: im eṅōj kinaakļok Je iṅ ñan eo kōn an jerwaane mweiuk ko mweiien.
- [2] Im ej kūrtoṅ e, im ba ñan e, Ta men iṅ ij roñjake kōn eok? kwōn kwaļok mōk aṅ kōmānman ñan eō; bwe kwō ban pād im ri kōmñe.
- [3] Innām ri kōmñe eo ej ba ilo būruen, Ta eo I naaj kōmānman? bwe aō irooj ej bōk jermal in ri kōmñe jān eō: I ban kūbwij; ij jook kōn owar.

- [4] Ij kab jeļā men eo ij kōmman, bwe, ñe joļok eō jān jermal an ri kōmne, ren bōk eō ilo mo ko imweir.
- [5] Im ej aņiņintok ro ri muri otemjej an irooj eo an, im ba ñan eo mokta, Jete am muri ippān aō irooj?
- [6] Im e ba, Jibukwi joņak in oil. Im e ba ñan e, Kwōn bōk am kein watōk, im jijet kiiōkiiō, im jeje lemñoul.
- [7] Innām e ba ñan bar juon, Im jete am muri? Im e ba, Jibukwi joņak in wit. Im e ba ñan e, Kwōn bōk am kein watōk, im jeje ruwalitōkñoul.
- [8] Im irooj eo, ej nōbar ri kōmne e jab wānōk, bwe e ar mālōtlōt kake: bwe ro nejin laļ in ilo aer epepen re mālōtlōt jān ro nejin meram.
- [9] Im Ij ba ñan kom, koṃwin kōmman ro jerami ñan kom kōn mweiiien laļ in; bwe ñe komij mej ren bōk kom ilo mo ko re jāmin jako.
- [10] Eo ej tiljek ilo men eo ediktata, ej tiljek barāinwōt ilo men eo eļap: im eo e jab wānōk ilo men eo ediktata, barāinwōt e jab wānōk ilo men eo eļap.
- [11] Innām eļañne kom ar jab tiljek ilo mweiuik ko an laļ in, wōn e naaj lōke kom kōn mweiuik emool?
- [12] Im eļañne kom ar jab tiljek kōn men eo an bar juon, wōn e naaj lewōj ñan kom men ami?
- [13] Ejjeļok ri korijer e maroņ ri korijeran ruo irooj: bwe e naaj kūtōtōkake juon im yokwe eo juon; ak e naaj dāpij juon im kajekdoņ eo juon. Kom jab maroņ ri korijeran Anij im mweiuik.
- [14] Im barāinwōt Parisi ro, rej arōk mAn, rej roņjake men kein otemjej: im rej kajjirerekake.
- [15] Im E ba ñan er, Kom komij make kowānōk kom imaan mejan armej; a Anij e jeļā būruemi; bwe men eo e utiej ippān armej, e men in jōjōik imaan mejan Anij.
- [16] Kien im ro ri kanaan raar ñan iien Jon: ālikin iien eo kwaļok aelōñ in Anij, im armej otemjej rej kaiur er im deļoņ ilowan.
- [17] A e mōrā an laņ im laļ jako, jān juon jabōn edik ilo kien jako.
- [18] Jabdewōt eo ej joļok lio pāleen, im pāleek bar juon ej ļoņ: im eo ej pāleek lio ar joļok e jān ļeo pāleen, ej ļoņ.
- [19] Juon armej, ri mweiiie, ej kōņak nuknuk ko eōij im linen e aidik iden, im e kanooj emman an mour raan otemjej:
- [20] Im juon rū owar, etan Lazerōs, emōj kababu e iturin kōjām eo an, e obrak kōn bakke,
- [21] Im e kōņaan attūkoko jān tipdikdik ko rej wōtļok jān tebōļ an ri mweiiie: im kidu ko rej itok im daṃwij bakke ko an.
- [22] Im rū owar e mej, im enjeļ ro raar bōkļok e ñan ubōn Ebream: barāinwōt ri mweiiie e mej, im raar kalbwin e:
- [23] Im ilo Hedis ej reilōñ mejan ilo eņtaan ko, im lo Ebream etoļok jān e, im Lazerōs ilo ubōn.
- [24] Im ej laṃōj im ba, Jema Ebream, kwōn tūriamokake eō, im jilkintok Lazerōs, bwe en kattu ļok jabōn addiin pein ilo dān, im kaṃōļo loō; bwe ij eņtaan ilo urur in.
- [25] A Ebream e ba, Nejiō, kwōn keememej bwe kwe ilo am mour kwaar bōk am men ko remman, im barāinwōt Lazerōs men ko renana: a kiiō ej aenōmman ijin, im kwe kwōj eņtaan.

- [26] Im ewor jån men kein otemjej, ikõtaam im kwe juon roñ ej påd kanooj eļap im e m̄wilaj: bwe ro re kõḡaan ilõk jån ijin ñan ippaḡ ren bane; im ro re kõḡaan itok ñan kõm jån ijeḡe ren bane.
- [27] Innām e ba, Kõn men iḡ ij akweļap ñan eok, jema, bwe kwõn jilkinļok e ñan iḡõn jema:
- [28] Bwe ļalem jeiõ im jatiõ maan; bwe en kõnnaanõk er, bwe ren jab barāinwõt itok ñan jikin eñtaan e.
- [29] A Ebream e ba, Moses im ro ri kanaan ippaer; ren eḡroñ er.
- [30] Im e ba, Jab, Jema Ebream: a eļaññe juon ej ilõk ñan ippaer jån ro re mej, re naaj ukeļok ippaer.
- [31] Im e ba ñan e, Eļaññe re jab eḡroñ Moses im ro ri kanaan, e jāmin reel būrueir eļaññe juon ej jerkakpeje jån ro re mej.

JEPTA 17

- [Lk 17.1] Im E ba ñan ro ri kaļooran, Eḡool ļõkatip ko re naaj waļok: a wo ñan eo rej itok kõn e!
- [2] Eḡḡan ñan e eļaññe lukwõj i kõnwan juon deka in irir eļap, im joļok e ilo lojet, jån an ļõkatipe juon iaan rein redik.
- [3] Komwin kõjparok kom: eļaññe jioḡ ak jatiõḡ ej kõḡḡan nana, kwõn kauwe: im eļaññe ej ukeļok ippån kwõn joļok nana eo an.
- [4] Im eļaññe ej kõḡḡan nana ñan eok jiljilimjuon alen ilo juon raan, im jiljilimjuon alen ilo juon raan ej oktak ñan eok im ba, Ij ukeļok; kwõ naaj joļok an nana.
- [5] Im ro ri jelõk re ba ñan Irooj, Kwõn kaļapļok am tõmak.
- [6] Im Irooj e ba, Eļaññe ewor ami tõmak āinwõt juon ine in mõstad, kom naaj ba ñan wõjke sikemain iḡ, Kwõn teep im kallib i lojet; im e naaj pokake eok.
- [7] A wõn iaami, ri korijeran ej plau ak naajdik kau ko, ke ej itok jån jikin kallib, e naaj ba ñan e, Kiiõkiiõ kwõn item jibadek im ḡõñã?
- [8] A e jab ba ñan e ke, Kwõn kapojak kõn aõ ḡõñã, im kwõn lukwõj aḡ kañūr, im jermal ñan eõ, ñan iien eo eḡõj aõ ḡõñã im idaak: im tokālik kwõ naaj ḡõñã im idaak?
- [9] Ej ba kom ḡool ke ñan korijeran eo bwe e ar kõḡḡan men ko e ar jiroñ e kaki?
- [10] Im āindein barāinwõt kom, ñe komij kõḡḡan men ko otemjej jiroñ kom, komwin ba, Kõm ro ri korijer bāt: kõm ar kõḡḡan kuḡaam wõt.
- [11] Im ke Ej ilõk ñan Jerusalem, Ej etal ilo āne ko iturin Sameria im Galili.
- [12] Im ke Ej deļoñ ilowan juon jikin kwelõk edik, joñoul armej ri lõba rej ioon E, re jutak etoļok:
- [13] Im rej koutiej ainikier, im ba, Jijej Ri Kaki, kwõn tūriamokake kom.
- [14] Im ke Ej lo er, E ba ñan er, Komwin ilõk im kwaļok kom ñan pris ro. Im ke rej ilõk, eḡõj karreoik er.
- [15] Im juon iaer, ke ej lo bwe ājmour, ej jepļaak, im kõn eļap ainikien ej wũjtake Anij;
- [16] Im buñpedo i neen, im ba, Kom ḡool: im e ri Sameria.
- [17] Im Jijej ej uwaak im ba, E jab joñoul eḡõj karreoik er ke? a ewi ruwatimjuon?
- [18] Ar jab lo ro rej jepļaaktok bwe ren wũjtake Anij, a ruwamāejet iḡ wõt ke?
- [19] Im E ba ñan e, Kwõn jerkak im ilõk: am tõmak e ar loḡoḡõḡ.

- [20] Im ke Parisi ro rej kajjitōk ippān, ñāāt aelōñ in Anij ej itok, E uwaak er im ba, Aelōñ in Anij e jab itok bwe ren kanooj kile:
- [21] Im re jāmin ba, Lo ijin! ak ijjuweo! bwe, lo, aelōñ in Anij ej eoļōpemi.
- [22] Im E ba ñan ro ri kaļooran, Raan ko re naaj itok, ñe kom naaj kōṇaan lo juon iaan raan ko raan in Nejin armej, im kom jāmin lo e.
- [23] Im re naaj ba ñan kom, Lo ijin! lo ijjuweo! komwin jab ilok, im jab ļoor er.
- [24] Bwe āinwōt jarom ke ej waļok jān iumwin mōttan lañ, ej romaak ñan bar juon mōttan lañ, e naaj āindein Nejin armej ilo raan eo An.
- [25] A mokta E naaj eñtaan kōn elōñ men ko, im epepen in e naaj joļok E.
- [26] Im āinwōt ilo raan ko an Noa, e naaj āindein barāinwōt ilo raan ko an Nejin armej.
- [27] Raar mōñā, raar idaak, raar pāleek lio pāleir, raar leļok bwe ren pālele, ñan raan eo Noa e ar uwe ioon wa eo, im ibwijlelep e ar itok, im man er otemjej.
- [28] Barāinwōt ilo raan ko an Lot: raar mōñā, raar idaak, raar wiakake, raar wiaik, raar kallib, raar kalōk;
- [29] A ilo raan eo ke Lot e ar ilok jān Sodōm e buñ kijeek im brimston jān lañ, im man er otemjej.
- [30] E naaj āindein ilo raan eo ñe Nejin Armej ej weaaktok.
- [31] Ilo raan eo, eo e naaj pād ioon im, im men ko an ilowan mweo, en jab to bwe en bōkļok: im eo ej ilo jikin kallib en jab jepļaaklikļok.
- [32] Komwin keememej lio pāleen Lot.
- [33] Jabdewōt eo ej pukot bwe en dāpij an mour, mour e naaj jako jān e; im jabdewōt eo, an mour e naaj jako, e in e naaj kōjparok e.
- [34] Ij ba ñan kom, ilo boñ eo, naaj ruo armej maan ioon juon peet; naaj bōk juon, im juon e naaj pād wōt.
- [35] Ruo kōrā re naaj koba im irir; naaj bōk juon, im juon e naaj pād wōt.
- [36] [e jako eoon in ilo kajin Majōl kōnke e jako jān jet copy ilo kajin Grik]
- [37] Im rej uwaak im ba ñan E, Irooj, Ia? Im E ba ñan er, Ijo ub ej pād, igōl ko re naaj kweilokļok ie.

JEPTA 18

- [Lk 18.1] Im Ej kōnono būrabōļ ñan er kōn men in, bwe armej ren jar iien otemjej, im jab ñate;
- [2] Im ba, Ilo juon jikin kwelok irooj in ekajet ej pād, e jab mijak Anij, im ej kajekdoṇn armej:
- [3] Im ilo jikin kwelok eo juon kōrā e jako pāleen; im ej itok ñan ippān im ba, Kwōn ekajet eō kōn aō ri kōjdat.
- [4] Im e jab kōṇaan mokta: a tokālik e ba ilo būruen, Meñe I jab mijak Anij, im ij kajekdoṇn armej,
- [5] A kōn an kōrā in ejako pāleen ej añōte eō, I naaj ekajet kōn e, eļaññe jab āinwōt, kōn an itok makij e naaj kanooj kaṁōk eō.
- [6] Im Irooj e ba, Komwin roñjake ta eo irooj in ekajet e jab jimwe e ba.
- [7] Im Anij e jāmin ekajet kōn ro E ar kāālōt er, ro rej lamōj ñan E raan im boñ ke, im eto An meanwōd ñan er?

- [8] Ij ba ñan kom, e naaj mōkaj An ekajet kōn er. Ijoke ñe Nejin armej e naaj itok, E naaj lo tōmak ioon laļ ke?
- [9] Im Ej barāinwōt kōnono būrabōļ in ñan ro rej make lōke er bwe rej jimwe, im kajekdoon ro jet:
- [10] Ruo armej rej wanlōñ ilowan tempel bwe ren jar; juon ri Parisi, im eo juon ri tōl owōj.
- [11] Ri Parisi ej make jutak im jar āindein, O Anij, ij ba kom mool, bwe ña I jab āinwōt armej ro jet, ri kowadoñ, ri jab wānōk, ri ļōñ, ak āinwōt ri tōl owōj in.
- [12] Ij jitlok alen ruo ilo wiik, ij leļok kein ka joñoul iaan men otemjej ij jibadeki.
- [13] A ri tōl owōj, e jutak etoļok, e jab kōṅaan reiļok mejan ñan lañ, a ej ubrare ubōn im ba, O Anij, kwōn tūriamokake eō ri jerowiwī.
- [14] Ij ba ñan kom, Armej in ej wanlaļlok ñan mweo imōn ewānōk jān eo juon: bwe naaj kōttāik ro otemjej rej make koutiej er, im naaj koutiej eo ej make kōttāik e.
- [15] Im barāinwōt raar bōktok ñan ippān niñniñ ro aer, bwe En uññūr er: a ke ro ri kaļooran rej loe, rej kauwe er kake.
- [16] A Jijej ej kūrtoke er ñan ippān im ba, Koṃwin likūt bwe ajri redik ren itok ñan ippa, im jab bōbrae er; bwe ro āierwōt aer aelōñ in Anij.
- [17] Eṃool Ij ba ñan kom, Jabdewōt eo e jāmin bōk aelōñ in Anij āinwōt juon ajri edik e jāmin deļoñ ilowan.
- [18] Im juon irooj ej kajjitōk ippān im ba, Ri Kaki eṃṃan, ta eo I naaj kōṃṃan bwe in jolōt mour indeeo?
- [19] Im Jijej e ba ñan e, Etke kwōj ṅaeta eṃṃan? ejjeļok eṃṃan, a juon wōt, Anij.
- [20] Kwō jeļā kien ko, Kwōn jab ļōñ, Kwōn jab uror, Kwōn jab koqot, Kwōn jab riab, Kwōn koutiej Jemaṃ im jinōṃ.
- [21] Im e ba, Naan kein I ar pokake jān ke I ar ajri.
- [22] Ke Jijej ej roñ men kein, E ba ñan e, Juon men eo kwōj aikuj: kwōn wiakaki men otemjej men ko aṃ, im ajej ñan ro ri jeramōļ, im kwō naaj mweie ilo lañ: im kwōn itok im ļoor Eō.
- [23] Im ke ej roñ men kein, eļap an būromōj: bwe elōñ mweiiēn.
- [24] Im ke Jijej ej lo e, E ba, E nañin pen an ro ri mweie naaj deļoñ ilo aelōñ in Anij!
- [25] Bwe e naaj e mōrā an kidu kamel deļoñ ilo dāilil in iie jān juon ri mweie ej deļoñ ilo aelōñ in Anij.
- [26] Im ro rej roñjake re ba, Innām wōn e naaj maroñ in mour?
- [27] Im E ba, Men ko armej re bani, Anij ej maroñ kaki.
- [28] Innām Piter e ba, Lo, kōm ar itok jān men ko am, im ļoor Eok.
- [29] Im E ba ñan er, Eṃool Ij ba ñan kom, Ejjeļok armej e ar ilok jān im ak lio pāleen, ak ro jein im jaten, ak jemen im jinen, ak ro nejin, kōn aelōñ in Anij,
- [30] Eo e jāmin bōk elōñ alen men ko ilo iien in, im ilo laļ e naaj itok, mour indeeo.
- [31] Im Ej āñintok joñoul im ruo ippān, im ba ñan er, Lo, jej wanlōñlok ñan Jerusalem, im men otemjej ro ri kanaan raar je kōn Nejin armej re naaj jejjet.
- [32] Bwe naaj ketak E ñan ro ri aelōñ ko, im naaj kajjirere kake, im koṅkure, im iyelok E:
- [33] Im re naaj deñlok E, im ṃan E: im ilo raan eo kein ka jilu E naaj jerkakpeje.

- [34] Im re jaje kake men kein: im e nojak naan in jän er, im re jab jelä men kein kõnono kaki ñan er.
- [35] Im ke ej kepaak ñan Jediko, juon armej epilo e jijet iturin ial im owar:
- [36] Im ke ej roñ jar eo rej kijoone, ej kajjitök ta jein.
- [37] Im rej kõnnaanök e, Jijej ri Nazeret Ej kijoone.
- [38] Im ej lamōj im ba, Jijej, Nejin Devid, Kwōn tūriamokake eō.
- [39] Im ro rej ilok imaan lok, rej kauwe bwe en ikōñ; a elaplok an lamōj, Nejin Devid, Kwōn tūriamokake eō.
- [40] Im Jijej e bōjrak, im jiroñ bwe ren āñintok e ñan ippän: im ke ej epaak, Ej kajjitök ippän,
- [41] Ta eo kwō kõnaan bwe In kõmman ñan eok? Im e ba, Irooj, bwe in lołokjeñ.
- [42] Im Jijej e ba ñan e, Kwōn lołokjeñ: am tōmak ej kemour eok.
- [43] Im emōkaj an lołokjeñ, im loor E, im wūjtake Anij: im armej otemjej ke rej lo e, rej nōbar Anij.

JEPTA 19

[Lk 19.1] Im Ej deloñ im deblök Jediko.

- [2] Im, lo, juon armej etan Zakkiōs. E irooj an ro ri tōl owōj, im e ri mweie.
- [3] Im ej pukot Jijej bwe en lo E, wōn E; im e bane kōn jar eo, bwe e kadu.
- [4] Im ej ettōr maan lok, im wanlōñ ilo wōjke sikemor bwe en lo E: bwe E naaj kijoon ijo.
- [5] Im ke Jijej ej itok ñan ijo, Ej jerlok im lo e, im ba ñan e, Zakkiōs, kwōn jab rumwij im to la]: bwe rainin In pād ilowan mweo imōm.
- [6] Im ej jab rumwij, im to la], im bōk E im lañlōñ.
- [7] Im ke rej loe, er otemjej rej lotaan im ba, Ej ilok im pād ippän juon armej e ri jerowiw.
- [8] Im Zakkiōs e jutak im ba ñan Irooj, Lo, Irooj, jeblokwan mweiuk ko mweiō ij lelok ñan ro ri jeramōl; im elañne I ar bōk men eo jabdewōt jän armej kōn naan in riab, ij lelok bar emān.
- [9] Im Jijej e ba ñan e, Rainin lomoor ej itok ñan mwın, bwe e barāinwōt nejin Ebream.
- [10] Bwe Nejin armej ej itok bwe En pukot im lomoor eo e jako.
- [11] Im ke rej roñ men kein, Ej koorlok im kõnono būrabō], bwe Ej kepaak ñan Jerusalem, im rej lõmjak bwe aelōn in Anij e naaj mōkaj an walok.
- [12] Kōn men in E ba, Juon Jeātōktök ej ilok ñan juon āne etolok bwe en bōk aelōñ in kiñ ñan e, im bar itok.
- [13] Im ej kūrtok joñoul ri korijeran, im lelok ñan er joñoul boun, im ba ñan er, Komwin jermal kaki mae iien eo ij itok.
- [14] A ri aelōñ eo an raar kūtōtökake, im jilkinlok ri keeañlok ilokōnlok, im ba, Kōm jab kõnaan bwe armej in en kiñ iom.
- [15] Im ke emōj an jeplaak, e kar bōk aelōñ eo, ej jiroñ bwe ren kūrtok ñan ippän ro ri korijeran, ñan er ekar lelok mAn, bwe en jelä kōjkan armej otemjej raar koorlok kōn wia.
- [16] Innām eo mokta ej itok, im ba, Irooj, boun eo am ar koorlok e ilo joñoul boun.
- [17] Im e ba ñan e, Emman kwe korijer etiljek; bwe kwaar tiljek ilo men eo ediktata, kwōn bōk irooj ioon joñoul jikin kwelok.
- [18] Im eo kein ka ruo ej itok im ba, Irooj, boun eo am, ar koorlok e ilo lalem boun.

- [19] Im e ba barāinwōt ñan e, Kwōn barāinwōt ioon ļalem jikin kwelōk.
- [20] Im bar juon ej itok im ba, Irooj, lo, iiō boun eo aṃ, eo I ar likūt ilo napkin:
- [21] Bwe I ar mijak eok, bwe kwe juon armej e pen: kwōj kotake men eo kwaar jab likūt e, im ṃadṃōd men eo kwaar jab jeor.
- [22] E ba ñan e, Jān ļoñōṃ I naaj ekajet eok, kwe ri korijer enana. Kwō jeļā bwe ña juon armej e pen: kotake men eo I ar jab likūt, im ṃadṃōd men eo I ar jab jeor:
- [23] Kōn men in etke kwaar jab leļok ṃAn eo aō ilo imōn wia ṃAn, bwe iien in ij itok, in bōk aō ṃAn im jimaer?
- [24] Im e ba ñan ro rej jutak iturin, Koṃwin bōk boun eo jān e, im leļok ñan eo joñoul boun ko ippān.
- [25] Im re ba ñan e, Irooj, joñoul boun ippān.
- [26] Ij ba ñan kom, Ñan ro otemjej ewor ippaer naaj leļok ñan er; im jān eo ejjeļok ippān, naaj bōk men eo an jān e.
- [27] A ro aō ri kōjdat, ro re jab kōṃaan bwe in Irooj ioer, koṃwin āñintok er, im ṃan er imaan meja.
- [28] Im ke eṃōj an kōnono men kein, Ej ilok imaerļok im wanlōñ ñan Jerusalem.
- [29] Im ke Ej kepaak Betpeje im Betani ilo toļ etan Olivet, Ej jilkinļok ruo iaan ro ri kaļooran.
- [30] Im ba, Koṃwin ilok ilo jikin kwelōk edik ikijjiemi: ñe komij deļoñ koṃro naaj lo juon koon e lokjak, armej re jañin jijet ioon: koṃwin jeļate, im āñintok e.
- [31] Im eļañne jabdewōt eo ej kajjitōk ippemi, Etke kom jeļate? en āindein ami ba ñan e, Bwe Irooj ej aikuļ.
- [32] Im ri jeļok raar ilok, im lo āinwōt An ba ñan er.
- [33] Im ke rejro jeļate koon eo, ro jemen re ba ñan er, Etke komij jeļate?
- [34] Im re ba, Bwe Irooj ej aikuļ.
- [35] Im rejro āñintok e ñan Jijej: im rej likūt nuknuk ko aer ioon, im rej kajjjet Jijej ioon.
- [36] Im ke Ej ilok, rej erļoke nuknuk ko aer ilo ial eo.
- [37] Im ke Ej kepaak, ijo wanlaļ jān toļ Olivet, jar an ri kaļooran otemjej re jino aer lañlōñ im nōbar Anij, im eļap ainikier, kōn jermal ko reļap otemjej raar loi;
- [38] Im ba, Eṃōṃōṃ Kiñ eo Ej itok ilo etan Irooj: aenōṃṃan ilo lañ, im aiboojoj ilo eutiejtata.
- [39] Im jet iaan Parisi ro jān jar eo re ba ñan E, Ri Kaki, kwōn kauwe ro ri kaļooran.
- [40] Im E uwaak im ba, Ij kōnnaanōk kom, bwe, eļañne rein rej ikōñ, e naaj ṃōkaj an dekā ko lamōj.
- [41] Im ke Ej kepaak, Ej lo jikin kwelōk eo, im jañ kōn e,
- [42] Im ba, Eļañne kweo kwaar jeļā, ilo rainin, men ko men in aenōṃṃan! a kiiō re nojak jān mejōṃ.
- [43] Bwe raan ko re naaj itok iom, ñe aṃ ri kōjdat re naaj kōṃṃan wōrwōr im kōpooļ eok, im baar eok iturōṃ otemjej,
- [44] Im joļok eok ñan bwidej, im ro nejōṃ ilowan; im re jāmin likūt ilowan juon ejṃaan ioon doon; bwe kwaar jaje iien Aō lale eok.
- [45] Im Ej deļoñ ilowan tempel im jino An kadiwōjļok ro rej wia;

- [46] Im ba ñan er, Ar jeje, Im mweo imō e naaj imōn jar; a kom ar kōmman e roñ an ro ri kowadoñ.
- [47] Im Ej katakin raan otemjej ilowan tempel. A pris ro reļap im skraib ro, im barāinwōt jeātōktōk ro an armej raņ, rej pukot bwe ren man E,
- [48] Im re ban lo ta eo re naaj kōmanman: bwe armej otemjej e kanooj emman aer roñjake E.

JEPTA 20

- [Lk 20.1] Im ilo juon iaan raan ko, ke Ej katakin armej ilowan tempel im kwaļok gospel, pris ro im skraib ro kab elder ro rej itok,
- [2] Im kōnono ñan E im ba, Kwōn kōnnaanōk kōm, kōn an wōn naan Kwōj kōmman men kein? ak wōn eo e ar lewōj ñan Eok naan in?
- [3] Im E uwaak im ba ñan er, Barāinwōt Ij kajjitōk ippemi juon naan, im komwin uwaak Eō:
- [4] Peptaij an Jon, e jān lañ ke, ak jān armej?
- [5] Im rej kōnono ippān doon im ba, Eļañņe jej ba, Jān lañ, E naaj ba, Etke kom ar jab tōmak e?
- [6] A eļañņe jej ba, Jān armej; armej otemjej re naaj kade kōj: bwe rej ļōmņak Jon e kar ri kanaan.
- [7] Im re uwaak, re jaje e jān ia.
- [8] Im Jijej e ba ñan er, I jab kōnnaanōk kom kōn an wōn naan Ij kōmman men kein.
- [9] Im E jino kōnono ñan armej būrabōļ in; Juon armej ej kōmman jikin kallib grep, im kōlaik e ñan ro ri kallib, im ilok ñan āne etoļok bwe en eto an pād ie.
- [10] Im ilo iien ekalo, ej jilkinļok ri korijeran ñan ro ri kallib, bwe ren leļok ñan e leen jikin kallib eo: a ri kallib rej deñļok e, im jilkinļok e im ejjeļok kuņaan.
- [11] Im ej jilkinļok bar juon ri korijeran; im rej deñļok e barāinwōt, im kōmman nana ñan e, im jilkinļok e im ejjeļok kuņaan.
- [12] Im e bar jilkinļok eo kein ka jilu: im re kakinejneje e, im joļok e.
- [13] Innām irooj in jikin kallib eo e ba, Ta eo I naaj kōmman? I naaj jilkinļok nejiō maan e jitōnbōro: bōlen re naaj kabuñ ñan e ñe rej lo e.
- [14] A ke ri kallib rej lo e, rej pepe ippān doon im ba, E in ri jolōt: itok, jān man e bwe jolōt eo en adwōj.
- [15] Im rej joļok e jān jikin kallib, im man e. Innām ta eo Irooj in jikin kallib e naaj kōmman ñan er?
- [16] E naaj itok im man ri kallib rein, im naaj leļok jikin kallib grep eo ñan bar jet. Im ke rej roñjake, re ba, en jab in.
- [17] Im Ej kallimjek er im ba, Innām ta men in ar je, Ejmaan eo ri kal raar joļok, e in e demōn jabōn im?
- [18] Jabdewōt eo e naaj buñ ioon ejmaan eo e naaj rup: a ioon jabdewōt eo e naaj buñ e naaj kajeplōklōk e āinwōt būñalñal.
- [19] Im skraib ro im pris ro reļap ilo awa eo rej pukot bwe ren likūt peir ioon; im rej mijak armej: bwe re jeļā E ar kōnono būrabōļ in ñae er.
- [20] Im rej jeliñare im jilkinļok ro ri kōjjaad, ro rej make likūt er rū wānōk, a ri jeļā moņ, bwe ren jibwe E kōn jet naan, bwe ren ketak E ñan kajoor im kien irooj.

- [21] Im rej kajjitōk ippān im ba, ri Kaki, kōm jelā bwe Kwōj kōnono im katakin jimwe, im Kwō jab kakōljen ilikin armej, a Kwōj katakin ial an Anij eṃool:
- [22] Emālim ke bwe kōmin leļok owōj ñan Sizar, ak jab?
- [23] A Ej kile aer moṇ im ba ñan er,
- [24] Koṃwin kwaļok ñan Eō juon deneriōs. Men in e im jeje iṇ, an wōn? Re uwaak im ba ñan E, an Sizar.
- [25] Im E ba ñan er, Kōn men iṇ koṃwin leļok ñan Sizar men ko an Sizar, im ñan Anij men ko an Anij.
- [26] Im re jab maroñ in jibwe An in naan iṃaan mejan armej: im re bwilōñ kōn An uwaak, im rej ikōñ.
- [27] Innām jet iaan Saddusi ro rej itok ñan ippān, ro rej ba ejjeļok jerkakpeje: im rej kajjitōk ippān,
- [28] Im ba, Ri Kaki, Moses e ar je ñan kōm, Eļaññe jabdewōt ṃaanjeen armej emej, juon pāleen, im ejjeļok nejin; jaten en bōk lio pāleen, im en wor ajri ñan jein.
- [29] Innām e kar jiljilimjuon jemjein jemjatin: im eo moṃta ej bōk lio pāleen, im emej im ejjeļok nejin.
- [30] Im eo kein ka ruo
- [31] Im eo kein ka jilu ej bōk e, im barāinwōt eriōñ jiljilimjuon ejjeļok ro nejir, im re mej.
- [32] Im āliktata lio emej.
- [33] Innām ilo jerkakpeje e naaj pāleen wōn lio? bwe jiljilimjuon raar pāleek e.
- [34] Im Jijej e ba ñan er, Ro ri laļ iṇ rej pālele im leļok bwe ren pālele:
- [35] A ro rej tōllokōn bwe ren bōk laļ eo, im jerkakpeje jān ro re mej, re jab pālele, im re jab leļok bwe ren pālele;
- [36] Im re ban bar mej; bwe rej āinwōt enjeļ ro; im rej nejin Anij kab ri jerkakpeje.
- [37] A bwe ro re mej rej jerkakpeje, Moses e ar kwaļok ilo naan kōn juļ eo, ke e ar ba, Irooj e Anij an Ebrean, im Anij an Aisak im Anij an Jekōb.
- [38] Bwe e jab Anij an ro re mej, a an ro remour: bwe otemjej rej mour ñan E.
- [39] Innām jet iaan skraib ro re uwaak im ba, Ri Kake, ejimwe Aṃ ba.
- [40] Bwe re jab peran in bar kajjitōk ippān kōn juon naan.
- [41] Im E ba ñan er, Ekōjkan aer ba, ri Kūrai e Nejin Devid?
- [42] Bwe Devid ej make ba ilo bok in Sam ko, Irooj e ar ba ñan aō Irooj, Kwōn jijet i anbwijmaroñiō,
- [43] Ñan iien eo Ij kōṃṃan ro Aṃ ri kōjdat eran niom.
- [44] Innām Devid e ba E Irooj, innām ekōjkan E nejin?
- [45] Ke armej otemjej rej roñjake, E ba ñan ro ri kaļooran,
- [46] Koṃwin kōjparok kom jān skraib ro, re kōṃaan etetal ilo liboror ko re aitok, im re kōṃaan yokyokwe ko ilo jikin wia ko, im kein jijet ko routiej ilo iṃōn kwelok ko, im jikin ko reṃṃan ilo kwōjkwōj ko;
- [47] Rej kañi iṃōn kōrā ro ejako pāleir, im kimji armej kōn an aitok aer jar: er re naaj bōk liaakļok eļapļok.

- [Lk 21.1] Im Ej reilõñ im lo ri mweiie rej likūt joortak ko aer ɲa ilo tōptōp in mAn.
- [2] Im barāinwōt Ej lo juon kōrā ejeraṃōl im ejako pāleen, ej likūt ilowan ruo mAn jinniñ.
- [3] Im E ba, Eṃool Ij ba ñan kom, bwe kōrā iṅ ejeraṃōl im ejako pāleen e ar likūt ilowan eḷap jān er otemjej:
- [4] Bwe rein otemjej jān elõñ mweiier raar likūt ɲa ilowan ñan joortak ko: a e jān an jeraṃōl e ar likūt ilowan an mour otemjej ippān.
- [5] Im ke jet rej kōnono kōn tempel, ekōjkan an lōtlōt kōn ejṃaan ko remṃan im men in joortak ko, E ba,
- [6] Men kein komij loe, raan ko re naaj itok ñe juon ejṃaan e jāmin pād ioon doon, im jab eajak.
- [7] Im rej kajjitōk ippān im ba, Ri Kaki, innām ñāāt men kein re naaj pād? im ta eo kakōlḷen ñe men kein re nañin waḷok?
- [8] Im E ba, Koṃwin lale bwe ren jab kejebwābweik kom: bwe elõñ re naaj itok ilo Eta, im ba, Ña ri Kūrai; im iien eo ej epaak: koṃwin jab etal iloḷkaer.
- [9] A ñe kom naaj roñ kōn tariṅae ko im jourur ko, koṃwin jab lōḷṅōñ; bwe men kein re naaj waḷok ṃokta: a e jāmin ṃōkaj jemḷokōn.
- [10] Innām E ba ñan er, Juon aelõñ e naaj jutak ɲae juon aelõñ, im aelõñ in kiñ ɲae aelõñ in kiñ;
- [11] Im e naaj ḷap an laḷ ṃakūtḷkūt, im ilo jet āne ewor ñūta, im nañinmej ko reḷap; men in kamijak ko, im kakōlḷe ko reḷap re naaj waḷok jān lañ.
- [12] A ṃokta jān men kein otemjej, re naaj likūt peir iomi, im matōrtōre kom, im ketak kom ñan imōn kwelok ko, im ɲa ilowan prisōn ko, im āñintok kom imaan mejan kiñ ro im irooj ro kōn Eta.
- [13] Im e naaj men in kōnnaan ñan kom.
- [14] Innām koṃwin likūt ilo būruemi, bwe koṃwin jab kōḷmānḷokjeṅ ṃokta ta eo kom naaj uwaak:
- [15] Bwe I naaj lewōj ñan kom loñimi im mālōtlōt, men eo ami ri kōjdat otemjej re naaj ba juṃae ak uwaak.
- [16] Im ro jememi im jinemi, im ro jemjein jemjaten, im ro nukwumi, im ro jerami, re naaj ketak kom; im re naaj ṃan jet iaami.
- [17] Im armej otemjej re naaj kōjdate kom kōn Eta.
- [18] Im e jāmin jako juon kooḷan bōrami.
- [19] Ilo ami kijenmej kom naaj jibadek ami mour.
- [20] Im ñe kom naaj lo jaran ri tariṅae ro rej kōpool Jerusalem, innām kom naaj jeḷā epaak kajeepelok e.
- [21] Innām ro rej pād i Judia ren ko ñan toḷ ko: im ro rej pād eoḷōpin ren diwōjḷok; im ro rej pād i āne ko iturin ren jab deḷoñ ilowan.
- [22] Bwe raan kein raan in joñan koḷtan, bwe ren kaṃool men otemjej ar jeje.
- [23] A wo ñan ro rej bōrōro, im ñan ro rej kaninnin ilo raan ko! bwe e naaj ḷap eñtaan ioon laḷ, im illu ioon armej rein.
- [24] Im re naaj buñ kōn mejan jāje, im naaj āñinḷok er ṃōttan iri ñan aelõñ otemjej; im ri aelõñ ko re naaj juuri Jerusalem, ñan iien ko an ri aelõñ ko rejejet.

- [25] Im e naaj wor kakō]le ko ilo a], im ilo allōñ, im ilo iju ko; im ioon la] eñtaan an ri aelōñ ko, kab ļokjenaer kōn ñūrñūr ļojet im ño ko;
- [26] Būruen armej re addimej]lok kōn lō]ñōñ, im kōn kōljake men ko re naaj waļok ioon la]; bwe kajoor ko an lañ naaj kaṃakūt̄kūt̄ er.
- [27] Im ilo iien eo re naaj lo Nejin armej itok ilo kōdo kōn kajoor im eļap aiḃoojoj.
- [28] A ñe men kein re jino in waļok, innām koṃwin reilōñ]lok im jer: bwe epaaktok kōt]lok kom.
- [29] Im Ej kōnono būrabō] ñan er: Koṃwin lale wōjke fig im wōjke otemjej;
- [30] Kiiō ke rej ju] komij]eo im make jelā bwe iien rōk epaak.
- [31] Im barāinwōt kom, ñe komij lo men kein re waļok, koṃwin jelā bwe aelōñ in Anij epaak.
- [32] Eṃool Ij ba ñan kom, Epepen i] e jāmin jako ñan iien ejejjet men otemjej.
- [33] Lañ im la] re naaj jako: a naan ko Aō re jāmin jako.
- [34] A koṃwin kōjparok kom ñe ab obrak būruemi kōn tōr, im kadek, im inepata ko an la] i], im eṃōkaj an raan eo itok iomi āinwōt jān:
- [35] Bwe āindein e naaj itok ioon ro otemjej rej jokwe ioon mejan aolepen la].
- [36] A koṃwin ekil im jar iien otemjej, bwe koṃwin maroñ in ko jān men otemjej men ko re naaj waļok, im bwe koṃwin jutak iṃaan mejan Nejin armej.
- [37] Im ilo raan otemjej Ej katakin ilowan tempel: im ilo boñ ej diwōj ļok im pād ilo to] etan Olivet.
- [38] Im armej otemjej rej itok ñe ejibboñ ñan ippān ilowan tempel bwe ren roñjake.

JEPTA 22

[Lk 22.1] Kiiō kwōjkwōj in bred e jab leven ej epaak, etan kijoone.

- [2] Im pris ro reļap im skraib ro rej pukot kōjkan aer ṃan E; bwe re mijak armej.
- [3] Im Setan ej deļoñ ilowan Judas āt eo juon Iskariōt, e juon iaan joñoul im ruo.
- [4] Im ej ilok im pepe ippān pris ro reļap im kapen ro kōjkan an ketak E ñan er.
- [5] Im rej ṃōṃōṃō im ṃuri bwe ren leļok ṃAn ñan e.
- [6] Im ej bōk ñan būrueir, im pukot bwe en ketak E ñan er iien jar ejako.
- [7] Im raan in bred e jab leven e ar itok, ke rej katok kōn men in kijoone.
- [8] Im ej jilkin]lok Piter im Jon im ba, Koṃwin ilok im kapojak ñan kōj kwōjkwōj in kijoone, bwe jān ṃōñā.
- [9] Im re ba ñan E, Ewi ijo Kwō kōṃaan bwe kōmin kapojak?
- [10] Im E ba ñan erro, Lo, ñe kom deļoñ ilowan jikin kwelok, juon armej e naaj ioon kom, ej bōktok kein itōk: koṃwin ļoor e ilowan ṃweo ijo ej deļoñ ie.
- [11] Im kom naaj ba ñan irooj in ṃweo, Ri Kaki e ba ñan eok, Ewi ṃōjabuweo, ijo I naaj ṃōñā men in kijoone ippān ro ri kaļoorā?
- [12] Im e naaj bakajjien ñan koṃro po jabeo eļap ededeļok: ijo koṃwin kapojak.
- [13] Im rej ilok, im lo āinwōt E ar ba ñan er: im rej kapojak men in kijoone.
- [14] Im ke awa e moottok Ej jibadek im ro ri jelok ippān.
- [15] Im E ba ñan er, Eļap I ar kōṃaan ṃōñā men in kijoone i] ippemi ṃokta jān Aō eñtaan:
- [16] Bwe Ij ba ñan kom, I jāmin bar ṃōñā men i], ñan iien eo kaṃoole ilo aelōñ in Anij.
- [17] Im Ej bōk kab, im jar, im ba, Koṃwin bōk men i] im ajej ñan kom:

- [18] Bwe Ij ba ñan kom, I jãmin idaak jãn leen vain ñan iien eo aelõñ in Anij e naaj itok.
- [19] Im Ej bõk bred im jar, im ruji, im leļok ñan er, im ba, Men in ãnbwinniõ eo leļok kõn kom; komwin kõmman men in ilo ememej Eõ.
- [20] Im ãindein kab ãlikin mõñã, im ba, Kab in kallimur eo ekãal ilo daõ eo etoõr ļok kõn kom.
- [21] A lo, pein eo ej ketak Eõ ej ippa ioon tebõļ.
- [22] Bwe emool Nejin armej Ej ilok ãinwõt pepe mokta: a wo ñan armej eo e naaj ketak E.
- [23] Im re jino aer kajjitõk ippãn doon, wõn iaer e naaj kõmman men in.
- [24] Im juon akwãal ej waļok ippaer, wõn iaer e naaj ļaptata.
- [25] Im E ba ñan er, Kiñ ro an ri aelõñ ko rej irooj ioer; im ro rej irooj ioer likūt etaer ri kõmman emman.
- [26] A kom jãmin ãierwõt; a eo e kõnaan en ļaptata ippemi, en ãinwõt eo edik: im eo ej irooj en ãinwõt eo ej ri korijer.
- [27] Bwe ewi eo eļap, eo ej jibadek im mõñã, ak eo ej jermal? e jab eo ej jibadek im mõñã ke? a Ña ij pãd ippemi ãinwõt eo ej jermal.
- [28] A komeo, ro raar pãd ippa ilo men ko raar kapo Eõ kaki.
- [29] Im Ij likūt ñan kom juon aelõñ ãinwõt Jema e ar likūt ñan Eõ.
- [30] Bwe komwin mõñã im idaak iturin Aõ tebõļ ilo Aõ aelõñ; im kom naaj jijet ioon tũroon ko, im ekajet joñoul im ruo bwijin Israel.
- [31] Saimõn, Saimõn, lo, Setan e ar kõnaan bõk eok bwe en liklik eok ãinwõt wit:
- [32] A I ar jar kõn eok bwe am tõmak e jãmin jako; im ñe emõj am bar oktak, kwõn kakajoor ro jeiõm im jatiõm.
- [33] Im e ba ñan E, Irooj, ij pojak bwe in etal ippam ñan ilowan prisõn, im ñan mej.
- [34] Im E ba, Ij kõnnaanõk eok, Piter, kako e jãmin ikkũr rainin, ñan iien eo kwõ naaj kaarmejjete am jeļã Ña, alen jilu.
- [35] Im E ba ñan er, Ke I ar jilkinļok kom im ejjeļok bõjo in mAn, ak bõjo in ekkan, ak juuj ko, ewor ke ami aikuj? im re ba, Ejjeļok.
- [36] Im E ba ñan er, A kiiõ eo bõjo in mAn ippãn, en bõke, im barãinwõt bõjo in ekkan: im eo ejjeļok an jãje, en wiakake an nuknuk im wiaik juon jãje.
- [37] Bwe Ij ba ñan kom, bwe men in ar je en jejjet kõn Eõ, Im raar bwiin E ippãn ro ri jerõwiwi: bwe men ko kõn Eõ rej jejjet.
- [38] Im re ba, Irooj, lo, iiõ ruo jãje. E ba ñan er, Emõj.
- [39] Im Ej diwõjļok im ilok, ãinwõt An kõmman mokta, ñan toļ Olivet; im barãinwõt ri kaļooran rej ļoor E.
- [40] Im ke Ej i jikin eo, E ba ñan er, Komwin jar bwe komwin jab deļõñ ilo kapo.
- [41] Im E make ilok jãn er, nañin joñan kade kõn dekã, im bukwelõlõ, im jar.
- [42] Im ba, Jema eļañne kwõ kõnaan, Kwõn bõkļok kab in jãn Eõ: a en jab ankil Aõ a Am wõt.
- [43] Im juon enjeļ ej weaaktok ñan E jãn lañ, im kakajoor E.
- [44] Im ilo An eñtaan Ej kaļapļok An jar: im An menokadu ãinwõt eļap piliñliñ in bõtõktõk e wõtļok ioon bwidej.

- [45] Im ke Ej jerkak jãn jar im itok ñan ro ri kalooran, Ej lo aer kiki kôn būromōj,
- [46] Im E ba ñan er, Etke komij kiki? komwin jerkak im jar bwe komwin jab deļoñ ilo kapo.
- [47] Ke Ej kōnono, lo, juon jar, im eo etan Judas, juon iaan joñoul im ruo ej ilok iṃaer, im kepaak Jijej bwe en mejenmaik E.
- [48] A Jijej e ba ñan E, Judas, kwōj ketak Nejin armej kōn mejenma ke?
- [49] Ke ro rej pād iturin rej lo ta eo naaj kōmmane, re ba, Irooj, kōm naaj jepak kōn jāje ke?
- [50] Im juon iaer ej jepak korijeran pris eo eļap, im bukwe lojilñin anbwijmaroñan.
- [51] Im Jijej e uwaak im ba, Komwin kajekdoon men iñ. Im Ej uññūr lojilñin, im kemour e.
- [52] Im Jijej e ba ñan pris ro reļap, im kapen in tempel ro, im elder ro, ro rej itok ñan ippãn, Komij itok ke, ãinwōt jumae ri kowadoñ kōn jāje ko im made ko?
- [53] Ke I ar pād ippemi raan otemjej ilowan tempel, kom ar jab erļoki peimi jumae Eō: a awa iñ awa eo ami, im kajoor an marok.
- [54] Innām rej jibwe, im tōl ļok E, im ãñinļok E ñan ilowan iṃōn pris eo eļapļap. A Piter ej ļoor e etoļok.
- [55] Im ke eṃōj aer kōjō kijeek ikōtaan im, im jijet ippãn doon, Piter ej jijet eoļōpeir.
- [56] Im juon jiroñ ej lo e, ke ej jijet ilo meram in kijeek eo, im kallimjeke, im ba, Ƙe iñ e ar barãinwōt ippãn.
- [57] Im ej kaarmejjete, im ba; Kōrã I jab jeļã E.
- [58] Im tokãlik jidik bar juon ej lo e, im ba, Im kwe barãinwōt juon iaer. Im Piter e ba, Armej, jab.
- [59] Im e nañin juon awa tokãlik bar juon eļap an ba, Aet, eṃool, e iñ e ar barãinwōt ippãn: bwe e ri Galili.
- [60] Im Piter e ba, Armej, I jaje ta eo kwōj ba. Im kiiōkiiō ke ej kōnono, kako ej ikkūr.
- [61] Im Irooj ej oktaklik, im kallimjeke Piter. Im Piter ej keememej naan eo an Irooj, kōjkan E ar ba ñan e, ṃokta jãn kako ej ikkūr, kwō naaj kaarmejjet Eō alen jilu.
- [62] Im Piter ej diwōjļok, im eļap an jañ.
- [63] Im armej ro rej dāpij Jijej rej kajjirere kake im deñļoke.
- [64] Im ke eṃōj aer pinej mejan, rej kajjitōk ippãn, im ba, Kwōn rūkaanij, wōn eo e ar ubrare Eok?
- [65] Im bar elōñ men ko renana raar kōnono ṃae E.
- [66] Im ke ej raantak, elder ro an armej rañ, pris reļap im skraib ro, rej kweilokļok, im rej ãñintok E ilo aer pepe, im ba,
- [67] Kwe ri Kūraij ke? Kwōn kōnnaanōk kōm. Im E ba ñan er, Eļañne Ij kōnnaanōk kom, kom jāmin tōmak Eō.
- [68] Im eļañne Ij kajjitōk ippemi, kom jāmin uwaak Eō.
- [69] A jãn iien iñ Nejin armej e naaj jijet i anbwijmaroñan kajoor an Anij.
- [70] Innām er otemjej re ba, Innām Kwe nejin Anij ke? Im E ba ñan er, Komij ba wōt, bwe Ñ a E.
- [71] Im re ba, Ewi ad bar aikuj men in kōnnaan? bwe kōj, jaar roñjake jãn loñin.

JEPTA 23

[Lk 23.1] Im jar otemjej rej jutak im ãñinļok E ñan Pailiat.

- [2] Im re jino aer kinaakļok E im ba, Kōm ar lo Le in E kankeke ri aelōn in am, im bōbrae leļok owōj nian Sizar, im ba, E make Kūraij kiñ.
- [3] Im Pailat ej kajjitōk ippān im ba, kwe kiñ an ri Ju ro ke? Im E uwaak im ba, Kwōj ba wōt.
- [4] Innām Pailat e ba nian pris ro reļap im nian armej ro, I jab lo bōd ippān armej in.
- [5] Im rej kaļapļok aer ba, Ej kōmṁmakūtūt armej, im katakin i aolepen Judia, im jino jān Galili nian ijin.
- [6] Ke Pailat ej roñjake ej kajjitōk, armej in ri Galili ke?
- [7] Im ko eṁōj an jeļā bwe E doon Herod, ej jilkinļok E nian Herod eo ej barāinwōt pād i Jerusalem ilo raan kein.
- [8] Im ke Herod ej lo Jijej, eļap an lañlōn: bwe eto an kōṁnaan lo E, bwe e ar roñ kōn E, im ej katmāne bwe e naaj lo jabdewōt men in bwilōn Ej kōmṁmane.
- [9] Im ej kajjitōk ippān im elōn an in naan; a ejjeļok An uwaak e.
- [10] Im pris ro reļap im skraib ro rej jutak im eļap aer kinaakļok E.
- [11] Im Herod kab ri tariṁae ro an rej ke kajekdoṁ E, im kajjirere im kanuknuk E kōn liboror e kanooj aiboojoj, im bar jilkinļok E nian Pailat.
- [12] Im ilo raan eo Pailat im Herod rej jeraik doon: bwe ṁokta rejro kōjdate doon.
- [13] Im Pailat ej añiñintok pris ro reļap im irooj ro im armej raṁ,
- [14] Im ba nian er, Kom ar añintok armej in nian eō aīnwōt juon ej kankeke armej; im lo, nia eṁōj aō kajitūkun E iṁaan mejemi, im I ar jab lo nana ippān armej in kōn men ko komij kinaakļok E kaki:
- [15] Aet, barāinwōt Herod; bwe I ar jilkinļok kom nian e; im lo, ejjeļok men eo E ar kōmṁmane bwe En mej kake.
- [16] Innām I naaj deñļok E im kōtļok E.
- [17]
- [18] A er otemjej rej jimor laṁōj im ba, Joļok armej in, im kōtļok Barrabas nian kōm:
- [19] Juon eo kōn kabuñpata ilo jikin kwelok eo, im kōn uror, ar joļok e ilowan prisōn.
- [20] A Pailat ej kōṁnaan kōtļok Jijej, im e bar kōnono nian er:
- [21] A rej laṁōj, im ba, Debwāāl E, debwāāl E.
- [22] Im e ba nian er alen kein ak jilu Etke? ta eo enana E ar kōmṁmane? I ar jab lo ruō bwe En mej: kōn men in I naaj deñļok e, im kōtļok E.
- [23] A rej kapen aer in naan im eļap ainikieir, im rej kajjitōk bwe en debwāāl E. Im ainikieir rej bōk anjo.
- [24] Im Pailat ej liaakļok bwe en aīnwōt aer kajjitōk.
- [25] Im ej kōtļok eo kōn kabuñpata im uror ar joļok e ilowan prisōn, eo raar kōṁnaan; a ej ketak Jijej nian ankil aer.
- [26] Im ke rej añinļok E, rej jibwe juon etan Saimōn, ri Sairine, ej itok jān lujen āne, im rej likūt debwāāl eo ioon bwe en inekļok e ilokōn Jijej ļok.
- [27] Im eļap jaran armej, im kōrā raṁ raar jañ im liaajļoļ kōn E, rej ļoor E.
- [28] A Jijej ej oktaklik nian er im ba, Kōrā ro kom ri Jerusalem, koṁwin jab jañōt Eō, a koṁwin jañōt kom im ro nejōmi.

- [29] Bwe lo, raan ko re naaj itok, iumwier re naaj ba, Emõñõñõ ro re war, im loji ko raar jab kemour, im tit ko raar jab kaninnin.
- [30] Iien eo re naaj jino aer ba ñan toļ ko, Komwin buñ iom; im ñan toļ ko redik, Komwin kalbubu kōm.
- [31] Bwe eļaññe rej kōmman men kein ilo wōjke emour, ta eo re naaj kōmman ilo eo e mōrā?
- [32] Im rej añinļok bar ruo ippān, ro ri kōmman nana, bwe ren man er.
- [33] Im ke rej itok ñan jikin eo, etan ļāt in bar, ijo rej debwāāl E, im ro ri kōmman nana, juon i anbwijmaronon, im juon i anmiñin.
- [34] Innām Jijej e ba, Jema, kwōn joļok rueir; bwe re jaje ta eo rej kōmmane. Im re ajej nuknuk ko An, im kōmman kakōļje.
- [35] Im armej raņ rej jutak im alwōj. Im barāinwōt irooj ro rej kajjirere im ba, E ar ļomņor ro jet, En make ļomņoren, eļaññe E ri Kūraij an Anij, Eo E ar kāālōt E.
- [36] Im ro ri tariņae rej barāinwōt kajjirere kake, rej itok ñan ippān, im leļok vinegar ñan E,
- [37] Im ba, Eļaññe Kwe kiñ an ri Ju ro, Kwōn make ļomņorōm.
- [38] Im barāinwōt juon jeje ilōñin, E IŅ KIŅ AN RI JU RO.
- [39] Im juon iaan ro ri kōmman nana, ro rej toto, ej kajjirere kake, im ba, Eļaññe Kwe ri Kūraij, Kwōn make ļomņorōm im kōmro.
- [40] A eo juon ej uwaak e im kauwe, im ba, Kwō jab mijak Anij ke, bwe kwe ilo juon wōt liaakļok?
- [41] Aet, im ejimwe aer man kōjro; bwe jej bōk oņān jermal ko ad: a armej iņ ejjeļok An kōmanman nana.
- [42] Im E ba, Jijej, Kwōn keememej eō ñe Kwōj itok ilo Aņ aelōñ.
- [43] Im Jijej e ba ñan e, Eņool Ij ba ñan eok, Rainin kwō naaj pād ippa ilo paredais.
- [44] Im kiiō enañin joñoul im ruo awa, im marok ej pād ioon aolepen āne ñan jilu awa.
- [45] Im aļ e marok, im rōñel nuknuk ilowan tempel ej potak eoļōp.
- [46] Im ke eņōj an Jijej lamōj kōn eļap ainikien, E ba, Jema Ij lewōj Aō ilo piom: im ke eņōj An ba men iņ E mej.
- [47] Im ke Senturiōn ej lo men eo kōmmane, ej wūjtake Anij, im ba, eņool armej iņ E wānōk.
- [48] Im armej otemjej ro rej kweilokļok ñan men iņ, ke rej lo men ko kōmman, rej ubrare ubeir, im jepļaakļok.
- [49] Im ro otemjej ro jeran, im kōrā ro rej ļoor E jān Galili, rej jutak etoļok, im lale men kein.
- [50] Im lo, juon armej, etan Josep, ri pepe, armej eņman im wānōk;
- [51] (E iņ e ar jab bōk ñan būrueir ilo aer pepe im kōmman,) e ri Aremetia, jikin kwelok an ri Ju ro: ej katmāne aelōñ in Anij.
- [52] Armej iņ ej ilok ñan ippān Pailat im kajjitōk ubōn Jijej.
- [53] Im ej bōklaļļok, im kūtimi ilo nuknuk linen, im likūt e ilo lōb jekjek ilo dekā, ijo armej e jañin babu.
- [54] Im raan eo raan in kapojak, im epaak Jabōt.
- [55] Im barāinwōt kōrā, ro raar itok ippāntok jān Galili, rej ļoor ļok, im lo lōb eo, im kōjkan An ubōn babu.
- [56] Im re jepļaak, im kapoj toļaj ko im men in kapit ko; im rej kakkije iumwin raan Jabōt, āinwōt kien.

JEPTA 24

- [Lk 24.1] A ilo raan eo mokta ilo wiik, ke e raantak, rej ilok ñan lōb eo, im bōktok toļaj ko raar kapoji.
- [2] Im rej lo ejmaan eo e dāpilok jān lōb eo.
- [3] Im rej deļoñ ilowan, im jab lo ubōn Irooj Jijej.
- [4] Im ke eļap aer pere kake, lo, ruo armej rej jutak iturir, ilo nuknuk ko re jatōltōl:
- [5] Im ke rej lōļņoñ, im jirļok mejeir ñan bwidej, rejro ba ñan er, Etke komij pukot eo Emour, ippān ro re mej?
- [6] E jab pād ijin, a eņōj An jerkakpeje: komwin keememej kōjkan An kōnono ñan kom ke E ar pād wōt i Galili,
- [7] Im ba, Nejin armej, naaj ketak E ilo pein armej re nana, im naaj debwāāl E, im ilo raan eo kein ka jilu E naaj jerkakpeje.
- [8] Im rej keememej naan ko An,
- [9] Im jepļaak jān lōb eo, im kwaļok men kein otemjej ñan joñoul im juon, im ro jet otemjej.
- [10] Meri Magdalini, im Joanna, im Meri jinen Jemes, im bar jet kōrā ippaer, ro raar kwaļok men kein ñan ro ri jelōk.
- [11] Im naan kein rej waļok ñan er āinwōt naan waan, im re jab tōmak er.
- [12] A Piter e jutak im ettōr ñan lōb eo: im ke ej jirļok, ej lo nuknuk linen ko make iaer, im ej ilok ñan jikin, im bwilōñ kōn men eo e ar waļok.
- [13] Im lo, ruo iaer rej ilok ilo raan eo ñan juon jikin kwelok etan Emmeōs, eo jān Jerusalem nañin ruwalitōk mamij.
- [14] Im rejro kōnono ñan doon kōn men kein otemjej raar waļok.
- [15] Im ke rej kōnono im bwebwenato ñan doon, Jijej ej make kepaak, im etal ippaer.
- [16] A dāpij mejeir bwe ren jab kile E.
- [17] Im E ba ñan er, Ta men ko komro kōnono ñan doon, ke kom etal? Im rej bōjrak im būromōj mejeir.
- [18] Im juon iaer etan Kliopa, e uwaak im ba ñan E, Kwe ruwamāejet wōt ilo Jerusalem, im Kwaar jab jeļā men ko re waļok ijo ilo raan kein ke?
- [19] Im E ba ñan er Men rot? Im re ba ñan E, Kōn Jijej ri Nazeret, eo ri kanaan ekajoor ilo jermal im naan iṃaan mejan Anij im armej otemjej:
- [20] Im kōjkan pris ro reļap im irooj ro am raar ketak E bwe re liaakļok E ñan mej, im raar debwāāl E.
- [21] A kōm ar katmāne bwe E eo E naaj lomōoren ri Israel; aet, im bar jet jān men kein otemjej, rainin raan eo kein ka jilu jān iien eo men kein otemjej kōmṃAn.
- [22] Bar juon, jet kōrā iaan jeramiōñ raar kabwilōñ kōm, ro raar pād i lōb eo ke e jibboñ;
- [23] Im ke raar jab lo ubōn, rej itok im ba, raar lo juon visiōn an enjeļ ro, raar ba, Ej mour.
- [24] Im jet iaan ro ippān raar ilok ñan lōb eo, im lo āinwōt kōrā ro raar ba: a re jab lo E.
- [25] Im E ba ñan er, O armej ri anniabeab im e ruṃwij būruemi kōn tōmak men ko otemjej ri kanaan raar kōnono kaki!
- [26] E jab eṃman bwe ri Kūraiļ en eñtaan kōn men kein, im deļoñ ilo aiboojoj eo An ke?

- [27] Im Ej jino ippān Moses im ri kanaan otemjej, im kamelejeik ñan erro ilo Jeje ko otemjej men ko kōn E make.
- [28] Im rej kepaak jikin kwelok eo, ijo rej ilok ñan e: im Ej kōmman āinwōt E kōnaan ilok imaan lok.
- [29] A rejro dāpij E, im ba, Kwōn pād ippem: bwe ejota, im e nañin boñ. Im Ej deļoñ bwe En pād ippaer.
- [30] Im ke Ej jibadek in mōñā ippaer, Ej bōk bred, im jar, im ruje, im lelok ñan er.
- [31] Im epeļlok mejeir, im rej kile E; im E moon lok jān er.
- [32] Im rejro ba ñan doon, Būrued e jab bwil ilowad ke E ar kōnono ñan kōj ilo ial eo, im ke E ar kamelejeik Jeje ko ñan kōjro ke?
- [33] Im rej jutak ilo awa eo, im jepļaak ñan Jerusalem, im lo joñoul im juon raar kweiloklok, im ro rej pād ippaer,
- [34] Im ba, Eṃool Irooj e ar jerkakpeje im E ar weaaktok ñan Saimōn.
- [35] Im rejro kōnnaanōk men ko rej waļok ñan er ilo ial, im kōjkan aer kile E kōn ruje bred.
- [36] Im ke rej kōnono men kein, Jijej e make jutak eoļoṃpeir, im ba ñan er, Aenōmman en ippemi.
- [37] A rej mijak im lōļñoñ, im ļōmṃak bwe rej lo juon Jetōb.
- [38] Im E ba ñan er, Etke komij lokjenaami? im etke kajjitōk rej waļok ilo būruemi?
- [39] Komwin lale peiō im neiō, bwe Ņa make: komwin likūt peōmi ioō im lo; bwe jetōb ejjelok kanniōkin im diin, āinwōt komij lo ippa.
- [40] Im ke eṃōj An kōnono men in, Ej kwaļok pein im neen ñan er.
- [41] Im ke re jab tōmak kōn lañlōñ, im rej bwilōñ, Ej ba ñan er, Ewor ke mōttan kijemi ippemi?
- [42] Im rej lelok ñan E mōttan ek kōmat.
- [43] Im Ej bōke im mōñā imaan mejeir.
- [44] Im E ba ñan er, Naan kein naan ko Aō I ar kōnono ñan kom, ke I kar pād ippemi, bwe eṃman ren jejjet men otemjej, men ko ar je ilo kien Moses, im ilo ri kanaan ro, im ilo Sam ko kōn Eō.
- [45] Innām Ej kapellok aer ļoļātāt, bwe ren jeļā Jeje ko,
- [46] Im ba ñan er, Āindein ar je, bwe ri Kūraij e naaj eñtaan, im jerkakpeje jān re mej ilo raan kein ka jilu:
- [47] Im bwe naaj kwaļok ukeļok im jeorlok jerowiwu ko ilo Etan ñan ri aelōñ otemjej, jinoin jān Jerusalem.
- [48] Im kom ri kōnnaan kōn men kein.
- [49] Im, lo, Ij jilkinwōj kallimur an Jema iomi; a komwin kattar i ilo jikin kwelok Jerusalem, ñan tōr eo kajoor jān lañ ej imwe kom.
- [50] Im ej āñinlok er ñan ikijjien Betani, im Ej kotaki pein im jare er.
- [51] Im ke Ej jare er, ej ilok jān er, im bōk lōñlok E ilo lañ.
- [52] Im rej kabuñ ñan E, im jepļaak ñan Jerusalem ilo eļap lañlōñ;
- [53] Im iien otemjej rej pād ilo tempel, wūjtake im jar ñan Anij.

JON

JEPTA 1

- [Jn 1.1] Ilo jinoin Naan eo, im Naan ippān Anij, im Naan Anij.
- [2] E in ilo jinoin ippān Anij.
- [3] E ar kōmman men otemjej; im ejjelok men eo E ar jab kōmmane, men eo emōj kōmanmane.
- [4] Mour ilo E, im mour meram an armej ro.
- [5] Im meram ej romaak ilo marok, im marok e ar jab bōk e.
- [6] Ar jilkintok juon armej jān Anij, im etan Jon.
- [7] E in ej itok kōn kōnnaan, bwe en kōnnaan kōn Meram, bwe armej otemjej ren tōmak kōn e.
- [8] E jab Meram eo, a e ar itok bwe en kōnnaan kōn Meram eo.
- [9] Eo Meram emool, ej kameram armej otemjej, im itok ñan la].
- [10] E ar pād i la], im E ar kōmanman la], im la] e jaje E.
- [11] E ar itok ñan men ko An, im ro doon raar jab bōk E.
- [12] A ro raar bōk E, E ar lelok ñan er bwe ren erom nejin Anij, ñan ro rej lōke Etan:
- [13] Ro raar lotak, jab jān bōtōktōk jab jān ankilaan kanniōk, jab jān ankilaan armej, a jān Anij.
- [14] Im Naan e ar kanniōk im pād ipped, (im jaar kallimjek An aiboojoj, aiboojoj āinwōt an juon wōt ri keotak jān Jemen) eobrak kōn jouj im mool.
- [15] Jon ej kōnnaan kōn E, im lamōj, im ba, E in eo I ar kōnono kake, Eo ej itok ālikū emman jān eō; bwe E kar mokta jān eō.
- [16] Bwe kōj otemjej jaar bōk jān An eobrak im jouj ioon jouj.
- [17] Bwe ar letok kien kōn Moses, a jouj im mool raar itok kōn Jijej Kūraij.
- [18] Ejjelok armej e ar lo Anij jab dewōt iien; juon wōt Nejin E ar keotak, Ej pād i ubōn Jemen, E ar kwa]ok E.
- [19] Im men in Jon ej kōnnaan, ke ri Ju ro raar jilkin]ok ñan e pris ro im ro ri Livai jān Jerusalem bwe ren kajjitōk ippān, Wōn kwe?
- [20] Im ej kwa]ok, im jab kaarmejjete; im ej kwa]ok, Ña I jab ri Kūraij.
- [21] Im rej kajjitōk ippān, Innām ekōjkan? Kwōj Elaija ke? Im e ba, I jab e. Kwe ri kanaan eo ke? Im e uwaak, Jab.
- [22] Innām re ba ñan e, Wōn kwe, bwe kōmin uwaak ro raar jilkintok kōm. Ta eo kwōj ba kōn kwe?
- [23] E ba, Ña ainikien juon ej lamōj i āne jemaden, Kwōn kajimwe ial an Irooj, āinwōt Aiseia ri kanaan e ar ba.
- [24] Im ro jilkintok er jān Parisi ro.
- [25] Im rej kajjitōk ippān, im ba ñan e, Innām etke kwōj peptaij, e]añne kwō jab ri Kūraij, ak Elaija, ak ri kanaan eo?
- [26] Jon ej uwaak er im ba, Ña ij peptaij kōn dān; a juon ej jutak eo]ōpemi, Eo kom jaje;
- [27] Aet Eo ej itok ālikū, kworōn ballin neen I patkake bwe in je]ate.

- [28] Emōj kōmanman men kein ilo Betani i reear in Jordan, ijo Jon e ar peptaij ie.
- [29] Raan eo ilju Jon ej lo Jijej itok ñan ippān, im ba, Lo, Łaam an Anij, Eo ej bōkļok an laļ jerowiwī!
- [30] E iņ eo ij ba kake, Ālikū juon emman Ej itok eutiej jān eō; bwe E ar mokta jān eō.
- [31] Im I ar jaje E; a bwe kōn kwaļok E ñan Israel, kōn men iņ ij itok im peptaij ilo dān.
- [32] Im Jon ej kōnnaan im ba, I ar lo Jetōb kālaļtak, āinwōt muļe, jān lañ, im Ej pād ioon.
- [33] Im I ar jaje E; a Eo e ar jilkintok eō bwe in peptaij ilo dān, e ar ba ñan eō, Ioon Eo kwō naaj lo Jetōb kālaļtak, im pād ioon, e iņ eo ej peptaij ilo Jetōb Kwōjarjar.
- [34] Im I ar lo im kōnnaan bwe E iņ Nejin Anij.
- [35] Bar juon, raan eo ilju, Jon e jutak, im ruo iaan ri kaļooran;
- [36] Im ej kallimjek Jijej ke ej etetal, im e ba, Lo, Łaam an Anij!
- [37] Im ro ri kaļooran, erro rej roñ an kōnono, im rej ļoor Jijej.
- [38] Innām Jijej ej oktak im lo aer ļoor E, im E ba ñan er, Ta eo komro pukot e? Re ba ñan E, Rabbai (ukōtōn naan iņ Ri Kaki) Kwōj pād ia?
- [39] E ba ñan er, Itok im kom naaj loe. Kōn men iņ rej itok im lo ijo Ej pād ie, im pād ie, im pād ippān ilo raan eo; bwe enañin emān awa.
- [40] Juon iaan ro raar roñ an Jon kōnono, im ļoor E, e Andru, jaten Saimōn Piter.
- [41] Mokta ej pukot Saimōn jein, im ba ñan e, Kōm ar lo Messaia, (ukōtōn naan Kūrai.)
- [42] Ej āñintok e ñan Jijej. Ke Jijej ej lo e, E ba, Kwe Saimōn nejin Jon, naaj likūt etaņ Sipas (ukōtōn naan iņ Piter.)
- [43] Ilo raan eo ilju Jijej e kōņaan ilok ñan Galili, im Ej lo Pilip: im Jijej e ba ñan e, Kwōn ļoor Eō.
- [44] Im Pilip e ri Betseida, jikin kwelok an Andru im Piter.
- [45] Pilip ej lo Natanael, im ba ñan e, Kōm ar lo E, eo Moses ilo kien, im ro ri kanaan raar je kake, Jijej ri Nazeret, nejin Josep.
- [46] Im Natanael e ba ñan e, Jabdewōt men eo emman ej itok jān Nazeret ke? Pilip e ba ñan e, Kwōn itok im lo e.
- [47] Jijej ej lo Natanael itok ñan ippān, im E ba ñan e, Lo, ri Israel emool, ejjeļok moņ ippān!
- [48] Natanael e uwaak im ba ñan E, Kwō jeļā ña jān ia? Jijej e uwaak im ba ñan e, mokta jān an Pilip kūrtokeok, ke Kwar pād iumwin wōjke fig, I ar lo eok.
- [49] Natanael e uwaak im ba ñan E, Rabbai, Kwe Nejin Anij; Kwe kiñ in Israel.
- [50] Jijej e uwaak im ba ñan e, Bwe Ij ba ñan eok, I ar lo eok iumwin wōjke fig, kwōj tōmak ke? kwō naaj lo men ko reļap jān men kein.
- [51] Im E ba ñan e, Emool, emool, Ij ba ñan eok, Tokālik kwō naaj lo lañ epelļok, im enjeļ in Anij rej wanlōñļok im wanlaļtak ioon Nejin armej.

JEPTA 2

- [Jn 2.1] Im raan eo kein ka jilu juon pālele ilo Kena in Galili; im jinen Jijej ej pād ijo.
- [2] Im rej jiroñ Jijej im ro ri kaḷooran, bwe ren itok ñan pālele eo.
- [3] Im ke e mat wain, Jinen Jijej e ba ñan E, Ejjeḷok wain ippaer.
- [4] Jijej e ba ñan e, Kōrā, ta eo ippa im ippam? awa eo Aō e jañin itok.
- [5] Jinen e ba ñan ro ri korijer, Men eo jabdewōt Ej ba ñan kom, koḿwin kōmmanmane.
- [6] Im jiljino jāpe dekā in dān rej pād ijo, āinwōt manit in karreo an ri Ju ro, joñoul im jiljilimjuon ak roñoul im ḷalem galōn ilo juon ñe ej lōñ.
- [7] Jijej e ba ñan er, Koḿwin teiñ jāpe in dān ko kōn dān. Im rej teiñi im lōñ.
- [8] Im Ej ba ñan er, Koḿwin katōorḷok kiiō, im bōkḷok ñan irooj in kwōjkwōj. Im rej bōkḷok.
- [9] Ke eḿōj an irooj in kwōjkwōj edjoñ dān erom wain, im e jaje jān ia eo, (a ro ri korijer raar katōorḷok dān re jeḷā) irooj in kwōjkwōj ej kūrtoḷok ḷeo pālele,
- [10] Im ba ñan e, Armej otemjej rej letok wain eo eḿman ḿokta; im ke eḷap aer idaak, innām eo enana; a Kwar kōjparok wain eo eḿman ñan iien in.
- [11] Men in jino in kakōḷḷe ko An, Jijej ej kōmmane ilo Kena in Galili, im kwaḷok An aibojoj; im ri kaḷooran rej tōmak E.
- [12] Ālikin men in Ej wanlaḷtak ñan Kaperneum, E, im jinen, im ro jaten, im ro ri kaḷooran: im rej pād ijo jab elōñ raan.
- [13] Im epaak kwōjkwōj in kijoone an ri Ju ro; im Jijej ej wanlōñḷok ñan Jerusalem.
- [14] Im Ej lo ilowan tempel ro rej wiakake kau koḿaan im jiiip ko im ḿule ko, im ro rej wia kōn ḿAn rej jiijet.
- [15] Im ke eḿōj An kōmman kein deñḷok kool, Ej kadiwōjḷok er otemjej jān tempel, im jiiip ko, im kau koḿaan ko; im lutōkḷok ḿAn an ri wia kōn ḿAn, im ukōji tebōḷ ko aer;
- [16] Im E ba ñan ro rej wiakake ḿule ko, Koḿwin bōkḷok men kā jān ije; koḿwin jab kōmman inōn Jema inōn wia.
- [17] Im ri kaḷooran rej keememej bwe ar je, Kijejeto kōn ḿweo inōm e naaj kañ Eō.
- [18] Innām ri Ju ro re uwaak im ba ñan E, Ta kakōḷḷe eo Kwōj kwaḷok ñan kōm bwe Kwōj kōmman men kein?
- [19] Jijej e uwaak im ba ñan er, Koḿwin koḷkure tempel in, im iuḿwin jilu raan I naaj kejerkak e.
- [20] Innām ri Ju ro re ba, Tempel in raar kōmmane iuḿwin eñoul im jiljino iiō, im Kwō naaj kejerkak e iuḿwin jilu raan ke?
- [21] A E ar kōnono kōn tempel eo ānbwinnen.
- [22] Innām ke eḿōj An jerkakpeje jān ro re mej, ri kaḷooran rej keememej E ar ba men in: im rej tōmak Jeje ko, im naan eo Jijej e ar ba kake.
- [23] Im ke Ej pād i Jerusalem ilo kwōjkwōj in kijoone, ilo raan in kwōjkwōj elōñ rej lōke Etan, ke rej lo kakōḷḷe ko E ar kōmman.
- [24] A Jijej e jab make lōke E ñan er, bwe E jeḷā armej otemjej,

[25] Im ejjelok An aikuj bwe armej en konnaan kon armej; bwe E jelā men eo ilowan armej.

JEPTA 3

[Jn 3.1] Im juon armej iaan Parisi ro, etan Nikodimōs, Irooj in ri Ju ro:

- [2] E in e ar itok ñan E ilo boñ im ba ñan E, Rabbai, kōm jelā bwe Kwe ri Kaki itok jān Anij: bwe ejjelok armej ej maroñ in kōmanman kakōlle ko kwōj kōmman Ejañne Anij e jab pād ippān.
- [3] Jijej e uwaak im ba ñan e, Eṃool, eṃool, Ij ba ñan eok, Ejañne armej e jab bar lotak, e jāmin lo aelōñ in Anij.
- [4] Nikodimōs e ba ñan E, Ekōjkan armej e maroñ lotak ñe e rūtto? e maroñ bar deļoñ ilowan lojien jinen, im bar lotak ke?
- [5] Jijej e uwaak, Eṃool, eṃool, Ij ba ñan eok, Ejañne armej e jab lotak jān dān im Jetōb, e jab maroñ deļoñ ilo aelōñ in Anij.
- [6] Men eo ej lotak jān kanniōk e kanniōk, im men eo ej lotak jān Jetōb e jetōb.
- [7] Kwōn jab bwilōñ bwe Ij ba ñan eok, Eṃman komwin bar lotak.
- [8] Kōto ej ukwi ijo e kōṇaan, im kwōj roñ an tōñetōñ, a kwō jaje kake ijo ej itok ie tok, im ijo ej ilok ie lok; āindein ro otemjej rej lotak jān Jetōb.
- [9] Nikodimōs ej uwaak im ba ñan E, Ekōjkan an maroñ men kein?
- [10] Jijej e uwaak im ba ñan e, Kwe ri kaki in Israel, im jab jelā men kein ke?
- [11] Eṃool, eṃool, Ij ba ñan eok, Kōmij kōnono men eo kōm jelā, im konnaan men eo kōm ar loe, im kom jab bōk am konnaan.
- [12] Ejañne I ar kwaļok ñan kom men ko an laļ, im kom jab tōmak, ekōjkan ami tōmak, ejañne Ij kwaļok ñan kom men ko an lañ.
- [13] Im ejjelok armej e ar wanlōñlok ñan lañ, a Eo e ar wanlaļtak jān lañ, Nejin armej Ej ilo lañ.
- [14] Im āinwōt Moses e ar lelōñlok jedpānit eo ilo āne jemaden, āindein naaj lelōñlok Nejin armej:
- [15] Bwe jabdewōt eo ej tōmak ilo E en mour indeeo.
- [16] Bwe kōn an Anij yokwe laļ, E ar letok juon wōt Nejin E ar keotak, bwe jabdewōt eo ej lōke E en jab jako, a en mour indeeo.
- [17] Bwe Anij e ar jab jilkintok Nejin ñan laļ bwe En ekajet laļ, a bwe laļ en mour kōn E.
- [18] Jab ekajet eo ej lōke E; a eṃōj ekajet eo e jab lōke E, bwe e ar jab lōke etan juon wōt Nejin Anij e ar keotak.
- [19] Im men in ekajet eo, bwe meram e moottok ñan laļ, im armej rej yokwe marok eļap jān meram, bwe jermal ko aer renana.
- [20] Bwe jabdewōt eo ej kōmanman nana ej kōjdate meram, im e jab itok ñan meram ñe ab kauwe jermal ko an.
- [21] A eo ej kōmanman ṃool, ej itok ñan meram, bwe en alikkar jermal ko an, bwe ar kōmman ilo Anij.

- [22] Ālikin men kein Jijej im ro ri kaḷooran rej itok ñan āne Judia; im Ej pād ijo, im peptaij.
- [23] Im barāinwōt Jon ej peptaij ilo Inon epaak Selim, bwe eḷap dān ijo: im rej itok im peptaij.
- [24] Bwe jañin joḷok Jon ṅa ilowan prisōn.
- [25] Innām e waḷok juon akwāāl ippān ro ri kaḷooran Jon im juon ri Ju kōn karreo.
- [26] Im rej itok ñan Jon, im ba ñan e, Rabbai, Eo e ar pād ippam i reear in Jordan, Eo kwōj kōnnaan kake, lo, E in ej peptaij, im armej otemjej rej ilok ñan ippān.
- [27] Jon ej uwaak im ba, Armej e jab maroñ in bōk jabdewōt, eḷañne ar jab leḷok ñan e jān lañ.
- [28] Kom make kōnnaan kōn eō, bwe I ar ba, I jab ri Kūrai, a bwe jilkintok eō mōkta jān E.
- [29] Eo ippān lio ej ḷeo pāleen; a jeran ḷeo, eo e jutak im roñjake, eḷap an lañlōñ kōn ainikien ḷeo: innām eñin aō lañlōñ e obrak.
- [30] E naaj ḷapḷok, a ña I naaj dikḷok.
- [31] Eo ej itok jān lañ E utiej jān otemjej: eo e jān laḷ e ri laḷ, im ej kōnono kōn laḷ: Eo ej itok jān lañ E utiej jān otemjej.
- [32] Im men eo e ar loe im roñjake, men in Ej kōnnaan kake, im ejjeḷok armej ej bōk An kōnnaan.
- [33] Eo e ar bōk An kōnnaan, ej sil men in bwe Anij eṃool.
- [34] Bwe Eo Anij e ar jilkintok Ej kōnono naan ko an Anij: bwe Anij e jab letok Jetōb ñan E kōn joñak.
- [35] Jeman ej yokwe Nejin, im E ar letok men otemjej ilo pein.
- [36] Eo ej lōke Nejin, mour indeeo an: im eo e jab lōke Nejin e jāmin lo mour: a illu an Anij ej pād ion.

JEPTA 4

- [Jn 4.1] Innām ke Irooj e jeḷā ekōjkan Parisi ro raar roñ bwe Jijej ej kōmman im peptaij elōñ ri kaḷooran jān Jon,
- [2] (Meñe Jijej e make jab peptaij, a ro ri kaḷooran)
- [3] Ej ilok jān Judia, im bar ilok ñan Galili.
- [4] Im eṃman En deblōk Sameria.
- [5] Innām Ej itok ñan jikin kwelok i Sameria, etan Saikar, epaak bukwōn eo Jekōb e ar leḷok ñan Josep nejin.
- [6] Im aebōj an Jekōb ej pād ie. Innām Jijej bwe Ej mōk kōn An etetal, Ej jijet iturin aebōj eo: im enañin joñoul im ruo awa.
- [7] Juon kōrā in Sameria ej itok bwe en itōk: Jijej ej ba ñan e, Kwōn letok ñan Eō bwe In idaak.
- [8] Bwe ri kaḷooran raar ilok ñan jikin kwelok eo bwe ren wiaik mōñā.
- [9] Innām kōrā in Sameria eo e ba ñan E, Etkē Kwe ri Ju kwōj kajjitōk dān in idaak jān eō, ña kōrā in Sameria? (Bwe ri Ju ro im ro ri Sameria re jab kōmṃao ippān doon.)

- [10] Jijej e uwaak im ba ñan e, Eļañņe Kwar jeļā men eo Anij ej letok, im Eo ej ba ñan eok, Kwōn letok ñan Eō bwe In idaak; kwō naaj kar kajjitōk ippān, im E naaj kar lewōj ñan eok dān in mour.
- [11] Kōrā eo e ba ñan E, Irooj, ejjeļok kein itōk ippam, im aebōj iņ e m̄wilal; innām jān ia Aṃ dān in mour?
- [12] Kwe eļap jān jemed Jekōb, eo e ar letok ñan kōm aebōj iņ, im e make idaak, im ro nejnin im kidu ko an ke?
- [13] Jijej e uwaak im ba ñan e, Ro otemjej rej idaak dān iņ re naaj bar maro.
- [14] A jabdewōt eo ej idaak dān eo I naaj leļok ñan e, e jāmin bar maro indeeo: a dān eo I naaj leļok ñan e, e naaj aebōj ilo e im naaj t̄ortok ñan mour indeeo.
- [15] Kōrā e ba ñan E, Irooj, kwōn letok dān iņ ñan eō, bwe in jab maro, im jab iten itōk ijin.
- [16] Jijej ej ba ñan e, Kwōn ilem kūrtoke leo pāliom, im itok ijin.
- [17] Kōrā e uwaak im ba, Ejjeļok leo pāleō. Jijej e ba ñan e, Eṃool aṃ ba, Ejjeļok leo pāleō:
- [18] Bwe kar ļalem leo pāliom; im eo ej pād ippam kiiō e jab leo pāliom; ilo men in eṃool aṃ ba.
- [19] Kōrā ej ba ñan E, Irooj, ij kab kile Kwe ri kanaan.
- [20] Ro jemem raar kabuñ ion toļ iņ; im kom ba, Ilo Jerusalem ijo armej ren kabuñ ie.
- [21] Jijej ej ba ñan e, Kōrā, kwōn tōmak Eō, awa ej itok, ñe kom jāmin kabuñ ñan Jememi ion toļ iņ, ak ilo Jerusalem.
- [22] Komij kabuñ ñan men eo kom jaje kake: kōm jeļā eo kōmij kabuñ ñan e, bwe mour jān ri Ju ro.
- [23] Awa ej itok, im kiiō, ñe ri kabuñ reṃool re naaj kabuñ ñan Jemeir ilo Jetōb im ilo ṃool: bwe Jemeir ej pukot ro āierwōt bwe ren kabuñ ñan E.
- [24] Anij e Jetōb: im ro rej kabuñ ñan E, ren kabuñ ilo Jetōb im ilo ṃool.
- [25] Kōrā e ba ñan E, I jeļā bwe Messaia ej itok, (eo etan Kūraj): ñe Ej itok, E naaj kwaļok men otemjej ñan kōm.
- [26] Jijej e ba ñan e, Ņa E, Ņa Ij kōnono ñan eok.
- [27] Im ilo iien iņ ri kaļooran rej itok, im bwilōñ bwe Ej kōnono ippān kōrā; a ejjeļok armej e ba, Ta eo Kwōj pukot? ak, Etke Kwōj kōnono ippān?
- [28] Innām kōrā eo ej likūt kein itōk, im ej ilok ñan jikin kwelok, im ba ñan armej raņ.
- [29] Komwin itok, im lo armej eo e ar kwaļok ñan eō men otemjej I ar kōṃṃAn: e maroñ bwe E iņ ri Kūraj ke?
- [30] Innām rej ilok jān jikin kwelok, im itok ñan ippān.
- [31] Im ilukwōn iien iņ, ri kaļooran rej kajjitōk ippān, im ba, Rabbai, Kwōn ṃōñā.
- [32] A E ba ñan er, Kijiō bwe In ṃōñā, men eo kom jaje kake.
- [33] Kōn men in, ri kaļooran re ba ñan doon, Jabdewōt armej e ar bōktok ñan E bwe En ṃōñā ke?
- [34] Jijej ej ba ñan er, Kijiō bwe in kōṃanṃan ankilaan Eo e ar jilkintok Eō, im bwe In kaṃōj]lok jermal eo An.

- [35] Kom jab ba ke, Ñe emãñ allõñ, innãm iien madmõd? lo, Ij ba ñan kom, Komwin reiļok, im lale jikin kallib ko; bwe kiiõ remouj ilo iien madmõd.
- [36] Im eo ej madmõd ej bõk oñãn, im ej ãintok leen ñan mour indeeo: bwe eo ej jeor im eo ej madmõd ren jimor lañlõñ.
- [37] Bwe ilo men in emool naan eo, Juon ej jeor, im bar juon ej madmõd.
- [38] I ar jilkinļok kom bwe komwin madmõd ijo kom ar jab jermal ie: bar jet raar jermal, im komij deļoñ ilo aer jermal.
- [39] Im elõñ iaan ro ri Sameria ilo jikin kwelok eo rej tõmak E kõn naan an kõrã, eo e ar kõnnaan, E ar kwaļok ñan eõ men otemjej I ar kõmmAn.
- [40] Innãm ke ri Sameria rej itok, rej akweļap ñan E bwe En pãd ippaer: im Ej pãd ijo iumwin ruo raan.
- [41] Im bar elõñ rej tõmak kõn An in naan;
- [42] Im re ba ñan kõrã eo, Kiiõ kõm tõmak, jab kõn aṃ kõnono; bwe kõm ar make roñjake, im jeļã bwe emool E in Ri Lomõoren laļ.
- [43] Im ilokõn ruo raan Ej ilok jãn ijo, im ilok ñan Galili.
- [44] Bwe Jijej e make kõnnaan, bwe ejjeļok naan in nõbar ri kanaan ilo ãne eo an.
- [45] Innãm ke Ej itok ñan Galili, ri Galili rej bõk E, bwe raar lo men otemjej E ar kõmmAn i Jerusalem ilo kwõjkwõj: bwe barãinwõt raar ilok ñan kwõjkwõj.
- [46] Innãm Jijej ej bar itok ñan Kena in Galili, ijo E ar kõmmAn dãn erom wain. Im juon irooj ej pãd ijo, nejin emmaan e nañinmej i Kaperneum.
- [47] Ke ej roñ bwe Jijej e ar itok jãn Judia ñan Galili, ej ilok ñan ippãn, im akweļap ñan E bwe En wanlaļtak im kemour nejin, bwe e nañinmej wõt jidik.
- [48] Innãm Jijej ej ba ñan e, Eļãñne kom jab lo kakõļle ko im men in bwilõñ ko, kom jãmin tõmak.
- [49] Irooj e ba ñan E, Irooj, kwõn wanlaļtak mokta jãn an nejiõ mej.
- [50] Jijej ej ba ñan e, Kwõn ilok, nejõṃ emour. Im armej ej tõmak naan eo Jijej e ar ba ñan e, im ej ilok.
- [51] Im ke ej wanlaļ, ri korijeran rej ioon e, im kõnnaanõk e, im ba, Nejõṃ emour.
- [52] Innãm ej kajjitõk ippaer, Jete awa e jino an mourļok? Im re ba ñan e, Inne ke juon awa nañinmej in bwil ejako jãn e.
- [53] Innãm jemen e jeļã, bwe ilo awa eo, iien eo Jijej e ar ba ñan e, Nejõṃ emour: im e make tõmak kab nukwin otemjej.
- [54] Eñin bar kein ka ruo kakõļle Jijej ej kõmmane, ke Ej itok jãn Judia ñan Galili.

JEPTA 5

- [Jn 5.1] ãlikin men kein juon kwõjkwõj an ri Ju ro; im Jijej ej wanlõñļok ñan Jerusalem.
- [2] Im ilo Jerusalem epaak aor in jiiip juon lwe, rej likūt etan ilo naan in Hibru Betesda, ļalem an portiko.
- [3] Ilo er elõñ armej iaan ro re mõjṃo, im re pilo, im re kūrro, im re akã rej babu.
- [5] Im juon armej ej pãd ijo, e ar nañinmej iumwin jilñuul im ruwalitõk iiõ.
- [6] Ke Jijej ej lo an babu, im kile bwe eto an pãd im ãinwõt, Ej ba ñan e, Kwõ kõṃnaan bwe kwõn mour ke?

- [7] Leo e nañinmej ej uwaak E, Irooj, ejjelok armej ippa, ñe dãn limaajñoño, bwe en likūt eō ilowan lwe: a ñe ij deļoñ, bar juon ej tuwaak mokta jãn eō.
- [8] Jijej ej ba ñan e, Kwõn jerkak, im bõk kiniõm im etal.
- [9] Im emõkaj an armej eo mour, im bõk kinien, im etal: im raan eo raan in Jabõt.
- [10] Innãm ri Ju ro re ba ñan eo e kar mour, Rainin Jabõt: im e jab mälím bwe kwõn bõk kiniõm.
- [11] A ej uwaak, Eo e ar kemour eō, E in e ar ba ñan eō, Kwõn bõk kiniõm im etal.
- [12] Innãm rej kajjitõk ippãn, Wõn armej eo e ar ba ñan eok, Kwõn bõk kiniõm im etal?
- [13] A leo e ar mour e jaje wõn eo: bwe Jijej e ar make ļok jãn ijo, im elõñ armej rej pãd ie.
- [14] Tokãlik Jijej ej loe ilowan tempel, im E ba ñan e, Lo, kwõj mour wõt: kwõn jab bar kõmanman nana, ñe ab ļapļok an nana itok ñan eok.
- [15] Armej eo ej ilok, im kõnnaanõk ri Ju ro, bwe Jijej eo E ar kemour e.
- [16] Im kõn men eo ri Ju ro rej matõtõre Jijej, bwe E ar kõmman men kein ilo Jabõt.
- [17] A Jijej e uwaak er, Jema ej jermal ñan iien in, im Ña Ij jermal.
- [18] Innãm kõn men in ri Ju ro eļapļok aer pukot bwe ren man E, bwe E ar jab kõkkure wõt raan Jabõt, a barãinwõt Ej ba Anij e Jemen, im make kõmman E ãinwõt Anij.
- [19] Innãm Jijej e uwaak im ba ñan er, Eṃool, eṃool, Ij ba ñan kom, Nejin e jab make maroñ kõmanman jabdewõt, a men eo Ej lo Jemen kõmmane; bwe men ko jabdewõt Ej kõmman, men kein barãinwõt Nejin ej kõmanman ãindein.
- [20] Bwe Jemen ej yokwe Nejin, im kwaļok ñan E men otemjej Ej make kõmanman: im E naaj kwaļok ñan E jermal ko reļap jãn men kein, bwe komwin bwilõñ.
- [21] Bwe ãinwõt Jemen ej kajerkakpeje ro re mej, im kemour er; ãindein barãinwõt Nejin e naaj kemour eo E kõnaan.
- [22] Bwe Jemen e jab ekajet armej, a Ej likūt ekajet otemjej ñan Nejin:
- [23] Bwe armej otemjej ren koutiej Nejin, ãinwõt rej koutiej Jemen. Eo e jab koutiej Nejin, e jab koutiej Jemen eo E ar jilkintok.
- [24] Eṃool, eṃool, Ij ba ñan kom, Eo ej roñjake Aõ in naan, im lõke Eo e ar jilkintok Eō, an mour indeeo, im e jãmin itok ilo ekajet; a e ar ilok jãn mej ñan lowaan mour.
- [25] Eṃool, eṃool, Ij ba ñan kom, Awa ej itok, im e moottok, ñe ro re mej re naaj roñ ainikien Nejin Anij: im ro rej roñjake re naaj mour.
- [26] Bwe ãinwõt an Jemen mour ej ilo E, ãindein barãinwõt E ar leļok ñan Nejin bwe an mour en ilo E:
- [27] Bwe E ar leļok kajoor ñan E bwe En kõmanman ekajet, bwe E nejin armej.
- [28] Komwin jab bwilõñ kõn men in; bwe awa ej itok, ilo eo ro otemjej rej pãd ilo lõb ko, re naaj roñ ainikien,
- [29] Im naaj diwõtjtok; ro raar kõmman emman, ñan jerkakpeje in mour: im ro raar kõmanman nana, ñan jerkakpeje in ekajet.

- [30] I jab make maroñ in kōmanman men eo jabdewōt: ãinwōt Ij roñ Ij ekajete; im Aō ekajet e wānōk: bwe I jab pukot ankil Aō wōt, a ankilaan Jema eo E ar jilkintok Eō.
- [31] Eļañne Ña Ij make kōnnaan kōn Eō, Aō kōnnaan e jab mool.
- [32] Bar juon Ej kōnnaan kōn Eō; im I jeļā bwe kōnnaan eo Ej kōnnaan kōn Eō emool.
- [33] Kom ar jilkinļok ñan Jon, im e ar kōnnaan kōn mool.
- [34] A kōnnaan Ij bōke e jab jān armej: a Ij kōnono men kein bwe komwin mour.
- [35] E ar ļaam eo ej urur im romaak; im ewor iien kom ar kōnaan lañlōñ ilo an meram.
- [36] A ewor kōnnaan kōn Eō eļap jān eo an Jon, bwe jermal ko Jema e ar letok ñan Eō bwe In kaṃōjļok er, jermal kein Ij kōmman, rej kōnnaan kōn Eō, bwe Jema e ar jilkintok Eō.
- [37] Im Jema eo E ar jilkintok Eō, E ar kōnnaan kōn Eō. Kom ar jab roñ ainikien, ak lo wāween jabdewōt iien.
- [38] Im naan eo An e jab pād ilo kom; bwe Eo E ar jilkintok E, kom jab tōmak E.
- [39] Komij pukot ilo Jeje ko, bwe ilo er komij ļōmņak ami mour indeeo; im kein rej kōnnaan kōn Eō.
- [40] Im kom jab kōnaan itok ñan ippa, bwe komwin bōk mour.
- [41] I jab bōk nōbar jān armej raņ.
- [42] A I jeļā kom, bwe yokwe Anij e jab pād ilo kom.
- [43] Ij itok ilo etan Jema, im kom jab bōk Eō: eļañne bar juon e naaj itok ilo etan make, kom naaj bōk e.
- [44] Ekōjkan ami maroñ in tōmak, komij bōk nōbar jān doon, im jab pukot nōbar jān Anij E wōt.
- [45] Komwin jab ļōmņak bwe I naaj kinaakļok kom ñan Jema: juon ej kinaakļok kom, Moses eo komij kōjatdikdik kom kake.
- [46] Bwe eļañne kom ar tōmak Moses, kom naaj kar tōmak Eō, bwe e ar jeje kōn Eō.
- [47] A eļañne kom jab tōmak jeje ko an, ekōjkan ami naaj tōmak naan ko Aō?

JEPTA 6

- [Jn 6.1] Ālikin men kein, Jijej ej ilok ñan loṃalo jab uweo, loṃalo in Galili, bar juon etan Taibiriōs.
- [2] Im eļap jar rej ļoor E, bwe raar lo kakōļle ko An E ar kōmman ñan ro raar nañinmej.
- [3] Im Jijej ej wanlōñļok ioon toļ, im jijet ijo ippān ro ri kaļooran.
- [4] Im epaak kwōjkwōj in kijoone, kwōjkwōj an ri Ju ro.
- [5] Im ke Jijej ej reiļok, im lo eļap jar rej itok ñan E, E ba ñan Pilip, Je naaj wiaik bred jān ia, bwe rein ren ṃōñā?
- [6] Im E ba men in bwe En mālejjoñ e: bwe E make jeļā men eo E naaj kōmmane.
- [7] Pilip e uwaak E, Rūbukwi silliñ kōn wia bred e jab bwe kōn er, bwe jabdewōt iaer en bōk jidik.
- [8] Juon iaan ri kaļooran, Andru jaten Saimōn Piter, e ba ñan E,

- [9] Juon ļadik ijin, ļalem ioon bred barli ippān, im ruo ek; a ewi tokjān men kein ippān elōñ armej?
- [10] Jijej e ba, Komwin kajijet armej raņ. Im elōñ wūjooj ijo. Innām armej rej jijet, bwinier nañin ļalem tōujin.
- [11] Im Jijej ej bōk ioon bred ko; im ke eņōj An jar, Ej ajeļ ñan ro rej jijet: im barāinwōt ek ko āinwōt aer kōņaki.
- [12] Ke re mat, E ba ñan ro ri kaļooran, Komwin aini mōttan ko mātiir, bwe ejjeļok iaer en jako.
- [13] Innām rej aini, im rej kalōñ joñoul im ruo iep kōn mōttan ko mātiir jān ļalem ioon bred barli, rej pād wōt ippaer mōjen aer mōñā.
- [14] Im armej raņ ke raar lo kakōļle eo Jijej e ar kōmmane, re ba, Eņool E iņ ri kanaan eo ej itok ñan laļ.
- [15] Innām ke Jijej e jeļā, bwe re kōņaan itok im bōk E kōn kajoor, im kōmman bwe En kiñ, E bar make ilok ñan toļ.
- [16] Im ke ejota, ro ri kaļooran rej wanlaļ ñan loļaļo,
- [17] Im uwe ioon wa, im rej ilok ioon loļaļo ñan Kaperneum. Im iien iņ e marok, im Jijej e jañin itok ñan ippaer.
- [18] Im epoktak loļaļo kōn an ļap kōto ej ukwi.
- [19] Innām ke eņōj aer aōnōnļok roñoul im ļalem ak jilñuul fōrloñ, rej lo Jijej etetal ioon loļaļo, im kepaak wa: im rej lōļņoñ.
- [20] A E ba ñan er, Ña E; komwin jab lōļņoñ.
- [21] Innām re kōņaan bōk E ioon wa; im eņōkaj an wa tōkeak i āne rej ilok ñan e.
- [22] Raan eo ilju, ke armej, ro raar jutak ioon āne i reear in loļaļo, rej lo ejjeļok bar juon wa ijo, a juon wōt, im Jijej e ar jab uwe ippān ro ri kaļooran ioon wa e, a ri kaļooran raar make uwe;
- [23] (A bar jet wa raar tartok jān Taibiriōs epaak āne ijo raar mōñā bred, ke eņōj an Jijej jar.)
- [24] Innām ke armej rej lo bwe Jijej e jab pād ijo, im jab ro ri kaļooran; rej barāinwōt uwe ioon wa ko, im itok ñan Kaperneum, im pukot Jijej.
- [25] Im ke eņōj aer lo E i loļaļo jab uweo, re ba ñan E, Rabbai, Kwar itok ñan ijin ñāāt?
- [26] Jijej e uwaak er im ba, Eņool, eņool, Ij ba ñan kom, Komij pukot Eō, jab bwe kom ar lo kakōļle ko, a bwe kom ar mōñā ioon bred ko im ar mat.
- [27] Komwin jab jermal kōn mōñā eo ej jako, a kōn mōñā e naaj pād wōt ñan mour indeeo, men eo Nejin armej E naaj lewōj ñan kom; bwe Anij Jema E ar sil E.
- [28] Innām re ba ñan E, Ta eo kōmin jermal kake, bwe kōmin jerbale jermal ko an Anij?
- [29] Jijej e uwaak im ba ñan er, Men iņ jermal an Anij, bwe komwin lōke Eo E ar jilkintok.
- [30] Innām re ba ñan E, Innām ta kakōļle eo Kwōj kwaļok e, bwe kōmin lo, im tōmak Eok? ta eo Kwōj jerbale?
- [31] Ro jimmad raar mōñā manna i āne jemaden; āinwōt ar je, E ar leļok ñan er bred jān lañ bwe ren mōñā.

- [32] Innām Jijej ej ba ñan er, Eṃool, eṃool, Ij ba ñan kom, E jab Moses e ar lewōj ñan kom bred jān lañ: a Jema ej lewōj ñan kom bred eṃool jān lañ.
- [33] Bwe bred an Anij Eo ej itok jān lañ, im leļok mour ñan laļ.
- [34] Innām re ba ñan E, Irooj, iien otemjej, Kwōn letok bred iñ ñan kōm.
- [35] Im Jijej ej ba ñan er, Ña bred in mour; eo ej itok ñan Eō ejāmin kwōle; im eo ej lōke Eō e jāmin maro indeeo.
- [36] A I ar ba ñan kom, Kom ar lo Eō im kom jab tōmak.
- [37] Ro otemjej Jema e ar letok ñan Eō, re naaj itok ñan ippa; im eo ej itok ñan Eō, e pen Aō jāmin joļok e.
- [38] Bwe I ar itok jān lañ, jab bwe In kōṃanṃan ankil Aō, a ankilaan Eo e ar jilkintok Eō.
- [39] Im men in ankilaan Jema, e ar jilkintok Eō, bwe iaan ro otemjej E ar letok ñan Eō ejjeļok juon en jako, a I naaj kajerkekpeje eo ilo raan eo āliktata.
- [40] Im men in ankilaan Eo e ar jilkintok Eō, bwe er otemjej rej lo Nejin, im lōke E, ren bōk mour indeeo: im I naaj kejerkek e ilo raan eo āliktata.
- [41] Innām ri Ju ro rej lotaan E, bwe E ar ba, Ña bred eo ej wanlaļtak jān lañ.
- [42] Im re ba, E iñ E jab Jijej, nejin Josep, je jeļā jemen im jinen ke? a ekōjkan An ba kiiō, I ar wanlaļtak jān lañ?
- [43] Jijej e uwaak im ba ñan er, Koṃwin jab lotaan ippān doon.
- [44] Ejjeļok armej ej maroñ itok ñan ippa eļañne Jema eo E ar jilkintok Eō E jab ipertok e: im I naaj kejerkake ilo raan eo āliktata.
- [45] Ro ri kanaan raar je, Im Anij e naaj katakin er otemjej. Ro otemjej raar roñ jān Jema, im ar katak, rej itok ñan Eō.
- [46] Ejjeļok juon armej e ar lo Jema, a Eo wōt jān Anij, E ar lo Jema.
- [47] Eṃool, eṃool, Ij ba ñan kom, Eo ej tōmak, mour indeeo ippān.
- [48] Ña bred eo, bred in mour.
- [49] Ro jememi raar ṃōñā manna ilo āne jemaden, im re mej.
- [50] Bred iñ ej itok jān lañ, bwe armej en ṃōñā jān e im jāmin mej.
- [51] Ña bred eo emour e ar wanlaļtak jān lañ. Eļañne jabdewōt armej ej ṃōñā jān bred iñ, e naaj mour indeeo; aet, im bred eo I naaj lewōj e kanniōkiō, men eo I naaj lewōj bwe en kemour laļ.
- [52] Innām ri Ju ro rej akwāāl ippān doon, im ba, Ekōjkan armej iñ E maroñ letok ñan kōj kanniōkin bwe jān ṃōñā?
- [53] Innām Jijej e ba ñan er, Eṃool, eṃool, Ij ba ñan kom, Eļañne kom jab ṃōñā kanniōkin Nejin armej, im jab idaaḱ bōtōktōkin, ejjeļok mour ilo kom.
- [54] Eo ej ṃōñā kanniōkiō, im idaaḱ bōtōktōkiō, an mour indeeo; im I naaj kejerkek e ilo raan eo āliktata.
- [55] Bwe kanniōkiō men in ṃōñā eṃool, im bōtōktōkiō men in idaaḱ eṃool.
- [56] Eo ej ṃōñā kanniōkiō, im idaaḱ bōtōktōkiō, ej pād ilo Ña, im Ña ilo e.
- [57] Āinwōt Jema emour E ar jilkintok Eō, im Ña Ij mour kōn Jema: barāinwōt eo ej ṃōñā Ña, e iñ e naaj mour kōn Ña.

- [58] Men in bred eo e ar wanlaɫtak jãn lañ: jab ãinwõt ro jememi raar mōñã im re mej; eo ej mōñã bred in e naaj mour indeeo.
- [59] Men kein E ar ba ilowan imõn kwelok, ke E ar katakin ilo Kaperneum.
- [60] Innãm elõn iaan ro ri kaɫooran, ke emõj aer roñjake, re ba, Naan in naan e pen; wõn e maroñ in roñjake?
- [61] Ke Jijej e make jeɫã bwe ri kaɫooran rej lotaan kõn men in, E ba ñan er, Men in ej lõkatipe kom ke?
- [62] Ekõjkan eɫaññe kom naaj lo an Nejin armej wanlõñɫok ñan ijo E ar pãd ie mokta?
- [63] Jetõb ej kemour; kanniõk ejjeɫok an kakajooror: naan ko I ar kõnono ñan kom kaki, rej Jetõb, im rej mour.
- [64] A jet iaami re jab tõmak. Bwe Jijej e jeɫã jãn jinoin, wõn ro re jab tõmak, im wõn eo e naaj ketak E.
- [65] Im E ba, Kõn men in I ar ba ñan kom, bwe ejjeɫok armej e maroñ itok ñan ippa, eɫaññe Jema e jab leɫok ñan e.
- [66] Jãn iien eo, elõn iaan ro ri kaɫooran rej jepɫaak, im jab bar etetal ippãn.
- [67] Innãm Jijej e ba ñan joñoul im ruo, Kom barãinwõt kõñaan ilok ke?
- [68] Saimõn Piter e uwaak E, Irooj, kõm naaj ilok ñan wõn? ippaṃ naan ko naan in mour indeeo.
- [69] Im kõm ar tõmak im jeɫã, bwe Kwe Juon eo Ekwõjarjar an Anij.
- [70] Jijej e uwaak er, I ar jab kããlõt kom joñoul im ruo, im juon iaami e tepil ke?
- [71] Ej kõnono kõn Judas, nejin Saimõn Iskariõt, bwe e juon iaan joñoul im ruo, im e naaj ketak E.

JEPTA 7

- [Jn 7.1] Im ãlikin men kein Jijej ej etetal i Galili: bwe e jab kõñaan etetal i Judia, bwe ri Ju ro rej pukot bwe ren ṃan E.
- [2] Kiiõ epaak an ri Ju ro kwõjkwõj i imõn kõppãd.
- [3] Innãm ro jaten re ba ñan E, Kwõn ilok jãn ijin, im ilok ñan Judia, bwe barãinwõt ri kaɫooran ren lo jermal ko Aṃ Kwõj kõṃṃAn.
- [4] Bwe ejjeɫok armej ej kõṃṃan jabdewõt men eo ijo ettino, im e make kõñaan bwe en alikkar. Eɫaññe Kwõj kõṃṃan men kein, Kwõn kwaɫok Eok ñan laɫ.
- [5] Bwe ro jaten re jab lõke E.
- [6] Innãm Jijej e ba ñan er, Aõ iien e jañin itok: a iien eo ami e pojak iien otemjej.
- [7] Laɫ e jab maroñ kõjdate Eõ, bwe Ij kõnnaan kõn e, bwe jermal ko an renana.
- [8] Komwin ilok ñan kwõjkwõj in: I jab ilok ñan kwõjkwõj in kiiõ: bwe iien eo Aõ e jañin jejjjet.
- [9] Ke emõj An ba men kein ñan er, Ej pãd wõt i Galili.
- [10] A ke emõj an ro jaten ilok ñan kwõjkwõj eo, innãm E barãinwõt ilok, jab alikkar, a ãinwõt ilo ettino.
- [11] Innãm ri Ju ro rej pukot E ilo kwõjkwõj, im ba, Ewi ɫeo?
- [12] Im jar eo eɫap aer ñõrñõr ñan doon kõn E: bwe jet re ba, E armej emṃan: bar jet re ba, Jab; a Ej kejebwãbweik armej ran.

- [13] A ejjelɔk armej ej kōnono alikkar kōn E, bwe re mijak ri Ju ro.
- [14] Kiiō enañin ilukwōn kwōjkwōj Jijej ej wanlōñ ilowan tempel im katakin.
- [15] Innām ri Ju ro re bwilōñ im ba, Ekōjkan an armej in jelā letter ko, bwe E ar jab katak kaki?
- [16] Jijej e uwaak er, im ba, Naan in katak eo Aō, e jab Aō, a an Eo e ar jilkintok Eō.
- [17] Eļaññe jabdewōt armej e kōṇaan kōṇanṇan ankilaan, e naaj jelā kōn naan in katak eo, eļaññe e jān Anij, ak Ij kōnono kōn Ña wōt.
- [18] Eo ej kōnono jān e make ej kapukōt an aiboojoj: a eo ej kapukōt aiboojoj an Eo e ar jilkintok Eō, E in eṇool, im ejjelɔk jab wānōk ilo E.
- [19] Moses e ar lewōj kien ṇan kom ke, im ejjelɔk juon iaami ej pokake kien eo? Etke komij pukot in ṇan Eō?
- [20] Jar eo re uwaak im ba, Juon timoṇ ippaṇ; wōn eo ej pukot bwe en ṇan Eok?
- [21] Jijej e uwaak im ba ṇan er, I ar kōṇanṇan juon jermal, im kom otemjej bwilōñ kake.
- [22] Moses e ar lewōj ṇan kom ṇwijiṇwiji, (ak men eo e jab an Moses, a an ro jijiṇṇad); im ilo raan in Jabōt komij ṇwijiṇwiji armej.
- [23] Eļaññe armej ilo Jabōt ej bōk an ṇwijiṇwiji, bwe en jab kōkkure kien Moses; komij illu ṇan Eō bwe I ar kōṇanṇan juon armej mour otem mour ilo Jabōt ke?
- [24] Komwin jab ekajet kōn men eo ilikin, a komwin ekajete ekajet eo eṇool.
- [25] Innām jet iaer jān Jerusalem re ba, E in e jab Eo rej pukot bwe ren ṇan E ke?
- [26] Im, lo, Ej kōnono alikkar, im ejjelɔk aer ba ṇan E. E maroñ ke bwe irooj raṇ re kanooj kile bwe E in ri Kūraiṇ?
- [27] A je jelā armej in ijo Ej itok jān e; a ñe ri Kūraiṇ ej itok ejjelɔk armej ej jelā ijo ej itok jān e.
- [28] Innām Jijej ej laṇōj ilowan tempel ke Ej katakin, im ba, Kom jelā Ña, im kom jelā ijo Ij itok jān e: a Ña I jab itok kōn Ña, a Eo e ar jilkintok Eō eṇool, Eo kom jaje.
- [29] A Ña I jelā E; bwe Ña jān E, im E ar jilkintok Eō.
- [30] Innām rej pukot bwe ren jibwe E: a ejjelɔk armej ej likūt pein ṇa ioon, bwe awa eo An e jañin moottok.
- [31] Im elōñ iaan jar eo rej tōmak E, im ba, Ñe ri Kūraiṇ ej itok, E naaj kōṇanṇan kakō]le ko elōñ jān men kein armej in Ej kōṇanṇan ke?
- [32] Parisi ro rej roñ bwe armej rej ñōñōr kake men kein kōn E, im Parisi ro im pris ro reļap rej jilkin]ok ri jelōk bwe ren jibwe E.
- [33] Innām Jijej e ba ṇan er, Jidik wōt iien Ij pād ippemi, im Ij ilok ṇan Eo e ar jilkintok Eō.
- [34] Kom naaj pukot Eō, im kom jaṇin lo Eō, bwe ijo Ij pād, kom jab maroñ in itok ie.
- [35] Innām ri Ju ro re ba ṇan doon, E naaj ilok ṇan ia, bwe kōmin jab lo E? E naaj ilok ṇan ro re jeplōklōk ippān ro ri Grik, im katakin ro ri Grik ke?
- [36] Naan ot naan in Ej ba, Kom naaj pukot Eō, im jāmin lo Eō; im ijo Ij pād, koon jab maroñ in itok ie?

- [37] Ilo raan eo āliktata, raan eɽap ilo kwōjkwōj, Jijej ej jutak im lamōj, im ba, eɽaññe jabdewōt armej ej maro, en itok ñan ippa, im idaak.
- [38] Eo ej lōke Ña, āinwōt Jeje ko rej ba, Jān ilowan e naaj tɔɔr ɽok reba ko an dān in mour.
- [39] A Ej kōnono men in kōn Jetōb, Eo ro rej lōke E re naaj bōke; bwe ar jañin letok Jetōb eo, bwe ar jañin kaiboojoj Jijej.
- [40] Innām elōñ armej, ke rej roñ naan in, re ba, Eṃool E in ri Kanaan eo.
- [41] Bar jet re ba, E in ri Kūraij. A bar jet re ba, Ri Kūraij ej itok jān Galili ke?
- [42] Jeje ko raar jab ba, bwe ri Kūraij ej itok jān ineen Devid, im jikin kwelok Betleem, ijo e ar pād ie ke?
- [43] Innām armej rej jepel jān doon kōn E.
- [44] Im jet iaer re kōṇaan jibwe E: a ejjelok armej ej likūt pein ioon.
- [45] Innām ri jelok raṇ rej itok ñan pris ro reɽap im Parisi ro: im re ba ñan er, Etke kom ar jab āñintok E?
- [46] Ri jelok rej uwaak, Ejjelok armej e ar kōnono āinwōt armej in.
- [47] Innām Parisi ro re uwaak er, Barāinwōt kom jebwābwe ke?
- [48] Jabdewōt iaan irooj raṇ, ak Parisi raṇ, e ar tōmak E ke?
- [49] A jar in re jaje kien, rej menukol.
- [50] Nikodimōs ej ba ñan er (eo e ar itok ñan E ilo boñ, e juon iaer),
- [51] Kien eo ar ej liaaklok armej ṃokta jān an roñ jān e, im jelā men eo ej kōṃman ke?
- [52] Rej uwaak im ba ñan e, Kwe barāinwōt ri Galili ke? Kwōn pukot im lale, bwe ejjelok juon ri kanaan ej itok jān Galili.
- [53] Im armej otemjej rej ilok ñan mo ko inweir.

JEPTA 8

[Jn 8.1] Jijej ej ilok ñan toɽ Olivet.

- [2] Im ke e raantak E bar deɽoñ ilowan tempel, im armej otemjej rej itok ñan E, im Ej jijet im katakin er.
- [3] Im skraib ro im Parisi ro rej āñintok ñan e juon kōrā, ar jibwe ilo ɽoñ: im ñe eṃōj aer kajutak e eoɽp,
- [4] Re ba ñan E, Ri Kaki, kōrā in jibwe ilo ɽoñ, ilo an kōṃanṃane wōt.
- [5] Im Moses e ar jiroñ kōm ilo kien, bwe ren kade ro āinwōt: a ta eo Aṃ ba?
- [6] Rej ba men in bwe ren kapo E, bwe en wor men in kinaaklok E ippaer. A Jijej e jirlok, im jeje kōn addiin ioon bwidej.
- [7] Im ke rej kajjitōk makij ippān, Ej bōkarten im ba ñan er, Eo iaami ejjelok an jerowwiwi, en kade ṃokta kōn juon dekā.
- [8] Im Ej bar jirlok im jeje ioon bwidej.
- [9] Im ke rej roñjake, rej ilok juon im juon, jino ippān eo e rūtto ñan eo āliktata; im Jijej e make pād wōt, im kōrā e jutak eoɽp ijo e ar pād ie.
- [10] Ke eṃōj an Jijej bōkarten im lo ejjelok armej a kōrā wōt, e ba ñan e, Kōrā, ewi ro raar kinaaklok eok? ejjelok juon e ar liaaklok eok ke?

- [11] E ba, Irooj, ejjelok. Im Jijej e ba ñan e, Im Ña I jab liaaklok eok: kwön ilok im jab bar jerowiwi.
- [12] Innām Jijej e bar kōnono ñan er, im ba, Ña, meram in laj: eo ej loor Eō e jāmin etal ilo marok, a e naaj an meram in mour.
- [13] Innām Parisi ro re ba ñan E, Kwōj kōnnaan kōn Kwe; Aṃ kōnnaan e jab mool.
- [14] Jijej e uwaak im ba ñan er, Im eļañne Ña Ij kōnnaan kōn Eō, eṃool Aō kōnnaan: bwe I jeļā ijo I ar itok jān e, im ewi Ij ilok ie lok; a kom jaje ewi Ij itok jān e, ak ilok ielok.
- [15] Kom ekajete kōn kanniok; I jab ekajet armej.
- [16] Im eļañne Ij ekajete, eṃool Aō ekajet: bwe Ña I jab make iaaō, a Ña im Jema eo e ar jilkintok Eō.
- [17] Aet im jeje ilo kiemi, kōnnaan an ruo armej eṃool.
- [18] Ña juon Ij kōnnaan kōn Eō, im Jema eo E ar jilkintok Eō, Ej kōnnaan kōn Eō.
- [19] Innām re ba ñan E, Ewi Jemaṃ? Jijej e uwaak, Kom jab jeļā Ña ak Jema: eļañne kom ar jeļā Ña, barāinwōt kom naaj kar jeļā Jema.
- [20] Jijej e ar kōnono naan kein ilowan imōn ṃAn ke Ej katakin ilowan tempel: im ejjelok armej ej likūt pein ion, bwe awa eo An e jañin itok.
- [21] Innām Jijej e bar ba ñan er, Ij ilok, im kom naaj pukot Eō, im kom naaj mej ilo jerowiwi ko ami; ijo Ij ilok ie lok, kom ban itok ie tok.
- [22] Innām ri Ju ro re ba, E naaj make ṃan E ke? bwe E ba, Ijo Ij ilok ie lok, kom ban itok ie tok.
- [23] Im E ba ñan er, Kom jān laj; Ña jān lañ: kom an laj in; Ña I jab an laj in.
- [24] Innām I ar ba ñan kom, bwe kom naaj mej ilo jerowiwi ko ami: bwe eļañne kom jab tōmak bwe Ña E, kom naaj mej ilo jerowiwi ko ami.
- [25] Innām re ba ñan E, Wōn Kwe? Im Jijej e ba ñan er, Ña eo I ar barāinwōt ba ñan kom jān jinoin.
- [26] Elōñ men ko ippa bwe In kōnono kaki, im ekajete kōn kom: a Eo e ar jilkintok Eō eṃool; im Ij kōnono ñan ro ri laj men ko I ar roñ jān E.
- [27] Re jab kile bwe E ar kōnono ñan er kōn Jeman.
- [28] Innām Jijej e ba ñan er, Ñe eṃōj ami lelōñlok Nejin armej, iien eo kom naaj jeļā bwe Ña E, im ejjelok Aō make kōṃanṃan; bwe āinwōt Jema e ar katakin Eō, men kein Ij kōnono.
- [29] Im Eo e ar jilkintok Eō, Ej pād ippa; Jema e ar jab likūt Eō make iaaō; bwe iien otemjej Ij kōṃanṃan men ko rej kabuñbūruen.
- [30] Ke Ej kōnono naan kein, elōñ rej tōmak E.
- [31] Innām Jijej ej ba ñan ri Ju ro rej tōmak E; Eļañne komij pād wōt ilo Aō in naan innām kom ri kaļoora reṃool,
- [32] Im kom naaj jeļā mool, im mool e naaj kōṃanṃan anemkwōjami.
- [33] Re uwaak E, Kōm ineen Ebream, im ejjelok iien kōm ar ri korijer ñan jabdewōt armej: ekōjkan Aṃ ba, Kom naaj anemkwōjami?
- [34] Jijej e uwaak er, eṃool; eṃool, Ij ba ñan kom, Jabdewōt eo ej kōṃanṃan jerowiwi, e ri korijeran jerowiwi.

- [35] Im ri korijer e jab pād ilo im indeeo: a Nejin ej pād indeeo.
- [36] Innām eļāñņe Nejin e naaj kōmānman anemkwōjami, kom naaj anemkwōjami wōt.
- [37] I jeļā bwe kom ineen Ebreā; a komij pukot bwe komwin man Eō, bwe ejjeļok jikin Aō naan ilo kom.
- [38] Ij kōnono men ko I ar lo ippān Jema: im komij barāinwōt kōmānman men ko kom ar roņjake ippān jememi.
- [39] Re uwaak im ba ñan E, Ebreā e jemem. Jijej e ba ñan er, Eļāñņe kom ro nejin Ebreā, kom naaj kar kōmānman jermal ko an Ebreā.
- [40] A kiiō komij pukot bwe komwin man Eō, armej Eo e ar kōnono ñan kom men in mool, men eo I ar roņ jān Anij: men in Ebreā e ar jab kōmānmane.
- [41] Komij kōmānman jermal ko an jememi. Re ba ñan E, Kōm ar jab lotak ilo ļōñ; juon wōt Jemem, Anij.
- [42] Jijej e ba ñan er, Eļāñņe Anij ej jememi, kom naaj kar yokwe Eō: bwe I ar waļoktok im itok jān Anij: I ar jab make itok, a E ar jilkintok Eō.
- [43] Etke kom jab meļeļe Aō kōnono? bwe kom jab maroņ roņ Aō in naan.
- [44] Kom jān jememi tepiļ eo, im moom ko an jememi kom kōnaan kōmānman; e ri uror jān jinoin, im e jab jutak ilo mool, bwe ejjeļok mool ilo e. Ke ej kōnono riab, ej kōnono jān men ko an; bwe e ri riab, im jemen riab.
- [45] Abwe Ij ba ñan kom men eo emool, kom jab tōmak Eō.
- [46] Wōn iaami ej naruō kōn jerowiwī? Im eļāñņe Ij kōnono mool, etke kom jab tōmak Eō?
- [47] Eo e jān Anij ej roņjake naan ko an Anij: kōn men in kom jab roņjake, bwe kom jab jān Anij.
- [48] Innām ri Ju ro re uwaak im ba ñan E, E jab emman ke am ba, Kwe ri Sameria, im juon timon ippam?
- [49] Jijej e uwaak, Ejjeļok timon ippa, a Ij wūjtake Jema, im komij kajekdoon Eō.
- [50] A I jab pukot Aō aiboojoj: juon Eo ej pukot im ekajete.
- [51] Emool, emool, Ij ba ñan kom, eļāñņe armej ej pokake Aō in naan, e jāmin lo mej.
- [52] Innām ri Ju re ba ñan E, Kiiō kōm jeļā bwe timon ippam. Ebreā e ar mej, im ri kanaan ro; im Kwōj ba Eļāñņe armej ej pokake Aō in naan, e jāmin edjoņ mej.
- [53] Kwe eļap jān jemed Ebreā, eo e mej ke? im ri kanaan re mej; wōn Kwe ilo am make kōmman eok?
- [54] Jijej e uwaak, Eļāñņe Ij kaiboojoj Ña, Aō aiboojoj jekdoon: Jema ej kaiboojoj Eō: kōn Eo komij ba, E ami Anij.
- [55] Im kom ar jab jeļā E; a Ña I jeļā E; im eļāñņe Ij ba, I jab jeļā E, I naaj ri riab āinwōt kom: a I jeļā E, im Ij pokake An in naan.
- [56] Jememi Ebreā e ar lañlōñ bwe e naaj lo Aō raan: im e ar lo e im moņoņo.
- [57] Innām ri Ju re ba ñan E, kiiō Kwō jāñin rūtto ilo lemnoul iiō, im Kwar lo Ebreā ke?
- [58] Jijej e ba ñan er, Emool, emool, Ij ba ñan kom, mokta jān Ebreā Ij pād.
- [59] Innām rej kabwijere dekā bwe ren kad E: a Jijej ej tilekek, im ilok jān tempel.

JEPTA 9

[Jn 9.1] Im ke E ar kijoone, Ej lo juon armej epilo jān iien ļotak.

[2] Im ri kaļooran rej kajjitōk ippān, im ba, Rabbai, wōn e ar jerōwiwi, armej iņ, ak jeman im jinen, bwe e ar ļotak im pilo?

[3] Jijej e uwaak, armej iņ e ar jab jerōwiwi, ak jemen im jinen; a bwe jermal ko an Anij ren waļok kōn e.

[4] Emman In jerbale jermal ko an Eo e ar jilkintok Eō ke e raan: boņ ej itok ñe ejjelok armej ej maroņ in jermal.

[5] Ke Ij pād i laļ, Ij meram in laļ.

[6] Ke eņōj An kōnono āinwōt, E iyelok ioon bwidej, im iiōki bwidej kōn iādatōltōl, im ej kapit mejan armej eo e pilo kōn bwidej eo,

[7] Im ba ñan e, Kwōn ilok im kwaļ mejōm ilo lwe Siloam, (ukōtōn naan iņ, ar jilōkļok.) Innām ej ilok, im kwaļ, im itok im loļokjeņ.

[8] Innām ro ri turin, im ro raar lo e mōkta bwe e ar ri owar, re ba, E iņ e jab eo e ar jijet im uñnar ke?

[9] Jet re ba, E iņ eo; bar jet re ba, Jab, a ej āinwōt eo; a e ba, Ņa eo.

[10] Innām re ba ñan e, Ekōjkan mejōm repelļok?

[11] E uwaak im ba, Juon armej etan Jijej, e ar iiōki bwidej, im kapit meja, im ba ñan eō, Kwōn ilok ñan Siloam, im kwaļe: innām I ar ilok im kwaļe, im loļokjeņ.

[12] Im re ba ñan e, Ej pād ia? E ba, I jaje.

[13] Rej āñinļok eo e kar pilo mōkta ñan Parisi ro.

[14] Im raan eo, ke Jijej e ar iiōki bwidej im kapelļok mejan, raan Jabōt.

[15] Innām Parisi ro rej bar kajjitōk ippān, Ekōjkan aņ loļokjeņ? E ba ñan er, E ar likūt bwidej ņa ioon meja, im I ar kwaļe im loļokjeņ.

[16] Innām jet iaan Parisi ro re ba, Armej iņ e jab jān Anij, bwe E jab lale Jabōt. Bar jet re ba, Ekōjkan an armej ri jerōwiwi kōmanman kakōļle ko āinwōt iņ? Im re jepel jān doon.

[17] Re bar ba ñan ļeo e pilo, Ta eo aņ ba kōn E, bwe E ar kapelļok mejōm? Ej ba, E ri kanaan.

[18] A ri Ju ro re jab tōmak kōn e, bwe e kar pilo im ar loļokjeņ, ñan iien eo rej kūrtoke jemen im jinen ļeo e ar loļokjeņ.

[19] Im rej kajjitōk ippaerro im ba, Ļe iņ nejimi eo kom ba e ar ļotak im pilo ke? Innām ekōjkan an loļokjeņ kiiō?

[20] Jemen im jinen re uwaak im ba, Kōmro jeļā bwe e nejim, im bwe e ar ļotak im pilo;

[21] A ekōjkan an loļokjeņ kiiō kōm jaje; ak wōn eo e ar kapelļok mejan kōm jaje: e rūtto, komwin kajjitōk ippān: e naaj make kōnono kōn e.

[22] Jemen im jinen re ba naan kein, bwe re mijak ri Ju ro: bwe eņōj an ri Ju ro pepe, Eļāñne jabdewōt armej ej kwaļok bwe E ri Kūraiļ, re naaj joļok e jān iņmōn kwelok.

[23] Kōn men iņ jemen im jinen re ba, e rūtto; komwin kajjitōk ippān.

- [24] Innām re bar kūrtoke armej eo e kar pilo, im ba ñan e, Kwōn nōbar Anij: kōm jelā armej in E ri jerōwiwi.
- [25] E uwaak im ba, I jaje E ri jerōwiwi ke, jab ke: juon men in I jelā, bwe ke I kar pilo, kiiō ij loļokjeņ.
- [26] Innām re bar ba ñan e, ta eo E ar kōmanman ñan eok? ekōjkan An kapellok mejōm?
- [27] E uwaak er, E mōj aō kōnnaanōk kom ekkein, im kom ar jab roņjake; etke kom kōnaan bar roņjake? kom barāinwōt kōnaan bwe komwin ri kaļooran ke?
- [28] Im rej kajjirere kake, im ba Kwe ri kaļooran; a kōm ri kaļooran Moses.
- [29] Kōm jelā bwe Anij e ar kōnono ñan Moses; a kōn Le in, kōm jaje ijo e jān e.
- [30] Armej eo ej uwaak im ba ñan er, Ekwe men in juon men in bwilōñ, bwe kom jaje ijo E jān e, im E ar kapellok meja.
- [31] Je jelā bwe Anij e jab eōroñ ro ri jerōwiwi: a eļañne jabdewōt armej ej kabuñ ñan Anij, im kōmanman ankilaan, Ej eōroñ e.
- [32] Jān jinoin laļ ejjelok en e ar roñ bwe jabdewōt armej e ar kapellok mejan eo ej pilo ke e ar ļotak.
- [33] Eļañne armej in e jab jān Anij, e jab maroñ in kōmanman jabdewōt.
- [34] Re uwaak im ba ñan e, Kwar ļotak ilo jerōwiwi wōt, im kwōj katakin kōm ke? Im rej joļok e.
- [35] Jijej ej roñ bwe raar joļok e; im ke emōj An lo e, E ba ñan e, Kwōj lōke Nejin Anij ke?
- [36] E uwaak im ba, Irooj, wōn Eo bwe in lōke E?
- [37] Im Jijej e ba ñan e, Kwar lo E, im E eo ej kōnono ñan eok.
- [38] Im e ba, Irooj ij lōke Eok. Im ej kabuñ ñan E.
- [39] Im Jijej e ba, I ar itok ñan laļ in kōn ekajet, bwe ro re jab loļokjeņ ren loļokjeņ; im ro rej loļokjeņ ren pilo.
- [40] Ro iaan Parisi ro rej pād ippān rej roñ naan kein, im ba ñan E, Kōm barāinwōt pilo ke?
- [41] Jijej e ba ñan er, Eļañne kom pilo, ejjelok jerōwiwi ippemi; a kiiō komij ba, Kōm loļokjeņ; ami jerōwiwi ej pād wōt.

JEPTA 10

- [Jn 10.1] E mool, emool, Ij ba ñan kom, Eō e jab deļoñ ilo kōjām ilowan wōrwōr in jiiip, a ej uwelōñļok ilo bar juon ial, e in ri koot im ri rakimi.
- [2] A eo ej deļoñ ilo kōjām e seperd in jiiip ko.
- [3] Ri lale aor ej kapellok ñan e; im jiiip rej roņjake ainikien: im ej kūr jiiip ko an kōn etaer, im tōl ļok er.
- [4] Im ke ej kadiwōjļok jiiip ko an, ej ilok imāer ļok, im jiiip ko rej ļoore; bwe re jelā ainikien.
- [5] Im re jāmin ļoor eo ekāāl ñan er, a re naaj ko jān e; bwe re jaje ainikien ro ri ekāāl.
- [6] Būrabōļ in Jijej ej kōnono ñan er; a re jaje ta men ko Ej kōnono ñan er kaki.

- [7] Innām Jijej e bar ba ñan er, Eṃool, eṃool, Ij ba ñan kom, Ña aor in jiiip ko.
- [8] Ro otemjej raar itok ṃokta jān Eō, rej ri koṃot , im ri rakimi; a jiiip raar jab eṃroñ er.
- [9] Ña aor: eḷaññe jabdewōt armej ej deḷoñ, kōn Ña, e naaj mour, im e naaj deḷoñ im diwōj, im lo kijen.
- [10] Ri koṃot ej itok, bwe en koṃot, im ṃan, im koṃkure: Ña Ij itok bwe ren bōk mour, im bwe ren bōk elōñ.
- [11] Ña seperd eṃṃan: seperd eṃṃan ej leḷok an mour kōn jiiip ko.
- [12] A eo e ri jermal, im jab seperd, im e jab an jiiip ko, ej lo kidu oḷip itok, im ej likūt jiiip, im ko, im kidu oḷip ej jibwe er, im kajeplōklōk er.
- [13] Ri jermal ej ko, bwe e ri jermal, im e jab kaorōk jiiip ko.
- [14] Ña seperd eṃṃan, im I jeḷā ro Aō, im ro Aō re jeḷā Ña,
- [15] Āinwōt Jema e jeḷā Ña, im Ña I jeḷā Jema: im Ij likūt Aō mour kōn jiiip ko.
- [16] Im bar jet Aō jiiip, re jab jān wōrwōr iṃ: eṃṃan barāinwōt In āñintok er, im re naaj roñ ainikiō; im re naaj juon wōt bwij, im juon seperd.
- [17] Kōn men iṃ Jema ej yokwe Eō, bwe Ij likūt Aō mour bwe in bar bōk e.
- [18] Ejjeḷok armej ej bōke jān Eō, a Ña Ij make likūt e. Ij maroñ bwe In likūt e, im Ij maroñ bwe In bar bōke, Kien iṃ I ar bōk jān Jema.
- [19] E bar waḷok jepel ippān ri Ju ro kōn naan kein.
- [20] Im eloñ iaer re ba, Tiṃoṃ ippān, im Ej wūdeakeak; etke komij roñjake.
- [21] Bar jet re ba, Naan kein jab naan ko an eo juon tiṃoṃ ippān. Tiṃoṃ ej maroñ in kaloḷokjeṃ eo e pilo ke?
- [22] Im kiiō kwōjkwōj in leḷok i Jerusalem, im iien e piō.
- [23] Im Jijej ej etetal ilowan tempel ilo portiko an Solomōn.
- [24] Innām ri Ju ro rej itok im kōpool E, im ba ñan E, Ietoōn Aṃ dāpij ṃool jān kōm? Eḷaññe Kwe ri Kūraiḷ, kwōn kōnnaanōk kōm alikkar.
- [25] Jijej e uwaak er, I ar kōnnaanōk kom, im kom jab tōmak; jermal ko Ij kōṃanṃan ilo etan Jema, rej kōnnaan kōn Eō.
- [26] A kom jab tōmak bwe kom jab iaan Aō jiiip, āinwōt I ar ba ñan kom.
- [27] Aō jiiip rej roñjake ainikiō, im I jeḷā er, im rej ḷoor Eō:
- [28] Im Ij leḷok ñan er mour indeeo; im re jāmin jako indeeo, im ejjeḷok en e naaj kotak er jān peiō.
- [29] Jema, eo E ar litok ñan Eō, Ej eḷap jān otemjej: im ejjeḷok armej ej maroñ in kotak er jān pein Jema.
- [30] Ña im Jema kōmro wōt juon.
- [31] Ri Ju ro rej bar kabwijere dekā ko bwe ren kade.
- [32] Jijej e uwaak er, Elōñ jermal ko reṃṃan I ar kwaḷok ñan kom jān Jema: kōn jermal oṭ iaan jermal ko komij kade Eō?
- [33] Ri Ju ro re uwaak, im ba, Kōm jab kade Eok kōn jermal eṃṃan, a kōn blaspim, im bwe Kwe juon eṃṃaan, Kwōj make kōṃṃan Eok Anij.
- [34] Jijej e uwaak er, E jab jeje ilo kiemi, Ij ba Kom Anij ke?

- [35] Eļañņe E ar likūt etaer anij, ro naan in Anij e ar itok ñan er, (im Jeje ko re ban jako:)
- [36] Komij ba kōn E, eo Jema e ar kokwōjarjar, im jilkintok ñan laļ, Kwōj blaspm, bwe I ar ba, Ña Nejin Anij ke?
- [37] Eļañņe I jab kōmanman jermal ko an Jema, komwin jab tōmak Eō.
- [38] A eļañņe Ij kōmanman, meņe kom jab tōmak Eō, komwin tōmak jermal ko; bwe komwin jelā, im meļeļe bwe Jema ej ilo Ña, im Ña ilo E.
- [39] Rej bar pukot bwe ren jibwe: a Ej ko jān peir.
- [40] Im Ej bar ilok i reear in Jordan ilo āne eo ijo Jon e ar peptaj mokta; im ej pād ijo.
- [41] Im elōñ rej itok ñan E, im ba, Jon e ar kōmanman ejjelok kakōļle: a men otemej, Jon e ar kōnono kōn armej in, re mool.
- [42] Im elōñ rej tōmak E ijo.

JEPTA 11

- [Jn 11.1] Juon armej e nañinmej, etan Lazerōs, ri Betani, jikin kwelok an Meri im Marta jein.
- [2] Meri in eo e ar kapit Irooj kōn men in kapit, im kōmōrāik neen kōn koolan bōran, jein im jaten maan Lazerōs e nañinmej.
- [3] Innām jein im jaten kōrā rej jelokļok ñan E, im ba, Irooj, lo, eo Kwōj yokwe e nañinmej.
- [4] Ke Jijej ej roņjake, E ba, Nañinmej in e jab bwe en mej, a kōn an Anij aiboojoj, bwe Nejin Anij en aiboojoj kake.
- [5] Im Jijej ej yokwe Marta, im jaten kōrā, im Lazerōs.
- [6] Ke emōj An roņ bwe e nañinmej, iien eo Ej pād wōt ruo raan ijo E ar pād ie.
- [7] Ālikin iien eo Ej ba ñan ro ri kaļooran, Jān bar ilok ñan Judia.
- [8] Ri kaļooran re ba ñan E, Rabbai, ekkein lok ri Ju ro raar pukot bwe ren kade Eok; im Kwōj bar ilok ñan ijo ke?
- [9] Jijej e uwaak, E jab joñoul im ruo awa ilo raan ke? Eļañņe jabdewōt armej ej etetal ilo raan e jab tipñōl, bwe ej lo meram in laļ in.
- [10] A eļañņe armej ej etetal ilo boņ, e tipñōl, bwe meram e jab ilo e.
- [11] Ej ba men kein; im tokālik Ej ba ñan er, Jerad Lazerōs ej kiki; a Ij ilok bwe In koruj e jān kiki.
- [12] Innām ri kaļooran re ba, Irooj, eļañņe ej kiki e naaj mour.
- [13] A Jijej ej kōnono kōn an mej: a rej ļōmņak bwe E ar kōnono kōn kakkije ilo kiki.
- [14] Innām Jijej e ba ñan er alikkar, Lazerōs e mej.
- [15] Im Ij mōņōņō kōn kom bwe I ar jab pād ijo, bwe komwin tōmak; a jān etal ñan ippān.
- [16] Innām Tomas, āt eo juon Didimōs, ej ba ñan ri kaļoor ro jet, Barāinwōt kōjiōñ jān ilok, bwe jān mej ippān.
- [17] Ke Jijej ej itok, E jelā bwe emōj an pād ilo lōb iumwin emān raan.
- [18] Im Betani epaak Jerusalem, enañin ruo mamiļ jān e.

- [19] Im elõñ iaan ri Ju ro, re kar itok ñan ippån Marta im Meri, bwe ren kaaenõmman er kõn jeir im jateir maan.
- [20] Innām ke Marta ej roñ bwe Jijej ej itok, ij ilok im ioon E: a Meri ej jijet wõt ilowan im.
- [21] Innām Marta ej ba ñan Jijej, Irooj, eļañne Kwõ Kwar pād ijin, jeiõ im jatiõ maan e jāmin kar mej.
- [22] Im I jeļā bwe kiiõ, jabdewõt men eo Kwõ naaj kajjitõk ippån Anij e naaj lewõj ñan Eok.
- [23] Jijej ej ba ñan e, Jiom im jatiõm maan e naaj bar jerkak.
- [24] Marta e ba ñan E, I jeļā e naaj bar jerkak ilo jerkakpeje eo ilo raan āliktata.
- [25] Jijej e ba ñan e, Ņa jerkakpeje eo im mour eo: eo ej lõke Eõ, meñe e mej, e naaj bar mour.
- [26] Im jabdewõt eo ej mour im lõke Eõ, e jāmin mej indeeo. Kwõj tõmak men in ke?
- [27] Ej ba ñan E, Aet, Irooj, I ar tõmak bwe Kwe ri Kūraj, Nejin Anij, Eo ej itok ñan la.
- [28] Im ke emõj an kōnono āinwõt, ej ilok, im wūnojidikdik ñan Meri jaten kōrā, im ba, Ri Kaki ej ijin, im Ej kūr eok.
- [29] Ke emõj an roñjake, emõkaj an jutak, im ilok ñan ippån.
- [30] Kiiõ Jijej e jañin itok ilowan jikin kwelok, a Ej pād ijo Marta e ar ioon E ie.
- [31] Innām ri Ju rej pād ippån ilowan im, im kaaenõmman e, ke rej lo Meri, bwe emõkaj an jutak im ilok, rej ļoor e, im ļõmņak, Ej ilok ñan lõb bwe en jañ ijo.
- [32] Innām ke Meri ej itok ijo Jijej ej pād ie, im lo E, ej buñ iturin neen, im ba ñan E, Irooj, eļañne Kwõ Kwar pād ijin, jeiõ im jatiõ maan e jāmin kar mej.
- [33] Innām ke Jijej ej lo an jañ, im barāinwõt ri Ju rej itok ippån tok rej jañ, Ej limõ ilo an, im būromõj,
- [34] Im ba, Ewi ijo kom ar likūt e? Re ba ñan e, Irooj, kwõn itok im loe.
- [35] Jijej e jañ.
- [36] Innām ri Ju rej ba, Lo enañin ļap An yokwe e.
- [37] Im jet iaer re ba, Armej in eo e ar kaloļokjeņ eo e pilo, E ar jab maroñ in kōmānman bwe armej in e jāmin kar mej ke?
- [38] Innām Jijej ej bar limõ ilo E im itok ñan lõb eo. E juon roñ, im juon ejmaān ej pād ioon.
- [39] Jijej e ba, Komwin joļok ejmaān eo. Marta, jein im jaten eo e ar mej, ej ba ñan E, Irooj, ilo iien in e puwaļ: bwe emān raan e ar mej.
- [40] Jijej ej ba ñan e, I ar jab ba ñan eok ke, Eļañne kwõj tõmak, kwõ naaj lo aiboojoj an Anij?
- [41] Innām rej kamakūt ejmaān eo. Im Jijej ej jar, im ba, Jema kom mool bwe Kwar eņroñ Eõ.
- [42] Im I jeļā bwe Kwõj roñjake Eõ iien otemjej; a kōn armej ro rej jutak ijin I ar ba, bwe ren tõmak bwe Kwar jilkintok Eõ.
- [43] Im ke emõj An kōnono āindein, Ej lamõj kōn ainikien eļap, Lazerõs, kwõn itok.

- [44] Im eo e ar mej ej itok, kūtimi pein im neen kōn nuknuk in mej: im turin mejan lukwōje kōn bwinin mej. Jijej e ba ñan er, Komwin kōtłok e bwe en ilok.
- [45] Innām elōñ iaan ri Ju rej itok ñan ippān Meri, im lo men ko Jijej e ar kōmman, rej tōmak E.
- [46] A jet iaer rej ilok ñan Parisi ro, im kōnnaanōk er men ko Jijej e ar kōmman.
- [47] Innām pris ro ełap im Parisi ro rej kokweilokłok ro ri pepe, im ba, Ta eo jej kōmmane? bwe armej in Ej kōmanman elōñ kakōlle.
- [48] Ełañne jej likūt E ainwōt, armej otemjej re naaj tōmak E; im ri Rom re naaj itok im kōkkure jiked im bwijjed.
- [49] Im juon iaar etan Keiapas, e pris eo ełap ilo iiō in, ej ba ñan er, Kom jab jełā ñan jidik;
- [50] Im kom jab ļōmņak bwe emman ñan kōj bwe juon armej en mej kōn armej raņ, im bwij otemjej ren jab jako.
- [51] Im e make jab kōnono men in; a e pris eo ełap ilo iiō in, ej rūkaanij bwe Jijej e naaj mej kōn bwij eo;
- [52] Im e jab kōn bwij eo wōt, a bwe barāinwōt En kobaik ñan doon ro nejin Anij rej jeplōklōk.
- [53] Innām jān raan eo im ālikin rej pepe ippān doon bwe ren man E.
- [54] Innām Jijej e jab bar etetal alikkar ippān ri Ju ro; a Ej ilok jān ijo ñan juon āne epaak āne jemaden, ilo juon jikin kwelok etan Ipreim, im Ej pād ijo ippān ro ri kałooran.
- [55] Im epaak kwōjkwōj in kijoone an ri Ju ro; im elōñ rej ilok jān āne eo ñan Jerusalem mokta jān kwōjkwōj in kijoone, bwe ren karreo er.
- [56] Innām rej pukot Jijej, im kōnono ñan doon, ke rej jutak ilowan tempel, Ta eo komij ļōmņak? E jāmin itok ñan kwōjkwōj ke?
- [57] Pris ro im Parisi ro raar likūt juon kien, bwe, ełañne jabdewōt armej e jełā ijo Ej pād ie, en kwałok e bwe ren jibwe E.

JEPTA 12

- [Jn 12.1] Innām jiljino raan mokta jān kwōjkwōj in kijoone, Jijej ej itok ñan Betani, ijo Lazerōs ej pād ie, eo Jijej e ar kejerkak e jān ro re mej.
- [2] Ijo raar kōmman kejota ñan E; im Marta e ri jermal ñan er: a Lazerōs e juon iaan ro rej jibadek ippān im mōñā.
- [3] Innām Meri ej bōk juon boun nard erre, men in kapit, ełap oñān, im ej kapit neen Jijej, im kōmōrāik neen kōn koolan bōran; im mweo eobrak kōn ñaj jān men in kapit eo.
- [4] A juon iaan ro ri kałooran, Judas Iskariōt, eo e naaj ketak E, e ba,
- [5] Etke ar jab wiakake men in kapit in kōn jilubukwi sillin, im lełok ñan ro ri jeramōl?
- [6] Ej ba men in, jab bwe ej bōk ñan ro ri jeramōl; a bwe e ri kōot, im bōjo ippān, im ej bōk men ko ilowan.

- [7] Innām Jijej e ba, En pād wōt: e ar kōjparok men in mae raan eo, raan in kalbwin Eō.
- [8] Bwe ri jeraṃōl rej pād ippemi iien otemjej; a Ña I jab pād ippemi iien otemjej.
- [9] Innām elōñ iaan ri Ju ro kajoor rej jeļā bwe Ej pād ijo; im rej itok jab kōn Jijej wōt, a bwe ren barāinwōt lo Lazerōs, eo E ar kejerkakpeje jān ro re mej.
- [10] A pris ro reļap rej pepe bwe ren barāinwōt ṃan Lazerōs:
- [11] Bwe kōn e elōñ iaan ri Ju ro rej ilok im lōke E.
- [12] Ilo raan eo ālik elōñ armej ro raar itok ñan kwōjkwōj, ke rej roñ bwe Jijej ej itok ñan Jerusalem,
- [13] Rej bōk ra ko raan wōjke pam, im ilen ioon E, im laṃōj, Hosana; Eṃōṃōṃō Eo ej itok ilo etan Irooj, eo Kiñ in Israel.
- [14] Im Jijej, ke eṃōj An lo koon ass, Ej jijet ioon; āinwōt raar je,
- [15] Kwōn jab mijak, kwe jiroñ nejin Zaiōn: lo aṃ Kiñ ej itok, im jijet ioon koon ass.
- [16] Men kein ri kaļooran re jaje ṃokta; a ke eṃōj an Jijej aiboojoj, rej keememej bwe ar jeje men kein kōn E, im bwe raar kōṃṃan men kein ñan E.
- [17] Innām armej ro raar pād ippān ke E ar kūrtoke Lazerōs jān lōb eo, im kajerkakpeje e jān ro re mej, rej kōnnaan kake.
- [18] Barāinwōt kōn men in armej rej ilem ioon E, bwe rej roñ E ar kōṃṃan kakōļle in.
- [19] Innām Parisi ro re ba ñan doon, Koṃwin lale ekōjkan ami bane: lo ri laļ otemjej rej ilok ilokōnļok.
- [20] Im jet ri Grik iaan ro rej itok bwe ren kabuñ ilo kwōjkwōj eo.
- [21] Innām rein rej itok ñan Pilip, eo jān Betseida i Galili, im kajjitōk ippān, im ba, Irooj, kōm kōṃnaan lo Jijej.
- [22] Pilip ej itok im ba ñan Andru: im Andru ej itok, im Pilip, im rej kōnnaanōk Jijej.
- [23] Im Jijej ej uwaak er im ba, Awa e moottok, bwe Nejin armej en aiboojoj.
- [24] Eṃool, eṃool, Ij ba ñan kom, Eļaññe ineen wit e jab buñ ilo bwidej, im mej, ej make pād: a eļaññe e mej ej jebar elōñ leen.
- [25] Eo ej yokwe an mour, mour e naaj jako jān e; im eo ej kajekdoṃn an mour ilo laļ in, e naaj kōjparok e ñan mour indeeo.
- [26] Eļaññe jabdewōt armej ej jermal ñan Eō, en ļoor Eō, im ijo Ij pād ie, ijo barāinwōt ri korijera e naaj pād ie; im eļaññe jabdewōt armej ej jermal ñan Eō, Jema e naaj koutiej e.
- [27] Kiiō ebiuk būruō; im ta eo I naaj ba? Jema, kwōn ļoṃoṃr Eō jān awa in. A kōn men in I ar itok ñan awa in.
- [28] Jema, kwōn kaiboojoj etam. Innām juon ainikien ej itok jān lañ, im ba, I ar kaiboojoj e, im I naaj bar kaiboojoj e.
- [29] Innām armej ro re jutak, im roñjake, re ba, E jourur: bar jet re ba, Juon enjeļ ej kōnono ippān.
- [30] Jijej e uwaak im ba, Ainikien in e ar itok jab kōn Ña, a kōn kom.
- [31] Kiiō ekajete laļ in: kiiō naaj kadiwōjļok irooj in laļ in.
- [32] Im Ña, eļaññe rej lelōñļok Eō jān laļ, I naaj ipertok armej otemjej ñan Eō.
- [33] Ej kōnono men in, bwe En bakajjien wāween mej eo E naaj mej kake.

- [34] Jar eo re uwaak E, Kōm ar roñ jān kien bwe ri Kūraij ej pād indeeo: im ekōjkan Aṃ ba, Naaj lelōñ]ok Nejin armej?
- [35] Innām Jijej e ba ñan er, Meram ej pād ippemi jidik wōt iien. Komwin etetal iien meram ej pād ippemi, ñe ab marok en itok iomi: bwe eo ej etetal ilo marok e jaje ijo ej ilok ie]ok.
- [36] Iien meram ej pād ippemi, komwin lōke meram, bwe komwin nejin meram. Jijej ej kōnono men kein, im ilok, im tilekek jān er.
- [37] A bwe E ar kōmman elōñ kakō]le iṃaan mejeir, re jab tōmak E:
- [38] Bwe en jejjet naan Aiseia ri kanaan e ar kōnono, Irooj, wōn ej tōmak am in naan? im ñan wōn ar kwa]ok pein Irooj?
- [39] Kōn men eo re ban tōmak, bwe Aiseia e bar ba,
- [40] Ej kapilo mejeir, im kapen būrueir; bwe ren jab lo kōn mejeir, im je]ā kōn būrueir, im uke]ok ippaer, im In jab kemour er.
- [41] Men Kein Aiseia e ar ba, bwe e ar lo An aiboojoj, im kōnono kōn E.
- [42] A elōñ iaan irooj rañ raar tōmak E; a kōn Parisi ro re jab kwa]ok E ñe re ab jo]ok er jān iṃōn kwelok.
- [43] Bwe rej yokwe nōbar an armej e]ap jān nōbar an Anij.
- [44] Im Jijej ej lamōj im ba, Eo ej lōke Eō e jab lōke Eō a Eo e ar jilkintok Eō.
- [45] Im eo ej lo Eō ej lo Eo e ar jilkintok Eō.
- [46] Ña meram I moottok ñan la], bwe jabdewōt eo ej lōke Eō en jāmin pād ilo marok.
- [47] Im e]aññe jabdewōt armej ej roñ naan ko Aō, im jab kōjparoki, I jab ekajet e: bwe I ar jab itok bwe In ekajet la], a bwe In lōmōoren la].
- [48] Eo ej jo]ok Eō, im jab bōk naan ko Aō, juon ippān e naaj ekajete: naan eo I ar kōnono, men iṃ e naaj ekajete ilo raan eo āliktata.
- [49] Bwe I ar jab make kōnono jān Eō; a Jema eo e ar jilkintok Eō, E ar letok ñan Eō kien, men eo In ba im men eo In kōnono kake.
- [50] Im I je]ā bwe kien eo An, ej mour indeeo: innām men ko Ij kōnono kaki, im āinwōt Jema e ar ba ñan Eō, āindein Aō kōnono.

JEPTA 13

- [Jn 13.1] Kiiō mokta jān kwōjkwōj in kijoone; kōn an Jijej je]ā bwe awa eo An e moottok bwe En ilok jān la] iṃ ñan Jemen; E ar yokwe ro doon rej pād i la] im Ej yokwe er ñan jem]okōn.
- [2] Im ilo kejota, eṃōj an tepi] likūt ilo būruen Judas Iskariōt, nejin Saimōn, bwe en ketak E;
- [3] Jijej e je]ā bwe Jemen e ar likūt men otemjej ilo pein, im bwe E ar itok jān Anij, im ilok ñan Anij;
- [4] E jutak jān kejota, im utūk nuknuk ko An; im Ej bōk nuknuk in kōmōrā, im kañūrñūr kake.
- [5] Innām Ej lutōk dān ilo jāpe, im jino An kwa]e neen ro ri ka]ooran, im kōmōrāik kōn nuknuk in kōmōrā eo E ar kañūrñūr kake.
- [6] Im Ej itok ñan Saimōn Piter; im ej ba ñan E, Irooj, kwōj kwa]e neiō ke?

- [7] Jijej e uwaak im ba ñan e, Men eo Ij kōmmane kwō jaje kiiō; a kwō naaj mejele tokālik.
- [8] Piter e ba ñan E, Kwō jāmin kwaļe neiō indeeo. Jijej e uwaak e, Eļañne I jab kwaļe eok, ejjeļok aṃ ājinkōj ippa.
- [9] Saimōn Piter e ba ñan E, Irooj, jab neiō wōt, a barāinwōt peiō im bōra.
- [10] Jijej e ba ñan e, Eo e ar tutu eṃman en kwaļe neen wōt, a ej erreō otem erreō: im komij erreō, a jab kom otemjej.
- [11] Bwe E jeļā eo e naaj ketak E; kōn men iṃ E ba, e jab kom otemjej erreō.
- [12] Innām ke eṃōj An kwaļe neir, im bōk nuknuk ko An, im bar jibadek; E ba ñan er, Kom jeļā ke men eo I ar kōmanman ñan kom?
- [13] Kom likūt eta Ri Kaki im Irooj: im eṃman ami ba; bwe Ña āindein.
- [14] Innām eļañne Ña, ami Irooj im Ri Kaki, I ar kwaļe neōmi; eṃman komwin kwaļe neen doon.
- [15] Bwe I ar lewōj ñan kom juon joñak, bwe komwin barāinwōt kōmman āinwōt I ar kōmman ñan kom.
- [16] Eṃool, eṃool, Ij ba ñan kom, Ri korijer e jab utiej jān Irooj eo an; barāinwōt ri jeļōk e jab utiej jān eo ej jilkinļok e.
- [17] Eļañne kom jeļā men kein, kom ṃōṃōṃō eļañne komij kōmanman.
- [18] I jab kōnono kōn kom otemjej: I jeļā ro I ar kāālōt er: a bwe en kaṃool jeje iṃ, Eo ej ṃōñā Aō bred, ej deļok Eō kōn jimwin neen.
- [19] Jān iien iṃ Ij ba ñan kom ṃokta jān an itok, bwe ñe e moottok, komwin tōmak bwe Ña E.
- [20] Eṃool, eṃool, Ij ba ñan kom, Eo ej bōk jabdewōt eo Ij jilkinļok e ej bōk Ña; im eo ej bōk Ña, ej bōk Eo e ar jilkintok Eō.
- [21] Ke eṃōj an Jijej ba āindein, Ej poktak ilo An, im kōnnaan, im ba, Eṃool, eṃool, Ij ba ñan kom, bwe juon iaami e naaj ketak Eō.
- [22] Innām ri kaļooran rej kallimjek doon, im jaje wōn eo Ej kōnono kake.
- [23] Im juon iaan ro ri kaļooran, eo Jijej ej yokwe e, ej atartar ioon ubōn Jijej.
- [24] Innām Saimōn Piter, ej romeje im ba, Kwōn kōnnaanōk kōm wōn eo Ej kōnono kake.
- [25] Innām ej atartar ioon ubōn Jijej, im ej ba ñan E, Irooj wōn eo?
- [26] Jijej e uwaak, Eo Ij leļok ṃōttan kijen ñan e, ñe eṃōj Aō katutu e. Im ke eṃōj An katutu ṃōttan kijen, Ej bōk im leļok ñan Judas, nejin Saimōn Iskariōt.
- [27] Im ālikin ṃōttan kijen eo Setan ej deļoñ ilo e. Innām Jijej e ba ñan e, Men eo kwōj kōmman kwōn kōmmane ṃōkaj.
- [28] Ejjeļok iaan ro rej jibadek ippān jeļā en ta E ar kōnono men iṃ ñan e.
- [29] Bwe jet iaer rej ļōmṃak, kōn an bōjo pād ippān Judas, bwe Jijej e ar ba ñan e, Kwōn wiaik men ko jej aikuj ilo kwōjkwōj: ak bwe en leļok jabdewōt ñan ro ri jeramōl.
- [30] Innām ke eṃōj an bōk ṃōttan kijen, eṃōkaj an diwōjļok, im e boñ.
- [31] Ke eṃōj an ilok, Jijej e ba, Kiiō Nejin armej e aiboojoj, im Anij ej aiboojoj kōn E:
- [32] Im Anij e naaj kaiboojoj E ilo E make, im e naaj ṃōkaj An kaiboojoj E.

- [33] Ajri redik, kiiõ bar jidik wõt iien Ij pād ippemi. Kom naaj kapukõt Eõ: im ainwõt I ar ba ñan ri Ju ro, Ijo Ij ilok ie lok kom jab maroñ in itok, aindein Ij ba ñan kom.
- [34] Kien ekãal Ij lewõj ñan kom, Komwin yokwe doon; ainwõt I ar yokwe kom, komwin barainwõt yokwe doon.
- [35] Ilo men in armej otemjej re naaj jelã bwe komij ri kaloora, eñañne komij yokwe doon.
- [36] Saimõn Piter e ba ñan E, Irooj, kwõj ilok ñan ia? Jijej e uwaak e, Ijo Ij ilok ie lok, kwõ jab maroñ in loor Eõ kiiõ; a tokalik kwõ naaj loor Eõ.
- [37] Piter e ba ñan E, Irooj, etke I jab maroñ in loor Eok kiiõ? I naaj liküt aõ mour kõn Eok.
- [38] Jijej e uwaak e, Kwõ naaj liküt am mour kõn Eõ ke? Emool, emool, Ij ba ñan eok, kako e jãmin kūr mokta jãn am kaarmejjjet Eõ alen jilu.

JEPTA 14

- [Jn 14.1] En jab pok būruemi, komwin lõke Anij, komwin barainwõt lõke Eõ.
- [2] Ilo imõn Jema elõñ jikin: eñañne jab aindein, I naaj kar kõnnaanõk kom mokta; bwe Ij ilen kapojak jikõmi.
- [3] Im eñañne Ij ilem kapojak jikõmi, I naaj bar itok im bõk kom ñan Eõ: bwe ijo Ij pād ie, barainwõt komwin pād ie.
- [4] Im ijo Ij ilok ie lok kom jelã ial.
- [5] Tomas ej ba ñan E, Irooj, kõm jaje ijo kwõj ilok ie lok, im ekõjkan am jelã ial?
- [6] Jijej e ba ñan e, Ña ial, im mool, im mour: ejjelok armej ej itok ñan Jema, eñañne jab kõn Eõ.
- [7] Eñañne kom ar jelã Ña, barainwõt kom naaj kar jelã Jema: im jãn iien in kom jelã E, im ar lo E.
- [8] Pilip e ba ñan E, Irooj, kwõn kwaļok Jemañ ñan kõm, innãm emõj.
- [9] Jijej e ba ñan e, E nañin etto Aõ pād ippemi, im kwõ jaje Ña ke, Pilip? Eo e ar lo Ña, e ar lo Jema; im ekõjkan am ba, Kwõn kwaļok ñan kõm Jemañ?
- [10] Kwõ jab tõmak ke bwe Ña ilo Jema, im Jema ilo Ña? Naan ko Ij kõnono ñan kom, I jab kõnono jãn Ña: a Jema ej pād ilo Ña, Ej kõmanman jermal ko An.
- [11] Komwin tõmak Eõ, bwe Ña ilo Jema im Jema ilo Ña: ak eñañne jab ainwõt, komwin tõmak Eõ kõn jermal ko wõt.
- [12] Emool, emool, Ij ba ñan kom, Eo ej lõke Ña, jermal ko Ij kõmanman, e naaj kõmman barainwõt; im jermal ko reļap jãn kein e naaj kõmman; bwe Ij ilok ñan Jema.
- [13] Im jabdewõt men eo kom naaj kajjitõk ilo eta, men in I naaj kõmanmane, bwe Jema en aiboojoj ilo Nejin.
- [14] Eñañne kom naaj kajjitõk jabdewõt ilo eta, men in I naaj kõmmane.
- [15] Eñañne komij yokwe Eõ, kom naaj kõjparok kien ko Aõ.
- [16] Im I naaj jar im kajjitõk ippãn Jema, im E naaj lewõj ñan kom bar juon Ri Kaaenõman, bwe En pād ippemi indeeo;

- [17] Jetōb ōn mool, Eo la] e ban bōk E, bwe e jab lo E, im e jab je]ā E: a kom je]ā E, bwe Ej jokwe ippemi, im E naaj pād ilo kom.
- [18] I jāmin likūt kom atajinemjen, I naaj iwōj ñan kom.
- [19] A jidik iien, im la] e jāmin bar lo Eō; a komij lo Eō: bwe Ij mour, kom naaj mour barāinwōt.
- [20] Ilo raan eo kom naaj je]ā bwe Ña ilo Jema im kom ilo Ña, im Ña ilo kom.
- [21] Eo kien ko Aō ippān, im ej kōjparoki, e i] eo ej yokwe Eō: im eo ej yokwe Eō Jema e naaj yokwe e, im I naaj yokwe e, im I naaj kwa]ok Eō ñan e.
- [22] Judas (jab Iskariōt) e ba ñan E, Irooj, ekōjkan A] naaj kwa]ok Eok ñan kōm, im jab ñan la]?
- [23] Jijej e uwaak im ba ñan e, E]aññe armej ej yokwe Eō, e naaj kōjparok Aō in naan; im Jema e naaj yokwe e, im kōm naaj itok ñan e, im jokwe ippān.
- [24] Eo e jab yokwe Eō e jab kōjparok naan ko Aō: im naan eo komij roñjake e jab Aō, a an Jema eo E ar jilkintok Eō.
- [25] Men kein I ar kōnono ñan kom, ke Ij pād ippemi.
- [26] A Ri Kaaenōmman, E Jetōb Kwōjarjar, Eo Jema e naaj jilkintok ilo eta, E naaj katakin kom men otemjej, im kakeememej men otemjej ñan kom, men ko I ar ba ñan kom.
- [27] Aenōmman Ij likūt ña ippemi, Aō aenōmman Ij lewōj ñan kom: Ña Ij lewōj ñan kom, jab āinwōt an la] lewōj. En jab pok būruemi, im en jab lō]ñōñ.
- [28] Kom ar roñ ekōjkan Aō ba ñan kom, Ij ilok, im bar iwōj ñan kom. E]aññe kom ar yokwe Eō, kom naaj kar lañlōñ, bwe Ij ilok ñan Jema: bwe Jema e]ap jān Ña.
- [29] Im kiiō I ar ba ñan kom mokta jān an itok, bwe, ñe e moottok, komwin tōmak.
- [30] Tokālik I jāmin bar kōnono elōñ ippemi: bwe Irooj in la] i] eo ej itok, im ejje]ok men eo an ilo Ña.
- [31] A bwe la] en je]ā bwe Ña Ij yokwe Jema; im āinwōt Jema e ar letok kien ñan Eō, āindein Ij kōmman. Komwin jutak, jān ilok jān ijin.

JEPTA 15

[Jn 15.1] Ña Ij vain e]ool, im Jema e Ri kallib.

- [2] Jabdewōt ra ilo Ña e jab jebar leen, Ej bōk]ok: im ra jabdewōt ej jebar leen, Ej karreoik e, bwe en or]ok an jebar leen.
- [3] Kiiō kom erreō kōn naan eo I ar kōnono ñan kom.
- [4] Komwin pād ilo Ña, im Ña ilo kom. Āinwōt ra e ban make jebar leen, e]aññe e jab pād ilo vain; āindein barāinwōt kom bane, e]aññe kom jab pād ilo Ña.
- [5] Ña vain, kom ra ko. Eo ej pād ilo Ña, im Ña ilo e, e i] eo ej jebar elōñ leen; bwe ñe kom jepel jān Ña kom ban kōmman jabdewōt.
- [6] E]aññe armej e jab pād ilo Ña, jo]ok e āinwōt ra, im ej aemed]ok: im rej āt er, im julok ilo kijeek, im tile er.
- [7] E]aññe komij pād ilo Ña, im naan ko Aō rej pād ilo kom, komwin kajjitōk jabdewōt eo kom kōnaan, im naaj kōmmane ñan kom.

- [8] Ilo men in Jema ej aiboojoj, bwe komij jebar elõñ leen; im äindein kom naaj ri ka]loora.
- [9] Äinwõt Jema e ar yokwe Eõ, baräinwõt I ar yokwe kom; komwin päd wõt ilo Aõ yokwe.
- [10] E]aññe komij kõjparok kien ko Aõ, kom naaj päd ilo Aõ yokwe; im äinwõt I ar kõjparok kien ko an Jema, im Ij päd ilo An yokwe.
- [11] Men kein Ij kõnono ñan kom bwe Aõ lañlõñ en päd ilo kom, im bwe ami lañlõñ en obrak.
- [12] Eñin kien eo Aõ, Bwe komwin yokwe doon, äinwõt I ar yokwe kom.
- [13] Ejje]ok yokwe ippän armej e]ap jän yokwe in, bwe armej en le]ok an mour kõn ro jeran.
- [14] Kom ro jera, e]aññe komij kõmman men ko Ij jiroñ kom.
- [15] I jämin bar ñaetami ri korijer; bwe ri korijer e jaje men eo Irooj eo an ej kõmman: a I ar ñaetami ro jera; bwe men otemjej I ar roñ jän Jema I ar kwa]ok ñan kom.
- [16] Kom ar jab kää]ot kom, im liküt kom bwe komwin ilok im jebar leen, im bwe leen eo ami en päd wõt; bwe jabdewõt men eo kom naaj kajjitök ippän Jema, En lewõj ñan kom.
- [17] Men kein Ij jiroñ kom, bwe komwin yokwe doon.
- [18] E]aññe la] ej kõjdate kom, komij je]ä bwe e ar kõjdate Eõ mokta jän kom.
- [19] E]aññe kom an la], la] e naaj kar yokwe men eo an: a bwe kom jab an la], a I ar kää]ot kom jän la], kõn men in la] ej kõjdate kom.
- [20] Komwin keememej naan eo I ar ba ñan kom, Ri korijer e jab utiej jän Irooj eo an. E]aññe raar matörtör Eõ, re naaj baräinwõt matörtöre kom; e]aññe raar kõjparok Aõ in naan, re naaj baräinwõt kõjparok ami naan.
- [21] A men kein otemjej re naaj kõmanman ñae kom kõn eta, bwe re jaje Eo e ar jilkintok Eõ.
- [22] E]aññe I ar jab itok im kõnono ñan er, ejje]ok jerowiwı e naaj kar ippaer; a kiiõ ejje]ok men in kadik]ok aer jerowiwı.
- [23] Eo ej kõjdate Eõ ej baräinwõt kõjdate Jema.
- [24] E]aññe I ar jab kõmanman ippaer jermal ko ejje]ok bar juon armej e ar kõmman, e naaj kar je]ok jerowiwı ippaer: a kiiõ raar lo im kõjdate Ña im Jema.
- [25] A men in, bwe en jejjet naan eo jeje ilo kieir, Raar kõjdate Eõ im ejje]ok unin.
- [26] A ñe Ri Kaaenõmman ej itok, Eo I naaj jilkinwõj ñan kom jän Jema, E Jetõb in mool, Eo ej itok jän Jema, E naaj kõnnaan kõn Eõ:
- [27] Im kom baräinwõt kõnnaan, bwe kom ar päd ippa jän jinoin.

JEPTA 16

[Jn 16.1] Men kein I ar kõnono ñan kom, bwe komwin jab tipñõl.

- [2] Re naaj jo]ok kom jän imõn kwelok ko; aet awa ej itok, ñe jabdewõt eo ej man kom, e naaj]õmman bwe ej jermal ñan Anij.
- [3] Im men kein re naaj kõmman ñan kom, bwe re jab je]ä Jema ak Ña.

- [4] A men kein I ar kōnono ñan kom, bwe ñe ej itok aer awa, komwin keememej er, ekōjkan I ar kōnnaanōk kom. Im men kein I ar jab ba ñan kom jān jinoin, bwe I ar pād ippemi.
- [5] A kiiō Ij ilok ñan Eo e ar jilkintok Eō; im ejjeļok iaami ej kajjitōk ippa, kwōj ilok ñan ia?
- [6] A bwe I ar ba men kein ñan kom, būromōj e ar kobraĸ būruemi.
- [7] Ijoke Ij ba ñan kom naan emool; emman ñan kom bwe In ilok: bwe eļaññe I jab ilok, Ri Kaenōmman e jāmin iwōj ñan kom; a eļaññe Ij ilok, I naaj jilkinwōj E ñan kom.
- [8] Im ñe Ej itok, E naaj ñaruōn laļ kōn jerowiwī im kōn kwōjarjar, im kōn ekajet:
- [9] Kōn jerowiwī, bwe re jab lōke Eō;
- [10] Kōn kwōjarjar bwe Ij ilok ñan Jema, im kom jab bar lo Eō:
- [11] Kōn ekajet, bwe ar ekajete irooj in laļ in.
- [12] Bar elōñ men ko ippa bwe In ba ñan kom, a kom jab maroñ in bōki kiiō.
- [13] A ñe Eo, Jetōb ōn mool, Ej itok, e naaj tōl kom ñan lowaan mool otemjej; bwe E jāmin kōnono jān E make; a jabdewōt men eo E naaj roñjake, men in E naaj kōnono: im E naaj kwaļok ñan kom men ko re naaj itok.
- [14] E naaj kaiboojoj Ńa: bwe E naaj bōĸ jān men eo Aō, im E naaj kwaļok e ñan kom.
- [15] Men otemjej an Jema Aō: kōn men in Ij ba, bwe E naaj bōĸ jān men eo Aō, im E naaj kwaļok e ñan kom.
- [16] Jidik wōt iien, im kom jab bar lo Eō: im bar jidik wōt iien, im kom naaj lo Eō.
- [17] Innām jet iaan ro ri kaļooran re ba ñan doon, ta men in Ej ba ñan kōj, Jidik wōt iien, im kom jab bar lo Eō; im bar jidik wōt iien, im kom naaj lo Eō, im, Bwe Ij ilok ñan Jema?
- [18] Innām re ba, Ta men in Ej ba, Jidik wōt iien? Je jaje ta eo Ej kōnono.
- [19] Innām Jijej ej kile bwe re kōṇaan kajjitōk ippān, im E ba ñan er, Kom kajjitōk ippān doon ke kōn men eo I ar ba, Jidik wōt iien im kom jab bar lo Eō: im bar jidik wōt iien im kom naaj lo Eō?
- [20] Emool, emool, Ij ba ñan kom, kom naaj jañ im limō, a laļ e naaj lañlōñ; im kom naaj būromōj, a ami būromōj e naaj oktak ñan lañlōñ.
- [21] Kōrā ke ej eñtaan ej būromōj, bwe e moottok awa eo an: a ke e ļotak nejin, e jab bar keememej eñtaan kōn lañlōñ bwe juon armej e ļotak ilo laļ.
- [22] Im kiiō komij būromōj: a I naaj bar lo kom, im e naaj lañlōñ būruemi, im ejjeļok en ej bōĸ ami lañlōñ jān kom.
- [23] Ilo raan eo e naaj jeļok ami kajjitōk ippa. Emool, emool, Ij ba ñan kom, Eļaññe kom naaj kajjitōk ippān Jema, E naaj lewōj ñan kom ilo eta.
- [24] Kom jañin kajjitōk jabdewōt ilo eta; komwin kajjitōk im komnaaj bōĸ, bwe ami lañlōñ en obrak.
- [25] Men kein I ar kōnono ñan kom ilo naan ko rettino: a iien ej itok, ñe I jāmin bar kōnono ñan kom ilo naan ko rettino, a I naaj kwaļok ñan kom alikkar kōn Jema.

- [26] Ilo raan eo kom naaj kajjitōk ilo eta: im I jab ba ñan kom bwe I naaj jar im kajjitōk ippān Jema kōn kom.
- [27] Bwe Jema ej make yokwe kom, bwe kom ar yokwe Eō, im tōmak bwe I ar itok jān Anij.
- [28] I ar itok jān Jema, im itok ñan laḷ: bar juon, Ij likūt laḷ, im ilōk ñan Jema.
- [29] Ri kaḷooran re ba ñan E, Lo, kiiō kwōj kōnono alikkar, im jab kōnono ilo naan eo ettino.
- [30] Kiiō kōm jeḷā bwe Kwō jeḷā men otemjej, im Kwō jab aikuj bwe jabdewōt armej en kajjitōk ippam: kōm men in kōmij tōmak bwe Kwar itok jān Anij.
- [31] Jijej ej uwaak er, Komij tōmak kiiō ke?
- [32] Lo, awa ej itok, aet, e moottok, ñe kom naaj jeplōklōk, kom otemjej ñan jikōmi, im naaj likūt Eō make Iaō: ijoke I jab make Iaō, bwe Jema ej pād ippa.
- [33] Men kein I ar kōnono ñan kom, bwe ilo Ña komwin aenōmman. Ilo laḷ komij eñtaan: a komwin mōḥōḥō; Ña I ar bōk anjo ioon laḷ.

JEPTA 17

- [Jn 17.1] Naan kein Jijej e ar kōnono, im reiḷok ñan lañ, im ba, Jema e moottok awa eo: Kwōn kaiboojoj Nejm, bwe Nejm en kaiboojoj Kwe:
- [2] Āinwōt Kwar letok ñan E kajoor ioon kanniōk otemjej, bwe En leḷok mour indeeo ñan er otemjej Kwar letok ñan E.
- [3] Im men in mour indeeo, bwe ren jeḷā Kwe juon wōt Anij emool, im Jijej Kūraij, eo Kwar jilkintok.
- [4] I ar kaiboojoj Eok ioon laḷ: I ar kaḥōjḷok jermal eo Kwar letok ñan Eō bwe In kōmmane.
- [5] Im kiiō O Jema, kwōn kaiboojoj Eō kōn Kwe wōt kōn aiboojoj eo e ar pād ippa im ippam mokta jān laḷ.
- [6] I ar kwaḷok etam ñan armej ro Kwar letok ñan Eō jān laḷ: ro Am mokta, im Kwar letok er ñan Eō; im raar kōjparok Am in naan.
- [7] Kiiō ro jeḷā bwe men otemjej jabdewōt, Kwar letok ñan Eō, jān Kwe.
- [8] Bwe I ar leḷok ñan er naan ko Kwar letok ñan Eō; im raar bōki, im kanooj jeḷā bwe I ar itok jān Kwe, im raar tōmak bwe Kwar jilkintok Eō.
- [9] Ij jar kōn er: I jab jar kōn laḷ, a kōn ro Kwar letok ñan Eō; bwe er Am.
- [10] Im men otemjej Aō Am, im Am Aō; im Ij aiboojoj ilo er.
- [11] Im kiiō emōj Aō pād ilo laḷ, a er rej pād ilo laḷ, im Ij iwōj ñan Eok. Jema Kwōjarjar, kwōn kōjparok er ilo etam wōt, ro Kwar letok ñan Eō, bwe ren juon wōt, āinwōt Kōj.
- [12] Ke I ar pād ippaer ilo laḷ, I ar kōjparok er ilo etam, ro Kwar letok ñan Eō: im I ar oṇaake er, im ejeḷok juon iaer e jako, a dien mej eo, bwe en kaḥool Jeje ko.
- [13] A kiiō Ij iwōj ñan Eok; im men kein Ij kōnono ilo laḷ, bwe Aō lañlōñ en obrak ilo er.
- [14] I ar leḷok ñan er naan eo Am; im laḷ e ar kōjdate er, bwe re jab jān laḷ, āinwōt Ña I jab jān laḷ.

- [15] I jab jar bwe Kwōn bōk er jān la], a bwe Kwōn kōjparok er jān eo enana.
- [16] Re jab jān la], āinwōt Ña I jab jān la].
- [17] Kwōn kokwōjarjar er ilo mool: Aṃ in naan mool eo.
- [18] Āinwōt Kwar jilkintok Eō ñan la], āindein Ij jilkin]ok er ilo la].
- [19] Im Ij kokwōjarjar Eō kōn er, bwe ren barāinwōt kwōjarjar ilo mool.
- [20] Ak I jab jar kōn rein wōt, a barāinwōt kōn ro re naaj lōke Eō kōn aer in naan;
- [21] Bwe er otemjej ren juon; āinwōt Kwe, Jema ilo Ña, im Ña ilo Kwe, bwe er barāinwōt ren ilo Kōj; bwe la] en tōmak bwe Kwar jilkintok Eō.
- [22] Im aiboojoj eo Kwar letok ñan Eō, I ar le]ok ñan er; bwe ren juon, āinwōt Kōj juon:
- [23] Ña ilo er, im Kwe ilo Ña; bwe ren weepñan]ok ilo juon; im bwe la] en je]ā bwe Kwar jilkintok Eō, im yokwe er, āinwōt Kwar yokwe Ña.
- [24] Jema, I kōṇaan bwe ro, Kwar letok ñan Eō, ren pād ippa ijo Ij pād ie, bwe ren lo Aō aiboojoj Kwar letok ñan Eō: bwe Kwar yokwe Eō mokta jān jinoin kōṃanṃan la].
- [25] O Jema e Wānōk, la] e ar jab je]ā Kwe: a Ña I ar je]ā Kwe, im rein raar je]ā bwe Kwar jilkintok Eō.
- [26] Im I ar kwa]ok etam ñan er, im I naaj kwa]ok e; bwe yokwe eo, Kwar yokwe Eō kake, en pād ilo er, im Ña ilo er.

JEPTA 18

- [Jn 18.1] Ke emōj an Jijej kōnono naan kein, Ej ilok ippān ro ri ka]ooran im e]l]ā jān wea Kidron, ijo juon jikin kallib, E im ri ka]ooran rej de]oñ ilowan.
- [2] Im Judas, eo e ar ketak E, e barāinwōt je]ā jikin eo; bwe e makij an Jijej ar ilok ñan ijo ippān ro ri ka]ooran.
- [3] Innām Judas, emōj an bōk jar an ri tariṇae im ro ri kabōjrak jān pris ro re]ap im Parisi ro, rej itok im ewor]aam im romaak im kein tariṇae ippaer.
- [4] Innām Jijej, bwe E je]ā men otemjej ren itok ioon, Ej ilok im ba ñan er, Wōn eo komij pukot e?
- [5] Re uwaak E, Jijej ri Nazaret. Jijej e ba ñan er, Ña E. Im barāinwōt Judas, eo e ar ketak E, e jutak ippaer.
- [6] Kiiō ke E ar ba ñan er, Ña E, rej jenlik, im buñ ioon bwidej.
- [7] Innām Ej bar kajjitōk ippaer, Wōn eo komij pukot e? Im re ba, Jijej ri Nazeret.
- [8] Jijej e uwaak, I ar ba ñan kom bwe Ña E: innām e]añne komij pukot Eō, kōt]ok rein bwe ren ilok.
- [9] Bwe en je]jet naan eo E ar kōnono, Ian ro Kwar letok ñan Eō, e jab jako juon iaer jān Eō.
- [10] Innām juon jāje ippān Saimōn Piter, im ej nuri, im jepak ri korijeran pris eo e]ap, im bukwe lo]ilñin anbwijmaroñan. Etan ri korijer eo Malkōs.
- [11] Innām Jijej e ba ñan Piter, Kwōn likūt jāje ṇe aṃ ṇa ilo nien: kab eo Jema eo ar letok ñan Eō, In jāmin idaak ke?
- [12] Innām jar eo im kapen im ri kabōjrak an ri Ju ro rej jibwe Jijej, im liāp E,

- [13] Im ãñin]lok E ñan Annas mokta; bwe e jemen lio pãleen Keiapas, pris eo e]ap ilo iiõ in.
- [14] Im Keiapas in, eo e ar pepe ñan ri Ju ro, bwe emman juon armej en mej kõn armej ran.
- [15] Im Saimõn Piter ej]oor Jijej, im bar juon ri ka]ooran: ri ka]ooran eo pris e]ap e jelã, im ej de]õñ ippãñ Jijej ilowan imõn pris eo e]ap.
- [16] A Piter e jutak ilikin kõjãm eo. Innãm ri ka]oor eo pris e]ap e jelã, ej ilok im kõnono ñan lio, eo ej lale kõjãm, im kade]õñ Piter.
- [17] Innãm jiroñ eo, ri lale kõjãm, e ba ñan Piter, Kwõ barãinwõt juon iaan ro ri ka]ooran armej in ke? E ba, Jab.
- [18] Im ro ri korijer im ri kabõjrak rej jutak ijo, raar kõjo kijeek kõn mälle, bwe e pio; im rej rañrañ: im Piter e jutak ippaer im make rañrañ.
- [19] Innãm pris eo e]ap ej kajjitõk ippãñ Jijej kõn ro ri ka]ooran, im kõn An naan in katak.
- [20] Jijej e uwaak e, I ar kõnono alikkar ñan la]; iien otemjej I ar katakin ilowan imõn kwelok ko, im ilowan tempel, ijo ri Ju ro otemjej rej kweiloklok ie; im ilo ettino ejjelok Aõ kõnono.
- [21] Etke kwõj kajjitõk ippa? kwõn kajjitõk ippãñ ro raar roñjake Eõ, ta eo I ar ba ñan er: lo, rein rej jelã ta eo I ar ba.
- [22] Ke emõj An kõnono ãindein, juon iaan ri kabõjrak ro rej jutak iturin, ej ubrare Jijej kõn pein im ba, ãindein Am uwaak pris eo e]ap ke?
- [23] Jijej e uwaak e, E]aññe I ar kõnono nana, kwõn kõnnaan kõn nana eo: a e]aññe emman, etke kwõj ubrare Eõ?
- [24] Annas e ar jilkin]lok E ke Ej ilok wõt, ñan Keiapas pris eo e]ap.
- [25] Im Saimõn Piter ej jutak im rañrañ e. Innãm re ba ñan e, Kwõ barãinwõt juon iaan ro ri ka]ooran de? Ej kaarmejjete, im ba, Jab.
- [26] Juon iaan ro ri korijeran pris eo e]ap, nukwin eo Piter e ar bukwe lojilñin, e ba, I ar jab lo eok ilo jikin kallib eo ippãñ ke?
- [27] Innãm Piter ej bar kaarmejjete E: im emõkaj an kako ikkür.
- [28] Innãm rej ãñin]lok Jijej jãn Keiapas ñan Pritoriõm, im e jibboñ; im er re jab de]õñ ilowan Pritoriõm eo bwe ren jab ettoon; a bwe ren mõñã kwõjkwõj in kijoone.
- [29] Innãm Pailat ej diwõj]lok ñan er, im ba, Ewi naan in kinaak]lok komij bõk ñae armej in?
- [30] Re uwaak im ba ñan e, E]aññe E ar jab ri nana, kõm jãmin kar ketak E ñan eok.
- [31] Innãm Pailat e ba ñan er, komwin make bõk E, im ekajet E kõn kiemi. Ri Ju re ba ñan e, E jab mälím bwe kõmin man jabdewõt armej.
- [32] Bwe naan jãn Jijej en jejjet, eo E ar ba, im bakajjien wãween mej eo E naaj mej kake.
- [33] Innãm Pailat ej bar de]õñ ilowan Pritoriõm, im kürtok Jijej, im ba ñan E, Kwe kiñ an ri Ju ro ke?
- [34] Jijej e uwaak, Kwõj ba men in jãn kwe make, ak ro jet raar ba men in ñan eok kõn Eõ ke?

- [35] Pailat e uwaak, Ña ri Ju ke? Ri aelõñ eo Am̄ im pris ro reļap raar ketak Eok ñan eõ: ta eo Kwar kōm̄mane?
- [36] Jijej e uwaak, Aelõñ eo Aõ e jab jãn laļ in; eļaññe Aõ aelõñ jãn laļ in, innām ro korijera ren ire, bwe en jab ketak Eõ ñan ri Ju ro: a kiiõ Aõ aelõñ e jab jãn ijin.
- [37] Kõn men in Pailat ej ba ñan E, Innām Kwe kiñ ke? Jijej e uwaak, Kwõj ba wõt. Ña kiñ. Kõn men in I ar ļotak, im kōn men in I ar itok ñan laļ, bwe In kōnnaan kōn mool. Er otemjej jãn mool rej eõron ainikiõ.
- [38] Pailat e ba ñan E, Ta eo mool? Im ke em̄oj an ba men in, ej bar diwõj ñan ri Ju ro, im ba ñan er, Ij lo ejjeļok ruõn.
- [39] A juon ami manit, bwe in kõtļok juon ñan kom ilo kwõjkwõj in kijoone: innām kom kōnnaan bwe in kõtļok ñan kom Kiñ an ri Ju ro ke?
- [40] Innām er otemjej rej bar lam̄oj im ba, Jab armej in, a Barabbas. A Barabbas e ri kowadoñ.

JEPTA 19

[Jn 19.1] Innām iien eo, Pailat ej bõk Jijej im deñļok E.

- [2] Im ri tariņae rej pirõk wõjke kãlõklõk, im likūt e ña ioon bõran, im rej naballin kōn nuknuk ekilmir,
- [3] Im rej itok ñan E, im ba, YokweYuk, Kiñ an ri Ju ro, im rej ubrar E kōn peir.
- [4] Innām Pailat ej bar diwõjļok im ba ñan er, lo, Ij ãñinwõj E ñan kom, bwe komwin jeļã I jab lo notaan.
- [5] Innām Jijej ej diwõjļok, Ej pãlõk pãllin kãlõklõk eo, im kōņak nuknuk eo ekilmir. Im Pailat e ba ñan er, Lo, Armej eo!
- [6] Innām ke pris ro reļap im ri kabõjrak rej lo E, rej lam̄oj im ba, Debwãal E, debwãal E. Pailat e ba ñan er, Komeo, komwin bõk E, im debwãal E; bwe I jab lo ruõn.
- [7] Ri Ju ro re uwaak e, Juon am kien, im kōn kien eo em̄man En mej, bwe E ar make kōm̄man E nejin Anij.
- [8] Innām ke Pailat ej roñ naan eo, eļapļok an mijak;
- [9] Im ej bar deļõñ ilowan Pritoriõm, im ba ñan Jijej, Kwõj jãn ia? A ejjeļok an Jijej uwaak e.
- [10] Innām Pailat e ba ñan E, Kwõ jab kōnono ñan eõ ke? Kwõ jaje ke bwe ij maroñ in debwãal Eok, im ij maroñ in kõtļok Eok?
- [11] Jijej e uwaak e, Ejjeļok am̄ maroñ ñae Eõ, eļaññe jab lewõj ñan eok jãn lañ: kōn men in eo e ar ketak Eõ ñan eok, eļapļok an jerõwiwi.
- [12] Jãn iien in Pailat ej pukot bwe en kõtļok E: a ri Ju ro rej lam̄oj, im ba, Eļaññe kwõj kõtļok armej in bwe En ilok, kwõ jab jeran Sizar: jabdewõt eo ej make kōm̄man e juon kiñ, ej kōnono ñae Sizar.
- [13] Innām ke Pailat ej roñ naan eo, ej ãñinļok Jijej, im ej jijet ioon kein jijet in ekajet ijo etan Pevment, a naan in Hibru Gabbeta.
- [14] Im iien in iien kapojak kwõjkwõj in kijoone, im enañin joñoul im ruo awa; im ej ba ñan ri Ju ro, Lo ami Kiñ!

- [15] A rej lamōj, Joļok E, joļok E, debwāāl E. Pailat e ba ñan er, In debwāāl ami Kiñ ke? Pris ro reļap re uwaak, Ejjeļok am kiñ, a Sizar wōt.
- [16] Innām ej ketak E ñan er bwe ren debwāāl E.
- [17] Im rej bōk Jijej; im Ej bōk debwāāl eo An im iloķ ñan ijo etan jikin ļat in bar, āt eo juon ilo Hibru, Golgota.
- [18] Ijo rej debwāāl E, im bar ruo ippān, juon ikajōb im juon ikajōb, im Jijej eoļōp.
- [19] Im Pailat e ar je juon kakōļļen, im likūt e ioon debwāāl. Im e ar je, JIJ EJ RI NAZERET KIÑ AN RI JU RO.
- [20] Innām elōñ iaan ri Ju ro rej kōnono kakōļļe in; bwe ijo raar debwāāl Jijej epaak jikin kwelok: im ar jeje ilo Hibru, im Rom, im Grik.
- [21] Innām pris ro reļap an ri Ju ro re ba ñan Pailat, Kwōn jab jeje, Kiñ an ri Ju ro; a bwe E ar ba, Ņa, kiñ an ri Ju ro.
- [22] Pailat e uwaak, Men eo I ar jeje, eņōj aō jeje.
- [23] Innām ro ri tariņae, ke eņōj aer debwāāl Jijej, rej bōk nuknuk ko An, im ajej emān mōttan, im kajju ļok ñan ri tariņae otemjej juon mōttan; im barāinwōt kopā: a kopā eo ejjeļok katin, eje jān lañ ñan laļ.
- [24] Innām re ba ñan doon, Jān jab kekeele, a kakōļļe bwe jān jeļā an wōn; bwe en kaņool jeje eo e ba, Raar kajulok Aō nuknuk ippaer, im kōn balliō raar kōmman kakōļļe. Innām ri tariņae raar kōmman men kein.
- [25] A jinen, im jein im jaten jinen kōrā Meri lio pāleen Kliopas, im Meri Magdalini, rej jutak iturin debwāāl eo an Jijej.
- [26] Innām ke Jijej ej lo jinen, im ri kaļooran eo Ej yokwe e jutak iturin, E ba ñan jinen, Kōrā, lo, neļōm!
- [27] Im E ba ñan ri kaļooran eo, Lo, jinōm! In jān awa eo ri kaļooran eo ej bōk lio ñan jikin.
- [28] Ālikin men in, Jijej e jeļā bwe ar kaņōjļok men otemjej kiiō, bwe en kaņool jeje, E ba, Ij maro.
- [29] Im e pād ijo juon jāpe elōñ kōn vinegar: im rej katutu matmat ilo vinegar eo, im likūt e iņaan hissōp, im likūt e ņa i loņin.
- [30] Innām ke eņōj an Jijej bōk vinegar eo, E ba, Eņōj! im Ej jirļok im kōtļok An.
- [31] Innām ri Ju ro, bwe iien kapojak, bwe ubeir ren jab pād ioon debwāāl ko ilo Jabōt, (bwe Jabōt eo raan eļap,) rej kajjitōk ippān Pailat bwe ren ruje neir, im bwe ren bōkļok er.
- [32] Innām ri tariņae rej itok, im ruje neen eo mōkta, im eo bar juon ar debwāāl e ippān.
- [33] A ke rej itok ñan Jijej, im lo bwe eņōj An mej, re jab ruje neen.
- [34] A juon iaan ro ri tariņae, ej wākari katin kōn mādē, im eņōkaj an bōtōktōk im dān tōor ļok.
- [35] Im eo ej loe, ej kōnnaan, im kōnnaan eo an eņool: im e jeļā bwe ej ba mool, bwe koņwin barāinwōt tōmak.
- [36] Bwe ar kōmanman men kein, bwe en jejjēt Jeje eo, Juon diin e jāmin moruj.
- [37] Im bar juon Jeje ej ba, Re naaj kallimjek Eo raar wākare.

- [38] Im ālikin men kein, Josep ri Arimetia, e ri kaḷooran Jijej, a ilo ettino bwe e mijak ri Ju ro, ej kajjitōk ippān Pailat bwe en bōkḷok ubōn Jijej; im Pailat e ba, Aet. Innām ej itok im bōkḷok ubōn eo.
- [39] Im barāinwōt Nikodimōs ej itok, eo e ar itok ḡokta ḡan Jijej ilo boñ, im ej bōktok juon iiōkin mōrr im aloes, enañin jibukwi boun.
- [40] Innām rej bōk ubōn Jijej, im kūtimi ilo nuknuk linen ko ippān toḷaj ko, āinwōt ḡanit an ri Ju ro kallib.
- [41] Im ijo raar debwāāl E, juon jikin kallib; im ilo jikin kallib eo juon lōb ekāāl, re jañin likūt armej ilowan.
- [42] Innām rej likūt Jijej ilowan, bwe raan in kapojak an ri Ju ro; (bwe epaak lōb eo.)

JEPTA 20

- [Jn 20.1] Ilo raan eo ḡokta ilo wiik, ke e jimmarok, Meri Magdalini ej itok ḡan lōb eo, im ej lo ejḡaan epeḷḷok jān lōb.
- [2] Innām ej ettōr im itok ḡan Saimōn Piter, im ḡan ri kaḷooran eo juon, eo Jijej ej yokwe, im ba ḡan erro, Raar bōkḷok Irooj jān lōb eo im kōm jaje ijo raar likūt E ie.
- [3] Innām Piter ej ilok, im ri kaḷooran eo juon, im rejro ilok ḡan lōb eo.
- [4] Im rejro jīmōr ettōr; im ri kaḷoor eo juon ej ettōr jān Piter, im ḡokaj ḷok ḡokta ḡan lōb eo.
- [5] Im ej jirḷok, im lo ilowan nuknuk linen ko rej pād; a e jab deḷoñ ilowan.
- [6] Innām Piter ej itok im ḷoor e, im ej deḷoñ ilowan lōb eo, im lo nuknuk linen ko rej pād,
- [7] Im napkin eo ej kūtimi bōran, e jab pād ippān nuknuk linen ko, a limi im kamakeḷok iaan ilo juon jikin.
- [8] Innām barāinwōt ri kaḷoor eo juon, eo ej itok ḡokta ḡan lōb eo, ej deḷoñ, im lo, im tōmak.
- [9] Bwe ḡan iien iḡ re jaje Jeje eo, bwe En jerkakpeje jān ro re mej.
- [10] Innām ri kaḷoor rejro bar ilok ḡan ḡweo iḡweir.
- [11] A Meri ej jutak i nabōj iturin lōb eo im jañ: im ke ej jañ ej jirḷok ilo lōb eo,
- [12] Im ej lo ruo enjeḷ, rej kōḡak nuknuk emouj, rej jijet, juon i bōran, im eo juon i neen, ijo ubōn Jijej e kar pād ie.
- [13] Im re ba ḡan e, Kōrā, etke kwōj jañ? E ba ḡan er, Bwe raar bōkḷok aō Irooj, im I jaje ijo raar likūt E ie.
- [14] Im ke eḡōj an kōnono āinwōt, ej oktaklik, im lo Jijej e jutak, im e jaje e Jijej.
- [15] Jijej e ba ḡan e, Kōrā, etke kwōj jañ? wōn eo kwōj pukot e? Ej ḷōmḡak E ri kallib, im e ba ḡan E, Leyō, eḷañne Kwar bōkḷok E jān ijin, kwōn kwaḷok ḡan eō ijo Kwar likūt E ie, im I naaj bōkḷok.
- [16] Jijej e ba ḡan e, Meri. Ej oktaklik, im ba ḡan E, Rabbonai: ukōtōn naan, Ri Kaki.
- [17] Jijej e ba ḡan e, Kwōn jab uññūr Eō; bwe I jañin wanlōñḷok ḡan Jema: a kwōn ilok ḡan ro jeiō im jatiō, im ba ḡan er, Ij wanlōñḷok ḡan Jema, im Jememi, im ḡan Aō Anij, im ami Anij.

- [18] Meri Magdalini ej itok im ba ñan ro ri kaloor, I ar lo Irooj; im ekōjkan E ar kōnono men kein ñan e.
- [19] Innām raan eo ke ejota, raan eo mokta ilo wiik, ñe e kilōk aor ko ijo ri kaloor rej pād ie, bwe re mijak ri Ju ro, Jijej ej itok im jutak eoļōp er, im ba ñan er, Aenōmman ñan kom.
- [20] Im ke emōj an ba āindein, Ej kwaļok pein im katin ñan er. Innām ri kaloor rej lañlōñ, ke rej lo Irooj.
- [21] Innām Jijej e bar ba ñan er, Aenōmman ñan kom: āinwōt Jema e ar jilkintok Eō, āindein Ij jilkinļok kom.
- [22] Im ke emōj An ba men in, Ej kal er, im ba ñan er, Komwin bōk Jetōb Kwōjarjar.
- [23] Jerōwiwi ko an jabdewōt eo komij julōki, re jako: im jerōwiwi ko an jabdewōt eo komij dāpiji, re jāmin jako.
- [24] A Tomas juon iaan joñoul im ruo, āt eo juon Didimōs, e ar jab ippaer ke Jijej ej itok.
- [25] Innām ri kaloor ro jet, re ba ñan e, Kōm ar lo Irooj. A ej ba ñan er, Eļañne I jab lo ilo pein kōnjan dila lo, im likūt addiō ilo kōnjan dila, im karuñļok peiō ilo katin, I jāmin tōmak.
- [26] Im ilōkōn ruwalitōk raan rej pād ilowan im, Tomas ippaer; aor ke rekilik, Jijej ej itok, im E jutak eoļōpeir, im ba, Aenōmman ñan kom.
- [27] Im E ba ñan Tomas; Kwōn letok addim, im lale peiō; im letok piom, im karuñļok e ilo katiō, im kwōn jab pere a tōmak.
- [28] Im Tomas e uwaak im ba ñan E, Kwe aō Irooj im aō Anij.
- [29] Jijej e ba ñan e, Tomas, bwe Kwar lo Eō, Kwar tōmak: emōñōñō ro raar jab lo, im rej tōmak.
- [30] Im bar elōñ kakōļe Jijej ej kōmman imaan mejan ro ri kalooran, ar jab jeje er ilo bok in.
- [31] A emōj jeje men kein bwe komwin tōmak bwe Jijej e ri Kūraij, Nejin Anij; im bwe kōn ami lōke, komwin bōk mour ilo etan.

JEPTA 21

- [Jn 21.1] Ālikin men kein Jijej ej bar weaaktok ñan ro ri kalooran iturin lomaļo in Taibiriōs; im e wāween de in An weaaktok.
- [2] Saimōn Piter, im Tomas āt eo juon Didimōs, im Natanael jān Kena in Galili, im ro nejin Zebedi, im bar ruo ri kalooran rej jimor ijo.
- [3] Saimōn Piter ej ba ñan er, Ij ilen eñōd. Re ba ñan e, Barāinwōt kōmij uwe ippañ. Rej ilok, im uwe ioon wa: im ilo boñ eo ejjeļok kuņaer.
- [4] A ke jimmarok, Jijej e jutak ioon parijet; a ri kaloor re jaje E Jijej.
- [5] Innām Jijej e ba ñan er, Ajri rañ, ewor ke kijemi? Re uwaak E, Ejjeļok.
- [6] Im E ba ñan er, Komwin door ok i anwijnmaroñan, im kom naaj lo. Kōn men in rej door ļok, im kiiō re ban tōbwe, bwe elōñ ek.
- [7] Innām ri kaloor eo Jijej ej yokwe ej ba ñan Piter, E Irooj. Innām ke Saimōn Piter ej roñ, E Irooj, ej kōņake kopā eo an, bwe e keelwaan, im ej kālōk i lojet.

- [8] A ri kaḷoor ro jet rej itok ilo wa edik, (bwe re jab etoḷok jān āne, a āinwōt rūbukwi moḱwōj) im ipertok ok eo im ek ko.
- [9] Innām ke rej tōkeak i āne, rej lo kijeek mälle ijo, im ek ioon, im bred.
- [10] Jijej e ba ñan er, Koḿwin bōktok jet iaan ek ko kom ar tōbwe kiiō.
- [11] Saimōn Piter ej iloḱ, im ipertok ok eo ñan āne elōñ kōn ek ko reḷap, jibukwi im lemñoul im jilu: a meñe elōñ, ok e jab rup.
- [12] Jijej e ba ñan er, Koḿwin itok im mōñā. Im ejjeḷok juon iaan ro ri kaḷoor e peran in kajjitōk ippān, Wōn Kwe? re jeḷā E Irooj.
- [13] Innām Jijej ej itok, im bōk bred, im leḷok ñan er, im barāinwōt ek.
- [14] Iien in alen kein ka jilu Jijej ej weaaktok ñan ro ri kaḷooran, ālikin iien eo E ar jerkakpeje jān ro re mej.
- [15] Innām ke eḱōj aer mōñā, Jijej e ba ñan Saimōn Piter, Saimōn nejin Jon, kwōj yokwe Eō eḷap jān rein ke? E ba ñan E, Aet, Irooj; kwō jeḷā Ij yokwe Eok. E ba ñan e, Kwōn naajdik Jaam ko Aō.
- [16] E bar ba ñan e alen kein ka ruo, Saimōn nejin Jon, kwōj yokwe Eō ke? E ba ñan E, Aet, Irooj; Kwō jeḷā Ij yokwe Eok. E ba ñan e Kwōn seperd Aō jiiip.
- [17] Ej ba ñan e alen kein ka jilu, Saimōn nejin Jon, kwōj yokwe Eō ke? Piter ej būromōj bwe E ba ñan e alen kein ka jilu, Kwōj yokwe Eō Ke? Im e ba ñan E, Irooj, kwō jeḷā men otemjej; Kwō jeḷā ij yokwe Eok. Jijej e ba ñan e, Kwōn naajdik Aō jiiip.
- [18] Eḱool, Eḱool, Ij ba ñan eok, Ke Kwar inono Kwar make kañūrñūr eok, im etetal ijo kwō kōḱaan etal ie: a ñe kwō naaj ḷallap, kwō naaj erḷoke piom, im bar juon e naaj kañūrñūr eok, im āñinḷok eok ijo kwō jab kōḱaan.
- [19] Ej kōnono men in bwe En bakajjien wāween mej eo e naaj kaiboojoj Anij kake. Im ke eḱōj An kōnono men in, Ej ba ñan e, Kwōn ḷoor Eō.
- [20] Innām Piter ej oktaklik im lo ri kaḷoor eo Jijej ej yokwe ej ḷoor E, eo ej atartar ioon ubōn ilo kejota eo, im ba, Irooj, wōn eo ej ketak Eok?
- [21] Innām Piter ej lo e im ba ñan Jijej, Irooj, ekōjkan armej in?
- [22] Jijej e ba ñan e, Eḷaññe I kōḱaan bwe en pād wōt mae iien Ij itok, ta men in ippam? kwōn ḷoor Eō.
- [23] Innām naan in e buñbuñ ḷok ippān jemjein jemjaten. bwe ri kaḷoor in e jāmin mej: a Jijej e jab ba ñan e, E jāmin mej; a, Eḷaññe I kōḱaan bwe en pād wōt mae iien Ij itok, ta men in ippam
- [24] Ri kaḷoor in eo ej kōnnaan men kein, im ar jeje men kein: im je jeḷā bwe an kōnnaan eḱool.
- [25] Im bar elōñ men ko Jijej e ar kōḱamAn, im eḷaññe rej jeje men ko otemjej jeḷok, ij ḷōmḱak laḷ e jab maroñ in dāpij bok ko re naaj jeje kake.

JERBAL

JEPTA 1

- [Jr 1.1] Bok eo mokta I ar kōmman, O Tiopilōs, kōn men otemjej Jijej ear jino in kōmman im katakin.
- [2] Ñan raan eo raan in bōklōñ]ok E ñan lañ, ālikin An le]ok kien ko kōn Jetōb Kwōjarjar, ñan ri jelōk ro E ar kãâlōt er:
- [3] Im E make kwa]ok E ñan er im mour ālikin An eñtaan, kōn elōñ kakō]le re mool otem mool, im weaaktok ñan er iumwin eñoul raan, im Ej kōnono men ko an aelōñ in Anij,
- [4] Im ke Ej kweiloklok ippaer, Ej jiroñ er bwe ren jab ilok jãn Jerusalem, a kattar an Jemen kallimur, eo, Ej ba, kom ar roñ jãn Eō:
- [5] Bwe emool Jon ear peptaj kōn dãn, a e jab elōñ raan tokãlik kom naaj peptaj ilo Jetōb Kwōjarjar.
- [6] Innãm ke rej kweiloklok, rej kajjitōk ippãn im ba, Irooj, kwōj bar karōk aelōñ in Israel iien in ke?
- [7] Im Ej ba ñan er, E jab emman ami jelã iien ko, ak tōre ko Jema ear likūti ilo An kajoor.
- [8] A kom naaj bōk maroñ ñe emōj an Jetōb Kwōjarjar itok iomi; im kom naaj Aō ri kōnnaan ilo Jerusalem, im i aolepen Judia, im i Sameria, im ñan ãne eo eto]ok tata i la].
- [9] Im ke emōj An kōnono men kein, ke rej kallimjeke, ar bōklōñ]ok E, im juon kōdo ej bōk E jãn mejeir.
- [10] □Im ke rej kanooj ejed im kallimjek i lañ ke Ej waan lōñ]ok, ruo armej rej jutak iturir, emouj nuknuk ko aer;
- [11] Im re ba, Kom, armej in Galili, etke komij jutak im rei]ok wōt ñan lañ? Jijej in, eo emōj bōklōñ]ok jãn kom ñan lañ, E naaj itok ãinwōt, ilo wãween deiñ ami lo An ilok ñan lañ.
- [12] Innãm rej jep]aak ñan Jerusalem jãn to] eo etan Olivet, joñan etal ilo raan in Jabōt jãn Jerusalem.
- [13] Im ke rej deloñ, rej wanlōñ]ok ñan juon po, ijo Piter im Jon im Jemes im Andru, Pilip im Tomas, Bartolomu im Matu, Jemes nejin Alpiōs, im Saimōn ri Zelōt, im Judas jaten Jemes, rej pãd ie.
- [14] Rein otemjej rej pãd im bŭrueir wōt juon ilo aer jar im kajjitōk, kab kōrã ro, im Meri jinen Jijej, kab ro jaten maan.
- [15] Im ilo raan ko Piter ej jutak eo]ōpin ro ri ka]oor, im ba (im jar eo rej kweiloklok e nañin jibukwi im roñoul armej,)
- [16] Kom jeiō im jatiō, emman ren kamool Jeje in, an Jetōb Kwōjarjar kōnono mokta iluñin Devid kōn Judas, eo e ar tōl ro raar jibwe Jijej.
- [17] Bwe ar bwine ña ipped, im e ar bōk mōttan jermal in.
- [18] Innãm armej in e ar wiaik juon wãto kōn oñãn an nana, im ej buñtake bōran, im erup lojien, im majñal otemjej re wōt]ok.

- [19] Im er otemjej raar pād ilo Jerusalem re jeļā; im raar likūt etan wāto eo ilo aer in naan, Wāto in bōtōktōk.
- [20] Bwe ar jeje ilo bok in Sam ko, m̄weo im̄ōn en jeepep̄lōk, im ejjelōk armej en jokwe ilowan; im, Bar juon en bōk jerbāl eo an.
- [21] Innām jān armej rein ro raar pād ipped iien otemjej ke Irooj Jijej ear itoitak ioļaped,
- [22] Jinoin jān an Jon peptaij n̄an raan eo wōt raan in bōklōñlōk E jān kōj, em̄man juon iad en ri kōnnaan ipped kōn An jerkakpeje.
- [23] Im raar kajutak ruo, Josep etan Barsebas, āt eo juon Jōstōs, im Mattaias.
- [24] Im rej jar, im ba, Kwe, Irooj, kwōj jeļā būruen armej otemjej, kwōn bakajjien wōn iaerro Kwōj kāālōt e.
- [25] Bwe en bōk m̄ōttan jerbāl in im jerbāl an ri jelōk, men eo Judas ear buñ jān e bwe en ilōk n̄an jikin.
- [26] Im rej likūt kakōļaerro; im bōk kakōļan Mattaias; im rej bwine ņa ippān joñoul im juon ri jelōk.

JEPTA 2

[Jr 2.1] Im ke em̄ōj an itok raan in Pentekost, er otemjej rej pād ilo juon jikin, būrueir wōt juon.

- [2] Im em̄ōkaj an juon ainikien itok jān lañ, āinwōt aire, im ej kobrak aolepen m̄weo ijo rej jijet ie.
- [3] Im lo ko romiōñe āinwōt urur, rej weaaktok n̄an ippaer, im jok ioer otemjej:
- [4] Im er otemjej rej obrak kōn Jetōb Kwōjarjar, im jino aer kōnono kōn bar jet loer, āinwōt Jetōb ej leļōk n̄an er bwe ren kōnono.
- [5] Im jet ri Ju ro, armej ri kabuñ, jān aelōñ otemjej ium̄win lañ rej jokwe i Jerusalem.
- [6] Im ke raar roñ ainikien in, jar eo rej kwelōkļōk, im eļap aer lōļñōñ, bwe jabdewōt iaer ej roñ aer kōnono ilo an in naan.
- [7] Im er otemjej rej ļokjenaer im bwilōñ, im ba n̄an doon, Lo, rein otemjej rej kōnono, re jab ri Galili ke?
- [8] Im ekōjkan jej roñ ilo ad in naan, ijo jaar ļotak ie?
- [9] Ri Partia, im ri Midia, im ri Ilam, im ro rej pād i Mesopotemia, im i Judia, im Kapedosia, i Pontōs im Esia,
- [10] □Prijia im Pampilia, i Ijpt, im ilo jet m̄ōttan ko an Libia iturin Sairine, im ro ruwa jān Rom ri Ju ro, im ro ri proselait,
- [11] Ri Krit im ri Arebia, jej roñ aer kōnono ilo ad in naan men ko reļap an Anij.
- [12] Im er otemjej rej ļokjenaer, im pere, im ba n̄an doon, Ta meļeļein men in?
- [13] Im bar jet rej kajjirere im ba, Armej rā remāt kōn wain ekāāl.
- [14] A Piter ej jutak ippān joñoul im juon, im koutiej ainikien, im ba n̄an er, Kom, armej in Judia, im kom otemjej komij pād i Jerusalem, komwin jeļā men in, im karoñjake naan ko aō;

- [15] Bwe lõmarã re jab kadek, ãin ami lõmñak de in, bwe awa in kein ka ruwatimjuon wõt ilo raan.
- [16] A men in men eo ri kanaan Joel ear kõnono kake;
- [17] Im Anij ej ba, Ilo raan ko ãliktata, Inaaj lutõk aõ Jetõb ioon kanniõk otemjej: im ro nejemi maan im ro nejemi kõrã re naaj rũkaanij, im likao ro ami renaaj lo visiõn ko, im lõllap ro ami re naaj tõñak tõñak ko.
- [18] Im ilo raan ko I naaj lutõk aõ Jetõb ioon ro ri korijera maan im ioon ro ri korijera kõrã; im renaaj ri kanij.
- [19] Im I naaj kwaļok men in bwilõn ko i lañ, im kakõlle ko i laļ; bõtõktõk, im kijeek, im tab im baat:
- [20] Aļ enaaj erom marok, im allõn erom bõtõktõk, mokta jãn raan in Irooj ej itok, raan eo eļap im men in bwilõn;
- [21] Im jabdewõt eo enaaj jar ilo etan Irooj enaaj mour.
- [22] Kom, armej in Israel, komwin roñjake naan kein; Jijej ri Nazeret, juon emman Anij ear kakõllen emman ñan kom kõn jermal ko reļap im men in bwilõn ko im kakõlle ko, men ko Anij ear kõmanman kõn E ioļapemi, ãinwõt ami jeļã:
- [23] Leo, Anij ear ketak E ilo An pepe im An jeļã mokta, Eo kõn armej renana kom ar debwãal im man E;
- [24] Eo, Anij ear kejerkakpeje, ke emõj An jeļate eñtaan ko an mej; bwe mej ejab maroñ in dãpij E.
- [25] Bwe Devid ej kõnono kõn E, I ar lo Irooj iien otemjej imaan meja; bwe Ej pãd i anbwijmaroñiõ bwe in jab makõtkõt.
- [26] Innãm ear mõñõñõ būruõ im lañlõn loiõ; im bar jet, kanniõkiõ enaaj barãinwõt jokwe ilo kõjatdikdik;
- [27] Bwe Kwõ jãmin likūt aõ ilo Hedis, im Kwõ jãmin leļok am Ri Kwõjarjar bwe En lo kõt.
- [28] Kwaar kwaļok ial in mour ko ñan eõ; Kwõ naaj kobrak eõ kõn mõñõñõ ilo mejõm.
- [29] Armej jeiõ im jatiõ, in kõnono alikkar ñan kom kõn Devid ri petriark, bwe ear mej, im ar kalbwin e, im lõb eo lõben ej pãd ipped ñan raan in.
- [30] Innãm bwe e ri kanaan, im jeļã bwe Anij ear kanejnej ñan e kõn juon kanejnej, bwe jãn iaan ro nejin, Enaaj kajijet juon ioon tũroon eo an;
- [31] Ke ear lo men in mokta, e ar kõnono kõn an Kũraij jerkakpeje, bwe Ear jab pãd ilowan Hedis, im kanniõkin ear jab lo kõt.
- [32] Anij ear kejerkakpeje Jijej in, kõm otemjej ri kõnnaan kake.
- [33] Anij ear koutiej E kõn anbwijmaroñan, im E ar bõk jãn Jemen kallimur kõn Jetõb Kwõjarjar, innãm Ear lutõk men in, men eo komij loe im roñjake.
- [34] Bwe Devid ear jab wanlõñļok ñan lañ ko; bwe e make ba, Irooj e ar ba ñan aõ Irooj, Kwõn jijet i anbwijmaroñiõ.
- [35] Ñan iien eo Inaaj likūt Am ri kõjdat eran niom.
- [36] Innãm ro nukwin Israel otemjej ren kanooj jeļã, bwe Anij ear kõmanman Jijej eo bwe En Irooj im Kũraij, eo kom ar debwãal E.

- [37] Im ke rej roñjake men in, e lel bŭrueir, im rej ba ñan Piter im ri jelōk ro jet, Kom ro jeim im jatim, ta eo kōm̄in kōm̄mane?
- [38] Innām Piter ej ba ñan er, Kom otemjej komwin ukeļok ippemi, im peptaij ilo etan Jijej Kŭraj bwe En julok jerowiwu ko ami, im kom naaj bōk men in letok eo, Jetōb Kwōjarjar.
- [39] Bwe kallimur eo ñan kom, im ñan ro nejemi, im ñan ro otemjej rettoļok, ro jabdewōt Irooj ad Anij enaaj kŭr ñan E.
- [40] Im kōn bar elōñ naan ko ej kōnnaan im kauwe er, im ba, Komwin make lomōoremi jān epepen in ankeke.
- [41] Innām ro rej bōk naan eo an, rej peptaij: im ilo raan eo e nañin jilu tōujin armej rej koba ņa ippaer.
- [42] Im rej pād im pen ilo katak im kōm̄mao ippān doon an ro ri jelōk, im ilo ruji bred, im ilo jar ko.
- [43] Im mijak ej itok ioer otemjej: im ri jelōk rej kōmanman elōñ men in bwilōñ ko im men in kakōļle ko.
- [44] Im ro otemjej rej tōmak rej pād ippān doon, im men otemjej ippaer, aer.
- [45] Im rej wiakaki men ko im m̄weiuk ko m̄weiieir, im kajimwe aer ajej ñan er otemjej, āinwōt jabdewōt armej ej aikuj.
- [46] Im ilo raan otemjej rej pād im pen, im bŭrueir wōt juon, ilowan tempel, im ruji bred ilowan imweir, im rej m̄ōñā kijeir ilo m̄ōñōñō im emman bŭrueir,
- [47] Im wŭjtake Anij, im kabuñbŭruen armej otemjej. Im Irooj ej kobaik ņa ippaer ro renaaj mour, ilo raan otemjej.

JEPTA 3

- [Jr 3.1] Im kiiō Piter im Jon rej wanlōñļok ñan ilowan tempel ilo awa in jar, awa eo jilu.
- [2] Im juon armej e kŭrro jān lojien jinen, im ar bōktok im likūt e raan otemjej ņa iturin aor in tempel, etan aor eo Wŭlio, bwe en kajjitōk m̄weiiien tŭriaṃo jān ro rej deļoñ ilowan tempel;
- [3] Ke ej lo Piter im Jon re nañin deļoñ ilowan tempel, ej kajjitōk m̄weiiien tŭriaṃo.
- [4] Im Piter ej kallimjeke kab Jon, im e ba, Kwōn lale kōmro.
- [5] Im ej eoroñ erro, im ļōm̄nak enaaj bōk men eo jabdewōt jān er.
- [6] A Piter ej ba, ejjeļok silver ak kool ippa; a men eo ewor ippa, ij lewōj ñan eok: Ilo etan Jijej, ri Nazeret, kwōn jutak im etal.
- [7] Im ej kabwijere anbwijmaroñan, im kajutak e: im emōkaj an pen neen im kōbkōb in neen.
- [8] Im ej kaiure im jutak, im etetal, im ej deļoñ ippaerro ņa ilowan tempel; ej etetal, im kāke, im wŭjtake Anij.
- [9] Im armej otemjej rej lo an etetal im wŭjtake Anij:
- [10] □Im re kile bwe e eo ekar jijet kōn m̄weiiien tŭriaṃo iturin aor Wŭlio in tempel; im rej obrak kōn bwilōñ im ļokjeŋaer kōn men eo ear itok ñan e.
- [11] Im ke ej dāpij Piter im Jon, armej otemjej rej ettōrļok ñan ippaer iumwin portiko etan an Solomōn, im eļap aer bwilōñ.

- [12] Im ke Piter ej lo men in, ej uwaak ñan jar eo, Kom, armej in Israel, etke komij bwilõñ kōn Je in? ak etke komij kallimjek kōm, ãinwõt eļaññe kōmro ar kōmman armej in, bwe en etetal kōn amro kajoor ak kwōjarjar?
- [13] Anij an Ebream, im Aisak, im Jekōb, Anij an ro jimmad, Ear kaiboojoj Nejin, Jijej; eo kom ar ketak E im kaarmejjete imaan mejan Pailat, ke ear ļōmņak bwe en kōtļok E.
- [14] A kom ar kaarmejjete Ri Kwōjarjar im Emman, im kajjitōk bwe en lewōj ri uror ñan kom:
- [15] Im kom ar man Irooj in mour, eo Anij ear kejerkakpeje jān ro remej; im kōm ri kōnnaan kake.
- [16] Im etan, ilo lōke etan, ear kakajoor armej in, eo komij loe im jeļā: aet, lōke eo ej ilo E ear leļok ñan Je in mour otem mour imaan mejemi otemjej.
- [17] Im kiiō ro jeiō im jatiō, I jeļā bwe kom ar kōmman men in ilo ami jaje, im barãinwõt irooj ro ami.
- [18] A men ko, Anij ear kwaļok mōkta kōn loņin ri kanaan ro An otemjej, bwe Kūraij eo An Enaaj eņtaan, ãindein An kajejjet.
- [19] Innām komwin ukeļok ippemi, im bar oktak, bwe en jeorļok jerōwiwi ko ami, im bwe en waļok iien aemōļoļo ko jān imaan mejan Irooj:
- [20] Im bwe En jilkintok Ri Kūraij, eo ar likūt E ñan kom mōkta, aet, Jijej,
- [21] Eo lañ en bōk E, ñan iien ko iien karōk men otemjej Anij ear kōnono kaki, kōn loņin ri kanaan kwōjarjar ro An otemjej jān iien mōktata.
- [22] Bwe emool an Moses ba, Juon Ri Kanaan, ãinwõt ña, Irooj Anij enaaj kajutak ñan kom jān ro jeōmi im jatōmi; kom naaj eņroñ E kōn men otemjej jabdewōt Enaaj ba ñan kom.
- [23] Im armej otemjej ro rejab eņroñ Ri Kanaan eo, renaaj jako jān armej raņ.
- [24] Aet, ri kanaan otemjej jān Samuel, im ro ālikin, er otemjej raar kōnono, ãindein aer kōnnaan kōn raan kein.
- [25] Kom ro nejin ri kanaan ro, im ri jolōt kallimur eo Anij ear kōmman ippān ro jimmani, im ba ñan Ebream, Im ilo inioņ naaj kaņōņōņōik nukwin otemjej i laļ.
- [26] Ñan kom mōkta, emōj an Anij kejerkakpeje Nejin, Jijej, E ar jilkin E wōj bwe En kaņōņōņōik kom, kōn An ukōt kom otemjej jān jerōwiwi ko ami.

JEPTA 4

- [Jr 4.1] Im ke rej kōnono ñan armej raņ, pris ro, im irooj in tempel, im Saddusi ro, rej kālōk ioer,
- [2] E eņtaan būrueir kōn airro katakin armej, im kwaļok kōn Jijej jerkakpeje jān ro remej.
- [3] Im rej jibwe er, im likūt er ilowan prisōn ñan raan eo ilju; bwe ejota kiiō.
- [4] A elōñ iaan ro raar roñ naan, rej tōmak: im oran armej ro e nañin ļalem tojtin.
- [5] Im ke ilju, irooj ro aer, im elder ro, im skraib ro,
- [6] Im Annas pris eo eļap, im Keiapas, im Jon, im Alexander, im er otemjej ro nukwin pris eo eļap, rej kweilōklōk ilo Jerusalem,.

- [7] Im ke emōj aer kajutak er eoļōp, rej kajjitōk, Ilo an wōn kajoor, ak ilo etan wōn, kom ar kōmman men in?
- [8] Innām Piter, eobrak kōn Jetōb Kwōjarjar, e ba ñan er, Kom irooj an armej raņ, im elder ro,
- [9] Eļañne komij kajjitōk ippem, iumwin raan in, kōn men eo emman kōm ar kōmmane ñan armej e kūrro, ta eo ļeiņ ej mour kake;
- [10] □Emman komwin otemjej jeļā, kab armej in Israel otemjej, bwe ilo etan Jijej Kūraj Ri Nazeret, Eo kom ar debwāāl E, Eo Anij ear kajerkakpeje jān ro remej, aet ilo E armej in ej jutak im mour imaan mejemi.
- [11] E in ejmaan eo, kom ri kal ar kajekdoņon E, eo emōj kōmman E jabōn im.
- [12] Im mour ilo ejjeļok bar juon: bwe ejjeļok bar juon āt iumwin laņ, im letok ñan armej bwe jān mour ilo E.
- [13] Im ke rej lo an Piter im Jon peran, im ar kile bwe re ri jab katak im ri jab mālōtlōt, re bwilōñ; im rej jeļā kajjieir bwe re kar pād ippān Jijej.
- [14] Im kōn aer lo armej eo raar kemour e, ej jutak ippaerro, ejjeļok ippaer bwe ren kōnono ñae men in.
- [15] Im ke emōj aer jiroñ er bwe ren ilok jān jar eo, rej pepe ippān doon,
- [16] Im ba, Ta eo jān kōmman ñan armej rein? bwe emool raar kōmman juon kakōļle eļap, im ej alikkar ñan er otemjej rej jokwe i Jerusalem: im jej ban kaarmejjete,
- [17] A bwe en jab buñbuñļok wōt ñan armej, jān kanooj kalōļņoñ er, bwe ren jab bar kōnono ñan jabdewōt armej ilo āt in.
- [18] Im rej kūrtoke er, im jiroñ er bwe ren jab kōnono ñan jidik im jab katakin ilo etan Jijej.
- [19] A Piter im Jon re uwaak im ba ñan er, Eļañne ejimwe imaan mejan Anij bwe kōmin eņroñ kom eļap jān Anij, komwin ekajete.
- [20] Bwe kōm jab maroñ in jab kōnono men ko kōm ar loi im roņjake.
- [21] Im ke emōj aer bar kalōļņoñ er, rej kōtļok er, bwe re jab lo ekōjkan aer deņļoke er, kōn armej raņ; bwe armej otemjej rej wūjtake Anij kōn men eo raar kōmmane.
- [22] Bwe armej in rūttōn eņoul iiō im jimā, eo ar kōmman kakōļle in ioon im kemour e.
- [23] Im ke ar kōtļok er rej ilok ñan ro jeraer, im kwaļok men otemjej, pris ro reļap im elder ro raar ba ñan er.
- [24] Im ke emōj aer roņjake, rej jimor koutiej ainikier ñan Anij, im ba, O Irooj, Kwe kwaar kōmanman laņ, im laļ, im ļometo, im men otemjej ilo er:
- [25] Kwe kwaar ba kōn loņin jimmam Devid, ri korijeraņ, Etke ri aelōñ ko raar būroñ, im armej ro rej lōkōm men ko men in jekdoņon?
- [26] Kiñ ro i laļ rej jutak, im irooj ro rej kapata ñae Irooj im Eo Ear kapit E.
- [27] Bwe emool, Herod, im Pontiōs Pailat, im ri aelōñ ko, im armej in Israel raar kapata ilo jikin kwelok in ñae Jijej Ri Korijerōm ekwōjarjar, Eo Kwaar kapit E,
- [28] Bwe ren kōmanman men eo jabdewōt Piom im Am ļōmņak raar pepe mokta bwe ren waļok.

- [29] Im kiið, O Irooj, kwõn lale aer naan in kalõlñõñ: im letok ñan ro ri korijerõm, bwe kõn eļap peran ren kwaļok Aṃ in naan,
- [30] Ke Kwõj erļoke piom bwe en kemour; im bwe ren kõmanṃan men in kakõļle ko im men in bwilõñ ko ilo etan Jijej, Ri Korijerõm ekwõjarjar.
- [31] Im ke emõj aer jar, jikin eo rej kweilokļok ie e maķtkūt; im er otemjej reobrak kõn Jetõb Kwõjarjar, im kõn aer peran rej kwaļok naan in Anij.
- [32] Im jar eo rej tõmak, bũrueir wõt juon; im ejjelok juon iaer e ba, ṃweiuk ippān ṃweiiēn wõt, bwe ṃweiuk ko ṃweiiēir otemjej.
- [33] Im ro ri jelok kõn eļap kajoor rej kwaļok aer kõnnaan kõn an Irooj Jijej jerkakpeje: im eļap jouj ioer otemjej.
- [34] Bwe ejjelok iaer e aikuj; bwe ro ewor aer wāto ak ṃweir rej wiakaki, im bõktok oñān men ko,
- [35] Im likūte ṅa iturin neen ro ri jelok: im rej ajej ñan kajju iaer āinwõt aer aikuj.
- [36] Im Joses, eo ri jelok rej likūt etan Barnebas, (ukõtõn naan in Nejin kauwe), Ri Livai armej in Saiprõs,
- [37] Wāto eo an, ear wiakake, im bõktok ṃani, im likūt ṅa iturin neen ro ri jelok.

JEPTA 5

- [Jr 5.1]A juon emṃaan etan Anenaiõs, kab Sappaira lio pāleen, ej wiakake juon wāto.
- [2] Im ej kijenek oñān, im lio e barāinwõt jelā kake, im ej bõktok ṃõttan oñān, im likūte ṅa iturin neen ro ri jelok.
- [3] A Piter ej ba, Anenaiõs, etke Setan ej kobrak bũruõm bwe kwõn riab ñan Jetõb Kwõjarjar, im kijenek oñān wāto eo.
- [4] Ke ej pād e jab aṃ wõt ke? im ālikin wiakake ejab ilo aṃ maroñ ke? etke kwaar ļõmṃak men iṅ ilo bũruõm? kwaar jab riab ñan armej raṅ, a ñan Anij.
- [5] Im ke Anenaiõs ej roñ naan kein e buñ im mej. Im eļap lõlñõñ ej itok ioon ro otemjej rej roñ men kein.
- [6] Im likao ro re jutak, im kūtimi, im bõkļok, im kalbwin e.
- [7] Im awa ko jilu tokālik, lio ej itok, im ejaje men ko ar kõmanṃAn.
- [8] Im Piter e uwaak e, Kwõn ba ñan eõ, koṃro ar wiakake wāto eo kõn men iṅ wõt ke? Im ej ba, Aet, kõn men iṅ wõt.
- [9] Innām Piter ej ba ñan e, Ekõjkan, etke koṃro ar pepe ippān doon bwe koṃwin ṃoṅe Jetõb an Irooj? lo neen ro raar kalbwin ļeo pāleem, rej pād ilo kõjām, im renaaj bõkļok eok.
- [10] □Innām emõkaj an buñ ṅa iturin neen im mej; im likao rej deļõñ, im lo an mej, im rej bõkļok, im kalbwin e ṅa ippān ļeo.
- [11] Im eļap lõlñõñ ej itok ioon ri eklejia otemjej, im ioon ro otemjej rej roñ men kein.
- [12] Im kõn pein ro ri jelok elõñ kakõļle im men in bwilõñ ar kõmanṃAn ippān armej raṅ; im er otemjej rej jimor ilo portiko an Solomõn bũrueir wõt juon.
- [13] A iaan rojet ejjelok juon armej e peran bwe en koba ṅa ippaer; a armej raṅ rej nõbar er.
- [14] Im ro ri tõmak rej koba im orļok ṅa ippān Irooj, elõñ ṃaan im kōrā;

- [15] Innām rej bōkļok ro ri nañinmej ilo ial ko, im likūt er ɳa ioon kein babu ko aer im kinier, bwe annañin Piter, ke ej kijoon er, en kallor jet iaer.
- [16] Im bar elōñ rej itok ñan Jerusalem jān jikin kwelok ko iturin, im bōktok ro re nañinmej, im ro rej abnōnō kōn jetōb rettoon; im rej kemour er otemjej.
- [17] A pris eo eļap e jutak, im ro otemjej rej pād ipped, (eo jaran Saddusi ro) im rej obrak kōn illu.
- [18] Im likūt peir ɳa ioon ro ri jelōk, im likūt er ɳa ilowan prisōn.
- [19] A enjeļ in Irooj ilo boñ ej kapelļok aor ko ilo prisōn, im āñinļok er, im ba,
- [20] Komwin ilok, im jutak im kōnono ilowan tempel ñan armej raᅇ, naan otemjej an Mour iᅇ.
- [21] Im ke rej roñ, rej deļoñ ilowan tempel ke ejibboñ im katakin. A pris eo eļap ej itok, im ro rej pād ippān, im kokweiloktok ro ri pepe, im elder ro nejin Israel, im jilkinļok ñan prisōn in āñintok er.
- [22] A ke ri kabōjrak rej itok, re jab lo er ilowan prisōn, im re jepļaa, im kōnnaanōk,
- [23] Im ba, Eᅇool kōm ar lo prisōn eo ekilok im pen, im ri lale prisōn rej jutak iturin aor ko: a ke kōm ar kapelļok kōmij lo ejjeļok armej ilowan.
- [24] Im ke irooj in tempel im pris ro reļap rej roñ men kein, re pere enaaj kōjkan men iᅇ.
- [25] Innām juon ej itok im kōnnaanōk er, im ba, Lo, armej raᅇ kom ar likūt er ilowan prisōn, rej jutak ilo tempel, im katakin armej ro.
- [26] Innām irooj kab ri kabōjrak rej ilok, im āñintok er im jab kaᅇakūt er; bwe rej mijak armej, ñe re ab kade er.
- [27] Im ke eᅇōj aer āñintok er, rej kajutak er iᅇaan mejan ro ri pepe; im pris eo eļap ej kajjitōk ippaer,
- [28] Im ba, Kōm ar kanooj jiroñ kom bwe komwin jab katakin ilo āt iᅇ, im lo, kom ar kobrak Jerusalem kōn ami katak, im kōᅇaan bōktok daan armej iᅇ iom.
- [29] Innām Piter im ro jet ri jelōk rej uwaak im ba, Eᅇman jān pokake Anij eļap jān armej.
- [30] Anij an ro jimᅇad Ear kejerkakpeje Jijej, eo kom ar ᅇane im totoik e ilo wōjke.
- [31] Anij ear koutiej E kōn anbwijmaroñan bwe en Irooj im Ri Lōᅇoᅇ, bwe En leļok ukeļok ñan Israel, im julok jerowiw ko.
- [32] Im kōm ri kōnnaan kōn men kein; im barāinwōt Jetōb Kwōjarjar, eo Anij ear leļok ñan ro rej pokake E.
- [33] Ke rej roñ men kein, bukwe būueir, im re kōᅇaan ᅇan er.
- [34] A juon e jutak ilo jar eo, e Parisi etan Gameliel, ri kaki in kien, eo armej otemjej rej nōbar e, im ej jiroñ bwe ren likūt ro rū jelōk i nabōj jidik iien.
- [35] Im e ba ñan er, Kom armej in Israel, komwin kōjparok kom kōn men eo komij iten kōᅇman e ñan armej rein.
- [36] Bwe ᅇokta jān raan kein, Todas ear jutak, im make ba e juon; jet armej, e nañin ābukwi, rej make koba ɳa ippān; ear jako, im er otemjej ro raar ļoore raar jeplōklōk, im jako.

- [37] Ālikin armej iņ, Judas ri Galili, e jutak ilo raan ko, raan in jeje āt ko, im ej kañōl jet armej ilōkōn: barāinwōt ear jako; im er otemjej ro raar pokake, re jeplōklōk.
- [38] Im kiiō ij ba ñan kom, Komwin ilōk jān armej rein, im ren pād wōt: bwe eļañņe pepe iņ, ak jermal iņ jān armej raņ, enaaj jako.
- [39] A eļañņe e jān Anij, kom jab maroņ in kōkkure; ñe re ab lo kom tariņaeik Anij.
- [40] Im rej ļōmņak āinwōt e: im ke eņōj aer kūrtoke ro ri jelōk, im deņļok er, rej jiroņ bwe ren jab kōnono ilo etan Jijej, im rej kōtļok er.
- [41] Im rej ilōk jān iņaan mejan ro ri pepe, im lañlōņ bwe eņōj likūt er im tōllōkōn kōn aer eņtaan kōn Āt eo.
- [42] Im raan otemjej ilowan tempel, im ilo jikier e jab mōj aer katakin im kwaļok Jijej bwe E ri Kūraij.

JEPTA 6

- [Jr 6.1] Im ilo raan ko, ke orļok ro ri kaļoor, ro ri Grik rej lotaan ri Hibru, bwe re jab lale kōrā ro aer ejako pāleir, ke rej ajej ilo raan otemjej.
- [2] Innām joņoul im ruo rej kūrtoke jaran ri kaļoor ñan er, im ba, E jab eņman bwe kōmin likūt naan in Anij, im jerbale tebōļ ko.
- [3] Innām kom jeim im jatim, komwin kapukōt jiljilimjuon armej, e alikkar aer eņman, im re obrak kōn Jetōb Kwōjarjar im mālōtlōt, ro kōm naaj likūt er ioon jermal iņ.
- [4] A kōm naaj make niknik iien otemjej ilo jar, im ilo kwaļok naan.
- [5] Im naan iņ ej kabuņbūruen jar eo otemjej: im rej kālōt Stipen, juon armej e obrak kōn tōmak im Jetōb Kwōjarjar, im Pilip, im Prokorōs, im Nikenor, im Taimon, im Parminas, im Nikolas eo e proselait jān Antiok.
- [6] Rej likūt er iņaan ro rū jelōk: im ke eņōj aer jar rej likūt peir ņa ioer.
- [7] Im naan in Anij eļapļok; im oran ri kaļoor eļap an orļok i Jerusalem; im eļap jaran pris ro rej pokake tōmak eo.
- [8] Im Stipen, eobrak kōn jouj im kajoor, ej kōmanman men in bwilōņ ko reļap im kakōļle ko ippān armej raan.
- [9] A jet iaan iņōn kweilok an ro ri Libertin, im ri Sairine, im ri Alexandria, im jet iaan ro jān Sailisia im Esia, rej jutak im akwāāle Stipen.
- [10] □Im re ban juņae mālōtlōt im Jetōb eo ej kōnono kake.
- [11] Innām rej kariab armej ro rej ba, Kōm ar roņ an kōnono naan ko naan in blaspim juņae Moses im juņae Anij.
- [12] Im rej poktaki armej im elder ro, im skraib ro, im rej kālōk ioon im jibwe, im āñintok e ñan ro ri pepe,
- [13] Im rej kajutak ro ri kōnnaan riab, rej ba, Armej iņ e jab mōj an kōnono naan ko renana juņae jikin kwōjarjar iņ im kien:
- [14] Bwe kōm ar roņ an ba, bwe Jijej iņ ri Nazeret enaaj kōkkure jikin iņ, im enaaj ukōt manit ko Moses ear letok ñan kōj.
- [15] Im er otemjej rej jijet ijo, ri pepe, rej kallimjeke, im lo turin mejan, āinwōt turin mejan enjel.

JEPTA 7

[Jr 7.1] Im pris eo eļap e ba, Āindein men kein ke?

- [2] Im e ba, Kom jeiō im jatiō, im ro jema, koṃwin karoņjake: Anij e aiboojoj ear weaaktok ñan jimṃad Ebream, ke ear pād i Mesopotemia, moṃta jān an jokwe i Heran,
- [3] Im ba ñan e, Kwōn ilok jān āneo āniom im jān ro nukwum, im ilok ñan āneo I naaj bakajjien ñan eok.
- [4] Innām ej itok jān āneo an ri Kaldia, im jokwe i Heran: im jān ijo, ke e mej jemen, Ej āñintok e ñan ānin, ijin komij jokwe kiiō.
- [5] Im E jab leļok moṃttan ānin ñan e, jab dettan jenkwān neen; im Ej kallimur bwe En leļok ānin ñan e bwe en ānen ineen ālikin, iien eo ke ejjeļok nejin.
- [6] Im Anij ear kōnono āindein, bwe ineen enaaj pād i ānen ruwa; im renaaj kamakokoik er, im kaeñtaan er iomwin eabukwi iiō.
- [7] Im Anij e ba, I naaj ekajet ri aelōñ eo renaaj kamakokoik er: im tokālik renaaj itok, im jermal ñan Eō ilo ānin.
- [8] Im Ear leļok ñan e bujen in moṃwimwoj: im āindein an Ebream keotak Aisak, im moṃwijit e ilo raan kein ka ruwalitōk; im Aisak ear keotak Jekōb; im Jekōb ear keotak joñoul im ruo petriark.
- [9] Im ro jimṃad, kōn aer bane, raar wiakake Josep ñan Ijipt; a Anij ej pād ippān,
- [10] □Im loṃooren e jān eñtaan otemjej an, im leļok ñan e jouj im mālōtlōt imaan mejan Pero, kiñ in Ijipt; im ej likūte bwe en irooj ioon Ijipt, im ioon aolepen mwe imōn.
- [11] A ñūta ej itok ioon aolepen Ijipt im Kenan, im eļap eñtaan: im ro jimṃad ejjeļok kijeir.
- [12] A ke Jekōb ej roñ bwe ewor korn i Ijipt, ej jilkinļok ro jimṃad moṃta.
- [13] Im ilo iien kein kar ruo, ar kwaļok Josep ñan ro jein im jaten; im kwaļok nukwin Josep ñan Pero.
- [14] Im Josep ej jilkinļok, im pukot tok Jekōb jemen, im nukwin otemjej, jiljilimjuonñoul im ļalem armej.
- [15] Im Jekōb ear wanlaļok ñan Ijipt, im emej, e kab ro jimṃad,
- [16] Im ar bōkļok er ñan Sikem, im likūt er ilowan lōb eo Ebream ear wiaik e kōn oñān silver jān lōmaro ro nejin Hemor ilo Sikem.
- [17] A ke epaak iien kallimur eo Anij ear leļok ñan Ebream, armej rej eddek im orļok ņa i Ijipt,
- [18] Ñan iien eo bar juon kiñ ej waļok, eo ejaje Josep.
- [19] E iņ ej kōṃman moṃ ñan nukwed, im kaeñtaan ro jimṃad, bwe ren joļok niñniñ ro nejir, bwe ren jab mour.
- [20] Ilo iien eo Moses ear ļotak, im e kanooj wūlio, im ar kaninnin e iumwin jilu allōñ ilowan imōn jemen.
- [21] Im ke raar joļok e, kōrā nejin Pero ej bōk e, im kōkkaajiriri e bwe en nejin.

- [22] Im Moses ear katak ilo mālōtlōt otemjej an ri Ijipt, im e kajoor ilo naan im ilo jermal ko.
- [23] Im ke e nañin rūttoun eñoul iiō, ej ļōmņak ilo būruen bwe en ilen lale ro jein im jaten, ro nejn Israel.
- [24] Im ke ej lo juon iaer e eñtaan im ejjeļok ruōn, ej jipañ e, im e kwi kake eo ej eñtaan, im man ri Ijipt.
- [25] Bwe ej ļōmņak ro jein im jaten re jeļā kōjkan Anij ej kōtļok er kōn pein; a re jab jeļā.
- [26] Im raan eo ilju ej make kwaļok e ñan er ke rej ire, im ej kōņaan kaaenōmman er, im ba, Armej, kom jemjein jemjatin; etke komij kōmman nana ñan doon?
- [27] A eo ej kōmman nana ñan ri turin, ej jipeļļok e, im ba, Wōn e ar kairooj eok im likūt eok irooj in ekajet iom?
- [28] Kwō kōņaan man eō, āinwōt kwaar man ri Ijipt inne ke?
- [29] Im Moses ej ko kōn naan in, im e ruwamāejet i āne Midian, ijo ear keotak ruo nejn man.
- [30] Im ke ejejjet eñoul iiō, juon enjeļ ear weaaktok ñan e ilo āne jemaden an toļ Sainai ilo urur in kijeek ilo juļ.
- [31] Im ke Moses ej lo e, e bwilōñ kake: im ke ej kepaake bwe en alwōj, ainikien Irooj ej itok,
- [32] Ña Anij an ro jimman, Anij an Ebrean, im Anij an Aisak, im Anij an Jekōb. Innām Moses e wūdiddid, im e jab peran im kallimjeke.
- [33] Innām Irooj e ba ñan e, Kwōn utūk am juuj jān niom, bwe ijeņe kwōj jutak ie e kwōjarjar.
- [34] Emool I ar lo eñtaan an ro doō ro rej pād i Ijipt, im I ar roñ aer ñijļok, im emōj Aō wanlaļtak bwe In kōtļok er. Im kiiō kwōn itok, I naaj jilkinļok eok ñan Ijipt.
- [35] Moses in eo raar joļoke im ba, Wōn ear kairooj eok im likūt eok irooj in ekajet? E in Anij ear jilkinļok bwe en irooj im ri lomoor, kōn pein enjeļ eo ear weaaktok ñan e ilo juļ.
- [36] Lein ej āñintok er ke emōj an kōmanman men in bwilōñ ko im kakōļle ko i āne Ijipt, im ilo lomalo Ekilmir, im ilo āne jemaden iumwin eñoul iiō.
- [37] Moses in, eo ear ba ñan ro nejn Israel, Juon Ri Kanaan āinwōt ña, Anij enaaj kwaļok ñan kom jān ro jeimi im jātimi.
- [38] Le in eo ej pād ilo eklejia ilo āne jemaden ippān enjeļ eo ej kōnono ñan e ilo toļ Sainai, im ippān ro jimmad: ej bōk naan in mour ko bwe en letok ñan kōj.
- [39] Ñan ewor o jimmad re jab kōņaan kipiliie, a rej joļok e jān er, im ilo būrueir rej bar jepļak ñan Ijipt,
- [40] Im ba ñan Arōn, Kwōn kōmanman anij ko ñan kōm bwe ren ilok imaamļok: bwe Moses in eo ej āñintok kōm jān āne Ijipt, kōm jaje ijo ej pād ie.
- [41] Im rej kōmman koon in kau ilo raan ko, im bōktok men in joortak ñan ekjab eo, im lañlōñ ilo jermal ko an peir wōt.

- [42] A Anij ej oktak im ketak er bwe ren jermal ñan men ko ror i lañ; ãinwõt emõj jeje ilo bõk an ri kanaan ro, O kom ro nukwin Israel, kom ar katok kõn kidu ko remej im men in joortak ko ñan Eõ iumwin eñoul iio ilo ãne jemaden ke?
- [43] Im kom ar kotake imõn kõppãd an Molok, im iju an anij Ripan, ekjab ko kom ar kõmman bwe komwin kabuñ ñan er: im Inaaj ãñinlok kom etolok jãn Babulon.
- [44] Imõn kõnnaan ilo ãne jemaden ear pãd ippãn ro jimmad, ãinwõt E ar liküte, Eo ej kõnono ñan Moses, bwe en kalõk e ãinwõt kein kajjioñ eo ear loe.
- [45] Men eo ro jimmad ãlikir rej bõk im bõktok ippãn Josua ke rej deļõñ ilowan ãne ko an ri aelõñ ko, ro Anij ear ubaakeļok er imaan mejan ro jimmad, ñan raan ko raan in Devid;
- [46] Eo ej lo jouj imaan mejan Anij, im kajjitõk bwe en lo juon mweo imõn Anij an Jekõb.
- [47] A Solomõn ear kalõk im ñan E.
- [48] A Eo eutiejtata E jab jokwe ilowan mo ko pã ko rej kalõk; ãinwõt ri kanaan ej ba,
- [49] Lañ Aõ turoon, im laļ eran neiõ. Ie wãween im kom naaj kalõk ñan Eõ? Irooj ej ba; ak ewi jikin Aõ kakkije?
- [50] Peiõ ear jab kõmanman men kein otemjej ke?
- [51] Komeo ekijñeñe kõnwami im jab mwijiti bũruemi im lojilñõmi, iien otemjej komij jumae Jetõb Kwõjarjar; ãinwõt jememi raar kõmman, ãindein kom.
- [52] Wõn iaan ro ri kanaan ro jememi raar jab matõrtõre? im raar man ro raar kwaļok mokta kõn an itok Eo ewãnõk; Eo komij ri ketak E im ri urõt E:
- [53] Komeo kom ar bõk kien eo ãinwõt enjeļ raar liküt e, im kom ar jab kõjparok e.
- [54] Ke rej roñ men kein, bukwe bũrueir, im rej kijdeken ñiir ñan e.
- [55] A Ej obrak kõn Jetõb Kwõjarjar, im ej kallimjeke lañ, im lo aiboojoj an Anij, im Jijej ej jutak i anbwijmaroñan Anij,
- [56] Im e ba, Lo, ij lo lañ epeļlok, im Nejin armej ej jutak i anbwijmaroñan Anij.
- [57] A rej lamõj im eļap ainikier, im rej pinej lojilñier, im jimor kãļok ioon,
- [58] Im joļok e jãn jikin kwelok, im kade: im ro ri kõnnaan rej liküt nuknuk ko aer na i neen juon likao, etan Saul.
- [59] Im rej kade Stipen, ke ej jar, im ba, O Irooj Jijej, kwõn bõk aõ.
- [60] Im ej bukweļõlõ, im lamõj im eļap ainikien, O Irooj kwõn jab narueir ilo jerowiwi in. Im ke emõj an ba naan in, ej kiki.

JEPTA 8

- [Jr 8.1] Im Saul ej bõk ñan bũrueir kõn an mej. Im ilo iien eo ej waļok eļap matõrtõr ñan eklejia eo i Jerusalem; im er otemjej rej jeplõklõk ilo ãne ko i Judia im Sameria, ro ri jelõk wõt rej pãd.
- [2] Armej emman mwilir rej kalbwin Stipen, im eļap aer liaajloj kõn e.
- [3] A Saul ej kõkkure eklejia, ej deļõñ ilowan im otemjej, im ej kekaake man im kõrã im liküt er na ilowan prisõn.
- [4] Innãm ro raar jeplõklõk, rej etetal im kwaļok naan.
- [5] Im Pilip ej wanlaļlok ñan jikin kwelok eo Sameria, im kwaļok naan ñan er.

- [6] Im jar ko rej jimor eɣroñ men ko Pilip ej kōnono kaki, ke rej roñjake im lo kakōlle ko ej kōmanman.
- [7] Bwe jetōb ottoon, ke rej lamōj im eɣap ainikieir, rej jutaklok jān elōñ ro re kar moḵ na ānbwinneir: im ar kemour elōñ ro re akā, im kūrro ro.
- [8] Im eɣap lañlōñ ilo jikin kwelok eo.
- [9] A juon emman, etan Saimōn, eo moḵta ilo jikin kwelok eo, ej madmōd, im kabwilōñ ro ri Sameria, im make ba e juon Eɣap.
- [10] □Eo er otemjej jān diktata ñan ɣaptata rej eɣroñ e, im ba, ɣeiñ kajoor eo an Anij im naetan Eɣap.
- [11] Im rej eɣroñ e, bwe eto an kabwilōñ er kōn madmōd ko an.
- [12] A iien eo rej tōmak Pilip ke ej kwaɣok naan emman kōn aelōñ in Anij, im etan Jijej Kūraj, rej peptaij, maan im kōrā.
- [13] Innām barāinwōt Saimōn ej tōmak: im ke ej peptaij, ej moḵ Pilip, im bwilōñ ke ej lo kakōlle ko im kajoor ko reɣap ej kōmanman.
- [14] Im ke ro ri jelok rej pād i Jerusalem rej roñ bwe Sameria ear bōk naan in Anij, rej jilkinlok Piter im Jon ñan er.
- [15] Ke rejro wanlallok, rej jar kōn er, bwe ren bōk Jetōb Kwōjarjar:
- [16] Bwe E jañin buñ ioer; rej peptaij wōt ilo etan Irooj Jijej.
- [17] Innām rejro likūt peir ioer, im rej bōk Jetōb Kwōjarjar.
- [18] Im ke Saimōn ej lo bwe kōn an ri jelok likūt peir, ar lelok Jetōb Kwōjarjar, ej kōnaan lelok mañ ñan er,
- [19] Im ba, Barāinwōt komwin letok kajoor in ñan eō, bwe jabdewōt eo ij likūt peiō ioon en bōk Jetōb Kwōjarjar.
- [20] A Piter e ba ñan e, En jako am silver im kwe, bwe kwaar ɣōmḵak in wiaik men in aorok an Anij letok, kōn mañ.
- [21] Ejjelok am moḵttan ak jolot ilo naan in; bwe būruōm ejab jimwe imaan mejan Anij.
- [22] Innām kwōn ukelok ippam kōn nana in am, im akweɣap ñan Anij eɣañne bōlen En joɣok ɣōmḵak in būruōm.
- [23] Bwe ij lo kwōj pād ilo āt emeɣ, im ilo korak enana.
- [24] Im Saimōn e uwaak, im ba, Komwin jar ñan Irooj kōn eō bwe ejjelok ian men kein komij kōnono kaki en itok ioō.
- [25] Im ke emōj airro kōnnaan im kwaɣok naan in Irooj, rej jepɣaak ñan Jerusalem, im kwaɣok naan emman ilo elōñ jikin kwelok redik an ri Sameria.
- [26] Im enjeɣ in Irooj ej kōnono ñan Pilip, im ba, Kwōn jutak im ilok ñan rōk, ñan ial eo ej wanlaɣ jān Jerusalem ñan Beza, eo āne jemaden.
- [27] Im ej jutak im ilok: im lo, juon armej in Itiopia, e eunok im eutieɣ ippān Kandase, lerooj in Itiopia, eo ej lale mweiiem otemjej, im e kar itok ñan Jerusalem bwe en kabuñ,
- [28] Ej jepɣaak, im jijet ilowan jariot eo an im kōnono ilo bok in ri kaanan Aiseia.
- [29] Im Jetōb ej ba ñan Pilip, Kwōn kepaak im pād ippān jariot en.

- [30] Im Pilip ej tōr ñan e, im roñjake an kōnono ilo ri kaanan Aiseia, im ej ba, Kwōj mejeje ke men eo kwōj kōnono kake?
- [31] Im e ba, Ekōjkan aō maroñ, eļaññe ejjeļok en ej tōl eō? Im ej akweļap ñan Pilip bwe en uwe im jjet ippān.
- [32] Mōttan jeje eo ilo Baibō] ej kōnono kake, eñin. Ar tōllok E ainwōt jip ñan mej; im ainwōt koon in jip iṃaan ri ṃwijbar ej ikōñ, āindein E jab waļañi loñin:
- [33] Ilo An ettā ar joļok An ekajet: im wōn enaaj kwaļok An epepen? bwe ar joļok An mour jān laļ.
- [34] Im eunōk ej uwaak Pilip im ba, Ij kajjitōk ippam, kōn wōn an ri kaanan kōnono men iṃ? kōn e make ak kōn bar juon armej ke?
- [35] Innām Pilip ej waļañi loñin, im jino jān jeje iṃ, im kwaļok Jijej ñan e.
- [36] Im ke rej ilok ilo ial eo ļok, rej itok ñan juon dān: im eunōk e ba, Lo dān e; ta ej bōbrae eō bwe in jab peptaij?
- [37] **
- [38] Im e jiroñ bwe jariōt en bōjrak. Im rejro wanlaļ ñan lowaan dān, Pilip im eunōk eo; im ej peptaij.
- [39] Im ke rejro ato jān dān, Jetōb ōn Irooj ej bōkļok Pilip, im eunōk eo ejāmin bar lo e; im ej lañlōñ im ilok ilo ial eo an.
- [40] Im ar lo Pilip i Azotōs: ke ej deļok ej kwaļok Gospel ilo jikin kwelok otemjej, ñan iien ej itok ñan Seseria.

JEPTA 9

- [Jr 9.1] A Saul, ke ej buñañōn kalōļñoñ im uror ñan ro ri kaļooran Irooj, ej ilok ñan pris eo eļap,
- [2] Im kajjitōk letter ko ñan iṃōn kweilok ko i Damaskōs, bwe eļaññe ej lo jabdewōt ro aer ial iṃ, ṃṃaan ak kōrā, en liāpe er im bōktok er ñan Jerusalem.
- [3] Im ke ej ilok ie ļok, ej kepaak Damaskōs: im eṃōkaj an juon meram jān lañ romaak iturin.
- [4] Im ej buñ ioon bwidej, im roñ juon ainikien ej ba ñan e, Saul, Saul, etke kwōj matōrtōr Eō?
- [5] Im e ba, Irooj wōn Kwe? Im Irooj e ba, Ña Jijej, eo kwōj matōrtōre:
- [6] A kwōn jerkak im deļoñļok ilo jikin kwelok en, im naaj kōnnaanōk eok men eo kwōn kōṃmane.
- [7] Im armej ro rej ilok ippemļok rej jutak im ikōñ; rej roñ ainikien, a rejab lo armej.
- [8] Im Saul ej jerkak jān bwidej; im ke epeļlok mejan, e jab lo jabdewōt; im rej tōl e kōn pein, im āñinļok e ñan Damaskōs.
- [9] Im ej pād iumwin jilu raan im jab loļokjeṃ, im ej jab ṃōñā ak idaak.
- [10] □Im juon ri kaļoor ej pād i Damaskōs, etan Anenaiōs; im Irooj e ba ñan e ilo visiōn, Anenaiōs. Im e ba, Lo, Irooj, ña e.
- [11] Im Irooj e ba ñan e, Kwōn jutak, im ilok ilo ial eo etan Jimwe, im kajjitōk ilowan iṃōn Judas kōn juon en etan Saul, ri Tarsōs, bwe lo ej jar,

- [12] Im ear lo ilo visiōn juon armej etan Anenaiōs ej deļoņ, im likūt pein ioon, bwe en loļokjeņ.
- [13] A Anenaiōs e uwaak, Irooj, I ar roņ jān elōņ kōn armej iņ, ie ļap en nana ear kōmmane ñan ro Aṃ reṃman i Jerusalem.
- [14] Im ijin ewor naan ippān jān pris ro reļap bwe en liāpe er otemjej rej jar ilo Etaṃ.
- [15] A Irooj e ba ñan e, Kwōn ilok: bwe e juon Aō jāpe eo Ij kāālōt e, bwe en bōkļok eta iṃaan mejan ri aelōņ ko, im kiņ ro, im ro nejin Israel:
- [16] Bwe I naaj kwaļok ñan e men ko relōņ enaaj eņtaan kaki kōn eta.
- [17] Im Anenaiōs ej ilok, im deļoņ ilowan ṃweo; im ej likūt pein ioon im ba, Jatiō Saul, Irooj, Jijej eo Ear weaaktok ñan eok ilo ial eo ke kwaar itok, Ej jilkinwōj eō, bwe kwōn bar loļokjeņ, im obrak kōn Jetōb Kwōjarjar.
- [18] Im kiiōkiiō re buņ jān mejan āinwōt kilin ek, im ej loļokjeņ; im ej jutak im peptaij.
- [19] Im ke eṃōj an ṃōñā, ej kajoorļok. Im iuṃwin jet raan ej pād ippān ro ri kaļoor rej pād i Damaskōs.
- [20] Im eṃōkaj an kwaļok Jijej ilowan iṃōn kweilok ko, bwe E Nejin Anij.
- [21] A er otemjej rej roņjake re bwilōņ, im re ba, E iņ e jab eo ear kōkkure ro raar jar ilo āt iņ i Jerusalem ke? im āindein an itok ñan āniņ bwe en liāpe im bōkļok er ñan pris ro reļap.
- [22] A Saul eļap an kajoorļok, im e kajoor an in naan ñan ri Ju ro rej jokwe i Damaskōs, im kaṃool bwe E iņ ri Kūraij.
- [23] Im ke elōņ raan remootļok, ri Ju ro rej pepe ippān doon bwe ren ṃan e.
- [24] A Saul e jeļā kajjien aer pepe. Im rej kōppao ilo kōjām ko raan im boņ bwe ren ṃan e.
- [25] A ri kaļoor rej āñintok e ilo boņ, im rej doorlaļok e ilikin wōrwōr ilo kilōk.
- [26] Im ke eṃōj an itok ñan Jerusalem, ej kajjioņ bwe en make koba ippān ro ri kaļoor: im er otemjej rej mijak e, im jab tōmak bwe e juon ri kaļoor.
- [27] A Barnebas ej bōk e, im āñintok e ñan ro ri jelōk, im bwebwenato ñan er kōjkan an lo Irooj ilo ial eo, im kōjkan e peran in kwaļok i Damaskōs ilo etan Jijej.
- [28] Im ej pād ippaer im itoitak i Jerusalem.
- [29] Im ej peran im kōnono ilo etan Irooj, im aitwerōke ro ri Grik: a rej kapukōt bwe ren ṃan e.
- [30] A ke jemjein jemjaten re jeļā, rej āñinlaļok e ñan Seseria, im jilkinļok e ñan Tarsōs.
- [31] Innām eklejia eo ilo aolepen Judia im Galili im Sameria ej aenōṃman, im eddekļok; im ej etetal ilo mijak Irooj im ilo aenōṃman jān Jetōb Kwōjarjar, im ej orļok.
- [32] Im ke Piter ej etal ilo āne ko otemjej, ej wanlaļ ñan ippān ro reṃman rej jokwe i Lidda.
- [33] Im ijo ej lo juon armej etan Inias, eo e kar babu ioon kinien iuṃwin ruwalitōk iiō, im e nañinmej kōn akā.

- [34] Im Piter ej ba ñan e, Inias, Jijej Kūraiĵ ej kemour eok: kwōn jerkak im erak kiniōm. Im emōkaj an jerkak.
- [35] Im er otemjej rej jokwe i Lidda im Saron rej lo e, im rej oktak ñan Irooj.
- [36] A juon ri kaloor ej pād i Joppa etan Tabita, raar ukōt naan in im ñaetan Dorkas; kōrā in e obrak kōn jербal ko remman im mweien tūriamo ko ej kōmmAn.
- [37] Im ilo raan ko, e nañinmej im mej. Ke emōj aer katutu e, rej likūt e ña ilo po.
- [38] Bwe Lidda epaake Joppa, im ri kaloor raar roñ bwe Piter ej pād ijo, rej jilkinlok ruo armej ñan e, im akweļap ñan e bwe en jab ruṃwĵtok ñan er.
- [39] Innām Piter ej jutak im ilok ippaerlok. Ke e moottok, rej āñinlōñlok e ñan po eo: im kōrā ro otemjej ejako pāleir rej jutak ippān im jañ, im kwaļok nuknuk ko im kopā ko Dorkas ear kōmmAn ke e kar pād ippaer.
- [40] A Piter ej kadiwōjlok er otemjej, im bukwelōlō, im jar; im ej oktak ñan ubōn im ba, Tabita, kwōn jerkak. Im epeļlok mejan; im ke ej lo Piter, ej jerkak.
- [41] Im ej leļok pein ñan e, im kajutak e; im ke emōj an kūrtoĵ ro remman, im kōrā ro ejako pāleir, ej kwaļok e im ājmour.
- [42] Im re jeļā ilo aolepen Joppa: im elōñ rej tōmak Irooj.
- [43] Im iumwin elōñ raan ej pād wōt ilo Joppa ippān juon Saimōn ri tanner.

JEPTA 10

- [Jr 10.1] Juon emman i Seseria etan Korniliōs, senturiōn an jar eo etan jar in Italia.
- [2] Emman mwilin, im e mijak Anij, kab ro nukwin otemjej, im ej leļok elōñ mweien tūriamo ñan armej ro, im jar ñan Anij iien otemjej.
- [3] Ej lo ilo visiōn alikkar, e nañin jilu awa ilo raan, juon enjeļ in Irooj ej deļōñ ñan ippān, im e ba ñan e, Korniliōs.
- [4] Im ke ej kallimjeke, ej lōñōñ, im ba, Ta eo Irooj? Im e ba ñan e, Jar ko am, im mweien tūriamo ko am rej wanlōñlok men in keememej imaan mejan Anij.
- [5] Im kiiō kwōn jilkinlok jet armej ñan Joppa, im pukottok juon Saimōn, āt eo juon Piter
- [6] Ej pād ippān juon Saimōn ri tanner, mweo imōn ej pād iturin lojet.
- [7] Im ke ej ilok enjeļ eo, ear kōnono ñan Korniliōs, ej kūrtoĵ ruo ri korijeran, im juon ri tariņae emman mwilin eo iaan ro rej pād ippān iien otemjej;
- [8] Im ke emōj an kōnnaanōk er men kein otemjej, ej jilkinlok er ñan Joppa.
- [9] Ke ilju, ke rej ilok ilo ial eo aer lok, im kepaak ñan jikin kwelok eo, Piter ej wanlōñlok ioon mweo bwe en jar ilo joñoul im ruo awa;
- [10] Im eļap an kwōle, im e kōņaan mōñā; a ke rej kapojak, ej buñ ilowan trans.
- [11] Im ej lo lañ epeļlok, im juon jāpe ej wanlaļtak, āñwōt juon koqj eļap, ar door e kōn emman jabōn ioon laļ:
- [12] Rej pād ilowan kidu ko emān ne im men ko retōbalbal i laļ im bao ko i mejatoto wāweir wāween otemjej.
- [13] Im juon ainikien ej itok ñan e, Piter, kwōn jerkak, mAn im mōñā.
- [14] A Piter e ba, Irooj, en jab āindein, bwe I ar jab mōñā men eo e mo im jab erreo.

- [15] Im ainikien ej bar kōnono ñan e kein ka ruo, Men eo Anij ear karreoik e, kwōn jab kōmman e e mo.
- [16] Men in ar kōmanmane alen jilu: im bar bōklōñlok jāpe eo ñan lañ.
- [17] Im ke Piter ej make pere ta meļeļein visiōn eo e ar loe, lo armej ro ar jilkinlok er jān Korniliōs, re kar kajjitōk ewi imōn Saimōn, im rej jutak iturin aor eo,
- [18] Im kūr, im kajjitōk eļañne Saimōn, āt eo juon Piter ej pād i mwiin ke?
- [19] Ke Piter ej ļomnak kōn visiōn eo, Jetōb e ba ñan e, Lo, jilu armej rej kapukōt eok.
- [20] A kwōn jerkak, im wanla, im ilok ippaer lok, im jab pere, bwe I ar jilkinwōj er.
- [21] Innām Piter ej wanla ñan armej ro, ar jilkinlok er ñan e jān Korniliōs; im ba, Lo, ña e eo komij pukot e, komij iten et?
- [22] Im re ba, Korniliōs senturiōn, armej emman mwilin, im e juon ej mijak Anij, im ri aelōñ in Ju ro otemjej re ba e emman; Anij e ar kauwe kōn enjeļ ekwōjarjar, bwe en jilkinwōj bwe kwōn itok ñan mweo imōn, bwe en roñ naan ko jān eok.
- [23] Innām ej kadeļoñ er, im lale er. Im ke ilju ej jutak im ilok ippaer lok, im jet jemjein jemjaten jān Joppa rej etal ippān.
- [24] Im raan eo tokālik rej deļoñ ilowan Seseria. Im Korniliōs ej kattar er, im e kar kūrtoke ro nukwin im ro jeran.
- [25] Im ke Piter ej deļoñ, Korniliōs ej wōnmae, im e buñ ña iturin neen, im kabuñ.
- [26] A Piter ej kajerkak e, im ba, Kwōn jutak; ña barāinwōt juon armej.
- [27] Im ke ej kōnono ippān, ej deļoñ, im lo elōñ ro raar kweiloklok.
- [28] Im ej ba ñan er, Kom jeļā e mo an ri Ju kōmmao ak itok ñan ippān ri bar juon aelōñ; a Anij e ar katakin eō bwe in jab likūt jabdewōt armej e mo ak jab erreo.
- [29] Kōn men in ij mōkaj tok, ke kwaar jilkintok bwe in iwōj. Innām ij kajjitōk, etke kom ar jilkintok ñan eō?
- [30] Im Korniliōs e ba, Ilo raan eo kein ka emān mokta I ar jitolok ñan awa in; im ke jilu awa I ar jar ilowan mwiin imō, im lo, juon armej e jutak imaan meja, emouj nuknuk ko an,
- [31] Im ba, Korniliōs, emōj roñjake jar eo am, im mweijen tūriamo ko am re men in keememej imaan mejan Anij.
- [32] Innām kwōn jilōkinlok ñan Joppa, im kūrtoke Saimōn, āt eo juon Piter: ej pād ilowan imōn juon Saimōn ri tanner iturin lojet.
- [33] Innām emōkaj aō jilōkwōj ñan eok: im emman am kōmanman bwe kwaar itok. Innām kiiō kōm otemjej pād ijin imaan mejan Anij, bwe kōmin roñ men otemjej Anij e ar jiroñ eok kaki.
- [34] Innām Piter ej waļañi loñin, im ba, Emool, ij kile bwe Anij e jab ļomnak kōn okōtan armej:
- [35] A ilo aelōñ otemjej eo ej mijak E, im jerbale kwōjarjar, ej kabuñbūruen.
- [36] Naan eo Ear jilkinlok ñan ro nejin Israel, im kwaļok gospel eo kōn Jijej Kūraj: (E Irooj ioon otemjej:)
- [37] Komij jeļā naan eo ar kwaļok e i aolepen Judia, im jino jān Galili, ālikin peptaj eo Jon ear kwaļok e,

- [38] Ekōjkan an Anij kapit Jijej ri Nazeret kōn Jetōb Kwōjarjar im kōn kajoor; Eo ej etetal im kōmanman emman, im kemour ro otemjej tepil ear kebioup er; bwe Anij ippān.
- [39] Im kōm ri kōnnaan kōn men otemjej E ar kōmman ilo āne an ri Ju ro, im ilowan Jerusalem: Eo raar mane im totoike ilo wōjke:
- [40] Anij e ar kajerkakpeje E ilo raan eo kein ka jilu, im kwaļok E alikkar;
- [41] Jab nān armej otemjej, a nān ro ri kōnnaan Anij e ar kāālōt er mokta, aet, nān kōm, kōm ar mōñā im idaak ippān ālikin An jerkakpeje jān ro remej.
- [42] Im E ar jiroñ kōm bwe kōmin kwaļok nān armej ran, im kōnnaan bwe E in Eo Anij ear likūt E bwe En Ri Ekajet ro re mour im ro re mej.
- [43] Ro ri kanaan otemjej raar kōnnaan kōn E, bwe kōn etan jabdewōt eo ej lōke E, enaaj bōk juurļok jerowiwī ko an.
- [44] Ke Piter ej kōnono naan kein, Jetōb Kwōjarjar Ej buñ ioer otemjej rej roñjake naan.
- [45] Im ro ri mwijmwij ro rej tōmak re bwilōñ, er otemjej rej itok ippān Piter tok, bwe barāinwōt emōj lutōk men in aorōk an Jetōb Kwōjarjar ioon ri aelōñ ko.
- [46] Bwe rej roñ aer kōnono kōn lo ko, im wūjtake Anij. Im Piter ej uwaak,
- [47] Ewi armej ej maroñ in bōbrae dān, bwe rein ren peptaij, ro raar bōk Jetōb Kwōjarjar āinwōt kōm?
- [48] Im ej jiroñ bwe ren peptaij er ilo etan Irooj. Innām rej akweļap nān e bwe en pād wōt iumwin jet raan.

JEPTA 11

- [Jr 11.1] Im ro ri jelōk im jemjein jemjaten i Judia, rej roñ bwe ri aelōñ ko raar barāinwōt bōk naan in Anij.
- [2] Im ke emōj an Piter wanlōñļok nān Jerusalem, jet iaan ri mwijmwij rej akwāāl e,
- [3] Im ba, Kwaar deļoñ nān ippān armej ro re jab mwijmwij, im mōñā ippaer.
- [4] A Piter ej kwaļok men in, im kameļeļeik e jimwewōt nān er jān jinoin, im ba,
- [5] I ar pād i jikin kwelok Joppa im jar; im ilo trans I ar lo juon visiōn, juon jāpe ej wanlaļtok āinwōt juon koqj eļap, doorlaļ e jān lañ kōn emān jabōn; im ej itok nān eō:
- [6] Im ke I ar kallimjeke, ij kōlmānļokjeñ, im lo kidu ko in laļ emān ne, im kidu ko rawia, im men ko re tōbalbal, im bao ko i mejatoto.
- [7] Im I ar barāinwōt roñ ainikien e ba nān eō, Piter, kwōn jerkak; man im kañi.
- [8] A I ar ba, Irooj, en jab āindein: bwe ejjeļok men eo e mo ak jab erre e ar deļoñ ilowan loñiō jabdewōt iien.
- [9] A ainikien ej bar uwaak eō jān lañ, Men eo Anij ear karreo, kwōn jab kōmmane e mo.
- [10] □Im men in ar kōmmane alen jilu: im er otemjej bar tōbwe nān lañ.
- [11] Im lo, emōkaj an jilu armej jutak iturin mweo I ar pād ie, ar jilōktok er jān Seseria nān eō.

- [12] Im Jetōb ej jiroñ eō bwe in ilok ippaer lok, im jab lōmṇak kōn ālikin armej. Im barāinwōt rein jiljino jeiō im jatiō raar etal ippa, im kōm ar deļoñ ilowan iṃōn armej eo.
- [13] Im e ar kwaļok ñan kōm kōjkan an lo juon enjeļ ilowan ṃweo iṃōn, eo e jutak im ba ñan e, Kwōn jilkinlok jet armej ñan Joppa, im kūrtoḱ Saimōn, āt eo juon Piter;
- [14] E naaj kōnnaanōk eok naan ko naaj lōmṃōrōṃ im ro nukwuṃ otemjej kōn er.
- [15] Im ke I ar jino in kōnono, Jetōb Kwōjarjar ej buñ ioer, āinwōt ioed ilo jinoin.
- [16] Im I ar keememej naan in Irooj, ekōjkan An ba, Eṃool, Jon e ar peptaij kōn dān; a naaj peptaij kom kōn Jetōb Kwōjarjar.
- [17] Innām eļañne Anij e ar leļok ñan er men in aorōk eo āinwōt E ar letok ñan kōjeo, ke jaar lōke Irooj Jijej Kūrai, Wōn ña bwe in maroñ in juṃae Anij?
- [18] Ke rej roñ men kein rej ikōñ, im rej wūjtake Anij, im ba, Innām Ej barāinwōt leļok ñan ro ri aelōñ ko ukeļok bwe ren mour.
- [19] A ro raar jeplōklōk kōn matōrtōr eo e ar waļok kōn Stipen, raar ilok ñan Pinisia, im Saiprōs, im Antiok, rej kwaļok naan ñan eļjeļok armej a ñan ri Ju ro wōt.
- [20] Im jet iaer ri Saiprōs im ri Sairine, ke rej itok ñan Antiok, rej barāinwōt kōnono ñan ro ri Grik, im kwaļok Irooj Jijej.
- [21] Im pein Irooj ej pād ippaer: im elōñ ro rej tōmak, rej oktak ñan Irooj.
- [22] Innām naan kōn er ej itok ñan lojilñin eklejia eo i Jerusalem; im rej jilkinlok Barnebas bwe en ilok ñan Antiok.
- [23] Ke e moottok, im lo an Anij jouj ej lañlōñ, im ej kauwe er otemjej, bwe en rim būrueir, im eddāp ñan Irooj.
- [24] Bwe e juon armej eṃṃan, im e obrak kōn Jetōb Kwōjarjar, im kōn tōmak: im elōñ armej rej koba ippān Irooj.
- [25] Im Barnebas ej ilok ñan Tarsōs, bwe en pukot Saul;
- [26] Im ke e ar lo e, ej āñintok e ñan Antiok. Im iuṃwin aolepen juon iiō rej jimor kweiloklok ippān ro ri eklejia im katakin elōñ armej. Im ro ri kaļoor, ar ṇaetaer ri Kūrjin ṃokta i Antiok.
- [27] Ilo raan kein jet ri kanaan rej itok jān Jerusalem ñan Antiok.
- [28] Im juon iaer, etan Agebōs, e jutak im kwaļok kōn Jetōb bwe enaaj ñūta eļap i āne otemjej i la; eñin e ar waļok ilo raan ko an Klaudiōs.
- [29] Im ro ri kaļoor otemjej rar pepe bwe āinwōt aer maroñ ren jilkinlok men in jipañ jemjein jemjaten rej jokwe i Judia.
- [30] Im raar kōmṃan men iṇ im jilkinlok e ñan elder ro kōn pein Barnebas im Saul.

JEPTA 12

[Jr 12.1] Im epaak iien eo Herod kiñ ej erļoke pein bwe en kaeñtaan jet iaan ri eklejia.

[2] Im ej ṃan Jemes jaten Jon kōn jāje.

[3] Im ke ej lo bwe men iṇ ej kalañlōñ ru Ju ro, ej barāinwōt jibwe Piter. Im raan ko raan in bred e jab leven.

- [4] Im ke emōj an jibwe, ej likūt e ilowan prisōn, im ketak e ñan joñoul im jiljino ri tariṇae bwe ren baar e; ej pepe ñe e jemļok kwōjkwōj in kijoone, enaaj ãñintok e ñan armej raṇ.
- [5] Innām rej baar Piter ilowan prisōn; a eļap an eklejia jar ñan Anij kōn e.
- [6] Im ke Herod e kōṇaan ãñintok e, boñin iṇ Piter ej kiki eoļōpen ruo ri tariṇae, ej elloḱ kōn ruo tomede: im ri lale prisōn iturin aor eo rej baar prisōn.
- [7] Im lo, enjeļ in Irooj ej weaaktok, im meram ej romaak ilowan prisōn eo, im ej ubrare katin Piter im koṛuj e, im ba, Kwōn jerkak kiiōkiiō. Im tomede ko rej wōtļok jān pein.
- [8] Im enjeļ ej ba ñan e, Kwōn kañūrñūr, im lukwōj aṃ sandal; im ej kōṃṃan ãinwōt. Im ej ba ñan e, Kwōn kopāpā kōn aṃ kopā, im ļoor eō.
- [9] Im ej diwōjļok im ļoore; im e jaje ṃool ke jab ke an enjeļ kōṃṃan; a ej ļōṃṃak ej lo juon visiōn.
- [10] □Ke rejro kijoone ri baar ṃokta, im ri baar kein ka ruo, rej itok ñan aor māāl iṃaan ial ñan jikin kwelok; eo e make peļļok ñan er: im rejro diwōjļok, im deblok juon ial; im emōkaj an enjeļ ilok jān e.
- [11] Im ke Piter e jeļāļokjeṇ, e ba, Kiiō I jeļā emool Irooj ear jilkintok an enjeļ, im kōtļok eō jān pein Herod, im jān katmāne otemjeļ an ri Ju ro.
- [12] Im ke emōj an kōlmānļokjeṇ kōn men eo, ej itok ñan ṃweo iṃōn Meri jinen Jon āt eo juon Mark; ijo elōñ rej kwelok ie im jar.
- [13] Im ke Piter ej kaļļaļaļ ilo aor eo edik, juon jiroñ ej iten uwaak, etan Roda.
- [14] Im ke ej kile ainikien Piter, e jab kapelļok aor kōn an lañlōñ, a ettōr ilowan, im kōnnaanōk ekōjkan an Piter jutak ilikin aor.
- [15] Im re ba ña ne, Kwō wūdeakeak. A epen an ba emool otem ṃool. Innām re ba, Enjeļ eo an.
- [16] A Piter ej kaļļaļaļ wōt: im ke emōj aer kapelļok, im lo e, re bwilōñ.
- [17] A ke emōj an bōbrae er kōn pein bwe ren ikōñ, ej kōnnaanōk er kōjkan an Irooj ãñintok e jān prisōn. Im e ba, Koṃwin ilem kōnnaanōk men kein ñan Jemes, im ñan jemjein jemjaten. Im ej ilok im etal ñan bar juon jikin.
- [18] Im ke e raantak, eļap jānene ippān ri tariṇae kōn an Piter pād ia.
- [19] Im ke emōj an Herod kapukōt e, im jab lo e, ej ekajet ri baar ro, im jiroñ bwe ren ṃan er. Im ej wanlaļok jān Judia ñan Seteria, im jokwe ijo.
- [20] Im eļap an illu ñan ro ri Tair im Saidon: im ke emōj aer jeraik ri lale po an kiñ eo, rej jīṃor itok ñan ippān, im kajjitōk ippān kōn aenōṃṃan; bwe āneo an kiñ ej naajdik āneo āneir.
- [21] Im ilo juon raar e kar kāālōt e, Herod ej kōṇak nuknuk an kiñ wōt, im jijet ioon tūroon eo, im kwaļok kōnono eļap ñan er.
- [22] Im armej rej laṃōj, im ba, Ainikien anij, im e jab an armej.
- [23] Im emōkaj an enjeļ in Irooj ṃan e, bwe e ar jab wūjtake Anij: im likaakrak rej kañe, im e mej.
- [24] A naan in Anij ej eddekļok im orļok.

[25] Im Barnebas im Saul rejro jep̄laak j̄an Jerusalem, ke em̄oj aer kamool jermal eo aer, im rej añintok ip̄paer Jon, at eo juon Mark.

JEPTA 13

- [Jr 13.1] A ilo eklejia i Antiok jet ri kanaan im ri kaki; etaer Barnebas, im Simeon eo etan Naijer, im Lusiōs ri Sairine, im Meneen eo jein im jaten Herod titrak, im Saul.
- [2] Ke rej jermal n̄an Irooj im jitlok, Jetōb Kwōjarjar ej ba, Komwin kamakeļok iaer Barnebas im Saul n̄an Eō kōn jermal eo I ar kurtok er n̄an e.
- [3] Im ke em̄oj aer jitlok im jar, im likūt peir ioer, rej jilkinļok er.
- [4] Innām bwe Jetōb Kwōjarjar ej jilkinļok er, rejro wanlaļok n̄an Silisia; im j̄an ijo rej jerak n̄an Saiprōs.
- [5] Im ke rejro pād i Salemis, rej kwaļok naan in Anij ilowan im̄on kweilok ko an ri Ju ro: im barāinwōt Jon ej ri jermal n̄an er.
- [6] Im ke em̄oj aer deblok aolepen aelōn eo n̄an Pepos, rej lo juon ri madmōd, ri kanaan riab, ri Ju, etan Barjisōs.
- [7] E ar pād ippān prokonsōl, etan Serjiōs Paulōs, e ri jeļāļokjen; ej kurtok Barnebas im Saul n̄an ippān, im kōnaan roñ naan in Anij.
- [8] A Elimas ri madmōd, (bwe eñin ukōtōn etan) ej jumae er, im kōnaan kajeor prokonsōl j̄an tōmak.
- [9] Innām Saul, barāinwōt ņaetan Paul, eobrak kōn Jetōb Kwōjarjar, ej kallimjeke,
- [10] □Im ba, O kwō obrak kōn moņ otemjej im nana otemjej, nejin tepil, ri kōjdate men otemjej remman, kwō jāmin kamōjlok am kankeke ial ko rejimwe an Anij ke?
- [11] Im kiiō, lo pein Irooj ioņ, im kwō naaj pilo, im jāmin lo aļ n̄an juon iien. Im em̄okaj tab im marok rej buñ ioon; im ej etetal, im kapukōt jabdewōt ri tōl e kōn pein.
- [12] Innām prokonsōl eo, ke ej lo men eo kōmanmane, ej tōmak, im e bwilōn kōn katak an Irooj.
- [13] A Paul im ro ippān rej jerak j̄an Pepos im itok n̄an Perga i Pampilia: im Jon ej ilok j̄an er im jep̄laakļok n̄an Jerusalem.
- [14] Im ke em̄oj aer deblok Perga, rej tok n̄an Antiok i Pisidia, im ej deļoñ ilowan im̄on kweilok ilo raan Jabōt, im jijet.
- [15] Im ālikin kōnono ilo kien im ri kanaan ro, irooj ro an im̄on kweilok rej jilkinļok n̄an er, im ba, Komeo, jeim im jatim, eļaññe jabdewōt naan in kauwe armej raņ ippemi, komwin kwaļok mōk.
- [16] Im Paul ej jutak im bōbrae kōn pein, im ba, Armej in Israel, im komeo komij mijak Anij, karoņjake.
- [17] Anij an armej in Israel E ar k̄ālōt ro jimmad, im koutiej armej ro ke raar jokwe āinwōt ro ruwa i āne Ijpt, im kōn pein eutiej E ar añintok er j̄an e.
- [18] Im iumwin enañin eñoul iio E ar kōkkaajiriri er ilo āne jemaden.

- [19] Im ke emōj an kōkkure jiljilimjuon aelōñ ilo āne Kenan, Ej leļok āne eo aer ñan er aer jolōt, iumwin enañin ābukwi im lemñoul iiō:
- [20] Im ālikin men kein E ar leļok ñan er ro irooj in ekajet ñan iien eo an Samuel, ri kanaan.
- [21] Im tokālik rej kajjitōk juon kiñ; im Anij ear leļok ñan er Saul nejin Kis, juon armej jān bwijin Benjamin, iumwin eñoul iiō.
- [22] Im ke emōj an joļok e, E ar koutiej Devid bwe en aer kiñ; im Ej kwaļok naan in kōnnaan ñan e, im ba, Emōj aō lo Devid nejin Jesse, armej būruen āinwōt būruō, eo enaaj kōmman ankil Aō otemjej.
- [23] Jān ineen armej in, Anij, ekkar ñan kallimur eo, E ar āñintok ñan Israel juon Ri Lomoor, Jijej;
- [24] Ke Jon e ar kwaļok peptaj kōn ukeļok ñan armej in Israel otemjej, mokta jān An itok.
- [25] A ke Jon ej kōmman jermal eo an, e ba, Wōn ña ilo ami ļomnak? Ña I jab E. A lo, juon ej itok ālikū, ballin neen ij petkake bwe in jeļate.
- [26] Komeo, jeiō im jatiō, ro nejin Ebrean, im ro jabdewōt iaami re mijak Anij, jilkintok naan in lomoor in ñan kōj.
- [27] Bwe ro rej jokwe ilo Jerusalem, im irooj ro aer, kōn aer jaje E, im jaje ainikien ri kanaan ro, kōnono ilo bok ko aer raan Jabōt otemjej, raar kaṃool i kōn aer liaakļok E.
- [28] Im meñe raar jab lo ruōn bwe En mej, raar akweļap ñan Pailat bwe En mej.
- [29] Im ke emōj aer kaṃool men otemjej ar jeje kōn E, rej door E jān wōjke, im likūt E ņa ilowan lōb.
- [30] Im Anij e ar kajerkakpeje E jān ro remej.
- [31] Im ro raar itok ippān tok jān Galili ñan Jerusalem raar lo E elōñ raan, im er An ri kōnnaan ñan armej rañ.
- [32] Im kōm kwaļok ñan kom naan in lañlōñ ko emōj leļok ñan ro jimmad,
- [33] Ekōjkan an Anij kaṃool men in ñan kōj ro nejir, kōn An kajerkakpeje Jijej: āinwōt jeje ilo Sam kein ka ruo, Kwe Nejiō ṃaan, I ar keotak Eok rainin.
- [34] Im kōn an kajerkakpeje E jān ro remej, im e jāmin bar jepļaak ñan kōt, E ar ba naan kein, Inaaj lewōj ñan Eok men ko rekwōjarjar im reṃool an Devid.
- [35] Kōn men eo, Ej barāinwōt ba ilo bar juon Sam, Kwō jāmin leļok Aṃ Ri Kwōjarjar bwe En lo kōt.
- [36] Bwe ālikin an Devid pokake ankilaan Anij ilo epepen eo an, e mej, im raar likūt e ippān ro jeman, im ej lo kōt,
- [37] A Eo Anij ear kajerkakpeje E, E ar jab lo kōt.
- [38] Kōn men kein, kom jeiō im jatiō, komwin jeļā bwe kōn armej in kōm kwaļok ñan kom juurļok jerōwiwi ko.
- [39] Im kōn E, er otemjej rej tōmak, emōj kowānōk er jān men otemjej, men ko kien Moses e jab maroñ in kowānōk er kaki.
- [40] Kōn men eo, komwin kōjparok kom ñe men eo ab itok iomi, men eo ri kanaan ro raar kōnono kaki;

- [41] Lo, komeo ri kajekdoon, kom bwilõñ im jako: bwe Ij jerbale juon jermal ilo raan ko ami, jermal eo kom kanooj jãmin tõmak, ejaññe juon armej ej kõnnaanõk kom.
- [42] Im ke emõj aer diwõj]lok, rej akwelap bwe ren kwaļok naan kein ñan er ilo Jabõt enaaj itok.
- [43] A ke emõj kõtļok jar eo ilowan imõn kweilok, elõñ iaan ri Ju ro, im ri proselait emman mwilir rej mõk Paul im Barnebas; ke rejro kõnono ñan er, rej kauwe er bwe ren pãd wõt ilo jouj in Anij.
- [44] Im ke Jabõt ej itok, enañin aolepen jikin kwelok rej kweilokllok bwe ren roñjake naan in Anij.
- [45] A ke ri Ju ro raar lo jar ko, re obrak kõn ban, im rej kõnono ñae men ko Paul ej kõnono kaki, im blaspim.
- [46] Innãm Paul im Barnebas eļap aer peran, im re ba, Emman jãn kwaļok naan in Anij ñan kom mokta; a kõn ami julok jãn kom im make ekajete kom petkake jãn mour indeeo, kõmij oktak ñan ro ri aelõñ ko.
- [47] Bwe ãindein an Irooj jiroñ kõm, im ba, I ar likūt Eok meram ñan ri aelõñ ko, bwe Kwõn pinmuur ñan jabõn laļ etoļoktata.
- [48] Im ke ri aelõñ ko rej roñjake men in, rej lañlõñ im wũjtake naan in Irooj; im ro jabdewõt ar likūt er bwe ren mour indeeo, rej tõmak.
- [49] Im naan in Irooj ej peddejake ilo aolepen ãne eo.
- [50] A ri Ju ro rej poktak ro liãtõktõk im ro ļeãtõktõk ilo jikin kwelok, im kõmman bwe ren matõrtõre Paul im Barnebas, im joļok erro jãn ãne ko ãneir.
- [51] A rej jojen bũñalñal in neir ñae er, im itok ñan Aikoniõm.
- [52] Im ro ri kaļoor rej obrak kõn lañlõñ, im kõn Jetõb Kwõjarjar.

JEPTA 14

- [Jr 14.1] Im ke rej pãd ilowan Aikoniõm, rejro deļõñ ilowan imõn kweilok an ri Ju ro, im elõñ ri Ju kab ro ri Grik rej tõmak kõn aer in naan.
- [2] A ri Ju, ro re jab tõmak, rej poktak bũruen ro ri aelõñ ko, im kananaik er ñae jemjein jemjaten.
- [3] Innãm eto aer pãd ijo, im re peran im kõnono ilo Irooj, eo Ek kõnnaan kõn naan in jouj eo An im leļok kakõļe ko, im men in bwilõñ ko kõn peir.
- [4] A jar in jikin kwelok e jepel; im jet ippãn ri Ju ro, im jet ippãn ro ri jelõk.
- [5] Im ke ri aelõñ ko, im ri Ju ro kab irooj ro aer, rej teltiltok er, bwe ren kockure er im kade er,
- [6] Re jeļã kajjien im ko ñan Listra im Derbe, ruo jikin kwelok in Laikeonia, im ñan ãneo iturin.
- [7] Im ijo rej kwaļok gospel.
- [8] Im ilo Listra juon emmaan ej jijet, emõjñõ kõn neen, ekũrro jãn lojien jinen, e ar jab etetal:
- [9] Lein ej roñ an Paul kõnono, eo ej kallimjeke, im kile bwe ewor an tõmak bwe en mour,
- [10] □Im e ba kõn ainikien eļap, Kwõn jutak jimwe kõn nioṃ. Im ej kãke im etetal.

- [11] Im ke armej rej lo men eo Paul e ar kōmanmane, rej koutiej ainikier, im ba ilo kajin Laikeonia, anij ro rej wanlaɫtak ñan kōj, im ainwōt wāween armej.
- [12] Im Barnebas rej likūt etan Jupiter: im Paul rej ñaetan Merkuriōs, bwe e lukkuun in kōnono.
- [13] Innām pris an Jupiter, tempel eo an ej iturin jikin kwelok, ej bōktok kau koᵑaan ko, kab wōt ko pällir ñan kōjām ko, e kab armej raᵑ re kōᵑaan katok.
- [14] Ke ro ri jelok, Paul im Barnebas, rej roñjake, rej kekeel nuknuk ko aer, im tōr ilo bwiljin armej, im laᵑōj,
- [15] Im ba, Lōᵑa etke komij kōmanman men kein? Kōmro armej wōt im ainwōt kom, im kōmij kwaɫok ñan kom bwe koᵑwin oktak jān men kein jekdoᵑn ñan Anij Eᵑool, eo e ar kōmanman lañ, im laɫ, im loᵑeto, im men otemjej ilo er:
- [16] Ilo iien ko ᵑokta E ar kōtɫok ri aelōñ otemjej bwe ren etal ilo ial ko aer.
- [17] A E ar jab make likūt E im ejjelok men in kōnnaan kake, bwe E ar kōmanman eᵑman, im lewōj ñan kom wōt jān lañ, im iien ko elōñ ekkan, Ej kobraᵑ būruemi kōn kijemi im lañlōñ.
- [18] Im kōn naan kein re nañin jab dāpij armej jān aer katok ñan er.
- [19] A jet ri Ju rej itok jān Antiok im Aikoniōm, rej kareel jar ko, im ke eᵑōj aer kade Paul, rej iper e jān jikin kwelok, im rej lōᵑᵑak e mej.
- [20] A ke ri kaᵑoor rej jutak im kōpool e, ej jerkak im deᵑoñ ilowan jikin kwelok eo. Im ke ilju e kab Barnebas rejro ilok ñan Derbe.
- [21] Im ke eᵑōj airro kwaɫok naan iᵑ eᵑman ilo jikin kwelok eo, im kōᵑman bwe elōñ ri kaᵑoor, rej bar jepᵑaak ñan Listra, im Aikoniōm, im Antiok.
- [22] Im rej kapin būruen ro ri kaᵑoor, im kauwe er bwe ren pād wōt ilo tōmak eo, im bwe jān deᵑoñ ilo aelōñ in Anij kōn elōñ eñtaan.
- [23] Im ke eᵑōj aer likūt elder ro ñan er ilo eklejia otemjej, im jar im jitlok, rejro leᵑok er ñan Irooj, eo re kar lōke E.
- [24] Im ālikin aer deblok Pisidia, rej itok ñan Pampilia.
- [25] Im ke eᵑōj aer kwaɫok naan ilo Perga, rej wanlaɫok ñan Attelia;
- [26] Im jān ijo rej jerak ñan Antiok, jān ijo kar likūt erro ilo jouj in Anij kōn jermal eo rej kaᵑōjlok.
- [27] Im ke re moottok, im eᵑōj aer kokweiloklok eklejia, rej kōnnaanōk er men otemjej an Anij kōmanman kōn erro, im ekōjkan kapelᵑok aor in tōmak ñan ro ri aelōñ ko.
- [28] Im eto aer pād ijo ippān ro ri kaᵑoor.

JEPTA 15

- [Jr 15.1] Im jet armej rej wanlaɫtak jān Judia im katakin jemjein jemjaten, im ba, Eᵑañne kom jab ᵑwijiᵑwiji im ainwōt ᵑanit an Moses, kom ban mour.
- [2] Im ke eᵑap an Paul im Barnebas akwāāl er im aitwerōk ippaer, ar likūt bwe Paul im Barnebas, im bar jet iaer, ren wanlōñlok ñan Jerusalem, ñan ippān ro ri jelok im elder ro kōn men in kajjitok iᵑ.

- [3] Innām eklejia rej jipañ er kōn aer ilōk, im rej deblōk Pinaise im Sameria, im kōnnaanōk kōn an ri aelōñ ukeļōk ippaer: im eļap aer kabuñbūruen jemjein jemjaten otemjej.
- [4] Im ke re moottok ñan Jerusalem, eklejia eo kab ro ri jelōk im elder ro, rej bōk er, im rejro kōnnaanōk er men otemjej Anij e ar kōmanman kōn er.
- [5] A jet iaan jar an Parisi ro, ri tōmak, re jutak, im ba, Emman mwijit er, im jiroñ er bwe ren pokake kien Moses.
- [6] Im ro ri jelōk im elder ro rej kweilōklok bwe ren pepe kōn men in.
- [7] Im ke eļap aer aitwerōk, Piter e jutak, im ba ñan er, Komeo, jeiō im jatiō, kom jeļā bwe moktata Anij e ar kāālōt jān ipped, bwe jān loñiō ri aelōñ ren roñ naan in gospel im tōmak.
- [8] Im Anij eo e jeļā būruen armej, Ej kōnnaan ñan er kōn An leļok Jetōb Kwōjarjar ñan er, āinwōt ñan kōj;
- [9] Im E jab kalijekļok kōj jān er, im Ej karreo būrueir kōn tōmak.
- [10] □Innām kiiō, etke komij kaillu Anij kōn ami likūt ine i aerān ri kaļoor, men eo ro jimmad kab kōj je jab maroñ in kaperper kōj kake?
- [11] A jej tōmak bwe, kōn jouj an ad Irooj Jijej Kūraij, je naaj mour im āinwōt er.
- [12] Innām jar otemjej rej ikōñ, im karoñjake Barnebas im Paul, ke rejro bwebwenato kōn kakō]e ko im men in bwilōñ ko an Anij kōmanman ippān ri aelōñ kōn erro.
- [13] Im ke rejro ikōñ, Jemes e uwaak, im ba, Komeo jeiō im jatiō, komwin karoñjak eō;
- [14] Simeōn e ar kōnnaanōk kōjkan an Anij ilok moкта ñan ippān ri aelōñ ko, bwe En bōk armej jān er kōn etan.
- [15] Im ekkar ñan men in naan ko an ro ri kanaan; āinwōt ar je,
- [16] Ālikin men in I naaj jepļaak, im bar kalōk imōn kōppād an Devid, eo e ar buñ; im I naaj bar kalōk mweo e mor, im I naaj kajuuri;
- [17] Bwe armej ran moťtan mej ren pukot Irooj, im ri aelōñ otemjej, ioer rej ba eta,
- [18] Āindein Irooj ej ba, Eo ej kwaļok men kein jān iien moktata.
- [19] Kōn men eo aō pepe bwe jān jab kamakoko ro jān iaan ri aelōñ rej oktak ñan Anij;
- [20] A jān jeje ñan er bwe ren kōjparok er jān men ko rettoon an ekjab ko, im jān lōñ, im jān men ko remej kōn lukwōj būrueir, im jān bōtōktōk.
- [21] Bwe jet an Moses jān epepen ko moкта, rej kwaļok e ilowan jikin kwelok otemjej, im rej kōnono ilo bok eo an ilowan imōn kweilok ko raan Jabōt otemjej.
- [22] Iien eo ro ri jelōk im elder ro, kab ri eklejia otemjej, rej lōmņak emman bwe ren kāālōt armej jān jar eo aer im jilkinļok er ippān Paul im Barnebas ñan Antiok; etaer Judas āt eo juon Barsebas, im Sailas, routiej ippān jemjein jemjaten;
- [23] Im rej jejeļok na ippaer āinwōt naan kein; Ro ri jelōk im elder ro, jemjein jemjaten ñan jemjein jemjaten jān ri aelōñ ilo Antiok, im Siria im Silisia, Yokwe kom:

- [24] Bwe kōm ar roñjake bwe jet iaan ro raar ilok jān kōm rej kamakokoik kom kōn naan ko, im kōkkure būruemi, im ba, Emman komwin mwijit, im pokake kien, im kōm ar lelok ñan er ejjelok kien;
- [25] Ke būruem wōt juon, kōm ar lōmṇak, emman bwe kōmin kāālōt armej ro im jilkinwōj er ñan kom, ippān Barnebas im Paul ro jitōnbōro ippem,
- [26] Armej ro raar kajekdoon aer mour kōn etan ad Irooj Jijej Kūraj.
- [27] Innām kōm ar jilkinwōj Judas im Sailas, im renaaj barāinwōt kōnnaanōk kom men kein kōn aer in naan.
- [28] Bwe Jetōb Kwōjarjar im kōm ar lōmṇak, emman bwe kōmin jab likūt iomi men ko reḷap jān men kein remman:
- [29] Bwe komwin kōjparok kom jān men in katok ñan ekjab ko, im jān bōtōktōk, im jān men ko re mej kōn lukwōj būrueir, im jān lōñ: eḷañne komij kōjparok kom jān men kein, enaaj emman ippemi. Yokwe Kom.
- [30] Innām ke emōj kōtlok er, rej itok ñan Antiok; ke emōj aer kokweiloktok jar eo, rej lelok lōta eo.
- [31] Ke emōj aer kōnono ilo e, rej lañlōñ kōn naan in kaenōmman eo.
- [32] Im Judas im Sailas, rejro ri kanaan, rej kauwe jemjein jemjaten kōn elōñ naan, im karim būrueir.
- [33] Im ālikin aer pād ie jet iien, rej kōtlok er ilo aenōmman jān jemjein jemjaten ñan ro re kar jilkinlok er.
- [35] A Paul im Barnebas rej pād wōt i Antiok, im katakin im kwaḷok naan in Irooj, kab bar elōñ.
- [36] Im ālikin jet raan, Paul ej ba ñan Barnebas, Emman jenro jepḷaaklok im loḷok ro jeed im jated ilo jikin kwelok otemjej, jaar kwaḷok naan in Irooj ie, im jelā kajjier.
- [37] Im Barnebas ej lōmṇak renro āñintok ippaer tok Jon, āt eo juon Mark.
- [38] A Paul ej lōmṇak e jab emman āñintok e ṇa ippaerro, bwe e ar ilok jān er i Pampilia, im jab ilok ippaer lok ñan jermal eo.
- [39] Im eḷap airro akwāāle doon, innām rej jepel jān doon; im Barnebas ej bōk Mark im jerak ñan Saiprōs.
- [40] A Paul ej kāālōt Sailas, im ilok, im jemjein jemjaten rej lelok erro ñan jouj in Anij.
- [41] Im ej deblōk Siria im Silisia, im kapen eklejia ko.

JEPTA 16

- [Jr 16.1] Im ej barāinwōt itok ñan Derbe im Listra; im lo, juon ri kaḷoor ej pād ijo, etan Timote, nejin juon kōrā ri Ju, eo ej tōmak; a jeman ri Grik.
- [2] Jemjein jemjaten i Listra im Aikoniōm rej nōbar e.
- [3] Paul e kōṇaan bwe en ilok ippān lok; im ej bōk e im mwijit e, kōn ri Ju ro rej pād ijo ko: bwe er otemjej re jelā bwe jeman ri Grik.
- [4] Im ke rej etal lok ilo jikin kwelok ko, rej lelok ñan er kien ko bwe ren lale, ro ri jelōk im elder ro rej pād i Jerusalem raar kaiñi.
- [5] Innām eklejia ko re penlok ilo tōmak, im oraer e orlok raan otemjej.

- [6] Im rej debløk Prijia im Pampilia, a Jetōb Kwōjarjar ej jiroñ er bwe ren jab kwaļok naan i Esia;
- [7] Im ke eṃōj aer itok ikijjien Misia, rej kajjioñ bwe ren ilok ilo Bitinia, a Jetōb an Jijej e jab kōtļok er.
- [8] Im rej kijoone Misia im wanlaltak ñan Troas.
- [9] Im juon visiōn ej weaaktok ñan Paul ilo boñ; juon armej ri Masedonia e jutak, im akweļap ñan e, im ba, Kwōn itok ñan Masedonia im jipañ kōm.
- [10] □Im ālikin an lo visiōn eo, eṃōkaj am pukot bwe kōmin ilok ñan Masedonia; kōm ļōmṃak bwe Irooj e ar kūrļok kōm bwe kōmin kwaļok gospel ñan er.
- [11] Innām ke kōmij jerak jān Troas, kōmij tartok jimwewōt ñan Samotresia, im raan eo ilju ñan Niapolis;
- [12] Im jān ijo ñan Pilippai, jikin kwelok ṃokta ilo buñ eo, i Masedonia, āne ekāāl an Rom: im iuṃwin jet raan kōm pād ilo jikin kwelok eo.
- [13] Im ilo raan Jabōt kōm ar ilok jān jikin kwelok ṃa iturin reba, ijo kōm ar ļōmṃak jikin jar; im kōmij jijet im kōnono ñan kōrā ro rej kweilokļok ijo.
- [14] Im juon kōrā etan Lidia, juon ri wia kōn nuknuk eōij, jān jikin kwelok Taietaira, ej ri kabuñ ñan Anij, im ej roñjake kōm: Irooj ej kapeļļok būruen, bwe en eṃroñ naan ko Paul ej kōnono kaki.
- [15] Im ke eṃōj peptaij, im ro nukwin, ej akweļap ñan kōm, im ba, Eļañne komij ļōmṃak bwe ij tiljek ñan Irooj, koṃwin deļoñ ilowan ṃweo iṃō, im pād wōt. Im ej dāpij kōm.
- [16] Im ke kōmij ilok ñan jikin jar, juon jiroñ, jetōb ōn ṃadṃōd ej ṃok ṃa ānbwinnen, ej wōnṃae kōm, e ar bōk elōñ ṃweiiēn ñan irooj ro an kōn an rūkaanij.
- [17] Liij ej ļoor Paul im kōm, im laṃōj, im ba, Armej rein doon Anij Eutiejtata, rej bakajjien ñan kom ial in mour.
- [18] Im āindein an kōṃṃan iuṃwin elōñ raan. A Paul, kōn an eñtaan būruen, ej oktak im ba ñan jetōb eo, Ij jiroñ eok, ilo etan Jijej Kūrai, bwe kwōn jutakļok jān e. Im ej ilok jān e ilo awa eo.
- [19] A ke irooj ro an rej lo bwe ejako kōtmāne kōn ṃweiiēn ļok, rej jibwe Paul im Sailas, im kekaake er ñan jikin wia, iṃaan irooj raṃ,
- [20] Im āñinļok er ñan pritōr ro, im ba, Armej rein, ri Ju ro, eļap aer kananaik ad jikin kwelok,
- [21] Im rej kwaļok ṃanit ko e ṃo ar bōki, ak pokake, bwe kōj ri Rom.
- [22] Im jar eo rej jimor juṃae er; im pritōr ro rej kekeel nuknuk ko aer, im jiroñ bwe ren deñļok er kōn aļaj ko.
- [23] Im ke elōñ alen aer deñļok, rej joļok er ṃa ilowan prisōn, im jiroñ ri lale prisōn bwe en kanooj baar er.
- [24] Ke ej roñ naan iṃ, ej iuunļok er ñan lowaan prisōn eo ioļap, im kabij neir ṃa ilo ra ko.
- [25] A ke ilukwōn boñ, Paul im Sailas rej jar, im al naan im wūjtake Anij, im ri prisōn rej roñjake er.

- [26] Im emōkaj eļap an laļ makūtkūt, āinwōt bwe foundesōn ko in prisōn re makūtkūt: im kiiōkiiō aor otemjej repelļok, im men ko lukwōjen armej otemjej remejōl.
- [27] Im ri lale prisōn e ruj, im ke ej lo aor in prisōn otemjej repelļok, ej nure jāje eo an, im nañin make man e, kōn an ļomņak ri prisōn raar ko.
- [28] A Paul ej lamōj kōn eļap ainikien, im ba, Kwōn jab kaeñtaan eok: bwe kōm otemjej pād wōt ijin.
- [29] Innām ej kūrtok romaak ko, im kālōk lowaan, im e wūdiddid, im buñ imaan mejan Paul im Sailas,
- [30] Im āñintok er, im ba, Irooj rārā, ta eo in kōmanmane bwe in mour?
- [31] Im re ba, Kwōn lōke Irooj Jijej, im kwō naaj mour, kwe im ro nukwum.
- [32] Im rej kōnono ñan e naan in Irooj, im ñan ro otemjej rej pād ilowan mweo imōn.
- [33] Im ej bōk er ilo awa eo ilo boñ, im kwaļe ijo raar deñļok er: im ej peptaij, e im ro nukwin otemjej kiiōkiiō.
- [34] Im ke emōj an āñintok er ilowan mweo imōn, ej likūt kijeir iμαer, im ej lañlōñ, kab ro nukwin otemjej, rej tōmak Anij.
- [35] Im ke ej raantak, pritōr raņ rej jilkinļok ri kabōjrak, im ba, Kwōn kōtļok armej ro.
- [36] Im ri lale prisōn ej kōnnaanōk Paul naan in, Pritōr raan raar jilkintok bwe in kōtļok kom: innām komwin ilok ilo aenōmman.
- [37] A Paul e ba ñan er, Raar deñļoke kōm ilo bwilij, im jab liaakļok kōm, armej ri Rom, im raar joļok kōm ilowan prisōn; im kiiō re kōņaan nooj aer kadiwōjļok kōm ke? O jab; ren make itok im āñinļok kōm.
- [38] Im ri kabōjrak rej kōnnaanōk pritōr raņ kōn naan kein: im rej mijak ke rej roņjake bwe erro ri Rom.
- [39] Im rej itok im akweļap ñan er, im āñinļok er, im kajjitōk ippaer bwe ren ilok jān jikin kwelok eo.
- [40] Im rej diwōjļok jān prisōn, im deļoņ ilowan imōn Lidia: im ke emōj aer lo jemjein jemjaten, rej kaenōmmane er, im rej ilok.

JEPTA 17

- [Jr 17.1] Kiiō ke emōj aer deblōk Ampipolis im Apolonia, rej itok ñan Tessonika, ijo juon imōn kweilok an ri Ju ro:
- [2] Im Paul, āinwōt an kōmman iien otemjej, ej deļoņ ñan ippaer, im ilo jilu Jabōt ej kameļeļe ñan er jān Jeje ko.
- [3] Ej kameļeļeik im kaņool, bwe ekkar an ri Kūraij eñtaan, im jerkakpeje jān ro remej; im bwe Jijej in Eo ij kwaļok ñan kom E ri Kūraij.
- [4] Im jet iaer e reel būrueir, im rej kōmmao ippān Paul im Sailas, kab elōñ iaan ro ri Grik emman mwilir, im jab iiet iaan ro liātōktōk.
- [5] A ri Ju, ro re jab tōmak, kōn aer juonmaad, rej bōk jet ri nana iaan ri jowan, im kokweilokļok juon jar, im kakeroro aolepen jikin kwelok eo, im deļoņ ilowan imōn Jeson, im pukot bwe ren bōktok er ñan armej raņ.

- [6] Im ke re jab lo er, rej kekaake Jeson im jet jemjein jemjaten ñan irooj in jikin kwelok ro, im lamōj, lōmarein raar ukōje la], rej kab itok ñan ijin;
- [7] Jeson ej bōk er: im rein otemjej rej kōmman ñae kien ko an Sizar, im ba bar juon Kiñ, E Jijej.
- [8] Im rej kejānene armej im irooj in jikin kwelok ro, ke rej roñjake men kein.
- [9] Im ke emōj aer bōk sikuriti jān Jeson im ro jet, rej kōtlok er.
- [10] □Im emōkaj an jemjein jemjaten jilkinlok Paul im Sailas ilo boñ ñan Beria. Ke rej itok rej deļoñ ilowan imōn kweilok an ri Ju ro.
- [11] Lōmarein remman jān ri i Tessalonika, bwe emōkaj aer bōk naan im mōñōñō, im pukot ilo Jeje ko raan otemjej, bwe ren jeļā men kein remool ke jab ke.
- [12] Innām elōñ iaer rej tōmak: kab iaan liātōktōk im leātōktōk ro ri Grik, jab iiet.
- [13] A ke ri Ju ro i Tessalonika re jeļā bwe Paul ej kwaļok naan i Beria, rej kab itok ñan ijin, im kejānene armej rañ im poktak er.
- [14] Innām emōkaj an jemjein jemjaten jilkinlok Paul bwe en ilok ñan lomaļo: a Sailas im Timote rej pād wōt ijo.
- [15] Im ro rej tōļlok Paul rej āñintok e ñan Atens: im ke rej bōk naan ñan Sailas im Timote bwe en mōkaj airro itok ñan e, rej ilok.
- [16] A ke Paul ej kattar er i Atens, e pok būruen ke ej lo jikin kwelok eobrak kōn ekjab ko.
- [17] Innām ej aitwerōk ri Ju ro im armej emman mwilir ilo imōn kweilok, im ro ej ioon er ilo jikin wia, raan otemjej.
- [18] Innām jet ri mālōtlōt iaan doon Epikurōs, im iaan ri Stoik, rej akwāāl e. Im jet re ba, Ta eo kowadoñ in ej ba? bar jet re ba, E āinwōt ej kwaļok anij ro ruwa: bwe ej kwaļok Jijej ñan er, im jerkakpeje.
- [19] Im rej bōk e, im āñintok e ñan Areopegōs, im ba, Kōm maroñ in jeļā ke naan in ekāāl kwōj kōnono kake?
- [20] Bwe kwōj bōk men ko ruwa ñan lojilñōm: innām kōm kōñaan jeļā re naaj et men kein.
- [21] (Bwe ri Atens otemjej, im ro ruwamāejet rej pād ijo, ejjeļok bar juon aer kōmman, a rej pād wōt im kōnnaanōk ak roñjake jabdewōt men eo ekāāl.)
- [22] Innām Paul ej jutak ilukwōn Areopegōs, im ba, Komeo, ri Atens, ij lo eļap ami lale men in kabuñ ko otemjej.
- [23] Bwe ke I ar itoitak, im lo kabuñ ko ami, I ar lo juon lokatok im jeje in ioon, ÑAN ANIJ EO JE JAJE KAKE. Innām Eo komij kabuñ im jaje kake, E in ij kwaļok ñan kom.
- [24] Anij eo E ar kōmanman la] im men otemjej ilowan, E Irooj in lañ im la], E jab jokwe ilowan tempel pā ko rej kōmanman;
- [25] Im ejjeļok an pein armej jermal ñan E, āinwōt eļaññe Ej aikuj men eo jabdewōt, bwe Ej leļok ñan otemjej mour, im menono, im men otemjeļok;
- [26] Im E ar kōmanman jān juon wōt, ri aelōñ kan otemjeļok rej jokwe i mejan la], im E ar likūt iien ko ar jiroñ kaki mokta, im tōrerein āne ko āneir,

- [27] Bwe ren pukot Anij, ejaññe rej maroñ in jatoj E, im lo E, ijoke E jab etoļok jãn kōj otemjej;
- [28] Bwe ilo E jej mour, im etetal, im pād; ainwōt jet iaan ro ami ri kine al raar ba, Bwe kōj barāinwōt ro nejin.
- [29] Innām bwe kōj ro nejin Anij, e jab emman bwe jãn ļomņak wāween Anij ainwōt kooļ ak silver ak dekā, kōmanman ilo kajjioñe, ainwōt an armej ļomņak.
- [30] Im Anij e ar jab kanooj illu ilo iien ko iien jaje: a kiiō Ej jiroñ armej otemjej ijo ko otemjej bwe ren ukeļok ippaer:
- [31] Bwe E ar likūt juon raan, iumwin raan eo E naaj ekajet ro ri laj ilo wānōk kōn Armej eo E ar likūt E, im E ar leļok men in kareel ñan otemej kōn An kejerkakpeje E jãn ro remej.
- [32] Im ke rej roñ kōn jerkakpeje jãn ro remej, jet rej kajjirere kake: im bar jet re ba, Kōm naaj bar roñ jãn eok kōn men iņ.
- [33] Im āindein Paul ej ilok jãn ippaer.
- [34] A jet armej rej eddāp ña ippān im tōmak; juon iaer Daionisiōs ri Areopegōs, im juon kōrā etan Dameris, im bar jet ippaer.

JERBAL 18

- [Jr 18.1] Ālikin men kein Paul ej ilok jãn Atens, im itok ñan Korint:
- [2] Im ej lo juon ri Ju etan Akula, e ar ļotak i Pontōs, ej kab itok jãn Itali, im lio pāleen Prisilla, bwe Klaudiōs e ar jiroñ ri Ju otemjej bwe ren ilok jãn Rom: im ej itok ñan ippaerro.
- [3] Im kōn juon wōt jermal eo aer, ej pād ippaer, im jermal: bwe jermal eo aer kalōk im nuknuk ko.
- [4] Im ej kameļeļeik ilowan iñōn kweilok Jabōt otemjej, im kareel ri Ju ro im ro ri Grik.
- [5] Im ke Sailas im Timote rej itok jãn Masedonia, eļap an Paul itok-limoōn kōn naan, im kōnnaanōk ri Ju ro bwe Jije e ri Kūraij.
- [6] Im ke rej jumae, im blaspim, ej kamakūt kūt nuknuk eo an, im ba ñan er, Bōtōktōkemi en ioon bōrami; ñan I rreo: jãn iien iņ I naaj ilok ñan ri aelōñ ko.
- [7] Im ej ilok jãn ijo, im deļoñ ilowan iñōn juon armej, etan Taitōs Jōstōs, eo ej kabuñ ñan Anij, mweo iñōn epaake iñōn kweilok.
- [8] Im Krispōs, irooj eo an iñōn kweilok, ej lōke Irooj, kab ro nukwin otemjej; im elōñ iaan ri Korint, ke rej roñjake, rej tōmak im peptaij.
- [9] Innām Irooj ej kōnono ñan Paul ilo boñ kōn visiōn, im ba, Kwōn jab mijak, a kōnono, im jab ikōñ;
- [10] Bwe Ņa Ij pād ippām, im ejeļok armej enaaj maroñ in kōkkure eok; bwe elōñ armej ro Aō ilo jikin kwelok iņ.
- [11] Im ej pād ijo iumwin juon iiō im jiljino allōñ, im katakin er kōn naan in Anij.
- [12] Im iien eo, ke Gallio e prokonsōl in Akeia, ri Ju ro rej jimor kālōk ñan Paul, im āñintok e ñan jikin ekajet,
- [13] Im ba, Ļe iņ ej kareel armej bwe ren kabuñ ñan Anij jab ekkar ñan kien.

- [14] Im ke Paul e nañin wañañi loñin bwe en kōnono, Gallio ej ba ñan ri Ju ro, Eñaññe men in men eo enana ak eḷap jerḷowiwi, O ri Ju ro, emman bwe in meanwōd ñan kom;
- [15] A eñaññe men kein men in kajjitōk kōn naan ko im āt ko, im kiemi, koḷwin make lale; bwe I jab kōḷnaan ekajet kōn men ko.
- [16] Im ej kokok er jān jikin ekajet.
- [17] Innām er otemjej rej jibwe Sostenis, irooj an imōn kweilok, im deñloke imaan jikin ekajet. Im men kein men in jekdoon ippān Gallio.
- [18] Im ālikin men in eto an Paul pād wōt ijo, innām ej likūt jemjein jemjaten, im jerak jān ijo ñan Siria, im Prisilla im Akula ippān; e ar kwōdmat bōran i Senkria; bwe juon an ḷmuri ñan Anij.
- [19] Im ej itok ñan Epesōs, im likūt erro ijo; a ej deḷoñ ilowan imōn kweilok , im kameḷeḷeik ippān ri Ju ro.
- [20] Ke rej kajjitōk ippān bwe en orlok iien an pād ippaer, e jab kōḷnaan;
- [21] A ej likūt er, im ba, Eñaññe Anij ekōḷnaan, I naaj bar jepḷaak ñan kom. Im ej jerak jān Epesōs.
- [22] Im ke emōj an to i Seteria, im wanlōñlok, im iokioḷkwe eklejia, ej wanlallok ñan Antiok.
- [23] Im ālikin an pād ijo jet iien, ej ilok im etetal jimwe i āne Galetia im Prijia, im kakajoor ri kaḷoor otemjej.
- [24] Im juon ri Ju, etan Apollōs, e ar lotak i Alexandria, e ri mālōtlōt, im e kajoor ilo naan in Jeje ko, ej itok ñan Epesōs.
- [25] Armej in e ar katak kōn ial in Irooj; im kōn an bab-laḷin, eḷap an kōnono im katakin men ko an Irooj, e jeḷā peptaij an Jon wōt.
- [26] Im e jino an kōnono peran ilowan imōn kweilok: ke emōj an Akula im Prisilla roñjake, rejro bōk e ñan er, im kameḷeḷeik im kaalikkarlok ial in Anij ñan e.
- [27] Im ke ekōḷnaan ilok ilujen Akeia, jemjein jemjaten rej kaperan e im jeje ñan ro ri kaḷoor bwe ren bōk e: ke e moottok eḷap an jipañ ro raar tōmak kōn jouj;
- [28] Bwe eḷap an kaikōñ ri Ju ro, ilo bwilij, im ej kwaḷok kōn Jeje ko bwe Jijej e ri Kūraij.

JEPTA 19

- [Jr 19.1] In ke Apollōs ej pād i Korint, im emōj an Paul deblōk āne ko ioij, ej itok ñan Epesōs im lo jet ri kaḷoor;
- [2] Im e ba ñan er, Iien ami tōmak kom ar bōk Jetōb Kwōjarjar ke? Im re ba ñan e, Jab. Kōm ar jab roñ bwe emōj letok Jetōb Kwōjarjar.
- [3] Im e ba ñan er, Innām ilo ta kom ar peptaij? Im re ba, Ilo peptaij an Jon.
- [4] Innām Paul e ba, Jon e ar peptaij kōn peptaij in ukelok, im ba ñan armej, bwe ren lōke Eo e naaj itok ālikin, E in Jijej.
- [5] Ke rej roñ men in, rej peptaij ilo etan Irooj Jijej.

- [6] Im ke emōj an Paul likūt pein ioer, Jetōb Kwōjarjar ej itok ioer; im rej kōnono kōn lo ko im ri kanij.
- [7] Im rein otemjej enañin joñoul im ruo maan raņ.
- [8] Im ej deļoņ ilowan imōn kweilōk, im ej kōnono peran iumwin jilu allōñ, im kameļeļeik im kareel kōn men ko an aelōñ in Anij.
- [9] A ke jet repen, im jab pokake, a rej kōnono nana kōn Ial eo imaan mejan jar eo, ej ilōk jān er, im ej kamakeļok iaer ro ri kaļoor, im raan otemjej ej kameļeļeik ilo jikuuļ an Turannōs.
- [10] □Im āin men in deiņ iumwin ruo iiō; innām er otemjej rej jokwe i Esia rej roñ naan in Irooj Jijej, ri Ju ro im ro ri Grik.
- [11] Im Anij ej kōmanman jet men in bwilōñ reļap kōn pein Paul:
- [12] Bwe rej bōktok aņkijep ko ak kooļ ko jān ānbwinnen ñan ro re nañinmej, im nañinmej ko aer rej ilōk jān er, im jetōb renana re jutakļok jān er.
- [13] A jet ri Ju, ri etetal, ri kajutakļok, rej kajjioņ bwe ren kūr etan Irooj Jijej ioon ro jetōb nana rej pād ippaer, im ba, Kōm kanejneņ kom kōn Jijej eo Paul ej kwaļok kake.
- [14] Im jiljilimjuon maan nejin Siva, ri Ju, juon pris eļap, rej kōmman āindein.
- [15] Im jetōb enana e uwaak im ba, Ij kile Jijej, im I jeļā Paul; a wōn kom?
- [16] Im armeņ eo jetōb enana ippān ej kāik er, im e kajoor jān er, im anjō ioer, āinwōt re ko jān mweo re keelwaan im kinejneņ.
- [17] Im ri Ju ro otemjej, im barāinwōt ro ri Grik rej jokwe i Epesōs re jeļā men in; im lōļņoņ e buñ ioer otemjej, im etan Irooj Jijej ebuñbuñļok.
- [18] Im elōñ iaan ro raar tōmak rej itok, im kwaļok, im kōjjeļā kōn kōmman ko aer.
- [19] Im elōñ iaan ro raar kōmomu rej aini bok ko aer, im tile imaan mejan armeņ otemjej; im rej bwini oņāer, im lo e lemñoul tōujin mōttan silver.
- [20] Āindein an kanooj ļapļok im kajoorļok naan in Anij.
- [21] Ke emōj men kein, Paul ej pepe ilo būruen, mōjen an deblōk Masedonia im Akeia, en ilōk ñan Jerusalem, im e ba, Ālikin aō pād ijo, emman bwe in barāinwōt lo Rom.
- [22] Im ej jilkinļok ñan Masedonia Timote im Erastōs, ruo iaan ro raar jipaņ e; a ej pād wōt i Esia iumwin jet iien.
- [23] Im ilo iien in eļap jānene kōn Ial eo e waļok.
- [24] Bwe juon emman etan Demetriōs, ri jermal kōn silver, eo ej kōmanman im silver ko an Diena, ej bōk jab edik oņān jermal ñan ri jermal ro;
- [25] Ek kokweilōklōk er, im ri jermal ro āinwōt, im e ba, Lōma, kom jeļā bwe kōn jermal in jej bōk mweieid.
- [26] Im komij lo im roñ, bwe jab ilo Epesōs wōt, a ilo enañin aolepen Esia, Paul in e ar kareel im kajeor elōñ armeņ, im ba, men ko pā ko rej kōmanman An re jab anij:
- [27] Im e jab ad jermal wōt enañin jako; a barāinwōt tempel an Diena, anij eļap, e naaj men in jekdoņ, im e naaj buñ jān wōj eo an, eo aolepen Esia im laļ rej kabuñ ñan e.

- [28] Im ke rej roñjake men kein, rej obrak kōn illu, im rej lamōj, im ba, Eļap Diena an ri Epesōs.
- [29] Im aolepen jikin kwelok eobrak kōn keroro: im ke emōj aer jibwe Geiōs im Aristarkōs, ro ri Masedonia, im rejro karwaan Paul, rej jimor tōr ñan ilowan imōn kuri.
- [30] Im ke Paul e kōñaan deļoñlok ñan armej raņ, ri kaļoor re jab kōtlok e.
- [31] Im jet iaan ro ri Esiark, ro jeran Paul, rej jelōklōk ñan e, im akweļap bwe en jab deļōñ ilowan imōn kuri.
- [32] Innām jet rej lamōj kōn juon naan, im jet āinjuon; bwe jar eo rej airuwaro; im elōñ iaer re jaje etke rej kweiloklōk.
- [33] Im jet rej kekaake Alexander jān jar eo, ri Ju ro rej iuunlok e. Im Alexander ej bōbrae kōn pein, im e kōñaan kajimwe an armej ļōmņak kōn e.
- [34] A ke rej kile bwe e ri Ju, er otemjej, ainikier wōt juon, iumwin ruo awa rej lamōj, Eļap Diena an ri Epesōs.
- [35] Im ke emōj an ri jeje kōkejeklōkjen armej ro, e ba, Komeo, ri Epesōs, wōn armej eo e jaje kōjkan jikin kwelok an ri Epesōs e ri lale tempel an Diena eļap, im men in e eo ear buñ jān Jupiter?
- [36] Innām, bwe ejjelok armej ej maroñ in kōnono ñae men kein, emman komwin kejeklōkjen, im jab kōmman jabdewōt e jāmōr.
- [37] Bwe kom ar āñintok armej rein, ro raar jab koņot jān tempel ko, im re jab kajjirere kake anij eo ami.
- [38] Innām eļañne Demetriōs, im ro ri jermal ippān, ewor men ko aer ñae jabdewōt armej, epellok jikin ekajet ko, im ewor prokonsōl: emman ren kinaaklok doon.
- [39] A eļañne komij kajjitōk kōn men ko jet, naaj kajimwe ilo jaran ekajet eo.
- [40] Bwe je naaj uwōta bwe ren kajjitōk ipped kōn men in keroro raan in, bwe ejjelok unin: im kōn e je naaj ban uwaak kōn jar in.
- [41] Im ke emōj an ba men kein, ej kōtlok jar eo.

JEPTA 20

- [Jr 20.1] Im ke emōj airuwaro in, Paul ej kūrtoke ro ri kaļoor, im kauwe er, im ej diwōj bwe en ilok ñan Masedonia.
- [2] Im ke emōj an deblōk āne ko, im lelok ñan er elōñ naan in kauwe, ej itok ñan Gris.
- [3] Im ej pād ijo iumwin jilu allōñ. Im ke ri Ju ro rej nooj aer pepe ñae e, ke e nañin jerak ñan Siria, ej pepe bwe en jepļak im deblōk Masedonia.
- [4] Im Sopeter nejin Pirrōs, ri Beria, ej karwaan e ñan Esia; kab Aristarkōs im Sekōndōs iaan ri Tessalonika; kab Geiōs ri Derbe, im Timote; kab Tikikōs im Tropimōs iaan ri Esia.
- [5] A iriōñ re kar ilok mokta im rej kattar kōm i Troas.
- [6] Im kōm jerak jān Pilippai ālikin raan ko raan in bred jab leven, im itok ñan ippaer i Troas ilo raan kein ka ļalem; kōm pād ijo iumwin jiljilimjuon raan.

- [7] Im ilo raan eo mokta ilo wiik, ke kōm kweiloklok kōn ruj bred, Paul ej kamelejeik ñan er, e pojak bwe en ilok ilju: im ej kaitoklok an kwałok ñan lukkuun boñ.
- [8] Im elōñ ļaam i po eo, ijo kōm ar kweiloklok ie.
- [9] Im juon likao etan Eutikōs ej jijet ilo wūntō, im eļap an kiki: im ke eto an Paul kwałok ej kiki mitōñ, im buñ jān po eo kein ka jilu, im rej kotak e emej.
- [10] □Im Paul ej wanlałok im buñ ioon, im jiburlep e im ba, Komwin jab limō, bwe an mour ej ilo e.
- [11] Im ke ej bar wanlōñłok, im emōj an ruji bred, im mōñā, im eto an kōnono, ñan raantak, āindein an ilok.
- [12] Im rej āñintok likao emour, im jab edik aer mōñōñō.
- [13] Im kōm ar ilok mokta ioon wa, im jerak ñan Assos, am ļōmņak kōm naaj ektak Paul ijo; bwe āindein an likūte, im e make kōņaan etal i āne.
- [14] Im ke ej ioon kōm i Assos, kōm ektak e, im itok ñan Mitiline.
- [15] Im kōm jerak jān ijo, im itok ilju ikijien Kaiōs, im ilju kōm po i Semos; im ilju kōm itok ñan Mailitōs.
- [16] Bwe Paul e ar pepe enaaj jerak im kijoone Epesōs, bwe e jab kōņaan pād jet iien i Esia; bwe ej kijoovor, bwe eļañne ej maroñ, en pād i Jerusalem ilo raan in Pentekost.
- [17] Im jān Mailitōs ej jelōklok ñan Epesōs, im kūrtoke elder ro an eklejia.
- [18] Im ke rej itok ñan e, e ba ñan er, Komeo, kom jeļā jān raan eo mokta ke I ar itok ñan Esia, kōjkan aō pād ippemi iien otemjej.
- [19] Im jermal ñan Irooj ilo eļap ettā būruō, im kōn elōñ dānnin kōmjaala, im eñtaan ko, rej wałok ñan eō kōn an ri Ju ro kōjjaad eō,
- [20] Im ekōjkan I ar jab dāpij jān kom jabdewōt men in kakajooror, a I ar kwałok ñan kom, im katakin kom ilo bwilij, im jān mweo ñan mweo,
- [21] Im kōnnaan ñan ri Ju ro, im barāinwōt ñan ro ri Grik, ukełok ñan Anij, im tōmak ad Irooj Jijej Kūraj.
- [22] Im kiiō, lo, eļap kaiur eō bwe in ilok ñan Jerusalem, im I jaje men ko re naaj wałok ñan eō ijo:
- [23] Ijokwe Jetōb Kwōjarjar ej kōnnaan ñan eō ilo jikin kwelok otemjej, im ba tomede ko im eñtaan ko rej kattar eō.
- [24] A ij ļōmņak aō mour men in jekdoon im jab aorōk ippa, bwe in kañōjlok ial eo aō, im jermal eo I ar bōk jān Irooj Jijej, bwe in kōnnaan gospel an jouj in Anij.
- [25] Im kiiō, lo, I jeļā bwe kom otemjej, ro I ar etetal ippemi im kwałok aelōñ eo, kom jāmin bar lo meja.
- [26] Kōn men in ij kōnnaan ñan kom rainin, bwe ña I rreo jān bōtōktōkin armej otemjej.
- [27] Bwe I ar jab dāpij jabdewōt, im I ar kwałok ñan kom aolepen pepe an Anij.
- [28] Innām komwin kōjparok kom im lale aolepen bwij eo Jetōb Kwōjarjar e ar likūt kom ri kaki ilo e, bwe komwin najidik eklejia an Irooj, eo E ar wiaik kōn bōtōktōk eo An.

- [29] I jeļā bwe ālikin aō ilok kidu oļip ko re kanooj lāj, re naaj deļoņ ippemi, im jab tūriamokake bwijin.
- [30] Barāinwōt jet iaami re naaj jutak, im kōnono men ko re ankeke, bwe ren kareel ro ri kaļoor ilokair.
- [31] Kōn men in koṃwin ekil, im keememej, bwe iuṃwin jilu iiō, raan im boņ e ar jab ṃōj aō kauwe kom otemjej ilo dānnin kōmjaaļ ko.
- [32] Im kiiō, ij leļok kom ñan Anij, im ñan naan in jouj eo An, eo e maroņ in kalōk kom, im lewōj jolōt eo ñan kom ippān ro otemjej rokwōjarjar.
- [33] Ejjeļok silver, ak kool, ak nuknuk an armej I ar ankwōnaki.
- [34] Aet, komeo, kom jeļā, bwe pā kā peiō raar jermal kōn aikuj ko aō, im kōn ro raar pād ippa.
- [35] Im I ar lewōj ñan kom joņan kōn men otemjej, kōjkan kōn ami jermal, āindein eṃṃan koṃwin jipaņ ro re ṃōjṃo, im keememej naan ko an Jijej, ekōjkan An ba, ṃōṃōṃō in leļok eļap jān bōk.
- [36] Im ke eṃōj an kōnono āindein, ej bukwelōlō im jar ippaer otemjej.
- [37] Im er otemjej eļap aer jaņ, im buņ ioon kōnwan Paul, im mejenmaike.
- [38] Im tūriamo eļap jān men otemjej kōn naan ko e ar kōnono, bwe re jāmin bar lo mejan. Im rej karwaan e ñan wa.

JEPTA 21

- [Jr 21.1] Im ke eṃōj am ilok jān er im jerak, kōm ar itok jimwe ñan Kos, im raan eo ilju ñan Rodes, im jān ijo ñan Petera:
- [2] Im ke kōm ar lo juon wa ej jerak ñan Pinisia, kōm uwe im jerak.
- [3] Im ke eṃōj am lo Saiprōs, kōm likūt e i anmiiņ, im jerak ñan Siria, im tōkeak i Tair: bwe ijo wa eo ej eakto an kobōp.
- [4] Im kōm lo ro ri kaļoor, im pād ijo iuṃwin jiljilimjuon raan; im re ba ñan Paul kōn Jetōb, bwe en jab wanlōņļok ñan Jerusalem.
- [5] Im ke e jemļok raan ko, kōm ar ilok im etal, im er otemjej kab ro pāleir im ro nejir rej karwaan kōm, ñan iien eo kōm ar ālikin jikin kwelok; im kōm bukwelōlō ioon kappe, im jar.
- [6] Im ke eṃōj am iokioḱwe doon, kōmij bar uwe ioon wa, a rej bar jepļak ñan ṃo ko iṃweir.
- [7] Im ke eṃōj am jerak jān Tair, im tōkeak ñan Ptolmeis, kōm iokioḱwe jemjein jemjaten, im pād ippaer iuṃwin juon raan.
- [8] Im raan eo ilju kōmij ilok, im itok ñan Seseria: im deļoņ ilowan iṃōn Pilip ri evanjel, eo iaan ro jiljilimjuon, im kōmij pād ippān.
- [9] Im emān jiroņ nejin armej in, ro bōjin, im rej ri kanij.
- [10] □Im ke kōm pād iju iuṃwin jet raan, juon ri kanaan, etan Agebōs, ej wanlaļtak jān Judia.
- [11] Im ke ej itok ñan ippem, ej bōk kaņūr eo an Paul, im ej make liāpe pein im nein, im ba, Jetōb Kwōjarjar e ba men in, E naaj āindein an ri Ju ro liāpe armej eo an kaņūr in, im re naaj ketak e ñan pein ro ri aelōņ ko.

- [12] Im ke kōm roñjake men kein, kōm, im kab ro rej pād ijo, akweļap ñan e bwe en jab wanlōñ]ok ñan Jerusalem.
- [13] Innām Paul e uwaak, Ta eo ami kōmman kōn ami jañ im bukwe būruō? bwe I pojak jab bwe ren liāpe eō wōt, a barāinwōt bwe in mej i Jerusalem kōn etan Irooj Jijej.
- [14] Im ke e jab kōṇaan pokake, kōm ar dāpij loñim, im ba, En pād wōt ankilaan Irooj.
- [15] Im ālikin raan ko kōm kotake men ko am, im wanlōñ]ok ñan Jerusalem.
- [16] Jet iaan ri kaļoor i Seseria rej karwaan kōm, im rej āñintok ippaer tok juon e ri kaļoor jān eto, etan Mnesōn ri Saiprōs, eo e naaj lale kōm.
- [17] Im ke kōm ar tōpar Jerusalem, jemjein jemjaten rej bōk kōm im lañlōñ.
- [18] Im raan eo ilju kōmiañ Paul kōm deļoñ ñan ippān Jemes; im elder otemjej rej ijo.
- [19] Im ke eṃōj an iokioṃwe er ej bwebwenato kōn men otemjej an Anij kōmanman ippān ri aelōñ ko kōn an jermal.
- [20] Im ke rej roñjake, rej nōbar Irooj, im ba ñan e, Jeim im jatim kwōj lo elōñ tōujin ri Ju ro rej tōmak; im er otemjej re kijejeto ñan kien:
- [21] Im raar roñ kōn eok, bwe kwōj katakin ri Ju otemjej ippān ri aelōñ ko bwe ren ilok jān Moses, im ba eṃman bwe ren jab mwijit ro nejir, im jab pokake manit ko.
- [22] Innām e naaj et? bwe eṃool re naaj roñ kōn aṃ itok.
- [23] Innām kwōn kōmanman men in kōmij ba ñan eok. Emān armej ippem, naan in muri ñan Anij ippaer;
- [24] Kwōn bōk iriōñ, im karreo eok ippaer, im kōllā oṃeamiōñ, bwe ren kwōdmat baraer; im er otemjej re naaj jeļā bwe men ko raar roñ kōn eok, re jab ṃool; a bwe kwe kwōj barāinwōt etal jṃwe wōt, im pokake kien.
- [25] A kōn ri aelōñ ro rej tōmak, kōm ar jejeļok im leļok am pepe bwe ren kōjparok er jān men in katok ñan ekjab ko, im jān bōtōktōk, im jān men ko re mej kōn kuul būrueir, im jān lōñ.
- [26] Innām Paul ej āñintok armej ro, im ilo raan eo ilju ej make karreo e ippaer im deļoñ ilowan tempel, bwe en kwaļok bwe ejejjet raan ko an karreo ñan iien eo naaj katok kōn men in katok kōn er otemjej.
- [27] Im ke jiljilimjuon raan ko re nañin jako, ri Ju ro ri Esia, ke rej lo e ilowan tempel, rej kejānene armej otemjej im likūt peir ioon,
- [28] Im lamōj, Armej in Israel, Koṃwin jipañ. Armej in eo ej katakin armej otemjej i āne otemjej im juṃae armej raṃ, im kien, im jikin in; im bar jet, e ar āñintok ro ri Grik ṃa ilowan tempel, im kananaik jikin kwōjarjar in.
- [29] Bwe ṃokta raar lo Tropimōs, ri Epesōs, ippān ilowan jikin kwelok, im raar lōmṃak Paul e ar āñintok e ilowan tempel.
- [30] Im aolepen jikin kwelok ej jourur, im armej rej tōr im jṃor kweiloklōk: im rej jibwe Paul, im kekaake e jān tempel: im eṃokaj aer kiil aor ko.
- [31] Im ke rej pukot bwe ren ṃan e, naan ej ilok ñan kapen eļap an jar an tariṃae, bwe aolepen Jerusalem e jourur:
- [32] Im eṃokaj an āñintok ro ri tariṃae im senturiōn ro, im tōrlaļ ñan er: im ke rej lo kapen eļap im ro ri tariṃae rej likūt aer deñļoke Paul.

- [33] Innām kapen eo eļap ej kepaake, im jibwe e, im jiroñ bwe ren liāpe kōn ruo tomede; im ej kajjitōk wōn e, im ta eo e ar kōmmane.
- [34] Im jet rej lamōj kōn juon, im jet āinjuon, iaan jar eo: im ke e ban kanooj jelā kake kōn aer keroro, e jiroñ bwe ren āñinļok e ɳa ilowan imōn bar.
- [35] Im ke ej pād ioon kein uwe ej āinwōt ro ri tariṅae rej kotake kōn an jar eo koḅaj e.
- [36] Bwe elōñ iaan jar eo rej ļoore, im lamōj, Joļok e.
- [37] Im ke re nañin kadeļoñ Paul ilowan imōn bar, e ba ñan kapen eo eļap, Emman ke in kōnono ñan eok? E ba, Kwō jelā ke kajjien Grik?
- [38] Kwō jab ri Ijpt eo raan ko mokta e ar kapata ippaer im āñinļok emān tɔujin armej ro ri uror ilo āne jemaden ke?
- [39] A Paul e ba, Ña ri Ju ļotak ilo Tarsōs, i Silisia, ri jikin kwelok e jab edik: im ij akweļap ñan eok, kwōn kōtļok eō bwe in kōnono ñan armej raṅ.
- [40] Im ke emōj an kōtļok e, Paul e jutak ioon kein uwe, im bōbrae kōn pein. Im ke eļap aer ikōñ, ej kōnono ñan er ilo kajin Hibru, im ba,

JEPTA 22

- [Jr 22.1] Armej, kom jeiō im jatiō, im ro jema, komwin karoñjake aō naan in kameļeļeik ij kwaļok ñan kom kiiō.
- [2] Im ke rej roñ bwe ej kōnono ñan er ilo kajin Hibru, eļapļok aer karoñļokjeṅ; im ej ba,
- [3] Ña ri Ju, ļotak ilo Tarsōs, jikin kwelok i Silisia, a I ar katak ilo jikin kwelok in iturin neen Gameliel, ar katakin eō jimwewōt kōn kien ro jimmad, im I ar kijejeto ñan Anij, āinwōt kom otemjej rainin.
- [4] Im I ar matōrtōr Ial in ñan mej, ij liāpe im ketak maan ro im kōrā ro ñan ilowan prisōn ko.
- [5] Im barāinwōt pris eo eļap ej kōnnaan kōn eō, kab elder ro otemjej: jān er I ar barāinwōt bōk lōta ko ñan jemjein jemjaten, im ilok ñan Damaskōs, bwe in āñintok ro ar liāpe er ñan Jerusalem, bwe ren maan er.
- [6] Im ke I ar ilok ie ļok, im kepaak Damaskōs, enañin perioļap, emōkaj an juon meram eļap romaak jān lañ ituriō.
- [7] Im ij buñ ioon bwidej, im ij roñ ainikien ej ba ñan eō, Saul, Saul, etke kwōj matōrtōr eō?
- [8] Im I ar uwaak, Irooj, wōn Kwe? Im E ba ñan eō, Ña e Jijej ri Nazeret, eo kwōj matōrtōre.
- [9] Im ro raar pād ippa, raar lo meram eo, im rej lōļñoñ; a re jab roñ ainikien Eo e ar kōnono ñan eō.
- [10] □Im I ar ba, Irooj, ta eo in kōmanmane? Im Irooj e ba ñan eō, Kwōn jerkak, im ilok Damaskōs; im ijo naaj kōnnaanōk eok men ko otemjej likūt ñan eok bwe kwōn kōmanman.

- [11] Im ke I ban loļokjeņ kōn wōj in meram eo, ro raar pād ippa rej tōl eō kōn peir, im ij itok ñan Damaskōs.
- [12] Im juon Anenaiōs, emman mwilin kōn kien, im ri Ju otemjej rej jokwe ijo rej nōbar e,
- [13] Ej itok ñan ippa, im jutak ituriō, im ba ñan eō, Jatiō Saul, kwōn loļokjeņ. Im ilo awa eo ij reiļok ñan e.
- [14] Im e ba, Anij an ro jimmad E ar likūt eok bwe kwōn jeļā ankilaan, im lo Eo Ekwōjarjar, im roņjake ainikien jān loņin.
- [15] Bwe kwō naaj An ri kōnnaan ñan armej otemjej kōn men ko kwaar loi im roņjake.
- [16] Im kiiō etke kwōj ruņwij: kwōn jerkak, im peptaij, im kwaļiļok jerowiwī ko aņ, im kabuñ kōn Etan.
- [17] Im ke I ar jepļaaktok ñan Jerusalem, im ke I ar jar ilowan tempel, ij pād ilo trans,
- [18] Im ij lo An ba ñan eō, Kwōn kijooror im mōkajļok jān Jerusalem bwe re jāmin bōk aņ kōnnaan kōn Eō.
- [19] Im ij ba, Irooj re jeļā bwe I ar prisōn im deñļoke ilowan imōn kweilok otemjej ro rej lōke Eok:
- [20] Im ke raar lutōk daan ri kōnnaan eo Aņ, Stipen, I ar jutak ijo, im bōk ñan būrueir, im lale nuknuk ko an ro raar man e.
- [21] Im E ba ñan eō, Kwōn ilok: bwe I naaj jilkinļok eok etoļok ñan ro ri aelōñ.
- [22] Im rej roņjake maē naan in, innām rej koutiej ainikier, im ba, En jako ļeiņ jān laļ; bwe e jab emman bwe en mour.
- [23] Im ke rej lamōj, im julok nuknuk ko aer, im julōñļok bwidej,
- [24] Kapen eo eļap e jiroñ bwe ren āñintok e ña ilowan imōn bar, im ba bwe ren kajitūkini e kōn deñļok; bwe en jeļā etke eļap aer lamōj im āinwōt ñae e.
- [25] Im ke emōj aer lukwōj e kōn kilin kidu ko, Paul e ba ñan senturiōn eo e jutak ijo, Emālim ke ami deñļok juon armej, ri Rom, im jañin liaakļok e?
- [26] Ke senturiōn ej roņjake men in, ej ilok im kōnnaanōk kapen eo eļap, im ba, Ta eo kwō nañin kōmmane? bwe armej in ri Rom.
- [27] Innām kapen eo eļap ej itok, im ba ñan e, Kwōn kōnnaanōk eō, bwe ri Rom ke? E ba, Aet.
- [28] Im kapen eļap e uwaak e, Kōn eļap oņān I ar bōk bwe in ri Rom. Im Paul e ba, A ña ij ļotak im āindein.
- [29] Innām emōkaj an ro re nañin kajitūkini e ilok jān e; barāinwōt kapen eļap e mijak, ālikin an jeļā bwe e ri Rom, im bwe e ar lukwōj e.
- [30] Ke ilju, bwe e kōņaan kanooj jeļā etke ri Ju ro raar kinaakļok e, ej kōtļok e, im jiroñ pris ro reļap im ri pepe otemjej bwe ren kweilokļok, im ej āñinlaļ Paul, im kajutak e iņaer.

JEPTA 23

- [Jr 23.1] Im Paul ej kallimjeke ri pepe raņ, im ba, Komeo, jeiō im jatiō, I ar pād im kōmman ilo aō bōklōkōt emman wōt iņaan Anij ñan rainin.
- [2] Im Anenaiōs, pris eo eļap, e jiroñ ro rej jutak iturin bwe ren ubrare loņin.

- [3] Innām Paul e ba ñan e, Anij e naaj ubrare eok, kwō wōrwōr emouj: im kwōj jijet im ekajete eō kōn kien, im jiroñ bwe ren ubrar eō jab ekkar ñan kien ke?
- [4] Im ro rej jutak iturin re ba, Kwōj kajjirere kake pris eo eļap an Anij ke?
- [5] Innām Paul e ba, Kom jeiō im jatiō, I ar jaje bwe e pris eo eļap: bwe ar jeje, Kwōn jab kōnono enana kōn irooj eo an ri aelōñ ro aṃ.
- [6] A ke Paul ej kile bwe jet ri Saddusi, im jet ri Parisi, ej lamōj ilo pepe eo, Kom jeiō im jatiō, ña ri Parisi, nejin ri Parisi: rej kajitūkun eō kōn kōjatdikdik im jerkakpeje an ro remej.
- [7] Im ke emōj an Paul ba āindein, juon akwāāl e waļok ippān Parisi ro im Saddusi ro: im jar eo ejepel.
- [8] Bwe Saddusi ro re ba, ejjelok jerkakpeje, im ejjelok enjeļ ak jetōb: a Parisi ro rej kwaļok men kein ruo.
- [9] Im juon keroro eļap e waļok, im skraib ro iaan Parisi ro re jutak, im akwāāl, im ba, Kōm jab lo nana ippān armej iṃ: a ta eo eļaññe juon Jetōb ak juon enjeļ e ar kōnono ñan e?
- [10] □Im ke eļap akwāāl, kapen eļap, e mijak kōn aer naaj kōkkure Paul, im e jiroñ ri tariṃae bwe ren wanlaļ, im bōk e jān er kōn kajoor, im āñintok e ṇa ilowan iṃōn bar.
- [11] Im boñin eo tokālik, Irooj e jutak ippān im ba, Paul, kwōn peran: bwe āinwōt kwaar kōnnaan kōn Eō i Jerusalem, āindein barāinwōt kwō naaj kōnnaan ilo Rom.
- [12] Im ke e raantak, jet iaan ri Ju rej koba, im make liāpe er kōn juon kanejnej, im ba re jāmin mōñā ak daak ñan ālikin aer ṃan Paul.
- [13] Im elōñ jān eñoul rej koba ilo naan in kanejnej iṃ.
- [14] Im rej itok ñan pris ro reļap im elder ro, im ba, Kōm ar make liāpe kōm kōn juon kanejnej eļap, bwe kōm jāmin edjoñ jabdewōt ñan iien eo kōm naaj ṃan Paul.
- [15] Innām kiiō, kom kab ri pepe, komwin ba ñan kapen eļap, bwe en āñinlaļtak e ñan kom āinwōt bwe kom kōṇaan bar kajitūkun e eļap jān ṃokta: a kōm ñe ej epaak, kōmij pojak bwe kōṃin ṃan e.
- [16] Im ke mañden Paul ej roñ kōn aer kōjjaad e, ej ilok im deļoñ ilowan iṃōn bar im kōnnaanōk Paul.
- [17] Im Paul ej kūrtoṃ juon iaan senturiōn ro ñan e im ba, Kwōn āñinlok likao iṃ ñan kapen eļap; bwe ewor naan ippān e kōṇaan kōnnaanōk e.
- [18] Innām ej bōk e, im āñinlok e ñan kapen eļap, im ba, Paul, ri prisōn, e ar kūrtoṃ eō, im akweļap ñan eō bwe in āñinwōj likao iṃ ñan kwe, bwe ewor naan ippān e kōṇaan kōnono ñan eok.
- [19] Innām kapen eļap ej kabwijere pein, im make ilok ippān lok, im kajjitōk, Ta eo kwō kōṇaan kōnnaanōk eō?
- [20] Im e ba, Ri Ju ro būrueir wōt juon kōn aer akweļap ñan eok bwe kwōn āñinlaļtak Paul raan eo ilju ilo pepe eo, āinwōt bwe re kōṇaan bar kajitūkun e eļap jān ṃokta.

- [21] Innām kwōn jab pokake er: bwe elōñ jān eñoul armej iaer rej kōjjaad e, im raar make liāpe er kōn juon kanejnej eļap, bwe re jāmin mōñā ak idaak ñan ālikin iien eo re naaj man e: im kiiō re pojak, im kattar juon naan in kallimur jān eok.
- [22] Innām kapen eļap ej kōtļok likao eo, im jiroñe, Kwōn jab kōnnaanōk jabdewōt armej kōn aṃ kwaļok men kein ñan eō.
- [23] Im ej kūrtoḱ ruo iaan senturiōn ro, im ba, Kapoj rūbukwi ri tariṃae bwe ren ilok ñan Seseria, im jiljilimjuonñoul ro rej uwe ioon hors, im rūbukwi ro rej bōk maḱe, ñe kein ka ruwatimjuon awa ilo boñ;
- [24] Im kapojak kidu ko, bwe ren kajijet Paul ioer, im āñinļoke im oṃaake ñan Filix irooj.
- [25] Im ej jeje lōta āinwōt in:
- [26] Klaudiōs Lisiōs ñan Filix, irooj eṃman potata, Iokwe eok.
- [27] Ri Ju ro rar jibwe armej in im re nañin man e: innām ij itok kōn jaran tariṃae, im lōmṃoren e, bwe I ar roñ bwe e ri Rom.
- [28] Im ke I kōṃaan jeļā men eo raar kinaakļok e kake, I ar āñinļok e ñan aer pepe:
- [29] Im ij lo bwe rej kinaakļok e kōn kajjitōk ko ilo kieir, a ejjeļok ruōn bwe in man ak liāpe.
- [30] Im ke eṃōj kōnnaanōk eō kōjkan ri Ju ro kōjjaad armej in, eṃōkaj aō jilkinwōj e ñan eok im barāinwōt jiroñ ro ri kinaakļok bwe ren ba ṃae e iṃaan mejōṃ.
- [31] Innām ri tariṃae, āinwōt ar jiroñ er, rej bōk Paul, im āñinļok e ilo boñ ñan Antipetris.
- [32] A ke ilju rej likūt ro rej uwe ioon hors bwe ren ilok ippān ļok, a rej jeṃlaak ñan iṃōn bar:
- [33] Ke rej itok ñan Seseria, rej leļok lōta eo ñan irooj, rej barāinwōt leļok Paul ñan e.
- [34] Im ke eṃōj an irooj kōnono ilo lōta in, ej kajjitōk āne oṱ eo ej jān e. Im ke e jeļā bwe e ri Silisia;
- [35] E ba, I naaj roñ men ko jet kōn eok, ñe ri kinaakļok eok rej barāinwōt itok. Im e jiroñ bwe ren lale e ilowan iṃōn Herod.

JEPTA 24

- [Jr 24.1] Im ālikin ļalem raan, Anenaiōs pris eo eļap ej wanlaļtak kab jet iaan elder ro, im juon eṃman e wājepdik etan Tertōlliōs, im rej kinaakļok Paul ñan irooj eo.
- [2] Im ke eṃōj aer kūrtoḱ e, Tertōlliōs e jino an kinaakļok e, im ba, Bwe kōn eok eļap aenōṃman ej ippem, im kōn aṃ lale ṃokta kwōj kajimwe nana ko ñan aelōñ in,
- [3] Kōmij bōk men in iien otemjej, im ijo ko otemjej O Filix eṃman potata, kōn kaṃṃoolol otemjej.
- [4] A bwe in jab kaṃōk eok kōn bar jet, ij akweļap ñan eok bwe, ilo aṃ jouj, kwōn roñjake e iiet amwōj naan.
- [5] Bwe kōm ar lo armej in e ri nana, im e ri poktaki pata ippān ri Ju ro otemjej i aolepen laļ, im e ri tōl eļap ilo jar an ri Nazerin.
- [6] Barāinwōt ej kajjioñ bwe en kananaik tempel eo: im kōm ar jibwe;

- [8] Jān eo, kōn aṃ kajitūkun e, kwō naaj maroñ in jeļā men kein otemjej, kōm kinaakļok e kake.
- [9] Im ri Ju rej bōk ñan būruen, im ba, āindein men kein otemjej.
- [10] □Im ke eṃōj an irooj romeje bwe en kōnono, Paul ej uwaak, Bwe ij jeļā kōn aṃ irooj in ekajet ñan ri aelōñ in iuṃwin elōñ iiō, eļap aō lañlōñ im uwaak kōn eō make:
- [11] Bwe kwō maroñ in jeļā bwe e jab elōñ jān joñoul im ruo raan jān iien eo I ar wanlōñļok ñan Jerusalem bwe in kabuñ.
- [12] Im raar jab lo eō ilowan tempel im akwāāl ippān jabdewōt armej ak poktaki jar eo, jab ilowan iṃōn kweilok ko, jab ilo jikin kwelok;
- [13] Im re jab maroñ in kaṃool ñan kwe men kein rej kinaakļok eō kaki kiiō.
- [14] A ij kwaļok men in ñan eok, bwe ilo Ial eo re ba ebōd, āindein ij kabuñ ñan Anij an ro jimma, im tōmak men otemjej ekkar ñan kien ak jeje ilo ri kanaan ro:
- [15] Im ij kōjatdikdik eō ilo Anij kōn men in, im barāinwōt er rej kōtmāne, bwe ro reṃṃan im ro renana renaaj jerkakpeje.
- [16] Im ilo men in ña ij barāinwōt kajjioñ bwe en aō bōklōkōt eṃṃan im ejjeļok ṇotaan ñan Anij im ñan armej iien otemjej.
- [17] Kiiō ālikin jet iiō I ar itok bwe in bōktok ṃweiiien tūriaṃo ñan ri aelōñ eo aō, im men in joortak.
- [18] Ilo men kein jet ri Ju jān Esia raar lo eō I rreo ilowan tempel, jab ippān jar, jab ilo iruj:
- [19] Im eṃṃan ren pād ijin iṃaan mejōṃ, im kinaakļok, eļañne re jeļā jabdewōt ṇotaō.
- [20] Ak, rein rej pād ijin, eṃṃan ren ba, kōṃṃan oṭ e nana rej lo, ke I ar jutak iṃaan mejan pepe eo.
- [21] Eļañne jab kōn ainikiō in wōt, ke I ar jutak ioļapeir im laṃōj, Kōn jerkakpeje an ro remej rej kajitūkun eō iṃaan mejemi rainin.
- [22] A Filix, bwe eļapļok an jeļā kajjien Ial eo, ej bōbrae er, im ba, Ñe Lisiōs, kapen eļap, ej wanlaļtak, I naaj pepe kōn men ko ami.
- [23] Im ej jiroñ senturiōn eo bwe en baar Paul, im kwaļok jouj ñan e, im jab bōbrae ro jeran ñe rej jermal ñan e.
- [24] Im ālikin jet raan, Filix kab lio pāleen Drusilla, eo ri Ju, rejro itok, im ej jilōkļok ñan Paul bwe en itok, im roñ jān e kōn tōmak Kūraij Jijej.
- [25] Im ke ej kameļeļeik kōn kwōjarjar, im jatōr, im ekajet eo ej itok, Filix e lōļñoñ im uwaak, Kwōn ilok kiiō; ñe juon iien eṃṃan ippa, I naaj kūrtokeok.
- [26] Im barāinwōt ej kōtmāne bwe Paul enaaj leļok ṃAn ñan e. Kōn men in ej jilōkļok ñan e elōñ ļok alen, im kōṃṃao ippān.
- [27] A ke ruo iiō e jeṃļok Porsiōs Festōs ej pinej jenkwān Filix; im Filix ej likūt Paul im lukwōje, bwe e kōṃṃan kabuñbūruen ri Ju ro.

- [Jr 25.1] Innām ke Festōs ej itok ilo āne eo, ālikin jilu raan, ej wanlōñlōk jān Seseria ñan Jerusalem.
- [2] Innām pris eo eļap, im ļeātōktōk an ri Ju ro rej kinaaklōk Paul ñan e, im akweļap ñan e,
- [3] Im kōņaan men in jouj ñae e, bwe en jilōklōk ñan e bwe en itok ñan Jerusalem, im rej ñooj aer pepe bwe ren man e ilo ial.
- [4] A Festōs e uwaak bwe rej baar Paul i Seseria, im e make nañin ilok ñan ijo mōkaj.
- [5] Innām, e ba, Eņman ro iaami rej maroñ, ren wanlaļlōk ippa, im kinaaklōk armej in, eļañne ewor nana ippān.
- [6] Im ke eņōj an pād ippaer jab elōñ jān ruwalitōk ak joñoul raan, ej wanlaļlōk ñan Seseria; im raan eo ilju ej jijet ioon jikin ekajet, im ej jiroñ bwe ren āñintok Paul.
- [7] Im ke emoottok, ri Ju ro, raar wanlaļtak jān Jerusalem, rej jutak im kōpooļ e, im rej bōktok elōñ im repen naan in kinaaklōk Paul, men ko re jab maroñ in kaņooli;
- [8] Ke Paul ej uwaak kōn e make, im ba, I ar jab kōmanman jidik wōt e nana ñae kien ri Ju ro, jab ñae tempel, jab ñae Sizar.
- [9] A Festōs, ke e kōņaan kabuñbūruen ri Ju ro, e uwaak Paul, im ba, Kwō kōņaan wanlōñlōk ñan Jerusalem, im ekajet eok ijo kōn men kein iņaō ke?
- [10] □Innām Paul e ba, Ij jutak i jikin ekajet an Sizar, ijo eņman ekajet eō; ejjeļok nana I ar kōman ñae ri Ju ro, im āindein aņ barāinwōt kanooj jeļā kake.
- [11] Bwe eļañne ña juon e nana, ak ewor ruō bwe in mej, I jab kajjitōk bwe in mour; a eļañne ejjeļok juon iaan men kein eņool, men ko rej kinaaklōk eō kaki, ejjeļok armej ej maroñ in ketak eō ñan er. Sizar en ri ekajet eō.
- [12] Innām ke eņōj an Festōs pepe ippān ro ri ekajet, e uwaak, Kwōj ba ke Sizar en ekajet eok? kwō naaj ilok ñan Sizar.
- [13] Im ālikin jet raan, kiñ Agrippa im Bernis rejro itok ñan Seseria, im iōkiōkwe Festōs.
- [14] Im ke raar pād ijo iuņwin elōñ raan, Festōs ej kwaļok men ko an Paul ñan kiñ eo, im ba, Filix e ar likūt juon armej ri prisōn;
- [15] Eo ke I ar pād i Jerusalem, pris ro reļap im elder ro an ri Ju raar kōnnaanōk eō kake, im re kōņaan naan in liaaklōk ñae e.
- [16] I ar uwaak er, E jab manit an ri Rom bwe ren ketak jabdewōt armej, mokta jān e im ri kinaaklōk rej kweilōklōk jelmae doon, im likūt e bwe en uwaak er kōn men eo enana raar kinaaklōk e kake.
- [17] Innām ke raar kweilōktok ijin, e jab ruņwij aō jijet raan eo ilju ioon jikin ekajet, im jiroñ bwe ren āñintok armej eo.
- [18] Ke ri kinaaklōk rej jutak, re jab bōktok naan in kinaaklōk kōn men ko re nana I ar ļōmņak kaki:
- [19] A ewor aer naan in kajitūkun e kōn aer kabuñ wōt, im kōn juon Jijej eo e mej, a Paul e ba E mour.
- [20] Im bwe I ar jaje ekōjkan in kajjitōk kōn men kein, I ar ba, Eņman ke kwōn ilok ñan Jerusalem im ekajet eok kōn men kein, ak jab?

- [21] A ke Paul e ar ba bwe en pād wōt ñan ekajet eo an Augōstōs, I ar jiroñ bwe ren kōjparok e ñan iien eo I naaj jilkinlōk e ñan Sizar.
- [22] Innām Agrippa e ba ñan Festōs, Barāinwōt ña Ij kōñaan roñ armej iñ. E ba, Ilju kwō naaj roñjake.
- [23] Im ilju ke eṃōj an Agrippa itok im Bernis kōn eḷap wōj, im rej deḷoñ ilowan jikin roñjake, ippān kapen ro reḷap, im leātōktōk ro an jikin kwelōk eo, Festōs e jiroñ bwe ren āñintok Paul.
- [24] Im Festōs e ba, Kiñ Agrippa, im armej otemjej ijin ippem, komij lo armej iñ, kōn e aolepen jar an ri Ju ro rej kajjitōk ippa i Jerusalem, im ijin, im laṃōj e jab eṃṃan bwe en pād im mour ñan jidik.
- [25] A ke I ar lo ejjeḷōk nana e kar kōṃṃan bwe en mej, im e ar make ba bwe Augōstōs en ekajete, I ar pepe bwe in jilkinlōk e.
- [26] Ejjeḷōk men eo e ṃool ippa bwe in jejeḷōk ñan aō irooj kōn e. Kōn men iñ ij āñintok e iṃaami, im eḷaptata iṃaam, O kiñ Agrippa, bwe ñe eṃōj kajitūkun e, en wor men ko ippa bwe in jeje.
- [27] Bwe ij ḷōmṃak, e jab eṃṃan bwe in jilkinlōk juon ri prisōn, im jab kwaḷōk men ko ar kinaaklōk e kaki.

JEPTA 26

- [Jr 26.1] Innām Agrippa e ba ñan Paul, E mālim bwe kwōn make kōnono kōn eok. Innām Paul ej erlōke pein im uwaak kōn e:
- [2] E buñbūruō, Kiñ Agrippa, bwe ij uwaak rainin kōn eō ñan eok kōn men ko otemjej, ri Ju ro raar kinaaklōk eō kaki:
- [3] Eḷaptata bwe I jeḷā eḷap aṃ māḷōtlōt kōn ṃanit otemjej, im naan in kajjitōk ko ippān ri Ju ro: kōn men iñ ij akweḷap ñan eok bwe kwōn jab kiril kōn aṃ roñjake eō.
- [4] Aō pād im kōṃṃan jān ke I ar inono, raar ippān ri aelōñ eo aō jān jinoin i Jerusalem, im ri Ju ro otemjej re jeḷā kajjieir;
- [5] Ro raar jeḷā ña jān jinoin, eḷaññe re kōñaan kōnnaan, bwe ij mour ri Parisi an jar epen otem pen ilo amwōj kabuñ.
- [6] Im kiiō ij jutak bwe ren ekajet eō kōn kōjatdikdik in kallimur eo Anij e ar leḷōk ñan ro jimṃam;
- [7] Joñoul im ruo am bwijin, ke eḷap aer jermal ñan Anij boñ im raan, rej katmāne bwe re naaj tōprak kallimur eo. Kōn kōjatdikdik iñ, O kiñ Agrippa, ri Ju rej kinaaklōk eō.
- [8] Etke men in eḷap jān aṃ maroñ im tōmak e, eḷaññe Anij ej kakerkakpeje ro remej?
- [9] Eṃool I ar ḷōmṃak ippa, eṃṃan in kōṃṃan elōñ men ko ṃae etan Jijej ri Nazaret.
- [10] □Aet, I ar kōṃṃan āindein i Jerusalem: im elōñ iaan ro reṃṃan I ar kiil er ṃa ilowan prisōn, kōn naan I ar bōki jān pris ro reḷap: im ke ar ṃan er, I ar koutiej ainikiō ṃae er.

- [11] Im elõñ alen I ar kòkkure er ilowan imõn kweilòk otemjej, im kareel er bwe ren blaspim: im bwe e kanooj eļap aõ wūdeakeak ɳae er, I ar matòrtòr er ñan jikin kwelòk ko an ro ruwa.
- [12] Ilo men kein, ke I ar ilòk ñan Damaskòs kòn naan im jeje jån pris ro reļap,
- [13] Ke pādiolap, O kiñ, I ar lo ilo ial meram jån lañ, eļap an jatòltòl jån aļ, ej romaak ituriõ im ro raar etal ippa ļok.
- [14] Im ke kòm otemjej ar buñ ioon laļ, I ar roñ juon ainikien ej kònono ñan eõ, im ba ilo kajin Hibru, Saul, Saul, etke kwõj matòrtòr Eõ? e nana aṃ kaitaak niom ilo men ko re kañ.
- [15] Im ij ba, Irooj wõn Kwe? Im E ba, Ña Jijej eo kwõj matòrtòr E.
- [16] A kwõn jerkak, im jutak kòn niom: bwe Ij weaaktok ñan eok kòn men in, bwe In likūt eok ri kaki im ri kònnaan kòn men kein kwaar loi, im kòn men ko I naaj weaaktok ñan eok kaki:
- [17] Im kòtļok eok jån armej ro, im jån ri aelõñ ko, Ij jilkinļok eok ñan er,
- [18] Bwe kwõn kapellok mejeir, bwe ren oktak jån marok ñan meram, im jån kajoor an Setan ñan Anij, bwe ren bõk juurļok jerowiwu ko, im aer jolõt ippån ro remṃan kòn aer lõke Ña.
- [19] Kòn men in, O kiñ Agrippa, I ar jab kipiliia ñan visiõn eo jån lañ.
- [20] A I ar kwaļok mokta ñan ro i Damaskòs, im i Jerusalem, im ilo aolepen āne Judia, im ñan ri aelõñ ko, bwe ren ukeļok ippaer im oktak ñan Anij, im kōmṃan jermal ko rekka ñan ukeļok.
- [21] Kòn men kein, ru Ju ro, ke raar lo eõ ilowan tempel, rej kajjioñ bwe ren ṃan eõ.
- [22] Innām, kòn aõ bõk jipañ jån Anij, ij jutak ñan rainin, im kònnaan ñan ro redik im ro reļap, im ba men ko wõt ri kanaan ro im Moses raar ba e naaj itok;
- [23] Ekõjkan Kūraj e naaj eñtaan, im E, kòn jerkakpeje an ro re mej, naaj kwaļok meram ñan armej ro, im ñan ri aelõñ ko.
- [24] Im ke ej kònono āindein kòn e, Festòs e ba, im eļap ainikien, Paul, kwõj wūdeakeak; aṃ mālõtłõt eļap ej ukõt eok ña wūdeakeak.
- [25] A Paul ej ba, I jab wūdeakeak, O Festòs emṃan potata; a ij kwaļok naan ko re ṃool im ko re jimwe.
- [26] Bwe kiñ ɳe e jeļā men kein, ñan eo ij barāinwõt wūjlep im kònono; bwe ij ļõmṃak ejjeļok iaan men kein ettino jån e: bwe men in ar jab kōmṃane ilo ettino.
- [27] Kiñ Agrippa, kwõj tōmak ro ri kanaan ke? I jeļā kwõj tōmak.
- [28] Innām Agrippa e ba ñan Paul, Ilo jidik, kwõj kareel eõ bwe in ri Kūrjin.
- [29] Im Paul e ba, Ij jar im kajjitøk ippån Anij, bwe jab kwe wõt, a barāinwõt er otemjej rej roñjakiõ rainin, kom nañin āinwõt, kab e kanooj āinwõt ña, eļaññe ejako tomede kein.
- [30] Im kiñ eo e jutak, im irooj eo, im Bernis, im ro rej jijet ippaer.
- [31] Im ke rej lālòk jån e, rej kònono ippån doon, im ba, Ejjeļok an armej in kōmṃan ekkar ñan mej ak liāpe.
- [32] Innām Agrippa e ba ñan Festòs, Kwõ naaj kar maroñ in kòtļok armej in, eļaññe e ar jab ba En ekajet eõ Sizar.

JERBAL 27

- [Jr 27.1] Im ke emōj pepe bwe kōmin jerak ñan Itali, rej leļok Paul im bar jet ri prisōn ñan juon etan Juliōs, senturiōn an jar an Augōstōs.
- [2] Im kōm ar uwe ioon juon waan Adramitiōm, eo en tōļļok ñan āne ko i kappe in Esia, im jerak, Aristarkōs ri Masedonia jān Tessalonika ej uwe ippem.
- [3] Im raan eo ilju kōm po i Saidon. Im Juliōs ej kōmanman jouj ñan Paul, im kōtļok e bwe en ilok ñan ro jeran im kakkije ippaer.
- [4] Im ke emōj am jerak jān ijo, kōm tōļļok ñan jebalur in Saiprōs, bwe enana kōto.
- [5] Im ke emōj am jerak ioon lojet eo ikijjien Silisia im Pampilia, kōm itok ñan Maira, jikin kwelok an Lisia.
- [6] Im ijo senturiōn ej lo juon waan Alexandria e jerak ñan Itali: im ej ektak kōm ña ioon.
- [7] Im ke e ruṃwij am tōļļok elōñ raan, im nañin ban itok ikijjien Naidōs, bwe e nana kōto, kōm ar tōļļok ñan jebalur in Krit ikijjien Salmone:
- [8] Im ke e pen am jerak iturin, kōm itok ñan juon jikin etan Łaam Emman: epaake juon jikin kwelok etan Lasia.
- [9] Im ke eļap iien emootļok, im enana iien jerakrak, bwe emootļok iien jitlok, Paul ej kauwe er,
- [10] □Im ba ñan er, Lōma, I jeļā bwe jerak iṅ e naaj nana im elōñ jako, jab kōn kobōp wōt im wa, a barāinwōt kōn an armej mour.
- [11] A senturiōn ej eṇoñ kapen im armej eo waan wa eo, eļap jān men ko Paul e ar kōnono kaki.
- [12] Im bwe lam eo e jab emman kōn pād ie ilo añōneañ, elōñ rej pepe bwe ren jerak jān ijo, eļaññe re maroñ in tōpar Pinix, im pād ijo iumwin añōneañ: lam eo i Krit ej jitōñ eañ im reear kab rōk im reear.
- [13] Im ke edik kōto itok irōk, rej ļomṅak bwe raar bōk aer kōṅaan, im rej tōbwe añkō im jerak epaake Krit.
- [14] A e jab eto, im juon kōto eļap, etan Eurakwilo, e buñ ioon jān e.
- [15] Im ke ej let wa, im e jab maroñ in jerak ñan kōto, kōm ar likūte im peļok wōt.
- [16] Im ke kōm ilok ñan jebalur in juon aelōñ, etan Klauda, eļap am jermal kōn ektak booj eo.
- [17] Ke emōj aer ektak e, rej kōmanman men in jipañ ko, im ṃadṃōde wa; im bwe re mijak bwe renaaj itaak ilo bōk etan Sirtis, rej doore kein kōmman wōļļā ko, im āindein peļok.
- [18] Im ke ekanooj eļap am jeplōklōk kōn lañ eo, raan eo ilju rej jino aer eakpel jān wa;
- [19] Im raan eo kein ka jilu raar joļok kōn peir men ko ṃweiiien wa.
- [20] Im ke iumwin elōñ raan, aļ im iju ko rejako, im e jab edik lañ iom, kōtmāne otemjej bwe kōm naaj mour ejako.
- [21] A ālikin an eto aer jitlok, Paul e jutak ioļapir, im ba, Lōma, emman eļaññe kom ar pokake eō, im jab jerak jān Krit, im bōk nana iṅ im men ko re jako.

- [22] Im kiiō ij kauwe kom bwe komwin peran: bwe e jāmin jako juon mour iaami, a wa wōt.
- [23] Bwe ilo boñ e jutak ɲa ippa juon enjeļ in Anij, Eo ña An, im Eo ij jermal ñan E,
- [24] Im e ba, Paul, kwōn jab mijak; kwō naaj jutak iᵐaan mejan Sizar: im lo, Anij e ar lewōj ñan eok er otemjej rej jerak ippaᵐ.
- [25] Kōn men iᵐ, Lōᵐa, komwin peran; bwe ij lōke Anij, bwe e naaj waļok āinwōt ar ba ñan eō.
- [26] A je naaj itaak ilo juon aelōñ.
- [27] A ilo kein ka joñoul im emān boñ, ke kōm peto-petak ilo loᵐaļo Edria, enañin lukkun boñ ri jermal i wa rej ļōmᵐak bwe rej kepaak juon āne:
- [28] Im rej joñe ɲa bōken, im jeļā roñoul ñeñen: im ke rej ilok jidik, rej bar joñe ɲa bōken, im jeļā joñoul im ļalem ñeñen.
- [29] Innām re mijak bwe bōlen re naaj itaak ilo dekā, rej joļok emān koliklik jān lōkōn wa, im kōᵐaan en raantak.
- [30] Im ke ri jermal i wa re nañin to jān wa, ke eᵐōj aer doorlaļ booj ñan lojet, āinwōt bwe re kōᵐaan joļok koliklik ko jān ᵐaan wa,
- [31] Paul e ba ñan senturiōn im ñan ri tariᵐae, Eļaññe rein re jab pād iowaan wa, kom jāmin mour.
- [32] Innām ri tariᵐae rej bukwe to ko an booj, im kōtļok bwe en peļok.
- [33] Im ke enañin raantak, Paul ej akweļap ñan er otemjej bwe ren ᵐōñā, im ba, Rainin raan eo kein ka joñoul im emān kom kattari im pād ilo jitlok, im jab bōk kijemi.
- [34] Kōn men iᵐ ij akweļap ñan kom bwe komwin bōk kijemi; bwe men iᵐ ñan ami mour: bwe e janim jako juon kooļan bar jān jabdewōt iaami.
- [35] Im ke eᵐōj an kōnono āindein, ej bōk bred im jar ñan Anij iᵐaer otemjej: im ke eᵐōj an ruji, e jino an ᵐōñā.
- [36] Innām er otemjej rej peran, im rej barāinwōt bōk kijeir.
- [37] Im kōm otemjej i wa eo, rūbukwi jiljilimjuonñoul im jiljino armej.
- [38] Im ke eᵐōj aer ᵐōñā im mat, rej eakpel jān wa, im julok wit ɲa i lojet.
- [39] Im ke eraantak, re jaje āne eo: a rej lo juon ļam eᵐᵐan pikin, im rej pepe eļaññe rej maroñ in kaitaak wa ɲa ioon.
- [40] Im ke eᵐōj aer kōtļok koliklik ko, rej likūte ɲa i lojet, im jeļate jibwe ko, im jerak wōjle eo iᵐaan ñan kōto, im tōļļok ñan parijet.
- [41] A ke rej itaak i juon āne ijo jipikra, rej kaitaak wa eo ioon bok: im ᵐaan wa eᵓōk, im pād pen otem pen, a lōkōn wa erup kōn eļap ɲo ko.
- [42] Im ri tariᵐae rej pepe bwe ren ᵐan ri prisōn, ñe rab aōļok im ko.
- [43] A senturiōn eo, kōn an kōᵐaan loᵐooren Paul, ej bōbrae er jān aer pepe: im jiroñ bwe ro re jeļā aō ren kāllok ᵐokta, im ilok ñan āne;
- [44] Im ro jet, jet ioon ra ko, im jet ioon men ko jet jān wa eo. Im āindein er otemjej rej ilok ñan āne im mour.

JEPTA 28

- [Jr 28.1] Im ke emōj am tōkeak im mour, innām kōm jeļā bwe etan aelōñ eo Melita.
- [2] Im ri pegan raņ e jab e dik aer kōmanman jouj ñan kōm; bwe rej kōjo kijeek, im bōk kōm otemjej, bwe e wōt im bwe e piō.
- [3] Im ke emōj an Paul ae juon bōkan kane, im likūt e ña ioon kijeek, juon vaiper ej itok jān bwil, im ej eddāp ilo pein.
- [4] Im ke ri pegan raņ rej lo vaiper ej i pein, rej kōnono ippān doon, im ba, Emool armej iņ ri uror, eo meñe ej mour jān lojet, wānōk e jab kōtļok e bwe en mour.
- [5] A ej kowōtļok jedpānit eo ilo kijeek, im ejjeļok jorrāñ ippān.
- [6] A rej kōtmāne ñe en bōj, ak buñ im mej kiiōkiiō: a ālikin eto aer kōtmāne, im lo ejjeļok jorrāñ ippān, rej ukōt aer ļomņak, im ba, e juon anij.
- [7] Epaak ijo āne ko an irooj in aelōñ eo, etan Pōbliōs: eo ej bōk kōm, im e jouj im lale kōm iuņwin jilu raan.
- [8] Im jeman Pōbliōs ej babu im nañinmej kōn bwil im kōn ilok lojien: Paul ej deļoñ ñan ippān, im jar, im likūt pein ioon, im kemour e.
- [9] Ke emōj an kōmanman men iņ, barāinwōt ro jet ilo aelōñ eo, ewor nañinmej ippaer, rej itok, im ej kemour er:
- [10] □Er barāinwōt eļap aer wūjtake kōm; im ke kōmij jerak, rej letok men ko jabdewōt kōm aikuj.
- [11] Im ilokōn jilu allōñ, kōm jerak ilo juon waan Alexandria, e kar pād ilo aelōñ eo iuņwin iien e piō, etan kakōļļen Lōmaro Po.
- [12] Im kōm ar po i Sirekus, im pād ie iuņwin jilu raan.
- [13] Im jān ijo kōm jerak im jeje, im itok ñan Rijiōm: im ilokōn juon raan kōto in rōk e buñ, im kōm itok raan eo ilju ñan Putioli:
- [14] Ijo kōm lo jemjein jemjaten, im rej akweļap ñan kōm, bwe kōmin pād ippaer iuņwin jiljilimjuon raan; im āindein am itok ñan Rom.
- [15] Im jān ijo, ke jemjein jemjaten rej roñ kōn kōm, rej itok bwe ren ioon kōm ñan Jikin wia an Appiōs, im Jilu Tavern; ke Paul ej lo er, ej kamņoolol Anij im e peranļok.
- [16] Im ke kōm deļoņtok Rom, rej kōtļok Paul bwe en make jokwe ippān ri tariņae eo ej lale e.
- [17] Im ilokōn jilu raan, Paul ej kokweiloktok ļeātōktōk an ri Ju ro: im ke emōj aer kweiloktok, e ba ñan er, Lōma, jeiō im jatiō, meñe ejjeļok nana I ar kōmanman ñae armej ro, ak ñae manit ko an ro jimmad, a ar ketak eō ri prisōn jān Jerusalem ñan pein ro ri Rom:
- [18] Er ke emōj aer ekajet eō re kōņaan kōtļok eō bwe in ilok, bwe ejjeļok ruō bwe in mej.
- [19] A ke ri Ju ro rej kōnono im juņae men eo, I ar ļomņak emman in ba, En ekajet eō Sizar; jab bwe jabdewōt ippa in kinaakļok kake aelōñ eo aō.
- [20] Innām, kōn men iņ, emōj aō akweļap ñan kom, bwe koņwin lo eō im kōnono ippa: bwe kōn kōjatdikdik an Israel tomede iņ ej dāpij eō.

- [21] Im re ba ñan e, Kõm ar jab bõk lõta ko jãn Judia kõn eok, im ejjelok jemjein jemjaten rej itok rej kwałok ak kõnono jabdewõt enana kõn eok.
- [22] A kõm kõñaan roñ jãn eok aṃ lõmṃak; bwe kõn jar iṃ, kõm jełã ijo ko otemjej rej kõnono ñae e.
- [23] Im ke eṃõj aer likūt ñan juon raan, elõñ rej itok ñan e ijo ej pãd ie, ej kamelejeik ñan er im kõnnaanõk er kõn aelõñ in Anij, im ej kauwe er kõn Jijej, jãn kien Moses im jãn ri kanaan ro, jãn jibboñ ñan jota.
- [24] Im jet rej tõmak men ko ej kõnono kaki, im jet re jab tõmak.
- [25] Im ke e jab bũrueir wõt juon ippaer, raar ilok, ãlikin an Paul kõnono juon naan, Eṃṃan an Jetõb Kwõjarjar kõnono kõn Aiseia ri kanaan ñan ro jimṃami,
- [26] Im ba, Kwõn ilok ñan armej rein, im ba, Ilo ami roñjake kom naaj roñ, im jaje kake: im ilo ami lo kom naaj lo im jaje kajjien;
- [27] Bwe bũruen armej rein re penawiia, im lojilñier rej roñ jaṃõn, im mejeir re kilõk; ñe raab lo kõn mejeir, im roñjake kõn lojilñier, im jełã kõn bũrueir, im ukełok im in kemour er.
- [28] Innãm komwin jełã, bwe mour iṃ jãn Anij, Ej jilkinłok e ñan ri aelõñ ko; im re naaj barãinwõt eṃroñ e.
- [30] Im ej jokwe iumwin aolepen ruo iiõ ilowan ṃweo ej kõłłã oñan jokwe, im bõk er otemjej rej dełõñ ñan ippãn,
- [31] Im ej kwałok aelõñ in Anij, im katakin men ko kõn Irooj Jijej Kũraij, kõn ełap peran, im ejjelok en ej bõbrae.

ROM

JEPTA 1

- [Ro 1.1] Paul, korijeran Jijej Kūrai, emōj kūr e bwe en ri jelōk, im kamakeļok ian ñan Gospel an Anij.
- [2] Eo Ear kallimur kake mokta kōn ri kanaan ro An, ilo Jeje ko re kwōjarjar,
- [3] Kōn Nejin, eo Ear ļotak jān ineen Devid ekkar ñan kanniōk,
- [4] Im ba kōn E bwe E Nejin Anij ilo kajoor, ekkar ñan Jetōb ōn kwōjarjar, kōn jerkakpeje an ro remej; aet Jijej Kūrai ad Irooj,
- [5] Kōn E kōm ar bōk jouj im jermal an ri jelōk ñan pokake tōmak ippān ri aelōñ otemjej kōn etan:
- [6] Ippaer kom bar āinwōt, ro Jijej Kūrai ear kūr er:
- [7] Ñan ro otemjej i Rom, jitōnbōro ippān Anij, emōj kūr er bwe ren ri kwōjarjar: Jouj ñan kom im aenōmman jān Anij Jemed im Irooj Jijej Kūrai.
- [8] Mokta, ij kamoolol aō Anij ilo Jijej Kūrai kōn kom otemjej, bwe aṃi tōmak e buñbuñ i aolepen la].
- [9] Bwe Anij aō ri kōnnaan, Eo ij jermal ñan E ilo aō ilo gospel an Nejin, ekōjkan ejab jokwōd aō ba kōn kom,
- [10] Im iien otemjej ilo jar ko aō ij akweļap, bwe in iwōj ñan kom iien iṃ, eļaññe ij maroñ in etal im jeraamman kōn jabdewōt ial, ilo ankilaan Anij.
- [11] Bwe eļap i kōṃaan lo kom, bwe in lewōj ñan kom jabdewōt men in iokwe an Jetōb, bwe komwin pen;
- [12] Āinwōt iṃ, bwe jān aenōmman ippaṃi, kōj otemjej kōn tōmak an doon, aṃi im kab aō.
- [13] Im ro jeiō im jatiō, I jab kōṃaan bwe komwin jaje, bwe elōñ alen I ar ļōmṃak bwe in iwōj ñan ippaṃi, (im ar bōbrae eō ñan iien iṃ) bwe in bōk ewor le ippaṃi, im āinwōt ippān ri aelōñ ro jet.
- [14] Ña ri muri ñan ro ri Grik im ñan ro ri pegan; ñan ro re mālōtlōt im ñan ro rejab mālōtlōt.
- [15] Āindein, āinwōt aō maroñ, I pojak bwe in kwaļok gospel ñan kom eo komwij pād i Rom.
- [16] Bwe I jab jook kōn gospel: bwe ej kajoor an Anij ñan lōmoor ippān ro otemjej rej tōmak, ippān ri Ju mokta, im bar āinwōt ippān ri Grik.
- [17] Bwe ilo e wānōk an Anij ewalok jān tōmak ñan tōmak: āinwōt emōj je, A ri wānōk enaaj mour kōn tōmak.
- [18] Bwe illu an Anij e waļok jān lañ ṃae jerōwiwi otemjej im nana an armej, ro rej dāpij mool ilo nana.
- [19] Bwe men eo je maroñ jeļā kōn Anij a alikkar ippaer; bwe Anij ear kwaļok e ñan er.
- [20] Bwe men ko An im je ban loi, rej alikkar jān jinoin la], bwe re jeļā kajjieir kōn men ko E ar kōmman, aet, An kajoor indeeo im An Anij wōt; bwe ren jab maroñ in uwaak:

- [21] Bwe, ke raar jeļā Anij, raar jab wūjtake āinwōt Anij im raar jab kaṃṃoolol E; a raar kautiej ļōmṃak ko aer, im būrueir ejaje kake e marokļok.
- [22] Kōn aer make ba re mālōtlōt, raar bwebweļok,
- [23] Im ukōt aiboojoj an Anij ejab wabanban ṅan wāween men in e an armej e wabanban, im bao ko, im kidu ko emān ne, im men ko re tōbalbal.
- [24] Kōn men iṅ Anij Ear leļok er ṅan ettoon kōn ļōṅ ilo būrueir, bwe ren kananaik ānbwinneir ippān doon:
- [25] Ro raar kōrrā ṃool an Anij kōn riab, im kabuṅ im jermal ṅan men in kōṃṃan eļap jān ṅan Eo Ri Kōṃṃan, Eo e ṃōṃōṃō indeeo. Amen.
- [26] Kōn men iṅ Anij ear leļok er ṅan kijoṅ ettoon: aet bwe kōrā ro raar ukōt biktokeir ṅan men eo ej ṅae biktokeir:
- [27] Im bar āinwōt ṃaan ro, ke rej jolok biktoken kōrā, rej urur ilo aer mejkaiie ṅan doon, ṃaan ro ippān ṃaan ro rej kōṃṃan men eo e jakkar, im rej bōk ilo er oṅān ekkar ṅan aer nana.
- [28] Im āinwōt raar abwin bwe Anij en pād ilo aer jeļā, Anij Ear leļok er ṅan bōro men in jolok, bwe ren kōṃṃan men ko re jakkar;
- [29] Relaṅwijdjid kōn nana otemjej, kōn jerowiwī, kōn ankoṅak, kōn kakūtōtō, ro obrak kōn juunṃaad, kōn uror, kōn akwāāl, kōn ṃon, kōn kirikrik; er ri wūnojidikdik,
- [30] Ri ruruwe, ri kōjdate Anij, ri lāj, ri juwa, ri juwaļōṅļōṅ, ri kini men ko renana, re kipiliia ṅan ro jemeir im jineir,
- [31] Ri jajeļokjen, ri wūnoriabab, ri jaiokwe, ri jab tūriaṃo:
- [32] Ro meṅe re jeļā wōt kien Anij, bwe ro rej kōṃṃan men rot kein, er dien mej, re jab kōṃṃan men kein wōt, a rej bōk ṅan būruen ro rej kōṃṃan.

JEPTA 2

- [Ro 2.1] Kōn men kein, kwō ban uwaak, O armej, jabdewōt kwe eo kwōj ekajete: bwe ilo men eo kwōj ekajet bar juon kake, kwōj make liaakļok eok, bwe kwe eo kwōj ekajete kwōj kōṃṃan āindein.
- [2] Im je jeļā bwe ekajet eo an Anij ekkar ṅan ṃool ṅae ro rej kōṃṃan men rot kein.
- [3] Im kwōj ļōmṃak men iṅ, O armej, kwe eo kwōj ekajet ro rej kōṃṃan men rot kein, im kwōj kōṃṃan āindein, bwe kwō naaj ko jān ekajet an Anij ke?
- [4] Ak kwōj kajekdoṅ ṃweiuk in jouj eo An, kab An meanwōd im jab bōrokadu, im jaje bwe jouj an Anij ej tōllok eok ṅan ukeļok ke?
- [5] A kōn aṃ pen im pen būruōṃ, kwōj make kaṃṃweiukiuk eok kōn illu, ṃae raan in illu im kwaļok ekajet eo ejimwe an Anij.
- [6] Eo enaaj leļok ṅan armej otemjej ekkar ṅan jermal ko aer:
- [7] ṅan ro, kōn aer niknik ilo jermal eṃṃan, rej pukot aiboojoj im nōbar in jab wabanban, mour indeeo:
- [8] A ṅan ro rej wālok, im jab pokake ṃool, a rej pokake nana, libōpne im illu,
- [9] Eṅtaan im jorrāān ion armej otemjej ro rej jerbale nana, ri Ju ṃokta, kab ri Grik;

- [10] A aiboojoj, im nõbar im aenõmman ñan ro otemjej rej jerbale emman, ñan ri Ju mokta , kab ñan ri Grik:
- [11] Bwe ejjelok kalijeklok armej ippān Anij.
- [12] Bwe jabdewõt ro raar jerowiwi im ejjelok kien ippaer, renaaj bar ainwõt jako im ejjelok kien: im jabdewõt ro raar jerowiwi ilo kien, naaj ekajet er kōn kien;
- [13] Bwe jab ro rej roñjake kien rej wānōk imaan mejan Anij, a ro rej pokake kien naaj kōwānōk er:
- [14] (Bwe ke ri aelōñ ro ejjelok kien ippaer rej kōmman kōn biktokeir men ko an kien, rein, ejjelok kien ippaer, rej ainwõt kien ñan er make;
- [15] Bwe rej kwaļok jermal an kien, eo emōj jeje ilo būrueir, im aer bōklōkōt ej kōnnaan ippān, im ļōmņak ko aer, juon innām bar juon, rej kinaaklok ak kōtlok er;)
- [16] Ilo raan eo ñe Anij enaaj ekajet men rettino an armej, ekkar ñan aō Gospel, kōn Jijej Kūraij.
- [17] A eļāñne kwōj ba kwe ri Ju, im kwōj lōke kien, im kōmmejāje ilo Anij,
- [18] Im kwō jeļā ankilaan, im kwōj nõbar men ko remman, im emōj aņ katak ilo kien,
- [19] Im kwō kanooj lōke bwe kwe ri tōl ro re pilo, im meram ñan ro rej pād ilo marok,
- [20] Ri kajimwe ro ri jaje, im re kipel niñniñ ro, im wāween jeļā im mool ilo kien ej pād ippaņ;
- [21] Innām kwe eo kwōj katakin bar juon, kwō jab make katakin eok ke? kwe eo kwōj kwaļok ren jab koot, kwōj koot ke?
- [22] Kwe eo kwōj ba armej en jab ļōñ, kwōj ļōñ ke? kwe eo kwōj kōjdate ekjab ko, kwōj koot jān tempel ko ke?
- [23] Kwe eo kwōj kōmmejāje ilo kien kōn aņ kočkure kien kwōj kajekdoņ Anij ke?
- [24] Bwe rej blaspim etan Anij ippān ri aelōñ ko kōn kom, ainwõt emōj je.
- [25] Bwe emool mwijmwij ej kakajooror, eļāñne kwōj pokake kien: a eļāñne kwe ri kočkure kien, aņ mwijmwij ej erom jab mwijmwij.
- [26] Innām eļāñne ri jab mwijmwij ej pokake naan ko an kien, an jab mwijmwij jāmin watōke mwijmwij ñan e ke?
- [27] Im men eo e jab mwijmwij kōn biktokin, eļāñne ej kajejjet kien, e jāmin ekajet eok ke, kwe eo kwōj kočkure kien ke letter im mwijmwij ippaņ?
- [28] Bwe ejab ri Ju eo ej juon ālikin bar ainwõt ejab mwijmwij men eo ālikin ilo kanniōk:
- [29] A e ri Ju eo ej juon ilowan, im mwijmwij men eo an bōro, ilo jetōb, im jab ilo letter; im nõbar e, ejab jān armej raņ a jān Anij.

JEPTA 3

[Ro 3.1] Innām ta men in kautiej an ri Ju? ak ta an mwijmwij kakajooror?

[2] Eļap ilo men otemjej: mokta kōn men in, bwe ar leļok ñan er naan ko an Anij.

[3] Bwe ekōjkan eļāñne jet raar jab tōmak? Aer jab tōmak enaaj kajettokjān tiljek an Anij ke?

- [4] En jab eñin: aet, Anij en mool a armej otemjej ri riab; ãinwõt emõj je, Bwe Kwõn wãnõk ilo naan ko Aṃ, im anjo ilo aer ekajet Eok.
- [5] A eļañņe ad nana ej nōbar wãnõk an Anij, ta eo jenaaj ba? Anij ejab wãnõk Eo ej kaeñtaan ke? (ij kōnono ãinwõt juon armej.)
- [6] En jab eñin: bwe eļañņe ãindein, ekōjkan Anij enaaj ekajet laļ?
- [7] A eļañņe kōn aō riab mool an Anij ej lōñļok ñan An aiboojoj, etke kiiō bar ãinwõt ekajet eō ãinwõt ri jerowiwī?
- [8] Im etke jab (ãinwõt rej riab im kōnono ñae kōj, im ãinwõt jet rej kōnnaan bwe jej ba,) Jān kōmānman nana, bwe en waļok emman? im liaakļok er e wãnõk.
- [9] Innām ta? kōj emman jān er ke? Jab, ñan jidik: bwe kōm ar kinaakļok mokta ri Ju im ri Grik, bwe er otemjej rej iumwin jerowiwī;
- [10] ãinwõt emõj je, Ejjeļok ri wãnõk, ejjeļok juon;
- [11] Ejjeļok juon e jeļā, ejjeļok juon ej kapukõt Anij.
- [12] Er otemjej raar jeor, rej jimor jatokjeir, ejjeļok en ej kōmman emman, aet, ejjeļok juon.
- [13] Būrueir lōb eo walañi, kōn loer raar mon, uno kōnmej an asp ko ej ilo tieir:
- [14] Loñir eobrak kōn kanejnej im meo;
- [15] Neir re mōkaj kōn katōrlōk bōtōktōk;
- [16] Kōkkure im eñtaan ilo ial ko aer;
- [17] Im ial in aenōmman raar jaje kake:
- [18] Ejjeļok mijak Anij imaan mejeir.
- [19] Kiiō je jeļā bwe jabdewõt men ko kien e ba, e ba ñan ro rej iumwin kien; bwe en kiil loñir otemjej, im Anij en ekajete aolepen laļ:
- [20] Bwe ejjeļok kanniōk enaaj wãnõk imaan mejan kōn jermal ko an kien: bwe je jeļā jerowiwī kōn kien.
- [21] A kiiō juon wãnõk an Anij emõj kwaļok e im jepel jān kien, kien eo im ri kaanan rej kōnnaan kake;
- [22] Aet, wãnõk an Anij, eo kōn tōmak Jijej Kūraij ñan ro otemjej rej lōke E; bwe ejjeļok lijekļok;
- [23] Bwe otemjej raar jerowiwī im rej likjab jān aiboojoj an Anij;
- [24] Kōwãnõk er, im ejjeļok oñān, ilo An jouj, kōn men in wiaik eo ej ilo Kūraij Jijej:
- [25] Eo Anij ear kwaļok E bwe En kein medek, kōn tōmak ilo bōtōktōkin, bwe En bakajjien An wãnõk kōn an kãjoone jerowiwī ko ļok, ilo meanwōd an Anij.
- [26] Aet, bwe En bakajjien An wãnõk ilo iien iņ: bwe En wãnõk, im Ri kōwãnõk eo ej lōke Jijej.
- [27] Innām ewi likōmjāje? Emõj kadiwōjļok e. Kōn kien õt? kien jermal ko ke? Jab: a kōn kien tōmak.
- [28] Innām jej ļōmņak bwe kōwãnõk armej kōn tōmak, e jepel jān jermal ko an kien.
- [29] Ak Anij e Anij an ro ri Ju wõt ke? E jab bar ãinwõt ro ri aelōñ ke? Aet, bar ãinwõt an ro ri aelōñ ko:
- [30] Eļañņe Anij e juon wõt, im Enaaj kōwãnõk ri mwijmwij kōn tōmak, im ri jab mwijmwij kōn tōmak.

[31] Innām kōm kajettokjān kien kōn tōmak ke? En jab eñin: a kōm kapen kien.

JEPTA 4

[Ro 4.1] Innām ta jenaaj ba Ebreame jemad ear loe ekkar ñan kanniōk?

[2] Bwe eļañne Ebreame ear wānōk kōn jermal ko an, ewor likōmjāje ippān; a jab iṃaan mejan Anij.

[3] Bwe ta an Jeje ko ba? Im Ebreame ear tōmak Anij, im ar watōk men iṃ ñan e āinwōt wānōk.

[4] A ñan eo ej jermal, re jab watōk oṃān kōn jouj a kōn ṃuri.

[5] A ñan eo e jab jermal, a ej lōke Eo ej kōwānōk ri jerōwiwi, watōk an tōmak āinwōt wānōk.

[6] Im āinwōt Devid ej ba kōn ṃōṃōṃō an armej, eo Anij ej watōk ñan e wānōk e jepel jān jerōwiwi ko.

[7] Eṃōṃōṃō ro jerōwiwi ko aer re jako, im bōd ko aer re libubu.

[8] Eṃōṃōṃō armej eo Irooj e jāmin watōk jerōwiwi ñan e.

[9] Innām ṃōṃōṃō iṃ ioon ri ṃwijṃwij ke, ak bar āinwōt ioon ri jab ṃwijṃwij? bwe jej ba, eṃōj watōk an tōmak ñan Ebreame āinwōt wānōk.

[10] Innām ekōjkan ar watōk e? ke ej pād ilo ṃwijṃwij ke, ak ilo jab ṃwijṃwij? Jab ilo ṃwijṃwij, a ilo jab ṃwijṃwij:

[11] Im e ar bōk ṃwijṃwij juon kakōļe, seal an wānōk in tōmak, eo ear ippān ilo jab ṃwijṃwij: bwe en jeman ro otemjej rej tōmak, rej jab ṃwijṃwij, bwe wānōk en men in watōk ñan er;

[12] Im jeman ṃwijṃwij ñan ro rej ṃwijṃwij im bar āinwōt anōkļok tōmak an jemeir Ebreame, eo ippān ke e jañin ṃwijṃwij.

[13] Bwe e jab kōn kien kallimur ñan Ebreame ak ñan ineen bwe enaaj jolōt la, a kōn wānōk in tōmak.

[14] Bwe eļañne er jān kien rej ri jolōt, tōmak ejako, im kallimur eo e jatokjān:

[15] Bwe kien ej jerbale illu; a ijo ejjeļok kien, bar āinwōt ejjeļok kōkkure kien.

[16] Kōn men iṃ e jān tōmak, bwe en ekkar ñan jouj; bwe kallimur eo en pen ñan ine otemjej; jab ñan eo jān kien wōt, a bar āinwōt ñan eo jān tōmak an Ebreame, eo jemad otemjej,

[17] (Āinwōt eṃōj je, I ar kōṃṃan eok jeman elōñ ri aelōñ ko) iṃaan mejan Eo, ej lōke E, aet Anij eo Ej kemour ro re mej, im ṃaetan men ko re jab pād, āinwōt eļañne rej pād.

[18] Eo ke e jako unin kōjatdikdik ej tōmak ilo kōjatdikdik, bwe en jeman elōñ ri aelōñ, ekkar ñan naan eo eṃōj kōnono kake, Enaaj āindein ro inioṃ.

[19] Im e jab ṃōjṃōļok ilo tōmak, ke ej ļōṃṃak kōn an mej ānbwinnen (ke e nañin jibukwi iiō in an rūtto,) im kōn an mej lojien Sera:

[20] Aet, ke ej reilok ñan kallimur an Anij ear jab pere kōn jab tōmak, a e kajoorļok kōn tōmak, im leļok aiboojoj ñan Anij;

[21] Im e kanooj jeļā, bwe men eo Ear kallimur kake, Ej bar āinwōt maroñ in kōṃṃane.

- [22] Kōn men in bar āinwōt eṃōj watōk e ñan e āinwōt wānōk.
 [23] Kiiō ar jab je men in kōn e wōt, bwe eṃōj watōk e ñan e;
 [24] A bar āinwōt kōn kōj, kōj eo naaj watōk e ñan kōj, eḷaññe jej lōke Eo ear kajerkakpeje Jijej ad Irooj jān ro re mej,
 [25] Eo eṃōj ketak E kōn bōd ko ad, im Ear jerkakpeje kōn kōwānōk kōj.

JEPTA 5

- [Ro 5.1] Innām bwe eṃōj kowānōk kōj kōn tōmak, ewor aenōṃṃan ipped ñan Anij kōn ad Irooj Jijej Kūraij;
 [2] Kōn E bar āinwōt jaar bōk ad deḷoñ kōn tōmak ilo jouj in ijo jej jutak ie, im jej lañlōñ ilo kōjatdikdik kōj kōn aiboosoj an Anij.
 [3] Im jab eñin wōt, a bar āinwōt jej lañlōñ ilo eñtaan ko ad: im jej jeḷā bwe eñtaan ej jerbale kijenmej;
 [4] Im kijenmej mālejoñ; im mālejoñ kōjatdikdik;
 [5] Im kōjatdikdik ejab kajook; bwe eṃōj lutōk iḳkwe an Anij ilo būrued kōn Jetōb Kwōjarjar, Eo ar letok ñan kōj.
 [6] Bwe ke jaar ṃōjṃo, ilo iien ekkar, Kūraij Ear mej kōn ro re nana.
 [7] Bwe e nañin jelok armej en mej kōn eo e wānōk; a kōn armej eo eṃṃan ṃwilin bōlen juon e peran in mej.
 [8] A Anij ej kwalok kadkadin An iḳkwe ñan kōj ilo men in, ke jar ri jerowiwī, Kūraij Ear mej kōn kōj.
 [9] Innām en ḷapḷok, iien in ke eṃōj kowānōk kōj ilo bōtōktōkin, naaj ḷoṃṃoren kōj jān illu kōn E.
 [10] Bwe eḷaññe, ke jaar ri kōjdat, mej an Nejin ear kalaajrak ñan kōj im Anij; en ḷapḷok, ke eṃōj kalaajrak, naaj ḷoṃṃoren kōj ilo An mour.
 [11] Im jab men in wōt, a jej bar āinwōt lañlōñ ilo Anij kōn ad Irooj Jijej Kūraij, kōn Eo kiiō jaar bōk kalaajrak.
 [12] Kōn men in, āinwōt kōn juon armej, jerowiwī ej deḷoñ ilo laḷ, im mej kōn jerowiwī; im āindein mej ear itok ioon armej otemjej, bwe er otemjej raar jerowiwī.
 [13] Bwe jerowiwī ear pād ilo laḷ ñan iien kien: a jab watōk jerowiwī ijo ejjeḷok kien.
 [14] A mej ear irooj jān Adam ñan Moses, aet, ioon ro raar jab jerowiwī āinwōt wāween jerowiwī an Adam, eo kakōḷḷān Eo enaaj itok.
 [15] A jab āinwōt buñ, im bar āinwōt mej in jouj. Bwe eḷaññe kōn buñ an juon, elōñ raar mej, eḷapḷok an jouj an Anij, im men in letok ilo jouj, kōn juon armej, Jijej Kūraij, orḷok ñan elōñ.
 [16] Im jab āinwōt kōn juon ri jerowiwī āindein men in letok: bwe ekajet eo ear itok kōn juon ñan liaakḷok, a men in jouj ear itok kōn elōñ men in buñ ñan kowānōk.
 [17] Bwe eḷaññe, kōn buñ an juon, mej ear irooj kōn juon; eḷapḷok an ro rej bōklōkōt in men in jouj im men in letok in wānōk, re naaj irooj ilo mour kōn juon, Jijej Kūraij.

- [18] Innām, āinwōt kōn juon buñ, ekajet ej itok ñan armej otemjeļok ñan liaakļok; bar āinwōt kōn juon kōmman in wānōk, men in jouj ear itok ñan armej otemjeļok ñan kowānōk in mour.
- [19] Bwe āinwōt kōn kipiliia an juon armej, elōñ rej ri jerowiwī, bar āinwōt kōn kipiliie an juon elōñ renaaj ri wānōk.
- [20] A kien ear koba im deļoñ bwe buñ en orļok. A ijo jerowiwī ear orļok, e kanooj ļap an jouj orļok ie:
- [21] Bwe, āinwōt jerowiwī ear irooj ilo mej, āindein jouj en irooj kōn wānōk ñan mour indeeo, kōn Jijej Kūraij ad Irooj.

JEPTA 6

- [Ro 6.1] Innām ta jenaaj ba? Jān pād ilo jerowiwī ke, bwe jouj en orļok?
- [2] En jab eñin! Kōj jaar mej ñan jerowiwī, ekōjkan ad naaj bar mour ilo e?
- [3] Ak kom jaje ke, bwe jabdewōt ro iaad, jaar peptaj ilo Kūraij Jijej, jaar peptaj ilo An mej?
- [4] Bwe eņōj kalbwīn kōj ippān kōn peptaj ilo mej: bwe āinwōt ar kajerkakpeje Kūraij jān ro re mej kōn aiboojoj an Jeman, bar āinwōt kōj jān etal ilo mour ekāāl.
- [5] Bwe eļañne eņōj kobaik kōj ippān ilo wāween mej eo An, je naaj bar āinwōt ilo wāween An jerkakpeje.
- [6] Im jej jeļā men iņ, bwe eņōj debwāāl ad armej e mor ippān, bwe en jako ānbwīnen jerowiwī, bwe tokālik jān jab karijer ñan jerowiwī.
- [7] Bwe eo ear mej eņōj kowānōk e jān jerowiwī.
- [8] A eļañne jaar mej ippān Kūraij, jej tōmak bwe jenaaj bar āinwōt mour ippān,
- [9] Ke jej jeļā bwe Kūraij eo Ej jerkakpeje jān ro remej, E jāmin bar mej; mej e jāmin bar irooj ioon.
- [10] Bwe kōn An mej, E ar mej kōn jerowiwī juon iien: a kōn An mour, Ej mour ñan Anij.
- [11] Im āindein, koņwin watōk kom ri mej ñan jerowiwī, a ri mour ñan Anij ilo Kūraij Jijej.
- [12] Innām jerowiwī en jab irooj ilo ānbwīnemi rej dien mej, bwe koņwin pokake mōm ko an.
- [13] Im koņwin jab leļok raami ñan jerowiwī, āinwōt kein kōmmanman nana; a koņwin leļok kom ñan Anij, āinwōt ro re mour jān ro re mej, im raami āinwōt kein kōmmanman wānōk ñan Anij.
- [14] Bwe jerowiwī e jāmin irooj iomi: bwe kom jab ioņwin kien, a ioņwin jouj.
- [15] Innām ekōjkan? jān jerowiwī ke, bwe je jab pād ioņwin kien a ioņwin jouj? En jab eñin!
- [16] Kom jab jeļā ke, bwe ñan eo komij leļok kom karijeran bwe koņwin pokake, kom karijeran eo komij pokake; e ļak an jerowiwī ñan mej, ak an pokake ñan wānōk?
- [17] A kaņmoolol Anij, bwe kom eo ri karijeran jerowiwī mokta, kom ar pokake jān būruōmi wāween katak eo eņōj leļok kom ñan e;
- [18] Im ke anemkwōjami jān jerowiwī, kom ro karijeran wānōk.

- [19] Ij kōnono āinwōt armej kōn an mōjŋo kanniōkemi: bwe āinwōt kom ar leļok raami karijeran ettoon im jerowiwī nān jerowiwī, āindein kiiō koṃwin leļok raami karijeran wānōk nān kwōjarjar.
- [20] Bwe ke kom ar karijeran jerowiwī, kom ar anemkwōjami jān wānōk.
- [21] Innām leen rot kom ar bōki iien eo jān men ko komij jook kaki kiiō? Bwe jemļokein men ko, mej.
- [22] Ak kiiō ke anemkwōjami jān jerowiwī, im kom karijeran Anij, komij bōk leemi nān kwōjarjar, im jemļokōn, mour indeeo.
- [23] Bwe oṅān jerowiwī, mej; a men in jouj an Anij, mour indeeo ilo Kūraij Jijej ad Irooj.

JEPTA 7

- [Ro 7.1] Kom jaje ke, ro jeiō im jatiō (bwe ij kōnono nān ro re jeļā kien) bwe kien ej irooj ioon armej toōn an mour.
- [2] Bwe kōrā eo e pālele, kien ej liāp e nān ļeo pāleen ke ļeo ej mour; a eļāñne ļeo emej, e mejaļ jān kien ļeo pāleen.
- [3] Innām iien ļeo ej mour, eļāñne lio ej pāleek bar juon, renaaj likūt e ri ļōñ: a eļāñne e mej ļeo, lio ej anemkwōjan jān kien eo, innām lio e jāmin ri ļōñ eļāñne ej pāleek bar juon.
- [4] Āindein, ro jeiō im jatiō, kom bar āinwōt kom ar mej in kien kōn ānbwinnen Kūraij, bwe koṃwin pāleek bar juon, aet, Eo ej jerkakpeje jān ro re mej, bwe jān jebar leen nān Anij.
- [5] Bwe ke jaar pād ilo kanniōk, jujurmelea an jerowiwī ko, re waļok kōn kien, raar jermal ilo raad in jebar leen nān mej.
- [6] A kiiō emōj kōtļok kōj jān kien, bwe jaar mej jān men eo e kar dāpij kōj: innām jej jermal ilo men eo ekāāl an Jetōb, im jab ilo men eo emor an letter.
- [7] Innām ta jenaaj ba? Kien e jerowiwī ke? En jab eñin! A I jāmin kar jeļā jerowiwī, eļāñne jab kōn kien: bwe I jāmin kar jeļā ankoṅak, eļāñne kien e ar jab ba, Kwōn jab ankoṅak.
- [8] A jerowiwī, ke ej lo iien ekkar, kōn naan in kaiñi, ear kōmṃan ilo ña ankoṅak otemjej: bwe ñe jepel jān kien, jerowiwī e mej.
- [9] Bwe juon iien I ar mour jepel jān kien: a ke naan in kaiñi ear itok, jerowiwī ear mour, a ña I ar mej.
- [10] Im naan in kaiñi, men eo nān mour, eñin I ar loe nān mej.
- [11] Bwe jerowiwī, ke ej lo iien ekkar, kōn naan in kaiñi ear moṅe eō, im ear ṃan eō kake.
- [12] Innām kien e kwōjarjar im naan in kaiñi e kwōjarjar, im wānōk, im emṃan.
- [13] Innām men eo emṃan ear kōmṃan mej nān eō ke? En jab eñin! A jerowiwī, bwe en waļok jerowiwī, kōn an kōmṃan mej ilo ña kōn men eo emṃan; bwe jerowiwī, kōn naan in kaiñi, en kanooj jerowiwī.
- [14] Bwe je jeļā bwe kien e men in Jetōb: a ña Ij kanniōk wōt, emōj wiakake eō ioṃwin jerowiwī.

- [15] Bwe men eo ij kōmmanman I jaje kake: bwe jab men eo I kōṇaan, men in ej kōmmane; a men eo ij kōjdate, men in ij kōmmane.
- [16] A eḷaññe men eo I jab kōṇaan, men in ij kōmmane, ij bōk ñan kien bwe ej emman.
- [17] Innām kiiō ejab ña ij kōmman, a jerowiwī eo ej jokwe ilo ña.
- [18] Bwe I jeḷā bwe ilo ña, ilo kanniōkiō, emman e jab jokwe: bwe kōṇaan ej pād ippa, a in kōmman men eo emman e jab pād ippa.
- [19] Bwe men eo emman I kōṇaan, I jab kōmmane: a nana eo I jab kōṇaan, eñin ij kōmmane.
- [20] A eḷaññe ij kōmman men eo I jab kōṇaan, ejab ña ij kōmmane, a jerowiwī eo ej jokwe ilo ña.
- [21] Innām ij lo kien, bwe nana ej pād ippa, ña I kōṇaan kōmman emman.
- [22] Bwe ij lañlōñ ilo kien Anij ekkar ñan armej eo ilowan:
- [23] A ij lo bar juon kien ilo raaō, ej tariṇaeik kien aō ʎoḷātāt, im kajipokweik eō ñan kien jerowiwī eo ej pād ilo raaō.
- [24] O ña armej eñtaan! Wōn enaaj kōtḷok eō jān ānbwinnen mej in?
- [25] Ij kamṇoolol Anij kōn Jijej Kūraiḷ ad Irooj. Innām ña ilo ʎoḷātāt ij jermal ñan kien Anij; a ilo kanniōk ñan kien jerowiwī.

JEPTA 8

[Ro 8.1] Innām kiiō ejjeḷok liaakḷok ñan ro rej pād ilo Kūraiḷ Jijej.

- [2] Bwe kien Jetōb an mour ilo Kūraiḷ Jijej ear kōtḷok eō jān kien jerowiwī im mej.
- [3] Bwe men eo kien e jab maroñ in kōmmane, bwe e mōjṇo kōn kanniōk, Anij, ke E ar jilkintok Nejin ilo wāween kanniōk e jerowiwī im kōn jerowiwī, E ar liaakḷok jerowiwī ilo kanniōk:
- [4] Bwe naan ko ilo kien ren jejjet ilo kōj eo je jab etetal ekkar ñan kanniōk, a ekkar ñan Jetōb.
- [5] Bwe ro rej ekkar ñan kanniōk rej ʎōmṇak men ko an kanniōk; a ro rej ekkar ñan Jetōb men ko an Jetōb.
- [6] Bwe ʎōmṇak an kanniōk mej; a ʎōmṇak an Jetōb mour im aenōmman:
- [7] Bwe ʎōmṇak an kanniōk ej kōjdate Anij; bwe ejab pokake kien Anij, im ejab maroñ kake.
- [8] Im ro rej pād ilo kanniōk re jab maroñ in kabuñbūruōn Anij.
- [9] A kom jab ilo kanniōk, a ilo Jetōb, eḷaññe emool Jetōb an Anij ej jokwe ilo kom. A eḷaññe Jetōb an Kūraiḷ e jab ippān jabdewōt armej, e in e jab doon.
- [10] Im eḷaññe Kūraiḷ ej pād ilo kom, ānbwinnimi e mej jān jerowiwī; a ami ej mour ñan wānōk.
- [11] Im eḷaññe Jetōb an Eo ear kejerkakpeje Jijej jān ro re mej, Ej jokwe ilo kom, Eo e ar kejerkakpeje Kūraiḷ Jijej jān ro re mej E naaj bar āinwōt kemour ami ānbwinnen mej kōn Jetōb eo An Ej jokwe ilo kom.
- [12] Innām, ro jeiō im jatiō, kōj ri mūri, jab ñan kanniōk, bwe jān mour ekkar ñan kanniōk:

- [13] Bwe eļañņe komij mour ekkar ñan kanniök kom naaj mej; a eļañņe kom kajeekļok jermal ko an ānbwinnimi kōn Jetōb, kom naaj mour.
- [14] Bwe ro otemjej Jetōb an Anij ej tōl er, er ro nejin Anij.
- [15] Bwe kom ar jab bōk jetōb in kamakoko ñan lōļņoņ; a kom ar bōk Jetōb in kanilujen, ilo Eo jej kūr, "Abba, jema!"
- [16] Jetōb ej make kōnnaan ñan ad bwe kōj ro Nejin Anij.
- [17] Im eļañņe ro nejin, innām ri jolōt; ri jolōt an Anij, im ri jolōt ippān Kūrai; eļañņe jej eņtaan ippān, bwe jān bar āinwōt aiboojoj ippān.
- [18] Bwe ij watōk eņtaan ko ilo iien in jekdoņon ñe keidi ippān aiboojoj eo enaaj waļok ñan kōj.
- [19] Bwe kōļjake eļap an men in kōmņman ej kattar kwaļok ro nejin Anij.
- [20] Bwe eņōj kōttāik men in kōmņman ñan jekdoņon, jab ilo an pepe, a kōn Eo ej kōttāik e, ilo kōjatdikdik.
- [21] Bwe bar āinwōt men in kōmņman enaaj mejaļ jān kamakoko an wabanban, ñan ilowan anemkwōjan in aiboojoj an ro nejin Anij.
- [22] Bwe jej jeļā bwe aolepen men in kōmņman e mat im iñņūr, im mat im eņtaan ñan iien iņ.
- [23] A jab e wōt, a kōj bar āinwōt jomōkaj in leen Jetōb ipped, aet, kōj jej iñņūr ilo ad, im kattar kanilujen eo, eņin pinmuur ñan ānbwinned.
- [24] Bwe eņōj ļomņoren kōj ilo kōjatdikdik: a kōjatdikdik eo jej loe e jab kōjatdikdik: bwe wōn ej kōjatdikdik e kōn men eo ej lo wōt?
- [25] A eļañņe jej kōjatdikdik kōj kōn men eo jej jab loe, innām jej kijenmej im kattar e.
- [26] Im āindein bar āinwōt Jetōb ej jipaņ ad mōjņo: bwe je jaje ekōjkan eņņan jān jar; a Jetōb ej akweļap kōn kōj ilo iñņūr ko, je ban kōnono kaki.
- [27] Im Eo ej pukot bōro ko E jeļā ļomņak an Jetōb, bwe Ej akweļap kōn ro reņņan ekkar ñan ankilaan Anij.
- [28] Im jej jeļā bwe men otemjej rej jimor jerbale eņņan ñan ro rej iņkwe Anij, ñan ro E ar kūr er ekkar ñan An pepe.
- [29] Bwe ro E ar jeļā er mōkta, bar āinwōt E ar likūt er mōkta bwe ren āinļok wōt wāween Nejin, bwe En maanje ian elōņ ro jaten.
- [30] Im ro eņōj An likūt er mōkta E ar bar āinwōt kūr er: im ro E ar kūr er, E ar bar āinwōt kōwānōk er: im ro E ar kōwānōk er, E ar bar āinwōt kaiboojoj er.
- [31] Innām ta jenaaj ba ñan men kein? Eļañņe Anij Ej pād ipped, wōn ej jumae kōj?
- [32] Eo ear jab dāpij Nejin wōt jān eņtaan, a E ar ketak E kōn kōj otemjej, ekōjkan, E jāmin bar āinwōt wūjleptok men otemjej ippān ñan kōj ke?
- [33] Wōn enaaj kinaakļok ro Anij ear kāālōt er? Anij en Ej kōwānōk er.
- [34] Wōn eo ej liaakļok? Kūrai; Jijej Eo Ear mej, aet, eņņanļok ba, Eo e ar jerkakpeje jān ro re mej, im Eo ej pād i anbwijmaroņan Anij, im Eo ej bar āinwōt akweļap kōn kōj.
- [35] Wōn enaaj kōjepel kōj jān iņkwe an Kūrai; Enaaj jorrāān ke, ak eņtaan, ak matōrtōr, ak ñūta, ak keelwaan, ak uwōta, ak jāje?

- [36] Āinwōt emōj jeje, Kōn Kwe rej man kōm raan iio; raar watōk kōm āinwōt jiiip ñan mej.
- [37] Jab, ilo men kein otemjej eļap ad anjo kōn Eo e ar iokwe kōj.
- [38] Bwe Ij ļōmņak e jab mej ak mour, e jab enjeļ raan ak jetōb ro, e jab men ko kiiō ak men ko re naaj itok, e jab kajoor ko,
- [39] Ejab utiej ak imlaļ, ak jabdewōt bar juon men in kōmņan, enaaj maroñ in kōjepel kōj jān iokwe an Anij, eo ilo Kūraiļ Jijeļ ad Irooj.

JEPTA 9

- [Ro 9.1] Ij kōnono mool ilo Kūraiļ, ij jab riab, aō bōklōkōt ej bar āinwōt ri kōnnaan ippa ilo Jetōb Kwōjarjar.
- [2] Bwe eļap aō būromōj im ejab jokwōd metak ilo būruō.
- [3] Bwe ij maroñ in kōņaan bwe ña in jako jān Kūraiļ kōn ro jeiō im jatiō, ro bwijiō kōn kanniōk:
- [4] Ro ri Israel; aer kanilujen eo, im aiboojoj, im bujen ko, im letok kien, im jermal in kabuñ, im kallimur ko;
- [5] Ro jimņam jimņauer, im jān er Kūraiļ ekkar ñan kanniōk, Eo ej ioon otemjej, Anij emōņōņō indeeo. Amen.
- [6] Ijoke ejab āinwōt bwe naan in Anij ejeļok tokjān. Bwe re jab otemjej jān Israel, ro ri Israel:
- [7] Im kōn aer ineen Ebrean, re jab otemjej nejin: a Ilo Aisak ro iniom renaaj ñaetaer.
- [8] Āinwōt men in, Ro nejin kanniōk wōt, re jab nejin Anij; a ro nejin kallimur naaj watōk er ineen.
- [9] Bwe eñin naan in kallimur, Ilo iien in Inaaj itok, im Sera enaaj neje emņaan.
- [10] Im jab eñin wōt; a bar āinwōt ke Rebeka ear bōrōro kōn juon, e jimņad Aisak.
- [11] Bwe moкта jān aer ļotak, ak kōmņan jabdewōt emņan ak nana, bwe pepe an Anij ekkar ñan kālōt en pād, jab kōn jermal ko, a kōn Eo ej kūr.
- [12] Ar ba ñan e, Eļap enaaj jermal ñan eo edik.
- [13] Āinwōt emōj je, I ar iokwe Jekōb, a Iso I ar dike.
- [14] Innām ta jenaaj ba? Ewor jab wānōk ippān Anij ke? En jab eñin.
- [15] Bwe Ej ba ñan Moses, I naaj tūriamo kake eo Ij tūriamo kake, im I naaj keni eo Ij keni.
- [16] A ejab an eo ekōņaan, ak eo ej ettōr, a an Anij eo ej tūriamo kake.
- [17] Bwe Jeje eo ej ba ñan Pero, Aet, kōn men in I ar kautiej eok, bwe In kwaļok Aō kajoor ilo kwe, im bwe Eta en buñbuñ i aolepen laļ.
- [18] Innām Ej tūriamo kake eo E kōņaan, a eo E kōņaan Ej kapen e.
- [19] Innām, kwōnaaj ba ñan eō, Etke Ej wanōketak? Bwe wōn eo ej jumae ankilaan?
- [20] Jab, O armej, a wōn kwe kwōj uwaak jumae Anij? Ta, men in kōmņan en ba ke ñan eo ear kōmņan e, Etke kwaar kōmņan eō im āinwōt?
- [21] Ta, ri potter ejab maroñ ke ioon kle, bwe en kōmņan jān juon wōt iiōkin, juon jāpe ñan aiboojoj, im juon ñan waan?

- [22] Ekōjkan eļāñne Anij, ke E kōņaan kwaļok An illu, im kaalikkar An kajoor, E ar kijenmej ilo eļap meanwōd kōn jāpe ko an illu re pojak ñan kōkkure.
- [23] Im bwe En kaalikkar mweien An aiboojoj ilo jāpe ko an tūriamo, ko E kar kapojak er mōkta ñan aiboojoj.
- [24] Aet, kōj eo Ear bar āinwōt kūr kōj, jab jān ri Ju wōt, a bar āinwōt jān ri aelōñ ko.
- [25] Im āinwōt An ba ilo Hosia, I naaj ņaetaer ro rejab doō, doō; im lio ejab jitōnbōro, jitōnbōro.
- [26] Im ilo jikin eo emōj ba ñan er, Kom jab ro doō; ijo renaaj ba, er ro nejin Anij emour.
- [27] Im Aiseia ej lamōj kōn Israel, Eļāñne oran ro nejin Israel āinwōt bok iturin lojet, mōttaer renaaj mour.
- [28] Bwe Irooj enaaj kōmman An in naan ioon laļ, E naaj kajemļok e im kakaduļok e ilo wānōk.
- [29] Im āinwōt Aiseia ear ba mōkta, Eļāñne Irooj in Jabōt ear jab likūt ine ñan kōj, je naaj kar āinwōt Sodōm, kar laamwōt Gomorra.
- [30] Innām ta jenaaj ba? Bwe ri aelōñ ko, ro raar jab ļoor wānōk, raar jibadek wānōk, aet, wānōk jān tōmak.
- [31] A Israel, ke ej ļoor kien wānōk, ear jab tōprak kien eo.
- [32] Etke? Bwe raar jab pukot e kōn tōmak, a āinwōt kōn jermal ko. Bwe raar itaak ilo ļōkatip eo;
- [33] Āinwōt emōj je, Lo, Ij likūt ilo Zaiōn juon ļōkatip dekā, im ejmaan in buñ: im eo ej lōke E ejāmin jook.

JEPTA 10

- [Ro 10.1] Ro jeiō im jatiō, kōņaan ilo būruō, im aō jar ñan Anij kōn er bwe ren mour.
- [2] Bwe ij kōnnaan kōn er, bwe ewor kijejeto ñan Anij ippaer, a e jab ekkar ñan jeļā.
- [3] Bwe kōn aer jaje wānōk an Anij, im pukot bwe ren kapen aer make wānōk, raar jab kōttāik er ñan wānōk an Anij.
- [4] Bwe Kūraij e jemļokein kien ñan wānōk ippān ro otemjej rej tōmak.
- [5] Bwe Moses ej jeje kōn wānōk eo jān kien, im ba, Armej eo ej kōmmane enaaj mour kake.
- [6] A wānōk eo jān tōmak ej kōnono āinwōt in, Kwōn jab ba ilo būruōm, Wōn enaaj wanlōñļok ñan lañ (āinwōt bwe en āñinlaļtok Kūraij)
- [7] Ak wōn enaaj wanlaļļok ilowan abys eo? (āinwōt bwe en āñinlōñtok Kūraij jān ro remej)
- [8] A ta ej ba? Naan eo ej epaake eok, ilo loñim, im ilo būruōm: eñin naan in tōmak, eo kōmij kwaļoke.
- [9] Bwe eļāñne kwōnaaj kwaļok Irooj Jijej ilo loñōm im tōmak ilo būruōm bwe Anij e ar kakerkakpeje E jān ro re mej, kwōnaaj mour.
- [10] Bwe armej kōn būruen ej tōmak ñan wānōk; im kōn loñin ej kwaļok ñan mour.
- [11] Bwe Jeje eo ej ba, Jabdewōt eo ej lōke E e jāmin jook.

- [12] Bwe ejjelok ikōtaan ri Ju im ri Grik: bwe juon wōt Irooj ioon otemjej, im E mweiee ñan ro otemjej rej kūr ñan E.
- [13] Bwe ro otemjej rej kūr etan Irooj renaaj mour.
- [14] Innām ekōjkan aer naaj kūr ñan Eo raar jab lōke E? im ekōjkan aer naaj lōke Eo raar jab roñ kōn E? im ekōjkan aer naaj roñ ñe ejjelok ri kwaļok?
- [15] Im ekōjkan aer naaj kwaļok eļañne jab jilkinļok er? āinwōt emōj je, Enañin wūlio neen ro rej bōktok Gospel in men ko remman!
- [16] A er otemjej raar jab eoroñ naan ko remman. Bwe Aiseia ej ba, Irooj, wōn e ar tōmak am kōnnaan?
- [17] Innām tōmak kōn roñjake, im roñjake kōn naan in Kūraij.
- [18] A ij ba, Raar jab roñ ke? Aet, emool, Ainikier ej ilok ñan aolepen laļ, im naan ko aer ñan ijo ko jemļokein laļ.
- [19] A ij ba, Israel ejab jelā ke? Mōkta Moses ej ba, I naaj kōkātōk kom kōn ro ejjelok aer aelōñ, im kōn aelōñ an ro ri bwebwe I naaj kaillu kom.
- [20] Aiseia, eļap an peran im ba, Ro raar jab pukot Eō, raar lo Eō; I ar weaakļok ñan ro raar jab kajjitōk ippa.
- [21] A ñan Israel ej ba, Iuṃwin aolepen raan I ar erļoke peiō ñan armej re kipilia im rej kajjirere.

JEPTA 11

- [Ro 11.1] Innām ij ba, Anij E ar joļok ro doon ke? En jab eñin. Bwe ña bar āinwōt ri Israel, jān ineen Ebrean, bwijjin Benjamin.
- [2] Anij E ar jab joļok ro doon, ro E ar jelā er mōkta. Ak kom jab jelā ke ta an Jeje ko ba kōn Ilaija? Ekōjkan ej akweļap ñan Anij ñae Israel, im ba,
- [3] Irooj, raar maṃ ri kaanan ro Am, raar kūbwijlaļok lokatok ko Am; im ña wōt ij make pād, im rej pukot aō mej.
- [4] A ta uwaak an Anij e ba ñan e? I ar likūti ñan Eō jiljilimjuon toujin armej, ro raar jab bukweļōlō ñan Baal.
- [5] Innām bar āinwōt ilo iien iṃ ewor mōttaer rej pād ekkar ñan kāālōt an jouj.
- [6] A eļañne kōn jouj, innām ejab jān jerbal ko: eļañne jab āinwōt, jouj e jāmin jouj tokālik.
- [7] Innām ta? Israel ear jab tōpare men eo ej pukot e; a ro kāālōt er raar tōpare, im ro jet raar penļok.
- [8] Āinwōt emōj je, Anij Ear leļok ñan er jetōb in mejki, mejeir bwe ren jab lo, im lojilñier bwe ren jab roñ, ñan rainin.
- [9] Im Devid e ba, Aer tebōļ en erom aluk, im jān, im ļokatip im ṃa oṃān ñan er.
- [10] Mejeir ren marok bwe ren jab lo, im ren kūmlklik indeeo.
- [11] Innām Ij ba, raar tipñōl bwe ren buñ ke? En jab eñin: a kōn aer bōd, loṃṃor ej itok ñan ri aelōñ ko; bwe en kōkātōk er.
- [12] Kiiō eļañne aer buñ e mweiuik an laļ, im aer ettā mweiuik an ri aelōñ ko; e jāmin ļap ke aer obrak?

- [13] A ij kōnono ñan kom ri aelōñ. Innām bwe ña ri jelōk ñan ri aelōñ ko, Ij kaiboojoj jermal eo aō:
- [14] Eļañne kōn jabdewōt in kōkātōk ro kanniōkiō, im lōmōoren jet iaer.
- [15] Bwe eļañne aer jako kein kalaajrak laļ, enaaj āinwōt ta bar bōk er, eļañne e jab mour jān ro re mej?
- [16] Bwe eļañne joṃōkaj ekwōjarjar, aolep bar āinwōt: im eļañne okran e kwōjarjar, ra ko bar āinwōt.
- [17] A eļañne jet iaan ra ko re bwilōk, im kwe, wōjke oliv e awiia, eṃōj graft eok eoļōper, im kwaar bōk mōttan ippaer jān okran, im men in kaeo an wōjke oliv;
- [18] Kwōn jab kōmmejāje ioon ra ko. A eļañne kwōj kōmmejāje, kwōjab dāpij okran, a okran kwe.
- [19] Innām kwōnaaj ba, Ra ko re bwilōk bwe ren graft eō kaki.
- [20] Ekwe, raar bwilōk kōn aer jab tōmak, im kwōj jutak kōn aṃ tōmak. Kwōn jab kautiej būruōṃ, a kwōn mijak.
- [21] Bwe eļañne Anij Ear jab kānļok ra ko kōn biktokeir, E jāmin kānļok eok.
- [22] Innām kwōn lale mōk jouj im pen an Anij: ñan ro raar buñ, pen; a ñan eok, jouj an Anij, eļañne kwōj pād wōt ilo An jouj: eļañne jab, naaj bar āinwōt bukeļok eok.
- [23] Im er bar āinwōt, eļañne re jab pād ilo aer jab tōmak, enaaj graft er: bwe Anij ej maroñ bar graft er.
- [24] Bwe eļañne eṃōj bukwe eok jān wōjke oliv e awiia ijo biktoken, im eṃōj graft eok ilo wōjke oliv eṃṃan, kar jab biktoken; ekōjkan an ļapļok An graft er, ra ko kōn biktokeir, ilo wōjke oliv eo aer?
- [25] Bwe, ro jeiō im jatiō, I jab kōṃaan bwe koṃwin jaje men ettino iṃ, ñe ab koṃwin mālōtlōt ilo aṃi make ļōmṃak, bwe pen awiia ej waļok ilo jimattan ñan ri Israel ṃae iien obrak an ri aelōñ enaaj deļōñtok:
- [26] Im āindein naaj lōmōoren Israel otemjej: āinwōt eṃōj je, Ri Lōmōor enaaj itok jān Zaiōn, im Enaaj kajeor jerōwiwi jān Jekōb.
- [27] Bwe eñin Aō kallimur ñan er, ñe I naaj bōkļok jerōwiwi ko aer.
- [28] Aet, kōn Gospel rej ri kōjdat kōn kom; a ekkar ñan kāālōt rej ri jitōnbōro kōn ro jimṃaer.
- [29] Bwe men in leļok ko im kūr an Anij rejab ukukōt.
- [30] Bwe āinwōt iien ko ṃokta kom ar kipiliia ñan Anij, a kiiō kom ar bōk tūriaṃo kake kōn aer kipiliie.
- [31] Āindein er bar āinwōt raar kipiliia, bwe ilo An tūriaṃo kake kom, er bar āinwōt ren bōk tūriaṃo kake.
- [32] Bwe Anij ear kiil er otemjej ilo kipiliia, bwe En tūriaṃo kake er otemjeļok.
- [33] O imlaļ in ṃweiiien mālōtlōt im jeļā an Anij! ekajet ko An re nañin ellāļok jān pukot! im ial ko An je jab maroñ anōkiļok.
- [34] Bwe wōn ear jeļā ļōmṃak an Irooj? ak wōn ear ri pepe ippān?
- [35] Ak wōn ear leļok ñan E ṃokta, im bar bōk oṃñan jān E?
- [36] Bwe jān E, im kōn E, im ñan E, men otemjeļok. Ñan E aiboojoj indeeo. Amen.

JEPTA 12

- [Ro 12.1] Innām ij akweļap ñan koṃ, ro jeiō im jatiō, kōn tūriamokake ko an Anij, bwe koṃwin leļok ānbwinnimi men in joortak emour, e kwōjarjar, men in kabuñbūruen Anij, eñin ami jermal men in Jetōb.
- [2] Im koṃwin jab ilo wāween ri laļ in, a koṃwin kōjakkōlkōl kom ilo kōkāāle aṃi ļoļātāt, bwe koṃwin mālejoñ ta ankilaan Anij eṃṃan im kabuñbūruōn im weepṃān.
- [3] Bwe kōn jouj eo ar letok ñan eō, ij ba ñan jabdewōt armej iaami, bwe en jab ļōmṃak kōn e make; a bwe en ļōmṃak ekkar ñan jeļāļokjeṃ, āinwōt Anij e ar ajej ñan jabdewōt armej joñan tōmak.
- [4] Bwe āinwōt elōñ ra ippaer ilo juon ānbwin, im ra ko otemjej e jab juon wōt an jermal.
- [5] Bar āinwōt kōj, je lōñ, jej juon ānbwin ilo Kūrai, im kōj otemjej raan doon.
- [6] Innām, bwe ewor men in letok ipped, im rej āinjuon jān doon ekkar ñan jouj eo eṃōj letok ñan kōj; eļāññe rūkaanij, jān rūkaanij ekkar ñan joñan tōmak.
- [7] Ak jermal, jān pād ilo jermal eo; ak eo ej ri kaki, en pād ilo an ri kaki;
- [8] Ak eo ej kauwe, ilo an kauwe: eo ej leļok, en deepļok kake; eo ej irooj, ilo niknik; eo ej kōṃṃan tūriamo, ilo ṃōṃōṃō.
- [9] Iokwe en jab ankil riab. Koṃwin jōjōik men eo enana; koṃwin eddāp ñan men eo eṃṃan.
- [10] Kōn iokwe jemjein jemjatin, koṃwin menoan doon; kōn kōnimarmej, koṃwin kautiej doon.
- [11] Kōn kijejeto, koṃwin jab jowan; koṃwin baplaļin ilo aṃi; koṃwin jermal ñan Irooj;
- [12] Koṃwin lañlōñ ilo kōjatdikdik; ilo eñtaan, koṃwin kijenmej; koṃwin niknik ilo jar;
- [13] Koṃwin leļok ñan ro reṃṃan men ko rej aiku, kaki; koṃwin ļoorļok kajijetarmej.
- [14] Koṃwin jar kōn ro rej matōrtōr kom; koṃwin jar im jab kanejnej.
- [15] Koṃwin lañlōñ ippān ro rej lañlōñ, im jañ ippān ro rej jañ.
- [16] En ami ļōmṃak wōt juon ñan doon. Koṃwin jab ļōmṃak kōn men ko re utiej, a koṃwin kōttāik kom ñan men ko rettā. Koṃwin jab māļōtlōt ilo aṃi make ļōmṃak.
- [17] Koṃwin jab bar leļok ñan jabdewōt armej nana kōn nana. Koṃwin ļōmṃak kōn men ko re ṃṃan iṃaan mejan armej otemjej.
- [18] Eļāññe e maroñe, āinwōt ej pād ippaṃi, koṃwin aenōṃṃan ippān armej otemjej.
- [19] Kom jitōnbōro, koṃwin jab iden-oṃe kōn kom, a leļok jikin ñan illu eo: bwe eṃōj je, Kuṃaō iden-oṃe, I naaj ṃaṃeṃ, Irooj ej ba.
- [20] A eļāññe eo ej kōjdate eok e kwōle, kwōn naajdik e; eļāññe e maro, kwōn kaidaak e: bwe kōn aṃ kōṃṃan men in kwōnaaj ejouji mālle kijeek ṃa ion bōran.
- [21] Nana en jab anjo jān eok, a kwōn anjo jān nana kōn eṃṃan.

JEPTA 13

- [Ro 13.1] Armej otemjej ren kipiliie ñan ro re utiej jãn er: bwe ejjeļok e utiej a jãn Anij wõt; im ro rej pãd Anij E ar likūt er.
- [2] Āindein eo ej juṃae eo e utiej ej juṃae men in kaiñi an Anij: im ro rej juṃae renaaj bōk liaakļok ñan er.
- [3] Bwe irooj raṅ re jab kamijak kōn jermal eo eṃṃan, a kōn eo enana. Innām kwō jab kōṅnaan mijak eo e utiej ke? Kwōn kōṃṃan men eo eṃṃan im kwōnaaj bōk nōbar jãn e.
- [4] Bwe e ri korijeran Anij ippaṃ ñan eṃṃan. A eļañne kwōj kōṃṃan men eo enana, kwōn mijak; bwe ejab jettokjan an bōk jāje: bwe e ri korijeran Anij, ri iden-oṅe ñan illu ippān eo ej kōṃṃan nana.
- [5] Innām koṃwin kipiliie jab kōn illu eo wõt, a bar āinwõt kōn bōklōkōt.
- [6] Bwe kōn men iṅ komij bar āinwõt owōj; bwe er ri jermal an Anij, im rej lale men in iien otemjej.
- [7] Koṃwin leļok ñan ro otemjej men ko rekkar ñan er, owōj ñan eo en bōk owōj, kwōjkwōj ñan eo kwōjkwōj ekkar, mijak ñan eo mijak ekkar, kōnimarmej ñan eo kōnimarmej ekkar.
- [8] Koṃwin jab muri ñan jabdewõt armej kōn jabdewõt, a kōn iokwe doon; bwe eo ej iokwe ri turin ear kajejjet kien.
- [9] Bwe eñin, Kwōn jab ļōñ, Kwōn jab uror, Kwōn jab koṅot, Kwōn jab ankoṅak im eļañne jabdewõt bar juon kien, ej kejił ilo naan iṅ, Kwōn iokwe ri turōṃ im āinwõt kwe.
- [10] Iokwe e jab jerbale nana ñan ri turin: innām iokwe e men in kajejjet kien.
- [11] Im men iṅ, ke jej jeļā iien, bwe awa in ruj jãn kiki e moottok: bwe ad mour epaake kiiō jãn ke jaar tōmak ṃokta.
- [12] Boñ enañin mootļok, raan epaaktok: innām jãn wõtļok jermal in marok, im kōṅak kein tariṅae im meram.
- [13] Jãn etetal ejiṃwe āinwõt ilo raan, jab ilo airuwaro im kadek, jab ilo ļōñ im mejkaiie, jab ilo akwāal im juonṃade.
- [14] A koṃwin kōṅak Irooj Jijej Kūraij im jab kapojak kōn kanniōk, ñan jujurmelea ko an.

JEPTA 14

- [Ro 14.1] Eo e ṃōjṅo ilo tōmak koṃwin bōk e, jab kōn ekajet kajjitōk ko re pere.
- [2] Bwe juon ej tōmak en ṃōñā men otemjej: a eo e ṃōjṅo ej ṃōñā kan in āne wõt.
- [3] Eo ej ṃōñā en jab kajekdoṅon eo ejab ṃōñā; im eo ejab ṃōñā en jab ekajet eo ej ṃōñā, bwe Anij E ar bōk e.
- [4] Wōn kwe eo kwōj ekajet karijeran bar juon? ippān irooj eo an ej jutak ak buñ. A naaj kajutak e, bwe Irooj en E maroñ in kajutak e.
- [5] Juon armej ej kaorōk juon raan jãn bar juon raan: bar juon ej kaorōk raan otemjej āinwõt juon. Jabdewõt armej en kanooj reel būruen.

- [6] Eo ej lale raan eo, ej lale ñan Irooj; im eo ej mōñã ej mōñã ñan Irooj bwe ej kam̄moolol Anij; im eo ejab mōñã ñan Irooj ejab mōñã, im ej kam̄moolol Anij.
- [7] Bwe ejjelok iad ej mour ñan e make, im ejjelok en ej mej ñan e make.
- [8] Bwe eļañne jej mour, jej mour ñan Irooj; ak eļañne je mej, ñan Irooj jej mej: innām eļañne jej mour ak mej, kōj doon Irooj.
- [9] Bwe ñan men in Kūraij ear mej im bar mour, bwe En Irooj ioon ro re mej kab ro re mour.
- [10] A kwe, etke kwōj ekajet jiom̄ im jatiōm̄? im kwe etke kwōj kajekdoon jiom̄ im jatiōm̄? bwe kōj otemjej jenaaj jutak imaan tūroon in ekajet an Anij.
- [11] Bwe emōj jeje, Āinwōt Ij mour, Irooj ej ba, bukwe otemjej renaaj bukwełōlō ñan Eō, im lo otemjej renaaj kwaļok ñan Anij.
- [12] Innām jabdewōt iad enaaj leļok naan kōn e make ñan Anij.
- [13] Innām jān jab bar ekajet doon, a em̄manļok koṃwin ekajet men in, bwe ejjelok armej en likūt ļatipñōl ak ļōkatip ilo ial an eo jein im jaten.
- [14] I jeļã, im emōj kareel eō ilo Irooj Jijej, bwe ejjelok men e make jab erre: a ñan eo ej ļōmṃak jabdewōt men eo e jab erre, e jab erre ñan e.
- [15] Bwe eļañne kōn kijōm̄, jiom̄ im jatiōm̄ e būromōj, kwōjab etetal kiiō kōn iokwe. Kwōn jab kōkkure kōn kijōm̄ eo Kūraij E ar mej kōn e.
- [16] Innām ren jab kōnono nana kōn ami em̄man:
- [17] Bwe aelōñ in Anij ejab mōñã im idaak; a wānōk im aenōm̄man, im lañlōñ ilo Jetōb Kwōjarjar.
- [18] Bwe eo ej jermal ñan Kūraij ilo men kein, ej kabuñbūruen Anij, im lejokmen ippān armej.
- [19] Innām jān ļoor men in aenōm̄man ko, im men ko je maroñ in kalōk doon kaki.
- [20] Kōn mōñã koṃwin jab kōkkure jermal an Anij. Men ko otemjej rerreo, a e nana ippān armej eo ej mōñã kōn ļatipñōl.
- [21] Em̄man jab mōñã kanniōk, ak idaak wain, ak kōm̄man jabdewōt eo jiom̄ im jatiōm̄ ej tipñōl kake.
- [22] Tōmak eo aṃ en aṃ make imaan mejan Anij. E mōṃōṃō eo ejab make liaakļok e ilo men eo ej kamālim.
- [23] A eo ej pere ewor ruōn eļañne ej mōñã, bwe e jab jān tōmak: bwe jabdewōt men eo e jab jān tōmak e jerowiwī.

JEPTA 15

- [Ro 15.1] Innām em̄man bwe kōj je kajoor jān bōk mōjṃo ko an ro rejab kajoor, im jab make kabuñbūrued.
- [2] Kōj otemjej jān kabuñbūruōn doon ilo em̄man, ñan kalōk er.
- [3] Bwe Kūraij bar āinwōt Ear jab make kabuñbūruōn: a āinwōt emōj je, Kajjirere ko an ro raar kajjirere kake Eok, raar buñut Eō.
- [4] Bwe jabdewōt men ko ar jeje mōkta, ar jeje kein katakin kōj, bwe kōj kōn kijenmej, im kōn aenōm̄man jān Jeje ko, en wor ad kōjatdikdik.

- [5] Kiiō Anij in kijenmej im aenōmman En lewōj bwe en būruōmi wōt juon ñan doon ekkar ñan Kūraij Jijej:
- [6] Bwe kōn juon wōt loñōmi komwin jimor kaiboojoj Anij, eo Jeman ad Irooj Jijej Kūraij.
- [7] Kōn men in komwin bōk doon, ānwōt Kūraij Ear bōk kom ñan aiboojoj an Anij.
- [8] Bwe ij ba, Emōj kōmman Kūraij ri jermal ñan ri mwijmwij kōn mool an Anij, bwe En kapen kallimur ko ar leļok ñan ri jimmaer.
- [9] Im bwe ro ri aelōñ ko ren kaiboojoj Anij kōn An jouj; āinwōt emōj je, Kōn men in Inaaj wūjtake Eok eoļopen ri aelōñ ko, im al ñan etaṃ.
- [10] Im, Ej bar ba, Komwin lañlōñ, kom ri aelōñ ko, ippān ro doon.
- [11] Im bar juon, Komwin wūjtake Irooj, kom otemjej ri aelōñ; im komwin nōbar E armej otemjej.
- [12] Im bar juon, Aiseia e ba, Enaaj wor okran Jesse, im Eo ej juten Irooj ioon ri aelōñ ko; im ri aelōñ renaaj kōjatdikdik er kōn E.
- [13] Im Anij in kōjatdikdik En kobrak kom kōn lañlōñ otemjej im aenōmman ilo tōmak, bwe en ke aṃi kōjatdikdik ilo kajoor an Jetōb Kwōjarjar
- [14] A ña ij make reel kōn kom, ro jeiō im jatiō, bwe komej make obrak kōn emman, obrak kōn jeļā otemjej, im bar āinwōt kom maroñ in kauweik doon.
- [15] A ij jeje naan kein kōn eļap peran, ro jeiō im jatiō, ilo jimattan, bwe in kakeememey kom, kōn jouj eo Anij Ear letok ñan eō,
- [16] Bwe ña in ri jermal an Kūraij Jijej ñan ri aelōñ ko, ke ij jermal ilo Gospel an Anij, bwe joortak kōn ro ri aelōñ ko en men in kabuñbūruōn, ke e kwōjarjar ilo Jetōb Kwōjarjar.
- [17] Innām ewor kōmmejāje ippa, ilo Kūraij Jijej, kōn men ko an Anij.
- [18] Bwe I jāmin peran in kōnono kōn jabdewōt, a men ko Kūraij Ear jerbale kōn eō, bwe ri aelōñ ko ren kipiliie, kōn naan in jermal,
- [19] Ilo kajoor in kakōļe ko im men in bwilōñ ko, ilo kajoor an Jetōb Kwōjarjar; bwe jān Jerusalem im ilo peļaaakin ñan Illirikōm I ar kanooj kwaļok Gospel an Kūraij.
- [20] Aet, I ar kajjioñ bwe in kwaļok Gospel eo, jab ijo emōj kwaļok etan Kūraij ie, bwe in jab kalōk ioon jermal an bar juon armej;
- [21] A, āinwōt emōj je, Ro e jañin waļok naan kōn E ñan er, renaaj loe: im ro rejañin roñ renaaj jeļā kake.
- [22] Kōn men in bar āinwōt ar bōbrae eō elōñ alen jān aō iwōj ñan ippaṃi:
- [23] A kiiō, bwe ejjeļok bar jikiō ijokein, im elōñ iiō I ar kanooj kōṇaan iwōj ñan ippaṃi,
- [24] Ñe inaaj ilok ñan Spein (bwe ij katmāne in lo kom ñe ij ilok, im bwe komwin jipañ eō ļok ñan ijo, eļañne mokta emōj aō mōṇōṇō im pād ippaṃi)
- [25] A kiiō, ij ba, ij ilok ñan Jerusalem bwe in jermal ñan ro remman.
- [26] Bwe ri Masedonia im ri Akeia raar ļōmṇak emman bwe ren kōmman mweiiien tūriaṃo ñan ro ri jeraṃōļ jān ro remman i Jerusalem.
- [27] Raar ļōmṇak emman, im er ri muri ñan er. Bwe eļañne ro ri aelōñ rej bōk mōttan aer men in Jetōb, ekkar bwe ren jermal ñan er ilo men in kanniōk.

- [28] Innām ñe emōj aō kōmman jermal in, im kamool ñan er leen in, I naaj jeplaakwōj ñan kom im ilok ñan Spein,
- [29] Im I jeļã bwe ñe ij iwōj ñan ippami, I naaj iwōj ilo obrak in jeraamman an Kūraij.
- [30] Kiiō ij akweļap ñan kom, ro jeiō im jatiō, kōn ad Irooj Jijej Kūraij, im kōn iokwe an Jetōb, bwe komwin jimor kate kom ippa ilo jar ñan Anij kōn ña.
- [31] Bwe En kōjparok eō jān ro rejab tōmak i Judia; im bwe aō jermal eo ñan Jerusalem, en kabuñbūruōn ro remman.
- [32] Bwe in iwōj ñan kom ilo lañlōñ kōn ankilaan Anij, im bwe in kakkije ippami.
- [33] Kiiō Anij in aenōmman En pād ippami otemjej. Amen.

JEPTA 16

- [Ro 16.1] Ij kwaļok im nōbar ñan kom Pibe, jatim kōrã, eo tikōn ilo eklejia i Senkria.
- [2] Bwe komwin bōk e ilo Irooj, ãinwōt ekkar ippān ro remman, im bwe komwin jipañ e ilo jabdewōt eo ej aikuj jān kom: bwe e ar ri jipañ elōñ, im bar ãinwōt eō.
- [3] Komwin iokioke Priska im Akula, ro ri jermal ippa ilo Kūraij Jijej,
- [4] Ro raar janilik kōn kōnwaer bwe in mour wōt; ejab ña wōt ij kamoolol er, a bar ãinwōt eklejia otemjej an ri aelōñ ko.
- [5] Bar ãinwōt, iokioke eklejia eo ilo imweir. Komwin iokioke Epenitōj e jitōnbōro ippa, eo leen jomōkaj in Esia ñan Kūraij.
- [6] Iokioke Meri, eo eļap an kar jermal ñan kom.
- [7] Iokioke Andronaikōj im Juniaj, ro nukū, im ri prisōn ippa, im lejokmen ippān ro ri jelōk, im bar ãinwōt raar pād ilo Kūraij mokta jān eō.
- [8] Iokioke Amplietōs, jitōnbōro ippa ilo Irooj.
- [9] Iokioke Orbenōs, ri jermal ippāmim ilo Kūraij, im Stekis jitōnbōro ippa.
- [10] Iokioke Apollōs, eo lejokmen ippān Kūraij. Iokioke ro nukwin Aristobulōj.
- [11] Iokioke Herodion, juon nukū. Iokioke ro ilo nukwin Narsissōs, ro ilo Irooj.
- [12] Iokioke Traipina im Traiposa, ro rej jermal ilo Irooj. Iokioke Persis e jitōnbōro, eo eļap an jermal ilo Irooj.
- [13] Iokioke Rupōj eo e, Irooj, ar kãālōt, kab jinen, aet jinimro.
- [14] Iokioke Asinkritōj, Pligōn, Hermis, Patrobas, Hermaj, im ro jemjein jemjaten rej pād ippaer.
- [15] Iokioke Pilologōs, im Julia, Niriōj im lio jaten, im Olimpasi, im ro remman otemjej rej pād ippaer.
- [16] Komwin iokioke doon kōn mejenma ekwōjarjar. Eklejia otemjej an Kūraij rej iokioke kom.
- [17] Kiiō ij akweļap ñan kom, ro jeiō im jatiō, komwin kakōļle ro rej kōmman jepel ko im ļōkatip ko jumae katak eo kom ar katak ie im ilok jān er.
- [18] Bwe ro ãierwōt rejab jermal ñan ad Irooj Jijej Kūraij, a ñan lojeir; im kōn aer naan emman wāween im kōnono wājepdik, rej moņe būruen ro rej jajelokjeņ.
- [19] Bwe ami kipiliia e buñbuñtok ñan armej otemjej. Innām ij lañlōñ kōn kom, a I kōnaan komwin mālōtlōt ñan men eo emman, im bwebwe kōn nana.

- [20] Im Anij in aenōmman enaaj mōkaj in juuri Setan iomwin neemi. Jouj an ad Irooj Jijej Kūraij en pād ippami.
- [21] Timote ri jermal ippa ej iōkiōkwe kom, kab Lusiōs, im Jeson, im Sosipeter ro nukū.
- [22] Ńa Tertiōj, eo ij jeje letter in, ij iōkiōkwe kom ilo Irooj.
- [23] Geiōs, aō toene kab eo an aolepen eklejia, ej iōkiōkwe kom. Erastos, ri lale mAn i jikin kwelōk ej iōkiōkwe kom, kab Kwartos juon iaan jemjein jemjaten.
- [25] Kiiō ñan Eo ej maroñ in kapen kom ekkar ñan aō Gospel, im kwaļok naan kōn Jijej Kūraij, ekkar ñan waļok in men eo ettino e kar nojak ilo iien ko mokta.
- [26] A kiiō emōj kaalikkar e, im kōn Jeje ko an ri kanaan ekkar ñan kien Anij e indeeo, ar kōjjeļaik ri aelōñ kan otemjej, ñan pokake kōn tōmak;
- [27] Ńan Anij e wōt mālōtlōt, kōn Jijej Kūraij, ñan E aiboojoj indeeo. Amen

1 KORINT

JEPTA 1

- [1Ko 1.1] Paul, emōj kūr e bwe en ri jelōkan Jijej Kūraij kōn ankilaan Anij, im Sostenis jatiō,
- [2] Ñan eklejia an Anij, eo ej pād i Korint, ñan ro re kwōjarjar ilo Kūraij Jijej, emōj kūr er bwe ren ri man, kab ro otemjej rej jar ilo etan ad Irooj Jijej Kūraij ijo ko otemjej, aer Irooj kab ad:
- [3] Jouj ñan kom im aenōmman jān Anij Jemed im Irooj Jijej Kūraij.
- [4] Ij kam̄oolol aō Anij iien otemjej kōn kom, kōn jouj an Anij eo emōj lewōj ñan kom ilo Kūraij Jijej;
- [5] Bwe ilo men otemjej kom ar m̄weie ilo E, ilo naan otemjej, im ilo jelā otemjej;
- [6] Āinwōt emōj kapen kōnnaan kōn Kūraij ilo kom:
- [7] Āindein kom jab ettā jān ro jet ilo jabdewōt men in letok, ke komij kattar an itok ar Irooj Jijej Kūraij;
- [8] Eo e naaj kapen kom ñan jem̄lokōn, bwe en ejjelok notami ilo raan in ae Irooj Jijej Kūraij.
- [9] Anij e tiljek, Eo e ar kūr kom ñan kōm̄mao an Nejin Jijej Kūraij ad Irooj.
- [10] □A ij akweļap ñan kom, ro jatiō, kōn etan ad Irooj Jijej Kūraij, bwe komwin otemjej kōnono āinwōt juon, im bwe en ejjelok jepel ioļōpemi; a bwe komwin jimor weepan ļok ilo juon ļōm̄nak im juon pepe.
- [11] Bwe jet iaan ro nukwin Kloe raar kōnnaanōk eō kōn kom, ro jatiō, bwe ewor akwāāl ippemi.
- [12] Kiiō ij ba men in, bwe jabdewōt iaami ej ba, Ña doon Paul; im ña doon Apollōs; im ña doon Sipas; im ña doon Kūraij.
- [13] E jepel ke Kūraij? ar debwāāl Paul kōn kom ke? ak emōj peptaij kom ilo etan Paul ke?
- [14] Ij kam̄oolol Anij bwe I ar jab peptaij jabdewōt iaami, eļañne jab Krispōs im Geiōs;
- [15] Bwe ejjelok en ba ar peptaij kom ilo eta.
- [16] Im barāinwōt I ar peptaij ro nukwin Stepanas: I jaje eļañne jabdewōt bar juon I ar peptaij.
- [17] Bwe Kūraij e ar jab jilkinļok eō bwe in peptaij, a bwe in kwaļok gospel: jab ilo mālōtlōt in naan ko, ñe debwāāl an Kūraij e ab jatokjān.
- [18] Bwe naan kōn debwāāl, ñan ro rej jako, e bwebwe; a ñan kōj jej mour, e kajoor an Anij.
- [19] Bwe emōj jeje, I naaj kōkkure mālōtlōt an ro ri mālōtlōt, im I naaj kajettokjān ļoļātāt an ro ri jelāļokjeņ.
- [20] Ewi ri mālōtlōt? ewi ri jeje? ewi ri aitwerōk an laļ in? Anij e ar jab kabwebweik mālōtlōt in laļ in ke?
- [21] Bwe ke ilo mālōtlōt an Anij laļ e ar jab jelā Anij kōn mālōtlōt eo an, e buñbūruen Anij bwe En ļom̄oren ro rej tōmak kōn bwebwe in kwaļok naan.

- [22] Bwe ri Ju rej kajjitōk kakōlle ko, im ri Grik rej kapukōt mālōtlōt:
- [23] A kōm kwaļok Kūraij eo eṃōj debwāāl E, ļōkatip ñan ri Ju, im bwebwe ñan ri aelōñ ko;
- [24] A ñan ro eṃōj kūr er, ro ri Ju kab ro ri Grik, Kūraij e kajoor an Anij im mālōtlōt an Anij.
- [25] Bwe an Anij bwebwe e mālōtlōt jān armej, im an Anij ṃōjṃo e kajoor jān armej.
- [26] Bwe koṃwin lale an kūr kom, ro jatiō, bwe e jab elōñ re mālōtlōt ļoor kanniōk, e jab elōñ ro re maroñ, e jab elōñ ro rajimjim, eṃōj kūr er:
- [27] A Anij e ar kāālōt men in bwebwe ko an laļ bwe en kajook ro ri mālōtlōt; im Anij e ar kāālōt men in ṃōjṃo ko an laļ bwe En kajook men ko repen;
- [28] Im men ko rettā an laļ, im men in jekdoṃn, Anij e ar kāālōti, aet, im men ko re jab pād bwe En kajettokjān men ko rej pād:
- [29] Bwe ejjeļok kanniōk en kōmmejāje iṃaan mejan Anij.
- [30] A kom jān E ilo Kūraij Jijej, Eo eṃōj kōṃṃan E ñan kōj mālōtlōt jān Anij, aet, wāñōk, im kwōjarjar im pinmuur:
- [31] Bwe, āinwōt eṃōj je, Eo ej kōmmejāje en kōmmejāje ilo Irooj.

JEPTA 2

- [1Ko 2.1] Im ña, ro jatiō, ke I ar iwōj ñan kom, I ar jab iwōj kōn kōnono im mālōtlōt e kanooj eṃṃan, ke I ar kwaļok ñan kom men eo ettino an Anij.
- [2] Bwe I ar pepe in jab jeļā jabdewōt ippemi, a Jijej Kūraij, im E eṃōj debwāāle.
- [3] Im I ar pād ippemi ilo ṃōjṃo, im ilo mijak, im ilo wūdiddid eļap.
- [4] Im aō naan im aō kwaļok e ar jab ilo naan in kareel an mālōtlōt, a ilo kaṃool in Jetōb im kajoor;
- [5] Bwe ami tōmak en jab ilo mālōtlōt in armej, a ilo kajoor an Anij.
- [6] Ijoke kōm kōnono mālōtlōt ippān ro re rūtto: a mālōtlōt eo e jab jān laļ in, jab jān Irooj ro in laļ, ro re ļotļok:
- [7] A kōm kōnono mālōtlōt an Anij ilo men eo ettino, aet, eo e ṃojak, eo Anij e ar pepe kake ṃokta jān laļ ko ñan ad aiboojoj:
- [8] Eo ejjeļok iaan irooj ro i laļ e ar jeļā kake: bwe eļañne raar jeļā re jāmin kar debwāāl Irooj in aiboojoj:
- [9] A āinwōt eṃōj jeje, Men ko mej e ar jab loi, im lojiliñ e ar jab roñjake, im re jañin deļoñ ilo būruen armej, men ko jabdewōt Anij e ar kapojak ñan ro rej yokwe E.
- [10] □A Anij e ar kwaļoki ñan kōj kōn Jetōb: bwe Jetōb ej kapukōt men otemjej, aet, men ko re ṃwilaļ an Anij.
- [11] Bwe wōn iaan armej e jeļā men ko an armej, a jetōb ōn armej eo ej ilo e? Āindein men ko an Anij ejjeļok en e jeļā kaki, a Jetōb ōn Anij wōt.
- [12] A jaar bōk, jab jetōb ōn laļ, a Jetōb eo jān Anij; bwe jān jeļā men ko Anij e ar wūjleptok ñan kōj.
- [13] Men ko kōm barāinwōt kōnono, jab ilo naan ko mālōtlōt an armej ej katakin, a naan ko Jetōb ej katakin, ke kobaik men ko an Jetōb ippān naan ko an Jetōb.

- [14] A armej kōn biktokin e jab bōk men ko an Jetōb ōn Anij: bwe re men in bwebwe ippān; im e jab maroñ in jeļā, bwe re meļeje kōn Jetōb.
- [15] A eo jān Jetōb ej ekajet men otemjej, a ejjeļok en ej ekajete.
- [16] Bwe wōn e ar jeļā ļoļātāt an Irooj, bwe en katakin E? A ļoļātāt an Kūraij ej ipped.

JEPTA 3

- [1Ko 3.1] Im ña, ro jatiō, I ar jab maroñ in kōnono ñan kom āinwōt ñan ro re jān Jetōb, a āinwōt ñan ro re jān kanniōk, āinwōt ñan niñniñ ro ilo Kūraij.
- [2] I ar naajdik kom kōn milik, jab kōn ekkan; bwe moкта kom ar jab maroñe: a kiiō kom jañin maroñe;
- [3] Bwe ñan kiiō kom jān kanniōk: bwe ñe ewor juunmaad im akwāal ippemi, kom jab jān kanniōk ke, im etetal āinwōt armej?
- [4] Bwe ñe juon ej ba, Ña doon Paul; im bar juon, Ña doon Apollōs; kom jab armej ke?
- [5] Innām wōn Apollōs? Wōn Paul? Ri kaki kom ar tōmak kōn er; im āinwōt Irooj e ar kajju ļok ñan er.
- [6] I ar kallib, Apollōs e ar kamorur, a Anij e ar kaddeklōk.
- [7] Āindein eo ej kallib jekdoon, ak eo ej kamorur jekdoon: a Anij eo Ej kaddeklōk.
- [8] Kiiō eo ej kallib im eo ej kamorur āierwōt juon: im kajju iaer e naaj bōk oñān ekkar ñan an make jermal.
- [9] Bwe kōm ri jermal ippān Anij: kom jikin kallib an Anij, kom men in kalōk an Anij.
- [10] □Ekkar ñan jouj an Anij e moj letok ñan eō, āinwōt ri kapeel e mālōtlōt, I ar likūt foundesōn; im bar juon ej kalōk ion. A jabdewōt armej en lale ekōjkan ej kalōk ņa ion.
- [11] Bwe ejjeļok armej e maroñ in likūt bar juon foundesōn jān eo e moj likūte, eo Jijej Kūraij.
- [12] A eļañne jabdewōt armej ej kalōk ion foundesōn in, kool, silver, dekā aorōk, wōjke, wūjooj e moṛā, kān;
- [13] Jermal an jabdewōt armej e naaj alikkar: bwe raan eo e naaj kwaļok e, bwe e naaj waļok ilo kijeek; im ke- jeek en e naaj mālejjoñ jermal an jabdewōt armej ie āin.
- [14] Eļañne jermal an jabdewōt armej, im e ar kalōk ņa ion, e naaj pād wōt, e naaj bōk jinōkjeej.
- [15] Eļañne jermal an juon armej e naaj urur, e naaj jorrān: a naaj ļomogoren e; a āinwōt kōn kijeek.
- [16] Kom jab jeļā ke bwe kom tempel an Anij, im Jetōb ōn Anij ej jokwe ilo kom?
- [17] Eļañne jabdewōt armej ej koḱkure tempel an Anij, Anij e naaj koḱkure e; bwe tempel an Anij e kwōjarjar, im kom tempel eo.
- [18] Ejjeļok armej en make moṇ e. Eļañne jabdewōt ej ļōmṇak e mālōtlōt ippemi ilo laļ in, en erom ri bwebwe bwe en mālōtlōt.
- [19] Bwe mālōtlōt in laļ in e bwebwe ippān Anij. Bwe e moj jeje, Eo ej bōk ri mālōtlōt ilo aer etao.

- [20] Im bar juon, Irooj e jelã lõmṇak ko an ri mālōtlōt, bwe rej lõmṇak waan.
 [21] Innām ejjelṇok armej en kõmmejãje kõn armej raṇ. Bwe men ko otemjej ami;
 [22] Eļañne Paul, ak Apollōs, ak Sipas, ak laḷ, ak mour, ak mej, ak men ko kiiō, ak men ko rej itok; otemjelṇok ami;
 [23] Im kom an Kūraij; im Kūraij an Anij.

- [1Ko 4.1] ãindein armej en lõmṇak kõn kõm, ãinwōt ro korijeran Kūraij, im ri kõmñe men ko rettino an Anij.
 [2] A ijin rej kajitūkini ri kõmñe, bwe ren lo an armej tiljek.
 [3] A men iṇ e kanooj dik ippa bwe komij ekajet eō, ak kõn ekajet an armej: aet, I jab make ekajet eō.
 [4] [eoon in e jako ilo Bible kilmej – ukok eo ṇokta]
 [5] Innām koṇwin jab ekajet jabdewōt ṇokta jãn iien, ñan iien Irooj itok, Eo e naaj kameramḷok men ko reṇojak an marok, im kaalikkar pepe in bōro ko; im iien eo nōbar e naaj ippãn jabdewōt armej jãn Anij.
 [6] Im men kein, ro jatiō, I ar likūt ñan eō kab Apollōs ilo naan ettino kõn kom; bwe koṇwin katak ilo kõmro men in jab eļã jãn men ko eṇōj jeje; bwe ejjelṇok iaami en utiej būruen kõn juon armej ṇae bar juon.
 [7] Bwe wōn ej kalijekḷok eok? im ta eo ippaṇ, im kwaar jab bōke? a eļañne kwaar bōke, etke kwōj kõmmejãje ãinwōt eļañne kwaar jab bōk e?
 [8] Kiiō kom mat, kiiō kom ṇweie, kom ar irooj ke kõm jako: im eṇool I kõṇaan bwe koṇwin irooj, bwe kõmin jimor irooj ippemi.
 [9] Bwe, ij lõmṇak, Anij e ar kwaḷok kõm ri jelōk ãliktata, ãinwōt dien mej: bwe kõm men in alwōj ñan laḷ, im ñan enjel raṇ, im ñan armej raṇ.
 [10] □Kõm ri bwebwe kõn Kūraij, a kom mālōtlōt ilo Kūraij; kõm ṇōjṇo, a kom kajoor; kom utiej, a kõm ettã.
 [11] Ñan awa iṇ kõm kwōle, im maro, im keelwaan, im rej jekanunok kõm, im ejjelṇok jikõm;
 [12] Im kõmij jermal, im kõṇanṇan kõn peim: ke rej kajjirere kõm, kõmej jar; ke rej matōrtōre kõm, kõmej kijenmej;
 [13] Ke rej ruruwe kõm, kõm akweḷap: rej kõṇṇan kõm ãinwōt menṇokṇok in laḷ, im kwōpej in men otemjej, aet ñan iien iṇ.
 [14] I jab jeje men kein bwe in keãliklik kom, a ãinwōt ro nejiō jitōnbōro ij kauwe kom.
 [15] Bwe meñe e naaj joñoul tujin ami ri kaki ilo Kūraij, e jab elōñ jememi: bwe ilo Kūraij Jijej I ar keotak kom kõn gospel.
 [16] Innām ij akweḷap ñan kom, bwe koṇwin ri kajjioñe ña.
 [17] Kõn men iṇ I ar jilkinwōj ñan kom Timote, eo nejiō jitōnbōro im etiljek ilo Irooj, eo e naaj kakeememej kom kõn ial ko aō ilo Kūraij, ãinwōt ij katakin ijo ko otemjej ilo jabdewōt eklejia.
 [18] Kiiō jet re utiej būrueir, ãinwōt I jãmin iwōj ñan kom.

- [19] A I naaj jarōbwoj ñan kom eļañņe ankilaan Irooj, im I naaj jeļā, jab naan an ro utiej, a aer kajoor.
- [20] Bwe aelōñ in Anij e jab ilo naan, a ilo kajoor.
- [21] Ta eo kom kōņaan? in iwōj ñan kom kōn kein deñļok ke, ak ilo yokwe, im ilo jetōb in ineeņman?

JEPTA 5

- [1Ko 5.1] Eņool ebuņbuņ bwe ewor ļōñ ippemi, im ļōñ āinwōt e jab ippān ri pegan, bwe juon en lejān pāleen jemen.
- [2] Im e utiej būruemi, im kom ar jab būromōj bwe en jako jān ippemi eo e ar kōņman men in.
- [3] Bwe eņool ña, e jako ānbwinniō, a ij ippemi kōn aō, eņōj aō ekajete, āinwōt ñe ij ippemi, eo āindein an kōņman men in.
- [4] Ilo etan ad Irooj Jijej, ñe eņōj ami jimor kweilokļok, im aō, ippān kajoor an Irooj Jijej,
- [5] Komwin ketak eo āinwōt ñan Setan ñan kōkkure kanniōkin, bwe an en mour ilo raan an Irooj Jijej.
- [6] Ami kōmmejāje e jab eņman. Kom jab jeļā ke bwe jidik leven ej leven aolepen iiōk eo?
- [7] Komwin karreoik kom jān leven eo eņor bwe komwin juon iiōk ekāāl, im āinwōt ejjeļok ami leven. Bwe eņōj katok kōn men in kijoone eo ad, eo Kūraij.
- [8] Innām jān lale kwōjkwōj, jab kōn leven eo eņor, im jab kōn leven in juunmaade im nana; a kōn bred ar jab leven, bred in kwōjarjar im mool.
- [9] I ar jejewōj ilo letter eo aō bwe komwin jab kōņmao ippān ro ri ļōñ;
- [10] □A I ar jab ļōmņak kōn ri ļōñ an laļ in, ak ippān ri ankoņak im ri kowadoñ, ak ippān ri kabuņ ñan ekjab; bwe eļañņe āindein, eņman komwin ilok jān laļ:
- [11] A eņin I ar jeje ñan kom bwe komwin jab kōņmao ippān juon armej eļañņe ñaetan jemjein jemjaten im e ri ļōñ, ar ak ri ankoņak, ak ri kabuņ ñan ekjab, ak ri kajjirere, ak ri kadek, ak ri kowadoñ; eņman jab mōñā ippān juon āinwōt.
- [12] Bwe ta eo ippa bwe in ekajet ro ilikin? Kom jab ekajet ro rej pād ilowan ke?
- [13] A ro rej pād ilikin, Anij e naaj ekajet er. Komwin jolok ļeo enana jān ippemi.

JEPTA 6

- [1Ko 6.1] Jabdewōt iaami, ewor an akwāāle ri turin, e peran in ilok ilo kien imaan mejan ro reņman ke?
- [2] Ak kom jab jeļā ke bwe ro reņman re naaj ekajet laļ? im eļañņe kom naaj ekajet laļ, kom patkake in ekajet men ko rediktata ke?
- [3] Kom jab jeļā ke bwe je naaj ekajet enjeļ ro, im enaņin ļapļok men ko an mour in?
- [4] Innām eļañņe ewor ami ekajet kōn men ko an mour in, komij likūt ke ro jekdoņ ilo eklejia bwe ren ekajet kaki?
- [5] Ij ba men in bwe in keāliklik kom. Eņool ke re ban lo juon ri mālōtlōt eoļōpemi, eo e naaj maroñ in ekajet ikōtaan ro jein im jaten?

- [6] A ro jemjein jemjaten rej akwããle doon ilo kien, im men in imaan ro re jab tōmak.
- [7] Innām e bōd otem bōd ippemi, bwe komij akwããle doon ilo kien. Etke e jab emman ippemi bwe komwin jorrããn? etke e jab emman ippemi bwe ren bōk men ko ami ilo moŋ?
- [8] A komij kejjorrããn, im bōk ilo moŋ, im men in ñan ro jeimi im jatōmi.
- [9] Ak kom jab jeļã ke bwe ro re jab wãnōk re jãmin bōk aer jolōt aelōñ in Anij? Komwin jab bōd; ejjeļok ri ļōñ, ak ri kabuñ ñan ekjab, ak ri lejãn, ak ri ejej, ak ri Sodōm,
- [10] □Ak ri koŋot, ak ri ankoŋak, ak ri kadek, ak ri kajjirere, ak ri kowadoñ, e naaj bōk an jolōt aelōñ in Anij.
- [11] Im jet iaami kar ãierwōt: a emōj kwaļe kom, a emōj kokwōjarjar kom, a emōj kowãnōk kom ilo etan Irooj Jijej Kūraij, im ilo Jetōb òn ad Anij.
- [12] Men otemjej re mālīm ñan eō, a jab men otemjej rej kakajooror. Men otemjej re mālīm ñan eō, a jãmin kōttãik eō ilo maroñ an jabdewōt.
- [13] Ekkan ko ñan loje, im loje ñan ekkan ko: a Anij e naaj koŋkure e im er. A ãnbwin e jab ñan ļōñ, a ñan Irooj; im Irooj ñan ãnbwin.
- [14] Aet, im Anij e ar kajerkakpeje Irooj, im E naaj barãinwōt kejjerkakbijji kōj kōn kajoor eo An.
- [15] Kom jab jeļã ke bwe ãnbwinemi raan Kūraij? innām in bōkļok ke raan Kūraij im kōmmane raan kōrã ekijoñ? En jab eñin.
- [16] Ak kom jab jeļã ke bwe eo ej koba ippãn kōrã ekijoñ e juon wōt ãnbwinneir? bwe Ej ba, Ruo re naaj juon wōt kanniōk.
- [17] A eo ej koba ippãn Irooj rejro juon jetōb.
- [18] Komwin ko jãn ļōñ. Jabdewōt jerowiwī an armej kōmman, e ãlikin ãnbwinnen; a eo ej ļōñ ej make jerowiwī ñae ãnbwinnen.
- [19] Ak kom jab jeļã ke bwe ãnbwinemi tempel an Jetōb Kwōjarjar eo Ej ilo kom, Eo ippemi jãn Anij? Im kom jab ami make;
- [20] Bwe emōj wiaik kom kōn juon oñãn: innām komwin kaiboojoj Anij ilo ãnbwinemi.

JEPTA 7

- [1Ko 7.1] Kiiō kōn men ko kom ar jeje kaki: emman ñan armej bwe en jab uññūr kōrã.
- [2] Ijoke, kōn ļōñ ko, jabdewōt emmaan en ippãn lio pãleen, im jabdewōt kōrã en ippãn ļeo pãleen.
- [3] Ļeo en leļok men eo ekkar ñan lio pãleen: im barãinwōt lio ñan ļeo pãleen.
- [4] Ejjeļok an lio make maroñ ioon ãnbwinnen, a ļeo pãleen: im ãindein ļeo ejjeļok an make maroñ ioon ãnbwinnen, a lio pãleen.
- [5] Komwin jab ãlikinjepjep doon, eļãñe e jab ilo juon iien im būruemi wōt juon, bwe komwin leļok kom ñan jar; im bar pãd ippãn doon, bwe Setan en jab kapo kom kōn ami moŋjo.
- [6] A ij ba men in ãinwōt kamãlim, im jab ãinwōt kaiñi.

- [7] A I kōṇaan bwe armej otemjej ren āinwōt ña. A jabdewōt armej ej bōk men in letok eo an jān Anij, juon āindein, im bar juon āin juon.
- [8] Innām ij ba ñan ro re jañin pālele, kab ro ejako pāleir, Emman eḷaññe rej pād im āinwōt ña.
- [9] A eḷaññe re jab maroñ make iaer, ren pālele: bwe emman ñe rej pālele jān ñe rej urur.
- [10] □Im ñan ro eṃōj aer pālele ij karoñ, jab ña, a Irooj, Lio en jab jepel jān ḷeo pāleen
- [11] (A eḷaññe ej jepel, en pād wōt im jab bar pālele, ak en bar yokwe ḷeo pāleen); im ḷeo en jab ilok jān lio pāleen.
- [12] A ñan ro jet ña ij ba, jab Irooj: Eḷaññe juon iaan jemjein jemjaten ewor pāleen eo e jab tōmak, im lio e ṃōṃōṃō in jokwe ippān, ḷeo en jab ilok jān lio pāleen.
- [13] Im kōrā eo ewor pāleen, im e jab tōmak, im ḷeo eṃōṃōṃō in jokwe ippān, lio en jab ilok jān ḷeo pāleen.
- [14] Bwe ḷeo e jab tōmak kokwōjarjar e kōn lio pāleen, im lio e jab tōmak kokwōjarjar e kōn ḷeo pāleen: eḷaññe jab āindein ro nejemi re jab erre; a kiiō re kwōjarjar.
- [15] A eḷaññe eo e jab tōmak ej ilok, en ilok. Juon iaan jemjein jemjaten maan ak kōrā ejjelok lukjen ñe āin dein: a Anij e ar kūr kōj ilo aenōmman.
- [16] Bwe ekōjkan aṃ jeḷā, O kōrā, eḷaññe kwō naaj ḷomṃoren ḷeo pāliom? ak ekōjkan aṃ jeḷā, O maan, eḷaññe kwō naaj ḷomṃoren lio pāliom?
- [17] A āinwōt Irooj e ar kajulok ñan jabdewōt armej, im āinwōt Anij e ar kūr jabdewōt, āindein en etal. Āindein ij kaiñ ilo eklejia otemjej.
- [18] Ar kūr juon armej e ri ṃwijiṃwiji ke? en jab erom jabṃwijiṃwiji. Ar kūr juon ilo jabṃwijiṃwiji ke? en jab ṃwijiṃwiji.
- [19] ṃwijiṃwiji e jatokjān, im jabṃwijiṃwiji e jatokjān; a kōjparok kein ko an Anij.
- [20] Jabdewōt armej en pād wōt ilo jermal eo ar kūr e ilowan.
- [21] Ar kūr eok ke ri kamakoko? en jab men in limam. A eḷaññe kwōj maroñ in anemkwōjam, emman kōmman āinwōt.
- [22] Bwe ri kamakoko eo eṃōj kūr e ilo Irooj, e ri anemkwōjan Irooj: barāinwōt ri anemkwōjan eo eṃōj kūr e, e korijeran Kūraj.
- [23] Eṃōj wiaik kom kōn juon oṇān, komwin jab karijeran armej.
- [24] Ro jatiō, jabdewōt armej, ilo men eo eṃōj kūr e ilowan, ilo men in en pād wōt ippān Anij.
- [25] Kiiō kōn bōjin ro, Irooj e ar jab karoñ eō: a ij lewōj aō pepe, āinwōt juon I ar bōk jout jān Irooj bwe in tiljek.
- [26] Innām ij ḷomṃak emman men in kōn jorrāān in ipped, aet, emman ñan armej bwe en pād wōt āindein.
- [27] Kwō iio ke ippān kōrā? kwōn jab pukot jeltōm: kwō mejal ke jān kōrā? kwōn jab pukot juon kōrā.
- [28] A eḷaññe kwōj pālele, kwaar jab jerōwiwi; im eḷaññe juon bōjin ej pālele, e ar jab jerōwiwi. Ijoke ro āierwōt e naaj ewor eñtaan ippaer ilo kanniōk: im I kōṇaan tūriamokake kom.

- [29] A ij ba men in, ro jatiō, e kadu iien jān kiiō, bwe ro ewor kōrā pāleir ren āinwōt ñe ejjelok ippaer;
- [30] Im ro rej jañ ren āinwōt re jab jañ; im ro rej lañlōñ ren āinwōt re jab lañlōñ; im ro rej wiaik ren āinwōt ñe ejjelok ippaer;
- [31] Im ro rej jerbale laḷ in ren āinwōt re jab kanooj jerbale: bwe wāween laḷ in e jakoḷok.
- [32] A I kōḡnaan bwe en ejjelok men in kabōd kom. Ḷeo e jab pālele e bwiren lale men ko an Irooj, ekōjkan an kabuñbūruen Irooj:
- [33] A Ḷeo e pālele e bwiren lale men ko an laḷ, ekōjkan an kabuñbūruen lio pāleen.
- [34] Im kōrā eo e pālele āinjuon jān bōjin eo. Lio e jab pālele e bweren lale men ko an Irooj, bwe en kwōjarjar ilo ānbwinnini im ilo an; a lio e pālele e bwiren lale men ko an laḷ, ekōjkan en kabuñbūruen Ḷeo pāleen.
- [35] Im ij kōnono men in bwe in kakajooror kom; jab bwe in liktoik kom, a kōn men eo ekar, im bwe komwin jermal ñan Irooj im ejjelok men in kabōd.
- [36] A eḷaññe juon armej ej Ḷōmḡnak e jab emḡman an kōmḡman ñan bōjin eo nejin, ñe lio e torbel, im men in wōt emḡman, en kōmḡman men eo e kōḡnaan, e jab jerowiwī; ren pālele.
- [37] Ijoke eo ej jutak pen ilo būruen, im ejjelok men in kabōd e, a ewor an maroñ ioon ankilaan, im e ar pepe ilo būruen bwe en kōjparok bōjin eo nejin, ej kōmḡman emḡman.
- [38] Āindein eo ej leḷok bōjin eo ilo pālele ej kōmḡman emḡman; im eo e jab leḷok lio ilo pālele emḡmanḷok an kōmḡman.
- [39] Kōrā ej ellok toñ an mour Ḷeo pāleen; a eḷaññe Ḷeo pāleen e mej, e mejaḷ bwe en pāleek Ḷeo e kōḡnaan; ilo Irooj wōt.
- [40] A e ḡōḡōḡ eḷaññe ej pād wōt, ilo aō pepe: im ij Ḷōmḡnak bwe barāinwōt Jetōb ōn Anij ba.

JEPTA 8

- [1Ko 8.1] Kiiō kein men in katok ñan ekjab ko, je jeḷā bwe ewor jeḷā ipped otemjej. Jeḷā ej koutiej bōro, a yokwe ej kalōk.
- [2] Eḷaññe jabdewōt armej ej Ḷōmḡnak e jeḷā jabdewōt, e jañin jeḷā āinwōt en kar jeḷā.
- [3] A eḷaññe jabdewōt armej ej yokwe Anij, Anij e jeḷā e.
- [4] Innām kōn ḡōñā men ko emōj leḷok ñan ekjab ko ilo katok, je jeḷā bwe ekjab e jekdoḡon ilo laḷ, im bwe ejjelok anij a Juon wōt.
- [5] Bwe meñe ewor rej ḡaetaer anij raḡ, eḷaññe i lañ ak i laḷ; āinwōt elōñ anij, im elōñ irooj;
- [6] A ipped juon Anij, Jemed, jān E men ko otemjeḷok, im kōj ilo E; im juon Irooj, Jijej Kūraj, kōn E men ko otemjeḷok, im kōj kōn E.
- [7] A jeḷā in e jab ippān armej otemjej; a jet, kōn aer minene kōn ekjab ñan iien in, rej ḡōñā āinwōt men in katok ñan ekjab; im kananaik aer bōklōkōt emōjḡo.
- [8] A ekkān e jāmin kalijekḷok kōj imāan mejan Anij: bwe eḷaññe je jab ḡōñā je jab nanaḷok; ak eḷaññe jej ḡōñā je jab emḡmanḷok.

- [9] A komwin lale bwe maroñ in ami en jab ļōkatip ñan ro reṃōjņo.
- [10] □Bwe eļañņe juon armej ej lo eok, kweo kwō jeļā, jibadek im ṃōñā ilo tempel in ekjab, bōklōkōt an ļeo eṃōjņo e jāmin peran in ṃōñā men ko, men in joortak ñan ekjab ke?
- [11] Bwe kōn aṃ jeļā, e jako ri ṃōjņo, jemjein jemjaten eo Kūraiļ e ar mej kōn e.
- [12] A ñe āindein ami jerōwiwi ñae jemjein jemjaten im kakinejneļ aer bōklōkōt eṃōjņo, komij jerōwiwi ñae Kūraiļ.
- [13] Innām, eļañņe ṃōñā ej ļōkatipe jeiō im jatiō, I jāmin ṃōñā kanniōk indeeo, bwe in jab ļōkatipe jeiō im jatiō.

JEPTA 9

- [1Ko 9.1] Ña I jab anemkwōjaō? I jab ri jelōk ke? I ar jab lo Jijeļ ad Irooj ke? kom jab aō jeral ilo Irooj ke?
- [2] Eļañņe I jab ri jelōk ñan ro jet, a eṃool ña juon ñan kom: bwe kom sil an aō ri jelōk ilo Irooj.
- [3] Aō naan in uwaak ñan ro rej kajjitūkin eō eñin.
- [4] E jab mālim ke ñan kōm bwe komwin ṃōñā im idaak?
- [5] E jab mālim ke ñan kōm bwe kōmin tōļ ļok ippemļok pāleem ri tōmak, im āinwōt ri jelōk ro jet, im lōṃaro jaten Irooj, im Sipas?
- [6] Ak ña wōt kab Barnebas, e jab mālim ke ñan kōmro bwe kōmin jab jeral?
- [7] Wōn ej ilen tariņae jabdewōt iien im e make kōṃṃan kapjeran? Wōn ej kalbwin bwil in grep, im e jab ṃōñā jān leen? wōn ej naajdik bwijin kidu rawie, im e jab ṃōñā jān milik in bwij eo?
- [8] Ij kōnono men kein āinwōt armej ke? ak kien e jab barāinwōt ba men kein ke?
- [9] Bwe ilo kien Moses eṃōļ jeje, Kwōn jab pineļ loñin kau koṃaan ej jujuuri korn. Anij ej lale kau,
- [10] □Ak ñan kōļ wōt ej ba ke? Aet ñan kōļ eṃōļ jeje, bwe eo ej plau eṃṃan en plau ilo kōjatdikdik, im ri deñļoke korn en deñļoke ilo kōjatdikdik in bōk kōļ eo an.
- [11] Eļañņe kōm ar jeor ñan kom men ko an Jetōb, men in eļap ke eļañņe kōmij ṃadṃōd ilo ami men in kanniōk?
- [12] Eļañņe ro jet ewor aer maroñ iomi, e jab ļapļok ippem ke? Ijoke kōm ar jab kōṃṃan ilo maroñ iņ; a kōm eñtaan kake men ko otemjeļ bwe kōmin jab karuṃwij gospel an Kūraiļ.
- [13] Kom jaje ke bwe ro rej jeral kōn men ko rokwojarjar rej ṃōñā jān tempel, im ro rej jeral iturin lokatok rej bōk aer kōļ ippān lokatok eo?
- [14] Āindein Irooj e ar likūt bwe ro rej kwaļok gospel ren mour jān gospel.
- [15] A I ar jab kōṃṃan kōn men kein: im I jab jeje men kein bwe en kōṃṃan āinwōt ñan eō: bwe eṃṃan ñan eō bwe in mej, jān bwe jabdewōt en kajettokjān unin aō kōmmejāje.
- [16] Bwe eļañņe ij kwaļok gospel, ejjeļok ippa bwe in kōmmejāje kake; bwe men iņ e reeļ ilo būruō, bwe Wo ñan eō eļañņe I jab kwaļok gospel.

- [17] Bwe eļaiņne I jilikiie in kōmman men in, ewor aō jinōkjeej: a eļaiņne I maķoko, juon jermal in kōmne letok ñan eō.
- [18] Innām ta jinōkjeej eo aō? bwe, ke ij kwaļok gospel, in kōmman gospel ejjeļok oņān, bwe in jab kanooj kwaļok aō maroņ ilo gospel.
- [19] Bwe meņe ij anemkwōjaō jān armej otemjej, I ar make ri karijeran otemjej, bwe en lōņļok aō jibadek er.
- [20] Im I ar āinwōt ri Ju ñan ri Ju ro, bwe in jibadek ri Ju; ñan ro iuṃwin kien, āinwōt iuṃwin kien, meņe I jab iuṃwin kien, bwe in jibadek ro rej pād iuṃwin kien;
- [21] Ñan ro ejjeļok kien ippaer, āinwōt ejjeļok kien ippa, ke I jab anemkwōjaō jān kien Anij, a iuṃwin kien Kūraij, bwe in jibadek ro ejjeļok kien ippaer.
- [22] Ñan ro re ṃōjņo ña ij ṃōjņo, bwe in jibadek ro re ṃōjņo. Ña men otemjej ñan armej otemjej bwe kōn otemjej in lōmōoren jet.
- [23] A men otemjej ij kōmman kōn gospel, bwe in ri bōk ṃōttan eo ippān ro jet.
- [24] Kom jab jeļā ke bwe ro rej ettōr ilo iāekwōj, er otemjej rej ettōr a juon wōt ej bōk mejānkajjik? Koṃwin ettōr āinwōt bwe koṃwin tōprak.
- [25] Im jabdewōt armej eo ej iāekwōj kōn mejānkajjik e jatōr ilo men otemjej. Er rej kōmman men in bwe ren jibadek rojenbōr e ṃor ṃōkaj; a kōj eo e jāmin ṃor.
- [26] Innām āindein ña ij ettōr, jab āinwōt I toņoņ; āindein ij jekanunōk, im jab āinwōt deņļok kōto:
- [27] A ij jekanunōk ānbwinniō, im kamakokoik e, bwe ilo jabdewōt, ṃōjen aō kwaļok gospel ñan ro jet, ña in jab jako.

JEPTA 10

- [1Ko 10.1] Bwe I jab kōņaan bwe koṃwin jaje, ro jatiō, ekōjkan ro jimmaam raar pād iuṃwin kōdō, im er otemjej raar eļļā jān ilujen lomaļo;
- [2] Im er otemjej raar peptaij ñan Moses ilo kōdō eo im ilo lomaļo;
- [3] Im er otemjej raar ṃōñā kan in jetōb wāween wōt juon;
- [4] Im er otemjej raar idaak limen jetōb wāween wōt juon; bwe raar idaak jān Ejmaan e jetōb im E ar ļoor er: im Ejmaan eo Kūraij.
- [5] A ippān elōñ iaer Anij e ar jab buñbūruen: bwe ar kōkkure er ilo āne jemađen.
- [6] Ak men kein joņak ñan kōj, bwe jān jab ankoņak men ko renana, im āinwōt er raar ankwōnaki.
- [7] Im koṃwin jab kabuñ ñan ekjab āinwōt jet iaer: āinwōt eṃōj jeje, Armej raar jijet in ṃōñā im idaak, im juten kuri.
- [8] Im jān jab ļōñ, āinwōt jet iaer raar ļōñ, im mej ilo juon raan roņoul im jilu tōujin.
- [9] Im jen jab kōjake Irooj, āinwōt jet iaer raar kōjake, im re jako kōn jedpānit ko.
- [10] Im koṃwin jab wanōketak, āinwōt jet iaer raar wanōketak, im re jako kōn ri kōkkure eo.
- [11] A men kein raar waļok ippaer ñan joņak; im eṃōj je er naan in kauwe kōj, kōjeo iien ko āliktata raar itok ioed.
- [12] Kōn men in, eo ej ļōmņak ej jutak, en lale bwe en jab buñ.

- [13] Ejjeļok men in kapo e ar bōk kom, a eo armej rej maroņe: a Anij e tiljek, im E jāmin likūt bwe ren kapo kom eļap jān ami maroņ; a ilo men in kapo E naaj kōmman ial in ko, bwe koṃwin maroņe.
- [14] Kōn men in, kom jītōnbōro ippa, koṃwin ko jān kabuñ ñan ekjab ko.
- [15] Ij kōnono āinwōt ñan ri mālōtlōt; koṃwin ļōmṃak kōn men eo ij ba.
- [16] Kab in jerammōn, eo kōmij jare, e jab kōmṃao in bōtōktōkin Kūraij ke? Bred eo kōm ruje, e jab kōmṃao in ānbwinnen Kūraij e?
- [17] Bwe kōj jelōñ jej juon bred, juon ānbwin: bwe kōj otemjej bōk mōttan bred wōt juon.
- [18] Lale ri Israel rej ilo kanniōk: ro rej mōñā men in joortak ko re jab ri kōmṃao in lokatok ke?
- [19] Innām ta eo ij ba? bwe men in joortak ñan ekjab e jab jekdoṃn ke? ak bwe ekjab e jab jekdoṃn ke?
- [20] A ij ba, bwe men ko ri pegan rej katok kaki rej katok ñan tiṃoṃ raṃ, im jab ñan Anij: im I jab kōṃaan bwe koṃwin kōmṃao ippān tiṃoṃ raṃ.
- [21] Kom jab maroņ in idaa kab in Irooj, im kab in tiṃoṃ raṃ; kom jab maroņ in mōñā jān tebōļ an Irooj, im jān tebōļ in tiṃoṃ raṃ.
- [22] Ak jej kaillu Irooj ke? Je kajoor jān E ke?
- [23] Men otemjej remālim; a jab men otemjej rej kakajooror. Men otemjej remālim; a jab men otemjej rej kalōk.
- [24] Ejjeļok armej en kapukōt men eo ej jipañ e make, a men eo ej jipañ ri turin.
- [25] Men eo jabdewōt rej wiakake ilo jikin wia kanniōk, koṃwin mōñā, im jab kajjitōk kake kōn bōklōkōt;
- [26] Bwe laļ an Irooj, kab men ko ej obrak kaki.
- [27] Eļañne juon iaan ro re jab tōmak ej jiroñ kom kōn kwōjkwōj, im kom kōṃaan ilok; men eo jabdewōt rej likūt iṃaami koṃwin mōñā, im jab kajjitōk kake kōn bōklōkōt.
- [28] A eļañne juon armej ej ba ñan kom, Eṃōj katok kōn men in, koṃwin jab mōñā, kōn eo e ar bakajjien, im kōn bōklōkōt:
- [29] Bōklōkōt, ij ba, e jab aṃ, a an eo juon; bwe etke ekajet anemkwōjaō kōn bōklōkōt an bar juon?
- [30] Eļañne ña ij bōk kijeo aō kōn jouj, etke rej kōnono nana kōn eō kōn men eo ij kaṃṃoolol kake?
- [31] Innām eļañne komij mōñā ak idaa ak kōmman jabdewōt, koṃwin kōmman men otemjej ñan aiboojoj an Anij.
- [32] Koṃwin jab ļōkatipi ri Ju, ak ri Grik, ak eklejia an Anij;
- [33] Āinwōt ña ij kabuñbūruen ro otemjej ilo men otemjej, im jab pukot aō men in kakajooror, a an ro relōñ bwe ren mour.

JEPTA 11

[1Ko 11.1] Koṃwin ri kajjioņe ña, āinwōt ña ij barāinwōt ri kajeōnwe Kūraij.

- [2] A ij nōbar kom, ro jatiō, bwe komij keememej eō ilo men otemjej, im dāpij katak ko, āinwōt I ar lewōj ñan kom.
- [3] A I kōṇaan bwe koṃwin jeļā bwe bōran jabdewōt ṃaan Kūrai; im bōran kōrā ṃaan; im bōran Kūrai Anij.
- [4] Jabdewōt eṃṃaan ej jar ak rūkaanij, im e libubu, ej kajook bōran.
- [5] A jabdewōt kōrā ej jar ak rūkaanij, im e jab libubu bōran, ej kajook bōran: bwe men eo āinwōt eļañne eāl bōran.
- [6] Bwe eļañne kōrā e jab libubu, en barāinwōt ṃwijbar: a eļañne men in jook ñan kōrā bwe en ṃwijbar ak eāl bōran, en libubu.
- [7] Bwe eṃool ṃaan en jab kalbubu bōran, bwe e āin im aiboojoj an Anij: a kōrā e aiboojoj an ṃaan.
- [8] Bwe ṃaan e jab jān kōrā; a kōrā jān ṃaan.
- [9] Bwe barāinwōt ar jab kōṃanṃan ṃaan ñan kōrā, a kōrā ñan ṃaan.
- [10] Kōn men iṃ eṃṃan en wor kakōļen kajoor ioon bōran kōrā kōn enjeļ raṃ.
- [11] Ijoke kōrā e jab jepel jān ṃaan, ak ṃaan jepel jān kōrā, ilo Irooj.
- [12] Bwe āinwōt kōrā e jān ṃaan, barāinwōt ṃaan kōn kōrā; a men otemjej jān Anij.
- [13] Koṃwin ekajet ṃōk ippemi: ekkar ke bwe kōrā en jar ñan Anij im e jab libubu bōran?
- [14] E jab make alikkar ñan kom ke, bwe eļañne juon eṃṃaan e aitok kooļan bōran, e men in kajok e?
- [15] A eļañne e aitok kooļan bōran juon kōrā, e men in kaiboojoj e: bwe eṃōj leļok kooļan bōran ñan e men in kalbubu.
- [16] A eļañne jabdewōt armej e kōṇaan akwāāl, ejjeļok ṃanit āinwōt ippem, im ejjeļok ippān eklejia ko an Anij.
- [17] A ilo aō jiroñ kom men iṃ, I jab nōbar kom, bwe komij kweiloklok jab kōn eṃṃanļok a kōn nanaļok.
- [18] Bwe ṃokta jān men otemjej, ke koṃwin kweiloklok ilo eklejia ij roñ bwe ewor limōjñōnu ippemi, im I nañin tōmak e.
- [19] Bwe eṃṃan barāinwōt en ewor kiojaljaļ ippemi, bwe ro lejokmen ren alikkar ippemi.
- [20] Innām ñe komij jimor kweiloklok ilo juon jikin, kom jab maroñ in ṃōñā kejota an Irooj:
- [21] Bwe ilo ami ṃōñā, jabdewōt ej bōk ṃokta kejota eo an; im juon e kwōle, im bar juon e kadek.
- [22] Ta? e jab wor ke mo ko iṃwemi bwe koṃwin ṃōñā im idaak ie? ak komij kajekdoṃon eklejia an Anij ke, im kajook ro ejjeļok ippān? Ta eo in ba ñan kom? in nōbar kom ilo men iṃ ke? I jab nōbar kom.
- [23] Bwe I ar bōk jān Irooj men eo I ar barāinwōt lewōj ñan kom, Bwe Irooj Jijej boñ eo ar ketak E, E ar bōk bred;
- [24] Im ke eṃōj An jar, Ej ruje, im ba, Eñin ānbwinniō ej ñan kom: koṃwin kōṃṃan men iṃ ilo ememej Eō.

- [25] Im äindein baräinwõt Ej bök kab, älikin kejota, im ba, Kab in kallimur eo ekääl ilo bötöktökiö: komwin kömman men in, iien otemjej komij idaaq e, ilo ememej Eö.
- [26] Bwe iien otemjej komij mönä bred in, im idaaq kab in, komij kwaļok mej an Irooj ñan iien eo Ej itok.
- [27] Kõn men in jabdewõt eo, e jab jimwe an mönä bred ak idaaq kab an Irooj, ewor ruõn kõn änbwinnen im bötöktökin Irooj.
- [28] A armej en mälejjoñ mök būruen, im äindein en mönä bred in, im idaaq kab in.
- [29] Bwe eo ej mönä im idaaq, ej mönä im idaaq liaakļok ñan e, eļañne e jab kile änbwinnen.
- [30] Kõn men in elõn re möjno im nañinmej ippemi, im elõn rej kiki.
- [31] A eļañne e kar emõj ad make jeļä kajjied, jämin kar ekajet kõj.
- [32] A ke ekajet kõj, Irooj ej kajeik kõj, bwe ren jab liaakļok kõj ippän laļ.
- [33] Kõn men in, ro jatiö, ñe komij kweilokļok in mönä, komwin kattar doon.
- [34] Eļañne juon armej e kwõle, en mönä i mweo imõn; bwe komwin jab kweilokļok ñan liaakļok. Im men ko jet I naaj kajimwe ñe ij iwõj.

JEPTA 12

- [1Ko 12.1] Kiiö kõn men ko an Jetõb letok, ro jatiö, I jab kõnaan bwe komwin jaje.
- [2] Kom jeļä, ke kom ar ri pegan, kom ar ļoor ļok ekjab re ban kõnono, äinwõt ar tõ kom.
- [3] Kõn men in ij kõjjeļäik kom, bwe ejjeļok armej ej kõnono kõn Jetõb õn Anij im ba, Anatema Jijej; im ejjeļok e marõn in ba, Jijej e Irooj, a kõn Jetõb Kwõjarjar.
- [4] Kiiö men in letok ko re jab äinwõt juon, a juon wõt Jetõb.
- [5] Im ewor kömman ro re jab äinwõt juon, a juon wõt Jetõb.
- [6] Im ewor jerbale ko re jab äinwõt juon, a juon wõt Anij eo Ej jerbale men otemjej ilo otemjej.
- [7] A emõj leļok ñan jabdewõt armej an Jetõb waļok bwe en make kakajooror kake.
- [8] Bwe ñan juon ar leļok kõn Jetõb naan in mälotlõt; ñan bar juon naan in jeļä, ekar ñan Jetõb eo;
- [9] Im ñan bar juon tõmak, ilo Jetõb eo; im ñan bar juon kõbökökök ko ilo juon wõt Jetõb;
- [10] □Im ñan bar juon kömman men in bwilõn ko; im ñan bar juon rūkaanij ko; im ñan bar juon kile jetõb rañ; im ñan bar juon kõnono kõn lo ko; im ñan bar juon kameļeļeik lo ko:
- [11] A juon E juon wõt Jetõb ej jerbale men kein otemjej, im ajej ñan jabdewõt armej äinwõt E kõnaan.
- [12] Bwe äinwõt änbwin e juon wõt, im elõn raan, a aolepen raan änbwin meñe relõn rej juon wõt änbwin; äindein baräinwõt Kūraij.
- [13] Bwe ilo juon Jetõb emõj peptaij kõj ilo juon änbwin, eļañne kõj ri Ju ak ri Grik, eļañne kõj ri kamakoko ak ri anemkwõjad; im emõj kaidaak kõj otemjej kõn juon Jetõb.

- [14] Bwe ānbwin e jab juon ra, a elōñ.
- [15] Eļāñņe ne e naaj ba, Bwe I jab pā I jab mōttan ānbwin; e jab mool e jab mōttan ānbwin.
- [16] Im eļāñņe lojiliñ e naaj ba, Bwe I jab mej, I jab mōttan ānbwin; e jab mool e jab mōttan ānbwin.
- [17] Eļāñņe aolepen ānbwin mej, ewi roñjake? Eļāñņe aolepen roñjake, ewi käätet?
- [18] A kiiō Anij e ar likūt ra ko, er otemjeļok ilo ānbwin, āinwōt E buñbūruen kake.
- [19] A eļāñņe er otemjej juon ra, ewi ānbwin?
- [20] A kiiō elōñ ra, a juon ānbwin.
- [21] Im mej e jab maroñ in ba ñan pā, Ejjeļok aō aikuj eok: ak barāinwōt bar ñan ne, Ejjeļok aō aikuj eok.
- [22] A, eļapļok raan ānbwin, ko āinwōt re mōjņo emman ren jab jako;
- [23] Im raan ānbwin, ko jej ļōmņak edikļok aer aiboojoj, jej koorļok aer aiboojoj; im raar re jab wōj eļapļok aer wōj;
- [24] Bwe raar rewuj re jab aikuj: a Anij e ar kobaik ānbwin, im leļok eļapļok aiboojoj ñan ra eo ej aikuj;
- [25] Bwe en ejjeļok kiojaljal ilo ānbwin, a bwe ra ko otemjej ren jimor kōjparok doon.
- [26] Im ñe juon ra ej eñtaan, ra ko otemjej rej eñtaan ippān; ak ñe juon ra e aiboojoj, ra ko otemjej rej lañlōñ ippān.
- [27] Kiiō kom ānbwinnen Kūraij, im ra ko ilo kajju raan.
- [28] Im Anij e ar likūt jet ilo eklejia, mōkta ri jelōk, kein ka ruo ri kanaan, kein ka jilu ri kaki, innām men in bwilōñ ko, innām kōbōkōkōk ko, jipañ ko, kaiñ ko, kōnono kōn lo ko.
- [29] Ro otemjej ri jelōk ke? ro otemjej ri kanaan ke? ro otemjej ri kaki ke? ro otemjej ri kōmņan men in bwilōñ ko ke?
- [30] Ro otemjej rej kōbōkōkōk ke? ro otemjej rej kōnono kōn lo ko ke? ro otemjej rej kameļeik ke?
- [31] A koņwin kanooj kōņaan men in letok ko reņmantata. Im ij kwaļok ñan kom ial eo emmanļok.

JEPTA 13

- [1 Ko 13.1] Eļāñņe ij kōnono kōn lo ko an armej im enjeļ, a yokwe e jab ippa, emōj aō erom jiniboor e tōñtōñ, ak aje e dibukbuk.
- [2] Im eļāñņe ewor ippa bwe in rūkaanij, im I jeļā men ko rettino otemjej, kab mālōtlōt otemjej; im eļāñņe tōmak otemjej ippa, bwe in kōmņakūt toļ ko, a yokwe e jab ippa, ña jekdoon.
- [3] Im eļāñņe ij deepļok men ko mweiō otemjej in naajdik ri jerañōl, im eļāñņe ij leļok ānbwinniō bwe ren tile, a yokwe e jab ippa, ejjeļok an kakajooror eō.
- [4] Yokwe ej meanwōd, im e jouj; yokwe e jab juunmaad; yokwe e jab make kōmmejāje, e jab juwa;
- [5] E jab kōmņan men ko jakkar, e jab kapukōt men ko an, re jab kaillu e, e jab ļōmņak nana;

- [6] Ke jab lañlõñ ilo jerowiwi, a e m̃õñõñõ kake mool;
- [7] Ej kijenmej ilo men otemjej, ej t̃õmak men otemjej, ej k̃õjatdikdik e k̃õn men otemjej, ej niknik ilo men otemjej.
- [8] Yokwe e j̃amin jako: a eļaññe ewor rūkaanij ko, re naaj lot; ak eļaññe ewor lo ko, re naaj jemļok; ak eļaññe ewor jeļã, e naaj jako.
- [9] Bwe je jeļã jimattan, im jej rūkaanij ilo jimattan:
- [10] A ñe men eo iio ej itok, men eo jimattan e naaj ļotļok.
- [11] Ke I ar ajri, I ar k̃õnono ãinwõt ajri, I ar jeļã ãinwõt ajri, I ar ļõmņak ãinwõt ajri: a kiiõ bwe I rūtto em̃õj aõ utūk men ko an ajri.
- [12] Bwe kiiõ jej lo ilo kapjer etnad; a ilo iien eo jelmae doon: kiiõ I jeļã jimattan; a iien eo I naaj kanooj jeļã ãinwõt rej bar kanooj jeļã ña.
- [13] A kiiõ e pãd wõt t̃õmak, k̃õjatdikdik, im yokwe, men kein jilu; im eo eļap iaer yokwe.

JEPTA 14

- [1Ko 14.1] Koṃwin ļoor ļok yokwe; a kanooj k̃õņaan men in letok ko an Jetõb, a eļapļok bwe koṃwin rūkaanij.
- [2] Bwe eo ej k̃õnono k̃õn juon lo e jab k̃õnono ñan armej, a ñan Anij; bwe ejjeļok armej ej meļeļe kake; ijoke ilo Jetõb ej k̃õnono men ko rettino.
- [3] A eo ej rūkaanij ej k̃õnono ñan armej men in kalõk, im kauwe, im kaaenõmņan.
- [4] Eo ej k̃õnono k̃õn juon lo ej make kalõk e; a eo ej rūkaanij ej kalõk eklejia.
- [5] Kiiõ I k̃õņaan bwe koṃwin otemjej k̃õnono k̃õn lo ko, a eļapļok bwe koṃwin rūkaanij: im eļap eo ej rūkaanij j̃an eo ej k̃õnono k̃õn lo ko, eļaññe e jab kameļeļeik, bwe en kalõk eklejia.
- [6] A kiiõ, ro jatiõ, eļaññe ij iwõj ñan kom im k̃õnono k̃õn lo ko, ta eo I naaj kakajooror kom kake, eļaññe I jab k̃õnono ñan kom k̃õn revelesõn, ak k̃õn jeļã, ak k̃õn rūkaanij, ak k̃õn katakin?
- [7] ãindein men ko re jab mour, im ewor ainikier, ñe paip ak arp, eļaññe re jab leļok ewor wãween ainikieir, ekõjkan jeļã okõtõn rej kajañjañ k̃õn paip ak arp?
- [8] Bwe eļaññe jilel ej kwaļok ainikien e jab alikkar, wõn e naaj kapoj ñan tariņae?
- [9] ãindein kom, eļaññe kom jab k̃õnono k̃õn lo naan E pidodo in meļeļe, ekõjkan jeļã men eo komij k̃õnono kake? bwe kom naaj k̃õnono ñan k̃õto.
- [10] □Bõlen elõn wõt wãween ainikien ilo laļ, im ejjeļok iaer eo ejjeļok rãpeļtan.
- [11] Innãm eļaññe I jaje rãpeļtan juon kajin naan, I naaj ruwamãejet ñan eo ej k̃õnono, im eo ej k̃õnono e naaj ruwamãejet ñan eõ.
- [12] Barãinwõt kom, bwe komij kanooj kapukõt men in letok an Jetõb, koṃwin pukot bwe ren orļok ñan kom ñan kalõk eklejia.
- [13] Kom men iņ eo ej k̃õnono ilo juon lo, en jar bwe en maroñ in kameļeļeik.
- [14] Bwe eļaññe ij jar ilo juon lo, aõ ej jar, a aõ ļoļãtãt e jab tokje.
- [15] Innãm e baj et? I naaj jar k̃õn jetõb, im I naaj barãinwõt jar k̃õn aõ ļoļãtãt: I naaj al k̃õn jetõb, im I naaj barãinwõt al k̃õn aõ ļoļãtãt.

- [16] Eļaiņne āinjuon, ñe eņōj aņ jar kōn aņ jetōb, eo ej pād ilo jikin armej waan, e naaj kōjkan an ba Amen ñan aņ kaņņoolol, ke e jab jeļā men eo kwōj ba?
- [17] Eņool eņņan am kaņņoolol, a e jab kalōk eo juon.
- [18] Ij kaņņoolol Anij bwe ij kōnono kōn lo ko eļap jān kom otemjej:
- [19] Ijoke, ilo eklejia, eņņan ippa bwe in kōnono ļalem naan kōn aō ļoļātāt bwe in barāinwōt katakin ro jet, jān joņoul tōujin naan ilo juon lo.
- [20] Ro jatiō, koņwin jab ajri ilo ļoļātāt: a ilo juunņaaide koņwin niņniņ, a ilo ļoļātāt koņwin rūtto ro.
- [21] Ilo kien eņōj jeje, Kōn armej in lo ko jet im kōn tien ko jet I naaj kōnono ñan armej rein; im āin deiņ re jāmin eņroņ Eō, Irooj ej ba.
- [22] Kōn men in lo ko rej juon kakōļe, jab ñan ro rej tōmak, a ñan ro re jab tōmak: a rūkaanij e jab ñan ro re jab tōmak a ñan ro rej tōmak.
- [23] Innām eļaiņne aolepen eklejia rej kweilōklōk ilo juon jikin, im er otemjej rej kōnono kōn lo ko, im armej waan ak ro re jab tōmak rej deļoņtok, re jāmin ba kom wūdeakeak ke?
- [24] A eļaiņne er otemjej rej rūkaanij, im ej deļoņ juon ri jab tōmak ak armej waan, e reel būruen kōn otemjej, im ro otemjej rej ekajete;
- [25] Men ko rettino an būruen rej waļok, im āindein e naaj buņpedo im kabuņ ñan Anij, im e naaj kōnnaan bwe eņool Anij ej eoļōpemi.
- [26] Innām ekōjkan ro jatiō? ke koņwin jimor kweilōklōk, jabdewōt iaami ewor an sam, ewor an katak, ewor an revelesōn, ewor an lo, ewor an kameļeļeik. Koņwin kōmņan men otemjej ñan kalōk.
- [27] Eļaiņne jabdewōt armej ej kōnono ilo juon lo, en karuo, ak jab elōņ jān jilu, im kōllaajrak; im juon en kameļeļeik.
- [28] A eļaiņne ejjeļok ri kameļeļeik, en ikōņ ilo eklejia; im en make kōnono ñan e wōt, im ñan Anij.
- [29] Ri kanaan ren kōnono ruo ak jilu, im ro jet ren ekajete.
- [30] A eļaiņne ewor revelesōn ñan bar juon ej jijet iturin, eo mokta en ikōņ.
- [31] Bwe kom otemjej maroņ in rūkaanij juon im juon, bwe otemjej ren katak, im otemjej ren aenōmņan:
- [32] Im jetōb ro an ro ri kanaan rej pokake ri kanaan ro;
- [33] Bwe Anij e jab Anij in airuwaro, a in aenōmņan; āinwōt ilo eklejia otemjej an ro reņņan.
- [34] Kōrā ro ren kejekļokjeņ ilo eklejia: bwe e jab mālim ñan er ren kōnono; a ren pokake, āinwōt kien ej barāinwōt ba.
- [35] Im eļaiņne re kōņaan katak jabdewōt, ren kajjitōk ippān lōņaro pāleir ilo moko imņweir, bwe men in kajook ñe juon kōrā ej kōnono ilo eklejia.
- [36] Ekōjkan? naan in Anij e ar itok jān kom ke? ak e ar iwōj ñan kom wōt ke?
- [37] Eļaiņne jabdewōt armej ej ļōmņak e ri kanaan, ak e jān Jetōb, en jeļā men ko ij jeje ñan kom bwe er kien Irooj.
- [38] A eļaiņne jabdewōt armej e jaje, en jaje.

- [39] Kōn men in, ro jatiō, komwin kanooj kōṅnaan in rūkaanij, im jab bōbrae bwe ren kōnono kōn lo ko.
- [40] A ren kōmman men otemjej ekkar im ilo laajrak.

JEPTA 15

- [1Ko 15.1] A Ij kōjjeļāik kom, ro jatiō, gospel eo I ar kwaļok ṅan kom, eo kom ar bōke, im eo kom barāinwōt jutak kake,
- [2] Kōn e barāinwōt lomṃoren kom; eļañne komij dāpij naan ko I ar kwaļoki ṅan kom, eļañne e jab bōd ami tōmak.
- [3] Bwe I ar lewōj ṅan kom ṃokta jān otemjej men eo I ar barāinwōt bōke, ekōjkan Kūrai e ar mej kōn jerṃowiwi ko ad ekkar ṅan Jeje ko;
- [4] Im ar kalbwīn E, im E ar jerkakpeje ilo raan kein ka jilu ekkar ṅan Jeje ko;
- [5] Im E ar weaaktok ṅan Sipas; bar juon iien ṅan ro joñoul im ruo;
- [6] Ālikin men in E ar weaaktok ṅan limabukwi men ro jemjein jemjaten ilo juon iien, elōñ iaer rej pād ṅan rainin, a jet rej kiki;
- [7] Ālikin men in E ar weaaktok ṅan Jemes; ālikin men in ṅan ro ri jelōk otemjej;
- [8] Im āliktata, āinwōt, āinwōt ṅan juon e ko, E ar barāinwōt weaaktok ṅan eō.
- [9] Bwe ṅa ediktata iaan ri jelōk, im ij petkake bwe ren ṅaeta ri jelōk, bwe I ar matōrtōre eklejia an Anij.
- [10] □A kōn jouj an Anij, men ko ippa im āinwōt: im jouj eo An eṃōj letok ṅan eō e jab jatokjān; a I ar jermal eļap jān er otemjej: ijoke e jab ṅa, a jouj an Anij e ar pād ippa.
- [11] Innām eļañne ṅa ak er, āindein kōmij kwaļok, im āindein kom ar tōmak.
- [12] Kiiō eļañne kwaļok Kūrai bwe E ar jerkakpeje jān ro re mej, ekōjkan jet iaami rej ba bwe ejjeļok jerkakpeje an ro re mej?
- [13] A eļañne ejjeļok jerkakpeje an ro re mej, Kūrai e ar jab jerkakpeje:
- [14] Im eļañne Kūrai e ar jab jerkakpeje, innām am kwaļok jekṃoon, im ami tōmak e barāinwōt jekṃoon.
- [15] Aet, im kōm ri kōnnaan riab an Anij; bwe kōm ar kōnnaan kōn Anij bwe E ar kajerkakpeje Kūrai: Eo E ar jab kajerkakpeje E, eļañne eṃool ro re mej re jab jerkakpeje.
- [16] Bwe eļañne ro re mej re jab jerkakpeje, ar jab kajerkakpeje Kūrai:
- [17] Im eļañne ar jab kajerkakpeje Kūrai, ami tōmak jettokjan; komij pād wōt ilo jerṃowiwi ko ami.
- [18] Innām barāinwōt ro raar kiki ilo Kūrai re jako.
- [19] Eļañne ilo mour in wōt jej kōjatdikdik kōj ilo Kūrai, kōj armej in tūriaṃo iaan armej otemjej.
- [20] A kiiō eṃōj an Kūrai jerkakpeje jān ro re mej, leen ṃoktata iaan ro rej kiki.
- [21] Bwe āinwōt mej e ar itok kōn armej, barāinwōt kōn armej ej itok jerkakpeje an ro re mej.
- [22] Bwe āinwōt ilo Adam ro otemjej rej mej, āindein barāinwōt ilo Kūrai ro otemjej re naaj mour.

- [23] A armej otemjej rej jepkālōn: Kūraiĵ leen moxtata; tokālik ro doon Kūraiĵ, ñe ej itok.
- [24] Innām jemloĵkōn, ñe Ej leloĵ aelōñ ñan Anij, aet, Jemen; ñe e naaj emōĵ An kaĵotloĵ kajoor otemjej an Irooĵ raĵ kab kieir im aer maroñ otemjej.
- [25] Bwe emman En Irooĵ ñan tōr eo emōĵ An likūt ro otemjej rej kōĵdat E iumwin neen.
- [26] Ri kōĵdat āliktata im e naaj jako, mej.
- [27] Bwe, E ar kōttāik men otemjej iumwin neen. A ke Ej ba, Emōĵ kōttāik men otemjej ñan E, e alikkar bwe E jab juon iaer, Eo e ar kōttāik men otemjej ñan E.
- [28] Im ñe emōĵ kōttāik men otemjej ñan E, iien eo Nejin e naaj barāinwōt make kōttāik E ñan Eo e ar kōttāik men otemjej ñan E, bwe Anij en otemjej ilo otemjej.
- [29] Eĵañne āinjuon ren et ro emōĵ peptaiĵ er kōn ro re mej? Eĵañne ro re mej re jab jerkakpeje ñan jidik, etke rej peptaiĵ kōn er?
- [30] Im etke jej barāinwōt pād im uwōta awa otemjej?
- [31] Ij ba kōn lañlōñ eo ippa kōn kom ilo Kūraiĵ Jijeĵ ad Irooĵ, ij mej raan otemjej.
- [32] Eĵañne āinwōt armej I ar ire ippān kidu rawia i Epesōs, ewi an kakajooror eō? Eĵañne ro re mej re jab jerkakpeje, jen moñā im idaak, bwe ilju je mej.
- [33] Komwin jab bōd: kōmṃao ko renana rej kakōt manit ko remman.
- [34] Komwin ruj ñan wānōk, im jab jerowiwī; bwe ejjeĵok jeĵā Anij ippān jet: ij kōnono men in bwe in kajook kom.
- [35] A juon e naaj ba, Ekōĵkan keĵerkakpeje ro re mej? im ie āin ānbwin rej itok kake?
- [36] Kwe anāpāp, men eo kwōĵ jeor e jab eddek, eĵañne e jab mej:
- [37] Im men eo kwōĵ jeor e, kwō jab jeor ānbwin e naaj an, a ine wōt, bōlen wit, ak juon iaan ko jet;
- [38] A Anij ej leloĵ ānbwinnen āinwōt E ar kōṃaan, im ñan jabdewōt ine ānbwinnen.
- [39] Kanniōk otemjej e jab juon wōt kanniōk: a juon kanniōkin armej, im bar juon kanniōkin kidu, im bar juon kanniōkin bao, im bar juon kanniōkin ek.
- [40] Barāinwōt ewor ānbwin i lañ, im ewor ānbwin i laĵ: a aibooĵoj an ko i lañ juon, im eo an ko i laĵ āin juon.
- [41] Juon aibooĵoj an aĵ, im bar juon aibooĵoj an allōñ, im bar juon aibooĵoj an iju kan; bwe juon iju e jab āinwōt bar juon iju ilo an aibooĵoj.
- [42] Āindein barāinwōt jerkakpeje an ro re mej. Emōĵ jeor e ilo wabanban; ej jerkakpeje ilo jabwabōnbōn:
- [43] Emōĵ jeor e ilo ettoon: ej jerkakpeje ilo aibooĵoj: emōĵ jeor e ilo moĵṃo; ej jerkakpeje ilo kajoor:
- [44] Emōĵ jeor e ānbwinnen armej; ej jerkakpeje ānbwin e jetōb. Eĵañne ewor ānbwinnen armej, barāinwōt ewor e jetōb.
- [45] Āindein emōĵ jeje, Armej eo moxta Adam e ar armej emour. Adam eo ālik E jetōb in kemour.
- [46] Ijoke eo e jetōb e ar jab moxta, a eo ej armej; im tokālik eo e jetōb.
- [47] Armej eo moxta e jān laĵ, ri laĵ: Armej eo kein ka ruo E jān lañ.
- [48] Āinwōt eo ri laĵ, āindein ro ri laĵ: im āinwōt Eo ri lañ, āin dein ro ri lañ.

- [49] Im äinwõt jaar bōdañe wāween eo ri la], barāinwõt je naaj bōdañe wāween Eo ri lañ.
- [50] Kiiō ij ba men in, ro jatiō, bwe kanniōk im bōtōktōk re jab maroñ bōk aer jolōt aelōñ in Anij: im wabanban e jab bōk an jolōt ilo jabwabōnbōn.
- [51] Lo, ij kōnnaanōk kom juon men eo ettino: jab kōj otemjej je naaj kiki, a kōj otemjej je naaj äinjuon,
- [52] Ilo būkkinkwōle, ilo rom, ilo jilel eo āliktata: bwe jilel e naaj jañ, im ro re mej re naaj jerkakpeje re jabwabōnbōn, im kōj je naaj erom äin juon.
- [53] Bwe emman wabanban in en kōᅇak jabwabōnbōn, im mej in en kōᅇak banmej.
- [54] A ñe emōj an wabanban in kōᅇak jabwabōnbōn, im emōj an men in men in mej kōᅇak banmej, innām e naaj jejjet naan eo emōj je, Mej e jo ilo anjo.
- [55] O mej, ewi am anjo? O mej, ewi am kein ire?
- [56] A kein ire an mej jerowiwī, im kajoor an jerowiwī kien eo:
- [57] A kamᅇoolol Anij, eo Ej letok ñan kōj anjo kōn ad Irooj Jijej Kūraj.
- [58] Innām ro jatiō, kom jitōnbōro, en rim būruemi, im kibria, im en ewor tokjemi iien otemjej ilo jermal an Irooj, bwe komij jeļā bwe ami jermal e jab jekdoᅇon ilo Irooj.

JEPTA 16

- [1Ko 16.1] Kiiō kōn aine men in leļok ñan ro remman, äinwõt I ar kaiñ eklejia ko i Galetia, äindein komwin barāinwõt kōmman.
- [2] Ilo raan eo mokta ilo wiik otemjej jabdewōt iaami otemjej en kamakeļok iaan ᅇa ippān äinwõt an jeraamman kake, bwe en ejjeļok aine ñe ij iwōj.
- [3] Im ñe ij iwōj, ro kom ļomᅇak remman, im naaj nōbar er ilo lōta, I naaj jilkin er ļok bwe ren bōkļok ami men in yokwe ñan Jerusalem.
- [4] A eļaññe emman bwe in barāinwõt ilok, re naaj karwaanļok eō.
- [5] A I naaj iwōj, ñe emōj aō etal ilujen Masedonia; bwe I naaj deļok Masedonia.
- [6] A bōlen I naaj pād ippemi, aet, im kañōneañ, bwe komwin jipañļok eō ñan ijo jabdewōt I naaj ilok ie ļok.
- [7] Bwe I jab kōᅇaan lo kom kiiō ilo ial eo ļok; bwe ij katmāne in pād wōt ippemi ewor iien eļaññe Irooj e naaj letok ñan eō.
- [8] A I naaj kattar i Epesōs ñan Pentekost.
- [9] Bwe emōj kapeļok juon aor eļap ñan eō im itok limoō, im elōñ ro rej juᅇae.
- [10] □A eļaññe ej iwōj Timote, komwin lale bwe en pād ippemi im jab mijak; bwe ej jerbale jermal an Irooj äinwõt ña:
- [11] Innām ejjeļok armej en kajekdoᅇon e. A komwin jilkintok e ilo aenōmman bwe en bar itok ñan ippa: bwe ij katmāne en karwaantok ro jemjein jemjaten.
- [12] A kōn jeed im jated Apollōs, I ar kanooj akweļap ñan e bwe en iwōj ñan kom ippān ro jemjein jemjaten: im e ar jab kōᅇaan iwōj kiiō; a e naaj iwōj ñe ej lo iien emman.
- [13] Komwin ekil, jutak pen ilo tōmak, komwin kōmman äinwõt emmaan, komwin kajoor.
- [14] Men otemjej komij kōmanman, komwin kōmman ilo yokwe.

- [15] A ij akweļap ñan kom, ro jatiõ (kom jeļã ro nukwin Stipenas, eo leen moxtata i Akeia, im raar make likūt er bwe ren jermal ñan ro remman,)
- [16] Bwe komwin kipiliie ñan ro aierwõt, im ñan jabdewõt eo ej jipañ im jermal ilo jermal in.
- [17] Ij mōñōñō kōn an itok Stipenas, im Fortuentōs im Akeikōs: bwe raar kōketok eõ kōn men eo I kar aikuj jãn kom.
- [18] Bwe raar kōkããl aõ im ami: innãm komwin kile ro aierwõt.
- [19] Eklejia ko ilo Esia rej yokyokwe kom. Akula im Priska re kanooj yokyokwe kom ilo Irooj, kab eklejia eo ilo imweir.
- [20] Jemjein jemjaten otemjej rej yokyokwe kom. Komwin yokyokwe doon kōn mejenma ekwōjarjar.
- [21] Ña Paul ij yokyokwe kom kōn eļtan peiõ.
- [22] Eļaññe jabdewõt armej e jab yokwe Irooj, en anatema. Ad Irooj ej itok.
- [23] Jouj an Irooj Jijej Kūraij en pãd ippemi.
- [24] Aõ yokwe en pãd ippemi otemjej ilo Kūraij Jijej. Amen.

2 KORINT

JEPTA 1

- [2Ko 1.1] Paul ri jelōkan Kūraij Jijej kōn ankilaan Anij, im Timote jated, ñan eklejia eo an Anij, eo ej pād i Korint, kab ro remman otemjej, ro rej i aolepen Akeia:
- [2] Jouj ñan kom kab aenōmman jān Anij Jemed im Irooj Jijej Kūraij.
- [3] Jen nōbar Anij eo Jeman ad Irooj Jijej Kūraij, Jeman tūriamokake, im Anij in aenōmman otemjej;
- [4] Eo ej kaenōmmane kōm ilo am jorrāān otemjej, bwe kōmwīn maroñ in kaenōmmane ro rej pād ilo jabdewōt jorrāān, kōn aenōmman eo kōmij make aenōmman kake jān Anij.
- [5] Bwe āinwōt eñtaan ko an Kūraij rej lōñlok ñan kōm, āindein am aenōmman ej bar lōñlok kōn Kūraij.
- [6] Bwe eļaññe kōm jorrāān, ej ñan ami aenōmman im mour; ak eļaññe kōm aenōmman, men in ñan ami aenōmman, eo ej jermal ilo kijenmej iumwīn eñtaan kein kōmij barāinwōt eñtaan kaki: im am kōjatdikdik kōn kom e pen wōt;
- [7] Ke kōm jeļā bwe āinwōt komij bōk mōttan eñtaan ko, āindein barāinwōt aenōmman.
- [8] Bwe kōm jab kōṅaan, ro jatiō, bwe komwīn jaje kōn am jorrāān eo ej itok ñan kōm i Esia, bwe e ar kanooj ļap am eñtaan, eļap jān am maroñe, āinwōt bwe ejako kōtmāne otemjej kōn mour:
- [9] Aet, kōm ar make ļōmṅak kōm dien mej, bwe kōmin jab make lōke kōm, a Anij eo Ej kajerkakpeje ro remej:
- [10] □Eo e ar ļomṅoren kōm jān keien mej eļap, im E naaj ļomṅor: kōn E kōm kōjatdikdik kōm bwe E naaj barāinwōt ļomṅoren kōm;
- [11] Ke komij barāinwōt jimor jipañ kōm kōn ami jar, bwe, kōn men in yokwe emōj letok ñan kōm kōn elōñ armej, elōñ re naaj kaṅmoolol kōn kōm.
- [12] Bwe am lañlōñ men in, kōnnaan in am bōklōkōt, bwe ilo kwōjarjar im mool an Anij, jab ilo mālōtlōt in kanniōk, a ilo jouj an Anij, kōm ar etetal i laļ, im elōñlok ippemi.
- [13] Bwe kōm jab jejewōj men ko jet, a men ko komij kōnono ilo bok ak kwaļok, im ij kōtmāne kom naaj kwaļoki ñan jemļokōn:
- [14] Āinwōt kom ar bar kwaļok kōm ilo jimattan, bwe kōm ami men in kōmmejāje, āinwōt kom barāinwōt am, ilo raan in ad Irooj Jijej.
- [15] Im ilo lōke in I ar pepe in iwōj mokta ñan kom, bwe komwīn bōk bar juon men in jouj,
- [16] Im bwe in ilok jān kom ļok ñan Masedonia, im bar itok jān Masedonia ñan kom, im bwe komwīn jipañlok eō ilo ial eo aō ñan Judia.
- [17] Ke āindein aō pepe, I ar kōjak ke? ak men ko ij pepe, ij pepe ekkar ñan kanniōk ke, bwe ippa en ewor aet, aet, im jab, jab?
- [18] A āinwōt Anij etiljek, am naan wōj e jab aet im jab.

- [19] Bwe Nejin Anij, Jijej Kūraij, eo kōm ar kwaļok ñan kom, aet, ña im Silvenōs im Timote, e ar jab aet im jab, a ilo E aet.
- [20] Bwe ñe jabdewōt oran kallimur an Anij, ilo E aet eo: kōn men in barāinwōt kōn E Amen eo, ñan aiboojoj an Anij kōn kōm.
- [21] Kiiō Eo ej kapen kōm kab kom ilo Kūraij, im E ar kapit kōj, E Anij;
- [22] Eo e ar sil kōj im letok Jetōb eo men in mōkajkaj ilo būrued.
- [23] A ij kūr ñan Anij bwe En kōnnaan kōn aō, bwe kōn aō tūriaṃokake kom I jab kar iwōj ñan Korint.
- [24] Jab bwe kōm irooj ioon ami tōmak, a kōm ri jipañ ilo ami lañlōñ: bwe kōn tōmak komij jutak.

JEPTA 2

- [2Ko 2.1] A I ar pepe eñin ippa, bwe in jab bar iwōj ñan kom ilo būromōj.
- [2] Bwe eļañne ij kabūromōj kom, innām wōn eo ej kalañlōñ eō, a eo wōt ij kabūromōj e?
- [3] Im I ar jeje eñin, bwe ñe ij iwōj, in jab bōk būromōj jān ro emṃan in mōṃṃō kake er; ke ij lōke kom otemjej bwe aō mōṃṃō eo ami otemjej.
- [4] Bwe jān elōñ jorrāan im eñtaan būruō I ar jeje wōj ñan kom kōn elōñ dānnin kōmjaala; jab bwe koṃwin būromōj, a bwe koṃwin jeļā yokwe eo ippa e kanooj lap ñan kom.
- [5] A eļañne jabdewōt e ar kabūromōj, e ar jab kabūromōj eō, a ilo jimattan (bwe in jab kinaakļok eļap) kom otemjej.
- [6] E bwe ñan armej in liaakļok eo elōñ raar kōṃmane;
- [7] Innām āinjuon emṃan bwe koṃwin joļok an nana im kaenōṃman e, ñe ab juon āinwōt en jo ilo an būromōj eļapļok.
- [8] Kōn men in ij akweļap ñan kom bwe koṃwin kapen ami yokwe e.
- [9] Bwe ñan men in I ar barāinwōt jejewōj, bwe in jeļā kajjiemi, eļañne komij kipiliie ilo men otemjej.
- [10] A jabdewōt eo kōmij joļok an nana, bar āinwōt ña: bwe eļañne I ar joļok jabdewōt nana, I ar joļok nana eo kōn kom, āinwōt imaan mejan Kūraij;
- [11] Bwe Setan en jab joñe kōj: bwe je jab jaje kake madṃōd ko an.
- [12] A ke I ar itok ñan Troas bwe in kwaļok gospel an Kūraij, im juon aor epeļok ñan eō ilo Irooj,
- [13] I ar jab aenōṃman ilo aō, bwe I ar jab lo Taitōs jatiō: a I ar iōkyokwe er, im ilok jān ippaer ñan Masedonia.
- [14] A kaṃmoolol Anij, eo Ej tōl kōm ilo anjo iien otemjej ilo Kūraij, im Ej kaalikkar kōn kōm ñaj in An jeļā ijo ko otemjej.
- [15] Bwe kōm men in ñaj emṃan an Kūraij ñan Anij, ippān ro rej mour, im ippān ro rej jako;
- [16] Ñan rein kōm men in ñaj jān mej ñan mej; a ñan raan men in ñaj jān mour ñan mour. Im wōn ej maroñe men kein?

[17] Bwe kōm jab āinwōt elōñ, ro rej kãreik naan in Anij; a āinwōt jãn mool, a āinwōt jãn Anij, iṃaan mejan Anij, kōmij kōnono ilo Kūraij.

JEPTA 3

- [2Ko 3.1] Kōmij jino bar kwaḷok kaddadim ñan kom ke? ak emṃan ke en wor lōta in kaddadim ñan kom, ak jãn kom, āinwōt jet armej?
- [2] Kom lōta eo am, jeje ilo būruem, im emōj an armej otemjej jeḷã im kōnono ilo lōta iṃ;
- [3] Ke e alikkar bwe kom lōta an Kūraij, eo kōm ar jerbale, jab jeje kōn inik, a kōn Jetōb òn Anij emour; jab ilo tebōḷ dekā, a ilo būruemi tebōḷ kanniōk ko.
- [4] A lōke āindein ippem kōn Kūraij ñan Anij:
- [5] Jab bwe kōm make maroñ in lõmṃak jabdewōt āinwōt jãn kōm make; a am maroñe e jãn Anij;
- [6] Eo e ar bar kamaroñ kōm ri jermal in kallimur ekããl; jab ilo lōta, a ilo jetōb: bwe lōta ej kajeekḷok, a jetōb ej kemour.
- [7] A eḷaññe jermal in mej, eo ilo lōta, im bukwe ilo dekā ko, e ar waḷok ilo aiboojoj, āinwōt bwe ro nejin Israel raar jab maroñ in kallimjek mejan Moses kōn an aiboojoj turin mejan; eo e jedkaju:
- [8] Ekōjkan, jermal in Jetōb en jab ḷapḷok ilo aiboojoj ke?
- [9] Bwe eḷaññe ewor aiboojoj ippãn jermal in liaakḷok, eḷapḷok an jermal in kwōjarjar e obrak kōn aiboojoj.
- [10] □Bwe emool eñeo, ar kaiboojoj e, ar jab kaiboojoj e ilo men iṃ, kōn aiboojoj eo eḷapḷok.
- [11] Bwe eḷaññe men eo ejedkaju e ar aiboojoj, eḷapḷok men eo ej pãd wōt ej ilo aiboojoj.
- [12] Ke āindein am kōtmãne kōmij peran in kōnono,
- [13] Im jab āinwōt an Moses likūt veil iṃaan mejan, bwe ro nejin Israel ren jab kallimjeke ñan jemḷokōn men eo e jedkaju:
- [14] A būrueir raar pen: bwe ñan raan iṃ ej pãd wōt veil eo ilo kōnono ilo kallimur eo mōkta, eo e ḷotḷok ilo Kūraij.
- [15] A ñan raan iṃ, jabdewōt iien rej kōnono jeje an Moses, veil ej pãd ion būrueir.
- [16] Ijokwe ñe ej oktak ñan Irooj, veil eo ej jako.
- [17] Kiiō Irooj e Jetōb eo; im ijo Jetōb òn Irooj ej pãd, ijo anemkwōj.
- [18] A kōj otemjej, ejjeḷok veil iṃaan mejed, jej kallimjek, āinwōt ilo kapjer, aiboojoj an Irooj, im jej kōjakkōlkōl ñan wãween eo jãn aiboojoj ñan aiboojoj, āinwōt kōn Irooj, Jetōb.

JEPTA 4

- [2Ko 4.1] Innãm ke jermal iṃ ippem, āinwōt kōm ar bōk tūriamō, kōm jab ebbeer:
- [2] A kōm ar ilok jãn men ko rettino men in kajook, im jab etetal ilo ṃon, im jab kariab naan in Anij; a kōn kaalikkar mool, kōm kwaḷok kaddadim ñan bōklōkōt an armej otemjej iṃaan mejan Anij.

- [3] A eļāñņe e penjak am gospel, e penjak ñan ro re jako;
- [4] Ilo er anij in laļ in e ar kapilo ļōmņak an ro re jab tōmak, bwe meram in gospel in aiboojoj an Kūraiļ, eo wāween Anij, en rome er.
- [5] Bwe kōm jab make kwaļok kōm, a Kūraiļ Jijeļ e Irooj, im kōm ro korijerami kōn Jijeļ.
- [6] Bwe Anij, eo E ar ba, Jān marok en romaak meram, E ar romaak ilo būruem, bwe En letok meram in jeļā aiboojoj an Anij ilo mejan Jijeļ Kūraiļ.
- [7] A men in aorōk in ippem ej ilo jāpe bwidej ko, bwe maroņ eo e kanooj ļap en jān Anij, im jab jān kōm;
- [8] Ilo ial ko otemjej kōmij obrak, a jab jobōj; kōmij pok, a e jaņin jako kōjatdikdik;
- [9] Reļ matōrtōre kōm, a kōm jab make iaam; reļ jolaļļok kōm, a kōm jab jako;
- [10] □Iien otemjej ej pād ilo ānbwinnem mej an Jijeļ, bwe barāinwōt mour an Jijeļ en waļok ilo ānbwinnem.
- [11] Bwe iien otemjej kōmeo kōmij mour reļ ketak kōm ñan mej kōn Jijeļ, bwe barāinwōt mour an Jijeļ en waļok ilo kanniōkim dien mej.
- [12] Āindein mej ej jerbale ilo kōm, a mour ilo kom.
- [13] A ke ej ippem jetōb eo in tōmak āinwōt men eo eņōj jeje, I ar tōmak, innām I ar kōnono; kōm barāinwōt tōmak, innām barāinwōt kōmij kōnono;
- [14] Ke kōm jeļā bwe Eo e ar kejerkakpeje Irooj Jijeļ, E naaj barāinwōt kejerkakpeje kōm ippān Jijeļ, im kwaļok kōm ippemi.
- [15] Bwe men otemjej ñan kom, bwe jouj eo, eņōj kaļapļok e kōn ro relōņ, en koorļok kaņņoolol ko ñan aiboojoj an Anij.
- [16] Kōn men in kōm jab ebbeer; a meņe ānbwinnem e ļotļok, ijoke kōkāāl am raan otemjej.
- [17] Bwe am eņtaan eo e mōrā im iumeļok, eļap otem ļap an jerbale ñan kōm aiboojoj e jemlōm eddo im indeeo;
- [18] Ke kōm jab kallimjek men ko jej loi, a men ko je jab loi: bwe men ko jej loi re jedkaju, a men ko je jab loi reļ indeeo.

JEPTA 5

- [2Ko 5.1] Bwe kōm jeļā eļāñņe eņōj jeļate am iņōn kōppād i laļ, ewor iņwem jān Anij, mweo pā ko raar jab kōmņane, im indeeo ilo laņ.
- [2] Bwe eņool ilo men in kōmij ñōr, im kanooj kōņaan kōņak mweo iņwem jān laņ:
- [3] Eļāñņe kōn ewor am nuknuk ko re jāmin lo kōm im keelwaan.
- [4] Aet, bwe ke kōmij pād ilo iņōn kōppād in, kōmij ñōr im bolikim: ijoke kōm jab kōņaan utūk men in, a kanuknuk kōm ņa ioon, bwe men in mej eo en jo ilo mour.
- [5] A Eo e ar jerbale kōm ñan men in e Anij, eo E ar letok ñan kōm Jetōb eo men in mōkajkaj.
- [7] Innām kōm peran iien otemjej im jeļā bwe ke kōm jokwe ilo ānbwinnem, kōm jako jān Irooj:
- [7] (Bwe jej etetal kōn tōmak, jab kōn loe);

- [8] Kōm peran, ij ba, im kōṇaanḷok bwe kōmin jako jān ānbwinnem, im jokwe ippān Irooj.
- [9] Kōn men in barāinwōt kōm kajjioñ bwe eḷaññe kōm jokwe ilo ānbwinnem ak jako jān e, kōm kabuñbūruen.
- [10] □Bwe kōj otemjej je naaj waḷok imaan kein jijet in ekajet an Kūrai; bwe jabdewōt iad en bōk men ko kōmanṃAn ilo ānbwinnen, ekkar ñan kōmman eo an eḷaññe emman ak enana.
- [11] Innām kōm am jeḷā mijak Irooj, kōmij kareel armej, a kōm alikkar ñan Anij; im ij kōtmāne bwe barāinwōt kōm alikkar ilo ami bōklōkōt.
- [12] Kōm jab bar kwaḷok kadjadim ñan kom, a kōmij lewōj ñan kom kein kōmmejāje kōn kōm, bwe en wor ami naan in uwaak ro rej kōmmejāje ilo mejeir, im jab ilo būrueir.
- [13] Bwe eḷaññe kōm wūdeakeak, e ñan Anij; ak eḷaññe kōm jeḷāḷokjeñ, e ñan kom.
- [14] Bwe yokwe an Kūrai e reelel ilo būruem; bwe āindein am ḷomṃak, Juon e ar mej kōn otemjej, innām ro otemjej raar mej;
- [15] Im E ar mej kōn otemjej bwe ro rej mour ren jab bar mour ñan er make, a ñan Eo e ar mej im jerkakpeje kōn er.
- [16] Kōn men in jān kiiō kōm jab jeḷā jabdewōt armej ekkar ñan kanniōk; meñe kōm ar jeḷā Kūrai ekkar ñan kanniōk, a jān kiiō e jāmin āindein am jeḷā kajjien.
- [17] Innām eḷaññe jabdewōt armej ej pād ilo Kūrai e men in kōmanṃan ekāāl: men ko mokta re ḷotḷok; lo rej erom kāāl.
- [18] A men otemjej rej jān Anij, eo E ar kalaajrak kōj ñan E kōn Kūrai, im E ar letok ñan kōm jermal in kalaajrak;
- [19] Eñin bwe Anij e ar pād ilo Kūrai im Ej kalaajrak laḷ ñan E make, im jab watōk aer jerowiwī ñan er, im E ar likūt ṇa ippem naan in kalaajrak.
- [20] Innām kōm ri keeañ kōn Kūrai, āinwōt eḷaññe Anij ej akweḷap ilo kōm: kōm akweḷap ñan kom kōn Kūrai, koṃwin reel ñan Anij.
- [21] Eo e ar jab jeḷā jerowiwī, E ar kōmman E jerowiwī kōn kōj, bwe jen erom wānōk in Anij ilo E.

JEPTA 6

- [2Ko 6.1] Kōm jermal ippān im barāinwōt akweḷap ñan kom bwe en jab jettokjan ami bōk jouj an Anij,
- [2] (Bwe Ej ba, Ilo iien ekkar I ar eḷoñ eok, im ilo raan in ḷomḷor I ar jipañ eok; lo, kiiō iien emman; lo, kiiō raan in ḷomḷor):
- [3] Ke kōm jab kōmman men in buñ ilo jabdewōt, bwe en ejjeḷok ṇotaan jermal eo am;
- [4] A ilo men otemjej kōm kwaḷok kadjadim āinwōt ri jermal an Anij, ilo kijenmej eḷap, ilo eñtaan ko, ilo aikuj ko, ilo jorrāñ ko,
- [5] Ilo dibitbit ko, ilo prisōn ko, ilo jourur ko, ilo jermal ko, ilo mmej ko, ilo jitḷok ko;
- [6] Ilo erreō, ilo jeḷā, ilo meanwōd, ilo jouj, ilo Jetōb Kwōjarjar, ilo yokwe e jab riab,

- [7] Ilo naan in mool, ilo kajoor an Anij; kōn kein tariṇae in wānōk i anbwijmaroñ im anmiñ,
- [8] Kōn aiboojoj im buijinarmej, kōn buñbuñ enana im buñbuñ emman; ãinwōt ri mon, im kōmij mool;
- [9] ãinwōt ruwamãejet im kōm ruwanene; ãinwōt dien mej, im lo, kōm mour; ãinwōt je, im jab jeeklōk;
- [10] □ ãinwōt būromōj, a kōm lañlōñ iien otemjej; ãinwōt jeraṇōl, a kōm maṇweien elōñ; ãinwōt ejjelōk ippem, im men ko otemjej ippem.
- [11] Loñim e waḷañi ñan kom, ro ri Korint, būruem eḷaplōk.
- [12] Kom jab obrak ilo kōm, a kom obrak ilo būruemi.
- [13] Kiiō bwe in ṇaoneami ilo wāween wōt (ij kōnono ãinwōt ñan ro nejiō) en barãinwōt ḷaplōk būruemi.
- [14] Ren jab kadebijik kom ilo jakkar ippān ro re jab tōmak: bwe yokwe ot ippān wānōk im jab wānōk? ak kōmṇao ot an meram ippān marok?
- [15] Ak ewor ke an Kūraj bōk ñan būruen Bilial? ak ṇōttan ot an ri tōmak ippān ri jab tōmak?
- [16] Ak ta eo ãinwōt juon ippān tempel an Anij im ekjab ko? bwe kōj tempel an Anij emour; ãinwōt Anij e ar ba, I naaj jokwe ilo er, im etetal ilo er, im I naaj aer Anij, im re naaj ro doō.
- [17] Kōn men iṇ koṇwin diwōjtok jān ioḷapeir, im kamakeḷok iaami, Irooj ej ba, im jab uññūr jabdewōt men eo e jab erre; im I naaj bōk kom,
- [18] Im I naaj Jememi, im kom naaj ro nejiō maan im kōrã, Irooj Eutiejtata ej ba.

JEPTA 7

- [2Ko 7.1] Innām ro jitōnbōro, ke kallimur kein ipped, jān make karreoik kōj jān ettoon otemjej in kanniōk kab ad, im koweppan kwōjarjar ilo mijak Anij.
- [2] Koṇwin kapelḷok būruemi ñan kōm; ejjelōk en kōm ar kabōd e, ejjelōk en kōm ar kananaik e, ejjelōk en kōm ar ṇoṇ e.
- [3] I jab ba bwe in liaaklōk kom: bwe E ar ba ṇokta, bwe komij pād ilo būruem in jimor mej ak jimor mour.
- [4] Eḷap aō peran in kōnono ñan kom, eḷap aō kōmmejãje kōn kom: I obrak kōn aenōṇman, e kanooj orḷok lañlōñ ippa ilo am eñtaan otemjej.
- [5] Bwe ke kōm ar itok ñan Masedonia, kanniōkim e ar jab lo kakkije, a kōm ar eñtaan ijo ko otemjej; ãlikim tariṇae ko, ilowam mijak ko.
- [6] Ijokwe Anij, eo Ej kaenōṇmane ro rej ettã, E ar kaenōṇmane kōm kōn an itok Taitōs;
- [7] Im jab kōn an itok wōt, a kōn aenōṇman eo ar kaenōṇmane kake ilo kom, ke e ar kōnnaanōk kōm kōn ami oñkake, kōn ami jañ, kōn ami kijejeto kōn eō; ãin eḷapḷok aō lañlōñ.
- [8] Bwe meñe I ar kabūromōj kom kōn lōta eo aō, I jab ukeḷok kiiō, meñe I ar ukeḷok; bwe ij kile bwe lōta eo e ar kabūromōj kom, a ilo iien eo e kadu wōt.

- [9] Kiiō ij mōñōñō, jab bwe ar kabūromōj kom, a bwe ar kabūromōj kom ñan ukeļok: bwe ar kabūromōj kom ilo men eo ekkar ñan Anij, bwe koṃwin jab bōk jabdewōt jorrāān jān kōm.
- [10] □Bwe būromōj ekkar ñan Anij ej jerbale ukeļok ñan mour, eo ejjeļok bar ukeļok jān e; a būromōj in laļ ej jerbale mej.
- [11] Bwe lo, men in, ke ar kabūromōj kom ekkar ñan Anij, ie āin niknik e ar jerbale ilo kom, ak kowānōk kom, ak illu, ak mijak, ak oñkake, ak kijejeto, ak iden-ōne! Ilo men otemjej kom ar kaṃool bwe ejjeļok ṇotami ilo men in.
- [12] Innām meñe I ar jeje ñan kom, eñin e jab kōn eo e ar kōmṃan nana, im jab kōn eo e ar jorrāān, a kōn kaalikkar ñan kom ami kanooj lale kōm iṃaan mejan Anij.
- [13] Kōn men in eṃōj kaenōmṃane kōm: im ilo am aenōmṃan ar koorļok am lañlōñ kōn lañlōñ an Taitōs, bwe e ar aemōļoļo kōm kom otemjej.
- [14] Bwe eļaññe I ar kōmmejāje jabdewōt ñan e kōn kom, I ar jab jook kake; a āinwōt kōm ar kōnono men otemjej ñan kom ilo ṃool, āindein kōmmejāje eo am ñan Taitōs, barāinwōt ar loe eṃool.
- [15] Im būruen eļapļok ñan kom, ke ej keememej am otemjej kipiliie, ekōjkan kōn mijak im wūdiddid kom ar bōk e.
- [16] Ij lañlōñ bwe ilo men otemjej ij peran kake kom.

JEPTA 8

- [2Ko 8.1] Bar juon kōm kōjjeļaik kom, ro jatiōm, kōn jouj an Anij eo eṃōj leļok ñan eklejia ko i Masedonia;
- [2] Ekōjkan ilo eļap mālejjoñ er kōn eñtaan, aer lañlōñ eļap im kanooj jeraṃōl e ar koorļok aer ṃweiuk in deepļok.
- [3] Bwe āinwōt aer maroñ, ij kōnnaan kōn er, im eļapļok jān aer maroñ, raar kōṃaan im leļok,
- [4] Im kōn elōñ akweļap raar kajjitōk ippem kōn men in jouj in, im kōmṃao ilo jermal ñan ro reṃṃan.
- [5] Im eñin jab āinwōt kōm ar kōtmāne, a raar make leļok er ṃokta ñan Irooj, im ñan kōm kōn ankilaan Anij.
- [6] Āinwōt bwe kōm ar kauwe Taitōs, bwe en kajemļok men in jouj in ilowami, āinwōt eṃōj an jino ṃokta.
- [7] A āinwōt komij ke ilo men otemjej, ilo tōmak, im kōnono, im jeļā, im ilo lolñijñij otemjej, im ilo ami yokwe kōm, lale bwe koṃwin barāinwōt ke ilo men in jouj in.
- [8] I jab ba kōn kaiñi, a kōn lolñijñij an ro jet, bwe in mālejjoñ ṃool in ami yokwe.
- [9] Bwe komij jeļā jouj an ad Irooj Jijej Kūraij, bwe meñe E kein ṃweiie, E ar erom jeraṃōl kōn kom, bwe koṃwin ṃweiie kōn An jeraṃōl.
- [10] □Im I ar kwaļok aō pepe ilo men in: bwe men in men in kakajooror komeo, kom ar jino ṃokta jab in kōmṃan wōt, a pepe in kōmṃan juon iiō emootļok.
- [11] A kiiō koṃwin barāinwōt kaṃōjļok ami kōmṃane, bwe āinwōt e ar ewor pepe in kōṃaan, āindein barāinwōt en wor kaṃōjļok kōn ami maroñ.

- [12] Bwe eļañņe ededeļok ļōmņak, ej kabuñbūru ekkar ñan men ko ippān armej, jab ñan men ko ejjeļok ippān.
- [13] Bwe I jab ba men iņ bwe armej ro jet ren jeraamman, im kom jorrāān:
- [14] A kōn jipjipān doon; iumwin iien iņ, ami jeraamman en kake aer jeraamōl, bwe aer jeraamman en barāinwōt kake ami jeraamōl; bwe en jokoņ wōt juon:
- [15] Āinwōt eņōj jeje, Eo e ar aini elōñ ejjeļok bween, im eo e ar aini edik ejjeļok an aikuj.
- [16] A kaņmoolol Anij, eo E ar likūt ilo būruen Taitōs bwe en kanooj lale kom.
- [17] Bwe eņool e ar eņroñ am kauwe e; a bwe eļap an lolñijñij, kōn an make kōņaan, e ar iwōj ñan ippemi.
- [18] Im kōm ar jilkinļok ippān ļok juon jatiōm, eo e buñbuñ ilo gospel ippān eklejia otemjej;
- [19] Jab men iņ wōt, a barāinwōt eklejia ko raar kāālōt e bwe en karwaan kōm ilo men in jouj iņ, eo kōm jermal kake, bwe kōmin kaiboojoj Irooj, im kwaļok am kōņaan:
- [20] Ke kōm kōjparok men iņ ñe raab kinaakļok kōm ilo lokot iņ kōmij jerbale:
- [21] Bwe kōm ļōmņak kōn men ko men in nōbar, jab iņaan mejan Irooj wōt, a barāinwōt iņaan mejan armej.
- [22] Im kōmij jilkinļok ippaerroļok jatiōm eo elōñ alen am mālejoñ an lolñijñij ilo men ko relōñ, a kiiō eļapļok an lolñijñij, kōn an ļap an lōke kom.
- [23] Eļañņe jabdewōt ej kajjitōk kōn Taitōs, e rājeta im ej jipān eō ñan kom; eļak ro jatiōm, er ri jelōk an eklejia ko, aiboojoj an Kūraij.
- [24] Innām koņwin kwaļok ñan er kein kaņool ami yokwe, im am kōmmejāje kōn kom, iņaan mejan eklejia ko.

JEPTA 9

[2Ko 9.1] Bwe kōn jermal ñan ro reņman, ejjeļok unin aō jejewōj ñan kom:

- [2] Bwe I jelā dedeļok an ami ļōmņak, im ij kōmmejāje kōn kōm ñan ro ri Masedonia, bwe jān iiō e jeņļok e pojak Akeia, im ami kijejeto e ar kōkātōk elōñ iaer.
- [3] A I ar jilkinwōj ro jatiōm, bwe am kōmmejāje kōn kom en jab jatokjān ilo men iņ; bwe, āinwōt I ar ba, koņwin pojak:
- [4] Eļañņe jab āinwōt ñe ewor ri Masedonia rej iwōj ippa, im lo ami jab pojak, kōm naaj jook (I jab ba kom) ilo lōke iņ.
- [5] Innām I ar ļōmņak eņman bwe in akweļap ñan ro jatiōm bwe ren iwōj mokta ñan kom, im kōmanman mokta ami men in yokwe, eo eņōj muri kake mokta, bwe en pojak āinwōt men in yokwe, im jab men in kowadoñ.
- [6] A ij ba men iņ, eo ej jeor im kaļmarok e naaj barāinwōt madmōd im kaļmarok: im eo ej jeor im deep e naaj madmōd im jeraamman.
- [7] Jabdewōt armej āinwōt e ar pepe ilo būruen, āindein en leļok; jab kōn kaļmarok, ak makoko: bwe Anij ej yokwe eo e mōņōņō in leļok.
- [8] Im Anij e maroñ in kōmanman bwe jouj otemjej en ke ñan kom; bwe koņwin jeraamman ilo men ko otemjej, im ōkeke ñan jermal otemjej reņman:

- [9] Āinwōt emōj jeje, E ar kajepłōklōk, e ar leļok ñan ro rej jeraṃōl; An wānōk ej pād wōt indeeo.
- [10] □Im Eo ej kake ine ñan ri jeor, im bred ñan ṃōñā, E naaj kake im koorļok ami ine in jeor im kalōñļok leen ami wānōk:
- [11] Ke ṇaṃweiiemi ilo men otemjej ñan deepļok otemjej, eo ej jerbale ilo kōm kaṃṃoolol ñan Anij.
- [12] Bwe kōṃṃan jipañ in ej kake aikuj an ro reṃṃan, im jab men in wōt, a ej ke barāinwōt ñan elōñ kaṃṃoolol Anij;
- [13] Bwe ilo mālejjoñ kom kōn jerbale in, rej kaiboojoj Anij kōn ami kipiliie, im kwaļok gospel an Kūraij, im kōn ami deepļok im leļok ñan er im ñan otemjej;
- [14] Ke er barāinwōt rej jar kōn kom, im jañware kom kōn jouj an Anij ej ilo kom.
- [15] Kaṃṃoolol Anij kōn An men in letok eo eļap jān maroñ in ba.

JEPTA 10

- [2Ko 10.1] Kiiō ña Paul ij akweļap ñan kom kōn ineeṃṃan im jouj an Kūraij, ña eo ke ij iṃaan mejemi I tā ippemi, a ke I jako I peran ñan kom:
- [2] Aet, ij kajjitōk ippemi bwe in jab peran ñe ij pād ippemi, im āinwōt ij ļōmṃak in peran ñan jet, ro rej ļōmṃak kōn kōm āinwōt kōmij etetal ekkar ñan kanniōk.
- [3] Bwe meñe kōm etetal im ilo kanniōk, kōm jab tariṇae ekkar ñan kanniōk,
- [4] (Bwe kein tariṇae ko kōm tariṇae kaki re jab jān kanniōk, a re kajoor ilo Anij ñan jolallok jikin ko re kajoor);
- [5] Ke kōm jolallok kōlmanļokjeṇ ko, kab jabdewōt men eo eutie, emōj koutiej e ṇae jeļā an Anij, im kejiṃokwe ļōmṃak ko otemjej ñan pokake Kūraij;
- [6] Im kōm pojak in kwi kake kipiliia otemjej, ñe ami pokake e naaj jejjet.
- [7] Komij kallimjek men ko iṃaan mejemi. Eļaññe jabdewōt armej ej lōke ilo e make bwe e doon Kūraij, en bar kōlmanļokjeṇ men in ippān, bwe āinwōt e doon Kūraij āindein barāinwōt kōm.
- [8] Bwe meñe ij kōmmejāje eļap jidik kōn am maroñ (eo Irooj e ar letok ñan kalōk kom im jab kōn kōkkure kom), I jāmin jook kake:
- [9] Bwe in jab kōṃṃan āinwōt in ka ļōļñōñ kom kōn lōta ko.
- [10] □Bwe lōta ko an, re ba, ewor kobhair im re kajoor; a an ānbwinnen pād emōjṇo, im an kōnono jekdoṇ.
- [11] Eo āinwōt, en ļōmṃak men in, bwe āinwōt kōmij ilo naan kōn lōta ko ke kōm jako, kōmij āindein ilo kōṃṃan ñe kōm pād ippemi.
- [12] Bwe kōm jab peran in likūt kōm ippaer, ak keidi kōm ñan ro jet rej make nōbar er: a er, ke rej joñe er ippān doon im keidi er ñan doon, re jab mālōtlōt.
- [13] A kōm jāmin kōmmejāje eļap jān am joñak, a ekkar ñan joñak in kien eo Anij e ar ṇajoñan ñan kōm, joñak eo ļok ñan kom.
- [14] Bwe kōm jab kanoj kaitokļok kōm, āinwōt eļaññe kōm jab tōpar wōj kom; bwe kōm ar wanṃaanwōj ñan kom ilo kwaļok gospel an Kūraij:

- [15] Im kōm jab kōmmejāje im eļap jān joņan, kōn jermal ko an ro jet; a kōn kōtmāne bwe ñe ej eddekļok ami tōmak, kōm naaj rūttoļok ippemi ekkar ñan kiem ñan orļok eļapļok,
- [16] Bwe kōmin kwaļok gospel ñan ijoko rettoļok jān kom, bwe kōmin jab kōmmejāje kōn men ko ilo kuņaan bar juon repojak ñan peim.
- [17] A eo ej kōmmejāje, en kōmmejāje ilo Irooj.
- [18] Bwe e jab lejokmen ļeo ej make kwaļok kadkadin, a ļeo Irooj ej kwaļok kadkadin.

JEPTA 11

- [2Ko 11.1] I kōņaan bwe koņwin meanwōd ñan eō, ilo aō bwebwe edik: aet, eņool koņwin meanwōd ñan eō.
- [2] Bwe ij kaņo kōn kom ilo e kaņo ekkar ñan Anij: bwe I ar karōk kom ñan juon pāleemi, bwe in leļok kom āinwōt bōjin erreō ñan Kūraij.
- [3] A I mijak, ñe ab kōn jabdewōt, āinwōt jedpānit eo e ar kapo Iv kōn an etao, āindein ļōmņak ko ami ren ettoonļok jān kwōjarjar im erreō eo ilo Kūraij.
- [4] Bwe eņool eļañņe eo ej itok ej kwaļok bar juon Jijej, eo kōm ar jab kwaļok e, ak eļañņe kom bōk bar juon jetōb, eo kom ar jab bōk e, ak bar juon gospel, eo kom ar jab eņoņ e, eņņan koņwin meanwōd ñan e.
- [5] Bwe ij ļōmņak I jab ettā kōn jabdewōt jān ri jelōk reutiejtata.
- [6] A meņe I apeltak ilo kōnono, I jab āindein ilo jeļā; aet, ilo men otemjej kōm ar kaalikkar e ippān armej otemjej ñan kom.
- [7] Ak I ar bōd ke ilo aō make kōttāik eō bwe koņwin utiej, bwe I ar kwaļok gospel an Anij ñan kom im ejjeļok oņān?
- [8] I ar kowadoņe eklejia ko jet, im bōk oņāō jān er bwe in jipaņ kom;
- [9] Im ke I ar pād ippemi im aikuļ, ejjeļok en e ar kōmņan kapjera; bwe men ko I ar aikuļ, jemjein jemjaten raar itok jān Masedonia raar kake; im ilo men otemjej I ar kōjparok bwe in jab kajeraņōl kom, im āindein I naaj kōjparok eō.
- [10] □Āinwōt mool an Kūraij ilo ña, ejjeļok armej e naaj bōbrae eō jān kōmmejāje iņ ilo āne ko Akeia.
- [11] Bwe bōta? bwe I jab yokwe kom ke? Anij e jeļā.
- [12] A men eo ij kōmņane, I naaj kōmņane bwe in bōk kein jarōk jān ro re kōņaan lo arin; bwe ilo men eo rej kōmmejāje kake, ren waļok āinwōt kōm.
- [13] Bwe ro rej āinwōt er, ri jelōk riab, ri jermal etao, im rej make kōmņan er ri jelōkan Kūraij.
- [14] Im ejjeļok bwilōñ, bwe Setan ej make kōmņane enjel in meram.
- [15] Innām e jab ļap eļañņe ro an ri jermal rej barāinwōt make kōmņan er āinwōt ri jerbale wānōk; jemlokaer e naaj ekkar ñan jermal ko aer.
- [16] Ij bar ba, Ejjeļok armej en ļōmņak ña ij bwebwe, a eļañņe e jab āindein koņwin bōk eō āinwōt ñe ij bwebwe, bwe in barāinwōt kōmmejāje jidik.
- [17] Men eo ij kōnono, I jab kōnono ekkar ñan Irooj, a āinwōt ilo bwebwe, ilo lōke in kōmmejāje iņ.
- [18] Bwe elōñ rej kōmmejāje ekkar ñan kanniōk, I naaj barāinwōt kōmmejāje.

- [19] Bwe komij mōñōñō im meanwōd ñan ri bwebwe, ke kom make mālōtlōt.
- [20] Bwe kom meanwōd ñan juon armej eļaññe ej kamakokoik kom, eļaññe ej kōñta kom, eļaññe ej jibwe kom, eļaññe ej make koutiej e, eļaññe ej jekanunok kom ilo mejemi.
- [21] Ij kōnono ñae eō āinwōt eļaññe kōm kar mōjño. A ilo jabdewōt juon ej peran, (ij kōnono ilo bwebwe), ña I barāinwōt peran.
- [22] Er ri Hibru ke? barāinwōt ña. Er ri Israel ke? barāinwōt ña. Er ineen Ebream ke? barāinwōt ña.
- [23] Er ri jermal an Kūraij ke? (ij kōnono āinwōt ļokjenaō) ña utiejļok; ilo jermal ko eļapļok, ilo prisōn ko elōñļok alen, ilo deñļok ellā jān joñak, ilo mej ko mōkaj.
- [24] I ar bōk mōttan juon bwe en eñoul dibitbit ļalem alen jān ri Ju ro.
- [25] Jilu alen ar deñļok eō kōn aļaļ, juon iien ar kade eō, jilu alen erup wa eo I ar pād ioon, juon boñ im raan I ar pād ilo lojet;
- [26] Ilo etal ko mōkaj, ilo uwōta ko kōn reba ko, ilo uwōta ko kōn ri kowadoñ, ilo uwōta ko kōn armej ro ri āneō, ilo uwōta ko jān ro ri pegan, ilo uwōta ko ilo jikin kwelok, ilo uwōta ko ilo āne jemaden, ilo uwōta ko ilo lojet, ilo uwōta ko ippān ro jemjein jemjaten riab;
- [27] Ilo jermal in eñtaan, ilo ekil ko mōkaj, ilo kwōle im maro, ilo jitļok ko mōkaj, ilo piō im keelwaan.
- [28] A ewor jān bar men ko jet re waļok, men eo ej itok ioō raan otemjej, inepata kōn eklejia otemjej.
- [29] Wōn e mōjño, im I jab mōjño? wōn ļatipñōl e, im e jab bwil būruō?
- [30] Eļaññe emman in kōmmejāje, I naaj kōmmejāje kōn men ko ilo aō mōjño.
- [31] Anij, aet Jeman Irooj Jijej, Eo e mōñōñō indeeo, E jeļā bwe I jab riab.
- [32] Ilo Damaskōs, irooj eo ettā jān Aritas kiñ, e ar baar jikinkwelok an ri Damaskōs bwe en jibwe eō:
- [33] Im kōn kapjer, ilo kilōk ar door eō laļok ilo wōrwōr, im I ar ko jān pein.

JEPTA 12

- [2Ko 12.1] Emman bwe in kōmmejāje, meñe e jab men in kakajooror, a I naaj itok ñan visiōn ko im revelesōn ko an Irooj.
- [2] I jeļā juon armej ilo Kūraij, joñoul im emān iiō remootļok (eļaññe ilo ānbwinnen, I jab jeļā; ak eļaññe ālikin ānbwinnen, I jab jeļā; Anij e jeļā), ar kotaklōñļok ļeiñ ñan lañ kein ka jilu.
- [3] Im I jeļā armej iñ (eļaññe ilo ānbwinnen, ak e jepel jān ānbwinnen, I jaje; Anij e jeļā),
- [4] Ekōjkan kotaklōñļok e ñan lowaan Paredais, im ej roñ naan ko je jab maroñ in kōnono, ko e jab mālim bwe armej en ba.
- [5] Kōn ļeiñ I naaj kōmmejāje: a kōn ña I jāmin kōmmejāje, eļaññe e jab kōn aō mōjño ko.

- [6] Bwe meñe I kõņaan kõmmejāje, I jāmin ri bwebwe; bwe I naaj kõnono mool: a kiiō eṃōj, bwe jabdewōt armej en jab ļōmņak kōn ña I ļap jān men eo ej lo eō, ak roñ jān eō.
- [7] Im bwe in jab juwaļōñļōñ kōn an kanooj ļap revelesōn ñan eō, ar letok ñan eō juon kālōklōk ilo kanniōkiō, juon ri jelōkan Setan bwe en ubrare eō, bwe in jab juwaļōñļōñ.
- [8] I ar akweļap ñan Irooj kōn men iņ alen jilu, bwe en jako jān eō.
- [9] Im eṃōj An ba ñan eō, Aō jouj e bwe ñan eok, bwe Aō kajoor e weppāņļok ilo ṃōjņo. Innām I naaj kanooj ṃōņōņō in kõmmejāje kōn ṃōjņo ko aō, bwe kajoor an Anij en pād ioō.
- [10] □Innām ebuñbūruō ilo ṃōjņo ko, ilo jorrāān ko, ilo aikuļ ko, ilo matōrtōr ko, ilo eñtaan ko kōn Kūraiļ: bwe ñe I ṃōjņo, innām I kajoor.
- [11] Ña ij erom ri bwebwe, kom ar kamakokoik eō, bwe eṃṃan koṃwin kar kwaļok kadkadiō: bwe I jab likjab, kōn jabdewōt, jān ri jelōk reutiejtata, meñe ij jekdoņ.
- [12] Eṃool kakōļle ko an ri jelōk ar kõṃṃan ilo bwiljimi ilo kijenmej otemjej, kōn kakōļle ko im men in bwilōñ ko, im jermal ko re kajoor.
- [13] Bwe ta eo kom ar likjap jān eklejia ko jet kake, eļaññe jab bwe I ar jab men in eddo ñan kom? Koṃwin joļok nana iņ aō.
- [14] Lo, alen iņ kein ka jilu I pojak in iwōj ñan kom; im I jāmin eddo ñan kom: bwe I jab pukot ṃweiiemi, a kom: bwe e jab kuņaan ajri ojōk jemeir im jineir, a kuņaan jemeir im jineir ojōk ro nejir.
- [15] Im I naaj ṃōņōņō in deepļok im niknik kake kōn ami. Eļaññe eļapļok aō yokwe kom, edikļok ami yokwe eō ke?
- [16] A en āindein, Ña I ar jab kajeraṃōļ kom; ijoke, ke I bājik, I ar jibwe kom kōn mālōtlōt.
- [17] I ar make kejeraaṃṃan eō ippemi ke kōn jabdewōt iaan ro I ar jilkinwōj ñan ippemi?
- [18] I ar kauwe Taitōs im I ar jilkinwōj ippān wōj jatim eo. Taitōs e ar make kejeraaṃṃan e ippemi ke? kōmro ar jab etetal ilo juon wōt Jetōb ke? e jab juon wōt jenkwān neem ke?
- [19] Etto koṃij ļōmņak bwe e ñan koṃ kōmij uwaak kōn kōm make. Kōm kõnono iṃaan mejan Anij ilo Kūraiļ. A men otemjej, kom jitōnbōro, kōn kalōk kom.
- [20] Bwe I mijak, eļaññe, ñe ij iwōj, I ab lo kom jab āinwōt I kõņaan ilo jabdewōt, im I ab waļok ñan kom āinwōt kom jab kõņaan: ñe ab jet bōrojepel, juunṃaade, illu ko, akwāāl ko, ruruwe ko, unojidikdik ko, airuwaro ko;
- [21] Im ñe aō Anij e ab kōttāik eō iṃaan mejemi ñe ij bar iwōj, im I ab jañūt elōñ ro raar jerowīwi ṃokta, im re jañin ukeļok ippaer kōn ettoon im ļōñ im nana ko raar kōṃanṃAn.

JETPA 13

- [2Ko 13.1] Alen in kein ka jilu ij iwōj ñan kom. Kōn ļoñin ruo ak jilu ri kōnnaan naaj kapen naan otemjej.

- [2] I ar ba mokta, im ij ba kiiō, āinwōt ke I ar pād ippemi alen kein ka ruo, barāinwōt kiiō ke I jako, ñan ro raar jerōwiwi mokta, im ñan ro otemjej jet, bwe, eļañne ij bar iwōj, I jāmin tūriamo kake;
- [3] Bwe komij pukot kaṃool kōn an Kūraij kōnono ilo ña, Eo e jab ṃōjṃo ñan kom, a E kajoor ilo kom.
- [4] Bwe ar debwāāl E ilo ṃōjṃo, a Ej mour kōn kajoor an Anij. Bwe kōm barāinwōt ṃōjṃo ilo E, a kōm naaj mour ippān kōn kajoor an Anij im ñan kom.
- [5] Koṃwin make mālejjoñ kom eļañne kom pād ilo tōmak eo; koṃwin make kaṃool kom. Ak kom jab make jeļā ke, bwe Jijej Kūraij ej pād ilo kom? eļañne kom jab dien jako.
- [6] A ij kōtmāne bwe kom naaj jeļā bwe kōm jab dien jako.
- [7] A kōm jar ñan Anij bwe koṃwin jab kōṃanṃan nana; jab bwe en waļok am ṃool, a bwe koṃwin kōṃṃan eṃṃan, meñe kōm āinwōt dien jako.
- [8] Bwe ejjeļok aṃ maroñ in juṃae ṃool, a kōn ṃool wōt.
- [9] Bwe kōm lañlōñ ñe kōm ṃōjṃo im kom kajoor: im kōm naaj jar kōn men iṃ, bwe koṃwin weppānļok.
- [10] □Innām ij jeje men kein ke I jako, bwe, ñe ij pād ippemi, en jab pen aō in naan, ekkar ñan kajoor eo Irooj e ar letok ñan eō kōn kalōk, im jab kōn jolaļļok.
- [11] Āliktata, ro jatiō, koṃwin lañlōñ, koṃwin aenōṃṃan, koṃwin weppān, en būruemi wōt juon, koṃwin mour ilo aenōṃṃan: im Anij in yokwe im aenōṃṃan E naaj pād ippemi.
- [12] Koṃwin yokuokwe doon kōn mejenma e kwōjarjar.
- [13] Ro reṃṃan otemjej rej yokyokwe kom.
- [14] Jouj an ad Irooj Jijej Kūraij, im yokwe an Anij, im kōṃṃao an Jetōb Kwōjarjar, en pād ippemi otemjej.

GALETIA

GALETIA – JEPTA 1

- [Ga 1.1] Paul, ri jelōk (jab jān armej raŋ, ak jab kōn armej, a kōn Jijej Kūraij, im Anij Jeman, Eo E ar kajerkakpeje E jān ro re mej),
- [2] Im jemjein jemjatin otemjej rej pād ippa, ñan eklejia ko i Galetia:
- [3] Jouj ñan kom, im aenōmman jān Anij Jemad, im ad Irooj Jijej Kūraij,
- [4] Eo E ar make leļok E kōn jerowiwī ko ad, bwe En loṃooren kōj jān laļ in enana, ekkar ñan ankilaan ad Anij im Jemad:
- [5] Ñan E aiboojoj indeeo im indeeo. Amen.
- [6] Ij bwilōñ bwe āindein aṃi ṃōkaj im oktakļok jān Eo E ar kūr kom ilo jouj an Kūraij, ñan Gospel āinjuon.
- [7] Eo e jab bar juon, a jet rej pioktok kom, im kōṇaan ukōt Gospel an Kūraij.
- [8] A meñe kōm, ak juon enjeļ jān lañ, naaj kwaļok jabdewōt Gospel ñan kom āinjuon jān Gospel eo kōm ar kwaļok ñan kom, en anatema.
- [9] Āinwōt kōm ar ba ṃokta, āindein ij bar ba kiiō, Eļaññe jabdewōt armej ej kwaļok jabdewōt Gospel ñan kom āinjuon jān eo kom ar bōk e, en anatema.
- [10] □Bwe kiiō ij jeraik ke armej raŋ, ak Anij? ak ij pukot bwe in kabuñbūruōn armej raŋ ke? eļaññe kiiō ij kabuñbūruōn armej raŋ, I jab karijeran Kūraij.
- [11] Bwe ij kōjjeļāik koṃ, ro jatiō kōn Gospel eo I ar kwaļok e, bwe e jab loor armej.
- [12] Bwe I ar jab bōk e jān armej, ak raar jab katakin eō, a ej itok kōn revelesōn jān Jijej Kūraij.
- [13] Bwe kom ar roñ kōn aō etetal iuṃwin iien ko ļok ilo kabuñ an ri Ju, ekōjkan I ar kanooj matōrtōr eklejia an Anij, im I ar kōkkure e.
- [14] Im I ar wanṃaanļok lo kabuñ an ri Ju jān elōñ ro detta wōt ippān ri aelōñ eo aō, ke I ar kanooj kijejeto kōn bwebwenato an ro jimṃa.
- [15] A ke ebuñbūruōn Anij, eo E ar kamakeļok iaaō, aet, jān lojien jinō, im kūr eō kōn An jouj,
- [16] Bwe En kwaļok Nejin ilo ña bwe in kwaļok E ñan ro ri aelōñ ko; e ṃōkaj I ar jab pepe ippān kanniōk im bōtōktōk.
- [17] Im I ar jab ilok ñan Jerusalem, ñan ippān ro raar ri jelōk ṃokta jān eō; a I ar ilok ñan Arebia, im bar jepļaak ñan Damaskōs.
- [18] Innām ilokōn jilu iiō I ar wanlōñļok ñan Jerusalem bwe in loļok Sipas im I ar jokwe ippān joñoul im ļalem raan.
- [19] A I ar jab lo ri jelōk ro jet, eļaññe ejab Jemes jaten Irooj.
- [20] Kiiō kōn men ko ij jejewōj ñan koṃ, lo, iṃaan mejan Anij, I jab riab.
- [21] Tokālik I ar itok ñan āne ko Siria im Silisia.
- [22] Im re jaje meja, ro ri eklejia i Judia, ro ilo Kūraij:
- [23] A men in wōt rej roñjake, Eo ekkein matōrtōre kōj, kiiō ej kwaļok Gospel eo ekar kōkkure.
- [24] Im rej kaiboojoj Anij ilo ña.

GALETIA – JEPTA 2

- [Ga 2.1] Innām ilokōn joñoul im emān iiō I ar bar wanlōñlok ñan Jerusalem ippān Barnebas, im āñinlok Taitōs ippa lok.
- [2] Im I ar wanlōñlok ekkar ñan revelesōn, im I ar kōnnaanōk er kōn Gospel eo ij kwaļok e ñan ro ri aelōñ ko, a makeļok iaam imaan mejan ro rebuñbuñ, ñe I ab ettōr, ak I ar ettōr kōn jettokjan.
- [3] A Taitōs eo e ar karwaan eō, e ri Grik, ar jab kamakokoik e bwe en mwijmwij:
- [4] Im men in kōn jemjein jemjaten riab, raar deļoñ kōn moñ, ro raar nooj aer deļoñ bwe ren kōjjaad anemkwōjad, eo ipped ilo Kūraij Jijej, bwe ren kamakokoik kōj.
- [5] Kōm ar jab ñajikir kōn kōttāik kōm, jab iumwin juon wōt awa; bwe mool in gospel en pād wōt ippemi.
- [6] A jān ro raar buñbuñ (jekdoon ippa ieir mokta; Anij e jab bōk wāween armej.) emool ro raar buñbuñ raar jab letok jabdewōt ñan eō:
- [7] A āinjuon, ke rej lo bwe emōj letok ñan eō gospel in jabmwijmwij, im āinwōt ñan Piter eo in mwijmwij;
- [8] (Bwe Eo e ar kamaroñ Piter bwe en ri jelōk ñan ri mwijmwij E ar barāinwōt kamaroñ eō ñan ri aelōñ ko);
- [9] Im ke rej kile jouj eo emōj letok ñan eō, Jemes im Sipas im Jon, ro re buñbuñ āinwōt juur ko, raar letok ñan eō im Barnebas anbwijmaroñer ilo kōmmao; bwe kōmin ilok ñan ri aelōñ, a er ñan ri mwijmwij;
- [10] Men in wōt raar kōñaan bwe kōmin keememej ro ri jerañōl; men eo I ar kijejeto in kōmman.
- [11] A ke Sipas e ar itok ñan Antiok, I ar jumae imaan mejan, bwe ewor ruōn.
- [12] Bwe mokta jān an itok jet armej jān ippān Jemes, e kein mōññā ippān ri aelōñ; a ke raar itok, e ar ilok im jepel jān er, bwe e mijak ro iaan ri mwijmwij.
- [13] Im ri Ju ro jet raar po ippān; āinwōt bwe Barnebas e ar barāinwōt reel lok ilo aer moñ.
- [14] A ke I ar lo bwe re jab etetal jimwe ekkar ñan mool in gospel, I ar ba ña Sipas imaan mejeir otemjej, Eļañne kwe, ri Ju, kwōj mour āinwōt ri aelōñ, im jab āinwōt ri Ju, ekōjkan am kamakokoik ri aelōñ bwe ren pād im kōmman āinwōt ri Ju?
- [15] Kōm ri Ju kōn biktokōm, im jab ri jerowiwī iaan ri aelōñ ko,
- [16] Ke kōm jejā bwe armej e jab wānōk kōn jermal in kien, a kōn lōke Jijej Kūraij, kōm ar lōke Kūraij Jijej, bwe kōmin wānōk kōn lōke Kūraij, im jab kōn jermal in kien: bwe kōn jermal in kien ejjeļok kanniōk e naaj wānōk.
- [17] A eļañne, ke kōm ar pukot bwe kōmin wānōk ilo Kūraij, kōm barāinwōt ar waļok ri jerowiwī, innām Kūraij e ri jerbale jerowiwī ke? en jab in.
- [18] Bwe eļañne ij bar kalek men ko I ar kōkkure, ij kwaļok eō ri juuri kien.
- [19] Bwe ña kōn kien I ar mej jān kien, bwe in mour ñan Anij.
- [20] Emōj debwāāl eō ippān Kūraij; im jān iien eo e jab ña ij mour, a Kūraij ej mour ilo ña: aet, mour eo ij mour kiiō ilo kanniōk, ij mour ilo lōke Nejin Anij, Eo e ar yokwe eō, im make leļok E kōn eō.

[21] I jab kajekdoon jouj an Anij: bwe eļañņe wānōk ej kōn kien, innām an Kūraij mej e jettokjan.

GALETIA – JEPTA 3

[Ga 3.1]O ri Galetia ri bwebwe, wōn e ar kābel kom, komeo iṃaan mejemi ar kwaļok alikkar Jijej Kūraij ilo bwiljimi, ilo aer debwāāl E.

[2] Men iņ wōt I kōṃaan jeļā jān kom, Kom ar bōk Jetōb kōn jermal in kien ke, ak kōn eḡroñ in tōmak?

[3] Āindein ami bwebwe ke? ṃōjen ami jino ilo Jetōb komij weppān kiiō ilo kanniōk ke?

[4] E ar jettokjan ami eñtaan kake men ko relōñ ke? eļañņe eṃool e jettokjan.

[5] Innām Eo ej kōke Jetōb ṃan kom, im kōṃṃan men in bwilōñ ko eoļōpemi, Ej kōṃṃan kōn jermal in kien ke, ak kōn eḡroñ in tōmak?

[6] Āinwōt Ebreame e ar tōmak Anij, im eṃōj watōk e ṃan e āinwōt wānōk.

[7] Innām koṃwin jeļā bwe ro re jān tōmak, rein ro nejin Ebreame.

[8] Im Jeje eo, ke e ar lo ṃokta bwe Anij e naaj kowānōk ro ri aelōñ kōn tōmak, e ar kwaļok ṃokta gospel ṃan Ebreame, im ba, Ilo kwe ri aelōñ otemjej re naaj ṃōṃōṃō.

[9] Āindein ro re jān tōmak rej ṃōṃōṃō ṃa ippān Ebreame eo ej tōmak.

[10] Bwe ro otemjej re jān jermal in kien rej pād iuṃwin juon binikooļ: bwe eṃōj je, Naaj koḡle jabdewōt eo e jab pād wōt ilo men ko otemjej jeje ilo bok in kien bwe en kōṃanṃan.

[11] A e alikkar bwe ejjeļok armej e wānōk ilo kien iṃaan mejan Anij: bwe, Eo rū wānōk e naaj mour kōn tōmak;

[12] Im kien e jab jān tōmak; a Eo ej kōṃanṃan men kein e naaj mour ilo er.

[13] Kūraij e ar pinmuur ṃan kōj jān binikooļ in kien, ke E ar erom binikooļ kōn kōj: bwe eṃōj jeje, E menukooļ jabdewōt eo ej toto ilo wōjke:

[14] Bwe men iņ ṃōṃōṃō an Ebreame en itok ioon ri aelōñ ilo Kūraij Jijej; bwe jen bōk kallimur in Jetōb kōn tōmak.

[15] Ro jatiō, ij kōnono āinwōt armej: Meñe kallimur an armej wōt, ñe eṃōj kapen e, ejjeļok armej ej kajekdoon, ak kobaik ṃan e.

[16] A ar kwaļok kallimur eo ṃan Ebreame, im ṃan ineen. E jab ba, Im ṃan ine ko, āinwōt kōn elōñ; a āinwōt kōn juon, Im ṃan iniom, eo Kūraij.

[17] A ij ba men iņ; kallimur eo Anij e ar kapen e ṃokta, kien, eo e ar itok ābukwi im jilñuul iiō tokālik, e jab joļok, bwe en kajettokjān kallimur eo.

[18] Bwe eļañņe jolōt eo e jān kien, e jab jān kallimur; a Anij e ar wūjleļok ṃan Ebreame kōn kallimur.

[19] Innām ta eo kien? E ar koba kōn jerōwiwi ko, ṃan iien ine eo ej itok Eo eṃōj kwaļok kallimur ṃan E; ke ar likūt e kōn enjeļ ro ilo pein juon ri kalaajrak.

[20] Kiiō ri kalaajrak e jab kōn juon, a Anij e juon.

[21] Innām kien ej juṃae kallimur an Anij ke? en jab iņ: bwe eļañņe ewor kien e maroñ in leļok mour, eṃool wānōk e naaj kar jān kien.

- [22] A Jeje eo e ar kili men otemjej iumwin jerowiwī, bwe en leļok kallimur kōn lōke Jijej Kūraij ñan ro rej tōmak.
- [23] A mokta jān an tōmak itok ar kōjparok kōj im kili kōj iumwin kien, ñan tōmak eo ej waļok tokālik.
- [24] Āindein kien juon ad ri lale in tōl kōj ñan Kūraij, bwe jen wānōk kōn tōmak.
- [25] A kiiō e moottok tōmak, im eṃōj ad pād iumwin ri lale eo.
- [26] Bwe kom otemjej ro nejin Anij, kōn tōmak, ilo Kūraij Jijej.
- [27] Bwe ro otemjej iaami eṃōj peptaij er ilo Kūraij rar kōṅak Kūraij.
- [28] Re ban ri Ju ak ri Grik, re ban karijeran ak anemkwōjan, re ban maan ak kōrā; bwe kom otemjej juon ilo Kūraij Jijej.
- [29] A eļañne kom ro doon Kūraij, innām kom ineen Ebream, ri jolōt ekkar ñan kallimur.

GALETIA – JEPTA 4

- [Ga 4.1] Kiiō ij ba, ri jolōt iien ke ej ajri, e jab lijekļok ilo jabdewōt jān korijeran, meñe ej irooj ioon men otemjej;
- [2] A ej pād iumwin ri lale im ri kōmñe maē iien eo eṃōj an jeman pepe kake.
- [3] Āindein barāinwōt kōj ke jaar ajri, jaar ri kamakoko iumwin irinekatak in laļ:
- [4] A ke iien eo ejejjet, Anij e ar jilkintok Nejin, ļotak jān kōrā, ļotak iumwin kien,
- [5] Bwe En pinmuur ñan ro raar pād iumwin kien, bwe jen erom konilujen nejin.
- [6] Im bwe kom ro nejin, Anij e ar jilkintok Jetōb ōn Nejin ilo būrued, im ba, Abba, Jema.
- [7] Innām āindein kwō jab bar korijeran, a nejin; im eļañne nejin, ri jolōt kōn Anij.
- [8] A iien eo, ke kom ar jaje Anij, kom ar korijeran ro biktokir rej anij jekdoṅ.
- [9] A kiiō ke eṃōj ami jeļā Anij, ak eṃṃanļok ba, eṃōj an Anij jeļā kom, ekōjkan ami bar oktakļok ñan irinekatak ko reṃōjṅo im uñuñar, im komij kōṅaan bwe koṃwin bar korijerair?
- [10] Komij lale raan ko, im allōñ ko, im iien ko, im iiō ko.
- [11] I mijak kōn kom, ñe ab jettokjan aō kar jermal ñan kom.
- [12] Ro jatiō, ij akweļap ñan kom, koṃwin erom āinwōt ña, bwe eṃōj aō erom āinwōt kom, Ejjeļok ami nana ippa:
- [13] A komij jeļā bwe kōn juon ṃōjṅo in kanniōk, I ar kwaļok gospel ñan kom iien eo mokta.
- [14] Im men in mālejoñ komeo ilo kanniōkiō kom ar jab kajedkoṅ ak joļok; a kom ar bōk eō āinwōt juon enjeļ an Anij, āinwōt Kūraij Jijej.
- [15] Innām ewi kar ami ṃōṅōṅō? bwe ij kōnnaan kōn kom, bwe, eļañne e maroñe, kom naaj kar itūki mejemi im letok ñan eō.
- [16] Innām ña ij erom ami ri kōjdat ke, kōn aō kwaļok ṃool ñan kom?
- [17] Rej kijejeto kōn kom ilo ial e jab eṃṃan; aet, re kōṅaan kōjepel kom bwe koṃwin kapukōt er.
- [18] A eṃṃan bwe ren kijejeto im kapukōt kom ilo eṃṃan iien otemjej, im jab ke ij pād ippemi wōt.

- [19] Ajri ro nejiō, ro ij bar eñtaan kōn kom ñan iien eo eṃōj ṇawāween Kūraiṃ ilo kom,
 [20] Aet, I kōṇaan in kar pād ippemi kiiō, im ukōt ainikiō, bwe ij pere kōn kom.
 [21] Komwin ba ñan eō, komeo kom kōṇaan pād iumwin kien, kom jab roñjake kien ke?
 [22] Bwe eṃōj jeje, Ruo nejin Ebream, juon kōn lio ri kamakoko, im juon kōn lio anemkwōjan.
 [23] A ḷeo nejin ri kamakoko e ar ḷotak ḷoor kanniōk; a ḷeo nejin ri anemkwōjan, e kōn kallimur eo.
 [24] Men kein naan in kōkkar: bwe limarein ruo kallimur; juon jān toḷ Sainai, eo ej neje ñan men in kamakoko, liiṇ Hegar.
 [25] Bwe Hegar e toḷ Sainai ilo Arebia, im e āinwōt Jerusalem kiiō, bwe e ri kamakoko kab ro nejin.
 [26] A Jerusalem eo ilōñ e anemkwōjan, im liiṇ jinedwōj.
 [27] Bwe eṃōj jeje, Kwōn lañlōñ, ri ewar kweo kwaar jab neje; kotake ainikiōṃ im lamōj, kweo kwō jab eñtaan, bwe elōñḷok ro nejin lejnono jān lio juon eṃṃaan pāleen.
 [28] A kōj, ro jatiō, āinwōt Aisak, kōj ro nejin kallimur.
 [29] A āinwōt ilo iien eo, eo e ḷotak ḷoor kanniōk e ar matōrtōre eo e ḷoor Jetōb, āindein kiiō.
 [30] A ta eo Jeje ko re ba? Kwōn joḷok lio ri kamakoko kab ḷeo nejin; bwe ḷeo nejin lio ri kamakoko e jāmin ri jolōt ippān ḷeo nejin lio ri anemkwōjan.
 [31] Innām, ro jatiō, je jab ro nejin lio ri kamakoko, a lio anemkwōjan.

GALETIA – JEPTA 5

- [Ga 5.1] Kōn anemkwōjad Kūraiṃ e ar ṇa anemkwōjad; innām komwin jutak pen, im jab bar ḷorak ilo ine in kamakoko.
 [2] Lo, ña Paul ij ba ñan kom, bwe, eḷaññe komij ṇwijiṃwiji, Kūraiṃ e jāmin kakajooror kom ñan jidik.
 [3] Aet, ij bar kōnnaanōk jabdewōt armej eo ej ṇwijiṃwiji, bwe e ri ṇuri in kōṃṃan aolepen kien.
 [4] Kom jepel jān Kūraiṃ, jabdewōt iaami, kom kōṇaan kowānōk kom ilo kien; kom ar buñḷok jān jouj.
 [5] Bwe kōn Jetōb, ilo tōmak, jej kattar kōjatdikdik in wānōk.
 [6] Bwe ilo Kūraiṃ Jijej ṇwijiṃwiji e jab kakajooror ilo jabdewōt, ak jabṇwijiṃwiji: a tōmak eo ej jermal kōn yokwe.
 [7] Eṃṃan ami kein ettōr; wōn e ar karuṃwiji kom bwe komwin jab pokake ṃool?
 [8] Kareel iṇ e jab jān Eo ej kūr kom.
 [9] Jidik leven ej leven aolepen iiōk eo.
 [10] Ña ij lōke kom ilo Irooj, bwe e jāmin āinjuon būruemi; a eo jabdewōt ej poktak kom e naaj bōk liaakḷok e.
 [11] A ña, ro jatiō, eḷaññe ij kwalok wōt ṇwijiṃwiji, etke rej matōrtōre eō wōt? innām ḷōkatip in debwāāl e jako.

- [12] I kōṇaan bwe ro rej kōṃad kom ren kar make bukeḷok er.
- [13] Bwe komeo, ro jatiō, ar kūr kom ṇan anemkwōjami; men iṇ wōt, koṃwin jab kōṃṃan bwe anemkwōjami en iien jarōk ṇan kanniōk, a kōn yokwe koṃwin korijer ṇan doon.
- [14] Bwe aolepen kien e jejjet ilo juon naan, eñin; Kwōn yokwe ri turōṃ im āinwōt kwe.
- [15] A eḷaññe komij kiji im kañi doon, kōjparok bwe koṃwin jab ḷot ippān doon.
- [16] A ij ba, Koṃwin etetal kōn Jetōb im kom jāmin kajejjet ṃōṃ in kanniōk.
- [17] Bwe kanniōk ej ineme Jetōb, im Jetōb ṇae kanniōk; bwe rein rej juṃae doon; bwe koṃwin jab kōṃṃan men ko kom kōṇaan.
- [18] A eḷaññe Jetōb ej tōl kom, kom jab iuṃwin kien.
- [19] Kiiō jermal in kanniōk ko re alikkar, im men kein: ḷōñ, ettoon, ejej,
- [20] Kabuñ ṇan ekjab, ṃadṃōd, kōjdat ko, akwāāl ko, ban ko, illu ko, wāḷok ko, limōjnonu ko, kiojaljal ko,
- [21] Juunṃaad ko, kadek, airuwaro ko, im men ko āierwōt: ij kōnnaanōk kom kaki āinwōt I ar kōnnaanōk kom ṃokta, bwe ro rej kōṃṃan men rot kein re jāmin bōk aer jolōt aelōñ in Anij.
- [22] A leen Jetōb, yokwe, lañlōñ, aenōṃṃan, meanwōd, jouj, lejokmen, tiljek,
- [23] Ineeṃṃan, jatōr: ejjelok kien ṇae men rot kein.
- [24] Im ro doon Kūraij raar debwāāl kanniōk kab ankoṇak ko im ṃōṃ ko an.
- [25] Eḷaññe jej mour kōn Jetōb, jen barāinwōt etetal kōn Jetōb.
- [26] Jen jab ri kōmmejāje waan, ri kaillu doon, ri juunṃaade doon.

GALETIA – JEPTA 6

- [Ga 6.1] Ro jatiō, eḷaññe eṃōj erātik juon armej ilo jabdewōt bōd, komeo, kom ilo Jetōb koṃwin kajimwe eo āindein ilo ineeṃṃan; im make lale kwe, ñe ab barāinwōt kapo eok.
- [2] Koṃwin bōk men in eddo ko an doon, im āindein koṃwin kajejjet kien Kūraij.
- [3] Bwe eḷaññe juon armej ej ḷōṃṃak eutieḷ ñe e jab āindein, ej make ṃoṇ e.
- [4] A jabdewōt armej en make mālejjōñ jermal eo an, innām e naaj wor unin kōmmejāje ilo e make, im jab ilo ru turin.
- [5] Bwe jabdewōt armej e naaj make inek kuṇaan.
- [6] A eo ej ri katak ilo naan en jipañḷok eo ri kaki ilo men otemjej reṃṃan.
- [7] Koṃwin jab bōd; Anij e jab likūt bwe ren kajjirere kake E: bwe jabdewōt eo armej ej jeor e, men iṇ e naaj barāinwōt ṃadṃōd e.
- [8] Bwe eo ej jeor ṇan kanniōkin, jān kanniōkin e naaj ṃadṃōd wabanban; a eo ej jeor ṇan Jetōb, jān Jetōb e naaj ṃadṃōd mour indeeo.
- [9] A jen jab ṃōk ilo kōṃṃan eṃṃan: bwe ilo iien ekkar je naaj ṃadṃōd eḷaññe je jab parōk.
- [10] Innām, āinwōt ewor iien ipped, jen jerbale eṃṃan ṇan armej otemjej, im eḷapḷok ṇan ro rej pād ilo nukwin tōmak.
- [11] Komij lo kōn lōta rot reḷap I ar jeje ṇan kom kōn peiō.

- [12] Ro re kōṇaan kaalwōjwōj ilo kanniōk, rej kareel kom bwe komwin ṁwijiṁwij;
bwe ren jab lo matōrtōr kōn debwāāl an Kūrai.
- [13] Bwe ro raar ṁwijiṁwij re jab kōjparok kien; a re kōṇaan bwe komwin ṁwijiṁwij,
bwe ren kōmmejāje ilo kanniōkemi.
- [14] A en jab ippa bwe ña in kōmmejāje ilo jabdewōt, ejaññe e jab ilo debwāāl an ad
Irooj Jijej Kūrai, kōn E eṁōj debwāāl laḷ ñan eō, im ña ñan laḷ.
- [15] Bwe ṁwijiṁwij e jekdoṇ, kab jabṁwijiṁwij, a men in kōmṁan ekāāl.
- [16] Im ro otemjej rej etetal ilo kien iṇ, en aenōmṁan ioer, im tūriamokake, kab ioon
Israel an Anij.
- [17] Tokālik ejjeḷok en poktak eō, bwe rej pād ilo ānbwinniō kakōḷle ka kakōḷlen Jijej.
- [18] Jouj ad ad Irooj Jijej Kūrai en pād ilo ami, ro jatiō. Amen.

EPESÕS

EPESÕS – JEPTA 1

- [Ep 1.1] Paul, ri jelōkan Kūraij Jijej kōn ankilaan Anij, ñan ro reṃṃan i Epesōs, im ri tiljek ilo Kūraij Jijej:
- [2] Jouj ñan kom, im aenōṃṃan jān Anij Jemed, im Irooj Jijej Kūraij.
- [3] En ṃōṃōṃō Anij im Jemen ad Irooj Jijej Kūraij, Eo e ar kejeraaṃṃan kōj ilo jeraaṃṃan otemjej in jetōb ijo ko āinwōt i lañ ilo Kūraij:
- [4] Āinwōt An kāālōt kōj ilo E ṃokta jān jinoin laḷ, bwe jen kwōjarjar im ejjeḷok ṃotad iṃaan mejan ilo yokwe:
- [5] Im E ar pepe kōn kōj ṃokta ñan konilujen kōn Kūraij ñan E, ekkar ñan ḷōṃṃak eṃṃan in ankilaan,
- [6] Ñan nōbar aiboojoj in jouj eo An eo E ar letok ñan kōj ilo Eo Ri Jitōnbōro:
- [7] Ilo E ewor pinmuur ñan kōj kōn bōtōktōkin, aet, joḷok nana ko ad, ekkar ñan ṃweiuk in jouj eo An,
- [8] Eo E ar wūjleptok ñan kōj ilo mālōtlōt otemjej im jeḷāḷokjeṃ,
- [9] Im E ar kōjjeḷāik kōj kōn men eo ettino in ankilaan, ekkar ñan An ḷōṃṃak eṃṃan eo E ar pepe ilo E,
- [10] □Ñan jerbale an iien ko otemjej ilo Kūraij, men ko i lañ, im men ko i laḷ;
- [11] Aet, ilo E, eṃōj kōṃṃan kōj barāinwōt An jolōt, ke eṃōj pepe kōn kōj ṃokta ekkar ñan ḷōṃṃak an Eo ej jerbale men otemjej ilo pepe in ankilaan;
- [12] Bwe kōmin pād ñan nōbar An aiboojoj, kōmeo kōm kar kōjatdikdik kōm ṃokta ilo Kūraij:
- [13] Ilo Eo kom barāinwōt, ke kom ar roṃjake naan in ṃool, gospel eo in ami mour, ilo Eo ke kom ar barāinwōt lōke E, Jetōb in kallimur Eo ekwōjarjar E ar sil kom,
- [14] Eo ṃōkakjaj in jolōt eo ad, ñan kōḷḷā oṃān wāto eo An, ñan nōbar An aiboojoj.
- [15] Kōn men in barāinwōt ña, ke eṃōj aō roñ kōn lōke Irooj Jijej ej ippemi, im ami yokwe eo komij kwaḷok ñan ro reṃṃan otemjej,
- [16] E jab jokwōd aō kaṃṃoolol kōn kom, im ba kōn kom ilo jar ko aō;
- [17] Bwe Anij an ad Irooj Jijej Kūraij, Jemen aiboojoj, En lewōj ñan kom jetōb on mālōtlōt im kwaḷok ilo kanooj jeḷā E;
- [18] Ke e meramḷok mejan būruemi, bwe koṃwin jeḷā ta eo kōjatdikdik in An kūr, ta eo ṃweiien aiboojoj in jolōt eo An ilo ro reṃṃan,
- [19] Im ta eo rūtōn kajoor eo An e kanooj ḷap ñan kōj ri tōmak, ekkar ñan jerbale in maroñ in kajoor eo An,
- [20] Eo E ar jerbale ilo Kūraij, ke E ar kajerkakpeje E jān ro re mej, im kajijet E i anbwijmaroñan ijo ko i lañ,
- [21] E kanooj utiej jān tilñōn otemjej, kab kein, kab kajoor, kab irooj, im āt otemjej eṃōj ṃaetan, e jab ilo laḷ in wōt, a barāinwōt ilo eo e naaj itok:
- [22] Im E ar kōttāik men otemjej iuṃwin neen, im E ar leḷok E bōran ioon men otemjej ñan eklejia,
- [23] Eo ānbwinnen, aet, obrak an Eo ej kobrak men otemjej ilo otemjeḷok.

EPESŌS – JEPTA 2

- [Ep 2.1] Im E ar kemour kom ke kom ar mej ilo ami nana im ami jerowwiwi,
- [2] Ilo er kom kein etal ilo iien eo ļok ļoor ial in laļ in, ļoor Irooj in kajoor ko in mejatoto, jetōb eo ej jermal ilo ro ri kipiliia;
- [3] Ippaer barāinwōt kōj otemjej kōn pād im mour ilo mōm ko an kanniōk, im ļōmņak ko, im kōj kōn biktoked ro nejin illu, āinwōt ro jet:
- [4] A Anij, eo E mweiie ilo tūriamokake, kōn An yokwe eļap eo E ar yokwe kōj kake,
- [5] Aet, ke jaar mej ilo jerowwiwi ko ad, E ar kemour kōj ippān Kūraiļ (kōn jouj eņōj ļomōoren kom),
- [6] Im E ar kejerkak kōj ippān, im kajijet kōj ippān ijo ko i lañ, ilo Kūraiļ Jijej;
- [7] Bwe En kwaļok ilo iien ko re naaj itok An yokwe e kanooj mweiie ilo jouj ñan kōj ilo Kūraiļ Jijej:
- [8] Bwe kōn jouj eņōj ļomōoremi kōn tōmak; im men eo e jab jān kom make; e an Anij lewōj:
- [9] E jab jān jermal ko, bwe ejjeļok en kōmmejāje.
- [10] □Bwe kōj men in kōmanman kōn pein, kōmman ilo Kūraiļ Jijej ñan jermal ko remman, ko Anij e ar kapojak mokta bwe jen etetal ilo er.
- [11] Kōn men in koņwin keememej, bwe juon iien kom, ri aelōñ ilo kanniōk ro naetomi Jabmwiļmwiļ kōn ro eņōj ñaetaer mwiļmwiļ ilo kanniōk, pā ko raar kōmmane;
- [12] Bwe ilo iien eo kom ar jepel jān Kūraiļ, im jeplōklōk jān aelōñ in Israel, ruwamāejet jān bujen kallimur ko, im ejjeļok kōjatdikdik ippemi, im kom jepel jān Anij ilo laļ.
- [13] A kiiō, ilo Kūraiļ Jijej, kom ro re kein etoļok eņōj kepaake kom ilo bōtōktōkin Kūraiļ.
- [14] Bwe E aenōmman eo ad, Eo e ar kōmman erro bwe ren juon, im E ar rupe roñel in kōjepel kōtaerro,
- [15] Im E ar kaļotļok ilo kanniōkin kōjdat eo, aet kien in kaiñ eo ilo naan in jiroñ ko, bwe En kōmman ilo E jān erro juon armej ekāāl, im kōmman aenōmman;
- [16] Im bwe En kalaajrak erro ippān Anij ilo juon ānbwin kōn debwāāl eo, ke E ar kajeeklok kōjdat eo ña ioon:
- [17] Im E ar itok im kwaļok aenōmman ñan komeo kom ar etoļok, im aenōmman ñan ro raar epaak:
- [18] Bwe kōn E kōj otemjej bōk ad deļoñ ilo juon Jetōb ñan ippān Jemed.
- [19] Innām kiiō kom jab bar ruwamāejet im ri itoitak, a kom jemdoon ro remman, im kom nukwin Anij,
- [20] Im eņōj kalōk kom ioon foundesōn an ri jelōk kab ri kanaan, Kūraiļ Jijej e make lukkuun demōn im;
- [21] Ilo E men in kalōk otemjej eņman karir ñan doon, rej eddek ñan juon tempel ekwōjarjar ilo Irooj;
- [22] Ilo Eo barāinwōt eņōj kalōk kom ippaer ñan imōn Anij ilo Jetōb.

EPESŌS – JEPTA 3

- [Ep 3.1] Kōn unin in Ña Paul, ri prisōn an Kūraij Jijej kōn kom ri aelōñ,
- [2] Eļañne kom ar roñjake kōn jermal in jouj an Anij eo emōj letok ñan eō kōn kom;
- [3] Ekōjkan kōn revelesōn ar kōjjeļaik eō kōn men eo ettino, āinwōt I ar jeje mokta ilo naan ko re iiet,
- [4] Kōn eo, ne komij kōnono ilo lōta eo, kom maroñ in jeļā kake aō jeļāļokjeñ ilo men eo ettino an Kūraij,
- [5] Men eo ilo epepen ko mokta ar jab kaalikkare ñan ro nejin armej, āinwōt kiiō emōj kwaļok e ñan ro ri jelōkan re kwōjarjar, kab ro ri kanaan ilo Jetōb;
- [6] Eñin, bwe ro ri aelōñ ko rej ri jolōt ippaer, im ilo juon wōt ānbwin, im ri bōk aer kōj ippaer ilo kallimur an Kūraij Jijej kōn gospel,
- [7] Eo ña ri jerbale, ekkar ñan men in jouj an Anij, eo ar letok ñan eō ekkar ñan jermal in kajoor eo An.
- [8] Ña, I dik jān eo ediktata iaan ro remman otemjej, emōj letok jouj in ñan eō bwe in kwaļok ñan ro ri aelōñ ko mweiuk ko an Kūraij, ko je ban pukot im loi;
- [9] Im kalo armej otemjej kōn jermal in men eo ettino, eo jān eto im eto e ar nojak ilo Anij eo E ar kōmanman men otemjej;
- [10] □Bwe mālōtlōt an Anij im elōñ wāween en alikkar kiiō ñan Irooj ro im jiōb ro ijo ko i lañ kōn eklejia,
- [11] Ekkar ñan pepe in eto im eto, eo E ar pepe kake ilo Kūraij Jijej ad Irooj:
- [12] Ilo E ewor ad peran im deļoñ ilo lōke kōn ad tōmak E.
- [13] Kōn men in ij kajjitōk bwe in jab kijelok ilo eñtaan ko aō kōn kom ko ami men in aiboojoj.
- [14] Kōn unin in ij bukweļōlō ñan Jemed,
- [15] Jān Eo nukwin otemjej i lañ im i laļ emōj ŋaetaer,
- [16] Bwe En lewōj ñan kom, ekkar ñan mweiien aiboojoj eo An, bwe ilo maroñ komwin kajoorļok kōn Jetōb eo An ilo ami,
- [17] Bwe Kūraij en jokwe ilo būruemi kōn tōmak; bwe ke e pen im elle okrami ilo yokwe,
- [18] Komwin maroñ in kanooj jeļā ippān ro remman otemjej, ta eo dilpen, im aitokōn, im mwilaļin, im utiejen,
- [19] Im jeļā yokwe an Kūraij, eo ellā jān jeļā, bwe komwin obrak ñan aolepen an Anij obrak.
- [20] Kiiō ñan Eo e maroñ in kōmanman kōn men otemjej e kanooj utiejļoktata jān ad kajjitōk ak ļomņak, ekkar ñan kajoor eo ej jermal ilo kōj,
- [21] Ñan E aiboojoj ilo eklejia im ilo Kūraij Jijej ñan epepen ko otemjej indeeo im indeeo. Amen.

EPESŌS – JEPTA 4

- [Ep 4.1] Innām ña, ri prisōn ilo Irooj, ij akweļap ñan kom bwe komwin etetal ekkar ñan kūr eo emōj kūr kom kake,

- [2] Kõn ettã otemjej kab ineemman, kõn ejjelok börokadu, komwin meanwöd ñan doon ilo yokwe,
- [3] Im kate kom in kõjparok an Jetõb kõmanman böro wõt juon ilo liãp in aenõmman.
- [4] Juon ãnbwin, im juon Jetõb, ãinwõt e bar emõj kûr kom ilo juon kõjatdikdik in An kûr kom:
- [5] Juon Irooj, juon tõmak, juon peptaij,
- [6] Juon Anij im Jemen otemjej, Eo e utiej jãn otemjej, im kõn otemjej, im ilo otemjej.
- [7] A ñan kõj otemjej emõj letok jouj ekkar ñan joñan an Kûraij letok.
- [8] Kõm men in Ej ba, Ke E ar wanlõñlok ñan lañ, E ar kejipokweik jipokwe, im lelok men in yokwe ñan armej ran.
- [9] (Eñin, E ar wanlõñlok, ta jein eñañne jab kõn An barãinwõt wanlallok ñan ijo ko i mwilalata i la)?
- [10] □Eo e ar wanlõñlok E in wõt Eo e ar wanlõñlok ijo e utiej jãn aolepen lañ ko, bwe En kobrak men otemjej.)
- [11] Im E ar letok jet bwe ren ri jelök; im jet, ri kanaan; im jet ri ewanjel; im jet, pastor im ri kaki;
- [12] Bwe En koweppãnlok ro remman, kõn jerbale in jipañ, kõn kalök ãnbwinnen Kûraij:
- [13] maee adwõj tõpare juon wõt tõmak, im jelã Nejin Anij, ñan armej erütto, ñan joñan rüttõn an Kûraij obrak:
- [14] Bwe jãn kiiõ jen jab ajri, im jeplõklök ãinwõt no ko, im makũtkũt kõn jabdewõt kõto in katak, ilo jelã moñ an armej, ilo etao eo ej tõl lok ñan keien bõd;
- [15] A ke jej kõnono mool ilo yokwe, jen eddeklõñlok ñan ilo E ilo men otemjej, Eo ej bar, aet, Kûraij;
- [16] Jãn Eo aolepen ãnbwin ke emõj karök e im kobaik e, kõn men eo an mokwõj otemjej kake, ekkar ñan an jabdewõt mõttan jerbale ilo joñan emman, ej laplok ãnbwin ñan an make kalök e ilo yokwe.
- [17] Innãm ij ba men in, im kõnnaan ilo Irooj, bwe komwin jab etetal jãn kiiõ ãinwõt ri pegen rej etetal, ilo aer lõmñak waan,
- [18] Ke emarok ilo aer lõlãtãt, im rej ruwamãejet jãn mour an Anij, kõn jaje eo ilo er, kõn an pen bũrueir;
- [19] Ro ke rej ellã jãn eñjake raar make lelok er ñan ejej bwe ren jerbale ettoon otemjej ilo tõr.
- [20] A e jab ãindein ami katak kõn Kûraij;
- [21] Eñañne emool kom ar eproñ E, im kom ar katak ilo E, ãinwõt mool ilo Jijej:
- [22] Bwe komwin utük armej emor ekkar ñan ami etetal mokta, eo e nana lok ekkar ñan mõm ko in moñ;
- [23] Im komwin erom ekããl ilo bũruemi,
- [24] Im bwe komwin kõñak armej ekããl, eo ekkar ñan Anij emõj kõmmane ekããl ilo wãñök im kwõjarjar in mool.

- [25] Kōn men in, ke emōj ami joļok riab, komwin kōnono mool, kom otemjej, ñan ri turumi: bwe kōj raan doon.
- [26] Komwin illu im jab jerowiwī: aļ en jab tulok ioon ami illu;
- [27] Im komwin jab ñajikin tepiļ eo.
- [28] Eo e ar koot en jab bar koot: a emmanļok en jermal im kōmman kōn pein men eo emman bwe en wor ippān in leļok ñan eo ej aikuj.
- [29] Ejjeļok naan ettoon en waļoktok jān loñemi, a jabdewōt eo emman im naan in kalok ekkar ñan aikuj, bwe en leļok jouj ñan eo ej roñjake.
- [30] Im komwin jab kabūromōj Jetōb Kwōjarjar an Anij, ilo Eo emōj sil kom maē raan in loṃoṃ.
- [31] En jako jān kom meo otemjej, im lobōpne, im illu, im airuwaro, im kōnono ñae, kab kakūtōtō otemjej:
- [32] Im komwin jouj ñan doon, en emman būruemi, joļok nana jān doon, āinwōt Anij ilo Kūraj E ar joļok ami nana.

EPESŌS – JEPTA 5

[Ep 5.1] Innām komwin ri kajjioñe Anij, āinwōt ajri re jitōnbōro;

- [2] Im etetal ilo yokwe, āinwōt Kūraj e ar yokwe kom, im E ar make ketak E kōn kōj, men in joortak im katok ñan Anij kōn ñaj in bwiin mālu.
- [3] A ļōñ, im ettoon otemjej, ak ankoṃak, en jab waļok etaer ippemi, āinwōt ekkar ippān ro reṃman;
- [4] Im bwidejdej im kōnono in bwebwe, ak kōjak, men ko re jakkar: a emmanļok kaṃpoolol.
- [5] Bwe men in kom kanooj jeļā, bwe ejjeļok ri ļōñ ak ri bwidejdej ak ri ankoṃak, āin ri kabuñ ñan ekjab, ewor an jolōt ilo aelōñ an Kūraj im an Anij.
- [6] Ejjeļok armej en moñe kom kōn naan jekdoṃ: bwe kōn men kein illu an Anij ej itok ioon ro ri kipilia.
- [7] Innām komwin jab bōk ami kōj ippaer;
- [8] Bwe kom kein marok, a kiiō komij meram ilo Irooj: komwin etetal āinwōt ro nejīn meram;
- [9] (Bwe leen meram ej ilo emman otemjej kab wānōk im mool),
- [10] □Ke komij mālejjoñ men eo ej kabuñbūruen Irooj;
- [11] Im komwin jab kōmṃao ippān jermal ko in marok jettokjeir, a emmanļok eṃok er;
- [12] Bwe men ko rej kōmanṃAn ilo ettino e men in kajook ñe kōnono kaki.
- [13] A men otemjej mōjen eṃok er rej alikkar kōn meram, bwe men otemjej ñe emōj kaalikkari re meram.
- [14] Kōn men in Ej ba, Kwōn ruj, kweo kwōj kiki, im jerkak jān ro re mej, im Kūraj e naaj rome eok.
- [15] Innām komwin kanooj lale ekōjkan ami etetal, jab āinwōt ri jaje, a āinwōt ri mālōtlōt;
- [16] Im wiaik iien, bwe raan ko renana.

- [17] Kõn men in komwin jab bwebwe, a komwin jeļāļokjeņ ta eo ankilaan Irooj.
- [18] Im komwin jab kadek kõn wain, ijo ewor tōr, a komwin obrak kõn Jetōb.
- [19] Im kõnono ñan doon ilo sam ko, im al ko, im kūtuoņ Jetōb, im komwin al im kōmman ukōt ilo būruemi ñan Irooj,
- [20] Im kamoolol iien otemjej kõn men otemjej ñan Anij e Jemed, ilo etan ad Irooj Jijej Kūraij;
- [21] Im kōttāik kom ñan doon ilo mijak Kūraij.
- [22] Kōrā ro, komwin kōttāik kom ñan lōmaro pāleemi, āinwōt ñan Irooj.
- [23] Bwe ļeo e baron lio pāleen, āinwōt Kūraij e bōran eklejia, im E Ri Lomōoren ānbwin,
- [24] Ijoke āinwōt eklejia ej ettā jān Kūraij, en āindein barāinwōt liṃaro ñan lōmaro pāleir ilo men otemjej.
- [25] Maan ro, komwin yokwe ļōmaro pāleemi, āinwōt Kūraij e ar barāinwōt yokwe eklejia, im make leļok E kõn e;
- [26] Bwe En kokwōjarjar e, ke E ar karreoiķ e ilo naan kõn kwaļkoļ kõn dān,
- [27] Bwe En leļok eklejia ñan E make wōt e aiboojoj, im ejjeļok an mar, ak ļoktōktōķ ak jabdewōt iaan men rot keiņ; a bwe en kwōjarjar im ejjeļok ṇotaan.
- [28] Āindein eṃman bwe lōmaro ren barāinwōt yokwe liṃaro pāleir im āinwōt ānbwinier, ļeo eo ej yokwe lio pāleen ej make yokwe e;
- [29] Bwe ejjeļok en e ar make kōjdat kanniōķiņ; a ej kakaajjiririk e. im kaorōķ e, āinwōt an Kūraij barāinwōt kōmman ñan eklejia;
- [30] Bwe kōj raan ānbwinnen.
- [31] Kõn unin in ļeo e naaj ilok jān jemen im jinen, im koba ippān lio pāleen, im erro re naaj juon kanniōķ.
- [32] Men ettino in eļap: a ij ba kõn Kūraij im eklejia.
- [33] Ijoke kom otemjej barāinwōt, jabdewōt iaami en yokwe lio pāleen im āinwōt e; im barāinwōt lio en mijak ļeo pāleen.

EPESŌS – JEPTA 6

- [Ep 6.1] Ajri raņ, komwin pokake jememi im jinemi ilo Irooj: bwe men in e jimwe.
- [2] Kwōn koutiej jemaņ im jinōm (eo kien ṃoktata ewor kallimur ippān),
- [3] Bwe en eṃman ippaņ, im bwe en eto aņ mour ioon laļ.
- [4] Im kom, ro jemeir, komwin jab biuktoke ro nejimi ñan illu: a komwin kakaajjiririk er ilo kaje im kauwe an Irooj.
- [5] Ro korijer, komwin pokake ro ami Irooj ekkar ñan kanniōķ, kõn mijak im wūdiddid, ilo an kuk būruemi, āinwōt ñan Kūraij;
- [6] Jab iṃaan mejeir wōt, āinwōt kabuñbūruen armej; a āinwōt ro korijeran Kūraij, komwin kōmanman ankilaan Anij jān būruemi;
- [7] Kõn ļōmṃak eṃman komwin jermal kake, āinwōt ñan Irooj, im jab ñan armej;
- [8] Ke kom jeļā bwe jabdewōt jermal eṃman armej ej kōmmane, e naaj bar bōķ eñiņ jān Irooj, eļañņe e korijer ak anemkwōjan.

- [9] Im kom, irooj ro, komwin kōmman āindein ñan er, im jab kalōļñoñ im jeļā bwe Irooj eo aer kab ami Ej pād i lañ, im ejjeļok kalijekļok armej ippān.
- [10] □Āliktata, komwin pen ilo Irooj, im ilo kajoor in maroñ eo An.
- [11] Komwin kōņak aolepen kein tariņae an Anij, bwe komwin maroñ in jutak maetao ko an tepi].
- [12] Bwe adwōj oktak e jab ippān bōtōktōk im kanniōk, a ippān jiōb ro, ippān ro re kajoor, ippān ro irooj in marok i laļ, ippān jaran jetōb renana ijo ko i lañ.
- [13] Kōn men iņ komwin bōk ñan kom aolepen kein tariņae an Anij, bwe komwin maroñ in jumae ilo raan eo enana, im mōjen kōmman otemjej, jutak.
- [14] Innām komwin jutak ke eņōj kañūrñūr ipimi kōn mool, im eņōj kōņak penjān ob in wānōk,
- [15] Im eņōj naballin neōmi kōn kapojak in gospel in aenōmman;
- [16] Ioon otemjej eņōj kotake kein torak in tōmak, ilo e kom naaj maroñ in kune made kijeeek otemjej an eo ri nana.
- [17] Im komwin bōk helmet in lomoor, im jāje an Jetōb, eo naan in Anij:
- [18] Im kōn aolepen jar ilo iien ko otemjej ilo Jetōb, im ekil ñan men iņ ilo niknik im jar otemjej kōn ro remman otemjej,
- [19] Im kōn ña, bwe En letok ñan eō naan ilo walōñi loñiō, im peran in kwaļok men eo ettino in gospel,
- [20] Kōn eo ña ri keeañ ilo tomede; bwe in peran in kōnono kake, āinwōt emman in kōnono.
- [21] A bwe komwin barāinwōt jeļā men ko kōn ña, ekōjka, Tikikōs, jatiō jitōnbōro, im ri jipañ e tiljek ilo Irooj, e naaj kōjjeļāik kom kōn men ko otemjej:
- [22] Eo I ar jilkinwōj ñan kom kōn men iņ, bwe komwin jeļā men ko kōn kōm, im bwe en kaenōmmane būruemi.
- [23] Aenōmman ñan jemjein jemjaten, im yokwe kab tōmak, jān Anij Jemed im jān Irooj Jijej Kūrai.
- [24] Jouj en pād ippān ro otemjej rej yokwe ad Irooj Jijej Kūrai ilo kwōjarjar.

PILIPPAI

PILIPPAI – JEPTA 1

- [Pi 1.1] Paul im Timote, ro korijera Jijej Kūrai, ñan ro remman otemjej ilo Kūrai Jijej, ro i Pilippai, kab ri kaki ro im tikōn ro:
- [2] Jouj ñan kom, im aenōmman, jān Anij Jemed, im Irooj Jijej Kūrai.
- [3] Ij kamoolol aō Anij ilo aolepen aō keememej kom,
- [4] Iien otemjej, ilo aō jar otemjej kōn aolepemi, ij kōmman jar eo kōn lañlōñ,
- [5] Kōn ami kōmmao ilo diōklōk gospel jān raan eo mokta ñan kiiō;
- [6] Ke ij tōmak men in wōt, bwe Eo e ar jino jermal emman ilo kom Enaaj koweppanlōk e maē raan eo an Jijej Kūrai:
- [7] Āinwōt ejimwe bwe in lōmṅak āindein kōn kom otemjej, kōn ami pād ilo būruō, ilo lukwōja im kab ilo kōjparok im kamool gospel eo, kom otemjej jimor bōk jouj ippa.
- [8] Bwe Anij aō ri kōnnaan, ie rūtōn aō oñkake kom otemjej ilo būruen Jijej Kūrai.
- [9] Im ij jare men in, bwe ami yokwe en ke im okekeelok wōt ilo jeļā im ilo kile otemjej;
- [10] □Bwe komwin mālejjoñ men ko re lijeklōk; bwe komwin erreō im ejjelōk ṅotami ñan raan eo an Kūrai.
- [11] Ke kom obrak kōn leen wānōk, eo kōn Jijej Kūrai, ñan kaiboojoj im wūjtake Anij.
- [12] A I kōṅnaan bwe komwin jeļā, re jatiō, bwe men ko raar waļok ñan eō, tokjeir bwe ren diōklōk gospel;
- [13] Āindein lukwōja ilo Kūrai rej alikkar ilo aolepen Pritoriom, im ñan ro otemjej jet;
- [14] Im elōñ iaan jemjein jemjaten ilo Irooj, ke eļaplōk aer lōke kōn lukwōja, re kanooj peranlōk in kōnono naan in Anij im jab lōññōñ.
- [15] Aet, jet rej kwaļok Anij kōn juunmaad im akwāāl; im jet barāinwōt kōn lōmṅak emman:
- [16] Rein jān yokwe, ke re jeļā bwe emōj likūt eō ñan kōjparok gospel eo;
- [17] A ro jet jān waļok rej kwaļok Kūrai jab kōn ṅool, ke rej lōmṅak in kaeñtaan eō ilo lukwōja.
- [18] Innām ta? ijoke ilo ial otemjej eļañne kōn kajjimalele ak kōn ṅool, emōj kwaļok Kūrai; im ña ij lañlōñ kake, aet im I naaj lañlōñ.
- [19] Bwe I jeļā bwe men in e naaj oktak ñan ami mour, kōn ami jar im kōn eke an Jetōb on Jijej Kūrai,
- [20] Ekkar ñan aō kōljake im kōjatdikdik, bwe I jāmin jook kōn jabdewōt, a bwe kōn peran otemjej, āinwōt iien otemjej, barāinwōt kiiō naaj kaiboojoj Kūrai ilo ānbwinniō, eļañne kōn mour, ak kōn mej.
- [21] Bwe ippa mour Kūrai, im mej men in jibadek.
- [22] A eļañne ij mour ilo kanniōk, eļañne men in e naaj kōmman leen jān aō jermal, ta eo I naaj kāālōt I jaje.

- [23] A I jaje kake ikōtaan ruo, ke ewor aō kōḡnaan in iloḡ, im pād ippān Kūraiḡ; bwe eñin e kanooj eḡḡmanḡḡok:
- [24] A in pād wōt ilo kanniōk eḡapḡḡok an eḡḡman ñan kom.
- [25] Im ke āindein aō lōke, I jeḡā bwe I naaj pād wōt, aet, im pād ippemi otemjej kōn ami wanḡaanḡḡok im lañlōñ kōn tōmak;
- [26] Bwe ami lañlōñ en lōñḡḡok ilo Jijeḡ Kūraiḡ ilo ña kōn aō bar pād ippemi.
- [27] Men in wōt, ami etetal en ekkar ñan gospel an Kūraiḡ: bwe, eḡaññe ij iwōḡ im lo kom, ak eḡaññe I jako, in roñ kōn kom, bwe komij jutak ilo juon wōt jetōb, im kōn juon wōt ḡōmḡḡak komij ḡimor kate kom kōn tōmak eo in gospel;
- [28] Im eḡjeḡḡok ami lōḡñḡñ kōn ro rej kōḡdate kom, men eo ñan er kakōḡḡen liaakḡḡok e alikkar, a kakōḡḡen ḡomḡḡoremi, im men in ḡān Anij.
- [29] Bwe eḡōḡ lewōḡ ñan kom kōn Kūraiḡ, jab bwe koḡwin lōke E wōt, a barāinwōt bwe koḡwin eñtaan kōn E.
- [30] Im ippemi akwāāl eo kom ar lo ilo ña, im kiiō kom roñjake bwe ej ilo ña.

PILIPPAI – JEPTA 2

- [Pi 2.1] Innām eḡaññe ewor kauwe ilo Kūraiḡ, eḡaññe ewor kaenōḡḡman in yokwe, eḡaññe ewor kōḡḡmao an Jetōb, eḡaññe ewor bōro im tūriaḡḡokake,
- [2] Koḡwin kajeḡḡet aō lañlōñ, bwe koḡwin ḡōmḡḡak āinwōt juon, ke juon wōt yokwe ippemi, im būruemi wōt juon, ilo ḡōmḡḡak wōt juon;
- [3] Koḡwin jab kōḡḡman jabdewōt ilo wālḡok ak aibooḡḡoj jekḡḡoḡn, a kōn ettā būruemi jabdewōt en ḡōmḡḡak ro jet reḡḡman ḡān e;
- [4] Im jabdewōt iaami en jab lale men ko an wōt, a barāinwōt men ko an ro jet.
- [5] ḡōmḡḡak in en pād ilo kom, eo e ar barāinwōt ilo Kūraiḡ Jijeḡ:
- [6] Eo, ke Ej ilo wāween Anij, E ar jab ḡōmḡḡak An āinwōt Anij men in nibiji,
- [7] A E ar make keḡeraḡḡōl E, im bōk wāween korijer, im erom nemāmein armeḡ;
- [8] Im ke E ar waḡḡok im āinwōt armeḡ, E ar make kōttāik E, im E ar pokake ñan mej, aet, mej eo ioon debwāāl.
- [9] Kōn men in barāinwōt Anij e ar kanooj koutiej E, im leḡḡok ñan E Āt eo e utiej ḡān āt otemjej,
- [10] Bwe ilo etan Jijeḡ bukwe otemjej ren bukweḡōlō, an ri lañ, im ri laḡ, im ri iuḡwin laḡ,
- [11] Im bwe lo otemjej ren kwaḡḡok bwe Jijeḡ Kūraiḡ e Irooj, ñan aibooḡḡoj an Anij Jemen.
- [12] Āindein, ro ḡitōnbōro, āinwōt kom ar pokake iien otemjej, jab āinwōt imaḡan meḡa wōt, a kiiō eḡapḡḡok ilo aō jako, koḡwin jerbale ami mour kōn miḡak im wūdidid;
- [13] Bwe e Anij, eo Ej jerbale ilo kom kōḡnaan im jerbale kōn kabuñbūruen .
- [14] Koḡwin kōḡmanḡan men otemjej kōn eḡjeḡḡok lotaan ak akwāāl;
- [15] Bwe en eḡjeḡḡok ḡotami ak ami koḡkure, im koḡwin ro neḡin Anij im weeppān eoḡḡpin epepen eo e ankeke im bōt, ippaer komij waḡḡok āinwōt meram ko ilo laḡ,
- [16] Im koḡwin kwaḡḡokḡḡok naan in mour; bwe en wor aō men in kōmmeḡḡaje ḡae raan an Kūraiḡ, bwe I ar jab ettōr kōn jekḡḡoḡn, ak jerbale kōn jekḡḡoḡn.

- [17] Aet, im eļañņe naaj katok kōn eō, ilo joortak im jermal in tōmak eo ami, ij lañlōñ, im ij mōņōņō ippemi otemjej:
- [18] Im āindein kom barāinwōt lañlōñ im mōņōņō ippa.
- [19] A ij katmāne ilo Irooj Jijej bwe in mōkaj in jilkinwōj Timote ñan kom, bwe in barāinwōt aenōmman ne I jeļā ekōjkami.
- [20] Bwe ejjeļok armej ippa āin būruen wōt, eo e naaj kanooj ļōmņak kōn men ko ami ilo mool.
- [21] Bwe er otemjej rej pukot men ko aer make, jab men ko an Jijej Kūraij.
- [22] A kom jeļā kadmān, bwe āinwōt ajri ippān jemen, āindein e ar jermal ippa ilo diōkļok gospel.
- [23] Innām ij katmāne bwe in jilkinwōj e kiiōkiiō ñe eņōj aō jeļā men ko re naaj waļok ñan eō:
- [24] A ij lōke ilo Irooj bwe barāinwōt ña I naaj mōkaj in iwōj.
- [25] A I ar ļōmņak eņman bwe in jilkinwōj ñan kom Epaprodaitos, jatiō im ri jermal ippa, im ri tariņae ippa, im ami ri jeļok im ri jermal ñan aō aikuj;
- [26] Bwe e ar jaņware kom otemjej, im e ar obrak kōn būromōj, bwe kom ar roñ bwe e nañinmej:
- [27] Bwe eņool e ar nañinmej wōt jidik, a Anij e ar tūriamokake e, im jab e wōt, a barāinwōt ña, bwe in jab bōk būromōj ioon būromōj.
- [28] Innām I ar mōkajļok in jilkinwōj e, bwe, ñe kom bar loe, komwin lañlōñ, im bwe en dikļok aō būromōj.
- [29] Innām komwin bōk e ilo Irooj kōn lañlōñ otemjej; im komwin nōbar ro āinwōt:
- [30] Bwe kōn jermal an Kūraij e ar epaak ñan mej, im jab ļōmņak kōn an mour, bwe en kake mōttan ami jermal ñan eō.

PILIPPAI – JEPTA 3

- [Pi 3.1] Āliktata, ro jatiō, komwin lañlōñ ilo Irooj. Eņool I jab mōk in jeje men kein ñan kom, a kein kōjparok kom.
- [2] Komwin kōjparok kom jān kidu rorrer ko, kōjparok kom jān ro ri jermal nana, kōjparok kom jān ri mwijmwij.
- [3] Bwe kōj ri mwijmwij, kōjeo jej kabuñ kōn Jetōb on Anij, im lañlōñ ilo Kūraij Jijej, im jab lōke kanniōk:
- [4] Meņe ewor ippa bwe in lōke kanniōk barāinwōt: eļañņe jabdewōt bar juon armej ej ļōmņak ewor ippān bwe en lōke kanniōk, ña eļapļok:
- [5] Ar mwijmwij eō raan kein ka ruwalitōk, ña ri jowin Israel, jān bwijin Benjamin, ri Hibru iaan ro ri Hibru; ekkar ñan kien, Parisi;
- [6] Ekkar ñan kijejeto, I ar matōrtōre eklejia; ekkar ñan wānōk eo ilo kien, ejjeļok notaō.
- [7] A men ko men in jibadek ippa, men kein I ar watōki jerata kōn Kūraij.
- [8] Aet, eņool, im ij watōki men otemjej jerata wōt, kōn an kanooj eņman aō jeļā Kūraij Jijej aō Irooj: kōn Eo men ko otemjej aō re jako, im ij watōki kwōpej, bwe in jibadek Kūraij,

- [9] Im waļok ilo E, ke e jab ippa wānōk eo aō, eo jān kien, a eo kōn lōke Kūraij, wānōk eo jān Anij kōn tōmak:
- [10] □Bwe in jeļā E, im kajoor in jerkakpeje eo An, im kōmṃao in eñtaan ko An, ke ij āinwōt wāween an mej;
- [11] Eļañne kōn jabdewōt in tōprak ñan jerkakpeje jān ro re mej.
- [12] Jab āinwōt eṃōj aō jibadek kiiō, ak eṃōj aō weppān kiiō; a ij kōttōpar, eļañne I maroñ in bōk wōt men eo Jijej Kūraij e ar barāinwōt bōk eō kake.
- [13] Ro jatiō, I jab watōk eō eṃōj aō bōk; a juon aō kōmṃan, ke ij meļokļok men ko rej pād ilikiō, im ṃallok ñan men ko rej pād imaō,
- [14] Ij kōttōparļok ñan kakōļe, ñan mejānkajjik eo an kūr eutiey an Anij ilo Kūraij Jijej.
- [15] Innām kōjeo je weppān, jen ļōmṃak āindein: im eļañne ilo jabdewōt komij ļōmṃak āinjuon, Anij e naaj kwaļok men in ñan kom:
- [16] Men in wōt, ijo eṃōj ad tōpare, jen etal ilo ial in.
- [17] Ro jatiō, koṃwin jimor ri kajjioñe ña, im kile ro rej etetal āindein, im āinwōt kōm ami joñak.
- [18] Bwe elōñ rej etetal, I ar kōnnaanōk kom kōn er ṃōkaj, im kiiō ij kōnnaanōk kom, aet kōn jañ, bwe rej ri kōjdate debwāāl an Kūraij:
- [19] Jeṃlokaer koṃkure er, aer anij lojeir, im aer aiboojoj ilo aer jook, ro rej ļōmṃak kōn men ko an laļ.
- [20] Bwe āneōd ej pād i lañ; jān ijo jej kattar Ri Lōmṃor, Irooj Jijej Kūraij:
- [21] Eo e naaj kōkāāl ānbwined e ettā bwe en erom āinwōt ānbwinnen e aiboojoj, ekkar ñan jermal eo, kōn e Ej maroñ in kōttāik men otemjej ñan E make.

PILIPPAI – JEPTA 4

- [Pi 4.1] Innām, ro jatiō, jitōnbōro im ij jañware kom, aō lañlōñ im rojen bōra, āindein koṃwin jutak ilo Irooj, ro jitōnbōro.
- [2] Ij kauwe Euodia, im ij kauwe Sintike, bwe ren ļōmṃak āinwōt juon ilo Irooj.
- [3] Aet, ij bar akweļap ñan eok, rājeta eṃool ilo inene, kwōn jipañ kōrā rein, ro raar jermal ippa ilo gospel, kab Klement barāinwōt, im ro jet rājeta ilo jermal, etaer ilo bok in mour.
- [4] Koṃwin lañlōñ ilo Irooj iien otemjej: im ij bar ba, koṃwin lañlōñ.
- [5] Ami kōmmaanwa en waļok ñan armej otemjej. Irooj eo ej epaak.
- [6] Koṃwin jab inepata kōn jabdewōt; a ilo men otemjej kōn jar im akweļap kab kaṃṃoolol, kajjitōk ko ami ren waļok ñan Anij.
- [7] Im aenōmṃan jān Anij, eo ej ellā jān jeļā otemjej, e naaj kōjparok būruemi im ļōmṃak ko ami ilo Kūraij Jijej.
- [8] Āliktata, ro jatiō, jabdewōt men ko reṃool, jabdewōt men ko re jimwe, jabdewōt men ko re wānōk, jabdewōt men ko re kwōjarjar, jabdewōt men ko re wōlbo, jabdewōt men ko eṃṃan aer buñbuñ; eļañne ewor eṃṃan, im eļañne ewor nōbar, koṃwin ļōmṃak kōn men kein.

- [9] Men ko kom ar katak, im bōki, im roñjaki, im lo ilo ña, komwin kōmmanmen men kein: im Anij in aenōmman e naaj pād ippemi.
- [10] □A I kanooj lañlōñ ilo Irooj, bwe āliktata ami lale eō ej bar eddekl̥ok; im kom ar ļōmñak kake, a kom ar aikuj iien ekar.
- [11] Jab bwe ij kōnono kōn aikuj: bwe emōj aō katak, ilo jabdewōt kōjkan aō pād, in jokwane.
- [12] I jeļā toñn ettā, im I jeļā toñn boptoa: ijo ko otemjej im ilo men otemjej emōj katakin eō bwe in mat im kab bwe in kwōle, bwe in boptoa im kab bwe in aikuj.
- [13] I maroñ in kōmmanmen otemjej ilo Eo ej kakajoor eō.
- [14] Ijoke kom ar kōmman emman bwe kom ar kōmmao ilo aō eñtaan.
- [15] Kiiō kom, ri Pilippai, kom barāinwōt jeļā, bwe ilo jinoin gospel, ke I ar ilok jān Masedonia, ejjelok eklejia e ar kōmmao ippa, āinwōt kōn letok im bōk, a kom wōt;
- [16] Aet, bwe ilo Tessalonika kom ar jilkintok alen juon im kein ka ruo ñan aō aikuj.
- [17] Jab bwe ij pukot torbata: a I kōñaan lle en ua tokjemi.
- [18] A men otemjej ippa, im I boptoa; ij obrak mōjen aō bōk jān Epaprodaitos men ko jān kom, juon bwiin emelu, juon joortak ekkar, im kein kabuñbūruen Anij.
- [19] A aō Anij e naaj kake ami aikuj otemjej, ekkar ñan mweiien ilo aiboojoj ilo Kūrai Jijej.
- [20] Kiiō ñan ad Anij im Jemedwōj aiboojoj indeeo im indeeo, Amen.
- [21] Yokyokwe ro remman otemjej ilo Kūrai Jijej. Jemjein jemjaten ippa rej yokyokwe kom.
- [22] Ro remman otemjej rej yokyokwe kom, eļaplok ro iaan nukwin Sizar.
- [23] Jouj an Irooj Jijej Kūrai en pād ilo ami.

KOLOSSE

KOLOSSE – JEPTA 1

- [Ko 1.1] Paul, ri jelōk an Kūrai Jijej kōn ankilaan Anij, im Timote jated,
- [2] Ñan ro i Kolosse remman im retiljek, jemjein jemjaten ilo Kūrai: Jouj ñan kom im aenōmman jān Anij Jemed.
- [3] Kōmij kamṃoolol Anij Jemen ad Irooj Jijej Kūrai, im iien otemjej kōm jar kōn kom,
- [4] Bwe kōm ar roñ kōn ami lōke Kūrai Jijej im kōn yokwe eo ippemi ñan ro remman otemjej,
- [5] Kōn kōjatdikdik eo emōj likūt e ñan kom ilo lañ, eo kom ar roñ kōn e mokta ilo naan in ṃool an gospel,
- [6] Eo emōj an itok ñan ippemi; aet, āinwōt ej ilo aolepen laḷ im jebar leen im ḷapḷok, āinwōt ilo kom, jān raan eo kom ar roñjake, im jeḷā jouj an Anij ilo ṃool:
- [7] Āinwōt kom ar katak ippān Epapras ri korijer im jitōnbōro ippem, eo ri jermal etiljek an Kūrai kōn kōm,
- [8] E ar barāinwōt kōnnaanōk kōm ami yokwe ilo Jetōb.
- [9] Kōn men in kōm barāinwōt, jān raan eo kōm ar roñjake, e jab jokwōd am jar im kajjitōk kōn kom, im kōṃaan bwe koṃwin obrak kōn jeḷā ankilaan ilo mālōtlōt otemjej im ḷolātāt jān Jetōb,
- [10] □Bwe ami etetal en tōllōkōn Irooj im kabuñbūruen ilo men otemjej, im bwe koṃwin jebar leen ilo jermal ko remman otemjej, im eddekḷok ilo jeḷā Anij;
- [11] Ke emōj kakajoor kom kōn kajoor otemjej ekkar ñan maroñ in aiboojoj eo An, ñan kijenmej otemjej im meanwōd ilo lañlōñ;
- [12] Im kamṃoolol Jemed eo E ar kōmman bwe jen tōllōkōn in bōk ṃōttan jolōt an ro remman ilo meram;
- [13] Im E ar kōtḷok kōj jān kajoor in marok, im bōk ḷok kōj ñan lowaan aelōñ eo an Nejin e jitōnbōro ippān;
- [14] Im Ej pinmuur ñan kōj, aet jeorḷok jerowiwī ko ad:
- [15] Eo ej ilo nemāmein Anij eo je ban lo E, im ḷotak mokta jān men i kōmman otemjej;
- [16] Bwe kōn E emōj kōmman men ko otemjej, men ko i lañ kab men ko ion laḷ, ko jej loi im ko je jab loi, eḷaññe tūroon ko ak jiōb ro ak irooj ro ak kajoor ko; emōj kōmman men otemjej kōn E im ñan E;
- [17] Im Ej mokta jān men otemjej, im kōn E men otemjej rej pād.
- [18] Im Ej bōrān ānbwin, eklejia; im E jinoin, im ri ḷotak mōktata jān ro re mej, bwe En eutiejtata ilo men ko otemjeḷok.
- [19] Bwe ebuñbūruen Anij bwe ilo E men otemjej remman potata ren pād;
- [20] Im bwe, ke emōj An kōmman aenōmman kōn bōtōktōkin debwāal eo An, En kalaajrak kōn E men ko otemjej ñan E make, aet kōn E eḷaññe rej men ko ion laḷ ak men ko i lañ.

- [21] Im komeo, ilo iien e mootļok, kom ri jepel jān E im ri kōjdate ilo būruemi kōn jermal ko renana ilo iien in emōj An kalaajrak kom
- [22] Ilo ānbwinnen kanniōkin kōn mej, bwe En kwaļok kom kwōjarjar im jimwewōt im ejjeļok ȳotami imaan mejan:
- [23] Eļañne kom pād wōt ilo tōmak, tōt im pen, im jab torlaļ jān kōjatdikdik in gospel eo kom ar roņjake, im emōj kwaļok e ñan ro otemjej rej pād iumwin lañ; im ar kōmman ña Paul ri jermal kake.
- [24] Kiiō ij lañlōñ ilo eñtaan ko aō kōn kom, im kalōñ eo e jañin bwe kake iaan eñtaan ko an Kūraij ilo kanniōkiō kōn ānbwinnen, eo eklejia;
- [25] Kōn eo emōj kōmman eō ri jipañ ilo jermal eo an Anij emōj letok ñan eō kōn kom bwe in kajejjet naan in Anij,
- [26] Aet, men eo ettino e ar nojak jān iien ko im epepen ko, a ilo iien in ar kwaļok e ñan ro remman ro An,
- [27] Ñan ro Anij e buñbūruen in kwaļok ta mweiien aiboojoj in men eo ettino in, eōļapin ri aelōñ ko, eo Kūraij ilowami kōjatdikdik kōn aiboojoj:
- [28] Eo kōmij kwaļok, im kauwe armej otemjej, im katakin armej otemjej ilo mālōtlōt otemjej, bwe kōmin kwaļokļok armej otemjej reweeppan ilo Kūraij;
- [29] Ñan eo ij barāinwōt jermal im kate eō ekkar ñan jermal eo An, ej jermal ilo ña kōn eļap kajoor.

KOLOSSE – JEPTA 2

- [Ko 2.1] Bwe I kōņaan bwe koṃwin jeļā ie ļap en aō kate eō kōn kom, im kōn ro i Leodisia, im kōn ro jabdewōt raar jab lo turin meja ilo kanniōk;
- [2] Bwe būrueir ren aenōmman, im dāpijek ilo yokwe, im bwe ren tōprak aolepen mweiien im obrak in jeļāļokjeṅ bwe ren mejeļe men eo ettino an Anij, aet Kūraij,
- [3] Ilo E re nojak men in aorōk ko otemjej an mālōtlōt im jeļāļokjeṅ.
- [4] Ak ij ba men in, bwe ejjeļok juon en moṅi kom kōn naan in kareel ko.
- [5] Bwe meñe ij etoļok jān kom ilo kanniōk, mekarta ij pād ippemi ilo jetōb, im lañlōñ im lo ami jimwe im e pen ami lōke Kūraij.
- [6] Innām āinwōt kom ar bōk Kūraij Jijej Irooj, āindein koṃwin etetal ilo E,
- [7] Im en elle okrami im kalōk kom ilo E, im koṃwin pen ilo tōmak, āinwōt emōj katakin kom, im ba kom mool im lōñļok kake.
- [8] Koṃwin kōjparok kom bwe ejjeļok juon en rakimi kom kōn katak in mālōtlōt eo an ak kōn an moṅ pata, ekar ñan bwebwenato moṅta an armej raṅ, im ñan irinekatak ko an laļ, im jab ñan Kūraij:
- [9] Bwe ilo E im wāween ānbwin, rej jokwe men otemjej an Anij wōt,
- [10] □Im komij weepān ilo E, eo ej bōrān irooj otemjej im kajoor ko otemjej:
- [11] Ilo E emōj mwijmwij kom otemjej kōn mwijmwij pā ko re jab kōmmane, ilo ami utūk ānbwinnen kanniōk, kōn mwijmwij eo Kūraij e ar kōmmane;
- [12] Im emōj kalbwin kom ippān ilo peptaij, im ilo e emōj kejerkak kom ippān kōn tōmak ilo jermal an Anij, eo E ar kakerkakpeje E jān ro re mej.

- [13] Im komeo, ri mej kōn jerowiwu ko ami im kōn jabm̄wujm̄wuj in kanniōkemi, E ar kemour kom jimor ippān, im E ar julok bōd ko ad otemjej;
- [14] Im E ar jeorlok jeje an kien ko eo e ar jumae kōj im nana ñan kōj; im E ar bōk lok im dilaik e ña ilo debwāāl eo;
- [15] Im ke emōj An kōkkure irooj ran im kajoor ko, E ar kaalwōjwōj er im bōk anjo ioer ilo men in.
- [16] Innām ejjelok armej en ekajet kom kōn mōñā ak idak ak kōn raan in kwōjkwōj, ak kōn allōñ ekāāl, ak kōn raan Jabōt:
- [17] Men ko annañin men ko re naaj itok, a ānbwin eo ānbwinnen Kūraij.
- [18] Ejjelok armej en kowadoñ kom kōn an kōñaan make kōttāik e im kabuñ ñan enjel ran, im jokwe ilo men ko e ar loi, im kōmmejaje waan kōn lojātāt in kanniōkin,
- [19] Im e jab dāpij Bōrān, jān Eo aolepen ānbwin, emōj kake im kadebejik e kōn mōkwōj ko im korak ko, ej eddeklok kōn eddek eo an Anij
- [20] Eļañne kom ar mej ilo Kūraij jān irinekatak ko an laj, etke, āinwōt mour ilo laj, komij pokake manit ko,
- [21] Komwin jab kapjeri, jab edjoñ, jab uññūri,
- [22] (Men ko otemjej re naaj jako kōn jermal kaki), ko āinwōt kien ko im katak ko an armej?
- [23] Men kein wāween mālōtlōt ippaer ilo kabuñ āinwōt kōñaan ilo ettā im kōkkure ānbwin; a ejjelok tokjeir ke jumae pokake kanniōk.

KOLOSSE – JEPTA 3

- [Ko 3.1] Innām eļañne emōj kejerkak kom ippān Kūraij, komwin pukot men ko i lañ, ijo Kūraij ej pād ie im jijet i anbwijmaroñan Anij.
- [2] Komwin kōlmānlokjeñ kōn men ko i lañ, jab kōn men ko ioon laj.
- [3] Bwe kom ar mej, im ami mour e nojak ippān Kūraij ilo Anij.
- [4] Ne Kūraij, ar mour, e naaj weaaktok, ilo iien eo naaj barāinwōt kwaļok kom ippān ilo aibojoj.
- [5] Innām komwin kajeeklok ra ko rami rej pād ioon laj; loñ ettoon, kijoon, mōm enana, im arōk m̄weiuk eo kabuñ ñan ekjab;
- [6] Bwe kōn men kein illu an Anij ej itok ioon ro ri kipilia:
- [7] Ilo men ko kom barāinwōt ar etetal juon iien ke kom ar mour ilo er.
- [8] A kiiō komwin barāinwōt julok men kein otemjej; illu, bōro kadu, illu aitok, kōnono ñae, im naan ko retton jān loemi:
- [9] Komwin jab riab ñan doon, bwe kom ar utūk armej eo mōkta kab jermal ko an.
- [10] □Im kom ar kōñak armej ekāāl, kōkāāl e ñan jelālokjeñ im ilo wāween Eo e ar kōmanmane:
- [11] Ijo ejjelok ri Grik ak ri Ju, ejjelok m̄wujm̄wuj ak jabm̄wujm̄wuj, ejjelok ri pegan ak ri Sitia, ejjelok ri kamakoko ak ri anemkwōjan: a Kūraij ej otemjej, im ilo otemjej.
- [12] Innām, āinwōt Anij e ar kāālōt kom, rokwojarjar im jitōnbōro, komwin kōñak būruen tūriamo, juj, ettā bōro, ineeñman, jejanunoi;

- [13] Im komwin meanwōd ñan doon, im jeorļok nana jān doon, eļañne ippān jabdewōt iaami ewor ruōn ippān bar juon; im āinwōt Kūraiĵ e ar jeorļok ami nana, en āindein barāinwōt ami kōmman ñan doon:
- [14] Ak ioon men kein otemjej komwin kōṇak yokwe, eo kein lukwōj ej koweppami.
- [15] Im aenōmman jān Kūraiĵ en irooj ilo būruemi, ñan eo eṃōj kūr kom ilo juon ānbwin, im komwin kamṃoolol.
- [16] Naan in Kūraiĵ en pād ilo kom im en lōñ; im ilo mālōtlōt otemjej komwin katakin im kauwe doon kōn sam ko, al ko, im kūtuon Jetōb ko, im kōn jouj ilo būruemi komwin al ñan Anij.
- [17] Im men ko jabdewōt komij kōmmanAn, ilo naan ak ilo jermal, komwin kōmman otemjej ilo etan Irooj Jijej, im kamṃoolol Anij Jemed kōn E.
- [18] Kōrā raṇ, komwin kōttāik kom ñan lōmaro pāleemi, āinwōt ekkar ilo Irooj.
- [19] Lōma, komwin yokwe liṃaro pāleemi, im jab jememe ñan er.
- [20] Ajri, komwin kipiliie ñan ro jememi im ro jinemi ilo men otemjej, bwe men iṇ ej kabuñbūruen Irooj.
- [21] Ro jemeir, komwin jab kaillu ro nejimi, bwe ren jab ebbeer.
- [22] Ro korijer, komwin pokake kōn men otemjej karo ro ami ilo kanniōk; jab iṃaan mejeir wōt, āinwōt ro rej kabuñbūruen armej ro, a kōn jīmwe in būruemi im mijak Irooj:
- [23] Jabdewōt men eo komij kōmmane, komwin kōmmane kōn bōro, āinwōt ñan Irooj, im jab ñan armej;
- [24] Im kom jeļā bwe kom naaj bōk jān Irooj jinōkjeej in jolōt eo: komij korijeran Irooj Kūraiĵ.
- [25] Bwe eo ej kōmman nana e naaj bar bōk kōn nana eo e ar kōmmane: im ejjeļok kabwilokļok māj.

KOLOSSE – JEPTA 4

- [Ko 4.1] Karo ro, komwin leļok ñan ro korijerami men ko e wānōk im jīmwe, bwe kom jeļā bwe barāinwōt juon ami Karo i lañ.
- [2] Komwin niknik ilo jar, im ekil ilowan kōn kamṃoolol;
- [3] Im ilo iien jar, komwin barāinwōt jar kōn kōm, bwe Anij en kapelļok ñan kōm aor in naan, bwe kōmin kōnono men eo ettino an Kūraiĵ, kōn eo ña ij barāinwōt ilo korak ko;
- [4] Im bwe in kwaļok e āinwōt eṃman bwe in kōnono kake.
- [5] Komwin etetal im mālōtlōt ñan ro ilikin, im kōjparok iien.
- [6] Ami kōnono, en iien otemjej ilo jouj, im en eṃōj kejatōk e kōn joṃl, bwe komwin jeļā kōjkan eṃman ami uwaak armej otemjej.
- [7] Men otemjej aō, Tikikōs e naaj kwaļok ñan kom, eo ej jatiō jitōnbōro ippa, im ri jermal etiljek im korijer ipped ilo Irooj:
- [8] Eo I ar jilkinwōj ñan kom kōn men iṇ, bwe komwin jeļā men ko am, im bwe en kaenōmman būruemi;

- [9] Im ej iwōj ippānwōj Onesimos, jatiō etiljek im jitōnbōro, eo juon iaami. Re naaj kōjjeļāik kom men otemjej kōmman ije.
- [10] □Aristarkos, ri prisōn ippa, ej yokyokwe kom, im Mark, mañden Barnebas (kōn eo kom ar bōk kien ko; eļañne ej iwōj ñan kom, koṃwin bōk e),
- [11] Im Jijej, āt eo juon Jōstōs, erro iaan ri ṃwijiṃwij: erjel wōt ri jermal ippa ñan aelōñ in Anij, im raar kaenōṃmane eō.
- [12] Epapras, juon iaami, ri korijeran Kūraiṃ Jijej, ej yokyokwe kom, im iien otemjej eļap an kate e kōn kom ilo jar ko an, bwe koṃwin jutak wānōk im weppān ilo ankil otemjej an Anij.
- [13] Bwe ij kōnnaan kōn e, bwe eļap an jermal ñan kom im ñan ro i Leodisia, im ñan ro i Haierapolis.
- [14] Luk, rū uno e jitōnbōro, im Dimas, rej yokyokwe kom.
- [15] Koṃwin yokyokwe jemjein jemjaten ro i Leodisia, im Nimpas, im eklejia eo ilowan ṃweo iṃweir.
- [16] Im ne eṃōj ami kōnono ilo letter in, koṃwin kōmman bwe kōnono kake ilo eklejia an ro ri Leodisia; im bwe koṃwin barāinwōt kōnono ilo lōta eo jān Leodisia.
- [17] Im koṃwin ba ñan Arkippos, Kwōn lale jermal eo kwaar bōk ilo Irooj, bwe kwōn kajejjet e.
- [18] Yokyokwe jān ṃa Paul kōn eļtan peiō. Koṃwin keememej korak ko aō. Jouj en pād ippemi.

1 TESSALONIKA

1 TESSALONIKA – JEPTA 1

- [1Te 1.1] Paul, im Silvenōs, im Timote, ñan eklejia an ro ri Tessalonika ilo Anij Jemed im Irooj Jijej Kūraij: Jouj ñan kom im aenōmman.
- [2] Kōmij kamoolol Anij iien otemjej kōn kom otemjeļok, im ba kōn kom ilo jar ko am;
- [3] Im e jab jokwōd am keememej ami jermal in tōmak kab yokwe, im ami kijenmej in kōjatdikdik ilo ad Irooj Jijej Kūraij, imaan mejan Anij eo Jemed;
- [4] Bwe kōm jeļā, ro jatim, kom jitōnborō ippān Anij, E ar kāālōt kom,
- [5] Ekōjkan gospel eo am e ar jab iwōj ñan kom ilo naan wōt, a barāinwōt ilo kajoor im ilo Jetōb Kwōjarjar, im ļap an reel būruemi; āinwōt kom jeļā ie wāween am pād im kōmman ippemi kōn kom.
- [6] Im kom ar ri kajjioñe kōm im Irooj, im bōk naan eo ilo eñtaan eļap kab lañlōñ an Jetōb Kwōjarjar;
- [7] Im kōn men in kom ar joñak ñan ro otemjej rej tōmak i Masedonia im Akeia.
- [8] Bwe jān kom naan in Irooj e ar peddejake jab i Masedonia im Akeia wōt, a ijoko otemjeļok ami lōke Anij eņōj an ilok ñan e, im kōn men in ejeļok tokjān am ba jabdewōt.
- [9] Bwe er rej make kwaļok ekōjkan am deļoñwōj ñan kom, im ekōjkan kom ar ilok ñan Anij jān ekjab ko, bwe komwin ri korijer ñan Anij eo emour im eņool,
- [10] Im bwe komwin kattare Nejin jān lañ, Eo e ar kajerkakpeje E jān ro remej, aet, Jijej eo Ej lomōoren kōj jān illu e naaj itok.

1 TESSALONIKA – JEPTA 2

- [1Te 2.1] Bwe ro jatim, kom make jeļā am deļoñ ñan kom, bwe kōm ar jab deļoñwōj bata:
- [2] A ke eņōj kaeñtaan im kōkkure kōm i Pilippai, āinwōt kom jeļā, kōm ar peranļok ilo am Anij bwe kōmin kōnono ñan kom gospel an Anij ilo niknik eļap.
- [3] Bwe naan in kauwe eo am e jab jān bōd ak ettoon, ak kōn moņ:
- [4] A āinwōt Anij e ar likūt gospel eo ña ippem bwe E ar lōke kōm kōn men in, āindein kōmij kōnono, jab bwe kōmin kabuñbūruen armej ro, a Anij eo ej mālejoñ būruem.
- [5] Bwe kōm ar jab kōnono etao jabdewōt iien, āinwōt kom jeļā, im kōm ar jab ankiliriab kōn am arōk mweiuk ko, Anij ej ri kōnnaan:
- [6] Im kōm ar jab pukot nōbar jān armej, jab jān kom, jab jān ro jet, ke kōm kar maroñ in kebioup kom bwe kōmij ri jelōk an Kūraij.
- [7] A kōm ar jouj ioļapemi āinwōt ke lio ri kōkkaajiriri ej lale ro nejin:
- [8] Āindein kōn an ļap am yokwe kom, kōm ar kōņaan lewōj ñan kom jab gospel eo wōt, a barāinwōt am mour, bwe kom jitōnborō ippem.
- [9] Bwe komij keememej, ro jatim, am jermal im eñtaan: ke kōm ar jermal boñ im raan, bwe kōmin jab kōmman kapjeram ñan jabdewōt iaami, im kwaļok ñan kom gospel an Anij.
- [10] Kom ri kōnnaan, kab Anij, kōn am kwōjarjar im wānōk im ejeļok notam ke kōm ar pād ippemi kom rej tōmak:

- [11] Āinwōt kom jeļā ekōjkan kōm ar kauwe, im kaperan, im kōnnaan ñan kajuju iaami, āinwōt jemeir ñan ro nejir,
- [12] Bwe komwin etetal ekkar ñan Anij, eo E ar kūr kom ñan aelōñ eo An kab aiboojoj.
- [13] Im kōn men in e jab jokwōd am kaṃṃoolol Anij, bwe ke kom ar bōk jān kōm naan eo kom ar roñjake, naan in Anij, kom ar jab bōke āinwōt naan in armej, a āindein eṃool, āinwōt naan in Anij, eo ej barāinwōt jermal ilo kom ro rej tōmak.
- [14] Bwe kom, ro jatim, ar ri kajjioñe eklejia ko an Anij rej i Judia ilo Kūrai Jijej: bwe kom ar eñtaan kōn jemdoon āinwōt raar eñtaan kōn ri Ju ro;
- [15] Ro eṃōj aer ṃan Irooj Jijej kab ri kanaan ro, im ar ubaakeļok kōm, im re jab kabuñbūruen Anij, im rej ankeke ñan armej otemjej;
- [16] Im rej bōbrae kōm kōn am kōnono ñan ri aelōñ ko bwe ren bōk loṃoṃ; bwe ren kobrak jerowiwī ko aer iien otemjej: a illu e moottok ioer ñan jemļokōn tata.
- [17] A kōm, ro jatim, ke eṃōj am kaliaajļoj kom jidik iien kōn an jepel ānbwinned, jab būrued, kōm ar kanooj kajjioñ im eļap am kōṃnaan bwe kōmin lo mejemi:
- [18] Kōn men in kōm ar kōṃnaan iwōj ñan kom, aet, ña Paul juon im bar juon iien; im Setan e ar boprae kōm.
- [19] Bwe ta am kōjatdikdik, ak lañlōñ, ak pāllin kōmmejāje, eļaññe jab kom wōt iṃaan mejan ad Irooj Jijej ilo An weaaktok?
- [20] Bwe komij am aiboojoj im am lañlōñ.

1 TESSALONIKA – JEPTA 3

- [1Te 3.1] Kōn men in ke kōm bane am kōṃnaanwōj, kōm ar loṃṃak eṃṃan bwe ren likūt kōmro wōt i Atens;
- [2] Im kōm ar jilkinwōj Timote, e jatim, im ri korijeran Anij ilo gospel an Kūrai, bwe en kapen kom, in kaenōṃṃane kom kōn ami tōmak;
- [3] Bwe enjeļļok eperir ippān jabdewōt iaami ilo jorrāñ kein; bwe komij jeļā wōt eṃōj likūt kōm ñan men kein.
- [4] Bwe, eṃool, ke kōm ar pād ippemi, kōm ar kōnnaanōk kom bwe je naaj eñtaan; innām e ja men eo wōt kōm ar ba, im kom jeļā.
- [5] Kōn men in ke I bane aō kōṃnaanwōj, I ar jilkinwōj bwe in jeļā kake ami tōmak, ñe ab ri kapo e ar kapo kom im jermal eo am e jermal bata.
- [6] A ke Timote ej kab itok ñan kōm jān kom, im bōktok ñan kōm naan eṃṃan ki ami tōmak im yokwe, kab kōn ami kanooj keememej kōm im oñ in lo kōm, āinwōt kōmij kanooj kōṃnaan lo kom:
- [7] Kōm men in, ro jatim, ami tōmak e ar kaenōṃṃane kōm kōn kom, ilo am eñtaan im jorrāñ otemjej:
- [8] Bwe kiiō kōmij mour wōt eļaññe epen ami jutak ilo Irooj.
- [9] Innām ewi kaṃṃoolol eo kōm maroñ in ba ñan Anij kōn kom, kōn aolepen lañlōñ kōmij lañlōñ kake kōn kom iṃaan mejan ad Anij;
- [10] Ke kōm kanooj jar im akweļap raan im boñ, bwe kōmin lo mejemi, im koweepan ami tōmak?
- [11] A, E wōt ad Anij im Jemed, kab ad Irooj Jijej, ren kajimwewōt am laļwōj ñan kom:

- [12] Im Irooj en kaḷapḷok wōt ami yokwe doon kab armej otemjej, aet, āinwōt kōmij kōmanman ñan kom;
- [13] Bwe En kapen būruemi ilo kwōjarjar im ejjeḷok ḡotami imaan mejan Anij im Jemad, ilo an Jijej ad Irooj itok im rokwojarjar otemjej ippān.

1 TESSALONIKA – JEPTA 4

- [1Te 4.1] Innām, bwe in kamatatiḷok naan kein, ro jatim, kōmij akweḷap ñan kom im kauwe kom ilo Irooj Jijej, bwe, āinwōt kom ar bōk jān kōm ekōjkan an emman ami etetal im kabuñbūruen Anij, āinwōt komij etetal, komwin barāinwōt lōñḷok wōt.
- [2] Bwe kom jeḷā kien ōt ko kōm ar lewōj ñan kom kōn Irooj Jijej.
- [3] Bwe men in ankilaan Anij, ami kwōjarjar bwe komwin kōjparok kom jān ḷōñ;
- [4] Bwe en eju wōt iaami im jeḷā kōn an kōjparok ānbwinnen ilo kwōjarjar im nōbar,
- [5] Jab ilo kijoñ kōn ḷōñ āinwōt ri aelōñ ko re jaje Anij;
- [6] Bwe ejjeḷok armej en ellā im moḡe jein im jaten ilo men eo: bwe Anij e naaj ri kwi ilo men kein otemjej, āinwōt kōm ar ba moḡta im kaalikkar ñan kom.
- [7] Bwe Anij e ar jab kūrtoḡ kōj ñan ettoon, a ilo kwōjarjar.
- [8] Innām eo ej kajekdoḡon, e jab kajekdoḡon armej, a Anij, eo Ej lewōj ñan kom an Jetōb Kwōjarjar.
- [9] A kōn yokwe doon ejjeḷok unin am jejewōj ñan kom; bwe Anij e ar katakin kom bwe komwin yokwe doon;
- [10] Bwe emool, āindein ami kōmanman ñan jemjein jemjaten otemjej i aolepen Masedonia. A kōmij kauwe kom, ro jeim im jatim, bwe komwin lōñḷok wōt ilo men in;
- [11] Im bwe komwin katak im tōt wōt im lale men ko ami, im jermal kōn peōmi, āinwōt kōm ar jiroñ kom;
- [12] Bwe en ekkar ami etetal imaan mejan ro re jab tōmak, im bwe komwin jab aikuḡ jabdewōt
- [13] A kōm jab kōḡaan, ro jatim, bwe komwin jaje kōn ro rej kiki; bwe komwin jab būromōj āinwōt ro jet, ro ejjeḷok kōjatdikdik ippaer.
- [14] Bwe eḷaññe jej tōmak kōn an Jijej mej im jerkakpeje, āindein barāinwōt ro rej kiki ilo Jijej, Anij e naaj bōktok ippān.
- [15] Bwe kōm ba men in ñan kom ilo naan in Irooj, bwe kōjeo, ro rej mour im pād wōt mae an Irooj itok, je jāmin ilok moḡta jān ro rej kiki.
- [16] Bwe E Irooj e naaj wanlaḷtak jān lañ, kōn lamōj, im ainikien arkenjel, im jilel an Anij, im ro re mej ilo Kūraiḡ re naaj jerkakpeje moḡta:
- [17] Innām kōj, ro jej mour im pād wōt, naaj bōklōñḷok kōj ippān ro jet ilo kōdo bwe jen wōnmae Irooj i mejatoto; im āindein je naaj pād ippān Irooj ien otemjej.
- [18] Innām komwin kaenōmman doon kōn naan kein.

1 TESSALONIKA – JEPTA 5

- [1Te 5.1] A kōn ien ko ak tōre ko, ro jatim, ejjeḷok unin jejewōj jabdewōt.
- [2] Bwe kom kanooj jeḷā bwe raan eo an Irooj ej itok āinwōt ri koḡt ilo boñ.

- [3] Ñe rej ba, Aenõmman im ejjelok unin am lõlñoñ, ekwe eiriñ naaj kɔkkure er, ãinwõt eñtaan ej waļok ñan juon kōrā ej bōrɔrɔ; im re jāmin ko.
- [4] A kom, ro jatim, komij jab ilo marok, bwe raan eo en jibwe kom ãinwõt ri kɔot.
- [5] Bwe kom otemjej ro nejin meram im raan: je jab jān marok im boñ;
- [6] Innām jen jab kiki ãinwõt ro jet, a jen mmej im jatōr.
- [7] Bwe ro rej kiki, rej kiki ilo boñ, im ro rej kadek rej kadek ilo boñ.
- [8] A kōj, bwe jej armej in raan, jen jatōr, im kōṅak tōmak im yokwe, kein kōrape ānbwinned, im kōjatdikdik in lɔmɔɔr, kein kōrape bōred.
- [9] Bwe Anij e ar jab likūt kōj ñan illu, a ñan tōprak lɔmɔɔr kōn ad Irooj Jijej Kūraij.
- [10] Eo E ar mej kōn kōj bwe, eļañne jej ruj ak kiki, jen jimor mour ippān.
- [11] Kōn men in, komwin kaenõmmane doon, im kalek doon, ãinwõt ami kōmanman.
- [12] A kōm akweļap ñan kom, ro jatim, bwe komwin kile ro rej jermal ippemi, im lale kom ilo Irooj, im kauwe kom;
- [13] Im komwin likūt er bwe ren utiej ilo ami yokwe er, kōn jermal ko aer. Komwin aenõmman ñan doon.
- [14] Im kōmij akweļap ñan kom, ro jatim, bwe komwin kauwe ro re jeļmāne, kaperan ro rej kūmkūm, jipañ ro re mōjɲɔ, komwin meanwōd ñan armej otemjej.
- [15] Komwin lale bwe ejjelok iaami en ɲa oṅān nana kōn nana ñan jabledwõt armej; a iien otemjej komwin ļoor men ko remman ñan doon kab ñan armej otemjelok.
- [16] Komwin lañlōñ iien otemjej;
- [17] En jab jokwōd ami jar;
- [18] Ilo men ko otemjej komwin kamoolol: bwe men in ej ankilaan Anij ilo Kūraij Jijej kōn kom.
- [19] Komwin jab kune Jetōb Kwōjarjar.
- [20] Komwin jab kajekdoon kūr in ri kanaan ro;
- [21] Komwin mālejoñ men ko otemjej; kōjparok wõt men ko remman:
- [22] Komwin kōjparok kom jān wāween nana otemjelok.
- [23] Im E Anij in aenõmman En kokwōjarjar aolepemi ilo men otemjej; im En kōjparok aolepen ami jetōb, im ami, kab ānbwinnemi, im enjelok ɲotami ilo an ad Irooj Jijej Kūraij itok.
- [24] Etiljek eo Ej kūr kom, im E naaj barāinwõt kōmmane.
- [25] Ro jatim, komwin jar kōn kōm.
- [26] Komwin yokyokwe jemjein jemjaten otemjej kōn mejenma ekwōjarjar.
- [27] Ij kanejnej ñan kom ilo Irooj bwe komwin kōnono lõta in ñan jemjein jemjaten otemjej. Jouj an ad Irooj Jijej Kūraij en pād ippemi.

2 TESSALONIKA

2 TESSALONIKA – JEPTA 1

- [2Te 1.1] Paul, im Silvenōs, im Timote, ñan eklejia an ro ri Tessalonika ilo Anij Jemed im Irooj Jijej Kūraij;
- [2] Jouj ñan kom im aenōmman jān Anij Jemed im Irooj Jijej Kūraij.
- [3] Emman kōmin kamoolol Anij iien otemjej kōn kom, ro jatim, ekar āindein, bwe ami tōmak e kanooj eddekļok, im kajju iaami otemjej yokwe doon e kanooj ļap;
- [4] Innām kōmij kōmmejāje kōn kom ilo eklejia ko an Anij, kōn ami kijenmej im tōmak ilo matōrtōr im eñtaan otemjej rej waļok ñan kom:
- [5] Eo kakōļle alikkar an Anij ekajet jimwe; bwe En watōk kom ekkar ñan aelōñ in Anij, eo komij barāinwōt eñtaan kōn e:
- [6] Eļañne ejimwe an Anij ña oñær kōn eñtaan ro rej kaeñtaan kom,
- [7] Ak komeo, komij eñtaan ña oñeami kōn kakkije ippem ilo kwaļok Irooj Jijej jān lañ ippān enjeļ ro an kajoor eo an,
- [8] Ilo kijeek eurur, im Enaaj leļok iden-oñe ñan ro re jab pokake gospel an ad Irooj Jijej Kūraij:
- [9] Er re naaj eñtaan ilo kōkkure indeeo im jako jān mejan Irooj, im jān wōj in kajoor eo An,
- [10] Ñe Enaaj itok bwe En aiboojoj ilo rokwojarjar ro An, im bwe En men in bwilōñ ilo ro otemjej raar tōmak (bwe kom ar tōmak am kōnnaan ñan kom) ilo raan eo.
- [11] Ñan men in kōmij jar kōn kom iien otemjej, bwe ad Anij en likūt kom ekkar ñan An kūr kom, im kajejjet kōñaan otemjeļok kōm emman, kab jermal in tōmak ilo kajoor;
- [12] Bwe etan ad Irooj Jijej Kūraij en aiboojoj ilowami, im koṃwin ilo E, ekkar ñan jouj an ad Anij im Irooj Jijej Kūraij.

2 TESSALONIKA – JEPTA 2

- [2Te 2.1] A kōmij akweļap ñan kom, ro jatim, kōn an ad Irooj itok, im kōn ad kweiloktok ñan ippān,
- [2] Bwe en jab mōkaj an kamakūt kom jān ami jeļā, ak kamijak kom, jab kōn jetōb ak naan, ak lōta āinwōt jān kōm im ba raan in Irooj ej itok kiiōkiiō;
- [3] Ejjeļok juon en moņi kom kōn men ko jabdewōt: bwe mokta jān raan eo, enaaj itok buñ eo, im armej in jerowiwī, nejin mej, e naaj waļoktok,
- [4] Eo ej kōtrāe im make koutiej e jumae men otemjej rej ñaetaer Anij, ak kabuñ ñan er, ekwe ej jijet āinwōt Anij ilo tempel an Anij, im make kwaļok bwe e Anij.
- [5] Kom jab keememej ke, bwe, ke I ar pād ippemi, I ar kōnnaanōk kom men kein?
- [6] Im kiiō kom jeļā ta eo ej dāpij e bwe en waļoktok ilo iien eo an.
- [7] Bwe men eo ettino im nana ej jermal wōt: a juon ej bōbrae kiiō, mae iien emōj bōkļok e jān ial.
- [8] Im ilo iien eo ri kakūtōtō eo e naaj waļoktok, eo Irooj e naaj mane kōn atloñ im naaj kōkkure kōn an weaaktok ilo an itok:

- [9] Ekwe, eo an waļoktok ej ekkar ñan kōmman an Setan, ilo kajoor otemjej, im kakōļle ko, im men in bwilōñ ko re riab,
- [10] Kab ilo etao otemjej im nana ñan ro rej jako wōt, bwe raar jab bōk yokwe mool ñan loṃoṃrer.
- [11] Im kōn men in, Anij ej jilkinļok ñan er bōd ekajoor bwe ren tōmak riab:
- [12] Bwe En ekajet ro otemjej raar jab tōmak mool, a rej ṃōṃōṃō ilo nana.
- [13] A eṃman bwe kōmin kaṃmooolol Anij iien otemjej kōn kom, ro jatim, jitōnbōro ippān Irooj, bwe Anij ear kāālōt kom jān jinoin ñan loṃoṃ ilo kokwōjarjar kōn Jetōb eo im tōmak mool:
- [14] Ñan eo Ear kūr kom kōn gospel in am bwe koṃwin tōprak aiṃoojoj an ad Irooj Jijej Kūraij.
- [15] Innām, ro jatim, koṃwin jutak im pen im kōjparok men ko eṃōj katakin kom kaki kōn naan ak lōta eo am.
- [16] A E, ad Irooj Jijej Kūraij, im ad Anij Jemed, eo E ar yokwe kōj im letok aenōmman indeo kab kōjatdikdik eṃman kōn jouj,
- [17] En kaenōmmane būruemi im kapen er ilo naan eṃman im jermal eṃman otemjej.

2 TESSALONIKA – JEPTA 3

- [2Te 3.1] Bar ṃōttan jidik; ro jatim, koṃwin jar kōn kōm bwe naan in Irooj en ettōr im aiṃoojoj, im āindein bar āinwōt ippemi;
- [2] Im bwe En kōtļok kōm jān armej renana im bōt; bwe e jab er otemjej rej tōmak.
- [3] A Irooj etiljek, Eo enaaj kapen kom, im oṃaake kom jān ri nana eo.
- [4] Im kōmij lōke wōt Irooj kōn kom bwe komij kōmman im naaj kōmman men ko kōmij jiroñ kom kaki.
- [5] Im Irooj en kajimwewōt būruemi ilo yokwe an Anij, im ilo kijenmej an Kūraij,
- [6] A kōm jiroñ kom, ro jatim, ilo etan ad Irooj Jijej Kūraij, bwe koṃwin makeļok iaami jān ro jeōmi im jatōmi otemjej rej etetal im jeļmāne, im jab etetal ekkar ñan katak eo raar bōk e jān kōm.
- [7] Bwe komeo komij jeļā ekōjkan an eṃman ami kajjioñe kōm: bwe kōm ar jab jeļmāne ioļapemi.
- [8] Im kōm ar jab ṃōñā bred jān jabdewōt armej im ejjeļok oṃān, a kōm ar jermal im eñtaan raan im boñ, bwe kōmin jab kōmman kapjeram ñan jabdewōt iaami.
- [9] Jab bwe ejjeļok am maroñ, a bwe kōmin likūt kōm ñan kom kōn joñak, bwe koṃwin kajjioñe kōm.
- [10] Bwe ke kōm ar pād ippemi, kōm ar jiroñ kom men in, Eļaññe jabdewōt e jab kōṃnaan jermal, en jab ṃōñā.
- [11] Bwe kōmij roñ kōn jet rej etetal ioļapemi im jeļmāne, im re jab jermal ñan jidik, a rej ri kōmanman bata.
- [12] Innām kōm jiroñ im kauwe ro rej āindein, kōn ad Irooj Jijej Kūraij, bwe ren jermal wōt im tōt, im ṃōñā bred ko aer.
- [13] A kom, ro jatim, koṃwin jab ṃōk ilo ami kōmanman eṃman.

- [14] A eļaiņņe jabdewōt armej e jab pokake naan iņ am ilo lōta iņ, koņwin kile e im jab kōmņmao ippān, bwe en jook.
- [15] Im jab likūt e ri kōjdat, a koņwin kauwe e āinwōt jeōmi im jatōmi.
- [16] Im E, Irooj in aenōmņman, En lewōj ñan kom aenōmņman, iien otemjej, kōn men otemjeļok. Irooj en pād ippemi otemjej.
- [17] Yokyokwe an Paul jenkwān peiō, eo ej kakōļle ilo lōta otemjej: āindein aō jeje.
- [18] Jouj an ad Irooj Jijej Kūraij en pād ippemi otemjej.

1 TIMOTE

1 TIMOTE – JEPTA 1

- [1Ti 1.1] Paul, ri jelōk an Kūraij Jijej, kōn kien Anij ar Ri Lomōor, im Kūraij Jijej ad kōjatdikdik;
- [2] Ñan Timote nejiō emool ilo tōmak: Jouj, tūriamokake, aenōmman, jān Anij Jemed im Kūraij Jijej ad Irooj.
- [3] Āinwōt I ar akweļap ñan kwe, bwe kwōn pād wōt i Epesōs ke I ar ilok ñan Masedonia, bwe kwōn kauwe jet bwe ren jab katakin kōn katak āinjuon,
- [4] Im kōjparok er jān bwebwenato waan kab laajrak in epepen ko im ejjeļok jemļokier, ko rej kwaļok kajitūkun ko im jab jipañ jermal in Anij eo ej ilo tōmak; āindein aō kōmman kiiō.
- [5] A tokjān naan in kauwe, yokwe jān bōro erreō, im bōklōkōt emman, im tōmak emool.
- [6] A jet raar ilok jān men kein im jeorļok ñan kōnono pata;
- [7] Ke re kōnaan bwe ren ri katakin kōn kien eo, re jaje ta eo re ba, ak ta eo re pen im kōnono kake.
- [8] A je jeļā bwe emman kien eo eļañne ekkar an armej kōmman kake,
- [9] Im je jeļā bwe ar jab kōmmane kien ñan rū wānōk, a ñan ro rej kōtrāe kien im ro re kipiliia, ñan ro renana im ro ri jerowiwī, ñan ro re jok der im ro re aplep, ñan ro rej man jemeir im jineir, ñan ro rej uror,
- [10] Ñan ro ri ļōñ, im ñan maan ro rej make kananaik er ippān emmaan, ñan ro rej koort armej im ro ri riab, ñan ro e riab aer kanejnej, im ro rej kōmman men ko jet jabdewōt re jakkar ñan katak ejimwe;
- [11] Kōn gospel e aiboojoj an Anij e mōñōñō, eo emōj likūt e ñan eō.
- [12] Ij kamoolol Kūraij Jijej ad Irooj, eo E ar kamaroñ eō, bwe E ar watōk eō etiljek im kadeļoñ eō ilo jermal in An;
- [13] Meñe mokta I kein kajjirere im matōrtōre im ļāj: a Anij e ar tūriamokake eō bwe I ar kōmman āindein ke I ja jaje wōt im jañin tōmak ;
- [14] Im jouj an ad Irooj e ar kanooj lōñļok, kab tōmak im yokwe eo ej ilo Kūraij Jijej.
- [15] Remool naan kein im emman eoroñ wōt, bwe Kūraij Jijej e ar itok ñan laļ bwe En lomōoren ro ri jerowiwī, im ña eo ļaptata iaer.
- [16] A kōn men in, Anij e ar tūriamokake eō, bwe Kūraij Jijej en kwaļok ilo ña mokta meanwōd otemjej, kōn joñak ñan ro re naaj lōke E tokālik ñan mour indeeo.
- [17] Kiiō ñan Kiñ eo Ej mour wōt jān indeeo ñan indeeo, e jab wabanban im je ban lo E, eo E make wōt Anij, nōbar im aiboojoj indeeo im indeeo. Amen.
- [18] Kien in Ij likūt ña ippam, nejiō Timote, kōn kūr ko raar ba mokta kōn eok, bwe ilo er kwōn maroñ in tariñae kōn tariñae eo emman;
- [19] Im kōjparok tōmak im bōklōkōt emman, eo jet, kōn aer joļok e, raar rup im mejaljaļļok jān tōmak.
- [20] Ruo iaer, Haimenios im Alexander; I ar ketak er ñan Setan, bwe ren katak im jāmin bar blaspim.

1 TIMOTE – JEPTA 2

- [1Ti 2.1] Innām ij kauwe mokta, bwe armej ren akweļap, im jar, im kajjitōk im kam̄moolol Anij, kōn armej otemjej;
- [2] Kōn kiñ ro im irooj otemjelok; bwe jen mour im tōt wōt ilo aenōmman im kwōjarjar im kōmanman emman mwilier otemjej.
- [3] Bwe men iñ emman im men in yokwe imaan mejan Anij, eo Ej Ri Lomōoren kōj;
- [4] Eo e kōnaan lomōoren armej otemjej, im bwe ren item jelā mool.
- [5] Bwe juon wōt Anij, im juon wōt Ri Kalaajrak ikōtaan Anij im armej raņ, Eo ej armej, Kūraij Jijej,
- [6] Eo e ar make leļok E bwe En pinmuur ñan armej otemjej, im naaj kōnnaan kake ilo iien ko an;
- [7] Kōn eo E ar likūt eō ri kaki im ri jelok (ij ba emool im jab riab), kab ri katakin ri aelōñ ko ilo tōmak im mool.
- [8] Innām I kōnaan bwe maan ren jar ijo ko otemjej im kotak peir kwōjarjar im ejjelok illu ak pere.
- [9] Barāinwōt, bwe kōrā ren kōnak nuknuk ko re karbōb, im ren kokōmōnmwin im jejairunoi, im jab kanoj karilip pirōkrōk in bōraer, im jab kanoj kalōtlōt er kōn kool im bōōr ko im nuknuk ko re kanoj aibooj;
- [10] A (eo ekkar ñan kōrā ro rej kwaļok aer tōmak) kōn aer jermal remman.
- [11] Kōrā en katak im tōt wōt im jilikiie.
- [12] A I jab likūt ñan juon kōrā bwe en ri kaki ak irooj ioon emmaan, a ren tōt wōt.
- [13] Bwe emōj kōmanman Adam mokta, im tokālik Iv;
- [14] Im ar jab moņe Adam, a ke emōj moņe Iv, e ar jerowiwī:
- [15] A naaj lomōoren er ilo aer keotak ro nejir, eļañne rej pād wōt ilo tōmak im yokwe im kwōjarjar im jejairunoi.

1 TIMOTE – JEPTA 3

- [1Ti 3.1] Emool naan iñ, Eļañne armej ej pukot bwe en ri kaki eļap, ej kōnaan jermal emman.
- [2] Innām, ri kaki eļap enjelok notaan, en juon wōt pāleen, en jatōr, en kokōmōnmwin, en emman mwilin, en ļap an eken, en jelā katakin;
- [3] En jab ijoļ wain, en jab jekanunok, en jouj wōt, en jab ri ire, en jab arōk taļa;
- [4] En emman an irooj i mwēo imōn, bwe ro nejin ren pokake e, im en mwilin armej;
- [5] (A eļañne armej e jaje kōn an irooj i mwēo imōn, ekōjkan an lale eklejia an Anij?)
- [6] En jab kāāl ilo jermal in Anij, ñe ab en utiej būruen im ebuñ im āinwōt kar liaakļok tepiļ eo.
- [7] Bar juon ro re jab tōmak ren jab nutnut e bajjek, bwe en jab buñ ilo kinaake im jen an Setan.
- [8] Āindein, ro tikōn, ren mwilin armej, en jab romione aer kōnono, ren jab ijoļ wain, ren jab arōk taļa;
- [9] Im ren kōjparok men eo ettino an tōmak ilo bōklōkōt erreō.
- [10] A emman mālejjoñ er mokta; innām eļañne ejjelok notaer, ren jermal in tikōn.

- [11] Kōrā raŋ, āindein ren mwilin armej, ren jab ruruwe, ren jatōr, ren tiljek kōn men ko otemjeļok.
- [12] Tikōn ro, en eju wōt pāleir, im en emman aer irooj ioon ro nejir, kab ro rej jokwe ipaer.
- [13] Bwe ro raar jermal im tikōn emman, rej jibadek jikin jutak emman, im peran eļap ilo tōmak eo ej ilo Kūraij Jijej.
- [14] Ij jejewōj men kein im katmāne bwe in iwōj mōkaj ñan eok;
- [15] A eļañne I ja ruṃwij, bwe kwōn jeļā ekōjkan emman an armej pād im kōmman ilo imōn Anij, eo eklejia an Anij emour, jurōn im ļoņtak in ṃool.
- [16] Im, armej otemjej būrueir wōt juon, eļap men eo ettino ilo jermal in Anij; Eo ar kwaļok E ilo kanniōk, im Jetōb e ar kaṃool E, im enjeļ ro raar lo E, ar kwaļok kōn E ñan ri aelōñ ko, ar lōke E ilo laļ, emōj bōklōñļok E ilo aiboojoj.

1 TIMOTE – JEPTA 4

- [1Ti 4.1] A E alikkar an Jetōb ba, bwe ilo iien ko ālik, jet re naaj buñ jān tōmak, im eņroñ jetōb ro rej ṃoņ er im katak ko an timoņ raŋ,
- [2] Kōn jeļā ṃoņ an armej rej riab im bōklōkōt ko aer repen im āinwōt ñe jej ittil kōn māāl ebwil;
- [3] Im re naaj bōbrae an armej pālele, im koṃwin kien bwe ren jab ṃōñā kanniōk ko, Anij e ar kōmanṃAn bwe ro rej tōmak im jeļā ṃool ren bōk im kaṃṃoolol Anij kaki.
- [4] Bwe emman men otemjej Anij e ar kōmanṃAn im ren jab abwin bōke jabdewōt iaer, eļañne rej bōk im kaṃṃoolol Anij kōn e:
- [5] Bwe naan in Anij im jar rej kokwōjarjar e.
- [6] Eļañne kwōj keememejļok ñan jemjein jemjaten kōn men kein, kwō naaj ri jermal emman an Jijej Kūraij, im naan in tōmak ko im katak ejimwe, kwaar pokake ñan iien in, re naaj naajdik im kaddekļok eok:
- [7] A kwōn abwin bwebwenato rewaan im jakkar an lōļap roñ. Im kwōn make kammineneikļok eok ilo jermal in Anij:
- [8] Bwe eļañne kwōj kammineneikļok ānbwinniōm wōt, e naaj jar dik an kakajooror eok, a jermal in Anij ej kakajooror eok kōn men otemjej, im ewor an kallimur kōn mour in, kab mour eo e naaj itok.
- [9] Eṃool naan in, im emman eņroñ wōt.
- [10] Kōn men in kōmij jermal, im kate kōm, bwe kōmij kōjatdikdik kōm kōn Anij emour, Eo ej kōṃaan ļoṃooren armej otemjej, im E naaj ļoṃooren ro rej lōke E.
- [11] Men kein kwōn jiroñ im katakin er.
- [12] Ejjeļok armej en kajekdoņon eok kōn aṃ likao; a kwōn juon joñak ñan ro rej tōmak, ilo naan, ilo kōmanṃan, ilo yokwe, ilo tōmak, im ilo kwōjarjar.
- [13] mae iien I naaj iwōj, kwōn niknik ilo kōnono ilo bok, im kauwe, im katakin.
- [14] Kwōn jab jekeini men in aorōk eo ilowaṃ, im ar lewōj ñan kwe kōn rūkaanij kōn eok, im kōn likūt pein elder ro iom.

- [15] Kwõn owan ilo men kein, im make leļok eok ñan er, bwe aṃ wanṃaanļok en alikkar ñan ro otemjej.
- [16] Kwõn kōjparok eok, im men in katakin ko aṃ. Kwõn pād wõt ilo men kein; bwe ilo aṃ kōṃṃan āindein, kwō naaj make lōṃṃoren eok, kab ro rej roñjake eok.

1 TIMOTE – JEPTA 5

- [1Ti 5.1] En jab pen am kauwe juon elder, a kajimwe e āinwõt kar jemōṃ, im ro likao āinwõt kar ro jioṃ im jatiōṃ ṃaan:
- [2] Ro lōļap āinwõt kar jinōṃ; kōrā re jab kanooj rūtto āinwõt kar ro jioṃ im jatiōṃ kōrā ilo kwōjarjar otemjej .
- [3] Kwõn kañiājoi kōrā ro rej make iaer im re jako pāleir.
- [4] A eļañne jabdewõt kōrā ejako pāleen, im ewor nejin ak jibwin ak jimṃan, ren katak ṃokta kōn lale ro nukwiir, im ren eṃṃan ṃwilier kake, im ṇa oṇān ro jemeir im jineir; bwe men in ṃen in kabuñbūruen imaan mejan Anij.
- [5] Kōrā eo ejako pāleen im e make iaan, ej kōjatdikdik e kōn Anij, im ej pād wõt im jar im akweļap boñ im raan
- [6] A kōrā eo ej mour ekkar ñan ṃōṃ ko an, ej mej ilo an mour.
- [7] Men kein kwõn barāinwõt jiroñ bwe ren jab kōṃṃan ṇotaer.
- [8] A eļañne jabdewõt e jakkene ro nukwin, im eļapļok ro ri lowaan ṃweo imōn, e ar kariab an tōmak im ej nana jān ri jab tōmak.
- [9] Ren kāālōt kōrā ejako pāleen ded jōbne jiljinoñoul iiō, im kar juon wõt pāleen,
- [10] Im en buñbuñ kōn an jermal ko reṃṃan; eļañne eṃōj an kakaajjiririk ro nejin, im lale ro ruwamāejet, im kwaļe neen ro reṃṃan, im jipañ ro rej eñtaan, im niknik ilo jermal eṃṃan otemjej .
- [11] A kōrā ro re jañin lōļap im ejako pāleir, kwõn jab kāālōt: bwe ālikin an utiej būrueir im juṃae Kūraij, re kōṇaan pālele;
- [12] Im liaakļok ippaer bwe raar joļok aer naan in kallimur ṃokta.
- [13] Im barāinwõt rej katak im jowan im etetal bajjek, im ilok ñan mweō ṃōweo, im jab jatoktok wõt, a ñiremiṃ barāinwõt im ri jermal pata, im re ba naan ko re jakkar bajjek.
- [14] Innām I kōṇaan bwe kōrā raṇ, ejako pāleir im re jab kanooj rūtto, ren pālele im keotak neṃir, im lale ṃoko imweir, im jab likūt bwe ri kōjdat en kajjirere kake er:
- [15] Bwe kiiō eṃōj an jet ilok im ļoor Setan.
- [16] Eļañne jabdewõt kōrā ej tōmak, im ewor kōrā ejako pāleir ippān, en lale im jipañ er, im jab kōṃṃan kapjeran ñan eklejia; bwe en maroñ in jipañ kōrā rejako pāleir im make iaer.
- [17] Ren koutiej wõt elder ro rej irooj jimwe, im ro rej barāinwõt jermal ilo naan im katakin, ren kanooj koutiej er.
- [18] Bwe Jeje ko re ba, Kwõn jab taur loñin kau koṃaan eo ej jujuuri korn, im, Ri jermal ej tōllokōn oṇān.
- [19] Kwõn jab eṃroñ naan in kinaakļok elder, eļañne e jab ruo ak jilu ri kōnnaan kake.

- [20] Kwōn kauwe ro rej jerōwiwi, iṃaan mejan armej otemjej bwe ro jet ren barāinwōt mijak.
- [21] Ij kauwe eok iṃaan mejan Anij, im Kūraiṃ Jijej, im enjeṃ raṃ E ar kāālōt er, bwe kwōn kōjparok naan kein, im jab ekajete ṃokta, im jab kōṃṃan jabdewōt kōn kabwilōklōk māj .
- [22] Kwōn jab jarōbṃōkaj im likūt peiōṃ ioon jabdewōt armej, im jab bōk ṃōttan an bar jet armej jerōwiwi ko: kwōn kōjparok eok im erreo.
- [23] Kwōn jab pād im idaak dān wōt, a kwōn idaak jidik wain bwe en eṃṃan lojiōṃ, im bwe en jab makūjkūj aṃ nañinmej.
- [24] Jet armej jerōwiwi ko aer rej alikkar ṃokta, im ilōk iṃaerṃok ñan ekajet; a kōn bar jet rej ilōk ilōkairṃok.
- [25] Barāinwōt jermal ko reṃṃan, jet iaer rej alikkar; im ko re jab āinwōt re ban ṃojak.

1 TIMOTE – JEPTA 6

- [1Ti 6.1] Ro ri korijer, rej ri kaṃakoko, ren kairooj karo ro aer, bwe armej ren jab blasṃim etan Anij, im naan in katak eo.
- [2] Im ro rej korijer ñan ro ri tōmak, ren jab kajekdoṃn er, bwe rej jeir im jatir; a ren korijer ñan er eṃṃanṃok, bwe re tiljek im jitōnbōro ippaer, im aer jermal ej kakajooror er. Men kein kwōn katakin im kauwe.
- [3] Eṃaññe jabdewōt armej ej katakin āinjuon, im jab bōk ñan naan ko reṃṃan, aet, naan ko an ad Irooj Jijej Kūraiṃ, kab katak eo ekkar ñan kōṃṃanṃan eṃṃan;
- [4] Ej juwa, e ri jajelōkjen, im e kanooj yokwe kajjitōk ko im akwāāl in naan ko, jān eo ej waṃok juunṃaad akwāāl, kajjirere, maten ko renana,
- [5] Im aitwerōk ko re ankeke an armej im aer rettoon, kab eṃṃelōk ṃool ippaer, im ilo aer ṃōṃṃak tōmak ej kein koorṃok taṃa.
- [6] A ṃwilin ekwōjarjar kab jokwane, eṃap aer ṃaonñan.
- [7] Bwe jaar jab bōktok jabdewōt ñan laṃ iṃ, im barāinwōt je ban bōk ṃok jabdewōt jān e;
- [8] A eṃaññe ewor ṃōññā im nuknuk ko ipped, jān jokwane kaki.
- [9] A ro re kanooj kōṃṃaan bwe ren ri ṃweie, re buñ ilo kapo im aujiid im elōñ ṃōṃ ko re bwebwe im nana, rej kamaṃoñ armej im kōkkure er ilo jikin jako.
- [10] Bwe arōk ṃani ej okran nana otemjej, eo ke jet raar arōk raar jebwābwe jān tōmak im make wie er kōn elōñ men in kabūromōj.
- [11] A kwe, O armej doon Anij, kwōn ko jān men kein, im ṃoor eṃṃan, kwōjarjar, tōmak, yokwe, kijenmej, im ineṃṃan.
- [12] Kwōn tariṃae tariṃae eṃṃan eo an tōmak, im dāpij mour indeeo, eo eṃōj kūr eok ñan e, im eṃṃan aṃ kar kwaṃok kake iṃaan mejan elōñ ri kōnnaan.
- [13] Ij kauwe eok iṃaan mejan Anij, eo Ej kemour men otemjej im Kūraiṃ Jijej eo E ar kwaṃok kwaṃok eṃṃan iṃaan mejan Pontiōs Pailat;
- [14] Bwe kwōn kōjparok kien eo, im kwōjarjar im eṃṃelōk ṃotaṃ, ṃae iien an ad Irooj Jijej Kūraiṃ weaaktok:

- [15] Eo E naaj kwaļoke ilo iien ko an, aet, Ej Irooj eṃṃṃṃṃṃ im ejjeļok bar juon, E kiñ an kiñ ro, im Irooj an Irooj raṃ:
- [16] Eo wõt Ej make mour jãn indeeo ñan indeeo, im Ej pãd ilo meram ejjeļok armej ej maroñ in kepaak ñan e, Eo ejjeļok armej e ar loe ak maroñ in loe: ñan E nõbar im kajoor indeeo. Amen.
- [17] Kwõn kauwe ro ri ṃweiie kõn men ko an laļ iṃ, bwe ren jab kõjatdikdik er kõn ṃweiuk ko ṃweiuk tṃṃ ṃok, a kõn Anij, eo Ej wũjleptok ñan kõj men ko otemjej bwe jen ṃṃṃṃṃ kaki;
- [18] Bwe ren kõmanman eṃman, bwe ren ṃweiie kõn jerbak ko reṃman, im ren ṃool kab pojak in leļok men in tũriaṃo:
- [19] Im ren make kaṃṃweiukiuk er kõn foundesõn eṃman ṃae iien ej itok, bwe ren bõk mour eo eṃool.
- [20] O Timote, kwõn kõjparok men eo lõke eok kõn e, im ilok jãn bwebwenato waan, im men in juṃae an eo ṃaetan jeļãļokjeṃ, im riab:
- [21] Eo, kõn an jet kwaļok kake raar jebwãbwe jãn tõmak eo. Jouj en pãd ippaṃ.

2 TIMOTE

2 TIMOTE – JEPTA 1

- [2Ti 1.1] Paul ri jelök an Kūrai Jijej kōn ankilaan Anij, ekkar ñan kallimur in mour eo ej pād ilo Kūrai Jijej,
- [2] Ñan Timote nejiō jitōnbōro ippa: Jouj, tūriamokake, aenōmman, jān Anij Jemed im Jijej Kūrai, ad Irooj.
- [3] Ij kamoolol Anij, eo ij korijeran jān ro jimmaō ilo bōklököt erre, bwe I jab jokwōd in keememej eok ilo jar ko aō, ke raan im boñ;
- [4] I kanooj kōnaan lo eok im ij keememej am dān in kōmjaaʼaʼ, bwe in kab obrak kōn lañlōñ;
- [5] Ke ij keememej tōmak emool ej pād ippam; eo e ar pād ilo jibwōm Lois mokta, kab ilo jinōm Eunis, im aō ʼōmnaʼ ej barāinwōt ilo kwe.
- [6] Kōn men in ij kakeememej eok bwe kwōn bar kenokwōle men in lewōj eo ej ilo kwe kōn aō likūt peiō io.
- [7] Bwe Anij e ar jab letok ñan kōj jetōb in lōññōñ, a jetōb in kajoor im yokwe im kajimwe.
- [8] Innām kwōn jab jook kōn kōnnaan an ad Irooj, ak kōn eō ri prisōn eo An, a kwōn bōk mōttan eñtaan ko an gospel kōn kajoor an Anij;
- [9] Eo E ar lomōoren kōj, im kūr kōj kōn kūr ekwōjarjar, jab ekkar ñan jermal ko ad, a ekkar ñan An pepe im jouj, eo ar letok ñan kōj ilo Kūrai Jijej mokta jān iien ko ʼok mokta,
- [10] A emōj an kwaʼok e kiiō kōn waʼoktok eo an ar Ri Lomōor, Kūrai Jijej, eo E ar kajemʼok mej, im ar kaalikkar mour kab mour indeeo kōn gospel,
- [11] Ñan eo ar likūt eō ri kwaʼok, im ri jelök, im ri katakin.
- [12] Kōn men in, ij barāinwōt eñtaan ilo men kein: a I jab jook bwe I jeʼa Eo I ar lōke E, im ereel būruō bwe E maroñ in kōjparok men eo I ar likūt e ñan E, mae raan eo.
- [13] Kwōn kanooj dāpij wāween naan ko remool kwaar roñjaki jān ña, ilo tōmak im yokwe eo ej ilo Kūrai Jijej.
- [14] Men eo emman, emōj likūt e ippam, kwōn kōjparok e kōn Jetōb Kwōjarjar eo Ej jokwe ilo kōj.
- [15] Kwō jeʼa men in, bwe aolepeir rej pād ilo Esia raar ilok jān ña; etan ruo iaer Paijelos im Hermojinis.
- [16] Irooj en tūriamokake Onesiporōs im ro nukwin: bwe elōñ alen an kaenōmman eō, im e ar jab jook kōn liāp eo aō:
- [17] A ke e ar pād i Rom e ar kanooj kapukōt eō im lo eō,
- [18] (Irooj en leʼok ñan e bwe en bōk tūriamokake jān Irooj ilo raan eo); im kōn jete men ko e ar jipañ eō i Epesōs, kwō kanooj jeʼa.

2 TIMOTE – JEPTA 2

- [2Ti 2.1] Innām, kwe nejiō, kwōn kajoorʼok ilo jouj eo ej ilo Kūrai Jijej.

- [2] Im men ko kwaar roñ jån ña imaan mejan elõñ ri kõnnaan, men kein kwõn likūti ña ippån armej retiljek, ro re naaj barāinwõt maroñ in katakin ro jet.
- [3] Kwõn eñtaan ippa, āinwõt ri tariṇae eṃṃan an Kūraiḡ Jijej.
- [4] Ejjeļok armej eo ej tariṇae ej make maḡjake kõn men ko an mour iṇ; bwe en kabuñbūruen eo e ar kãālõt e bwe en ri tariṇae.
- [5] Im eļaññe jabdewõt armej ej likarek, e jāmin pālpel eļaññe e jab likarek ekkar ñan kien.
- [6] Ri kallib eo ej jermal, eṃṃan bwe en akeo ṃokta.
- [7] Kwõn kõṃmānļokjeṇ kõn men kein; bwe Irooj e naaj kaļoļātāt eok ilo men ko otemjej.
- [8] Kwõn keememej Jijej Kūraiḡ, nejin Devid, Eo e ar jerkakpeje jån ro re mej, ekkar ñan gospel eo aõ:
- [9] Im ilo e ij eñtaan, im rej liāpe eõ āinwõt ri nana; a naan in Anij re jab liāpe.
- [10] Innām ij kijenmej ilo eñtaan otemjej kõn ro ar kãālõt er, bwe ren barāinwõt bõk loṃoṃor eo ilo Kūraiḡ Jijej im aiboojoj indeeo.
- [11] Eṃool naan iṇ, Bwe eļaññe jaar mej ippån, je naaj barāinwõt mour ippån:
- [12] Eļaññe jej kijenmej ilo eñtaan, je naaj barāinwõt kiñ ippån: eļaññe je naaj kaarmejjete, E naaj barāinwõt kaarmejjete kõj:
- [13] Eļaññe je jab tōmak, Ej pād wõt im tiljek; bwe E ban make kaarmejjete.
- [14] Kwõn keememejļok er kõn men kein, im kauwe er imaan mejan Irooj, bwe ren jab akwāāl kõn naan waan ko, im ko rej kejebwābweik ro rej roñjaki.
- [15] Kwõn kate eok bwe Anij en lo kwõ ṃaan, ri jermal e jāmin jook im ejimwewõt an katakin kõn naan in ṃool.
- [16] A kwõn kõjparok eok jån kõnono waan ko: bwe re naaj etal ļok ñan nana eļapļok,
- [17] Im naan ko aer re naaj āinwõt bakke ko rej ṃõñāñe: ruo iaer Huimenios im Pailitos;
- [18] Armej raar bõd kake ṃool im ba, bwe eṃõj an armej jerkakpeje, im rej ukõji tōmak an jet.
- [19] Ijoke e jutak wõt foundesõn e pen an Anij, im sil iṇ ioon, Anij e jeļā ro doon: im, Ro otemjeļok rej bõk etan Irooj ren ilok jån jerowiwī.
- [20] Ilo juon im eļap e jab jāpe kooļ im silver wõt, a ewor jāpe jån wõjke im jån bwidej, jet ñan nõbar im jet ñan jekdoṃn.
- [21] Innām eļaññe armej ej make karreo e jån men kein, e naaj jāpe ñan nõbar, ekwõjarjar im ekkar ñan an Irooj kõṃṃan kake, im pojak ñan jermal reṃṃan otemjej.
- [22] A kwõn ko jån ṃõṃ ko an likao, im kwõn ļoor kwõjarjar, tōmak, yokwe, aenõṃṃan, ippån ro rej jar ñan Irooj jån bõro erreo.
- [23] A kwõn abwin kajjitõk ko waan im men in jajelokjeṇ ko, bwe kwõ jeļā rej keotak akwāāl ko.
- [24] Im ri korijeran Irooj, en jab akwāāl, a en jouj ñan armej otemjej im pojak in katakin armej, en meanwõd,

- [25] Ilo ineemman en kajimwe ro rej jumae; eļañņe bōlen Anij e naaj leļok ñan er ukeļok bwe ren jeļā mool,
- [26] Im bwe ren make kōtļok er jān aujiid an tepil, ne emōj kejpokweik er ñan ankilaan.

2 TIMOTE – JEPTA 3

- [2Ti 3.1] A kwōn jeļā men in, bwe ilo raan ko āliktata, iien ko renana re naaj waļoktok.
- [2] Bwe armej ro e naaj anij lo būrueir, im re naaj ri arōk mweiuk, im ri juwaļōñļōñ, im ri kajjirere, im ro rej kipiliia ñan jemeir im jineir, im ro re jab kammmoolol, im ri nana,
- [3] Im ro re jab yokwe ro nukwiir, im ro re lāj, im ro rej kōnnaan naan in riab, ro re jab kōmmaanwa, rawia, ro rej dike emman,
- [4] Ro ri ketak, ro re mmaļkaro, ro ri kōmmejāje, im ro rej yokwe men in kabuñbūrueir eļap jān aer yokwe Anij,
- [5] Ro rej kōmanman wāween mwilier, a ilo būrueir rej kaarmejjete emman: jān rein kwōn ilok.
- [6] Bwe jet iaer rej deļoñ ilo moko im kajebokweik kōrā ro re jajeļokjeņ, emōj joon er kōn jerowiwī ko, im mōm ko aer rej tōl ļok er,
- [7] Rej katak iien otemjej im re jab maroñ in tōpar jeļā mool jabdewōt iien.
- [8] Im āinwōt Jannis im Jambris raar jumae Moses, āindein barāinwōt rein rej jumae mool, im būrueir re kōt, dien jako jān tōmak eo.
- [9] A re jāmin etal maanļok, bwe aer jajeļokjeņ e naaj alikkar ñan armej otemjej, im āinwōt jajeļokjeņ eo airro.
- [10] A kwe, kwaar ļoor ļok aō katakin, kōmanman, ļōmņak, tōmak, meanwōd, yokwe, kijenmej,
- [11] Matōrtōr ko, im eñtaan ko; men ko raar itok ñan eō i Antiok, i Aikoniōm, i Listra; matōrtōr rot I ar niknik kaki: im jān er otemjej Irooj e ar kōtļok eō.
- [12] Aet, im ro otemjej re kōņaan mour im kwōjarjar ilo Kūraij Jijej, naaj matōrtōre er.
- [13] A armej renana im ro ri jeļā moņ re naaj ļapļok ilo aer nana, re naaj moņe im naaj moņe er.
- [14] A kwōn pād wōt ilo men ko kwaar katak im reel būruōm kaki, bwe kwō jeļā wōn eo kwaar katak ippān;
- [15] Im jān ke kwōj ajri, kwaar jeļā jeje ko rokwōjarjar, ko re maroñ in kamālōtlōt eok ñan ļomōr kōn tōmak eo ej ilo Kūraij Jijej.
- [16] Jeje ko otemjej emōj letok kōn kakōrmool an Anij, ej barāinwōt wor tokjeir kōn katakin, im kauwe, im kajimwe, im kōjjeļāik armej ilo kwōjarjar;
- [17] Bwe armej korijeran Anij en weppān im emōj kōkōmmanmōn e ñan jermal emman otemjej.

2 TIMOTE – JEPTA 4

- [2Ti 4.1] Ij kauwe eok imaan mejan Anij, im Kūraij Jijej, eo E naaj ekajet ro remour im ro re mej, im kōn An weaaktok im An aelōñ;

- [2] Kwōn kwaļok naan, kwōn kate eok ilo iien emman im enana; kajimwe, im enouk, im kauwe kōn meanwōd otemjej im katakin.
- [3] Bwe iien e naaj itok ne re naaj dike katak emman, a kōn mōm ko aer re naaj koorļok ro ri kaki ñan er make, eremōm ļojilñier;
- [4] Im re naaj oktakļok ļojilñier jān mool, im naaj ilok ñan bwebwenato re waan.
- [5] A kwōn jatōr ilo men ko otemjej, kwōn kijenmej ilo eñtaan ko, kwōn kōmman jermal an ri evanjel, kwōn kajejjet jermal eo am.
- [6] Bwe ña I nañin men in katok, im e moottok iien aō ilok.
- [7] I ar tariṅae tariṅae emman, I ar kaṁōjļok aō elulu, I ar dāpij tōmak eo;
- [8] Jān iien in pālliō in kwōjarjar ej kattar eō, eo Irooj, Ri ekajet e wānōk E naaj letok ñan eō ilo raan eo: im jab ñan eō wōt, a ñan ro otemjej raar yokwe An weaaktok.
- [9] Kwōn kaiur eok im jarōbtok:
- [10] Bwe Dimas e ar ilok jān eō kōn an yokwe laļ in, im e ar ilok ñan Tessalonika; Kressens ñan Galetia, Taitōs ñan Dalmetia.
- [11] Luk wōt ej pād ippa. Kwōn āñintok Mark ippam, bwe ej kakajooror eō kōn an jipañ.
- [12] A Tikikōs I ar jilkinļok ñan Epesōs.
- [13] Kopā eo I ar likūt ṅa i Troas ippān Karpos, ne kwōj itok, kwōn kab bōktok ippamtok, im bok ko, im barāinwōt jeje ko.
- [14] Alexander ri jerbale jiniboor e ar kōmman elōñ men ko renana ñan eō: Irooj e naaj ṅaonñan ekkar ñan jermal ko an:
- [15] Im kwe, kwōn kōjparok eok jān e; bwe eļap an jumae naan ko ad.
- [16] Ilo aō uwaak mokta ejjeļok armej e ar jutak ippa, a ro otemjej raar ilok jān eō; men in en jab likūt bwe en rueir.
- [17] A Irooj e ar jutak ippa im kakajoor eō; bwe kōn ña kwaļok in en kanooj alikkar im ri aelōñ ko otemjej ren roñjake: im emōj kōtļok eō jān ļoñin ļaiōñ eo.
- [18] Im Irooj e naaj kōtļok eō jān jermal ko renana otemjej im naaj ļomooriō ñan an aelōñ i lañ. Ñan Eo en aiboojoj indeeo im indeeo. Amen.
- [19] Kwōn yokyokwe Priska im Akula, kab Onesiporōs im ro nukwin.
- [20] Erastōs e ar pād wōt i Korint: a Tropimōs e nañinmej im I ar likūt e i Mailitōs.
- [21] Kwōn kaiur eok im itok mokta jān iien e piō. Eubulōs ej yokyokwe eok, im Pudens, im Lainōs, im Klaudia, im jemjein jemjaten otemjej.
- [22] Irooj en ippān am. Jouj en pād ippam.

TAITÕS

TAITÕS – JEPTA 1

- [Ta 1.1] Paul, korijeran Anij, im ri jelõk an Jijej Kūraij, ekkar ñan tōmak an ro Anij e ar kãålõt er, im jelã mool eo ekkar ñan kwõjarjar,
- [2] Ilo kõjatdikdik kõn mour indeeo, eo Anij E ban riab, emõj An kallimur kake mokta jãn eto im eto;
- [3] A ilo iien ko An, E ar kaalikkar naan ko An kõn kwaļok eo emõj an likūt e ippa, ekkar ñan kien Anij Ri Lomõored;
- [4] Ñan Taitõs, nejiõ emool ilo tōmak eo ad; Jouj im aenõmman jãn Anij Jemed, im Jijej Kūraij Ri Lomõored.
- [5] Kõn men in I ar likūt eok i Krit bwe kwõn kajimwe men ko re jañin jimwewõt, im likūt jet armej bwe ren elder ro ilo jikin kwelok otemjej, ãinwõt I kar jiroñ eok;
- [6] Eļañne jabdewõt emmaan ejjelok notaan, im pãleen wõt juon, im ewor nejin retiljek, ro re jab kinaakļok er kõn abje, im re jab jelmãne.
- [7] Bwe emman ri kaki eļap enjellok notaan, ãinwõt ri kõmñe an Anij; en jab anekeke, en jab būrukadu, en jab ri ire, en jab ri jekanunõk, en jab arõk taļa;
- [8] A en ri ken, im en yokwe ro remman, en emman mwilin, wãnõk, kwõjarjar im jatõr;
- [9] Im en dãpij wõt naan emool, ãinwõt ar katakin e, bwe kõn naan in katak ejimwe, en maroñ in kauwe im koukeļok ro rej kadjadajaj.
- [10] Bwe elõñ armej ro rej jelmãne im ri kõnono pata, im ri moñ, aet, ro ri mwijmwij,
- [11] Emman pinej loñir; armej rej ukõj aolepen mo ko, im rej katakin men ko re jab jimwe kõn aer arõk taļa.
- [12] Juon iaer, ri kanaan ippaer, e ar ba, Ro ri Krit rej ri riab iien otemjej, rej kidu renana, re jowan im tõr.
- [13] Remool naan kein. Innãm en pen am enouk er bwe ren jimwewõt ilo tōmak,
- [14] Im jab kõjparok bwebwenato waan an ri Ju ro, im kien armej rej ilok jãn mool.
- [15] Men ko otemjej rerreo ñan ro rerreo, a ñan ro retton im re jab tōmak, ejjelok men eo erre; a aer lõmñak im bõklõkõt retton.
- [16] Rej kwaļok bwe re jelã Anij, a ilo jermal ko aer rej kaarmejjete, im re men in jõjõik, im kipiliia, im enana ñan jermal otemjej remman.

TAITÕS – JEPTA 2

- [Ta 2.1] A kwe kwõn kõnono men ko rej ekkar ñan katak eo ejimwe:
- [2] Bwe ro lõļlap ren jatõr, en ejjelok añõteir, en emman mwilier, ren jimwe ilo tōmak, ilo yokwe, im ilo kijenmej;
- [3] Bwe ro lõļlap barãinwõt ren ekkar ñan kwõjarjar ilo aer kõmman, jab ri kõnono riab ñae, im jab ri kadek kõn wain, a ren ri katakin kõn men ko remman;
- [4] Bwe ren maroñ in katakin kōrã re jañin lõļlap kõn aer yokwe ro pãleir im ro nejir,
- [5] Im bwe en emman mwilier, bwe ren erre, im ri jermal ilo jikiir, im jouj, im ettã jãn ro pãleir, bwe armej ren jab blaspim naan in Anij:

- [6] Barāinwōt kwōn kauwe ro likao bwe en emman mwilier:
 [7] Im ilo men otemjej kwōn make kwaļok eok joņak in jermal ko remman; ilo am katak kwōn kwaļok kwōjarjar, kōmmaanwa,
 [8] Im naan emool eo re ban juurļok; bwe eo ej jumae en jook im bwe en ejjeļok men eo enana ippān en kōnono kōn kōj kake.
 [9] Kwōn kauwe ro ri kamakoko bwe ren kipiliie ñan karo ro aer im kabuñbūrueir ilo men otemjej; im jab kadkadajaj;
 [10] Im ren jab koṭ jabdewōt, a ren kanoj tiljek, bwe ren kaiboojoj katak eo an Anij Ri Lomṭored ilo men ko otemjeļok.
 [11] Bwe an Anij jouj e ar waļoktok, im ej bōktok lomṭor ñan armej otemjej,
 [12] Im ej katakin kōj bwe jen kaarmejjete jerōwiwi im mōm ko an laļ, im bwe jen mour im jatōr im jimwewōt, im kwōjarjar ilo laļ in;
 [13] Im pukot men in kōjatdikdik im kaṃōṃōṃō, aet, weaaktok an aiboojoj eo an Anij ļapļap im Ri Lomṭored Jijej Kūraj:
 [14] Eo E ar make leļok E kōn kōj, bwe En lomṭoren kōj jān jerōwiwi otemjej, im kokwōjarjar ñan E armej ro bwe ren An, ro rej kijejeto ilo jermal ko remman.
 [15] Men kein kwōn ba im kauwe im eņok kaki kōn naan in kaiñi otemjej. Ejjeļok armej en kajekḍon eok.

TAITŌS – JEPTA 3

- [Ta 3.1] Kwōn kakeememej er bwe ren kipiliie ñan irooj raņ, im ro reutiej jān er, im ren jilikiie im pojak naan jermal otemjej remman,
 [2] Im ren jab kōnono nana kōn jabdewōt armej, im jab ri akwāāl, a ren jouj wōt, im kwaļok ineemman otemjej ñan armej otemjej.
 [3] Bwe kōj barāinwōt juon iien, jaar jajeļokjeņ, im kipiliia, im jebwābwe, im pokake jet kōṃaan im mōm ko, im pād ilo illu aitok im juunmaad, men in jōjōik im ri kōjdate doon.
 [4] A ke jouj an Anij Ri Lomṭored, im An yokwe armej raar waļoktok,
 [5] Jab kōn jermal ko remman jaar kōmanmAn, a ilo an tūriamokake E ar Lomṭored, kōn kwaļko in bar ļotak, im kōn an Jetōb Kwōjarjar kōkāāl kōj,
 [6] Eo E ar wūjleptok ñan kōj kōn Jijej Kūraj Ri Lomṭored;
 [7] Bwe, emōj kowānōk kōj kōn An jouj, En kōmman kōj ri jolōt ekkar ñan kōjatdikdik kōn mour indeeo.
 [8] Emool naan in, im I kōṃaan bwe kwōn ba wōt men kein, bwe ro raar tōmak Anij, ren lale im kōmman jermal remman.
 [9] Men kein remman im eļap tokjeir ñan armej: a kwōn kōjparok eok jān kajjitōk waan ko, im jān naan in epepen ko, im akwāāl, im ire ko kōn kien; bwe rej jekḍon im jettokjeir.
 [10] Kwōn kōjparok eok jān jabdewōt armej eļañne ej ri kōjepel ālikin am eņok e alen mokta im kein ka ruo;
 [11] Bwe kwō jeļā eo āindein ej ankeke, im jerōwiwi, im make liaakļok e.

- [12] Ñe I naaj jilkinwōj Artemas ak Tikikōs ñan kwe, kwōn kaiur eok im jarōbtok ñan eō ñan Nikopolis, bwe emōj aō pepe kōn kañōneañ ijo.
- [13] Kwōn jipañlok wōt Zinas ri kien im Apollōs ilo aer etal, bwe ren jab aikuj jabdewōt.
- [14] Im ro jerad ren katak kōn kōmman jermal ko remman kōn men ko armej rej aikuj, bwe ren jab jowa.
- [15] Ro otemjej ippa rej yokyokwe eok. Kwōn yokyokwe ro rej yokwe kōj ilo tōmak. Jouj en pād ippemi otemjej.

PAILIMŌN

- [Pa 1.1] Paul, ri prisōn an Kūraij Jijej im Timote jated, ñan Pailimon ri jitōnbōro im ri jermal ippem,
- [2] Im ñan Appia, jated kōrā, im ñan Arkippos ri tariṇae ippem, im ñan eklejia eo ilowan imōm:
- [3] Jouj ñan kom im aenōmman jān Anij Jemed im Irooj Jijej Kūraij.
- [4] Ij kaṃmoolol aō Anij iien otemjej, im ba kōn kwe ilo jar ko aō,
- [5] Ke ij roñ kōn aṃ yokwe, im tōmak eo ej pād ippaṃ ñan Irooj Jijej, im ñan ro reṃman otemjej;
- [6] Bwe kōmṃao in tōmak eo aṃ en jermal wōt, ilo jeḷāḷokjeṃ men ko reṃman otemjej ilo kwe, ñan Kūraij.
- [7] Bwe eḷap lañlōñ im aenōmman raar pād ippa kōn am yokwe, bwe kar aemōḷoḷo būruen ro reṃman kōn kwe, jatiō.
- [8] Kōn men eo, meñe ij maroñ ṃōkadmak ilo Kūraij im jiroñ eok kōn men ko rej ekkar,
- [9] Ijoke kōn yokwe ij akweḷap ñan kwe, ke ña Paul ḷōḷḷap, kab kiiō ri prisōn, barāinwōt an Kūraij Jijej:
- [10] Ij akweḷap ñan eok kōn nejiō, eo I ar keotak e ilo lukja, Onesimos,
- [11] Eo ilo iien ko remootḷok e ri jatokjān ñan eok, a kiiō ej wor tokjān ñan eok im ña; eo I ar bar jilkinwōj ñan kwe,
- [12] E in būruō wōt: eo I naaj kar kōṇaan dāpij ippa,
- [13] Bwe en pinej jenkwōm im jipañ eō ilo kwōrak ko an gospel:
- [14] A ilo aō jaje kōn aṃ ḷōmṃak I jab kōṇaan kōmṃan jabdewōt; bwe kwōn jab jipañ eō ilo aṃ bane āinjuon, a kōn aṃ ṃool.
- [15] Innām, bōlen kōn men iṇ e ar jepel jān kwe jidik iien, bwe kwōn bar bōk e ñan indeeo;
- [16] Kiiō emōj an āinwōt ri kamakoko, a eutie jān ri kamakoko, juon jated jitōnbōro, e kanooj āindein ippa, a enañin ḷapḷok an jitōnbōro ippaṃ, ilo kanniōk kab ilo Irooj.
- [17] Innām eḷaññe kwōj likūt eō rājetōm, kwōn bōk e āinwōt ña.
- [18] A eḷaññe e ar kōkkure men ko aṃ, ak ewor an ṃuri ippaṃ, kwōn likūt men kein aō ṃuri.
- [19] Ña Paul, emōj aō jeje kōn peiō, I naaj kōḷḷā ṃuri eo. Meñe I jab ba ñan eok ekōjkan aṃ make ṃuri ñan eō kōn kwe barāinwōt.
- [20] Aet, jatiō, in ṃōṇōṇō kōn kwe ilo Irooj. Kwōn kaemōḷoḷo būruō ilo Kūraij.
- [21] Kōn aō lōke aṃ pokake eō, I ar jejewōj ñan eok, im jeḷā bwe kwō naaj kōmṃan eḷap jān aō ba.
- [22] A barāinwōt kwōn kapojak ñan eō jikin kiki, bwe ij kōjatdikdik eō naaj lewōj eō ñan kwe kōn jar ko aṃ.
- [23] Epapras, ri prisōn ippa ilo Kūraij Jijej, ej yokyokwe eok:
- [24] Barāinwōt Mark, Aristarkos, Dimas, im Luk, ro ri jermal ippa.
- [25] Jouj an ad Irooj Jijej Kūraij, en pād ippān aṃ. Amen.

HIBRU

JEPTA 1

- [Hi 1.1] Anij, ke elõñ wāween im elõñ mōttan an ba ñan ro jimmad ilo iien ko remootļok kōn ro ri kanaan,
- [2] Ilo jemļoken raan kein E ar ba ñan kōj kōn Nejin, eo E ar likūt E ri jolõt an men ko otemjej, im kōn Eo barāinwõt E kar kōmanman laļ ko;
- [3] Eo ej jatõltõl an aiboojoj eo An, im āinwõt E, im Eo ej jepak men otemjej kōn An in naan ekajoor, ke emõj An karreolok jerowiwu ko, E ar jijet i lañ i anbwijmaroñan Anij ļapļap;
- [4] Im āinwõt E ar bōk An jolõt etan emman jān enjeļ raņ, āindein E ar eutieļok jān er.
- [5] Bwe E ar ba ñan wōn iaan enjeļ ro ilo jabdewõt iien, Kwe nejiõ, rainin I ar keotak Eok ? Im bar juon Ña I naaj Jemen, im E naaj Nejiõ?
- [6] Im ke Ej bar kadeļõñ maanjeen ilo laļ, Ej ba, Im enjeļ raņ otemjej an Anij ren kabuñ ñan E.
- [7] Im kōn enjeļ ro, Ej ba, Eo ej kōmman enjeļ ro bwe ren jetõb, im ri jermal ro An bwe ren kijeek urur:
- [8] A kōn Nejin Ej ba, Am tūroon 0 Anij e indeeo im indeeo; im septer in wānõk e septer an aelõñ eo Aņ.
- [9] Kwaar yokwe kwõjarjar im Kwaar dike nana, innām Anij, aņ Anij, E ar kapit Eok kōn dān in kaņõņõņõ im eutieļ jān ro ippaņ.
- [10] Im, Kwe Irooj, ilo jinoin Kwaar likūt foundesõn an laļ, im lañ ko Kwaar kōmanman kōn peiõm:
- [11] Er re naaj jako; a Kwe, kwõj pād wõt: im er otemjej re naaj morļok āinwõt nuknuk ko;
- [12] Im āinwõt kopā Kwõ naaj lemlemi āinwõt nuknuk, im naaj ukõt er: a Kwe, kwõ ja āinwõt, im iio ko Aņ re jāmin jako.
- [13] A kōn wōn iaan enjeļ raņ E ar ba jabdewõt iien, Kwõn jijet i anbwijmaroñiõ mae iien I naaj likūt ro ri kōjdate Eok bwe ren eran niom?
- [14] Er otemjej, re jab jetõb ri jipañ ke, im jilkintok er bwe ren jermal ñan ro re naaj ri jolõt in lomõor?

JEPTA 2

- [Hi 2.1] Kōn men iN, emman jen kaļapļok ad kōjparok men kein jaar roñjaki ñe je ab ellāļok jān er jabdewõt iien.
- [2] Bwe eļañne naan ko enjeļ raar ba re pen wõt, im ejimwe an ñaonāer kōn kōtrāe im kipiliia otemjej;
- [3] Ekōjkan jen ko, eļañne jej kejoole lomõor eļap āinwõt in? eo ke Irooj e ar ba mokta, ro rej roñjaki raar kapen ñan kōj;

- [4] Im Anij barāinwōt E ar kaṃool aer kōnnaan kōn kakō]Je ko im men in bwilōñ ko, im kōn maroñ ko rej kajju wāweir, im kōn letok Jetōb Kwōjarjar, ekkar ñan ankilaan.
- [5] Bwe E ar jab kairooj enje] raṇ ioon la] e naaj itok, eo kōm kōnono kake.
- [6] A juon, ilo juon jikin, e ar kōnnaan im ba, Ta armej bwe Kwōn]ōmṇak kōn e, ak nejn armej bwe Kwōn lotok e?
- [7] Kwaar likūt e ettā jidik jān enje] raṇ, Kwaar naballin e kōn aiḃoojoj im nōbar, im Kwaar kairooj e ioon men ko peiōm raar kōmṇanṇAn;
- [8] Kwaar likūt men otemjej iuṃwin neen. Bwe kōn An likūt men otemjej iuṃwin, ejje]ok men eo ej pād im jab iuṃwin. A kiiō je jañin lo men ko otemjej eṃōj likūti iuṃwin.
- [9] A jej lo Jijej, eṃōj kōmṇan E ettā jidik jān enje] ro, kōn An eñtaan im mej, naballin E kōn aiḃoojoj im nōbar, bwe ilo jouj an Anij En edjoñ mej ñan armej otemjej.
- [10] Bwe e ar ekkar ñan E, eo men otemjej jān E, im men otemjej kōn E, ke Ej bōktok elōñ ro nejn ñan aiḃoojoj, bwe En koweppan kōn eñtaan ko, Ri Tōl in]omṃor eo aer.
- [11] Bwe Eo ej kokwōjarjar er, im ro eṃōj An kokwōjarjar er, rej otemjej jān juon: kōn men iṇ E jab jook in ṇaetaer ro jaten,
- [12] Im E ba, I naaj kwa]ok etam ñan ro jatiō, ilo bwiljin eklejia I naaj al im nōbar Eok.
- [13] Im bar juon, I naaj lōke E. Im bar juon, Lo ña im ro nejiō Anij e ar letok ñan eō.
- [14] Innām bwe ro nejn rej ri bōk ṃōttan kanniōk im bōtōktōk, barāinwōt E ar bōk ṃōttan men kein; bwe kōn mej En kōkkure tepi] eo, kajoor in mej ippān;
- [15] Im bwe En kōt]ok er otemjej ro raar pād im mour iien otemjej ilo kaṃakoko kōn aer lō]ñōñ kōn mej.
- [16] Bwe eṃool, E jab jipañ enje] raṇ, a Ej jipañ ineen Ebrean.
- [17] Innām ej ekkar ñan E bwe En āinwōt ro jatin ilo men otemjej, bwe En pris e]ap e tūriamō im etiljek ilo men ko an Anij, bwe En ri Medek kōn jerōwiwi ko an armej raṇ.
- [18] Bwe kōn An eñtaan ke ar kapo E, ej maroñ in jipañ ro kapo er.

JEPTA 3

- [Hi 3.1] Innām koṃeo, jatiō rokwōjarjar, ri bōk ṃōttan kūr jān lañ, koṃwin kō]mān]okjeṇ kōn Jijej, ri Jelōk im Pris e]ap, eo jej kwa]ok E;
- [2] Eo E ar tiljek ñan Eo e ar likūt E, im āinwōt Moses e ar tiljek ilo aolepen ṃweo iṃōn.
- [3] Bwe ar watōk E ekkar ñan aiḃoojoj e]ap jān aiḃoojoj eo an Moses, bwe eo e ar kalōk juon im, ej bōk nōbar e]ap jān ṃweo.
- [4] Bwe im otemjej armej rej kalōki; a Eo e ar kalōk men otemjej, E Anij.
- [5] Im Moses e ar tiljek ilo aolepen ṃweo iṃōn āinwōt ri korijer, bwe en kōnnaan kōn men ko naaj ba kaki tokālik;

- [6] A Kūraij āinwōt nejin ioon mweo imōn; im kōj mweo imōn, eļañņe jej dāpij wōt ad peran im kōmmejāje in kōjatdikdik eo ar e pen ñan jemļokōn.
- [7] Kōn men in, āinwōt Jetōb Kwōjarjar e ba, Rainin eļañņe komij roņjake ainikien,
- [8] Koṃwin jab kapen būruemi āinwōt ilo abjōk eo ilo raan in mālejoñ i āne jemaden,
- [9] Ijo ro jimṃami raar kapo Eō kōn mālejoñ Eō, im lo jermal ko Aō iumwin eñoul iiō.
- [10] Kōn men in I ar illu ippān epepen eo, im ba, Rej bōd iien otemjej ilo būrueir, im raar jaje ial ko Aō.
- [11] Innām I ar kanejnej ilo Aō illu, Re jāmin deļoņtok ilo Aō kakkije.
- [12] Koṃwin kōjparok kom, ro jatiō, im en jab ilo jabdewōt iaami bōro enana im jab tōmak, im eo ej ilok jān Anij emour:
- [13] A koṃwin kauwe doon raan otemjej ke re ba Rainin; bwe ejjeļok iaami en penļok kōn etao an jerowiwī:
- [14] Bwe kōj jej ri bōk mōttan Kūraij, eļañņe jej dāpij wōt adwōj lōke ñan jemļokōn āinwōt ilo jinoin:
- [15] Ke eṃōj ba, Rainin eļañņe komij roņjake ainikien, koṃwin jab kapen būruemi āinwōt ilo abjōk eo.
- [16] Bwe wōn raar abjōk E ke rej roņjake? e jab ro otemjej raar diwōjtok jān Ijpt kōn Moses ke?
- [17] Im ippān wōn ro E ar illu iumwin eñoul yio? e jab ippān ro raar jerowiwī, ro ānbwinneir raar buñ i āne jemaden ke?
- [18] Im ñan wōn ro E ar kanejnej bwe re jāmin deļoņ ilo An kakkije, a ñan ro raar jab pokake?
- [19] Im jej lo bwe raar ban deļoņ kōn aer jab tōmak.

JEPTA 4

- [Hi 4.1] Innām, ke eṃōj likūt ñan kōj kallimur in deļoņ ilowan kakkije eo An, jen mijak ñe ab jabdewōt iaami āinwōt likjab jān e.
- [2] Bwe eṃōj kwaļok naan eṃṃan ñan kōj im āinwōt kar ñan er: a naan eo raar roņjake, e ar jab kakajooror er kōn aer jab eṃroñ im tōmak e.
- [3] Bwe kōj, jaar tōmak, jej deļoņ ilowan kakkije eo, āinwōt E ar ba, Innām I ar kanejnej ilo Aō illu, bwe re jāmin deļoņtok ilowan kakkije eo Aō, meñe eṃōj An kajemļok jermal ko jān jinoin laļ.
- [4] Bwe ilo juon jikin E ar ba naan kein kōn raan kein ka jiljilimjuon, Im Anij e ar kakkije jān jermal ko An otemjej iumwin raan kein ka jiljilimjuon;
- [5] Im bar juon ilo jikin in, Re jāmin deļoņtok ilowan Aō kakkije.
- [6] Innām bwe ej pād wōt ñan jet bwe ren deļoņ ilowan, im ro, ar kwaļok naan eṃṃan naan er mokta, raar jab deļoņ kōn aer jab pokake,
- [7] Ej bar bakajjien raan eo, Rainin, Im ba kōn Devid, ālikin iien eto, (āinwōt eṃōj ba mokta), Rainin eļañņe komij roņjake ainikien, koṃwin jab kapen burnemi.
- [8] Bwe eļañņe Josua e ar kakkijeik er, E jāmin kar ba tokālik kōn bar juon raan.

- [9] Innām ej pād wōt kakkije maē ro doon Anij.
- [10] Bwe eo e ar deļoņ ilo kakkije eo an, eņōj an kakkije jān jermal ko an, āinwōt kar Anij jān ko An.
- [11] Innām jen kijejeto bwe jen deļoņ ilowan kakkije eo, ñe ab āindein jabdewōt armej e naaj buñ kōn an jab pokake āinwōt er.
- [12] Bwe naan in Anij ej mour im jermal wōt, im ekkañ jān jabdewōt jāje ruo mejan, im ej wie im bukwe an armej im jetōb, im mōkwōj ko im ņoņņoņmeej, im e mōkaj an kile ļōmņak ko im pepe ko an bōro.
- [13] Im ejjeļok men in kōmman e jab alikkar ñan E, a men otemjej re keelwaan im peļļok iṃaan mejan Eo ej pepeik kōj.
- [14] Innām bwe juon Pris ļapļap ipped, Eo e ar deblōk lañ ko, ekwe, Jijej Nejin Anij, jen dāpij wōt ad kwaļok E.
- [15] Bwe ad Pris eļap e jab juon ej ban tūriamokake mōjņo ko ad; a eņōj kapo E kōn men ko otemjej, āinwōt kōj, ijoke ejjeļok jerowiwī ippān.
- [16] Innām jen peran im kepaak ñan tūroon in jouj, bwe jen bōk tūriamokake, im lo jouj im jipañ ilo iien aikuj.

JEPTA 5

- [Hi 5.1] Bwe jabdewōt pris eļap jān armej, eņōj likūt e ñan armej ilo men ko an Anij, bwe en leļok joortak ko im men in katok ko kōn jerowiwī;
- [2] Eo ej maroņ in tūriamo im jouj ñan ro ri jaje im ro rej bōd kōn an make pād ilo mōjņo:
- [3] Im kōn men iņ, eņman bwe en katok kōn jerowiwī ko an armej, im āindein barāinwōt kōn ko an.
- [4] Im ejjeļok armej ej bōk jermal in eņman ñan e, eļañne Anij e jab kūr e, āinwōt Arōn.
- [5] Āindein Kūraij e ar jab make kaiboojoj E, im make likūt E pris eļap, a Eo e ar ba ñan E, Kwe Nejiō, rainin I ar keotak Eok:
- [6] Āinwōt Ej ba ilo bar juon jikin Kwe Pris eļap indeeo in āinwōt Melkisedek.
- [7] Eo, ilo iien eo E ar pād ilo wāween kanniōk ke E ar katok kōn jar ko im akweļap ko, im eļap An laņōj im jañ ñan Eo e ar maroņ in ļoņoņ E jān mej, im eņōj eņroņ E kōn an wōjake,
- [8] Meņe Nejin, E ar katak im pokake kōn men ko E ar eñtaan kaki;
- [9] Im ke eņōj koweppan E, Ej Ri Lōņoņ indeeo ñan ro otemjej rej pokake E;
- [10] Im Anij e ar ņaetan Pris eļap āinwōt Melkisedek.
- [11] Kōn eo elōñ naan ippa im e pen aō kameļeļeik kake kōn ami roñ jaņōņ.
- [12] Bwe ke, kōn iien eo, eņman koņwin ri kaki, ewor ami aikuj bwe ren katakin kom ta men ko mōkta an naan in Anij, im eņman ren naajdik kom kōn milik im jab kōn ekkan ko repen.
- [13] Bwe armej jabdewōt ej mōñā milik wōt, e jab minene ilo naan eņmaan; bwe e niñniñ.

[14] A ekkan ko repen rej ekkar ñan ro re rütto, aet, ñan ro kōn aer minene rej maroñ in jeļā kajjien eṃṃan im nana.

JEPTA 6

[Hi 6.1] Kōn men in jen likūt katak kōn men ko mokta an Kūrai, im jibadbad ñan men in weepAn; jen jab bar kōṃṃan foundesōn kōn ukeļok jān jermal ko re mej, im kōn tōmak Anij,

[2] Im kōn katak in peptaij ko, im kōn likūt pein ioon, im kōn jerkakpeje an ro re mej, im kōn ekajet indeeo.

[3] Im je naaj kōṃṃan men in, eļañne Anij e naaj likūt e ñan kōj.

[4] Bwe kōn ro eṃōj kameramļok er, im raar edjoñ men in letok eo jān lañ, im raar ri bōk ṃōttan Jetōb Kwōjarjar,

[5] Im raar edjoñ naan eṃṃan an Anij, im kajoor ko an laļ e naaj itok,

[6] Eļañne rej buñ im ilok, ban bar kōkāāl er bwe ren ukeļok ippaer, kōn aer make bar debwāāl Nejin Anij, im kōṃṃan bwe armej ren kajjirerekake E ilo alikkar.

[7] Bwe āne ej jorome wōt eo ej itok makij ioon, im kaddeklōk kan in āne ñan ro rej lale, Anij ej kejeraaṃṃan e.

[8] A eļañne ej kaddeklōk kālōklōk ko im mar ko, rej likūt e im etal jān e, im e nañin men in kamator, im ilo jeṃļokōn re naaj tile.

[9] A kom, ro jitōnbōro, eṃōj kareel kōm bwe ej eṃṃanļok jān men in ñan kom, im men ko an lomoor ippemi, meñe āindein am ba:

[10] Bwe Anij e wānōk wōt, Im E jāmin meļokļok ami jermal im yokwe, eo kom ar kwaļok kōn etan, kōn ami jipañ ro reṃṃan mokta im kiiō.

[11] A kōm kōṃṃan bwe komwin otemjej niknikemi wōt juon ñan obrak in kōjatdikdik, aet, ñan jeṃļokōn:

[12] Bwe komwin jab jowan, a komwin ri kajjioñe ro rej bōk aer jolōt men in kallimur ko, kōn tōmak im kijenmej.

[13] Bwe ke Anij e ar kallimur ñan Ebrean, kōn An ban kanejnej kōn jabdewōt eļap jān E, E ar kanejnej kōn E make,

[14] Im ba, I naaj kanooj kejeraaṃṃan eok, im kanooj koorļok eok.

[15] Innām, ke eṃōj an kijenmej wōt e ar bōk men in kallimur eo.

[16] Bwe armej rej kanejnej kōn eo eļap jān er: im kanejnej in kaṃool ej kajemļok akwāāl otemjej.

[17] Kōn men in, ke Anij e kōṃṃan kaļapļok An kwaļok ñan ro ri jolōt in kallimur, bwe e pen pepe eo An, E ar kaṃool e kōn kanejnej:

[18] Bwe kōn ruo men ko repen otem pen, im Anij e ban riab kaki, kaperan ekajoor en pād ipped, kōjeo jaar ko bwe jen dāpij kōjatdikdik eo, eṃōj likūt e iṃaad;

[19] Im kōjatdikdik in ipped ej āinwōt añkō in ad, e pen im e jāmin ṃakūtūt, im ej deļoñ ilowan men eo ilo roñel nuknuk eo;

[20] Ijo, āinwōt ri ilok iṃaadļok, Jijej e ar deļoñ ie kōn kōj, ke eṃōj An erom Pris eļap indeeo im ļoor laajrak in Melkisedek.

JEPTA 7

- [Hi 7.1] Bwe e in, Melkisedek, kiñ in Selim, Pris an Anij Eutiejtata, eo e ar wõnmae Ebreame ke ej jeplaak jãn an man kiñ ro, im jar e,
- [2] Ñan eo barãinwõt Ebreame e ar leļok juon mõttan joñoul in aolep (eo ej mokta, kõn ukõtõn naan in, Kiñ in kwõjarjar, innãm barãinwõt Kiñ in Selim, eñin, Kiñ in aenõmman;
- [3] Ejjeļok jemen, ejjeļok jinen, ejjeļok naan in epepen, ejjeļok jinoin raan ko an, im ejjeļok jemļokõn an mour, a emõj likūt e ãinwõt Nejin Anij), ej pãd wõt im pris iien otemej.
- [4] A komwin kõlmãnļokjen kõn armej in ie ļap en, ñan eo Ebreame, petriark eo, e ar leļok juon mõttan joñoul mweiuk in rakim.
- [5] Im emool, ro nejin Livai, ro rej kabwe jermal in pris, emõj jiroñ er bwe ren bõk mõttan joñoul ko jãn armej ran, ekkar ñan kien, aet, jãn ro jeir im jatir, meñe bwidtin Ebreame :
- [6] A eo, epepen eo an jab watõk e jãn er, e ar bõk mõttan joñoul ko jãn Ebreame, im jare eo kallimur ko rej pãd ippãn.
- [7] Im re ban jumae naan in, juon eļap ej jare eo edik jãn e.
- [8] Im ijin, armej ro re naaj mej, rej bõk mõttan joñoul ko; a ijo juon e ar bõki, kõn eo emõj kõnnaan bwe e mour.
- [9] Im ãinwõt ij maroñ in ba, Livai eo ej bõk mõttan joñoul ko, e ar leļok ilo Ebreame;
- [10] Bwe e ar pãd ilo murin jemen ke Melkisedek e ar wõnmae e.
- [11] Innãm eļañne men in weppãn e ar kõn pris ro nejin Livai (bwe iumwier armej raar bõk kein eo), ewi tokjãn bwe bar juon pris e naaj waļok, Eo ej ãinwõt Melkisedek, im jab watõk E ãinwõt ro nejin Arõn?
- [12] Bwe ke emõj ukõt pris ro, emman barãinwõt ukõt kien eo.
- [13] Bwe eo, emõj kõnono men kein kake, ej an bar juon bwij, im ejjeļok armej jãn e ar lale lokatok eo.
- [14] Bwe e alikkar, ad Irooj e ar waļok jãn Juda, im bwij eo Moses e ar jab ba bwe ren pris.
- [15] Im men in e kanooj alikkarļok eļañne bar juon pris ej waļok ãinwõt Melkisedek,
- [16] Eo emõj likūt E pris jab kõn naan in kien ekkar ñan kanniõk, a kõn kajoor an mour indeeo:
- [17] Bwe ar kõnnaan kõn E, Kwe kwõj pris indeeo ãinwõt Melkisedek.
- [18] Bwe emõj kõtļok kien mokta kõn an mõjņo im edik tokjãn
- [9] (Bwe kien eo e ar jab koweppan jabdewõt), im emõj kadeļoñ kõjatdikdik emmanļok, kõn eo jej ruwaakļok ñan Anij.
- [20] Im bwe ar jab likūt E pris im ejjeļok kanejnej (bwe emõj likūt er pris ro im ejjeļok kanejnej;
- [21] A E kõn kanejnej an Eo e ar ba kõn E, Irooj e ar kanejnej im E jãmin ukeļok kake, Kwe kwõj pris indeeo);
- [22] Kõn men in barãinwõt Jijej ej ri kõjparok bujen emmanļok.
- [23] Im emool er raar pris relõñ, kõn ke mej ej bõbrae aer pãd wõt:

- [24] A E in, kōn an pād indeeo, jermal in pris eo An e jāmin ukukōt.
- [25] Kōn men eo Ej maroñ in loṃoṃorer wōt ro rej kepaak ñan Anij kōn E, bwe Ej mour indeeo im akweḷap ñan E kōn er.
- [26] Bwe pris eḷap āinwōt E, ekkar ñan kōj, e kwōjarjar, ejjeḷok ṃoṃ ippān, erre otem erre, emakeḷok iaan jān ro ri jerowiwī, im koutiej E jān lañ ko;
- [27] Eo ejjeḷok aikuj ippān, āinwōt ippān pris ro reḷap, bwe En katok ṃokta kōn jerowiwī ko An, innām kōn ko an armej raṃ: bwe eṃōj An kaṃōjḷok men in ke E ar make katok kōn E.
- [28] Bwe kien eo ej likūt armej bwe ren pris, ro ewor ṃōjṃo ippaer; a naan in kanejnej eo, e ar itok ālikin kien, ej likūt Nejin bwe En pris, Eo eṃōj koweppan E indeeo.

JEPTA 8

- [Hi 8.1] Im men in e bōran men ko kōm kōnono kaki: Pris eḷap im āinwōt ipped, Eo e ar jijet i anbwijmaroñan tūroon in Kajoor potata i lañ ko,
- [2] Ri Jermal an jikin kwōjarjar, im iṃōn kōppād eṃool, eo Irooj e ar kalōk im jab armej.
- [3] Bwe likūt jabdewōt pris eḷap bwe en katok kōn men in joortak im katok ko: innām eṃṃan bwe en wor ippān armej in bwe En katok kake.
- [4] Ak eḷaṃñe E ar pād wōt i laḷ, E jāmin kar pris, bwe ewor pris ro rej katok kōn men in katok ko ekkar ñan kien:
- [5] Ro rej jermal ñan men eo men in kajjioñe im anañin men ko i lañ, āinwōt Anij e ar jiroñ Moses ke e ar iten kōṃanṃan iṃōn kōppād eo; innām Ej ba, Kwōn lale bwe kwōn kōṃanṃan men otemjej āinwōt joñak eo eṃōj kwaḷok e ñan eok ilo toḷ eo.
- [6] A kiiō E ar bōk jermal eṃṃanḷok, bwe Ej barāinwōt Ri Kalaajrak an bujen eṃṃanḷok, eo eṃōj kapen e on kallimur reṃṃanḷok.
- [7] Bwe eḷaṃñe ejjeḷok ṃotaan bujen eo ṃokta, re jāmin kar pukot kein ka ruo.
- [8] Bwe ke E ar wanoketak ñan er, Ej ba, Lo raan ko re naaj itok, Irooj ej ba, ñe I naaj kōṃṃan bujen ekāāl ippān iṃōn Israel im ippān iṃōn Juda;
- [9] Jab āinwōt bujen eo I ar kōṃṃan e ippān ro jimṃaer ilo raan eo ke I ar kabwijere peir bwe In tōl ḷok er jān Ijipt; bwe raar jab pād wōt ilo bujen eo Aō, im I ar kajekdoṃon er, Irooj ej ba.
- [10] Bwe eṃin bujen eo I naaj kōṃṃan ippān iṃōn Israel ālikin raan ko, Irooj ej ba; I naaj likūt kien ko Aō ilo aer loḷātāt, im I naaj jeji ilo būrueir: im I naaj aer Anij, im re naaj ro doō:
- [11] Im re jāmin katakin jemdoon ak ro jeir im jāteir, im ba, Koṃwin jeḷā Irooj; bwe er otemjej re naaj jeḷā Eō, jān ediktata ñan eḷaptata iaer.
- [12] Bwe I naaj tūriaṃokake aer jab wānōk, im I jāmin bar keememej jerowiwī ko aer.
- [13] Ke Ej ba, Bujen ekāāl, E ar likūt eo ṃokta eṃor. A men eo ej ijurwewe im ṃorḷok e nañin jako.

JEPTA 9

- [Hi 9.1] A kien kabuñ ñan Anij ko, im jikin kwōjarjar ekkar ñan laḷ in, re kar ippān bujen mokta.
- [2] Bwe emōj kōmanman imōn kōppād eo imaan, im ilo e jikin ḷaam, tebōḷ, im bred in kaalikkar; im ṇaetan Jikin kwōjarjar.
- [3] Im ālikin roñel nuknuk, imōn kōppād eo ṇaetan Jikin kwōjarjar otem kwōjarjar;
- [4] Im ilo e senser kooḷ im tōptōp in bujen eo emōj kalibubu e kōn kooḷ im ilowan jāpe kooḷ nien manna, im jokoṇan Arōn, eo e ar nar, im dekā ko an bujen;
- [5] Im ioon, kerub ko an aiboojoj raar kallor jikin tūriamokake; men ko kōm ban kōnono im kameḷeḷeik kake ilo iien in.
- [6] Innām ke āindein repojak men kein, pris ro rej deḷoñ iien otemjej ilowan imōn kōppād imaan, im kōmman jermal in Anij.
- [7] A pris eḷap ej deḷoñ ilowan imōn kōppād kein ka ruo, im make iaan juon wōt alen ilo juon iiō, ewor bōtōktōk ippān, eo ej katok kake kōn e im kōn bōd ko an armej raṇ:
- [8] Jetōb Kwōjarjar ej kwaḷok men in, bwe deḷoñ ñan lowaan jikin kwōjarjar otem kwōjarjar e jañin alikkar, ke imōn kōppād mokta ej pād wōt;
- [9] Eo ej men in kōkkar iumwin iien kein; im ekkar ñan e rej leḷok men in joortak im katok ko re ban koweppan, ilo bōklōkōt, eo ej kōmman jermal in,
- [10] Er kein (ilo men in mōñā ko, im men in idaak, im elōñ men in kwaḷkoḷ) rej men in kaiñi ekkar ñan kanniōk, men ko emōj likūti ñan tōr eo iien kōkāāl.
- [11] A bwe Kūraj e ar itok pris eḷap ñan men ko remman re naaj itok, kōn imōn kōppād eḷapḷok im weppānḷok, jab kōmmane kōn pein armej, āinwōt ba, jab jān men in kōmanman in,
- [12] Im jab kōn bōtōktōkin goat ko im koon kau ko, a kōn bōtōktōkin make emōj An deḷoñ ilowan jikin kwōjarjar eo, im jibadek ḷomṇor indeeo.
- [13] Bwe eḷañe bōtōktōkin kau kōmaan ko im goat ko, im bwidej in upaaj in kau kokōrā, ke rej kabōtūktūk ro rebrijrij kake, raar kokwōjarjar ñan karreoik kanniōk:
- [14] Bōtōktōkin Kūraj, eo E kwōjarjar wōt im E ar make katok kōn E ñan Anij ilo Jetōb Kwōjarjar ej indeeo, e jāmin kanooj ḷapḷok an karreo ami bōklōkōt jān kōmman ko re mej bwe koṇwin jermal ñan Anij ājmour ke?
- [15] Im kōn men in E Ri Kalaajrak an bujen ekāāl, bwe kōn an juon emej ñan ḷomṇor jān jerowiwī ko kar kōmman iumwin bujen mokta, ro emōj kūr er ren bōk kallimur an jolōt e indeeo.
- [16] Bwe ijo testament ej pād ie, en emej eo e ar kōmmane.
- [17] Bwe e pen testament ñe emej armej; a ejjeḷok tokjān ke eo ej kōmmane ej mour.
- [18] Innām ar jab likūt bujen mokta im ejjeḷok bōtōktōk.
- [19] Bwe ke Moses e ar kaṇōjḷok an kōnono naan in kaiñi otemjej ñan armej raṇ ekkar ñan kien, e ar bōk bōtōktōkin koon kau ko im goat ko, kab dān, im kooḷan jiip ekilmir im hissōp, im e kabōtūktūk bok eo im armej otemjej,
- [20] Im ba, E in bōtōktōk in bujen eo Anij e ar kaiñi ñan kom.

- [21] Im e ar kabōtūktūk āindein kōn bōtōktōk eo, imōn kōppād im jāpe otemjej ilo jermal eo.
- [22] Im ilo kien eo, I nañin maroñ in ba, bwe rej karreo kōn bōtōktōk men ko otemjeļok, im eļaññe ejjeļok katōrļok bōtōktōk innām ejjeļok jeorļok.
- [23] Innām emman bwe ren karreo men in kajjioñe ko an men ko i lañ kōn men kein, an men ko i lañ kōn men in katok ko remman jān men kein.
- [24] Bwe Kūraj e ar jab deļoñ ilowan jikin kwōjarjar, kōmmane kōn pā ko, men in kajjioñe eo emool, a ilowan lañ eo bwe En waļok imaan mejan Anij kōn kōj:
- [25] A jab bwe En make katok kōn E makij; āinwōt pris eļap ej deļoñ ilo jikin kwōjarjar iiō otemjej im bōtōktōk e jab an ippān;
- [26] Bwe eļaññe āindein, innām emman bwe En kar eñtaan makij ālikin jinoin laļ: a kiiō juon wōt alen ilo jemļokōn iien ko, emōj kwaļok E bwe En jeorļok jerōwiwi kōn An katok kōn E make.
- [27] Im bwe emōj likūt ñan armej bwe ren mej im tokālik ej itok ekajet eo;
- [28] Innām Kūraj barāinwōt, ke emōj An katok kōn E juon wōt alen bwe En bōk ļok jerōwiwi ko an armej, E naaj weaaktok, alen kein ka ruo, ñan ro rej kattar E, im jepel jān jerōwiwi, ñan lomōor.

JEPTA 10

- [Hi 10.1] Bwe kien eo, ke ilowan anañin men ko re naaj itok, jab āinwōt, e ban koweeppan ro rej kepaaktok ñan e kōn men in katok ko rej katok kaki iiō otemjej.
- [2] Eļaññe āindein, re jāmin kar kajemļok aer katok kōn men kein ke, bwe ro ri kabuñ ne emōj karreo er juon iien, ejjeļok aer bōklōkōt kōn jerōwiwi?
- [3] A ilo men in katok ko ewor keememej kōn jerōwiwi iiō otemjej.
- [4] Bwe bōtōktōkin kau koṃaan im goat ko e ban jeorļok jerōwiwi ko.
- [5] Kōn men in ke Ej deļoñtok ilo laļ E ba, Men in katok im men in joortak Kwaar jab kōṃaan, a ānbwin Kwaar kapojak ñan Eō;
- [6] Men in katok ko re iio rej tile im men in katok ko kōn jerōwiwi, re jab kabuñbūruōm:
- [7] Innām I ar ba, Lo emōj Aō itok (ilo Bok eo jeje kōn Ña) bwe In kōmanman ankil Aṃ, O Anij.
- [8] Mōkta, ke E ba, Men in katok ko im men in leļok ko, im men in katok ko re iio rej tile, im ko kōn jerōwiwi Kwō jab kōṃaan, im ar jab buñbūruōm kaki (men ko rej leļok ekkar ñan kein),
- [9] Innām E ar ba, Lo I moottok bwe In kōmanman ankil Aṃ. Ej bōk ļok eo mōkta, bwe En kapen eo kein ka ruo.
- [10] Ilo ankil eo emōj kokwōjarjar kōj, kōn leļok ānbwiniin Jijej Kūraj alen wōt juon.
- [11] Im pris otemjej rej jutak raan otemej im jermal ilo katok makij kōn men in katok ko wāween wōt juon, ko re ban jeorļok jerōwiwi:
- [12] A E, ke emōj An katok kōn juon men in katok kōn jerōwiwi ko indeeo, E ar jijet i anbwijmaroñan Anij;

- [13] Im jån iien in Ej kattar iien kõmman ro ri kõjdate eran neen.
- [14] Bwe kõn juon men in katok E ar koweppan indeeo ro emõj kokwõjarjar er.
- [15] Im Jetõb Kwõjarjar E ri kõnnaan ñan kõj: bwe ålikin An ba,
- [16] Eñin bujen eo I naaj kõmman ippaer ålikin raan ko, Irooj ej ba, I naaj liküt kien ko Aõ ña ilo bürueir, im I naaj je er ilo lojåtåt eo aer; innãm Ej ba,
- [17] Im jerõwiwi im nana ko aer I jåmin bar keememej.
- [18] A ijo jeorlok kein ej påd ejjelok bar juon men in katok kõn jerõwiwi ie.
- [19] Innãm, ro jatiõ, bwe jej peran in deļõñ ilowan jikin kwõjarjar eo kõn bõtõktõk in Jijej,
- [20] Ilo ial ekåål im mour, eo E ar kokwõjarjar e ñan kõj, aet, deļõñ ilowan roñel nuknuk, eñin kanniõkin;
- [21] Im bwe juon adwõj pris eļap ioon imõn Anij;
- [22] Jen ruwaaklok, im en mool bürued, im tõmak eo ad en pen wõt, im bürued ren bütüktük jån bõklõkõt enana; im ke emõj kwaļe ånbwined kõn dån erreo,
- [23] Jen dāpij wõt kwaļok ar kõjatdikdik: bwe en jab maķütķüt; bwe etiljek Eo e ar kallimur:
- [24] Im jen lale doon, im kõkatok doon ñan yokwe im jermal ko remman;
- [26] Im jen jab liküt ad kwelok im jar, åinwõt manit an jet, a jen kauwe doon im kaļaplok ad kõmman men in, bwe jej lo an raan eo epaaktok.
- [26] Bwe eļañne jej jerõwiwi ke buñbürued kake ålikin ad bõk jeļå mool, ejjelok bar juon men in katok kõn jerõwiwi ej påd wõt,
- [27] A ewor kõljake im lõñõñ kõn ekajet, im urur in kijeek e pen e naaj koķkure ro ri kõjdat.
- [28] Armej eo e ar kajekdoon kien Moses, e mej im re jab tūriamokake, kõn naan an ruo ak jilu ri kõnnaan:
- [29] Ekõjkan ami lõmnaķ? en jab nañin ļaplok ke eñtaan naaj liküt ekkar ñan eo e ar juuri Nejin Anij iumwin neen, im watõk bõtõktõk in bujen eo emõj an kokwõjarjar e kake, men eo enana, im e ar kõtråe Jetõb in jouj?
- [30] Bwe je jeļå Eo e ar ba, Iden-oņe Aõ, I naaj kwi. Im bar juon, Irooj e naaj ekajet ro doon.
- [31] Men in lõñõñ, po ilo pein Anij emour.
- [32] A koṃwin keememej raan ko remootlok, ke emõj kamramlok kom, kom ar kijenmej ilo eñtaan ko reļap;
- [33] Jimattan, ke kom ar men in kaalwõjwõj kõn kajjirere im kakütõtõik kom, im jimattan, ke kom ar kõmmao ippån ro åindein aer påd im eñtaan.
- [34] Bwe kom ar tūriamokake ro ri liåpe, im moņõņõ ilo rakimi mweiuķ ko mweiiemi, kõn ami jeļå bwe ñan kom ilo jikin emman, men ko ami remmanlok im re naaj påd wõt.
- [35] Innãm koṃwin jab joļok ami peran, eo eļap an jinõkjeej kake.
- [36] Bwe emman koṃwin kijenmej bwe, moņen ami kõmanman ankilaan Anij, koṃwin bõk men in kallimur eo.
- [37] Bwe jidik wõt iien, im Eo ej itok E naaj potok im jab rumwij.

- [38] A, Aõ rû wãnõk e naaj mour kõn tõmak, a eļañņe ej jenliklik, Aõ e jab buñbũruõ kake.
- [39] A kõjeo, je jab iaan ro rej jenliklik ñan kọkkure; a iaan ro rej tõmak ñan lọmọọreir.

JEPTA 11

[Hi 11.1] A tõmak ej ãinwõt lõke kõn men ko jej kõjatdikdik kõj kaki, im reel bũrued kõn men ko je jab loi.

- [2] Bwe ilo e elder raņ raar jibadek buñbuñ eo emman.
- [3] Kõn tõmak je jeļã bwe emõj kõmanman laļ ko kõn naan in Anij, innãm men ko jej loi ar jab kõmanman jãn men ko re alikkar.
- [4] Kõn tõmak Ebel e ar katok ñan Anij kõn men in katok emman jãn eo an Kein, kõn eo e ar jibadek kõnnaan kõn an wãnõk, bwe Anij e ar kõnnaan kõn joortak ko an; im ļeo emej ej kõnono kõn e ñan iien in.
- [5] Kõn tõmak emõj bõklõñļok Inok bwe en jab mej, im raar jab loe bwe Anij e ar bõklõñļok e: bwe mọkta jãn an wanlõñļok ar kõnnaan kõn e bwe e ar kabuñbũruen Anij:
- [6] Im, eļañņe ejjeļok tõmak, armej re ban kabuñbũruen; bwe eo ej itok ñan Anij, emman en tõmak kõn an Anij pãd, im kõn An leļok jinõkjeej ñan ro rej kapukõt E.
- [7] Kõn tõmak Noa, emõj an Anij kauwe e kõn men ko re jañin waļok, ilo an mijak Anij e ar kapojak wa eo ñan lọmọọren e im ro nukwin; kõn eo e ar liaakļok laļ, im jolõt kwõjarjar eo ekkar ñan tõmak.
- [8] Kõn tõmak Ebrean, ke emõj kũr e, e ar pokake bwe en diwõjļok ñan aelõñ eo e naaj an jolõt; im ej diwõjļok, im jaje ijo ej ilok ia ļok.
- [9] Kõn tõmak e ar ruwamãejet ilo ãne eo ãne in kallimur, ãinwõt ilo aelõñ e jab an, im jokwe ilo imõn kõppãd ko, ippãn Aisak im Jekõb, ro barãinwõt ri jolõt kõn men in kallimur eo:
- [10] Bwe e ar kõljake jikin kwelok eo, ewor an foundesõn, im Anij e ar kalok im kõmanman e.
- [11] Kõn tõmak, Sera e ar bõk maroñ in keotak nejin ke emõj an lõļlap, bwe e ar watok etiljek Eo e ar kallimur;
- [12] Kõn men in barãinwõt jãn juon, im eo ebanban ãinwõt emej, ar keotak elõñ ãinwõt iju ko, im ãinwõt bok ko i parijet, je ban bwini.
- [13] Rein otemjej raar mej ilo tõmak, ke raar jañin bõk men in kallimur ko, a raar loi jãn etoļok, im yokyokwe er, im kwaļok kõn aer ruwamãejet im ri itoitak ioon laļ.
- [14] Bwe ro, ãindein aer ba, rej kwaļok alikkar bwe rej pukot aelõñ eo aer.
- [15] Im, emool, eļañņe raar keememej aelõñ eo raar itok jãn e, re naaj kar maroñ in jepļaakļok ñan e.
- [16] A kiiõ rej kõnaan tõpar aelõñ emman jãn eo, aet, aelõñ i lañ: kõn men in Anij e jab jook kõn er, kõn ñaetan aer Anij: bwe E ar kapojak jikin kwelok ñan er.
- [17] Kõn tõmak Ebrean, ke mãlejjoñ e, e ar katok kõn Aisak, im eo e ar mõñõñõ in bõk kallimur ko, ej katok kõn juon wõt nejin e ar keotak:

- [18] Aet, eo emōj ba kōn e, Iniom re naaj waļok jān Aisak:
- [19] Bwe ej ļōmņak bwe Anij e maroñ in kejerkak e jān ro re mej, im e ar bar bōk e jān ijo ilo naan in kōkar.
- [20] Kōn tōmak Aisak e ar jare Jekōb im Iso kōn men ko re naaj itok.
- [21] Kōn tōmak Jekōb, ke ej mej, e ar jare ruo nejin Josep, im kabuñ ñan Anij ke ej jebat ioon jabōn jokoņan.
- [22] Kōn tōmak Josep, ke ej mej, e ar ba kōn an ro nejin Israel ilok, im leļok ñan er kien kōn di ko diin.
- [23] Kōn tōmak jemen im jinen Moses, ke emōj an ļotak, raar ŋooj e iumwin jilu allōñ, bwe rej lo e wūlio niñniñ eo; im re jab mijak kein kōn eo.
- [24] Kōn tōmak Moses, ke emōj an rūttoļok, ej abwin bwe ren likūt etan nejin kōrā eo nejin Pero:
- [25] Im ļōmņak bwe an eñtaan ippān ro doon Anij emņan jān mōņōņō ko an jerowiwī jidik iien;
- [26] Im ej watōk bwe kajjirere kōn Kūrai e aorōk jān mweiuk otemjej ilo Ijipt. Bwe ej ļōmņak kōn jinōkjeej eo.
- [27] Kōn tōmak e ar ilok jān Ijipt, im jab mijak illu an kiñ eo, bwe ej kijenmej āinwōt an lo Eo re ban lo E.
- [28] Kōn tōmak e ar lale kijoone eo, im wōtdikdik kōn bōtōktōk, bwe eo ri man maanje raņ en jab uññūr er.
- [2] Kōn tōmak raar etal eoļōpin lomaļo Ekilmir āinwōt ioon āne emōrā, im ro ri Ijipt ilo aer kajjioñe men in, raar maļoñ.
- [30] Kōn tōmak oror ko in Jediko raar buñ, ke emōj aer kōpool er iumwin jiljilimjuon raan.
- [31] Kōn tōmak kōrā ekijoñ eo etan Rehab, e ar jab mej ippān ro raar kipiliia, ālikin an bōk ro ri aroñroñ ilo aenōmņan.
- [32] Im ta eo I naaj bar ba? Bwe aō iien e naaj edik jān bwebwenato kōn Gideon, im Berak, im Samson, im Jepta; kōn Devid im Samuel im ro ri kanaan:
- [33] Ro kōn tōmak raar bōk anjo ioon aelōñ ko, raar kōmņan men in kwōjarjar ko, raar bōk men in kallimur ko, raar pinej loñin ļaiōñ ko,
- [34] Raar kune kajoor in kijeek, raar ko jān mejan jāje, ar kakajoor er jān aer mōjņo, raar peranļok ilo tariņae, raar kokōk jar an tariņae ko an ri aelōñ ko jet.
- [35] Kōrā raņ raar bōk nukwiir ro re mej kōn aer jerkakpeje: im bar jet eļap kaeñtaan er, im re jab kōņaan bōk kōtļok; bwe ren tōpar jerkakpeje eo emņanļok:
- [36] Im bar jet, ar mālejoñ er kōn kajjirere im deñļoke ko, aet, ki korak ko im prisōn:
- [37] Ar kade er kōn dekā, im bukwe er kōn jidpān, im kapo er, im man er kōn jāje: raar etetal im kōņak kilin jiip ko im goat ko; ilo jeraņōl im jorrāan im kōkkure,
- [38] (Im laļ ej patkake er), raar jebwābwe i āne jeņaden ko im toļ ko im roñ ko ilo laļ.
- [39] Im rein otemjej, emōj kōnnaan ñan er kōn aer tōmak, raar jab bōk men in kallimur eo,
- [40] Im Anij e ar kapojak ñan kōj jabdewōt men eo emņan jān men ko aer, bwe ren jab weppān makeļok iaer jān kōj.

JEPTA 12

- [Hi 12.1] Innām bwe ri kōnnaan, āinwōt kōdɔ eɭap, rej kōpool kōj, jen barāinwōt joɭok men otemjej reddo, im jerowiwī eo e nañin kōpool kōj, im jen kijenmej im ettōr ilo iāekwōj eo eṃōj likūt e iṃaad,
- [2] Im jen jerɭok ñan Jijej, Ri tōl im Ri koweppan tōmak eo ad, Eo kōn lañlōñ ar likūt e iṃaan, E ar eñtaan ilo debwāāl, im kajekdoṃn jook eo, im E ar jijet i anbwijmaroñan tūroon an Anij.
- [3] Bwe koṃwin kōlmānɭokjen kōn Eo e ar kijenmej ilo an ro ri jerowiwī matōrtōr E, bwe koṃwin jab ṃōk im kijelɭok ilo būruemi.
- [4] Raar jañin katōrɭok bōtōktōkemi kōn ami kate kom im jumae jerowiwī:
- [5] Im kom ar meɭokɭok naan in kauwe eo ej ba ñan kom āinwōt ñan ro nejin, Nejiō, kwōn jab kajekdoṃn kaje an Irooj im jab kijelɭok ne Ej eṃok eok;
- [6] Bwe Irooj ej kajeik eo Ej yokwe e, im deñɭoke jabdewōt nejin Ej bōk e.
- [7] Eɭaññe komij pād ilo kaje, Anij ej kōṃṃan ñan kom āinwōt ñan ro nejin; bwe ewi nejin eo jemen e jab kajeik e?
- [8] A eɭaññe ejjelɭok kaje ippemi, eo ro otemjej rej bōk ṃōttan, innām komeo ejjelɭok jememi, im kom jab ro nejin.
- [9] Bar juon, E kar wor Jemed ro ri kajeik kōj, im jaar kabuñ ñan er: e jab eṃṃanɭok ke bwe jen kabuñ ñan Jemen jetōb raṃ, im mour?
- [10] Bwe eṃool raar kajeik kōj āinwōt aer pepe iuṃwin e iiet raan; a E bwe En jipañ kōj im bwe jen bōk ṃōttan kwōjarjar eo An.
- [11] Jabdewōt kaje, ilo iien iṃ e jab men in ṃōṃōṃō, a men in būromōj; ijoke tokālik ej jebar leen kwōjarjar e aenōṃṃan ñan ro eṃōj kajeik er kake.
- [12] Kōn men iṃ koṃwin jepak pā ko rej toto, im bukwien ko re ṃōjṃo;
- [13] Im kōṃṃan ial ko rejṃwe ñan neōmi, bwe ro re kūrro ren jab jebwābwe, a eṃṃan kājmour er.
- [14] Koṃwin ɭoor ɭok aenōṃṃan ñan armej otemjej, im kwōjarjar, eo ejako ejjelɭok armej e naaj lo Irooj:
- [15] Im kanooj lale bwe ejjelɭok armej en likjab jān jouj an Anij; im bwe enjelɭok okran emeṃ waɭok im kejjorrāñ kom im elōñ re naaj ettoon kake;
- [16] Im bwe enjelɭok en ekijoñ ak armej enana, āinwōt Iso, eo e ar wiakake an ṃaanje kōn juon ṃōññā.
- [17] Bwe kom jelā ekōjkan tokālik, ke e ar kōṃnaan jolōt men in jeraaṃṃan eo, ar abwin e bwe e ar jab lo iien ukeɭok, meñe e ar kanooj kapukōt e im jañ.
- [18] Bwe kom ar jab itok ñan toɭ eo, rej maroñ in uññūre, im eo e ar urur kōn kijeek, ak ñan kilmeej im marok im lañ,
- [19] Im ñan jañ an jilel eo, ak ñan ainikien naan ko, eo ro raar roñjake, rej akweɭap bwe en jab bar kōnono kake ñan er:
- [20] Bwe raar ban bōk naan eo ar jiroñ er kake, Eɭaññe juon kidu ej uññūr toɭ eo, ren kade kōn dekā;
- [21] Im men ko raar weaaktok men in kalōɭñōñ er, innām Moses ej ba, Eɭap aō lōɭñōñ im wūdiddid:

- [22] A kom ar itok ñan toj Zaiõn, ñan jikin kweløk an Anij emour, Jerusalem i lañ, im ñan jar ko an enjel rañ relõñ jãn maroñ in bwini,
- [23] Im ñan aolepen jar im eklejia an maanje rañ, emõj jeje etaer ilo lañ, im ñan Anij Ri Ekajet aolepeir otemjeløk, im ñan jetõb ro an rû wãnõk emõj koweppan er,
- [24] Im ñan Jijej Ri Kalaajrak kõn bujen ekãäl, im ñan bõtõktõk in wõtdikdik eo ej kõnono emman jãn eo an Ebel.
- [25] Komwin lale mõk im jab abwin Eo ej kõnono. Bwe ejaññe ro raar abwin Eo e ar kauwe er ioon laj, raar jab ko, e kanooj lapløk ar jãmin ko, ejaññe jej iløk jãn Eo ej kauwe jãn lañ:
- [26] Eo ainikien e ar kamakũtkũt laj ilo iien eo: a kiiõ emõj An muri im ba, Bar juon alen I naaj kamakũtkũt jab laj wõt, a barãinwõt lañ.
- [27] Im naan in, Bar juon alen, ej bakajjien kõn An kamakũtløk men ko re makũtkũt, ãinwõt men ko re jab makũtkũt ren pãd wõt.
- [28] Kõn men eo bwe jej bõk aelõñ eo e ban makũtkũt, en wor jouj ipped, bwe jen jermal ñan Anij im kabuñbũruen kake kõn wõjake ekwõjarjar im mijak:
- [29] Bwe ar Anij e kijeek in kòkkure.

JEPTA 13

[Hi 13.1] En pãd wõt yokwe jemjein jemjaten.

- [2] Komwin jab meløklok kõn keni ro ruwamãejet; bwe ilo aer kõmman men in, jet raar keni enjel rañ im jaje kajjieir.
- [3] Komwin keememej ro ri liãpe, ãinwõt ejaññe liãpe kom ippaer; im ro rej eñtaan bwe komeo komij pãd wõt ilo ãnbwinnemi.
- [4] Armej otemjej ren koutiej pãlele im en kwõjarjar jikin babu: bwe Anij e naaj ekajet ro ri lõñ otemjeløk.
- [5] Komwin jab arõk taJa; komwin jokwane kõn men ko ami: bwe E ar ba, I jãmin likũt eok, im I jãmin iløk jãn kwe indeeo.
- [6] Innãm jej maroñ in peran im ba, Irooj ej aõ Ri jipañ; I jãmin mijak: ta eo armej ren kõmman ñan eõ?
- [7] Komwin keememej ro raar ami ri tõl, im raar ba ñan kom naan in Anij; im komwin kajjioñe aer tõmak, ke komij kõlmãnløkjen kõn tokjãn aer pãd im kõmman.
- [8] Jijej Kũraij ej ãinwõt juon inne im rainin, im indeeo.
- [9] Katak ko re kajju wãweir im bõd, ren jab kejebwãbweik kom; bwe emman ejaññe bõro e pen ilo jouj, im jab kõn men in mõñã ko, raar jab kakajoovor ro raar jermal kaki.
- [10] Juon lokatok ipped, im ro rej jermal ilo imõn kõppãd eo, emõ aer mõñã jãn e.
- [11] Bwe ãnbwinnen kidu ko, pris eJap ej bõktok bõtõktõkier ña ilowan jikin kwõjarjar kõn jerowiwi, rej tile ilikin jikin kõppãd.
- [12] Innãm barãinwõt Jijej, bwe En kokwõjarjar armej rañ kõn bõtõktõk eo An, E ar eñtaan ilikin jikin kweløk.
- [13] Kõn men in jen diwõjløk ñan E ilikin jikin kõppãd, im bõk kinaak eo An.

- [14] Bwe ijin ejjelok ad jikin kwelok ej pād wōt, a jej kapukōt eo ej itok.
- [15] Innām kōn E, jen katok ñan Anij kōn wūjtak iien otemjej, eñin leen tied ko rej kwałok ñan etan.
- [16] A koṃwin jab mełokłok kōn kōṃanṃan eṃṃan im lełok ñan ro jet, bwe kōn men in katok ko āierwōt Anij ej buñbūruen.
- [17] Koṃwin pokake im kōttāik kom ñan ro rej tōl kom, bwe rej lale ami, āinwōt ro re naaj kwałok kōn aer kōṃṃan, bwe ren kwałok im lañlōñ im jab būromōj. Bwe men iṃ e jab men in kakajooror kom.
- [18] Koṃwin jar kōn kōm: bwe kōmij reel bwe eṃṃan bōklōkōt eo am, im kōm kōṃaan bwe am kōṃṃan en jīmwe ilo men ko otemjej.
- [19] Im e kanooj ļapłok aō akweļap ñan kom kōn men iṃ, bwe en ṃōkajłok aō jepļaaak ñan kom.
- [20] Im Anij in aenōṃṃan, Eo e ar bōktok jān ro re mej, Seperd eo eļap an jiiip ko, kōn bōtōktōkin bujen ej indeeo, aet, ad Irooj Jijej,
- [21] En koweppan kom ilo men ko reṃṃan otemjej ñan kōṃanṃan ankilaan, im En make jerbale ilo kōj men in kabuñbūruen ko iṃaan mejan, kōn Jijej Kūraij; ñan E en aiboojoj indeeo im indeeo. Amen.
- [22] A ij kauwe kom, ro jatiō, bwe koṃwin bōk naan in naan in eṃouk: bwe eṃōj aō jejewōj ñan kom kōn e iiet naan.
- [23] Koṃwin jeļā bwe ar kōtłok jated Timote; im eļaññe e naaj itok ṃōkaj, kōmro naaj lo kom.
- [24] Koṃwin yokyokwe ro otemjej rej tōl kom, im ro reṃṃan otemjelok. Ro ri Itali rej yokyokwe kom.
Jouj en pād ippemi otemjej. Amen.

JEMES

JEPTA 1

- [Jm 1.1] Jemes, karijeran Anij im Irooj Jijej Kūraij, ñan joñoul im ruo bwijin Israel ro ilo jeplōklōk eo, Yokwe kom.
- [2] Ro jatiō, komwin likūt e men in lañlōñ otemjej ne mällejoñ kajju wāweir rej kōpool kom;
- [3] Bwe kom jeļā men in kaṃool ami tōmak ej jerbale kijenmej.
- [4] A en weppan an kijenmej jermal, bwe komwin weppan wōt im iio im enjeļļok ami aikuj.
- [5] A eļaññe jabdewōt iaami ej aikuj mālōtlōt, en kajjitōk kōn e ippān Anij, eo Ej wūjlep ñan armej otemjej, im jab eṇouk kake, im naaj leļok ñan e.
- [6] A en kajjitōk ilo tōmak im jab pere: bwe eo ej pere ej āinwōt ɲo in lometo e ɲakūt kūt im liṃaajɲoɲo in kōto.
- [7] Bwe armej eo en jab ļōmṇak bwe e naaj bōk jabdewōt jān Irooj;
- [8] E armej būruen ruo im pidodo ilo ial ko an otemjej.
- [9] Jein im jaten ej ettā en lañlōñ kōn an eutieļļok:
- [10] Im ri ɲweie bwe eṃōj kōttāik e; bwe āinwōt leen wūjooj e naaj jakoļok.
- [11] Bwe ne eṃōj tak aļ im ebuñ kōto ebwil, ej kaemedļok wūjooj: im leen ej mwe, im wūlio an wāween kōṃanṃane e jako: āindein barāinwōt ri ɲweie e naaj aemedļok ilo ial ko an.
- [12] Eṃōñōñō armej eo ej kijenmej ilo mālejoñ: bwe ne eṃōj kaṃool e naaj bōk pāllin mour eo Irooj e a ɲuri kake ñan ro rej yokwe E.
- [13] Ejjeļok armej en ba ñe kapo e, Anij ej kapo eō: bwe men ko renana re ban kapo Anij, im Ej kapo ejjeļok armej:
- [14] A eṃōj kapo jabdewōt armej ñe ɲōm ko an rej kareel būruen im kamej e.
- [15] Innām ñe ɲōm eo e ar etta, ej keotak jerowiwī: im jerowiwī eo ne e rūttoļok, ej keotak mej.
- [16] Ren jab ɲoɲi kom, ro jatiō, jitōnbōro ippa.
- [17] Iien in letok eṃṃan im weppān otemjeļok re jān lañ, im wanlaļtak jān Jemen meram ko, im ippān ejjeļok ɲakūt kūt ak wāween ukeļok.
- [18] E ar keotak kōj ilo ankilaan, kōn naan eṃool, bwe jān āinwōt jomōkaj jān men in kōṃanṃan ko An.
- [19] Kom jeļā men in, ro jatiō, jitōnbōro ippa. A jabdewōt armej en mōkaj an roñjake, en ruṃwij an kōnono, en ruṃwij an illu:
- [20] Bwe illu an armej e jab jerbale kwōjarjar an Anij.
- [21] Kōn men eo, komwin utūk ettoon otemjej im nana elōñļok, im bōk ilo ineemṃan naan eo ar kallib e ilowami, im ej maroñ in lometo.
- [22] A komwin ri kōṃanṃan naan eo, im jab ri roñjake wōt ro rej make ɲoɲ er.
- [23] Bwe eļaññe jabdewōt armej ej ri roñjake naan, im jab ri kōṃṃane, ej āinwōt armej eo ej lo mejan ilo kapjer:
- [24] Bwe ej make lale e, im ej ilok im e mōkaj an meļokļok ie āin.

- [25] A eo ej pād im liñðore kien in anemkwōj eo e weppān, im jab ri roñjake eo ej meļokļok, a e ri kōmman ej jerbale, armej eo e naaj mōñōñō ilo an kōmman.
- [26] Eļañne jabdewōt armej ej ļōmņak ewor men in kabuñ ippān, ke e jab dāpdipije loen a ej make etaoik būruen, ejjelok tokjān men in kabuñ eo ippān.
- [27] Men in kabuñ erre im jab ettoon iṃaan mejan ad Anij im Jemed, eñin, bwe armej en loļok ro atajinemjen im kōrā ejako pāleir ilo aer jorrān, im bwe en dāpij e im jab lipjinjin kōn laļ iņ.

JEPTA 2

- [Jm 2.1] Ro jatiō, tōmak ad Irooj Jijej Kūraij, Irooj in aiboojoj, en jab pād ippemi ilo ami kabwilkokļok mejan armej.
- [2] Bwe eļañne ej deļoņtok ilowan iṃōn kwelok eo ami, juon armej luko kooļ ioon pein, im e aiboojoj nuknuk ko an, im ej deļoņ juon ri jeraṃōl, im nuknuk ko an re bwiltoonon;
- [3] Im komij lale eo ej kōņak nuknuk ko re aiboojoj, im ba, Kwōn jijet ije eṃman, im kom ba ñan ri jeraṃōl, Kwōn jutak ijjiieņ ak jijet iturin eran neiō;
- [4] Komij jab jepel ilo būruemi ke, im ri ekajet ke ļōmņak ko renana ippemi?
- [5] Komwin roñjake, ro jatiō im jitōnbōro; Anij e ar jab kāālōt ro ri jeraṃōl i laļ ke, bwe ren ri mweiie kōn tōmak, im ri jolōt in aelōñ eo, E ar mūri kake ñan ro rej yokwe E?
- [6] A kom ar kajekdoņ ri jeraṃōl. Ro ri mweiie re jab kōkkure kom, im lekake kom ñan jikin ekajet ke?
- [7] Re jab blaspim ke āt eo eṃman komij etņake?
- [8] Ijoke eļañne komij pokake kien eļap, ekkar ñan jeje, Kwōn yokwe ri turōm im āinwōt kwe, eṃman ami kōmman:
- [9] A eļañne kom kalijekļok armej komij kōmman jerowiwī, im kien ej ṃaruōmi āinwōt ri kōtrāe.
- [10] Bwe jabdewōt eo e naaj kōjparok kien otemjej, a ej buñ ilo juon iaer, ewor ruōn kōn aolepeir.
- [11] Bwe Eo ej ba, Kwōn jab ļōñ, Ej barāinwōt ba, Kwōn jab uror. Innām eļañne kwō jab ļōñ, a kwōj uror, eṃōj am kōkkure kien.
- [12] Ami kōnono im kōmman ren ekkar ñan ro kien anemkwōj e naaj ekajet er.
- [13] Bwe ekajet im ejjelok tūriamokake ej ippān eo e ar jab tūriamokake: tūriamokake ej juwaļōñļōñ nae ekajet.
- [14] Ro jatiō, ewi tokjān eļañne jabdewōt ej ba bwe tōmak ippān, a jermal ko re jab ippān? Tōmak eo e maroñ in lōmōoren ke?
- [15] Eļañne jeiōm im jatiōm eṃmaan ak kōrā ekeelwaan im ejjelok kijen,
- [16] Im juon iaami ej ba ñan er, Komwin ilok ilo aenōmman, komwin māññāņ im mat; im e jab leļok ñan er men ko ānbwinneir rej aikuj, ewi tokjān?
- [17] Āindein tōmak, eļañne jermal ko re jab ippān, e make mej.
- [18] A juon e naaj ba, Tōmak ippaṃ, im jermal ko ippa: kwōn kwaļok ñan eō aṃ tōmak im ejej jermal ko aṃ, ak I naaj kwaļok ñan kwe aō tōmak kōn jermal ko aō.

- [19] Kwōj tōmak bwe Anij e juon wōt; emman wōt am kōmman: timon ran barāinwōt rej tōmak im wūdiddid.
- [20] A O armej waan, kwō kōnaan jeļā ke bwe tōmak, ke ejjeļok jermal, ewar?
- [21] Ebream Jemed, jab kowānōk e kōn jermal ko ilo an katok kōn Aisak nejin ioon lokatok eo ke?
- [22] Kwōj lo bwe tōmak e ar jermal ilo jermal ko an, im kōn jermal ko ab koweepan tōmak;
- [23] Im ejjet jeje eo e ba, Im Ebream e ar tōmak Anij, im emōj watōk e ñan e āinwōt wānōk; im ñaetan jeran Anij.
- [24] Komij lo bwe kowānōk armej kōn jermal ko, im jab kōn tōmak wōt.
- [25] Im āindein Rehab, kōrā ekijoñ eo, jab barāinwōt kowānōk e kōn jermal ko, ke e ar bōk ro ri jeļok im jilkinļok er ilo bar juon ial ke ?
- [26] Bwe āinwōt ānbwin e jepel jān an, e mej, āindein tōmak e jepel jān jermal emej.

JEPTA 3

- [Jm 3.1] Ro jatiō, en jab elōñ iaami ri katakin, bwe kom jeļā kōm naaj bōk ekajet eddoļok.
- [2] Bwe ilo elōñ men ko jej otemjej tipñōl. Eļañne jabdewōt e jab tipñōl ilo naan, e in armej e weepān im ej maroñ in dāpdipije aolepen ānbwinnen barāinwōt.
- [3] A eļañne jej likūt kein dāpdipije ilowan loñin ooj ko bwe ren pokake kōj, jej ukōt aolepen ānbwinneir.
- [4] Im komwin lale wa ko, meñe reļap im peto-petak kōn kōto ko re lāj, ri kajimwe ej kejāli kōn jibwe edik āinwōt an kōnaan.
- [5] Barāinwōt lo in armej, e ra edik im eļap an juwaļōñļōñ. Lo, ie dik in kijeek ej tile kane e nañin ļap!
- [6] Im lo e kijeek: laļ in jerowiwi ilo ra ko rad e lo eo, ej kabrijrij aolepen ānbwined, im ej tile men in kōmanman otemjej, im emōj tile e jān jikin nana.
- [7] Bwe wāween kidu otemjej, im bao ko otemjej, im men ko rej tōbalok otemjej, im men ko ilowan loмето otemjej, rej awiie im armej raar kawieki:
- [8] Ejjeļok armej ej maroñ in kawieki lo; ej men eo enana im neoteleol, im e obrak kōn uno kōnmej.
- [9] Kōn men eo jej nōbar Irooj im Jemed; im kōn men eo jej kōkoļ armej, ro emōj kōmanman er ilo wāween Anij.
- [10] Jān juon wōt loñin ej waļoktok jar ko im kōkoļ. Ro jatiō, e jab emman bwe en āindein men kein.
- [11] Unin dān, ej maroñ in katōrļok, jān juon wōt roñ, dān enno im dān e meo ke?
- [12] Wōjke fig, ej maroñ in lle kōn oliv ko ke? ak vain in grep kōn fig ke? ak dān in lojet ej ban kōmman dān enno.
- [13] Wōn iaami e mālōtlōt im jeļāļokjeñ? en kwaļok, kōn an kōmman emman, jermal ko an ilo inemman in mālōtlōt.
- [14] A eļañne katok e meo im akwāal rej ilo būruemi, komwin jab kōmmejāje im riab ñae mool.

- [15] Mālōtlōt in e jab eo ej wanlaʔtak jān lañ, a e jān laʔ im ekkar ñan mōm ko im timoŋ raŋ.
- [16] Bwe ijo katok enana im akwāāl rej pād, jourur im jербal otemjej; renana rej pād ie.
- [17] A mālōtlōt jān lañ ej erreo mokta, innām e aenōmman, jouj, e pidodo an reel, e obrak kōn tūriamokake im leen ko remman, im ejjeʔok akwāāl ak jeʔa moŋ ippān.
- [18] Ak leen wānōk emōj jeor ilo aenōmman ñan ro rej kōmman aenōmman.

JEPTA 4

- [Jm 4.1] Tariŋae im ire ko ippemi jān ia? Re jab jān mōm ko ami, rej tariŋae ilo rami ke?
- [2] Komij arōk im jab bōk: komij uror, im ankoŋak, im ban jibadek: komij ire im tariŋae; men ko re jab ippemi bwe kom jab kajjitōk kaki.
- [3] Komij kajjitōk im jab bōk, bwe enana ami kajjitōk im kōn daepe ilo mōm ko ami.
- [4] Kom ri ʔōñ, kom jab jeʔa ke bwe an laʔ yokwe ej kōjdate Anij? Innām jabdewōt e kōŋaan bwe en jeran laʔ ej ri kōjdate Anij.
- [5] Ak komij ʔōmŋak ke bwe Jeje ko re ba naan pata? Jetōb eo E ar kōmmane bwe en jokwe ilo kōj ej mōm ñan juunmaad ke?
- [6] A Ej letok jouj eʔapʔok. Kōn men in Jeje ej ba, Anij ej jumae ro ri juwa, a Ej leʔok jouj ñan ro ri ettā.
- [7] Innām komwin kōttāik kom ñan Anij; a komwin jumae tepil im e naaj ko jān kom.
- [8] Komwin ruwaakʔok ñan Anij, im E naaj ruwaakwōj ñan kom. Karreo peimi, kom ri jerowiwī; im kokwōjarjar būruemi kom ri bōro jepel.
- [9] Komwin būromōj im liaajʔoʔ im jañ: ami leea en erom liaajʔoʔ, im ami lañlōñ en erom būromōj.
- [10] Komwin kōttāik kom imaan mejan Irooj, im E naaj koutiej kom.
- [11] Komwin jab kōnono ŋae doon, ro jatiō. Eo ej kōnono ŋae jein im jatin, ak ekajet jein im jatin, ej kōnono ŋae kien im ekajet kien: a eʔaññe kwōj ekajet kien, kwō jab ri pokake kien, a kwe ri ekajet.
- [12] Juon wōt Ri kaiñi im Ri ekajet, Eo ej maroñ in ʔomōor ak kōkkure: a wōn kwe kwōj ekajet ri turum?
- [13] Komwin lale mōk, komeo komij ba, Rainin ak ilju kōm naaj etal ñan jikin kwelok en, im pād ijo iumwin juon iiō, im wia im jibadek mweiuk ko:
- [14] Ijoke kom jaje ta eo enaaj waʔok ilju. Ta ami mour? Komij ainwōt tab eo ej waʔok jidik ien innām ej moŋʔok.
- [15] A emman komwin ba, Eʔaññe Anij e kōŋaan, kōm naaj mour, im kōmman men in ak men eo.
- [16] A kiiō kom kōmmejāje ilo ami juwaʔōñʔōñ; kōmmejāje otemjej ainwōt renana
- [17] Innām eo e jeʔa kōn kōmman emman, im jab kōmmane, men in jerowiwī ñan e.

JEPTA 5

- [Jm 5.1] Komwin lale mōk, kom ri mweiie, komwin jañ im liṃō kōn ami men in kaeñtaan ko re naaj itok iomi.

- [2] Mweiuk ko mweiiemi re kōt, im dile raar kañi nuknuk ko ami.
- [3] Ami kooļ im silver re jo wōt; im jo eo e naaj men in kōnnaan ɲae kom, im e naaj kañi kanniōkemi āinwōt kijeek. Kom ar koorļok mweiiemi ilo raan ko āliktata.
- [4] Lo oñān ri jербal raar mađmōd i jikin kallib ko ami, im komij dāpij e ilo jab wānōk, ej lamōj: im ainikien ro raar mađmōd e ar deļoñ ilowan lojilñin Irooj in Sabaot.
- [5] Kom ar kabbenono im mōñōñō kake ioon laļ; kom ar kamatok būruemi ilo raan in mej.
- [6] Kom ar liaakļok, im kom ar urōte rū wānōk; e jab juṃae kom.
- [7] Innām ro jatiō, koṃwin mijmijelaļōmi ɲae iien an Irooj itok. Lo, ri kallib ej kattar leen laļ e aorōk im ej mijmijelaļin ñan tōr eo eṃōj an bōk wōt ɲokta im wōt āliktata.
- [8] Koṃwin barāinwōt mijmijelaļōmi; koṃwin kapen būruemi: bwe an Irooj itok ej epaak.
- [9] Koṃwin jab lotaan doon, ro jatiō, bwe en jab ekajet kom: lo, Ri ekajet eo ej jutak iṃaan kōjām ko.
- [10] Ro jatiō, koṃwin bōk joñak kōn eñtaan im kijenmej jān ro ri kanaan, raar kōnono ilo etan Irooj.
- [11] Lo, jej likūt er re mōñōñō ro raar kijenmej; kom ar roñ kōn an Job kijenmej, im kom ar lo jemļok eo jān Irooj, ekōjkan Irooj e kanooj jouj im tūriamokake.
- [12] A eļap jān men otemjej, ro jatiō, koṃwin jab kanejnej, jab kōn lañ, jab kōn laļ, im jab kōn jabdewōt men in kanejnej jet: a ami jab en jab wōt, im ami aet en aet wōt: bwe koṃwin jab buñ iuṃwin ekajet.
- [13] Jabdewōt iaami ej eñtaan ke? En jar. Jabdewōt ej mōñōñō ke? En al im nōbar.
- [14] Jabdewōt iaami e nañinmej ke? en añiñintok elder ro an eklejia, im ren jar ioon im kapit e kōn oil ilo etan Irooj:
- [15] Im jar in tōmak e naaj kemour ri nañinmej eo, im Irooj e naaj kejerkak e; im eļaññe e kar kōmṃan jerowiwu ko, naaj jeorļok jān e.
- [16] Innām koṃwin kwaļok jerowiwu ko ami ñan doon, im jar kōn doon, bwe koṃwin mour. Eļap tokjān jar an armej e wānōk eo ej jerbale.
- [17] Elaija ej juon armej e kanooj āinwōt kōj, im e ar jar im akweļap bwe en jab wōt; im e ar jab wōt ioon laļ iuṃwin jilu yio im jiljino allōñ.
- [18] Im ej bar jar im lañ e ar leļok wōt, im laļ e ar jebar leen.
- [19] Ro jatiō, eļaññe jabdewōt iaami ej jebwābwe jān ɲool, im juon ej koukeļok e;
- [20] En jeļā, bwe eo ej koukeļok juon ri jerowiwu jān an jebwābwe jān ial, e naaj loṃooren an jān mej, im e naaj kalbubu elōñ jerowiwu.

1 PITER

1 PITER – JEPTA 1

- [1Pi 1.1] Piter, ri jelök an Jijej Kūraij, ñan ro ri jeplöklök im jokwe ilo Pontös, Galetia, Kapedosia, Esia, im Bitinia,
- [2] Ro emöj käälot er kōn an Anij Jemed jelā mokta, ilo kokwōjarjar an Jetōb, ñan kipiliie im kabōtūktūk kōn bōtōktök in Jijej Kūraij: Jouj im aenōmman ren lōñlok ñan kom.
- [3] En mōñōñō Anij Jemen ad Irooj Jijej Kūraij, Eo, ilo An tūriamokake eļap, E ar bar keotak kōj ñan kōjatdikdik emour kōn jerkakpeje an Jijej Kūraij jān ro re mej,
- [4] Ñan jolōt eo e jāmin wabanban im jab ettoon ak mājkun, im emōj likūt e i lañ ñan kom,
- [5] Komeo kōjparok kom ilo kajoor an Anij kōn tōmak ñan lomōor emōj an kapoj bwe en waļoktok ilo iien eo āliktata.
- [6] Im ilo e komij kanooj lañlōñ, meñe kiiō jidik iien, eļañne en āindein, kom ar eñtaan kōn elōñ men in mällejoñ,
- [7] Bwe mällejoñ ami tōmak, e aorök jān kooļ eo e jakoļok meñe mällejoñ e kōn kijeek, en waļok ñan wūjtak im aiboojoj im nōbar ilo weaaktok an Jijej Kūraij:
- [8] Eo komij yokwe ke kom jañin lo E; im ilo E, meñe kiiō kom jab kallimjeke, kōn ami lōke E komij lañlōñ ilo lañlōñ eļap jān maroñ im ba im e obrak kōn aiboojoj:
- [9] Im komij bōk tokjān tōmak, lomōoren ami.
- [10] Kōn lomōor eo ro ri kanaan, raar rūkaanij kōn jouj en iwōj ñan kom, rej kanooj kapukōt im liñōri:
- [11] Im pukot ie iien eo, ak ta wāween iien eo Jetōb on Kūraij, eo E ar pād ilo er, Ej bakajjen ke Ej kōnnaan mokta kōn eñtaan ko an Kūraij im aiboojoj ko ren tokālik.
- [12] Im emōj kwaļok ñan er, bwe jab ñan er make, a ñan kom, rej korijer ilo men ko, ar ba ñan kom kaki kiiō kōn ro raar kwaļok gospel ñan kom ilo Jetōb Kwōjarjar jilkintok jān lañ; men ko enjeļ roñ rej kōñaan liñōri.
- [13] Kōn men in koṃwin kapojak būruemi, koṃwin jatōr im kōjatdikdik kom wōt kōn jouj eo naaj bōktok ñan kom ilo weaaktok an Jijej Kūraij;
- [14] Āinwōt ro nejin jilikiie, koṃwin jab make kōmanman kom ekkar ñan mōm ko ami mokta, ilo iien ami jajelokjeṃ:
- [15] A āinwōt Eo e ar kūr kom E kwōjarjar, koṃwin barāinwōt kwōjarjar ilo wāween otemjej ami pād im kōmman;
- [16] Bwe emōj jeje, Koṃwin kwōjarjar; bwe Ña I kwōjarjar.
- [17] Im eļañne kom jar ñan Anij āinwōt Jememi, Eo ej ekajet armej otemjej ekkar ñan jermal ko aer, im jab kalijekļok armej, koṃwin pād iumwin iien ami ruwamāejet ilo mijak:
- [18] Bwe kom jelā ar jab pinmuur ñan kom kōn men in ijurwewe ko, kōn silver im kooļ, jān ami mour pata emōj likūte ñan kom jān ro jimmani ,

- [19] A kōn bōtōktōk e aorōk, āinwōt an ļaam ejjeļok ɲotaan im ekwōjarjar, aet eo an Kūraij:
- [20] Eo kar jeļā E ɲokta jān jinoin laļ, a Ej waļoktok ilo iien kein reliktata, kōn kom,
- [21] Ro ilo E komij lōke Anij eo E ar kajerkakpeje E jān ro re mej, im leļok ñan E, aiboojoj; bwe ami tōmak im kōjatdikdik ren ilo Anij.
- [22] Bwe kom ar karreo ami ilo ami pokake ɲool ñan yokwe jemjein jemjaten e jaje ɲoɲ, innām koɲwin kanooj yokwe doon kōn būruemi:
- [23] Bwe eɲōj bar keotak kom, jab jān ine ej ijurwewe, a jān eo e jāmin ijurwewe, kōn naan in Anij, eo ej mour im pād wōt.
- [24] Bwe, Kanniōk otemjej āinwōt wūjooj im aiboojoj otemjej an āinwōt leen wūjooj. Wūjooj ej aemedļok im leen ej wōtlōk:
- [25] A naan in Anij ej pād wōt indeeo. Im eñin naan eɲman ar kwaļoke ñan kom.

1 PITER – JEPTA 2

- [1Pi 2.1] Innām koɲwin joļok pāl otemjej im etao otemjej, im jeļā ɲoɲ ko, im juunɲaad ko, im kōnono ɲae otemjej,
- [2] Im āinwōt niñniñ rej kab ļotak, koɲwin mako milik eɲman im erre wōt, bwe koɲwin eddekļok kake ñan loɲoɲ;
- [3] Eļañne kom ar edjoñ jous an Irooj:
- [4] Eo komij itok ñan E, Ejɲaan emour, armej raar joļok E, a Anij ej kāālōt E im kaorōk E,
- [5] Barāinwōt kom, āinwōt ejɲaan remour Ej kalōk kom juon im ekkar ñan Jetōb, bwe koɲwin pris rok wōjarjar, bwe koɲwin leļok men in katok ko rekkar ñan Jetōb, im ko rej kabuñbūruen Anij kōn Jijej Kūraij.
- [6] Bwe eɲōj jeje ilo Jeje ko, Lo, ij likūt i Zaiōn ejɲaan in demōn eɲman, men in kāālōt, im e aorōk, im eo ej lōke E e jāmin jook.
- [7] Innām ñan komeo komij tōmak, men in aorōk, a ñan ro re jab tōmak, Ejɲaan eo, ri kalōk raar joļok e, eɲōj kōɲmane bwe en bōran demōn im,
- [8] Im dekā in ļokatip, kab ejɲaan in dāpijek; bwe rej jebebep ilo naan kōn aer jab pokake: men eo kar likūt er ñan e.
- [9] A kom epepen eɲōj kāālōte, pris ro im irooj ro, ri aelōñ rok wōjarjar, armej ro an Anij wōt, bwe koɲwin kōnnaanōkļok men ko reɲman an Eo e ar kūr kom jān marok im ñan ilowan meram eo An e men in bwilōñ;
- [10] Ilo iien ko remootļok kom kein jab ri aelōñ, a kiiō kom ri aelōñ an Anij; kom kein jab bōk tūriamokake, a kiiō eɲōj ami bōk tūriamokake.
- [11] Kom jitōnbōro, ij akweļap ñan kom, āinwōt ro ruwamāejet im ri itoitak, bwe koɲwin kōjparok kom jān ɲōm ko an kanniōk, rej tariɲaeik ami;
- [12] Im en ekkar ami pād im kōɲman ilo bwiljin ri aelōñ ko; bwe, ilo men eo rej kōnono ɲae kom kake āinwōt ri kōɲman nana, ren kaiboojoj Anij ilo raan eo raan in jous, kōn ami jermal ko reɲman rej loi.
- [13] Koɲwin kōttāik kom ñan kien ko otemjej an armej kōn Irooj: ñan irooj eļap bwe eutiejtata;

- [14] Ak ñan irooj rañ, bwe e ar jilkinwōj er bwe ren iden-oŋe ro rej kōmman nana, im nōbar ro rej kōmman emman.
- [15] Bwe ãindein ankilaan Anij, bwe, kōn ami kōmanman emman, komwin kaikōñ jajelōkjen an armej ro ri bwebwe:
- [16] Komij anemkwōjami ak komwin jab likūt men in kein kalbubu jerōwiwi, a komwin ri korijeran Anij.
- [17] Komwin kōmman men eo ekkar ñan armej otemjej. Komwin yokwe jemjein jemjaten. Komwin koutiej kiñ eo.
- [18] Komeo ri korijer, komwin kōttāik kom ñan karo ro ami ilo mijak otemjej; jab ñan er wōt ro remman im jouj, a barāinwōt ñan ro re anekeke.
- [19] Bwe eñin men in kabuñbūruen, eļaññe kōn bōklōkōt ñan Anij, armej ej kijenmej ilo eñtaan ko, ke rej kaeñtaan e ilo aer jab wānōk.
- [20] Bwe ewi unin nōbar, eļaññe komij kijenmej ke kom jerōwiwi im eñtaan kake? a eļaññe komij kijenmej ñe kom kōmman emman im eñtaan kake, men in ej kabuñbūruen Anij.
- [21] Im emōj kūr kom ñan men iñ: bwe Kūraj e ar eñtaan kōn kom, im likūt joñak ñan kom, bwe komwin anōke jenkwān ne ko neen:
- [22] Eo e ar jab kōmman nana, im ar jab lo etao ilo loñin:
- [23] Eo ke ar kōnono ñae E, e ar jab bar kōnono ñae; ke E ar eñtaan E ar jab kalōļñōñ a E ar make likūt E ñan Eo ej ekajet jimwe:
- [24] Eo e ar make bōk ļok jerōwiwi ko ad ilo ānbwinnen ioon wōjke eo, bwe, ke emōj ad mej in jerōwiwi, jān mour ñan kwōjarjar; im kōn kinej ko kōnjan ar kemour kom.
- [25] Bwe kom kein jebwābwe āinwōt jiiip ko; a kiiō kom ar jepļaaktok ñan Seperd eo im Ri lale ami.

1 PITER – JEPTA 3

- [1Pi 3.1] Āindein, liṃaro, komwin kōttāik kom ñan ļōṃaro pāleemi; bwe eļaññe jabdewōt e jab pokake naan eo, en reel būruen ñe ejjelōk naan, kōn an pāleir pād im kōmman;
- [2] Ne rej lo ami etetal ekwōjarjar ilo mijak.
- [3] Im komwin jab make kalōtlōt kom kōn kalōtlōt eo elikemi, kōn pirōk kooļan barōmi, kōn inōk kooļ, ak kōn kōṃak nuknuk ko.
- [4] A komwin make kalōtlōt kom ilo būruemi, kōn men eo e jāmin ijurwewe, kōn jetōb e ineemman im jouj wōt, eo e kanooj aorōk iṃaan mejan Anij.
- [5] Bwe ãindein, ilo iien ko remootļok, kōrā remman, ro raar kōjatdikdik er ilo Anij, rej make kalōtlōt er, im make kōttāik er ñan pāleir:
- [6] Āinwōt Sera e ar pokake Ebreā, im ṃaetan Irooj; im kom ro nejin kiiō, eļaññe komij kōmman emman, im jāmin mijak kōn jabdewōt lōļñōñ.
- [7] Āindein, ļōṃaro, komwin jokwe ippān pāleemi kōn jeļāļokjen, im koutiej kōrā rañ, āinwōt jāpe re ṃōjṃo jān kom, im ro ri jolōt ippemi kōn jouj in mour: bwe en ejjelōk men in bōbrae jar ko ami.

- [8] Im, bwe in kajem]ok naan kein, en būruemi otemjej wōt juon, komwin tūriamokake doon, komwin yokwe āinwōt jemjein jemjaten, komwin keni, im en ettā būruemi:
- [9] Komwin jab le]ok nana kōn nana, ak kajjirere kōn kajjirere; a āinjuon, jar; bwe emōj kūr kom ñan men in, bwe komwin jolōt jeraamman.
- [10] Bwe, Eo e kōṇaan yokwe mour, im lo raan ko remman, en dāpij loen jān nana, im tien bwe ren jab kōnono etao:
- [11] Im en ilok jān nana im en kōmman emman; en kapukōt aenōmman im loor e.
- [12] Bwe mejan Irooj rej lale ro remman, im lojilñin rej ñan jar ko aer: a turin mejan Irooj ej ioon ro rej kōmman nana.
- [13] Im wōn eo e naaj koṅkure kom, e]aññe komij kijejeto ilo men ko remman?
- [14] A e]aññe kom eñtaan kōn kwōjarjar, kom mōṅṅō wōt: im komwin jab mijak ilo aer mijak, im jab inepata;
- [15] A komwin kokwōjarjar Kūrai] āinwōt Irooj ilo būruemi: im komwin pojak iien otemjej bwe komwin uwaak ñan jabdewōt armej ej kajjitōk ippemi kōn unin kōjatdikdik eo ej ilowami, a kōn inee]mman im mijak:
- [16] Im en ippemi bōklōkōt emman; bwe, kōn men eo rej kajjirere kom kake, ren jook ro rej kōnono ṇae ami etetal emman ilo Kūrai].
- [17] Bwe, e]aññe ankilaan Anij en kōṇaan, emman bwe komwin eñtaan kōn kōmman emman, jān kōn kōmman nana.
- [18] Bwe Kūrai] barāinwōt E ar eñtaan kōn jerōwiwi juon wōt alen, Rū wānōk kōn ro re jab wānōk, bwe En karuwaak]ok kōj ñan Anij; im raar urōt E ilo kanniōk, a ar kemour E ilo jetōb;
- [19] Ilo eo E ar ilok im kwa]ok ñan jetōb ro ilo prisōn,
- [20] Ro raar kipiliia mokta, ke meanwōd an Anij e ar kattar er ilo raan ko an Noa, iumwin iien kapojak wa eo, im ilo e emōj lo]mōoren e iiet, ruwalitōk armej, kōn dān:
- [21] Im barāinwōt men in, ilo wāween men in kajjion emool, ej lo]mōoren kom, aet peptai], jab ami jo]ok bwidejdej an ānbwinnemi, a kajitūkun bōklōkōt emman ñan Anij, kōn jerkakpeje eo an Jijej Kūrai];
- [22] Eo ej i anbi]maroñan Anij im emōj An wanlōñ]ok ñan lañ; im ar kōttāik jān E enje] ro im jiōb ro im kajoor ko.

1 PITER – JEPTA 4

- [1Pi 4.1] Innām bwe Kūrai] e ar eñtaan ilo kanniōk, en ami lo]mṇak āinwōt eo An kōn kein tari]ae: bwe eo e ar eñtaan ilo kanniōk, e ar jokwōd jān jerōwiwi;
- [2] Bwe iumwin mōttan ami iien ilo kanniōk komwin jab pād im mour ilo mōm ko an armej ra], a ñan ankilaan Anij.
- [3] Bwe emman raan ko remoot]ok ren bwe kōn ami kōmman kōṇaan an ro ri pegan, im etetal ippaer ilo loñ, mōm ko renana, idaak wain, eb ko, kadek ko, im kabuñ ñan ekjab ko, re men in jōjōik:

- [4] Im rej lõmṇak e men in bwilõñ, bwe kom jab ettõr ippaer ñan tõr e kanooj ɔap
 ãinwõt aer, im kõnono ɳae kom kake;
- [5] Ro rej naaj kwaɔɔk kõn aer kõmṇan ñan Eo e pojak bwe En ekajet ro remour im
 ro re mej.
- [6] Bwe ñan men in emõj kwaɔɔk gospel ñan ro re mej, bwe en ekajet er ãinwõt armej
 ilo kanniõk, a bwe ren mour ekkar ñan Anij ilo Jetõb.
- [7] A jemɔkõn men otemjej ej epaaktok, innãm en jimwe ami lõmṇak, im komwin
 jatõr im jar:
- [8] Im eɔap jãn men otemjej, komwin kanooj yokwe doon; bwe yokwe ej kalbubu
 elõñ jerõwiwi:
- [9] Im komwin keni doon im jab lotaan:
- [10] Æinwõt jabdewõt iaami e ar bõk men in lewõj, en jipañ doon kake, ãinwõt ri
 kõmñe remṇan an jouj an Anij, elõñ wãween;
- [11] Eɔaññe jabdewõt armej ej kõnono, en kõnono ãinwõt naan ko an Anij; eɔaññe
 jabdewõt ej korijer en korijer kõn kajoor eo Anij ej leɔk: bwe ilo men otemjej ren
 kaiboojoj Anij kõn Jijej Kũraij im ippãn e aiboojoj im kajoor indeeo im indeeo.
 Amen.
- [12] Komeo, ro jitõnbõro, komwin jab lõmṇak kõn men in kijeek e naaj itok bwe en
 mãllejoñ kom, ãinwõt eɔaññe men eo ekãal ej waɔk ñan kom:
- [13] A komwin lañlõñ kõn ami bõk mõttan eñtaan ko an Kũraij, bwe ilo kwaɔk An
 aiboojoj komwin barãinwõt lañlõñ kõn lañlõñ e kanooj ɔap.
- [14] Eɔaññe rej kajjirere kake kom kõn etan Kũraij, komij mõñõñõ, bwe Jetõb an
 aiboojoj im an Anij ej pãd iomi.
- [15] A enjellõk iaami en eñtaan kõn an ri urõt, ak ri koõt, ak ri kõmṇan nana, ak ri
 waɔk ilo men ko an armej ro jet:
- [16] A eɔaññe armej ej eñtaan kõn an ri Kũrjin, en jab ãliklik, a en kaiboojoj Anij ilo
 Æt in.
- [17] Bwe iien in iien jino ekajet ilo imõn Anij; im eɔaññe ej jino ipped mokta, re naaj
 et, ro re jab pokake gospel an Anij?
- [18] Im eɔaññe e nañin pen an remṇan bõk mour, ri jab wãñõk im ri jerõwiwi re naaj
 ilõk iaɔk?
- [19] Innãm ro rej eñtaan ekkar ñan ankilaan Anij, ren liküt aer, kõn kõmṇan emṇan,
 ñan Eo Ri Kõmanman etiljek.

1 PITER – JEPTA 5

- [1Pi 5.1] Innãm ij kauwe elder ro ippemi, ña bar juon elder, im ri kõnnaan kõn eñtaan ko
 an Kũraij, im barãinwõt ri bõk mõttan aiboojoj eo e naaj waɔktok:
- [2] Komwin seperd bwijin Anij ej pãd ippemi, im lale e, jab ilo makoko a kõn ami
 kõñaan, ekkar ñan ankilaan Anij; jab kõn oñãn taɔa, a kõn ami yokwe;
- [3] Im komwin jab irooj ioon men eo emõj liküte ɳa ippemi, a komwin make joñak
 ñan bwij eo.
- [4] Im ñe Seperd eɔap E naaj waɔktok, kom naaj bõk ballin aiboojoj e jãmin mãjkun.

- [5] Āindein komeo eṃṃan ded, koṃwin kōttāik kom ñan rūtto raṇ. Aet, kom otemjej koṃwin ettā būruemi, in korijer ñan doon: bwe Anij ej juṃae ro ri juwa, a Ej leḷok jouj ñan ro ri ettā būrueir.
- [6] Innām koṃwin kōttāik kom iuṃwin pein Anij ekajoor, bwe En koutiej kom ilo iien ekkar:
- [7] Im koṃwin likūt ami inepata otemjej ṇa ippān, bwe Ej ierki kom.
- [8] Koṃwin jatōr, koṃwin ekil: ri kōjdate kom, tepiḷ eo, āinwōt ʒaiḏōn e rorror, ej etetal wōt im pukot eo ej maroñ in kañi:
- [9] Eo koṃwin jutak juṃae im pen ilo ami tōmak bwe kom jeḷā bwe eñtaan kein, ro jeiōmi im jatōmi rej pād i laḷ, rej eñtaan kaki.
- [10] Im Anij in jouj otemjej, Eo e ar kūr kom ñan aiboojoj eo An indeeo ilo Kūraiḷ, ñe eṃōj ami eñtaan jidik iien, E naaj make koweppan, kapen, im kakajoor kom.
- [11] Ñan Eo en kajoor potata indeeo im indeeo. Amen.
- [12] Kōn Silvenōs, jated etiljek, āinwōt ij watōk e, eṃōj aō jejewōj ñan kom ilo e iiet naan, im kauwe, im kōnnaan bwe āin jouj eṃool an Anij. Koṃwin jutak pen ilo e.
- [13] Lio, eo i Babulōn, eo eṃōj kāālōte ippemi, ej yokyokwe kom: barāinwōt Mark, nejiō.
- [14] Koṃwin yokyokwe doon kōn mejenma in yokwe. Aenōṃṃan ñan kom otemjej rej ilo Kūraiḷ.

2 PITER

2 PITER – JEPTA 1

- [2Pi 1.1] Saimon Piter, karijer im ri jelōk an Jijej Kūraij, ñan ro, eṃōj aer jibadek tōmak e aorōk, āinwōt kōj, ilo kwōjarjar an ad Anij im Ri Lomōor Jijej Kūraij:
- [2] Jouj ñan kom im aenōmman en lōñlok ilo jelā Anij im Jijej ad Irooj;
- [3] Bwe an kajoor āinwōt an Anij, e ar letok ñan kōj men ko otemjej rekkar ñan mour im kōmman ekwōjarjar, kōn jelā Eo e ar kūr kōj ilo An aiboojoj im maroñ;
- [4] Kōn men ko E ar letok ñan kōj muri ko An reļaptata im aorōk; bwe ilo er koṃwin ri bōk mōttan biktokin Anij, ke eṃōj ami ko jān kōt eo ej pād ilo laļ kōn mōm ko renana.
- [5] Aet, im kōn men in koṃwin kanooj kate kom, im ilo ami tōmak koṃwin kake eṃman; im ilo ami eṃman, jelāļokjeṃ;
- [6] Im ilo ami jelāļokjeṃ, jatōr: im ilo ami jatōr, kijenmej, im ilo ami kijenmej, wānōk;
- [7] Im ilo ami wānōk, jouj ñan doon; im ilo ami jouj yokwe.
- [8] Bwe eļañne men kein rej ami im lōñlok, rej kōmman bwe koṃwin jab jowan ak jowa ñan jelā ad Irooj Jijej Kūraij.
- [9] Bwe eo, men kein re jab ippān, e pilo, im ej lo men ej wōt ej epaak, im ej meļokļok kōn karreo e jān jerōwiwi ko an mōkta.
- [10] Kōn men eo, ro jatiō, en laļok ami kate kom im kaṃool an kūr im kāālōt kom: bwe eļañne komij kōmman men kein kom jāmin tipñōl:
- [11] Bwe āindein naaj wūjlepwoj ñan kom deļoñ eo ilowan aelōñ indeeo an ad Irooj im Ri Lomōored Jijej Kūraij.
- [12] Kōn men eo, iien otemjej I naaj pojak in kakeememej kom kōn men kein, meñe kom jelā kajjieir, im pen wōt ilo mool eo ej pād ippemi.
- [13] Im iuṃwin aō pād ilo imōn kōppād in, ij lōmṃak bwe ejimwe aō kakijejetoik kom kōn keememej;
- [14] Bwe I jelā e naaj mōkaj an utūk aō imōn kōppād, im āindein ad Irooj Jijej Kūraij e ar bakajjien ñan eō.
- [15] Aet, I naaj kate eō bwe, iien otemjej, koṃwin maroñ in keememej men kein ālikin aō ilok.
- [16] Bwe kōm ar jab kajjioñe bwebwenato waan ko an ri kapeel, ke kōm ar kōjjeļaik kom kajoor im itok an ad Irooj Jijej Kūraij, a kōm ar ri kallimjek An wōj potata.
- [17] Bwe E ar bōk jān Anij Jemen nōbar im aiboojoj, ke ainikien eo e ar itok ñan E jān wōj eo eṃman potata, E in Nejiō jitōnbōro ippa, im Eo ij buñbūruō kake:
- [18] Im ainikien in kōm ar roñjake itok jān lañ, ke kōm ar pād ippān ilo toļ ekwōjarjar.
- [19] Im ipped naan in rūkaanij, ar kapenlok e, eo eṃman ami kōmman eļañne komij kōjparoke, āinwōt meram ej romaak ijo e marok, mae iien raantak, im iju raan ej tak ilo būruemi:
- [20] Im kom jelā men in mōkta, bwe ejjeļok naan in rūkaanij an Jeje ko an ri kanaan ro kameļeikļok iaer.

[21] Bwe ejjelok naan in rūkaanij e ar itok kōn ankilaan armej: a armej raar kōnono jān Anij, kōn an Jetōb Kwōjarjar kokōnonoik er.

2 PITER – JEPTA 2

- [2Pi 2.1] A ro ri kanaan riab raar waļok ilo bwiljin armej raņ, im barāinwōt e naaj wor ri kaki riab ippemi, ro re naaj kadeļoñwōj ilo ettino katak ko re bōd im rej kōkkure, im re naaj kaarmejjete Irooj eo E ar wiaik er, im naaj bōktok ioer kōkkure mōkaj.
- [2] Im elōñ re naaj kajjioñe ejej ko aer; im kōn er naaj kōnono ñae ial in mool.
- [3] Im ilo ankoņak, kōn naan in etao ko, re naaj wia kōn kom: ro naan in liaakļok er jān eto e jab ruņwij tok, im kōkkure er e jab kiki.
- [4] Bwe eļañe Anij e ar jab tūriamokake enjeļ ro ke raar jerowiwī, a jolaļok er ñan jikin nana, im likūt er ña ilowan roñ in marok ko, bwe En dāpij er ñan ekajet;
- [5] Im E ar jab tūriamokake laļ mōkta, a E ar kōjparok Noa, im bar jet jiljilimjuon, e ri kwaļoke kwōjarjar, ke Ej bōktok lañ eo ioon laļ an ro ri nana,
- [6] Im E ar kanooj tile jikin kwelok ko Sodōm im Gomorra, im liaakļok er ñan kōkkure, im likūt er joņak on ro re naaj kōmman nana tokālik;
- [7] Im E ar lomōoren Lot, armej e wānōk, ke eļap an būromōj kōn an ro ri nana kōmman ilo ejej,
- [8] (Bwe kōn an lo im roņjake er, armej iņ emman ke ej pād ippaer, e ar kabūromōj an emman raan otemej kōn aer kōmman im kōtrāe kien):
- [9] Anij e jeļā kōjkan an kōtļok ro remman jān men in kapo, im dāpij ro renana ilo joñan koņton ñan raan in ekajet;
- [10] A, ļaptata ro rej ļoor kanniōk ilo mōm ko an ettoon, im kajekdoņon kajoor an Irooj raņ: rej mōkadmokad im bōt, re jab mijak in kōnono ñae men ko reutiej;
- [11] Ijoke enjeļ raņ, meñe reļap jān er ilo kajoor im maroñ, re jab bōktok kinaakļok in kajjirere ñae er, imaan mejan Irooj.
- [12] A rein, āinwōt kidu ko re bwebwe, im ļotak ñan jibwe im kōkkure er, rej kōnono nana kōn men ko re jaje kaki, im re naaj jako ilo aer kōt;
- [13] Im naaj eñtaan kōn nana oñan aer kōmman nana; armej rej likūt kadek ilo raan men in mōñōñō, rej mar ko im men in kananaik ko, im rej yokwe im mōñōñō kake moņ ko aer, ke rej kwōjkwōj ippemi:
- [14] Im mejeir re obrak kōn ļoñ, im ban je jān jerowiwī; rej kamej ro ri loaņinutor; im būrueir re minene kōn ankoņak; ro nejin kooļ;
- [15] Raar ilok jān ial ejimwe, im jebwābwe, ke raar ilok ieļok ilo ial an Beleōm, nejin Beor, eo e ar yokwe oñan kōmman nana;
- [16] A ar eņouk e kōn an kōmman nana; kidu ass e ban kōnono, e ar ba kōn ainikien armej, im bōbrae an ri kanaan eo wūdeakeak.
- [17] Rein rej aebōj ko im ejjelok dān, im rej tab ko bōk ļok kōn aire; im ar kōjparok ñan er kilmeej in marok.
- [18] Bwe, ke rej ba naan ko re bōj im kilep ak ejjelok kobban, rej kareel ilo mōm ko an kanniōk, kōn ļoñ ko, ro rej kab ko jān ro rej pād wōt ilo bōd;

- [19] Rej muri ñan er kōn aer anemkwōjaer, ke rej make ri kamakoko an kōt; bwe jabdewōt men eo ej bōk anjo ioon armej, men in ej kamakokoik e.
- [20] Bwe eļañņe, ālikin aer ko jān ettoon ko an laļ, ilo jeļā Irooj im Ri Lomṣor Jijej Kūraij, rej bar ļorak kaki im eṃōj battok er, innām aer pād im mour ālik enana jān eo ṃokta.
- [21] Bwe eṃman ñan er, eļañņe raar jab jeļā ial in kwojajar, jān ke eṃōj aer jeļā kajjien rej oktaklik jān kien ekwōjarjar ar likūt e ṅa ippaer.
- [22] Im e ar waļok ñan er ekkar ñan jabōn kōnnaan eṃool, Kidu rorrer e ar oktak ñan ṃōj eo ṃōjen, im piik kokōrā, eṃōj kwaļe, ñan pedkat im dapelpel.

2 PITER – JEPTA 3

- [2Pi 3.1] Kiiō, ro jitōnbōro, ij jejewōj ñan kom lōta in kein ka ruo, im ilo erro ij kōruj ami ļoļātāt erre kōn keememej:
- [2] Bwe koṃwin keememej naan ko ri kanaan raar ba ṃokta, im kien Irooj im Ri Lomṣor, eṃōj lewōj kōn ri jeļōk ro ami:
- [3] Im kom jeļā men in ṃokta, bwe ilo raan ko āliktata, ewor ri kajjirere re naaj itok im kajjirere, im etetal ilo ṃōṃ ko aer, im ba,
- [4] Ej pād ia kallimur eo kōn An itok? bwe, jān raan eo ke ro jimṃad raar kiki, men ko otemjej raar pād wōt āinwōt aer pād jān jinoin kōṃman.
- [5] Bwe rej kōṅnaan meļokļok men in, bwe lañ ko raar pād jān iien ko remootļok, kab laļ eo eṃōj kapene jān dān im kōn dān, kōn naan in Anij;
- [6] Im kōn men kein laļ, e kar ilo iien eo, ke dān ej kalbubu e, e ar jako:
- [7] A lañ ko kiiō im laļ, kōn naan eo, kōjparoki ñan kijeek ilo raan in ekajet im kōkkure armej renana.
- [8] A koṃwin jab meļokļok men in, komeo jitōnbōro, bwe ippān Irooj juon raan ej āinwōt juon tōujin iiō, im juon tōujin iiō āinwōt juon raan.
- [9] Irooj e jab kemmer kōn An kallimur, āinwōt jet rej watōk ruṃwij; a Ej meanwōd ñan kom, im jab kōṅnaan bwe jabdewōt en jako, a bwe ren otemjej itok im ukeļok ippaer.
- [10] A raan in Irooj e naaj itok āinwōt ri kōot, im ilo e lañ ko re naaj jakoļok kōn ñōrñōr eļap, im men ko ilo e re naaj ōnļok kōn bwil eļap, im laļ kab men in kōṃman ko ilo e, naaj kanooj tile er.
- [11] Innām, bwe naaj āindein an men kein otemjej unļok, ta men eo koṃwin wōjake ilo kōṃman wānōk im kabuñ rokwōjarjar,
- [12] Ke komij katmāne im lipjerjer an raan in Irooj itok, kōn eo lañ ko re naaj ṃonļok ilo kijeek, im men ko ilowan re naaj ōnļok kōn bwil eļap?
- [13] A ekkar ñan kallimur eo An, jej katmāne kōn lañ ko rekāāl im laļ ekāāl, eo kwōjarjar ej jokwe ilowan.
- [14] Kōn men in, ro jitōnbōro, ke komij katmāne kōn men kein, koṃwin kate kom bwe En lo kom ilo aenōṃman im ejjeļok ami mar ak ṅotami imaan mejan,
- [15] Im koṃwin watōk meanwōd an ad Irooj lomṣor; āinwōt jated Paul, e jitōnbōro, e ar jejewōj ñan kom kōn mālōtlōt ar leļok ñan e;

- [16] Āindein barāinwōt ilo lōta otemjej an, ej ba ilo er kōn men kein; jet iaer repen kōn mejeje kaki, im ro ri jajeļokjeņ im ri loaņinutor rej kankeke er, im barāinwōt Jeje ko jet, ñan kōkkure er make.
- [17] Innām koņeo, ro jitōnbōro, bwe kom jeļā mokta kōn men kein, koņwin lale ñe kab bōk ļok kom kōn bōd an ro renana, im kom buñ jān ami pen.
- [18] A koņwin eddekļok ilo jouj im jeļā ad Irooj Jijej Kūraij. Ñan E en aiboojoj kiiō im ñan indeeo. Amen.

1 JON

1 JON – JEPTA 1

- [1Jo 1.1] Men eo e ar jān jinoin, eo kōm ar roñjake, eo kōm ar loe kōn mejem, eo kōm ar kallimjeke, im peim raar uññūri kōn Naan in mour.
- [2] (Im mour eo e ar waļoktok, im kōm ar loe, im kōnnaan kake, im kwaļok ñan kom mour eo, mour indeeo, eo e ar ippān Jemed, im ar kwaļok e ñan kōm);
- [3] Men eo kōm ar loe im roñjake kōm kwaļok e ñan kom barāinwōt, bwe ami kōmṁao en barāinwōt ippem; aet, im am kōmṁao ej ippān Jemed im ippān Nejin, Jijej Kūraij:
- [4] Im kōm jeje men kein, bwe ar lañlōñ en obrak.
- [5] Im e in naan eo kōm ar roñjake jān E, im kwaļok e ñan kom, bwe Anij e meram, im ejjeļok marok ilo E.
- [6] Eļañne jej ba bwe jej kōmṁao ippān, im etetal ilo marok, jej riab, im je jab kōmṁanṁan ṁool:
- [7] A eļañne jej etetal ilo meram, āinwōt Ej ilo meram, jej kōmṁao ippān doon, im bōtōktōkin Jijej Nejin, ej karreoik kōj jān jerowiwī otemjej.
- [8] Eļañne jej ba bwe ejjeļok jerowiwī ipped, jej make ṁoni kōj, im ṁool e jab ilo kōj.
- [9] Eļañne jej kwaļok jerowiwī ko ad, E tiljek im wānōk bwe En jeorļok jān kōj jerowiwī ko, im karreo kōj jān jab wānōk otemjej.
- [10] Eļañne jej ba bwe jaar jab jerowiwī, jej kariab E, in An in naan e jab ilo kōj.

1 JON – JEPTA 2

- [1Jo 2.1] Ajri ro nejiō, ij jejewōj men kein ñan kom, bwe koṁwin jab jerowiwī. Im eļañne jabdewōt armej ej jerowiwī, juon ad Ri Jojomar ippān Jemed, Jijej Kūraij Rū Wānōk:
- [2] Im E kein medek kōn jerowiwī ko ad, im jab kōn ad wōt, a barāinwōt kōn aolepen laļ.
- [3] Im ilo men in je jeļā bwe jej jeļā E, eļañne jej kōjparok kien ko An.
- [4] Eo e ba, I jeļā E, im e jab kōjparok kien ko An, ej ri riab, im ṁool e jab ilo e:
- [5] A jabdewōt eo ej kōjparok An in naan, eṁool ar koweppan yokwe Anij ilo e. Ilo men in je jeļā bwe jej ilo E:
- [6] Eo e ba bwe ej pād ilo E, eṁṁan en etetal āinwōt E ar etetal.
- [7] Kom, ro jitōnbōro, I jab jejewōj ñan kom kien ekāāl, a kien eto eo e ar ippemi jān jinoin: kien eo eto, naan, eo kom ar roñjake.
- [8] Bar juon, ij jejewōj ñan kom kien ekāāl, men eo eṁool ilo E im ilo kom, bwe marok e jakoļok im meram eṁool ej romaak kiiō.
- [9] Eo ej ba bwe ej ilo meram, im ej kōjdate jein im jatin, ej pād ilo marok ñan iien in.
- [10] Eo ej yokwe jein im jatin ej pād wōt ilo meram, im ejjeļok ļokatip ilo e.

- [11] A eo ej kōjdate jein im jatin ej ilo marok, im ej etetal ilo marok, im e jaje ijo ej ilok ie lok, bwe emōj an marok kapilo mejan.
- [12] Ij jejewōj ñan kom, ajri ro nejiō, bwe emōj jeorlok jerowiwu ko ami kōn Etan.
- [13] Ij jejewōj ñan kom, rūtto raṅ, bwe kom jeļā Eo e jān jinoin. Ij jejewōj ñan kom, ro likao, bwe kom ar bōk anjo ioon ri nana eo. I ar jejewōj ñan kom, ajri raṅ, bwe kom jeļā Jemed.
- [14] I ar jejewōj ñan kom, rūtto raṅ, bwe kom jeļā Eo ej jān jinoin. I ar jejewōj ñan kom, ro likao, bwe komij pen, im naan in Anij ej pād wōt ilo kom, im kom ar bōk anjo jān ri nana eo.
- [15] Komwin jab yokwe laḷ ak men ko ilo laḷ. Eļañne jabdewōt armej ej yokwe laḷ, yokwe Jemed e jab ilo e.
- [16] Bwe men ko otemjej ilo laḷ, mōm an kanniōk, mōm an mej ko im wōj waan an mour in, re jab an Jemed a rej an laḷ.
- [17] Im laḷ e jakoļok im mōm ko an: a eo ej kōmanman ankilaan Anij ej pād wōt indeeo.
- [18] Ajri raṅ, ej awa āliktata; im āinwōt kom ar roñ bwe ri jumae Kūraij ej itok, ien in elōñ ri jumae Kūraij raar waļok. Kōn men in je jeļā bwe ej awa āliktata.
- [19] Emōj aer diwōjlok jān lo bwiljed, a raar jab iad; bwe eļañne raar iad re naaj kar pād wōt ipped: a raar diwōjlok bwe en kaalikkar er ekōjkan er otemjej re jab iad.
- [20] Im ami kapit jān Ri Kwōjarjar, im kom jeļā men otemjej.
- [21] I ar jab jejewōj ñan kom bwe kom jaje mool, a bwe kom jeļā e, im bwe ejjeļok riab e jān mool.
- [22] Wōn ri riab eļañne jab eo ej ba bwe Jijej e jab ri Kūraij? E in ri jumae Kūraij, eo ej kaarmejjete Jemed im Nejin.
- [23] Jabdewōt eo ej kaarmejjete Nejin, Jemed e jab ippān: eo ej kwaļok Nejin, Jemed ej barāinwōt ippān.
- [24] Komeo, men eo kom ar roñjake jān jinoin en pād wōt ilo kom. Eļañne ej pād wōt ilo kom men eo kom ar roñjake jān jinoin, kom naaj pād wōt ilo Nejin im ilo Jemed.
- [25] Im e in kallimur eo E ar kallimur ñan kōj kake, mour indeeo.
- [26] Emōj aō jejewōj ñan kom men kein kōn ro rej kejebwābweik kom.
- [27] Ak komeo, kapit eo kom ar bōk jān E ej pād wōt ilo kom, im kom jab aikuj bwe jabdewōt en katakin kom; a āinwōt kapit eo An ej katakin kom kōn men otemjej, im emool im e jab men in riab, im āinwōt e ar katakin kom, komij pād wōt ilo E.
- [28] Im kiiō, ajri ro nejiō, komwin pād wōt ilo E, bwe eļañne E naaj weaaktok, jen peran im jab āliklik imaan mejan ñe Ej itok.
- [29] Eļañne kom jeļā bwe Ej wānōk, kom jeļā bwe ro otemjej barāinwōt. rej kōmman wānōk, rej lotak jān E.

1 JON – JEPTA 3

- [1Jo 3.1] Komwin lale wāween ot yokwe Jemed e ar letok ñan kōj, bwe jān etṅake nejin Anij; im kōj āindein. Kōn men in laḷ e jab jeļā kōj bwe e ar jab jeļā E.

- [2] Kom ro jitōnbōro, kōj ro nejin Anij, im e jañin polel an waļok e naaj kōjkad. Je jeļā bwe, eļañņe E naaj weaaktok, je naaj āinwōt E, bwe je naaj lo E wōt E.
- [3] Im ro otemjej, kōjatdikdik in kōn E ej ippaer, rej karreo er āinwōt Ej erreo.
- [4] Ro otemjej rej kōmman jerowiwī rej kōtrāe kien eo: bwe jerowiwī ej men in kōtrāe kien.
- [5] Im kom jeļā bwe E ar waļok bwe En bōk ļok jerowiwī ko. Im ejjeļok jerowiwī ilo E.
- [6] Jabdewōt eo ej pād wōt ilo E, e jab jerowiwī. Jabdewōt eo ej jerowiwī, e ar jab lo E, im e jab jeļā E.
- [7] Ajri ro nejiō, ejjeļok armej en kejebwābweik kom. Eo ej kōmman kwōjarjar ej kwōjarjar, āinwōt E ej kwōjarjar:
- [8] Eo ej kōmman jerowiwī ej an tepiļ; bwe tepiļ ej jerowiwī jān jinoin. Im Nejin Anij e ar waļok kōn men in, bwe En kōkkure jermal ko an tepiļ.
- [9] Jabdewōt eo Anij e ar keotak e, e jab kōmman jerowiwī, bwe ine eo an ej pād wōt ilo e, im e ban jerowiwī, bwe Anij e ar keotak e.
- [10] Ro nejin Anij, im ro nejin tepiļ, rej alikkar ilo men in: jabdewōt eo e jab kōmman wānōk, e jab jān Anij, barāinwōt eo e jab yokwe jein im jaten.
- [11] Bwe eñin naan eo kom ar roñ jān jinoin, bwe jen yokwe doon.
- [12] Jab āinwōt Kein ej an ri nana eo im ar urōte jaten. Im ewi unin an urōte? Bwe jermal ko an renana, im ko an jaten re wānōk.
- [13] Ro jatiō, komwin jab bwilōñ eļañņe laļ ej kōjdate kom.
- [14] Je jeļā bwe jaar eļļā jān mej ñan mour, bwe jej yokwe jemjein jemjaten. Eo e jab yokwe ej pād wōt ilo mej.
- [15] Jabdewōt eo ej kōjdate jein im jaten ej ri uror, im kom jeļā bwe mour indeeo e jab pād wōt ilo jabdewōt rū uror.
- [16] Ilo men in je jeļā yokwe, bwe E ar likūt mour eo An kōn kōj: im emman jān likūt ad mour kōn ro jeed im jated.
- [17] A jabdewōt eo, eļañņe ewor mweiuk ko an laļ ippān, im ej lo an jein im jaten aikuļ, im ej kili būruen jān e, ekōjkan yokwe Anij en pād ilo e?
- [18] Ajri ro nejiō, jen jab yokwe ilo naan ak kōn loed, a ilo kōmman im mool.
- [19] Ilo men in je naaj jeļā bwe kōj jān mool im je naaj kareel būrued imaan mejan.
- [20] Bwe eļañņe būrued ej liaakļok kōj, Anij eļap jān būrued im E jeļā men otemjeļok.
- [21] Kom, ro jitōnbōro, eļañņe būrued e jab liaakļok kōj, jej peran ñan Anij;
- [22] Im jabdewōt men eo jej kajjitōk ippān jej bōk jān E, bwe jej kōjparok kien ko An, im kōmman men ko rej men in mōñōñō imaan mejan.
- [23] Im eñin kien eo An, bwe jen tōmak ilo etan Nejin, Jijej Kūraiļ, im yokwe doon āinwōt E ar letok kien ñan kōj.
- [24] Im eo ej kōjparok kien ko An ej pād wōt ilo E, im E ilo e. Im ilo men in je jeļā bwe Ej pād wōt ilo kōj kōn Jetōb eo E ar letok ñan kōj.

1 JON – JEPTA 4

- [1Jo 4.1] Ro jitōnbōro, koṃwin jab tōmak jetōb otemjej, a mällejoñ jetōb raṇ eḷaññe rej jān Anij ke jab ke: bwe elōñ ri kanaan riab raar diwōjlok ṇa ilo laḷ.
- [2] Ilo men iṇ koṃwin kile Jetōb on Anij: jetōb otemjej rej kwaḷok kōn an Jijej Kūraj ar itok ilo kanniōk, re jān Anij:
- [3] Im jetōb otemjej re jab kwaḷok Jijej re jab jān Anij: im e iṇ jetōb ri juṃae Kūraj, eo kom ar roñ bwe ej itok; im iien iṇ ej ilo laḷ.
- [4] Ajri ro nejiō, kom jān Anij, im kom ar bōk anjo ioyer, bwe Eo ej ilo kom eḷap jān eo ej ilo laḷ.
- [5] Rej jān laḷ, innām rej kōnono āinwōt jān laḷ, im laḷ ej roñjake er.
- [6] Kōjeo jej jān Anij: eo ej jeḷā Anij e roñjake kōj; eo ej jab jān Anij e jab roñjake kōj. Ilo men iṇ je jeḷā Jetōb on ṃool, im jetōb an bōd.
- [7] Kom, ro jitōnbōro, jen yokwe doon: bwe yokwe e jān Anij; im ro otemjej rej yokwe, eṃōj keotak er jān Anij, im re jeḷā Anij.
- [8] Eo e jab yokwe e jab jeḷā Anij; bwe Anij yokwe.
- [9] Ilo men iṇ eṃōj kwaḷok ilo kōj an Anij yokwe, bwe E ar jilkintok ilo laḷ juon wōt E ar keotak, bwe jen mour kōn E.
- [10] Yokwe ej ilo men iṇ, jab bwe jaar yokwe Anij, a bwe E ar yokwe kōj, im jilkintok Nejin, bwe En kein medek kōn jerōwiwi ko ad.
- [11] Kom, ro jitōnbōro, eḷaññe āindein an Anij yokwe kōj, eṃṃan jen barāinwōt yokwe doon.
- [12] Ejjeḷok armej e ar lo Anij jabdewōt iien. Eḷaññe jej yokwe doon, Anij ej pād ilo kōj, im yokwe E ej weppanlok ilo kōj:
- [13] Ilo men iṇ je jeḷā bwe jej pād ilo E, im E ilo kōj, bwe E ar letok ṇan kōj Jetōb eo An.
- [14] Im kōm ar lo im kōnnaan bwe Jemed e ar jilkintok Nejin bwe En ri Lomōoren laḷ.
- [15] Jabdewōt eo e naaj kwaḷok bwe Jijej e Nejin Anij, Anij ej pād ilo e im e ilo Anij.
- [16] Im je jeḷā im jaar tōmak yokwe eo ej ippān Anij ilo kōj. Anij yokwe: im eo ej pād ilo yokwe ej pād ilo Anij im Anij ej pād ilo e.
- [17] Ilo men in yokwe ej weppanlok ipped, bwe jen peran ilo raan in ekajet eo; bwe āinwōt E, āindein kōj ilo laḷ iṇ.
- [18] Ejjeḷok lōḷñōñ ilo yokwe, a yokwe e weppān ej joḷok lōḷñōñ, bwe ewor eñtaan ilo lōḷñōñ; im eo ej lōḷñōñ jañin koweppan e ilo yokwe.
- [19] Jej yokwe bwe E ar yokwe kōj ṃokta.
- [20] Eḷaññe armej ej ba, Ña ij yokwe Anij, im ej kōjdate jein im jatin, e ri riab: bwe eo e jab yokwe jein im jatin eo e ar lo e, ej ban yokwe Anij eo e ar jab loe.
- [21] Im kien iṇ ipped jān E, bwe eo ej yokwe Anij, en barāinwōt yokwe jein im jatin.

1 JON – JEPTA 5

- [1Jo 5.1] Jabdewōt eo ej tōmak bwe Jijej e ri Kūraj, eṃōj keotak e jān Anij; im jabdewōt eo ej yokwe Eo ar keotak e, ej barāinwōt yokwe eo eṃōj keotak e jān E.

- [2] Ilo men in je jeļā bwe jej yokwe ro nejin Anij, ke jej yokwe Anij, im kōmanman kien ko An.
- [3] Bwe eņin yokwe Anij, bwe jen kōjparok kien ko An: im kien ko An re jab eddo.
- [4] Bwe jabdewōt men eo Anij ej keotak e, ej bōk anjō ioon laļ. Im eņin anjō eo jaar anjō kake ioon laļ, ad tōmak.
- [5] Wōn eo ej bōk anjō ioon laļ, eļañņe jab eo ej tōmak bwe Jijej e Nejin Anij?
- [6] E in Eo e ar itok kōn dān im bōtōktōk, Jijej Kūraij; jab ilo dān wōt, a ilo dān eo im bōtōktōk eo. Im e Jetōb eo Ej kōnnaan kake, bwe Jetōb eṃool.
- [7] Bwe ro rej kōnnaan rej jilu,
- [8] Jetōb, im dān, im bōtōktōk, erjil rej penwōt juon.
- [9] Eļañņe jej bōk an armej kōnnaan, kōnnaan an Anij eļap jān e, bwe eņin kōnnaan an Anij, bwe E ar kōnnaan kōn Nejin.
- [10] Eo ej tōmak Nejin Anij, kōnnaan ippān ilo e: eo e jab tōmak Anij, e ar kariab E; bwe e ar jab tōmak kōnnaan eo Anij e ar kōnnaan kōn Nejin.
- [11] Im eņin kōnnaan eo, bwe Anij e ar letok ñan kōj mour indeeo, im mour in ej ilo Nejin.
- [12] Eo Nejin ippān, mour ej ippān; eo Nejin Anij e jab ippān, mour e jab ippān.
- [13] I ar jejewōj ñan kom men kein bwe koṃwin jeļā bwe mour indeeo ippemi, aet, ñan kom komij tōmak ilo etan Nejin Anij.
- [14] Im eņin peran eo ipped ñan E, bwe eļañņe jej kajjitōk ippān kōn jabdewōt men eo ekkar ñan ankilaan, Ej roņjake kōj.
- [15] Im eļañņe je jeļā bwe Ej roņjake kōj kōn jabdewōt ad kajjitōk ippān, innām je jeļā bwe rej ipped men in kajjitōk ko, jaar kajjitōk ippān kaki.
- [16] Eļañņe jabdewōt armej ej lo jein im jaten ej jerowiwī kōn jerowiwī e jab ñan mej, e naaj kajjitōk im Anij e naaj leļok mour ñan e kōn ro rej jerowiwī im e jab ñan mej. Juon jerowiwī e ñan mej. I jab ba bwe en kajjitōk kake.
- [17] Jab wānōk otemjej jerowiwī, im ewor jerowiwī re jab ñan mej.
- [18] Je jeļā bwe jabdewōt eo eṃōj keotak e jān Anij, e jab jerowiwī. A eo Anij e ar keotak e ej make kōjparok e, im ri nana eo e jab uñņüre.
- [19] Je jeļā bwe kōj jān Anij, im aolepen laļ ej pād wōt ilo ri nana eo.
- [20] Im je jeļā bwe Nejin Anij e ar itok, im E ar letok ñan kōj mālōtlōt bwe jān jeļā Eo eṃool, im kōj ilo Eo eṃool, ilo Nejin, Jijej Kūraij. E in Anij eṃool im mour indeeo.
- [21] Ajri ro nejiō, koṃwin kōjparok kom jān ekjab ko.

2 JON

- [2Jo 1.1] Ña elder ñan lio emōj kããlōte, im ñan ro nejin, ro ij yokwe er ilo mool, im jab ña wōt a barãinwōt ro otemjej rej jelã mool;
- [2] Kõn mool eo ej pãd wōt ilo kōj, im e naaj pãd ipped indeeo:
- [3] E naaj ipped jouj, tūriamokake im aenōmman jãn Anij Jemed, im jãn Jijej Kūraij, Nejin Jemed, ilo mool im yokwe.
- [4] Eļap aō lañlōñ bwe I ar lo jet iaan ro nejōm im rej etetal ilo mool, ãinwōt jaar bōk kien jãn Jemed.
- [5] Im kiiō ij akweļap ñan eok, lio, jab ãinwōt aō jejewōj ñan eok kien ekããl, a eo e ar pãd ipped jãn jinoin, bwe jen yokwe doon.
- [6] Im eñin yokwe bwe jen etetal ekkar ñan kien eo An. Eñin kien eo, ãinwōt kom ar roñjake jãn jinoin, bwe komwin etetal ilo e.
- [7] Bwe elōñ ri kejobwãbweik raar diwōj]lok ilo la], ro re jab kwa]ok kōn an Jijej Kūraij itok ilo kanniōk. E in ri kejobwãbwe im ri jumae Kūraij.
- [8] Komwin lale mōk bwe en jab jako jãn kom men ko kom ar kōmanman, a bwe komwin bōk jinōkjeej eļap.
- [9] Jabdewōt eo ej etal imaan]ok im jab pãd wōt ilo katak an Kūraij, Anij e jab ippãn: eo ej pãd wōt ilo katak eo, Jemed im Nejin rej ippãn.
- [10] Eļaññe jabdewōt armej ej iwōj ñan kom, im jab bōkwōj katak iñ, komwin jab bōk e ilo mweo imwemi, im jab yokyokwe e:
- [11] Bwe eo ej yokyokwe e ej bōk mōttan jermal ko an renana.
- [12] Elōñ men ko ippa bwe in jejewōj ñan kom, a I jab kōnaa jeje er kōn peba im inik: a ij katmãne bwe in iwōj ñan kom, im kōnono ippemi jelmae doon, bwe ami lañlōñ en obrak.
- [13] Ro nejin lio jiom im jatiōm emōj kããlōt e, rej yokyokwe eok.

3 JON

- [3Jo 1.1] Ña elder ñan Geiōs ri jitōnbōro, eo ej yokwe ilo ɱool.
- [2] Kwe jitōnbōro, ij jar bwe kwōn jeban kōn men ko otemjej im mour, āinwōt am ej jeban.
- [3] Bwe I ar kanooj lañlōñ, ke jemjein jemjaten raar itok im kōnnaan kōn am ɱool, āinwōt kwōj etetal ilo ɱool.
- [4] Ejjeļok lañlōñ ippa eļap jān in, bwe in roñ kōn an ro nejiō etetal ilo ɱool.
- [5] Kwe jitōnbōro, kwōj kōmman jermal etiljek ilo jabdewōt men eo kwōj kōmmane ñan ro rej jemjein jemjaten im ruwamāejet;
- [6] Ro raar kōnnaan kōn am yokwe imaan mejan eklejia, im eļañne kwōj kowanmaanļok er ilo aer etal ekkar ñan Anij, e naaj emman am kōmman:
- [7] Bwe kōn Āt eo, raar ilok im jab bōk jabdewōt jān ro ri pegan.
- [8] Innām emman jen jipañ ro rej āinwōt, bwe jen ri jermal ippaer ñan ɱool.
- [9] I ar jeje jet naan ñan eklejia ne: a Diotrepis, eo ej kōnaa bwe en irooj ioer, e jab bōk kōm.
- [10] Kōn men in, eļañne ij iwōj, I naaj keememej jermal ko ej kōmanman, ke ej kōnono ñae kōm naan ko renana: im e jab jokwane kōn men kein, a e jab bōk jemjein jemjaten, im ej bōbrae ro rej kōnaa, im joļok er jān eklejia.
- [11] Kwe jitōnbōro, kwōn jab kajjioñe eo enana, a eo emman. Eo ej kōmman emman e jān Anij: eo ej kōmman nana e ar jab lo Anij.
- [12] Ro otemjej, kab ɱool, rej kōnnaan kōn Demitriōs; aet, kōm barāinwōt kōnnaan, im kwō jeļā bwe am kōnnaan emool.
- [13] Elōñ men ko raar ippa bwe in jejewōj ñan kwe, a I jab kōnaa jeje kōn inik im pen:
- [14] A ij katmāne bwe in lo eok ɱōkaj, im jen kōnono jelmae doon. Aenōmman ñan kwe. Ro jerad rej yokyokwe eok. Kwōn yokyokwe ro jerad kajju kōn etaer.

JUD

- [Ju 1.1] Jud, karijeran Jijej Kūraj, jein im jaten Jemes, ñan ro ar kūr er, ro jitōnbōro ilo Anij Jemed, im ro kōjparok er ñan Jijej Kūraj:
- [2] Tūriamokake ñan kom, im aenōmman kab yokwe en lōñlōk.
- [3] Kom jitōnbōro, ke I ar kaiur eō bwe in jejewōj ñan kom kōn men in Lomōored, e ar waļok ñan eō bwe emman in jejewōj im kauwe kom, bwe komwin kate kom kōn tōmak eo emōj leļok ñan rokwojarjar alen wōt juon kōn otemjej.
- [4] Bwe jet armej raar deļoñtok ilo ettino, im eto ar jeje kōn er ñan liaakļok in, ro renana, rej ukōt jouj an ad Anij ñan ejej, im kaarmejjete juon wōt ad Karo, im Irooj, Jijej Kūraj.
- [5] Ak I kōnaan kakeememej kom, meñe kom jeļā men otemjej alen wōt juon kōn aolep, ekōjkan an Irooj, ke E ar lomōoren armej rañ jān Ijipt, ar kōkkure ro raar jab tōmak.
- [6] Im enjeļ rañ, raar jab kōjparok er utiej, a raar ilok jān jikiir, Ej kōjparok er, ñan ekajet eo an raan eļap, ilo korak ko indeeo iumwin marok.
- [7] Āinwōt Sodōm im Gomorra im jikin kwelok ko iturir, ke raar ļoor ejej āierwōt, im ilok im pukot kanniōk eo juon, emōj likūt er juon men in kauwe, im rej pād ilo iden-oņe ñan kijeek indeeo.
- [8] Ijoke āindein armej rein ilo tōņak ko aer rej kabrijrij kanniōk, im kajekdoņ kajoor in irooj rañ im kōnono nana ñae wōj ko.
- [9] A Maikel arkenjel eo, ke e ar jumae tepiļ im aitwerōk kōn ānbwinnen Moses, e ar mijak in kōnono ñae im ekajete, a e ar ba, Irooj en bōbrae eok.
- [10] A rein rej kajjirere ñae men ko jabdewōt re jaje kaki, im jabdewōt men ko re jeļā kōn aer pād im mour, āinwōt kidu ko re bwebwe, ilo men kein kōkkure er.
- [11] Wo ñan er! bwe raar etetal ilo ial an Kein, im raar kanooj ettōr ilo bōd an Beleōm kōn oņān, im raar jako ilo matōrtōr an Kora.
- [12] Er rej ejmaan ko rettino ilo ami kwōjkwōj in yokwe ko, ke rej kwōjkwōj ippemi; rej seperd ro re jab mijak im make naajdik er; rej kōdō ko im ejjeļok dān ilowaer, a kōto ko rej biokļok; rej wōjke ko re jiburikrik im ejjeļok leir, re mej otem mej, emōj kōtteepi jān okrair;
- [13] ño ōn lometo re lāj rej lijemōrmōr men in aer jook; iju ko rej jebwābwe im emōj likūt ñan er kapin marok indeeo.
- [14] Im barāinwōt Inok, armej kein ka jiljilimjuon jān Adam, e ar rūkaanij, im ba, Lo, Irooj e ar itok ippān joñoul tōujin ko An rokwojarjar,
- [15] Bwe En kōmman ekajet ñan ro otemjej, im ñaruōn ro ri nana otemjej, kōn jermal nana otemjej aer raar kōmanman ilo nana, im kōn men ko otemjej repen ri jerowiw renana raar kōnono ñae E kaki.
- [16] Rein rej ri lotaan, im ri wanōketak, rej etetal ekkar ñan mōm ko aer renana (im loņeir re ba naan ko re bōroļap), im rej kalijekļok armej rañ kōn oņān.
- [17] A komeo, ro jitōnbōro, komwin keememej naan ko ro ri jelōk an ad Irooj Jijej Kūraj raar ba mokta;

- [18] Ekōjkan raar ba ñan kom bwe ilo iien āliktata e naaj wor ri kajjirere rej etetal ilo aer mōm ko renana.
- [19] Er rej ri kōjepel, ri jālik, im Jetōb e jab ippaer.
- [20] A komeo, ro jītōnbōro, koṃwin make kalōk kom ioon ami tōmak ekwōjarjar otem kwōjarjar, koṃwin jar ilo Jetōb Kwōjarjar,
- [21] Im kōjparok kom ilo yokwe an Anij, im koṃwin katmāne kōn tūriamokake an ad Irooj Jijej Kūraij ñan mour indeeo.
- [22] Im koṃwin tūriamokake jet ro rej pere;
- [23] Im jet koṃwin lōmōreir im kotak er jān kijeek; im jet koṃwin tūriamokake er ilo mijak, im jōjōik nuknuk ko eļañne e mar kōn kanniōk.
- [24] A ñan Eo ej maroñ in kōjparok kom jān buñ, im kajutak kom iṃaan mejan wōj eo An ilo lañlōñ potata im ejjeļok ɳotami,
- [25] Ñan juon wōt Anij eo Ri Lōmōred, kōn Jijej Kūraij ad Irooj, en aiboojoj, utiejtata, maroñ potata im kajoor, mokta jān iien otemjej, im iien iṃ, im indeeo. Amen.

REVELESŌN

JEPTA 1

- [Re 1.1] Revelesŏn jān Jijej Kūraij, eo Anij e ar leļok ñan E bwe En kwaļok e ñan ro karijeran, aet men ko re naaj mŏkajtok, im e ar jilkinļok im bakajjien e kŏn enjel eo An ñan Jon karijeran;
- [2] Eo e ar kŏnnaan kŏn naan in Anij im kŏn kŏnnaan an Jijej Kūraij, men ko otemjej e ar loi.
- [3] E mŏñŏñŏ eo ej kŏnono ilo bok in im ro rej roñjake naan ko an kūr in, im kŏjparok men ko emŏj jeji ilo e; bwe epaaktok iien eo.
- [4] Jon ñan jiljilimjuon eklejia ko ilo Esia: Jouj ñan kom im aenŏmman jān Eo ej kiiŏ, Ej mŏkta im Ej itok; im jān jiljilimjuon Jetŏb ro rej imaan tūroon eo An;
- [5] Im jān Jijej Kūraij eo Ri Kŏnnaan e tiljek, Ri ļotak mŏkta jān ro re mej, im Irooj ion kiñ ro an laļ. Ñan Eo e ar yokwe kŏj, im kŏtļok kŏj jān jerŏwiwi ko ad kŏn bŏtŏktŏkin;
- [6] Im E ar kŏmman bwe jen kiñ im pris ro ñan An Anij im Jemen; ñan E en aiboojoj im kajoor potata indeeo im indeeo. Amen.
- [7] Lo, Ej itok ippān kŏdŏ ko, im mej otemjej re naaj lo E, im ro jabdewŏt raar wākare E, im bwij otemjej i laļ re naaj liaajļŏ kake. Aet, en āindein. Amen.
- [8] Ña, ij Alpa im Omega, Anij Irooj e ba, Eo ej kiiŏ im Ej mŏkta im Ej itok, Ri Ekajoor otem kajoor.
- [9] Ña Jon, jeŏmi im ri bŏk mŏttan ippemi ilo eñtaan im aelŏñ im kijenmej rej ilo Jijej, I ar pād i aelŏñ eo etan Patmos, kŏn naan in Anij im kŏnnaan an Jijej.
- [10] I ar ilo Jetŏb ilo raan eo raan in Irooj, im I ar roñ ālikū ainikien eļap, āinwŏt an jilel,
- [11] Im e ba, Kwŏn jeje ilo bŏk jabdewŏt eo kwŏj loe, im jilkinļok ñan jiljilimjuon eklejia ko; ñan Epesŏs, im ñan Smŏrna, im ñan Pergemom, im ñan Thaietaira, im ñan Sardis, im ñan Philadelphia, im ñan Leodisia.
- [12] Im I ar oktaklik bwe in lo ainikien eo ej kŏnono ippa. Im ke emŏj aŏ oktaklik I ar lo jiljilimjuon jikin ļaam kooļ:
- [13] Im eŏļapin jikin ļaam ko, Juon āinwŏt Nejin armej, emŏj An kŏņak nuknuk ko rej tŏpar neen, im kañūr ion ittin kŏn kañūr kooļ.
- [14] Im bŏran kab kooļan bŏran re mouj āinwŏt kooļan jiiip emouj āinwŏt jiņo, im mejan rej āinwŏt urur in kijeek;
- [15] Im neen āinwŏt jinibŏŏr e jatŏltŏl, āinwŏt ñe emŏj tile ilo upaaj, im ainikien āinwŏt ainikien elŏñ dān ko.
- [16] Im ilo pein anbwijmaroņan Ej kabwijere jiljilimjuon iju, im jān loņin jāje ekkañ im ruo mejan ej ilok, im turin mejan āinwŏt aļ ke ej romaak ilo an kajoor.
- [17] Im ke I ar lo E, I ar buñ iturin neen āinwŏt I mej. Im E ar likūt pein anbwijmaroņan ioŏ im ba, Kwŏn jab lŏļņŏñ; Ña ij Eo mŏkta im Eo āliktata,
- [18] Im Eo ej mour; im I kar mej, ak lo, Ij mour indeeo im indeeo, im ippa ki ko ki in mej im ki an Hedis.

- [19] Innām kwōn jeje men ko kwaar loi, im men ko rej kiiō, im men ko re naaj waļok tokālik;
- [20] Men eo ettino an jiljilimjuon iju ko kwaar loi ilo pein anbwijmaroñiō, im jiljilimjuon jikin ļaam ko kool. Jiljilimjuon iju ko rej enjeļ ro an jiljilimjuon eklejia ko; im jiljilimjuon jikin ļaam ko rej jiljilimjuon eklejia.

JEPTA 2

- [Re 2.1] Ñan enjeļ an eklejia i Epesōs, kwōn jeje; Eo ej dāpij jiljilimjuon iju ko ilo pein anbwijmaroñan, Eo ej etetal eōļapin jiljilimjuon jikin ļaam ko kool, Ej ba men kein:
- [2] I jeļā kōmman ko am, im am jermal im kijenmej, im bwe kwō jab maroñ in kaperper eok kōn ro renana, im kwaar mālļejoñ ro rej make ņaetaer ri jelōk, ak e jab erro, im kwaar lo er ri riab;
- [3] Im kwōj kijenmej im kwaar kaperper eok ilo eta, im kwaar jab mōk.
- [4] A men in ippa ej ņotaṃ, bwe kwaar ilok jān am yokwe mōkta.
- [5] Innām kwōn keememej ijo kwaar buñ jān e, im ukeļok ippaṃ, im kōmmanman jermal ko mōkta; eļañne jab, I naaj iwōj ñan eok, im I naaj kaṃakūt jikin ļaam eo am jān jikin, eļañne kwō jab ukeļok.
- [6] Ijoke, men in ippaṃ bwe kwōj jōjōik jermal ko an ro doon Nikolas, men ko Ij barāinwōt jōjōiki.
- [7] Eo lojilñin ippān en roñjake men ko Jetōb ej ba ñan eklejia ko. Eo ej bōk anjo, I naaj leļok ñan e bwe en mōñā jān leen wōjke in mour, eo ej ilo Paredais an Anij.
- [8] Im ñan enjeļ an eklejia i Smōrna kwōn jeje; Eo ej mōktata im āliktata, Eo e kar mej im E ar bar mour, Ej ba men kein:
- [9] I jeļā am jorrāān im jeraṃōl (a kwōj mweie), im blaspim eo an ro rej ba bwe rej ri Ju, ak e jab erro, a rej ri imōn kwelok an Setan.
- [10] Kwōn jab lōļñoñ kōn men ko kwō naaj eñtaan kaki: lo, tepiļ e naaj joļok jet iaami ņa ilowan prisōn bwe en mālļejoñ kom, im jorrāān e naaj ippemi iumwin joñoul raan. Kwōn tiljek ñan mej im I naaj lewōj ñan kwe pāllin eo pāllin mour.
- [11] Eo lojilñin ippān en roñjake men ko Jetōb ej ba ñan eklejia ko. Eo ej bōk anjo, mej kein ka ruo e jāmin kōkkure.
- [12] Im ñan enjeļ an eklejia i Pergemom, kwōn jeje; Eo, jāje eo ruo mejan im ekkañ ippān, Ej ba men kein:
- [13] I jeļā ijo kwōj jokwe ie, ijo ej pād tūroon an Setan, im kwōj dāpij eta, im kwaar jab kaarmejjete tōmak Eō ilo raan ko an Antipas, Aō ri kōnnaan etiljek eo emōj moṃ e eoļōpemi ijo Setan ej jokwe ie.
- [14] Ijoke e iiet men ko ippa rej ņotaṃ, bwe ippemi ro rej dāpij katak an Beleōm, eo e ar katakin Belak bwe en likūt ļōkatip imaan mejan ro nejin Israel, bwe ren mōñā men in katok ñan ekjab ko, im bwe ren ļōñ.
- [15] Āindein barāinwōt ippemi ro rej dāpij katak an ro doon Nikolas.
- [16] Innām kwōn ukeļok ippaṃ; eļañne jab, I naaj iwōj mōkaj ñan kwe, im naaj tariṃaeik er kōn jāje eo an loñiō.

- [17] Eo lojiln̄in ippān en roñjake men ko Jetōb ej ba ñan eklejia ko. Eo ej bōk anjō, I naaj leļok ñan e jān manna ettino, im I naaj leļok ñan e dekā emouj, im ilo dekā eo emōj jeje āt ekāāl, eo ejjeļok en e jeļā a eo wōt ej bōk e.
- [18] Im ñan enjeļ an eklejia i Thaietaira, kwōn jeje; Nejin Anij, eo mejan rej āinwōt urur in kijeek, im neen āinwōt jinibōor ejatōltōl, Ej ba men kein;
- [19] I jeļā jermal ko aṃ, im am yokwe, im tōmak im jermal in jipañ im kijenmej, im bwe jermal ko aṃ āliktata relōñ jān ko ṃokta.
- [20] A men in ippa ej ṃotaṃ, bwe kwōj likūt kōrā eo, Jezebel, eo ej make ṃaetan ri kanaan, im ej katakin im ṃoṃi ro ri korijera bwe ren ļōñ im ṃōñā men in katok ñan ekjab ko.
- [21] Im I ar leļok ñan e iien ukeļok, ak e jab kōṃaan ukeļok ippān jān ļōñ eo an.
- [22] Lo, ij joļok e ṃa ilowan peet, im ro raar ļōñ ippān ilowan eñtaan eļap eļañne re jab ukeļok ippaer jān jermal ko an.
- [23] Im I naaj ṃoṃ ro nejin ilo mej, im eklejia otemjej re naaj jeļā, bwe Ña eo ej kapukōt būruen armej im ļōmṃak ko aer: im I naaj lewōj ñan kom kajju iaami ekkar ñan jermal ko ami.
- [24] A ij ba ñan kom ñan ro jet iaami i Thaietaira, ro jabdewōt katak in e jab ippaer, im raar jab jeļā ṃwilaļ ko an Setan, āinwōt aer ba, I jab jowōj iomi bar juon men eo eddo.
- [25] A men eo ippemi, komwin dāpije ṃae iien eo I naaj iwōj.
- [26] Im eo ej bōk anjō im kōjparok jermal ko Aō ñan jemļokōn, I naaj leļok ñan e kajoor ioon aelōñ ko:
- [27] Im e naaj Irooj ioer kōn māāl wāween wōt aļaļ, āinwōt ñe e kanooj rup jāpe ko an ri potter, āinwōt I ar barāinwōt bōk jān Jema.
- [28] Im I naaj leļok ñan e iju raan.
- [29] Eo lojiln̄in ippān en roñjake men ko Jetōb ej ba ñan eklejia ko.

JEPTA 3

- [Re 3.1] Im ñan enjeļ an eklejia i Sardis, kwōn jeje; Eo jiljilimjuon Jetōb an Anij ippān, im jiljilimjuon iju ko, Ej ba men kein: I jeļā jermal ko aṃ, bwe e buñbuñ bwe kwōj mour, im kwōj mej.
- [2] Kwōn ekil im kapen men ko rej pād wōt im ar nañin jako: bwe I ar lo ejjeļok aṃ jermal e weppān iṃaan mejan Aō Anij.
- [3] Innām kwōn keememej ekōjkan kwaar bōk im roñjake; im kwōn kōjparok im ukeļok ippaṃ. Innām eļañne kwō jāmin ekil, I naaj iwōj āinwōt ri koṃot, im kwō jāmin jeļā jete awa I naaj iwōj ioṃ.
- [4] Ijoke e iiet armej ippaṃ i Sardis raar jab kabwidejdey nuknuk ko aer, im re naaj etetal ippa ilo nuknuk remouj, bwe rej tōllokōn.
- [5] Eo ej bok anjō e naaj kōṃak nuknuk ko remouj, im I jāmin jeorļok etan jān bōk in mour, im I naaj kwaļok etan iṃaan mejan Jema, im iṃaan mejan enjeļ ro An.
- [6] Eo lojiln̄in ippān en roñjake men ko Jetōb ej ba ñan eklejia ko.

- [7] Im ñan enje] an eklejia i Philadelphia, kwõn jeje; Eo ekwõjarjar, Eo emool, Eo ki an Devid ippãn, Eo ej kapel]ok im ejjelok en e naaj kiili, im ej kiili, im ejjelok en ej kapel]ok, Ej ba men kein:
- [8] I jelã jermal ko am (lo, I ar lewõj ñan eok aor epel]ok im ejjelok en ej maroñ in kiili), bwe edik am maroñ, im kwaar dãpij Aõ in naan, im kwaar jab kaarmejjete Eta.
- [9] Lo, Ij lelok ro jãn imõn kwelok an Setan re ba bwe re ri Ju im e jab erro, a rej riab; lo, I naaj kõmman bwe ren iwõj im kabuñ imaan niom im bwe ren jelã I ar yokwe eok.
- [10] Bwe kwaar dãpij naan in kijenmej eo Aõ, innãm I naaj barãinwõt dãpij eok jãn awa in kapo eo e naaj itok ioon aolepen la], im naaj mallejoñ ro otemjej rej jokwe ioon la].
- [11] Ij iwõj mðkaj: kwõn dãpij men eo ippam, bwe ejjelok juon en bõk pãlliõm.
- [12] Eo ej bõk anjo I naaj kõmman e bwe en juon juur ilo tempel an Aõ Anij, im e jãmin diwõj]ok jãn e, im I naaj jeje ioon etan Aõ Anij, im etan jikin kwelok eo an Aõ Anij, Jerusalem ekããl, eo ej wanla]tak jãn lañ jãn Aõ Anij, im eta ekããl.
- [13] Eo lojilñin ippãn en roñjake men ko Jetõb ej ba ñan eklejia ko.
- [14] Im ñan enje] an eklejia i Leodisia, kwõn jeje; Eo ej Amen, Ri kõnnaan etiljek im emool, im Jinoim kõmanman an Anij, Ej ba men kein:
- [15] I jelã jermal ko am, bwe kwõ jab piõ im jab bwil: I kõnaan kwõn piõ ak bwil, juon iaer.
- [16] Innãm bwe kwõj mããñãñ jidik, im jab piõ ak bwil, I naaj mðjake]ok eok jãn loñiõ.
- [17] Bwe kwõj ba, Ij mweie, im I ar koor]ok mweik ko, im ejjelok aõ aikuj; im kwõ jaje bwe kwõj nana tammwõm im ri emem]okjen, im jera]õl, im pilo im keelwaan:
- [18] Innãm Ij pepe ippam bwe kwõn wiaik ippa kool emõj karreoik e ilo kijeek, bwe kwõn mweie; im nuknuk ko remouj bwe kwõn kõnaki, im jook an am keelwaan en jab wa]ok, im uno in pilo, bwe kwõn kapit mejõm kake in lo]okjen.
- [19] Ro jabdewõt Ij yokwe er Ij kauwe im kajeik er. Innãm kwõn kate eok im uke]ok ippam.
- [20] Lo, Ij jutak imaan aor im kallal]a]. E]añne jabdewõt armej e naaj roñ ainikiõ im kapel]ok aor eo, I naaj de]õñ]ok ñan e, im naaj kejota ippãn im e ippa.
- [21] Eo ej bõk anjo I naaj lel]ok ñan e bwe en jijet ippa ioon tũroon eo Aõ, ãinwõt I ar barãinwõt bõk anjo, im ar jijet ippãn Jema ioon tũroon eo An.
- [22] Eo lojilñin ippãn, en roñjake men ko Jetõb ej ba ñan eklejia ko.

JEPTA 4

- [Re 4.1] Ælikin men kein I ar kallimjeke, im lo aor e pel]ok ilo lañ, im ainikien eo mokta, I ar roñjake ãinwõt jilel ke ej kõnono ippa, ej ba, Kwõn wanlõntok ije im I naaj bakajjien ñan eok men ko re naaj wa]ok tokãlik.
- [2] Kiiõ kiiõ I ar ilo Jetõb: im lo, tũroon emõj liküt e ilo lañ, im ioon tũroon eo Juon ej jijet;

- [3] Im Eo ej jijet Ej ainwõt dekã jasper im sardios, im iia ej kõpooļ tũroon eo, ilo nemãmein emerald.
- [4] Im iturin tũroon eo roñoul im emãn tũroon: im ioon tũroon kein roñoul im emãn elder rej jijet, im nuknuk ko aer remouj, im ioon bõraer pãllin kooļ.
- [5] Im jãn tũroon eo rej iloķ jarom ko, im ainikien ko, im jourur ko: im jiljilimjuon ļaam in kijeek rej urur iṃaan tũroon eo, er jiljilimjuon Jetõb an Anij:
- [6] Im iṃaan tũroon eo ej wãween lometo in glass ainwõt kristal. Im eoļõpin tũroon eo im iturin tũroon emãn men in mour, rej obrak kõn mej iṃaer im ilikiir.
- [7] Im men in mour juon ej ainwõt ļaiõõn: im men in mour kein ka ruo ainwõt koon kau; im men in mour kein ka jilu, turin mejan ainwõt armej, im men in mour kein ka emãn ainwõt igõl ej kaki.
- [8] Im men in mour ko emãn ka jiljino peir, im ilikin im ilowan rej obrak kõn mej: im ejjeļõk kakkije ñan er raan im boñ, im rej ba, Ekwõjarjar, Irooj Anij, Ri Ekajoor otem kajoor, Eo ej mokta im Ej kiiõ im Ej itok.
- [9] Im jabdewõt iien men in mour ko re naaj leļõk aiboojoj im nõbar im kamṃoolol ñan Eo ej jijet ioon tũroon eo, ñan Eo ej mour indeeo im indeeo,
- [10] Elder roñoul im emãn re naaj buñ iṃaan mejan Eo ej jijet ioon tũroon eo, im naaj kabuñ ñan Eo ej mour indeeo im indeeo, im naaj joļõk pãllier iṃaan tũroon, im ba,
- [11] Ekkar ñan Kwe, O Irooj im am Anij, bwe kwõn bõk aiboojoj im nõbar im kajoor; bwe Kwaar kõṃanṃan men ko otemjej im kõn ankil Aṃ raar pãd im eṃõj kõṃanṃan.

JEPTA 5

- [Re 5.1] Im I ar lo ilo pein anbwijmaroñan Eo ej jijet ioon tũroon eo juon bok eṃõj jeje ilowan im ilikin, im sil kõn jiljilimjuon sil.
- [2] Im I ar lo enjeļ ekajoor im ej ba ilo ainikien eļap, Wõn eo ej tõlļõkõn bwe en kapelļõk bok eo im kõtļõk jiljilimjuon sil ko an?
- [3] Im ejjeļõk en ilo lañ, ak ilo laļ, ak iumwin laļ e ar maroñ in kapelļõk bok eo ak kallimjeke.
- [4] Im eļap aõ jañ bwe ar lo ejjeļõk juon ej tõlļõkõn bwe en kapelļõk bok eo ak kallimjeke.
- [5] Im juon iaan elder ro e ar ba ñan eõ, Kwõn jab jañ: lo ļaiõõn eo jãn bwijin Juda, Okran Devid, E ar bõk anjo bwe En kapelļõk bok eo im jiljilimjuon sil ko an.
- [6] Im I ar lo eoļõpin tũroon eo im men in mour ko emãn, im eoļõpin elder raṃ, Ļaam ej jutak im ainwõt eṃõj kar moṃ E, im ippãn jiljilimjuon doon, im jiljilimjuon mejan, rej jiljilimjuon Jetõb õn Anij, jilkinļõk er ilowan aolepen laļ,
- [7] Im E ar itok, im Ej bõk e jãn pein anbwijmaroñan Eo ej jijet ioon tũroon eo.
- [8] Im ke E ar bõk bok eo, men in mour ko emãn im elder ro roñoul im emãn raar buñ iṃaan mejan Ļaam eo, im ippaer kajju arp im jāpe ko kooļ re obrak kõn kaijurjur, rej jar ko an ro reṃṃan.

- [9] Im rej al kōn al ekāāl, im ba, Ekkar ñan Kwe bwe kwōn bōk bok eo, im kapellōk sil ko an, bwe emōj man Eok, im Kwaar wiaik ñan Anij ilo bōtōktōkōm armej jān bwij otemjej, im kōnono otemjej, im riloabjen otemjej, im aelōñ otemjej,
- [10] Im Kwaar kōmman bwe ren kiñ im pris ro; im rej kiñ ioon la].
- [11] Im I ar lo, im I ar roñ ainikien elōñ enje] iturin tūroon eo, im men in mour ko im elder ro, im oraer ej joñoul tōujin alen joñoul tōujin im tōujin ko alen tōujin ko:
- [12] Im rej ba im e]ap ainikier, Ekkar ñan Laam eo, emōj man E, bwe En bōk kajoor, im mweiuk ko, im mālōtlōt, im maroñ im nōbar, im aiboojoj im wūjtak.
- [13] Im men ko otemjej, men in kōmanman ko ilo lañ, im ioon la], im iumwin la], im ioon lometo, im men ko otemjej ilowaer, I ar roñjaki im rej ba, Ñan Eo ej jijet ioon tūroon eo im ñan Laam eo, en wūjtak im nōbar im aiboojoj im kajoor indeeo im indeeo.
- [14] Im men in mour ko emān raar ba, Amen. Im elder ro raar buñ im kabuñ.

JEPTA 6

- [Re 6.1] Im I ar lale ke Laam eo E ar kapellōk juon iaan sil ko jiljilimjuon, im I ar roñ juon iaan men in mour ko emān, im ej ba ilo ainikien āinwōt jourur, Kwōn itok.
- [2] Im I ar lale, im lo, o]oj emouj im ippān Eo ej jijet ioon lippo]n, im ar le]ok ñan E pāllin: im Ej bōk an]o im wanman]ok bwe En bōk an]o.
- [3] Im ke E ar kapellōk sil kein ka ruo, I ar roñ men in mour kein ka ruo, im ej ba, Kwōn itok.
- [4] Im bar juon o]oj ekilmir ej wa]oktok: im ar le]ok ñan eo ej jijet ioon bwe en bōk aenōmman jān la], im bwe ren man doon: im ar le]ok ñan e jāje e]ap.
- [5] Im ke E ar kapellōk sil kein ka jilu, I ar roñ men in mour kein ka jilu, im ej ba, Kwōn itok. Im I ar lale, im lo o]oj ekilmej, im ilo pein anbwijmaroñan eo ej jijet ioon, kein b]un.
- [6] Im I ar roñ āinwōt ainikien eo]ōpin men in mour ko emān, im ej ba, Juon kwort wit kōn juon silliñ, im jilu kwort barli kōn juon silliñ, im kwōn jab kōkkure oil im wain.
- [7] Im ke E ar kapellōk sil kein ka emān, I ar roñ ainikien men in mour kein ka emān, im ej ba, Kwōn itok.
- [8] Im I ar lale, im lo o]oj jebarre im eo e ar jijet ioon, etan Mej; im Hedis ej]oor e, im ar le]ok ñan er kajoor ioon juon mōttan emān la], bwe ren man kōn jāje, im kōn nūta, im kōn mej im kōn kidu ko rawia an la].
- [9] Im ke E ar kapellōk sil kein ka]alem, I ar lo iumwin lokatok, jetōb an ro emōj man er kōn naan in Anij, im kōn kōnnaan eo raar kōnnaan kake;
- [10] Im raar lamōj ilo ainikien e]ap, im ba, O Karo ekwōjarjar im emool, ietoon Kwō jab ekajet im iden-o]ne kōn amwōj bōtōktōk ioon ro rej jokwe ilo la]?
- [11] Im ar le]ok ñan er otemjej nuknuk ko remouj; im ar ba ñan er bwe ren kakkije bar jidik iien, ñan tōr eo ro korijer ippaer, im ro jeir im jatir, ro naaj man er āinwōt rein, re naaj kamōj]ok aer etal.

- [12] Im I ar lale ke E ar kapel]ok sil kein ka jiljino, im e]ap an la] makũtkũt, im a] e ar erom ekilmej ãinwõt nuknuk koo], im allõñ iio erom ãinwõt bõtõktõk;
- [13] Im iju in lañ raar wõtlok ñan la] ãinwõt wõjke fig ej jo]ok fig ko re jañin kalo, ke kõto e]ap ej idike.
- [14] Im ar bõk]ok lañ ãinwõt men in jeje ke emõj lemleme, im to] otemjej im aelõñ otemjej ar kamakũti jãn jikiir.
- [15] Im kiñ ro an la], im irooj rañ, im kapen re]ap, im ro ri mweiie, im ro re kajoor, im ri kamakoko otemjej, im ri anemkwõj otemjej raar tilekek ilowan roñ ko im ilo dekã in to] ko;
- [16] Im rej ba ñan to] ko im ñan dekã ko, komwin buñ iom in nooj kõm jãn mejan Eo ej jijet ioon tũroon eo, im jãn illu an]aam eo:
- [17] Bwe raan e]ap raan in illu eo An e moottok, im wõn ej maroñ in jutak?

JEPTA 7

- [Re 7.1] Ælikin men in I ar lo emãn enje] im rej jutak ioon emãn jabõn la], im rej dãpij emãn kõto ko an la], bwe kõto en jab ukwi ioon ãne ak ioon]ometo, ak ioon jabdewõt wõjke.
- [2] Im I ar lo bar juon enje] im ej wanlõñtok jãn tak a], im kein sil an Anij emour ippãn, im e ar lamõj ilo ainikien e]ap ñan enje] ro emãn, ar le]ok ñan er bwe ren kõkkure ãne im]ometo,
- [3] Im ba, Komwin jab kõkkure ãne ak]ometo ak wõjke ko, mokta jãn am sil ro korijeran ad Anij ioon demaer.
- [4] Im I ar roñ oran ro emõj sil er, jibukwi eñoul im emãn to]ujin, ar sil er jãn bwij otemjej an ro nejin Israel.
- [5] Jãn bwijin Juda ar sil joñoul im ruo to]ujin: jãn bwijin Ruben joñoul im ruo to]ujin; jãn bwijin Gad joñoul im ruo to]ujin:
- [6] Jãn bwijin Aser joñoul im ruo to]ujin: jãn bwijin Naptelai joñoul im ruo to]ujin: jãn bwijin Manassa joñoul im ruo to]ujin:
- [7] Jãn bwijin Simeõn joñoul im ruo to]ujin: jãn bwijin Livai joñoul im ruo to]ujin: jãn bwijin Issekar joñoul im ruo to]ujin:
- [8] Jãn bwijin Zebulõn joñoul im ruo to]ujin: jãn bwijin Josep joñoul im ruo to]ujin: jãn bwijin Benjamin ar sil joñoul im ruo to]ujin.
- [9] Ælikin men kein I ar lale, im lo, jar e]ap, eo ejjel]ok armej ej maroñ in bwimir, jãn aelõñ otemjej, im iaan bwij otemjej, ri riloabjen otemjej, im kõnono otemjej, rej jutak imãan tũroon eo im imãan mejan]aam, kõñaki kõn nuknuk ko remouj, im pam ko ilo peir;
- [10] Im rej lamõj ilo ainikien e]ap, im ba,]omoor ñan amwõj Anij eo Ej jijet ioon tũroon, im ñan]aam.
- [11] Im enje] otemjej raar jutak iturin tũroon eo, im iturin elder ro im men in mour ko emãn, im rej buñpedo imãan tũroon im kabuñ ñan Anij,
- [12] Im ba, Amen: Wũjtak, im aiboojoj, im mãlõtlõt, im kam]oolol, im nõbar, im kajoor, im maroñ, ñan amwõj Anij indeeo im indeeo. Amen.

- [13] Im juon iaan elder ro e ar uwaak im ba ñan eõ, Er rej kõṅak nuknuk ko remouj, Wõn ro? im rej itok jãn ia?
- [14] Im ij ba ñan e, Kwe, aõ irooj, kwõ jeļã. Im e ba ñan eõ, Rein ro raar itok jãn eñtaan eo eļap, im raar kwaļe im kamouj nuknuk ko aer ilo bõtõktõkin Ƙaaṃ.
- [15] Kõn men in rej iṃaan tũroon an Anij, im rej korijer ñan E raan im boñ ilo tempel eo An; im Eo ej jijet ioon tũroon E naaj kaṃweiium er ilo ṃweo iṃõn.
- [16] Re jãmin bar kwõle, re jãmin bar maro, im aļ e jãmin bar kõjeek er, jab, ak ejjeļok bwil:
- [17] Bwe Ƙaaṃ eo Ej eoļõpin tũroon E naaj aer Seperd, im E naaj tõl er ñan unin dãn ko dãn in mour; im Anij e naaj kõṃõrãik dãninn kõṃjaaļaļ otemjej jãn mejeir.

JEPTA 8

- [Re 8.1] Im ke E ar kapelļok sil kein ka jiljilimjuon, lañ ej ikõñ iuṃwin ãinwõt jeblokwan awa.
- [2] Im I ar lo jiljilimjuon enjeļ ro rej jutak iṃaan tũroon eo, im ar leļok ñan er jiljilimjuon jilel.
- [3] Im bar juon enjeļ e ar itok im jutak ioon lokatok eo, im ippãn jãpe senser kooļ; im ar leļok ñan e elõñ kaijurjur, bwe en kobaik e ippãn jar ko an ro remṃan otemjej ioon lokatok kooļ eo ej iṃaan tũroon eo.
- [4] Im ej wanlõñļok baat in kaijurjur ippãn jar ko an ro remṃan kõn pein enjeļ eo iṃaan mejan Anij.
- [5] Im enjeļ eo e ar bõk senser eo, im e ar kobrak e jãn kijeek eo an lokatok, im e ar joļok e ṅa ilo laļ; im e ar waļok jourur ko, im ainikien ko, im jarom ko, im an laļ makũtkũt.
- [6] Im enjeļ ro jiljilimjuon, ro jiljilimjuon jilel ippaer, raar kapoj bwe ren jilel.
- [7] Im eo ṃokta e ar jilel, im e ar waļok wõt e pen im kijeek kãreiki kõn bõtõktõk, im julok ñan laļ: im ar tile juon ṃõttan jilu laļ, im ar tile juon ṃõttan jilu wõjke ko, im ar tile aolepen wũjooj emaroro.
- [8] Im enjeļ kein ka ruo e ar jilel, im ar joļok ṅa ilo lõmeto ãinwõt toļ eļap eurur kõn kijeek, im juon ṃõttan jilu lõmeto ej erom bõtõktõk;
- [9] Im raar mej juon ṃõttan jilu men in kõṃanṃan ko ilo lõmeto rej mour, im kõkkure juon ṃõttan jilu wa ko.
- [10] Im enjeļ kein ka jilu e ar jilel, im e ar wõtlok jãn lañ iju eļap, ej urur ãinwõt ļaaṃ, im e ar wõtlok ioon juon ṃõttan jilu reba ko, im ioon unin dãn ko:
- [11] Im ṅaetan iju eo Kabwijiļõñ, im juon ṃõttan jilu dãn ko rej erom kabwijiļõñ, im elõñ armej raar mej kõn dãn ko, bwe re meo.
- [12] Im enjeļ kein ka emãn e ar jilel, im ar tuwe juon ṃõttan jilu aļ, im juon ṃõttan jilu allõñ, im juon ṃõttan jilu iju ko, bwe juon ṃõttan jilu iaer ren marok, im bwe raan en jab romaak iuṃwin juon ṃõttan jilu iaan, im barãinwõt boñ.
- [13] Im I ar lale, im ij roñ juon igõl ej kaki i mejatoto, im ej ba ilo ainikien eļap, Wo, wo, wo, ñan ro rej jokwe ioon laļ, jãn ṃõttan ainikien jilel ko an enjeļ ro, re nañin jilel.

JEPTA 9

- [Re 9.1] Im enjel kein ka lalem e ar jilel, im I ar lo iju e wōtlōk jān lañ ñan la; im ar leļok ñan e ki an roñ in abys eo.
- [2] Im e ar kapelļok roñ in abys eo, im ej wanlōñļok jān roñ eo baat āinwōt baat in upaaj eļap, im ar kamarok aļ im mejatoto kōn baat in roñ eo.
- [3] Im jān baat eo lokōs rej itok ioon la; im ar leļok ñan er maroñ āinwōt maroñ eo ippān mādepep ko an la.
- [4] Im ar ba ñan er bwe ren jab kōkkure wūjooj in la, ab jabdewōt men eo emaroro, ak jabdewōt wōjke, a armej wōt ro otemjej sil an Anij e jab ilo demaer.
- [5] Im ar leļok ñan er bwe ren jab man er, a bwe ren kaeñtaan er iumwin lalem allōñ: im aer kaeñtaan ej āinwōt eñtaan jān mādepep ke ej wie armej.
- [6] Im ilo raan ko armej re naaj kapukōt mej, im re jāmin loe; im re naaj kanooj kōñaan bwe ren mej, im mej ej ko jān er.
- [7] Im wāween lokōs ko ej āinwōt ooj ko emōj kapoj er ñan tariṅae, im ioon bōraer āinwōt pällier kooļ, im turin mejeir āinwōt turin mejan armej.
- [8] Im kooļaer ej āinwōt kooļan bōran kōrā raṅ, im ñi ko ñier āinwōt ñiin ļaiōñ.
- [9] Im ippaer kōrrep in ubeir āinwōt kōrrep māāl, im ainikien peir ej āinwōt ainikien elōñ jariōt im ooj ke rej tōr ñan tariṅae.
- [10] Im lōk ko lōkaer rej āinwōt lōkōn mādepep, im kein ire ko aer, im kōn lōkaer rej maroñ in kōkkure armej iumwin lalem allōñ.
- [11] Ej kiñ ioer enjel an abys eo, im etan ilo Hibru, Abaddon, ak ilo Grik etan Apollyon.
- [12] Wo eo mokta e mootļok: lo, bar ruo wo rej itok tokālik.
- [13] Im enjel kein ka jiljino e ar jilel, im I ar roñ juon ainikien jān doon ko an lokatok kooļ, ej imaan mejan Anij,
- [14] Juon ej ba ñan enjel kein ka jiljino, jilel ippān, Kwōn kōtļok enjel ro emān lukwōj er iturin reba eļap etan Upretis.
- [15] Im ar kōtļok enjel ro emān re pojak ñan awa, im raan, im allōñ, im iiō, bwe ren man juon mōttan jilu armej raṅ.
- [16] Im oran ri tariṅae rej ioon ooj ko roñoul tōujin alen joñoul tōujin: I ar roñ oraer.
- [17] Im āindein I ar lo ooj ko ilo visiōn eo, im ro raar jijet ioer, im ippaer kōrrep ben ubeir āinwōt kijeek im haiesinth im brimston: im bōran ooj ko āinwōt bōran ļaiōñ; im jān loñir ej ilōk kijeek im baat im brimston.
- [18] Kōn men in kaeñtaan kein jilu ar man juon mōttan jilu armej raṅ, kōn kijeek im baat im brimston, rej ilōk jān loñir.
- [19] Bwe maroñ an ooj ko ej ilo loñir kab ilo lōkaer. Bwe lōkaer rej āinwōt jedpānit ko im ewor bōran lokaer; im rej kōkkure kaki.
- [20] Im armej ro jet, men in kaeñtaan ko raar jab man er, raar jab ukeļok ippaer jān jermal ko an peir, bwe ren jab kabuñ ñan timoṅ raṅ, im ekjab ko kooļ, im silver, im jinibōor, im dekā, im wōjke re ban lo ak roñ ak etetal.
- [21] Im raar jab ukeļok ippaer jān aer urōt ko ak madmōd ko, ak ļōñ, ak kōot ko.

JEPTA 10

- [Re 10.1] Im I ar lo bar juon enjel ekajoor ej wanlaɬtak jān lañ, im nuknuk ko an kōdo, im iia ioon bōran, im turin mejan āinwōt aɭ, im neen āinwōt jurōn kijeek ko.
- [2] Im ippān, ilo pein, bok edik im e peɭɭok; im e ar likūt neen anbwijmaroñan ioon ɭometo, im neen anmiñin ioon āne;
- [3] Im e ar laṃōj ilo ainikien eɭap, āinwōt ke ɭaiōñ ej rorrer: im ke eṃōj an laṃōj, jourur ko jiljilimjuon raar kwaɭok ainikier.
- [4] Im ke jourur ko jiljilimjuon raar kōnono, I nañin jeji: im I ar roñ ainikien jān lañ ej ba, Kwōn sil men ko jourur ko jiljilimjuon raar ba im jab jeji.
- [5] Im enjel eo I ar loe im ej jutak ioon ɭometo im ioon āne, e ar kotake pein anbwijmaroñan ñan lañ,
- [6] Im e ar kanejnej kōn Eo ej mour indeeo im indeeo, Eo e ar kōṃanṃan lañ kab men ko ilowan, im laɭ kab men ko ilowan, im ɭometo kab men ko ilowan, bwe e jāmin bar ewor kattar:
- [7] A ilo raan ko an ainikien enjel kein ka jiljilimjuon ne e nañin jilel, men eo ettino an Anij ej jejjet, āinwōt E ar kwaɭok naan eṃṃan ñan ro ri korijeran, ro ri kanaan.
- [8] Im ainikien eo I kar roñ jān lañ, ij bar roñjake ke ej kōnono ippa, im ba, Kwōn ilok, im bōk bok eo epeɭɭok ej ilo pein enjel eo ej jutak ioon ɭometo im ioon āne.
- [9] Im I ar ilok ñan ippān enjel eo, im ba ñan e, Kwōn letok bok ɱe edik. Im ej ba ñan eō, Kwōn bōk e im kañe, im e naaj kameo ɭojiōṃ a ilo ɭoñōṃ e naaj tōñal āinwōt ōne.
- [10] Im I ar bōk bok eo edik jān pein enjel eo im kañe, im e ar ilo ɭoñiō etōñal āinwōt ōne, im ke I ar kañe eṃōj kameo ɭojiō.
- [11] Im ej ba ñan eō, Eṃṃan kwōn bar rūkaanij kōn elōñ riloabjen, im aelōñ, im kōnono, im kiñ.

JEPTA 11

- [Re 11.1] Im ar letok ñan eō koba āinwōt aɭaɭ, im juon ej ba, Kwōn jutak, im joñe tempel an Anij, im lokatok, im ro rej kabuñ ilo e.
- [2] Im ilowan wōrwōr eo ej i nabōj in tempel, kwōn likūt e im jab joñe; bwe eṃōj leɭok ñan ro ri aelōñ, im re naaj juuri jikin kwelok ekwōjarjar iuṃwin eñoul im ruo allōñ.
- [3] Im I naaj leɭok ñan Aō ri kōnnaan ruo, im re naaj rūkaanij iuṃwin juon tōujin rūbukwi im jiljinoñoul raan, im nuknuk ko aer nuknuk kooɭ.
- [4] Rein rej ruo wōjke oliv, im ruo jikin ɭaam rej jutak iṃaan mejan Irooj in laɭ.
- [5] Im eɭañne jabdewōt armej e kōṃaan kōkkure er, kijeek ej ilok jān ɭoñier, im kañi ro ri kōjdate er. Im eɭañne jabdewōt armej e kōṃaan kōkkure er, āindein eṃṃan ṃan e.
- [6] Ippaer maroñ in kiili lañ bwe en jab wōt iuṃwin raan ko an rūkaanij eo aer, im maroñ ippaer ioon dān ko, bwe ren kōṃṃan er erom bōtōktōk, im bwe ren ṃan laɭ kōn jabdewōt men in kaeñtaan, emakijkij āinwōt aer kōṃaan.

- [7] Im ñe re naaj kamōj]lok aer kōnnaan, kidu awiia eo ej wanlōñtok jān abys eo, e naaj tariṇaeik er, im naaj ṁan er.
- [8] Im ubeir rej pād ilo ial in jikin kwelok eḷap, eo ṇaetan ekkar ñan jetōb, Sodōm im Ijīpt, ijo eṁōj barāinwōt debwāāl aer Irooj ie.
- [9] Im armej jān riloabjen ko, im bwij ko, im kōnono ko, im aelōñ ko, rej alwōj ubeir iuṁwin jilu im jeblokwan raan, im jab likūt bwe ren kalbwin er ilo lōb.
- [10] Im ro rej jokwe ioon laḷ rej lañlōñ ioer im ṁōṇōṇō; im re naaj jilkin]lok men in leḷok ko ñan doon, bwe ri kanaan reinro, re kar kaeñtaan ro rej jokwe ioon laḷ.
- [11] Im ālikin jilu im jeblokwan raan, menonoñ mour jān Anij ej deḷoñtok ilo er, im rej jutak kōn neir, im lōñṇōñ eḷap e ar buñ ioon ro raar lo er.
- [12] Im raar roñ ainikien eḷap jān lañ, im ej ba ñan er, Koṁwin wanlōñtok ije. Im raar wanlōñ]lok ñan lañ ilo kōdo, im ro aer ri kōjdat raar lo er.
- [13] Im ilo awa eo eḷap an laḷ ṁakūt kūt, im juon ṁōttan joñoul jikin kwelok eḷap e ar buñ; im ilo an laḷ ṁakūt kūt eo, re mej armej jiljilimjuon tōujin: im rojet rej lōñṇōñ, im leḷok aiboojoj ñan Anij in lañ.
- [14] Wo kein ka ruo e moot]lok: lo, wo kein ka jilu e ṁōkajtok.
- [15] Im enjeḷ kein ka jiljilimjuon e ar jilel, im ewor ainikien reḷap ilo lañ rej ba, Aelōñ an laḷ eṁōj an erom aelōñ an am Irooj, im an Kūraj eo An, im E naaj kiñ indeeo im indeeo.
- [16] Im elder ro roñoul im emān rej jijet ioon tūroon ko aer iṁaan mejan Anij, raar buñpedo im kabuñ ñan Anij,
- [17] Im ba, Kōm kamṁoolol Eok O Irooj Anij ekajoor otem kajoor, Kwōj kiiō im ar ṁokta, bwe Kwaar bōk am kajoor eḷap im kwaar kiñ.
- [18] Im ri aelōñ ko raar illu, im e ar itok Am illu, im iien ekajet ro re mej, im iien leḷok jinōkjeej ko aer ñan ro ri korijerōṁ ri kanaan, im ñan ro reṁṁan, im ñan ro rej mijak etam, ro redik im ro reḷap; im kōkkure ro rej kōkkure laḷ.
- [19] Im ar kapel]lok tempel in Anij ilo lañ, im ar lo tōptōp in bujen eo An ilo An tempel, im ewor jarom ko, im ainikien ko, im jourur ko, im an laḷ ṁakūt kūt, im wōt repen im reḷap.

JEPTA 12

- [Re 12.1] Im ar lo kakō]le eḷap ilo lañ; juon kōrā ṇa ballin kōn aḷ, im allōñ iuṁwin neen, im ioon bōran pāllin joñoul im ruo iju;
- [2] Im ej bōrōro, im ej lamōj ilo an eñtaan im metak bwe en keotak.
- [3] Im ar lo bar juon kakō]le ilo lañ; im lo drakon ekilmir im eḷap, im ippān jiljilimjuon bōran im joñoul doon, im ioon bōran ko jiljilimjuon pāllin.
- [4] Im lōkōn ej lekake juon ṁōttan jilu iju in lañ, im ar julok ñan laḷ. Im drakon eo ej jutak iṁaan kōrā eo e nañin keotak, bwe ne eṁōj an keotak en kañ nejin.
- [5] Im lio e ar keotak nejin eṁṁaan, Eo e naaj Irooj ioon aelōñ otemjej kōn māāl wāween aḷaḷ. Im ar bōklōñ]lok nejin ñan Anij im ñan tūroon eo An.
- [6] Im kōrā eo e ar ko ilujen āne jemaden, ijo eṁōj kapoj jikin ie kōn Anij, bwe ren naajdik e ijo iuṁwin juon tōujin rūbukwi im jiljinoñoul raan.

- [7] Im raar tariṇae ilo lañ, Maikeel im enjeļ ro an raar tariṇaeik drakon eo; im drakon e ar tariṇae im enjeļ ro ippān:
- [8] Im raar jab anjo, im ar jab bar lo jikiir ilo lañ.
- [9] Im ar joļok drakon eo eļap, jedpānit e rūtto, ṇaetan tepiļ im Setan, eo ej moṇi aolepen laļ, ar joļok e ṇan laļ, im ar joļok enjeļ ro an ṇa ippān.
- [10] Im I ar roñ ainikien eļap ilo lañ im ej ba, Kiiō eṇōj an itok lōmoor, im maroñ, im aelōñ an am Anij, im kajoor an Kūraij eo An, bwe eṇōj jolaļok ri kinaakļok ro jeim im jatim, eo ej kinaakļok er iṇaan am Anij raan im boñ.
- [11] Im raar bōk anjo ioon kōn bōtōktōkin Łaam, im kōn naan in aer kōnnaan: im raar jab yokwe aer mour ṇan mej.
- [12] Kōn men in koṇwin lañlōñ, O lañ ko, im komeo komij jokwe ilowaer. Wo ṇan āne im lōmeto: bwe tepiļ e ar wanlaļwōj ṇan kom, im eļap an illu, bwe e jeļā jidik wōt iien ippān.
- [13] Im ke drakon e ar lo bwe jolaļok e ṇan laļ, e ar matōrtōre kōrā eo, e kar keotak nejn eṇṇaan.
- [14] Im ar leļok ṇan kōrā ruo pein igōl eļap, bwe en kaki ilujen āne jeṇaden, ijo naajdik e ie iuṇwin iien iien ko, im jeblokwan iien, jān mejan jedpānit eo.
- [15] Im jedpānit eo e ar joļok jān loñin ālikin kōrā dān āinwōt reba, bwe en kinōrļok e kōn reba eo.
- [16] Im laļ ej jipañ kōrā eo im laļ e ar walañi loñin, im wōrañļok reba eo drakon e ar joļok jān loñin.
- [17] Im drakon eo e ar kaļapļok illu ṇan kōrā, im e ar ilen tariṇaeik bween ineen, ro rej kōjparok kien ko an Anij, im kōnnaan an Jijej ippaer:

JEPTA 13

- [Re 13.1] Im ej jutak ioon bok in lōmeto. Im I ar lo kidu awiia ej waļoklōñļok jān lōmeto, im ippān joñoul doon im jiljilimjuon bōran, im ioon doon ko joñoul kūrāwūn, im ioon bar ko āt naan in blaspim.
- [2] Im kidu eo I ar loe ej āinwōt leopard, im neen āinwōt neen bear im loñin āinwōt loñin ļaiōñ. Im drakon eo ej leļok ṇan e an kajoor, an tūroon, im maroñ eļap.
- [3] Im I ar lo juon iaan bōran ko āinwōt eṇōj kakinejne e bwe en kar mej. Im e ar mour jān kinej eo kōnjan mej. Im aolepen laļ ej bwilōñ ālikin kidu eo;
- [4] Im rej kabuñ ṇan drakon eo, bwe e ar leļok maroñ ṇan kidu eo; im raar kabuñ ṇan kidu, im ba, Wōn ej āinwōt kidu eo? Im wōn ej maroñ in tariṇaeik e?
- [5] Im ar leļok ṇan e loñin ej ba naan ko reļap im blaspim; im ar leļok ṇan e maroñ bwe en pād wōt iuṇwin eñoul im ruo allōñ.
- [6] Im e ar walañi loñin bwe en blaspim Anij, im blaspim etan, im ṇweo iṇōn, aet ro rej jokwe ilo lañ.
- [7] Im ar leļok ṇan e bwe en tariṇaeik ro reṇṇan, im bōk anjo ioer, im ar leļok ṇan e maroñ ioon bwijin riloabjen, im kōnono im aelōñ otemjeļok.
- [8] Im ro otemjej rej jokwe ioon laļ re naaj kabuñ ṇan e, jabdewōt eo ar jab jeje etan ilo bok in mour an Łaam eo, eṇōj ṇan E, jān jinoin kōṇanṇan laļ.

- [9] Eļañņe lojilñin ippān jabdewōt en roņjake.
- [10] Eļañņe jabdewōt armej ej ñan jipokwe, ej ilok ñan jipokwe: eļañņe jabdewōt armej e naaj man kōn jāje, ren man e kōn jāje. Ijin kijenmej im tōmak an ro remman.
- [11] Im I ar lo bar juon kidu ej waļoklōñļok jān laļ; im ippān ruo doon āinwōt ļaam, im ej kōnono āinwōt drakon.
- [12] Im ej kōmman kōn aolepen maroñ in kidu mokta imaan mejan. Im ej kōmman bwe laļ im ro rej jokwe ioon ren kabuñ ñan kidu mokta, eo e kar mour jān kinej in mej eo an.
- [13] Im ej kōmman men in bwilōñ ko reļap, im ej kōmman bwe kijeek en wanlaļtak jān lañ ñan laļ imaan mejan armej raņ.
- [14] Im ej moņi ro rej jokwe ioon laļ kōn men in bwilōñ ko, emōj leļok ñan e bwe en kōmman imaan mejan kidu eo, im ej ba ñan ro rej jokwe ioon laļ; bwe ren kōmman men in e ñan kidu eo emōj jebōke kōn jāje im ej mour.
- [15] Im ar leļok ñan e bwe en leļok menono ñan men in e in kidu eo, bwe men in e in kidu en kōnono im kōmman bwe ren man ro otemjej re jab kabuñ ñan men in e in kidu eo.
- [16] Im ej kōmman kōn armej otemjej, ro redik im ro reļap, ro ri mweiie im ro ri jeraṃōl, ro anemkwōjaer im ro ri kamakoko, bwe ren leļok ñan er kakōļlen ioon pein anbwijmaroñir ak ioon demaer;
- [17] Im bwe ejjeļok armej en maroñ in wiaik ak wiakake, eļañņe e jab ippān kakōļlen, aet, etan kidu eo, ak oran etan.
- [18] Ijin ej mālōtlōt. Eo jeļāļokjeņ ippān en bwini oran kidu eo; bwe ej oran armej: im oran ej jiljinobukwi jiljinoñoul im jiljino.

JEPTA 14

- [Re 14.1] Im I ar lale, im lo, ļaam ej jutak ioon toļ Zaiōn, im ippān jibukwi eñoul im emān toujin, emōj jeje etan im etan Jemen ioon demaer.
- [2] Im I ar roñ ainikien jān lañ āinwōt ainikien elōñ dān ko, im āinwōt ainikien jourur eļap: im ainikien eo I ar roņjake ej āinwōt ro ri harp rej harp kōn harp ko aer:
- [3] Im rej al āinwōt kōn al ekāāl imaan tūroon eo, im imaan men in mour ko emān, im elder ro: im ejjeļok armej ej maroñ in katak al eo, a jibukwi eñoul im emān toujin wōt, ro emōj wiaik er jān laļ.
- [4] Rein ro raar jab ettoon ippān kōrā raņ bwe rej bōjin. Rein ro rej ļoor ļaam eo ijo jabdewōt Ej etal ie. Rein emōj wiaik er jān iaan armej ro, āinwōt jomōkaj ñan Anij im ñan ļaam.
- [5] Im ilo loņir ar lo ejjeļok riab, ak ejjeļok notaer.
- [6] Im I ar lo bar juon enjeļ ej kāke i mejatoto, im ippān gospel ej indeeo, bwe en kwaļok e ñan ro rej jokwe ioon laļ, im ñan aelōñ im bwij im kōnono im riloabjen otemjeļok;

- [7] Im ej ba ilo ainikien eĵap, Komwin mijak Anij im leĵok aiboojoj ñan E, bwe awa in ekajet eo An e moottok: im komwin kabuñ ñan Eo e ar kōmanman lañ, im āne, im lometo, im un ko unin dān.
- [8] Im bar juon enjeĵ kein ka ruo e ar ĵoore im ba, Ebuñ, ebuñ Babulōn eĵap, eo e ar kaidaak aelōñ otemjej kōn wain in illu in ĵōñ eo an.
- [9] Im bar juon enjeĵ, kein ka jilu, e ar ĵoor erro, im ba ilo ainikien eĵap, Eĵañne jabdewōt armej ej kabuñ ej kabuñ ñan kidu eo, im men in e an, im bōk kakōĵlen eo ioon demōn ak pein,
- [10] E naaj idaaak wain in illu an Anij emōj kapoj im jab käreike ilo kab in illu eo An, im naaj kaeñtaan e kōn kijeek im brimston imaan mejan enjeĵ ro, im imaan mejan Laam.
- [11] Im baat in eñtaan eo aer ej wanlōñĵok indeeo im indeeo, im ejjeĵok kakkije ippaer raan ak boñ, ro rej kabuñ ñan kidu eo, im men in e an, im ro jabdewōt rej bōk kakōĵlen etan.
- [12] Ijin kijenmej an ro remman, ro rej kōjparok kien ko an Anij im tōmak Jijej.
- [13] Im I ar roñ ainikien jān lañ, im ej ba, Kwōn jeje, Emōñōñō ro re mej, ro rej mej ilo Irooj jān iien in, Aet, Jetōb ej ba, bwe ren kakkije jān jermal ko aer; bwe jermal ko aer rej ĵoor ĵok er.
- [14] Im I ar lale, im lo, kōdō emouj; im ioon kōdō eo juon ej jijet āinwōt Nejin armej, im ioon bōran pällin kooĵ, im ilo pein sikel ekkañ.
- [15] Im bar juon enjeĵ e ar diwōjtok jān tempel eo, im ej lamōj ilo ainikien eĵap ñan Eo ej jijet ioon kōdō eo, Kwōn jilkinĵok sikel ne am im madmōd, bwe awa in madmōd e moottok, im jōnikōn laĵ e menoknok.
- [16] Im Eo ej jijet ioon kōdō, e ar joĵok sikel eo An ña ioon laĵ, im ar madmōd laĵ.
- [17] Im bar juon enjeĵ e ar diwōjtok jān tempel eo ej ilo lañ, im barāinwōt ippān sikel ekkañ.
- [18] Im bar juon enjeĵ e ar diwōjtok jān lokatok eo, im ippān maroñ ioon kijeek, im e ar lamōj ilo ainikien eĵap ñan eo sikel ekkañ ippān, im ba Kwōn jilkinĵok sikel ne am ekkañ, im aain wōrwōr in vain in laĵ; bwe grep ko an re kalo.
- [19] Im enjeĵ eo e ar joĵok an sikel ña ioon laĵ, im aain vain in laĵ im joĵok e ña ilo kein joniak wain eĵap eo an Anij illu.
- [20] Im ar juuri kein joniak wain eo ilikin jikin kwelok, im bōtōktōk e ar tōor ĵok jān kein joniak wain, ñan kein dāpij ooj ko ilo juon tōujin im jiljino bukwi fōrloñ.

JEPTA 15

- [Re 15.1] Im I ar lo ilo lañ bar juon kakōĵle eĵap im men in bwilōñ jiljilimjuon enjeĵ, im ippaer jiljilimjuon men in kaeñtaan ko āliktata, bwe ilo er kajemĵok illu an Anij.
- [2] Im I ar lo āinwōt lometo in glass käreike kōn kijeek; im ro raar bōk anjo ioon kidu eo im ioon men in e an, im ioon oran etan, im rej jutak ioon lometo in glass, im ippaer harp ko an Anij.

- [3] Im rej al kōn al in Moses ri korijeran Anij, im kōn al in L̄aam eo im ba, Reḷap im men in bwilōñ ko, men in kōmman ko Am, O Irooj, Anij ekajoor otem kajoor. Rewānōk im reḷool ial ko Am, Kweo kiñ in aelōñ ko.
- [4] Wōn e jāmin mijak, O Irooj, im kaiboojoj etaḷ, bwe Kwe wōt kwō kwōjarjar: bwe ri aelōñ otemjej re naaj itok im kabuñ imaan mejōm, bwe eḷōj kaalikkar kōmman ko Am rewānōk.
- [5] Im ālikin men kein I ar lo, im ar kapelḷok tempel in imōn kōnnaan ilo lañ:
- [6] Im raar diwōjtok jān tempel eo jiljilimjuon enjeḷ ro im ipaer jiljilimjuon men in kaeñtaan ko, im naballir kōn linen erreō im rabōlbōl, im kañūrñūr er ioon tiir kōn kañūr kooḷ.
- [7] Im juon iaan men in mour ko emān e ar leḷok ñan enjeḷ ro jiljilimjuon jiljilimjuon jāpe kooḷ, relōñ kōn illu an Anij ej mour indeeo im indeeo.
- [8] Im tempel eo e ar obrak kōn baat jān aiboojoj an Anij, im jān An kajoor; im ejjeḷok en ej maroñ in deḷōñ ḡa ilowan tempel moḷta jān naaj kajemḷok men in kaeñtaan ko jiljilimjuon an enjeḷ ro jiljilimjuon.

JEPTA 16

- [Re 16.1] Im I ar roñ ainikien eḷap jān tempel eo, im ej ba ñan enjeḷ ro jiljilimjuon, Komwin ilok im lutōk jāpe kan jiljilimjuon in illu an Anij ioon laḷ.
- [2] Im eo moḷta e ar ilok im lutōk an jāpe ioon laḷ: im kinej enana im men in kametak, e ar waḷok ioon armej ro, kakōḷḷen kidu eo ej ioer, im rej kabuñ ñan men in e an.
- [3] Im kein ka ruo e ar lutōk an jāpe ioon loḷeto, im e ar erom bōtōktōk, āinwōt jān ubōn armej emej, im men in mour ko otemjej ilo loḷeto raar mej.
- [4] Im kein ka jilu e ar lutōk an jāpe ioon reba ko, im ioon un ko unin dān, im raar erom bōtōktōk.
- [5] Im I ar roñ enjeḷ in dān ko, im ej ba, Kwō wānōk, Kwe kwōj kiiō im Kwōj moḷta, Kweo e kwōjarjar, bwe kwaar ekajet āindein:
- [6] Bwe raar katōḷḷok bōtōktōk in ro remman im ro ri kanaan, im Kwaar leḷok ñan er bōtōktōk bwe ren ilimi: ewor rueir kake.
- [7] Im I ar roñ lokatok eo ej ba, Aet, O Irooj Anij ekajoor otem kajoor, reḷool im re wānōk ekajet ko Am.
- [8] Im kein ka emān e ar lutōk an jāpe ioon aḷ: im ar leḷok ñan e bwe en kabwil armej ilo kijeek.
- [9] Im ar kabwil armej ro kōn bwil eḷap, im raar blaspim etan Anij eo ippān maroñ ioon men in kaeñtaan kein; im raar jab ukeḷok ipaer bwe ren leḷok aiboojoj ñan E.
- [10] Im kein ka ḷalem e ar lutōk an jāpe ioon tūroon in kidu eo; im aelōñ eo an e ar marok, im raar me loer kōn aer metak,
- [11] Im raar blaspim Anij in lañ kōn eñtaan ko aer, im kōn aer kinej, im raar jab ukeḷok ipaer jān kōmman ko aer.

- [12] Im kein ka jiljino e ar lutōk an jāpe ioon reba eļap, etan Eupretis; im dān eo an e ar roj, bwe en pojak ial in kiñ ro rej itok jān tak aļ.
- [13] Im I ar lo jān lōñin drakon eo im jān lōñin kidu eo, im jān lōñin ri kanaan riab, jilu jetōb rettoon āinwōt frog:
- [14] Bwe rej jetōb an timoņ ro rej kōmman men in bwilōñ ko, im rej ilok ñan ippān kiñ ro an aolepen laļ, bwe ren kokweiloklōk er ñan tariņae in raan eļap, raan in Anij ekajoor otem kajoor.
- [15] (Lo Ij iwōj āinwōt ri koot. Eṃōñōñō eo ej ekil im dāpij nuknuk ko an, bwe en jab etetal im keelwaan, im rej lo an jook.)
- [16] Im raar kokweiloklōk er ñan jikin eo ņaetan ilo Hibru, Armagedon.
- [17] Im kein ka jiljilimjuon e ar lutōk an jāpe ioon mejatoto, im ainikien eļap e ar waļoktok jān tempel, im jān tūroon eo, im ej ba, Eṃōj:
- [18] Im ewor jarom, im ainikien, im jourur im eļap an laļ ṃakūtūt, bwe jān ke armej raar pād ioon laļ ejjeļok an laļ ṃakūtūt eļap āinwōt im rer deiņ.
- [19] Im jikin kwelok eo eļap e ar jepel ilo jilu ṃōttan, im jikin kwelok ko an aelōñ ko raar buñ: im ar keememej Babulōn eļap iṃaan mejan Anij, bwe en leļok ñan e kab in wain in illu e bwil eo An.
- [20] Im aelōñ otemjej raar ko, im ar jab lo toļ ko.
- [21] Im wōt e pen, eļap āinwōt talent, e ar wōtlōk jān lañ ioon armej raņ: im armej raar blaspim Anij kōn men in kaeñtaan an wōt e pen, bwe men in kaeñtaan eo an e kanooj ļap.

JEPTA 17

- [Re 17.1] Im juon iaan enjeļ ro jiljilimjuon, ippaer jiljilimjuon jāpe ko, e ar itok im kōnono ippa, im ba, Kwōn itok ije im I naaj kwaļok ñan eok ekajet kōrā ekijoñ eļap eo ej jijet ioon elōñ dān ko:
- [2] Eo kiñ ro an laļ raar ļōñ ippān, im ro rej jokwe ioon laļ raar kadek kōn wain in ļōñ eo an.
- [3] Im e ar bōk ļok eō ilo Jetōb ñan āne jemaden: im I ar lo juon kōrā ej jijet ioon kidu ejurjur eobrak kōn āt ko āt in blaspim, im ippān jiljilimjuon bōran im joñoul doon.
- [4] Im kōrā eo ej kōņak nuknuk ko eoij im ejurjur, im e lōtlōt kōn kooļ, im dekā aorōk, im bōdr ko, im ilo pein kab kooļ elōñ kōn men in jōjōik ko, im men ko rettoon in ļōñ eo an,
- [5] Im ioon deṃan eṃōj jeje etan, MEN EO ETTINO, BABULŌN EĻAP, JINEN KŌRĀ REKIJOŃ IM MEN IN JŌJŌIK KO AN LAĻ.
- [6] Im I ar lo kōrā eo e kadek kōn bōtōktōkin ro reṃman, im kōn bōtōktōkin ro ri kōnnaan an Jijej. Im ke I ar lo e I ar kanooj bwilōñ kake.
- [7] Im enjeļ eo e ar ba ñan eō, Etke kwaar bwilōñ? I naaj kōnnaanōk eok men eo ettino an kōrā eo, im kidu eo ej jijet ioon, ippān jiljilimjuon bōran ko im joñoul doon ko.

- [8] Kidu eo kwaar loe e ar pād, im ej jab kiiō, im e nañin wanlōñtok jān abys eo, im ej ilōk ñan kōkkure e. Im ro rej jokwe ioon laļ re naaj bwilōñ, ro ar jab jeje etaer ilo bok in mour jān jinoin kōmanman laļ, ñe rej lo kidu eo bwe e ar pād, im ej jab kiiō, im e naaj itok.
- [9] Ijin loļātāt eo mālōtlōt ippān. Jiljilimjuon bōran ko rej jiljilimjuon toļ kōrā eo ej jijet ioer.
- [10] Im rej jiljilimjuon kiñ. ƭalem raar buñ, juon ej pād, eo juon e jañin itok, im ñe ej itok e naaj pād jidik iien.
- [11] Im kidu eo, e ar pād, im ej jab kiiō, e in kein ka ruwalitōk, im ej jān jiljilimjuon ko, im ej ilōk ñan kōkkure e.
- [12] Im joñoul doon ko kwaar loi, rej joñoul kiñ re jañin bōk aer aelōñ, a rej bōk maroñ āinwōt kiñ ippān kidu eo, iumwin juon awa.
- [13] Rein juon wōt pepe ippaer, im rej leļok aer maroñ im kajoor ñan kidu eo.
- [14] Rein re naaj tariñaeik ƭaam eo, im ƭaam e naaj bōk anjo ioer, bwe Ej Irooj in Irooj ro, im Kiñ an kiñ ro, im ro ippān re naaj barāinwōt bōk anjo, ro ri kūr, ro ar kālōt er, im retiljek.
- [15] Im ej ba ñan eō, Dān ko kwaar loi ijo kōrā ekijoñ ej jijet ie, rej riloabjen ko, im jar ko reļap, im aelōñ ko, im kōnono ko.
- [16] Im doon ko joñoul kwaar loi, im kidu eo, re naaj kōjdate kōrā ekijoñ eo, im re naaj kōmman bwe en make iaan im keelwaan, im re naaj kañ kanniōkin, im naaj kanooj tile ilo kijeek.
- [17] Bwe Anij e ar likūt ilo būrueir bwe ren kōmanman ankilaan, im bwe en juon pepe ippaer, im bwe ren leļok aer aelōñ ñan kidu eo maē iien naaj jejjet naan ko an Anij.
- [18] Im kōrā eo kwaar loe ej jikin kwelok eļap eo, ej kiñ ioon kiñ ro an laļ.

JEPTA 18

- [Re 18.1] Ālikin men kein, I ar lo bar juon enjeļ ej wanlaļtak jān lañ, im maroñ eļap ippān, im laļ e ar meramļok kōn an aiboojoj.
- [2] Im e ar lamōj ilo ainikien ekajoor, Ebuñ, ebuñ, Babulōn eļap, im ej imōn timoņ ro, im jikin jabdewōt bao ettoon im kakūtōtō.
- [3] Bwe ri aelōñ otemjej raar buñ kōn aer idaak jān wain in illu an loñ eo an, im kiñ ro an laļ raar loñ ippān, im ro rū wia in laļ raar mweieļok kōn an daepe eļap im enana.
- [4] Im I ar roñ bar juon ainikien jān lañ ej ba, Koṃwin diwōjtok jān e, armej ro Aō, bwe koṃwin jab bōk mōttan jerowiwī ko an, im bwe koṃwin jab bōk jān men in kaeñtaan ko an:
- [5] Bwe jerowiwī ko an raar tōpartok lañ, im Anij e ar keememej nana ko an.
- [6] Koṃwin kōrrā ñan e āinwōt e ar kōrrā, im karuoļok ñan e ruo alen ekkar ñan jermal ko an. Ilo kab eo e ar käreike, koṃwin käreike ñan e ruo alen.

- [7] Āinwōt e ar kaiboojoj e make im tūb|otak e make, āindein komwin le|ok ñan e eñtaan im būromōj, bwe ej ba ilo būruen, Ij jijet Lerooj im jab lio ejako pāleen, im I jāmin lo men in būromōj.
- [8] Kōn men in, ilo juon raan, men ko men in kaeñtaan e, mej, būromōj, im ñūta re naaj itok, im naaj kanooj tile kōn kijeeek. Bwe ekajoor Irooj Anij eo E ar ekajete.
- [9] Im kiñ ro an la|, raar |ōñ im tūb|otak er make ippān, re naaj jañ im liaaj|o| kake, ne rej lo baat in ururin,
- [10] Im re jutak eto|ok jān e kōn aer lō|ñōñ kōn men in kaeñtaan e, im ba, Wo, wo, jikin kwelok eo e|ap, Babulōn, jikin kwelok eo ekajoor, bwe ilo juon awa ekajet eok e ar itok.
- [11] Im ro rū wia in la| rej jañ im liaaj|o| kake, bwe ejje|ok armej ej bar wiaik m̄weiuk ko aer;
- [12] M̄weiuk kool, im silver, im dekā aorōk, im bōōr ko, im linen kwōraidik, im nuknuk eoi, im silk, im ejurjur, im wōjke taiin otemjej, im jāpe otemjej in aivori, im jāpe otemjej in wōjke e kanooj aorōk, im jinibōor, im māl, im ajaj,
- [13] Im sinnemon im spais, im kaijurjur, im men in kapit im frankinsens, im wain, im oil, im pilawā kwidik, im wit, im kidu ko rawie, im jūip ko, im m̄weiuk ooj ko, im jariōt ko, im ro ri kamakoko, im an armej rañ.
- [14] Im leen ko, am̄ ej mōmkaki, remoot|ok jān kwe, im men ko am̄ otemjej rematok im re wūlio, re jako jān kwe, im armej re jāmin bar loi.
- [15] Ro rū wia kōn men kein, raar m̄weiie|ok jān e, re naaj jutak etto|ok, bwe rej lō|ñōñ kōn men in kaeñtaan e, im naaj jañ im liaaj|o|:
- [16] Im ba, Wo, wo, jikin kwelok eo e|ap, e ar kōñak nuknuk ko linen kwōraidik im eoi, im ejurjur, im lōtlōt kōn inok kool, im dekā aorōk, im bōōr! bwe ilo juon awa em̄oj kōkkure aolepen m̄weiuk ko re|ap.
- [17] Im kapen otemjej kapen wa, im armej otemjej rej jerak ijo ko jabdewōt, im ro ri jermal ion wa ko, im ro otemjej rej bōk aer mour ion lōmeto, raar jutak etto|ok jān e,
- [18] Im lamōj ke raar lo baat in ururin, im rej ba, Jikin kwelok ot ej āinwōt jikin kwelok eo e|ap?
- [19] Im raar jo|ok bwidej ion bōraer, im lamōj im jañ im liaaj|o| im ba, Wo, wo, jikin kwelok eo e|ap, ilo eo, ro otemjej ewor wa ko ipaer ion lōmeto, raar m̄weiie|ok kōn m̄weiuk re aorōk m̄weien! Bwe ilo juon awa em̄oj kejeepe|ok e.
- [20] Komwin lañlōñ ion, kwe lañ im kom ro reṃman, im kom ro ri kanaan; bwe Anij e ar ekajete kōn ami ekajet.
- [21] Im juon enje| ekajoor e ar kotake dekā e|ap āinwōt dekā in irir, im jo|ok e ña ilo lōmeto, im ba, Āindein kōn buñ e|ap, Babulōn, jikin kwelok eo e|ap e naaj jeepe|ok, im re jāmin bar lo e.
- [22] Im re jāmin bar roñ ilo kwe ainikien ro ri harp, ak ro rej al, ak ro rej kajañjañ flut, ak ro ri jilel; im re naaj bar lo ilo kwe ejje|ok ri mejādik ilo jabdewōt jermal; im re jāmin bar roñ ilo kwe ainikien dekā in irir;

- [23] Im meram in ʎaam e ʎamin bar romaak ilo kwe, im re ʎamin bar roñ ilo kwe ainikien ro rej pālele; bwe ro rū wia am re kein irooj in ʎa; bwe kōn am maḍmōd emōj moḥ ri aelōñ ko otemjej.
- [24] Im ilo e ar lo bōtōktōkin ro ri kanaan, im ro remman, im ro otemjej kar man er ioon ʎa.

JEPTA 19

- [Re 19.1] Ālikin men kein I ar roñ ainwōt ainikien eḷap an ʎar eḷap ilo ʎañ, rej ba, Alleluya; Lomḥor, im aiboojoj, im kajoor rej an amwōj Anij;
- [2] Bwe remool im rewānōk ekajet ko An, bwe E ar ekajet kōrā ekijoñ eo eḷap, eo e ar kakōt ʎa kōn an ʎōñ, im E ar kajjitōk bōtōktōkin ro ri korijeran ʎān pein kōn iden-onē.
- [3] Im rej bar ba, Alleluya. Im baat in an ej wanlōñʎok indeeo im indeeo.
- [4] Im elder ro roñoul im emān, im men in mour ko emān raar buñ im kabuñ ñan Anij eo Ej jijet ioon tūroon eo, im ba, Amen; Alleluya.
- [5] Im ainikien ej waḷok ʎān tūroon eo, im ba, Komwin wūjtake adwōj Anij, kom ro ri korijeran, im ro rej mijak E, ro redik, im ro reḷap.
- [6] Im I ar roñ ainwōt ainikien ʎar eḷap, im ainwōt ainikien elōñ dān ko, im ainwōt ainikien jourur ko rekajoor, im rej ba, Alleluya: bwe Irooj amwōj Anij, Ri ekajoor otem kajoor Ej kiñ.
- [7] Jen ʎañlōñ im kanooj moḥmoḥ, im leḷok aiboojoj ñan E, bwe pālele in ʎaam e ar itok, im lio pāleen e ar make kapoj e.
- [8] Im ar leḷok ñan e bwe en kōḥak nuknuk ko linen kwōraidik rabōlbōl im erre, bwe linen kwōraidik ej kwōjarjar ko an ro remman.
- [9] Im e ar ba ñan eō, Kwōn jeje, Emōmoḥ, ro jiroñ er kōn kwōjkwōj in pālele an ʎaam. Im ej ba ñan eō, Naan kein naan ko remool an Anij.
- [10] Im I ar buñ imaan neen bwe in kabuñ ñan e. Im ej ba ñan eō, Jab. Ńa ij ri korijer ippam im ippān ro jiom im jatiōm, ro kōnnaan kōn Jijej ippaer. Kwōn kabuñ ñan Anij: bwe kōnnaan kōn Jijej ej jetōb in rūkaanij.
- [11] Im I ar lo ʎañ epeḷok, im lo, oḥj emouj, im Eo ej jijet ioon, ḥaetan Etiljek im Emool, im ilo wānōk Ej ekajet im tariḥae.
- [12] Im mejan rej urur in kijeek, im ioon bōran elōñ kūrāwūn, im ippān etan emōj jeje, eo eḷeḷok en e jeḷā, a E wōt.
- [13] Im naballin kōn nuknuk ko ar katutu e ilo bōtōktōk, im ḥaetan Naan in Anij.
- [14] Im jaran tariḥae rej ilo ʎañ raar ʎor E ioon oḥj ko remouj, naballir kōn nuknuk linen kwōaidik, emouj im erre.
- [15] Im ʎān loñin ej ilok ʎāje ekkañ, bwe En man ri aelōñ kake, im E naaj Irooj ioer kōn māāl wāween aḷa, im Ej juuri kein joniak wain in illu ebwil, eo an Anij ekajoor otem kajoor.
- [16] Im ippān ioon nuknuk ko An, im ioon kejan neen emōj jeje āt, KIÑ IN KIÑ RO, IM IROOJ IN IROOJ RO.

- [17] Im I ar lo juon enje] ej jutak ilo a], im ej lamōj ilo ainikien e]ap ñan bao otemjej rej kãke i mejatoto, Komwin itok im kweilōktok ñan kejota e]ap an Anij:
- [18] Bwe komwin mōñã kanniōk in kiñ ro, im kanniōk in kapen ro, im kanniōk in armej rekajoor, im kanniōk in o]oj ko im ro rej jijet ioer, im kanniōk in armej otemjelōk, ro ri anemkwōjaer im ro ri kamakoko, ro redik im ro re]ap.
- [19] Im I ar lo kidu eo, im kiñ ro an la], im jar in tari]ae ko aer, e]ōj kokweilōktok er bwe ren tari]aeik Eo ej jijet ioon o]oj eo, im jar in tari]ae eo An.
- [20] Im ar jibwe kidu eo, im ippãn ri kanaan riab eo e ar kōm]man men in bwilōñ ko i]maan mejan im kōn er e ar mōni ro re kar bōk kakō]]len kidu eo, im ro raar kabuñ ñan men in e an, im ar jo]ok erro remour ña ilo loma]o in kijeek ej urur kōn brimston:
- [21] Im ar mōn rojet kōn jãje an Eo ej jijet ioon o]oj eo, eo ej ilōk jãn lo]nin: im bao otemjej raar mat kōn kanniōkier.

JEPTA 20

- [Re 20.1] Im I ar lo juon enje] ej wanla]tak jãn lañ, im ippãn ki in abys eo, im ilo pein tomede e]ap.
- [2] Im e ar jibwe drakon eo, jedpãnit erūtto, eo ej tepi] im Setan, im liãpe iumwin juon to]ujin iiō,
- [3] Im ar jo]ok e ña ilo abys eo, im kiili, im sil ioon, bwe en jab bar mōn ri aelōñ ko ñan tōr eo naaj je]jet juon to]ujin iiō ko. Ālikin iiō ko em]man kōt]ok e jidik iien.
- [4] Im I ar lo tūroon ko, im rej jijet ioer, im ar le]ok ekajet ñan er: im I ar lo jetōb an ro e]ōj jebbare er kōn aer kōnnaan kōn Jijej, im kōn naan in Anij, im ro jabdewōt raar jab kabuñ ñan kidu eo ak men in e an, im raar jab bōk kakō]]len ioon demaer, ak ioon pein anbwijmaroñir; im raar mour im kiñ ippãn Kūraij iumwin juon to]ujin iiō.
- [5] Ro jet iaan ro re mej raar jab mour mōkta jãn kajem]ok juon to]ujin iiō ko. Eñin jerkakpeje eo mōkta.
- [6] E]ō]ō]ō im ekwōjarjar eo ej bōk mōttan jerkakpeje in mōkta. Mej kein ka ruo e jãmin maroñ ioer; a re naaj pris an Anij im an Kūraij, im re naaj kiñ ippãn iumwin juon to]ujin iiō.
- [7] Im ne kajem]ok juon to]ujin iiō, naaj kōt]ok Setan jãn prisōn eo an,
- [8] Im e naaj diwōjtok bwe en mōni ri aelōñ ko rej pãd ilo emãn jabōn la], Gog im Megog, bwe en kokweilōklōk er ñan tari]ae eo; im oraer ãinwōt bok in lōmeto.
- [9] Im raar wanlōñ]ok ioon dilpen la] im kōpool] jar an ro rem]man, im jikin kwelōk e jītōnbōro: im kijeek e ar wanla]tak jãn lañ im kañ er.
- [10] Im tepi] eo e ar mōni er ar jo]ok e ña ilo loma]o in kijeek im brimston, ijo barãinwōt kidu eo, im ri kanaan riab rej pãd ie; im naaj kaeñtaan er raan im boñ indeeo im indeeo.
- [11] Im I ar lo tūroon e]ap im mouj im Eo ej jijet ioon, jãn turin mejan raar ko la] im lañ, im jab bar lo jikiir.

- [12] Im I ar lo ro re mej, ro reĵap im ro redik rej jutak imaan tūroon eo; im ar kapelĵok bok ko: im ar kapelĵok bar juon bok, eo ej bok in mour: im ar ekajet ro re mej jān men ko emōj jeje ilo bok ko, ekkar ñan jerbāl ko aer.
- [13] Im lometo e ar leĵok ro re mej ro ilo e, im Mej im Hedis raar leĵok ro re mej ro ilo er, im ar ekajet er, kajju iaer, ekkar ñan jerbāl ko aer.
- [14] Im ar joĵok Mej im Hedis ña ilo lomaĵo in kijeek. Eñin mej kein ka ruo, lomaĵo in kijeek.
- [15] Im eĵaņņe ar lo jabdewōt im kar jab jeje etan ilo bok in mour, ar joĵok e ña ilo lomaĵo in kijeek.

JEPTA 21

- [Re 21.1] Im I ar lo lañ ekāāl im laĵ ekāāl; bwe lañ eo mokta im laĵ eo mokta re jako; im lometo ejjeĵok.
- [2] Im I ar lo jikin kwelok eo ekwōjarjar, Jerusalem ekāāl, ej wanlaĵtak jān lañ jān ippān Anij, emōj pojak ainwōt kōrā ej lōtlōt ñan ĵeo an.
- [3] Im I ar roñ ainikien eĵap jān tūroon eo, im ej ba, Lo, imōn Anij ej ippān armej raņ, im E naaj jokwe ippaer, im re naaj riloabjen, im Anij e naaj pād ippaer, im naaj aer Anij:
- [4] Im E naaj kōmōrāik jān mejeir dānnin kōmjaaĵaĵ otemjej, im e naaj ejjeĵok bar mej, im re jāmin bar liaaĵlōĵ, ak jañ, ak eñtaan; bwe men ko mokta re jako.
- [5] Im Eo ej jijet ioon tūroon eo Ej ba, Lo, Ij kōmman men otemjej bwe ren ekāāl. Im Ej ba, Kwōn jeje: bwe naan kein retiljek im reṃool.
- [6] Im E ar ba ñan eō, Rejejjet. Ña Ij Alpa im Omega, Jinoim im Jemĵokōn. I naaj leĵok ñan eo ej maro jān unin dān in mour ejej oņān.
- [7] Eo ej bōk anĵo e naaj jolōt men kein, im I naaj an Anij, im e naaj nejiō.
- [8] A ñan ro ri pikōt, im ro ri jab tōmak, im ro jōjōik er, im ro ri uror, im ro ri ĵōñ, im ro ri mađmōd, im ro ri kabuñ ñan ekjab, im ro ri riab otemjej, aer ājinkōj e naaj ilo lomaĵo eo ej urur kōn kijeek im brimston; eñin mej kein ka ruo.
- [9] Im juon iaan enjeĵ ro jiljilimjuon kar ippaer jiljilimjuon jāpe relōñ kōn men in kaeñtaan ko jiljilimjuon reliktata, e ar itok ñan eō im kōnono ippa, im ba, Kwōn itok ije, im I naaj bakajjien ñan eok kōrā lio pāleen Ļaam eo.
- [10] Im e ar bōk ĵok eō ilo Jetōb ñan toĵ eĵap im eutieĵ, im bakajjien ñan eō jikin kwelok eo ekwōjarjar, Jerusalem, ej wanlaĵtak jān lañ, jān ippān Anij,
- [11] Im ippān aiboojoj an Anij: meram eo an ej ainwōt dekā e kanooj aorōk, ainwōt dekā jasper alikkar ainwōt kristal.
- [12] Im wōrwōr eo an ej eĵap im eutieĵ, im ippān joñoul im ruo aor, im joñoul im ruo enjeĵ iturin aor ko, im jeje āt ko ioer, etan bwij ko joñoul im ruo, bwijin ro nejin Israel:
- [13] Jān tak aĵ jilu aor; jān eañ jilu aor; jān rōk jilu aor: jān tulok aĵ jilu aor.
- [14] Im joñoul im ruo dekā, foundesōn wōrwōr in jikin kwelok eo im ioer joñoul im ruo āt, etan joñoul im ruo ri jelōk an Ļaam eo.

- [15] Im ippān eo ej kōnono ippa koba koo], kein joñe, bwe en joñe jikin kweløk eo, im aor ko an, im wōrwōr eo an.
- [16] Im jikin kweløk eo ej rilpen wōt juon. Im e ar joñe jikin kweløk kōn koba eo, im ej joñoul im ruo tɔujin fōrloñ. Aitokōn, rilpen, im utiejen rej āinwōt juon.
- [17] Im e ar joñe wōrwōr eo an, im ej jibukwi eñoul im emān mokwōj, ekkar ñan joñan armej, eñin joñan enjel.
- [18] Im kōmman wōrwōr eo an jān jasper. Im jikin kweløk eo ej koo] erre eo āinwōt glass erre.
- [19] Im foundesōn wōrwōr in jikin kweløk rej lōtlōt kōn dekā otemjej re aorøk. Foundeson mokta ej jasper; kein ka ruo saffair; kein ka jilu kalsidoni, kein ka emān emerald;
- [20] Kein ka ļalem sardonix; kein ka jiljino sardios; kein ka jiljilimjuon krisolait; kein ka ruwalitøk beril; kein ka ruwatimjuon topaz; kein ka joñoul krisopresos; kein ka joñoul im juon jesint; kein ka joñoul im ruo ametist.
- [21] Im aor ko joñoul im ruo rej joñoul im ruo bōōr. Kajju iaan aor ko ej jān juon bōōr. Im ial in jikin kweløk eo ej koo] erre, āinwōt glass e alikkar.
- [22] Im I ar lo ejjeløk tempel ilowan; bwe Irooj Anij ekajoor otem kajoor, im ļaaṃ rej tempel eo an.
- [23] Im jikin kweløk eo e jab aikuj a] ak allōñ bwe ren romaak ioon: bwe aiboojoj an Anij ej kamram]øk e, im ļaaṃ eo an, ļaaṃ.
- [24] Im ro ri aelōñ ko re naaj etetal ilo meram eo an, im kiñ ro an la] re naaj bōktok aer aiboojoj ñan lowaan.
- [25] Im re jāmin kiili aor ko an ilo raan (bwe e naaj jeløk boñ ijo):
- [26] Im re naaj bōktok aiboojoj im nōbar an aelōñ ko ña ilowan,
- [27] Im e jāmin de]oñ ilo e men ko rettoon, ak eo ej kōmman men in jōjōik, ak riab; a ro wōt emōj jeje er ilo bok im mour an ļaaṃ.

JEPTA 22

- [Re 22.1] Im e ar bakajjien ñan eō reba in dān in mour, ejatōltōl āinwōt kristal, ej tɔor]øk jān tūroon an Anij im ļaaṃ eo]ōpin ial eo an.
- [2] Im i tōrerein reba eo wōjke in mour rej kajob e, im ej jebar leen joñoul im ruo wāween im ej kalle allōñ otemjej: im bwilikōn wōjke eo kein kemour ro ri aelōñ ko.
- [3] Im e naaj jeløk bar koo]: im tūroon an Anij im ļaaṃ e naaj ilo e, im ro ri korijeran re naaj korijer ñan E.
- [4] Im re naaj lo turin mejan, im etan e naaj ioon demaer.
- [5] Im e jāmin bar boñ, im re jāmin aikuj meram in ļaaṃ ak meram in a], bwe Irooj Anij e naaj rome er: im re naaj kiñ indeeo im indeeo.
- [6] Im ej ba ñan eō, Naan kein re tiljek im re mool: im Irooj Anij an jetōb ro an ro ri kanaan E ar jilkintok enjel eo An bwe en kwa]øk ñan ro ri karijeran men ko re naaj wa]øktok mōkaj.
- [7] Im lo, Ij iwōj mōkaj. E mōñōñō eo ej kōjparok naan ko an kūr in bok in.

- [8] Im ña Jon I ar roñ im lo men kein. Im ke I ar roñjaki im loi, I ar buñ bwe in kabuñ imaan neen enjeļ eo e ar kwaļok ñan eõ men kein.
- [9] Im e ar ba ñan eõ, Jab. Bwe ña ij ri korijer ippam im ippān ro jiom im jatiõm ro ri kanaan, im ippān ro rej kōjparok naan ko an bok in. Kwōn kabuñ ñan Anij.
- [10] Im ej ba ñan eõ, Kwōn jab sil naan ko an kūr in bok in, bwe epaak iien eo.
- [11] Eo e jab wānōk, en bar kōmman jab wānōk: im eo ej ettoon en pād wōt im ettoon: im eo ej wānōk en bar komwin wānōk: im eo ekwōjarjar en pād wōt im kwōjarjar.
- [12] Lo, Ij iwōj mōkaj; im aõ jinōkjeej ippa, bwe in leļok ñan armej, kajju iaer, ekkar ñan jermal ko an.
- [13] Ña ij Alpa im Omega, Eo mokta, im Eo āliktata, Jinoim im Jemļokōn.
- [14] Emōñõñõ ro rej kwaļkoļ nuknuk ko aer, bwe en ippaer maroñ in itok ñan wōjke in mour, im bwe ren deļõñ ilo kōjām ko ilowan jikin kwelok eo.
- [15] Ilikin rej kidu rorrer ko, im ro ri madmōd, im ro ri ļõñ, im ro ri uror, im ro rej kabuñ ñan ekjab, im ro otemjej rej yokwe im kōmman riab.
- [16] Ña Jijej I ar jilkinļok aõ enjeļ bwe en kōnnaan wōj men kein ñan eklejia ko. Ña Ij okran im nejin Devid, iju raan e rabōlbōl.
- [17] Im Jetōb kab lio rej ba, Kwōn itok. Im eo ej roñjake, en ba, Kwōn itok. Im eo ej maro, en itok: eo e kōnaan, en bōk dān in mour ejej oñān.
- [18] Ij kōnnaan ñan armej otemjej rej roñjake naan ko an kūr in bok in, Eļañne jabdewōt armej e naaj kobaik ñan er, Anij e naaj kobaik ñan e men in kaeñtaan ko emōj jeji ilo bok in:
- [19] Im eļañne jabdewōt armej e naaj ikūr jān toñ naan ko an kūr in bok in, Anij e naaj ikūrļok ājinkōj eo an jān wōjke in mour, im jān jikinkwelok e kwōjarjar, men ko emōj jeji ilo bok in.
- [20] Eo ej kōnnaan men kein, Ej ba, Aet: Ij iwōj mōkaj. Amen: Kwōn itok, Irooj Jijej.
- [21] Jouj an Irooj Jijej en ippān ro remman. Amen.